



四庫禁燬書叢刊編纂委員會

北京出版社

四庫禁燬書叢刊





集部第一七六冊目次

喙鳴文集二十一卷詩集十八卷

〔明〕沈一貫撰  
明刻本

一

北征小草十二卷

〔明〕張泰階撰  
明崇禎刻本

五九九

喙鳴文集二十一卷詩集十八卷

〔明〕沈一貫撰

明刻本

北京大學圖書館天津圖

書館藏

沈文恭公集序

脩辭與經世不同途而同軌六經  
多三代之文語語經世而辭脩其  
中無意於文而文生焉故曰三代  
無文人六經無文法非無也人無  
之而非文文無之而非法也世降

陸鳴集序

一

而有文人有文人則有文法然左  
馬班之徒猶能以其文載理亂故  
其文亦羽翼六經垂萬世而弗朽  
紀執此以証吾師沈文恭公而確  
然信之紀方髫髻喜讀師戊辰南宮  
試牘已出師之門而遊木天喜讀

師館閣諸課以爲博洽典則皆盛  
世之音鑿鑿可施諸政迨師沒十  
餘年集始盡行伏而誦之驚怖其  
言洵河漢而無極而向之試牘館  
閣諸課皆師井中天何眇之乎窺  
師也夫師以三十年文學侍從之

陸鳴集序

二

臣十年執政事乾綱獨攬之  
主此十年間所稱三公三孤唯師  
一身如晨星獨朗得君專矣而又  
若不易得行乎國政久矣而又若  
不易行師之心方且朝乾夕惕無  
一息不在天下國家則其口之所



宣亦無一語不屬天下國家庸詎知所謂辭而脩之師之所謂文亦誠無意而生故其思所抽如雲霞蒸湧格所布如河嶽奠列辭所摛如萬水百卉之呈敷獻榮皆天地間自然之文章故其序事暢而委

歐陽集序

三

其論議辯而大其紀載該而覈其上下數千百年以至我

國朝之典故靡不周知而悉舉通今博古吟代無雙總之以經國學術措爲華國詞章益庶幾三代之文人而符合六經之文法其于左

班馬之徒曷嘗如脩辭者之屑屑焉規而模之而求以自肖而自畫也憶昔立師門時聞之師曰

國家之文凡三變

明興之樸雅成弘以來之高華慶曆間日求奇麗而日就浮靡椎輪

歐陽集序

四


化爲大輅大輅化爲雕車古道畧盡不可爲法今讀其文乃知師力起文章之衰風卽如其力挽世運而反古吾師伐在吾世何可磨滅宰相尊行其道師之若不易行者在政不在道道行卽政行文者載

道之器固將歷萬世而師不朽而  
何止行其道於今日之政文章可  
以觀事業故曰不同途而同軌後  
之讀師文者無徒作他人紙上空  
言觀雖謂吾師操兩科而遊孔氏  
之門可矧師立德又進乎文章政  
事而上之

張鳴集序

五

門生張邦紀頓首拜譔



公生于嘉靖丁酉

喙鳴文集卷一目錄

贈序

壽南充陳相公暨配王夫人序

南充陳相公七袞序

大司空萬安朱公新渠成序 代殷師作

宮保太宰海豐楊公七袞序

大司徒石埭畢公七十序

宮保銅梁張公入掌本兵序

大司馬霸州王公致政序 代楊太宰作

喙鳴文集 卷一目錄

曹近陽督學四川序

余少叅遷貴州憲副序

周郡侯序

李同知序

葉節推序

蔡肖無序

寧波同知种方塘序 少時代人作

郡侯張原正入朝三年序

劉汝立叅政江西序

喙鳴文集卷一

四明 沈一貫肩吾

贈序

壽南充陳相公暨配王夫人序

南充相公在隆慶時以舊學承弼 天子為少傅

自一貫出門下所睹見者蓋三上封事其十言乘

輿 天子秘弗傳世莫聞焉他皆宗廟生靈久長

之計下郡國郡國賴其便已乞致仕歸疏數上

天子不得已第聽之送都門者以為疏廣復生而

喙鳴文集 卷一

一貫於時蓋竊歎之也夫服金紫馳駟王仕宦將

相富貴故鄉世人以為憲非大人之節也採芝茹

苓細萬物遺人倫豈不亦亢潔哉已致身為臣分

與此絕又非所宜逃也令名終始皜然弗瑕士大

夫願之而非大臣之操也大臣位鼎足為 天子

兆民倚毗豈其計一時之利而明哲自免此為美

談不已虧采且古稱功成名遂身退而翁去時尚

陳說章章謂 天子公卿尊官厚祿第憑藉寵靈

優游歲月而已曠職甚雖老宜乞身而不宜無



以報 陛下也冀 天子憶臨別語感動之而思  
憂患弊屢致意焉此亦戀闕憫時欲竭忠力以舉  
功名之一效也嘉遯云乎哉然竟辭 主上不謂  
其忽加爵益祿給傳護行款情優禮君臣之間天  
下莫窺其際近古寡儔矣翁去之二年而 今皇  
帝御極上 尊號兩宮推恩在廷於是公子編修  
陞上書願推父職高於子得進一階之義而賜臣  
父前致仕時所加太子太師吏部尚書之誥 天  
子曰微請固宜給之自三代祖妣及夫人與偕是  
歲也王夫人年六袞矣而翁壽加夫人二編修君  
謂父母並存沐浴恩澤益喜將以夫人初度上之  
一貫賀編修君曰昔漢宣帝時韋賢以先帝師爲  
丞相老病乞骸骨賢有子玄成修其業故史臣載  
曰丞相致仕自賢始有宋歐陽公以觀文殿學士  
太子少師致仕子發郊恩特加太尉此皆以明德  
繼體後先相輝映焉傳之後世爲美談自子拜恩  
而使明之考典章者有所稱述而父師之聲益光  
是增其壽不獨年者也國家典章弗著與功臣世

東坡文集

卷一

三

集

家賢大夫之業弗述史氏羞之吾志其事以貽後  
世子亦務述玄成無墜我師相之聲

### 南充陳相公七袞序

凡今脩佐觴之詞者效祝而已爲長者先生壽其  
言尤選惠進溢不可以徵信如爲鉅公拾之患有  
所忽遺也進溢乎哉若小子一貫之爲師相陳翁  
則盈于德而詘于辭始隆慶戊辰一貫奉公車對  
翁實居中秉樞機既與三十三人者讀書禁中日  
稟承學爲門下士闇劣不能觀翁大較得一二焉  
翁以鞠躬履方爲臣以篤忠敬率人不佩韋弦而  
性行淑均蓋有道君子也然苦隳肝膽而憂四方  
上摩衮闕下廟貴近納溝撻市喻豈遠乎又毅然  
社稷任臣也然通塞若水變化若龍敝屣三旌而  
不顧塵釜萬鍾而不取自二疏青門以來天下高  
其節體醎酸之性以無味爲御也于是乎天下以  
爲累德無行不受一名然翁大臣也大臣者審權  
國是甄量世材計社稷之危固于幾眇不形之先  
而謹調節之不著其庸嘉隆間於易爲革鼎之際

東坡文集

卷一

三

集

翁與二三元老夙宵其間國史不能悉而書然起墜脩佚當積習之後能去其太甚而已不能無縱舍翁常言今政寬而士弛猷未遠也老成人見之矣天下之名翁者謂翁始拜也且拜且疏十事可以方姚陝州二年再疏四事去之歲又疏六事所謂韋孟辭國不忘本朝申伯雖外乃心王室者也而不知此非所以觀翁藉令翁而盡用所欲為搖舌散墨鬱為雲雨何言之暇乎今雖言不能狀其所欲言者百一而其至者不可載于言其易而叢

喙鳴文集

卷一

四

戴姓

委不可舉于書卹卹焉有餘心乎其精者具在啟沃之篇然吐口納耳精意灌輸意有感動皇極而左右不能窺其微者效不可睹矣雖有他言可無奏已猶有言焉忠臣庶幾之心哉一貫以為古之賢者常有不畢之功與不畢之言環材文本不有斷不可以為棟梁求棟梁者不有貳不可以為室故世之生賢必有餘國家之用賢必有餘賢者之用於天下必有餘餘必有所用天下之族而譚者稱渭濱八十介休九十曰猶望陳翁也翁子曰修

撰君在 今皇帝帷幄父子以經術事兩朝稱濟美而翁日夜念修撰君曰來會初度於是修撰君請告 天子曰少傅 先皇帝股肱臣自藩作輔國有黃髮邦家之休於是出精鏐文幣持詔書即賜且賜修撰君而又令守土吏存問以明尊寵舊德之意於是有異數者三令甲大臣致仕非九十不存問而翁以七十雖存問 天子無特賜而翁特賜廷臣非六載不歸省而修撰始來再期且給傳嚮吾讀書禁中者聚而謀曰 天子有命吾門

喙鳴文集

卷一

三

徐景之

下士庸無以觴迺令小子一貫次言而獻之因修撰君

大司空萬安朱公新渠成序 代殷師作

國家仰河利漕河亦數病漕嘉靖間決漕者八而乙丑尤甚漕自沛國北者引山東諸泉南者浮於河達於徐呂二洪顧南土高河漸北而徙或出新集或出龐家屯至是新集淤龐家屯亦淤而水從華山入飛雲橋蕩靡沛邑湛昭陽湖渠始大壞不可漕 先皇帝以為憂咨在廷臣誰可入者僉謂

朱公公往率四部中丞繡衣都水使者按行之舟  
出木末汎汎隨鳬上下彌漫不可辨安得所謂故  
渠疏之也或言宜治上流如新集龐家屯者令水  
有所分渠可復治上流須發卒五十萬費亦百五  
十萬即具矣不能操舟沒而治也河性悍土善隴  
曠日之所鑿一朝淤之野無青草方囁囁告而久  
頓大衆不解以幾不可期之功非策日者百萬粟  
膠淮不進獨恃 天子威靈道昭陽湖以達耳潦  
水盡後胡陵之陸可盪乎念治胡陵又非十二萬  
粟鳴文集 卷一  
人不可如畫脂鏤冰費日損功終爲河伯除道矣  
公習於故事召問父老異時所謂盛中丞渠者安  
在而往視之盛中丞渠從南陽東抵夏村又東南  
與留城故渠會竟一百四十一里而所未就者獨  
四十里厥土燥剛度河不能決而道復徑可漕惟  
鮎魚薛沙諸泉頗侵之殺其勢則無憂發十萬人  
治之易耳且萬世之利也乃上疏言而或以爲不  
便 天子遣使者按視令遂成之公乃授水工畫  
竟成新渠然後隄馬家橋以遏河流之入沛者使

盡入於秦溝淪舊渠起留城迄境山五十三里疏  
支河以殺薛沙二水之勢者九十六里建閘置壩  
厚隄密樹十月而告成功 天子嘉之拜太子太  
保而是時公亦考三載績矣始乃舍畚鍤修禮樂  
都水六使者持觴而壽殷子曰余聞先民謂黃河  
北徙國家之福也丘文莊以爲不然其說曰國家  
漕渠本不俟河而河性不常一日復去乃更病渠  
今其言信矣夫盛中丞之績信偉然不就于當時  
而待司空自司空成渠壩擯河不用曷嘗一日患  
涸哉故曰不俟河獨如嚮之人按求故道虛糜廩  
帑漫漶支離涓滴以補江南之輸豈太倉有也治  
天下亦如是而已衆人取平萬物以生淑淑淵淵  
君子故不可測哉  
宮保太宰海豐楊公七袞序  
昔皋陶稱翕受敷施九德咸事大臣將搜述索耦  
以事 主上非魁然大則翕受之途塞何以載采  
采而材諸位崇岡巨壘所謂長育蕃茂而無貲量  
者廊衍闕也四瀆發源而注海不自爲宗而宗歸



壚彼無激流游波琮琤之聲。無股引竇注沾沾之  
慈而決莽無垠矣。嶽瀆之象三公有味哉。余嘗貴  
正乃覩楊翁而貴大大奚貴哉。既已曰大凡清廉  
力勇才捷能智文質剛直一切取節之名皆棄不  
論。譬論馬則百體具論百體無全馬。夫正尚矣而  
人之貴正人者未有不取節也。拾其小捐其大則  
人役而非役人。惡稱大人若太宰楊翁可謂大矣。  
事親孝取予廉雖倉卒遇人必以禮所至有頌聲  
去則思居塞上用兵屢上功而不處為九卿以誠  
味鳴文集 卷一 八 兼注

之用人也。若射覆而今之用人也。如懸的射覆者  
人不能知而宵人魅物既以知之矣。懸的者懸於  
九達之衢。昭昭乎若白日之麗青天。與衆見者也。  
大人之效如此。翁居雜魯間鄒魯之於學固天性  
哉。翁嘗言人母有四心。一私心二偏心三自用心  
四怠易心。有一則病或謂翁忠厚太過。翁曰。忠厚  
無過。我患不及耳。翁嘗言君子務自修。毋多望人。  
亦無多慮。人翁嘗言道在平。操不平之行者去道  
遠。翁嘗言君子務顧盼人。務提衡人。吾視天下無  
味鳴文集 卷一 九 徐集之

善。今執御者端又借二三君子之助。僕敢不力。請再辭。三酌而稱曰。願翁治與安。嚴神明。中夜而興。盟於吳清。夫心如結。輜如懸。旌如熾。火如凝。冰俯仰。再天地之外。少盪而蓋輿傾。可不慎與。且夫貴日月者。常明。貴岡陵者。常生。貴松柏者。常茂。貴百川者。常行。願翁儀畢公之勤。物懋衛武之交。儆舉則思永年之計。行必念高山之景。無以鄧林輕槎。蕩無以江河小蟻漏。無以千里易跬步。無以六翮翫乎。故曰。戰戰栗栗。日慎一日。淑人君子。其儀如。一小子不諛。敢告司律。翁拜手再起曰。吾子不余耄而箴我。敢忘大惠。於是乎謂之善頌。善禱書焉。

### 大司徒石埭畢公七十序

令甲大化七十則引年有詔。彊留之。復就列。蓋年以七十為斷。迺精神耗息。不以年故。年或不及而聽去。或及之不聽去。惟上所財予。皇帝十四載。大司農畢公請年。上曰。公端清恭恪神王于壯夫國計。倚辦胡可。早自解去。其勉陪朕蓋。上

喙鳴文集

卷一

一

喙鳴文集

卷一

一

之耆禮耆碩如此。始公嘉靖甲辰魁南宮。則稱鴻儒。癸丑之役。以刑曹郎被徵。校春秋。得天下知名士多。其尤著者。同州馬太保。肥鄉張大司馬。丹陽姜大司寇。天台吳少宰。崑山顧少司馬。皆大雅不群之士。其後督學兩浙。所羅滋多。遽不能數。數今在京師者。則會稽朱少宗伯。及不佞一貫輩。如干人。此如干人者。咸肩隨吳少宰。鴈行負牆而稱弟子。以五月五日先生初度相與戒羔鴈牢醴為壽。莫適受簡。諸弟子雜置辭。而一貫牽連書於左方。一生曰。夫先生天壽之矣。其容溫然。其頰頽然。其身脩然。渾然其無稜。而介然其無倪。蓋道與之貌。天與之形矣。一生曰。不然。子徒既先生之文。未既其實。先生行方而性直。志高而意誠。身僂僂乎而介然堅觚。賁育無全鋒。雖休休為大。而講參揆畫九。九不禁。又如淮陰之益辨也。蟋蟀念居羔羊檢身。與進士言。必稱先王。罔以畸言改厥常。居則憂國。慮時。忠敬誠信。可以金石敝矣。大農筭錢穀。佐縣官之急。徃心計之臣。多方豐其入。實引海水灌

漏卮不虞出也。紅朽相比，第為國家滋侈，惜耳。無益哉。善夫先生之為奏曰：臣起農家，勤不如儉，賚子有節，無益不作，雖寡入猶寬然，餘也。惟人亦然，有懲煩、肥脂而中道夭者，有癯瘠不任而延歷壽者，其蓋臣之石言哉。太倉故蠹，叢也。先生盡剝去，使夷簡水旱牘至，輒議蠲賑以溝隍感。聖心先生之德如此，明神之持，不亦宜乎。一生曰：然。夫錢穀雖罪屑，而於民最近。流仁暢慈，則朝發而夕暨，操急播厲，亦遽至而機執。非思入毫芒之間而意喙鳴文集卷一十二

常在閭閻愁歎之中，又不難違拂批逆與左右爭錙銖，誰能辦者。國家大司徒往獨夏忠靖郭忠襄年恭定，近稱梁端肅無踰四公。先生之節類年與梁，天下望先生之提鼎享祺，謂當在夏郭間也。一生曰：無稱夏郭，昔成周有四世元臣，年百歲而上者，非先生之先與。克勤小物，正色率下，罔不祇師言。襲周公之事，保釐東郊，成周賴之。先生將復其世，何言夏郭。先生之言曰：鏡無心，猶以照昏，權無營，亦以用磷。而況於人乎。故雖於吾輩弟子行俯

僂求箴規，不勸先生百歲，則於國家亦天地無極。請年未有日也。

薊遼保定總鎮宮保大司馬銅梁張公入掌本兵序

今年秋，大司馬王公致仕，詔群臣議代者。僉曰：張公先是御史，言諸邊鎮不宜數易。上韙之，廼張公實總督薊遼保定軍。上重公，遷更求其可者。群心咸儀公再推擇。上亦竟召公。夫邊鎮之重於他吏，薊遼之重於他邊，視大司馬之重於鎮正喙鳴文集卷一十三

等。天子重薊遼，則曰毋踰公；重本兵，則又曰毋踰公。公何以得此於上哉。天之生才不數，而成之不偶，均為政而斯人獨遭溷測，崎傾紛綸危地，而後始發其倣儻瑰瑋之才，以見耀於當年。若有意乎底厲彫琢之者，蓋天與人交贊也。張公具文武上略，自令滑則靖劇盜之變，備兵皖則靖亂卒之變，鎮上谷則靖強虜索賞之變，鎮浙則再討民與兵之變。所至皆預發難待之而談笑以挈之安，廼為薊遼功尤爛然。遼孤懸斗辟，其人沉鷖忠勇。



為國家出死力若薊我宇下地持之若捧玉執盈惟恐搖之我附虜久虜更挾以邀我急則功有緒不忍棄緩則示弱啟侮短長時出輕重同得厥不易哉公於遼則振神慮畢籌策鼓諸將之氣而時繼其乏絕於薊則蒐戎設械息民完疆飄忽威武以警奪虜氣故自甲至於乙才二年所而遼師執鹵獲醜二千三百有奇薊再擒質夷大嬖只趕免等十輩奪長昂董狐狸二酋賞叩關乞哀乃復之以金帛搏黍弄雛于掌股群胡嚙臂誓不敢背成

喉鳴文集

卷一

十四

經營之烈近罕儼矣夫大司馬於職方無所不問而尤急胡附胡則天下猶附四支故曰無踰公大氏上軍伐謀余觀公生平所為赫然烈者無不以謀勝未見其發而先至收功於萬全無僥一時之倖也公嘗曰虜惡能驕我實驕虜我誠伺其釁而抗之事成虜在吾握不成吾以全師制一虜亦無患頃虜小入輒請出師勦之軍氣百倍然公非提空聲而虛喝之實恃吾有以伐之者而後伐之故論薊遼國家實以遼堅薊論九邊治九邊當如治

遼而後遼始不孤直指奉 上令以八事閱公則盡兩轂弓弩踰關戰之士資糧山峙關障壁立索敵而思一試其奇公軍若此大司馬不亦宜乎抑余甚善乎梅尉之言尉言孝武時眾賢聚于本朝而淮南沮謀方今布衣乃窺國家之隙見間而起此輕量大臣亡所畏忌國家之權輕而匹夫與上爭衡也公來大臣胡不重眾賢胡不聚于朝而何匹夫之敢辟倪於其間不佞日望焉

大司馬霸州王公致政序代楊太宰作

喉鳴文集

卷一

一五

余同年霸州人王公仕三十禩而為度支度支弊孔多公務為勤日督諸曹郎治簿書不中程不休以其間為主上陳天下大計某某宜施行者指在節用彊兵設未然之畫云今年以公為大司馬公益自發舒幾身行其言而會意有所不可遂力疏歸業駕已二三大夫追思之余嘗讀賈子書論官人六等談大臣之概歎以為國有若人庶幾重乎而乃今見公蓋屬者域內恬熙大小臣工斤斤稟度見謂太平之路晏如矣乃先生獨焦心蒿目

慷慨憤積務信其謬謬之情而毋恤乎兢兢之視  
紳弁士以此嚴先生將為藥石乎大臣難矣談何  
容易今夫批疑劇劇轂運機旋循之無端叩之不  
竭此謀臣之所以智輸也投煩置亂左應右支意  
運神營還至立效此才臣之所以能豎也皆世之  
所謂難也若夫端操足以範物異采足以銷萌正  
芴垂紳鼎呂人國難乃甚已足惟大臣故曰使謀  
臣畫之而使大臣鎮之使能臣營之而使大臣安  
之始公之拜大司馬也或曰王公何如余謂王公

家鳴文集

卷一

十六

在事將令債帥之風不禁而消戰士之氣不鼓而  
倍居無何信然凡爪牙之旅于戎者罔敢嬉糗糧  
芻稗之供必時靡侵削其毫毛無不飽于伍而騰  
于槽嚮之置驛馳使不腴筐篚脩歲時之問于游  
間者徘徊國門不敢進母所謂端操異采足以範  
物而銷萌者歟漢公卿之賢不乏乃史所稱有大  
臣風者申屠嘉耳武帝素不快于汲黯至論社稷  
臣則曰惟黯為近于是乎鄧通扶服乞死而淮南  
懾然寢其謀夫漢相即貴倨何絲法天子之弄臣

一右內史耳而力乃鉏兌鏹萌愈于六師彼其素  
剛直敢諫尊或冒乘輿而難或決城社衆或忤忌  
諱而隱或擿幽逃孤立行一意金石當開而況於  
人乎彼有所以豫禁其釁而陰抑其驕者故尺符  
呼之不得不來口未譙呵而肅於天狼之弧也故  
曰猛獸在山藜藿為之不採大臣重矣王公歸余  
安能無桀哉或曰若是則霜霰是雨露非矣日者  
不霜霰乎曷為解調之哉余應之曰子以一雨露  
為足以竟天地之大也是不知春夏秋冬四時行  
也且雨露之日而微雷霆天地之惠不幾於殫乎  
社稷之重也海宇之大也胡可以令王公翩翩往  
也

家鳴文集

卷一

十一

### 曹近陽督學四川序

在尚書郎稱治貞亮頗聲者推曹公公新安人用  
禮起家進士庚辰春官求為禮宗而家弟一中謬  
辱門下癸未蜀人以督學告天子問天官大宗  
伯御史大夫僉以曹郎對於是家弟為不佞言曹  
公往有日也以不佞曾望見曹公明之言蓋不佞

聞客之私為語矣曰夫縣官器任賢哉昔左大冲賦蜀都云江漢炳靈世載其英則長卿子雲氏稱首矣長卿子雲何如人哉不曰子虛託上林侈惟寂寞自投閣乎有如其然行誼之謂何 聖天子廣布功令重督學使者指安在乎大夫士第習公之文乎將毋謂文人也而已矣第習公奉職理官謂公枚先生嚴夫子之徒止矣公用經術署文事則彬彬者矣至策行砥躬要以真質獨勝不欲樹顏矜色遊於蹕跽之塗又何文之彬彬而行之嶽

嶽鳴文集

卷一

十八

嶽也夫以稀韋氏之民觀今之世其孰能不波故畫楮非緇而有衣者緇刺木非驥而有駕者驥士而楮木何國而筏有儻西蜀閭巷少年萬之一乎其有之則釋曹公誰可故舉丁子襄施長卿而佐掌邦計業未遑辦授韋張王武諸君子以臯比使儼然臨之吾知其無當于南面何者躬修未白而無至之技單也以不佞而觀曹公者豈不瓌然通材士哉當公在郎舍按齋嘉慎闢出不喜小小治辦然吏不敢侵牟毛髮而公府嚴之如神明使造

巴蜀也揚馬何足道哉彼且因其材可大大可小小拔之非驟抑之非淹較若持衡此其風采文雅譬之布侯中侯布鵠中鵠置七札貫札百步而置楊葉穿楊葉此通材之喻也弟曰唯唯則以不佞言觴公於是公西矣沈子曰從廬江文翁為蜀郡選張叔等詣京師受博士業且減少府用度買刀布遺博士數歲蜀生學京師者埒齊魯今曹公所教士夫非文翁所招下縣及補孝弟力田子弟之遺乎向諸生受業猶詣京師今青青者衿不離鄉

嶽鳴文集

卷一

一九

井而得曹公之教此其奮起震爽眎漢時當孰多蓋班生曰至今巴蜀好文雅皆文翁之化他日不譚文翁而譚曹公必蜀人士矣

余少叅遷貴州憲副序

先生於吾浙分藩寧紹台三郡三載矣先生於吾郡侯游公居同里進同榜又官同業日以益親以其故先生報政成余師司成公為游公賜言無何而今命至司成公謂小子一貫曰汝亦昌言小子敬諾小子知先生孰與游公而代游公言尸祝事

神不如主人而尸祝載言則余小子宜可余聞先生之始釋褐也從天官卿學為政至必先去必後陪卿江山毛公之端清也獨器先生以為勤勤則無留事無苟成請署為己邑故先生未之官而蚤有聞江山之政最召為南御史御史不溫席而入楚為僉此其故難言之矣而先生之聲益高自楚移浙又三年而有今遷由覩記以來藩大夫魚貫並進不一再年近或日月更而先生官簿居右三副銓人之書而真遷又隨牒之遠方數餘資者殊為先生簿先生不簿也驛至欣然卷圖書揭擔囊去若游客素士不持一物游公馳使送之遠矣不可跡矣僕嘗亟見先生望其門輿臺肅給緇請路絕然單詞片寃曾不昂踵而旋聞履其庭捷杌姦冒簿領無留合要則勝者負者其款無憾蓋無置怨德於其間不擾而已法者所以道民入善之方非矯民性也俗吏不知上指馮陵橋度持便文陳曲械以為建領之術盡是而不知民心之剛有橫分無算從也憂天下者寧獨夷僚哉剽輕之虞往往

往興於禮義詩書之國東野之御竭而必奔故吏不可逆當從民也不幸有爭吏不能兩從而從之以公傳置不煩而定鑽鑿可加而不悔由此則異類皆赤子不由此同衾為遠貴州大荒裔雖入版圖二百餘年而桀驚若性一動輒稱亂搖之若發機而安之難於揉曲矢繫歌弓也貪宴嬉樂綺璋者皆苦其往以先生之道行之奚而不可盤錯知利銅柱勲名豈異人任哉先生有族子曰中宇君給事陪京好危言免而家居蓋余氏世有人也余又聞先生封君翁之賢也魁宿蘊殖抗青雲之節都授子弟咸秩不偷先生仕四方常居中斤斤庶其所為故先生益飭躬輜輶駢懸兩旌而西封君豈復能俱其歸老余村以綱紀後人毋憂先生游公曰凡太史所以談余先生者非貌言雖於應乾之志未或旌焉亦足以獻且太史試為我論先生不薄貴州何以也沈子曰余聞貴州風物語曰天不襲晴山不襲平即晴也濃淒滄鬱亭午始見日輒收之山則巉末競指天繚繞無紀絡叢菁怪

他毒霧淫潦其人云此不為患雖患猶淺若有雲五色纖穠妖金麗碧陝輸可翫則異物所蒸其中人也深毋貪其快余嘗識其言以為可喻以是知先生不薄貴州也游公輟然

贈周郡侯序

華野周公守吾郡三年將上計於天官會明年郡國朝京師公於是以前十月戒徒其寮李大夫數輩過余言周公入計也今天下親民吏亦艱哉將上附於天子則下違於民將下比於民則上違於

鵲鳴文集

卷一

二十二

天子比詔書數下罔亦稍密而吾二三子自詭無以佐使君使君寧有當於上心哉太史度使君往司功謂何一貫從北方來郡縣多言新令不便大懼德意不宣而海內之不蒙休澤也因諸大夫解之曰諺有之蟻知聚馬識途諸大夫無為使君念使君遂矣夫天子所為屢屢詔條者凡以飭廢疏湮而已非有責於職守之外為苛也高皇帝建官分職垣以外舍分而星布之事為之條而物為之軌繩墨井然溝畦爛然每拜官則受簿於

鵲鳴文集

卷一

二十三

主書吏撫良鋤頑平刑省冤均徭善征舒用誅貪吏誠蹈軌循迹視已事而謹修之則所謂奉法循理亦可以為治矣自時厥後俗習莽鹵姦冒多途而典章浸於陳牘蓋吏道始壞也皇帝神聖憑軒而問四方責偷以勤釐蠹以完不得不稍嚴而夙習因循耳目非是則見以為難嗟夫古何以稱為臣不易哉獨如嚮之為政也竊若祿怠若事又從而利若有易哉臣矣且諸大夫亦觀今日所鈎責豈嘗有踰於受簿之外者乎賦不加錙銖刑不踰三尺謹守畫一與天下共蓋責之如簿焉止矣今使君於簿何若自余歸寧寧士民交口賢使君持大不苛小征調均持身廉民持詞而訴者立斷無贅聚聽其自息者十八九緩藏常虛士蠅興起百姓樂業田里恬和盜賊屏息此數者皆化條所授而使君諸大夫之績也余見郡國吏往往觀影不察形或務為苛細將干上賞更蒙顯誅而吾使君所操寬不格上嚴不傷下其應上之求若九方臯之買良不必牡驪昔黃龍神雀之間吏皆用嚴

而穎川獨以德化起蓋善奉詔書惠元元者宜莫如吾使君往矣於司功乎何有天子脩甲戌故事考治狀異等者詔大官賜食內帑賜金天官載勲以待華要尊榮之選使君豈後它郡國哉余故以黃霸贈使君使君有弟給事金馬門其持余言往語當合矣

贈李同知序

環數百里之地為郡有征入庸調之役吏民官吏之奉古所謂五等邦君庸異是哉春秋雖江黃滕

嚶鳴文集

卷一

二十四

薛大夫皆著而後世有土之吏謝之則何也弘普之代難以露功分束之守難以抗事舉肘見掣動屑觸諱雖勢之所止亦人之所短也惟獨朗之士時為天下樞筦而無難事李侯吾裨侯也凡職統則繁分則簡統則專分則制故裨侯權輕而聲不聞侯雖裨與真無異往者定海當關令矣則以侯攝慈谿劇於定海三又以侯攝鄞倍于慈谿又以侯攝郡之劇視邑五又以侯攝在事三歲而篆不去手綬不去帶故真侯無以加也乳母之於子勞

也子母相習故子不啼而母不勞使鄰人之母抱鄰人之子必戚而號侯徧腹我諸邑而皆安其慈以其去我為憂詩曰愷悌君子民之父母侯其有焉余嘗謂治者稱道往古談高皇帝約束比試事問其職與守輒悖所聞要之時勢既往古不可復即復古終無益若軍政其一也軍隸於諸衛所伍耗屯亡諸衛所溺其職矣即令伍實具在屯入崇於丘山授之戈庸愈於今之募卒乎有不能也不能而猶然清屯勾伍之使相望於道委賦繇之民於介冑之壑苟守令甲為文而已裨侯之職專於清戎清戎無益於國而病於民侯有道矣尺籍惟信勾稽惟謹如蔑有徵也勿苛責焉故曰有道人恒言楚材楚俗耿介多廉獨醒大夫之操未止也有道侯之里來者言其牽蔥為門緝葯為房夷然泌水之居而侯在官常裹布衣官舍鎖二平頭給薪水而已孔子曰天下有道盜其先變乎苟子之不欲雖賞之不竊侯之格盜也用是法是故民誦其仁而服其廉臧孫紇所謂在上者洒濯其心

嚶鳴文集

卷一

二一五

可明徵也而後可以治人其以是夫故吾謂侯知大體於是侯報三年政矣而部使者交口藉甚鄆侯朱君始至謂余曰吾不敢忘李侯吾欲攬而自鏡焉諸邑侯聞之曰侯獨非我成乎誰敢忘之於是為之牽組其事以為吏師

### 贈葉節推序

為臣均也而有異觀察之臣奉詔條從事古所謂恒急於其賦親人之臣下比於民惟恐傷之古所為恒急於其民為親人之臣均也而又有異姬煦

味鳴天集

卷一

二十六

翼覆依於仁民以為慈慈則易為頌持尺樵引繩墨使止敢狎傲為非僻民以為威威則難為親郡之有推此所謂親人之臣而持尺樵引繩墨以威其民者也又非徒然凡觀察之臣患不能躬履籍屬周知遠邇登耗之數與庶官賢不賢功罪之差則率寄之節推以為常節推雖職獄於庶務無所不問列州郡無所不至假攝傍察視職自信斯未易然余嘗謂地有所顧性有所塞一乖一宜難以兩得惟才者為之沛乎有餘器則膠局則隅不涉

轆轤之途不中肯綮之會而稱才曰我有以經大起艱吾不信也歲戊寅正月吾郡推葉侯書滿矣侯于寧纔兩歲所而曰滿者始侯為承天一歲以母艱去而為今官於例得併書承天之政余不詳詳其知者侯再署鄆慈谿兩邑符兩邑皆熾邑多豪逋賦器訟至不可問當侯而決滯如流歲入不煩而具使者行部侯常載後乘訊咨鈎稽畢智竭忠剴以東釐課軍資漫惠數十年矣侯治一月而犂然有章立除其積逋者而法其蝕者侯有心計

景臨文集

卷一

二十七

其量功計庸具有法臨訟合要片言而析數獲大奸置之辟顧心念勞苦雖囚必親視舍食為之掃除脩治而覆露之故囚雖死猶曰侯仁法不廢恩故民服其法而懷其仁為理似理為令似令為監司委似監司天下才非邪令甲郡縣吏非列剡不得入為省臺非滿歲不得列剡而部使者非代去奏亦不得剡侯前為承天既不滿歲乃滿歲已坐使者譴去皆不置剡郡大夫游公謂余曰若葉君者奇士而遠不上聞奈何吾欲張之余曰奚患哉



不聞楚莊王之鳥乎三年不飛不鳴是惟無飛無鳴飛且鳴驚人而聃天往矣

贈蔡肖無序

同安蔡侯守我郡五年 天子下璽書俾侯往綏貴竹侯契日郡父老率子弟計復借一塞道距關不得啟余誼諸父老戀侯若此篤也縣侯周君謂余曰鄴於郡為輔縣屬則師帥義則父子今不佞居四年矣事必白白則慄相得桴鼓相應答玉錯相成心腹腎腸相照又脣齒相迭用也不佞悃悃

喙鳴文集

卷一

二一八

甚于父老余聞而嘉之凡官易為民則難為吏易為吏則難為民民苦于上之求徵發多則病戒呼多則疾閤令息教懸鞭而不用委賦而不收則厭耳吏然乎哉吏則有部符臺檄軍國之供官吏師儒以及胥史臺輿之費鰥寡孤獨之養兵荒水旱之備賓客祭祀之需交責於身而辦於民訟則有勝有負兩質於庭安能收雷寢電一物不用民然乎哉故采風聽謠大都民之所善吏之所訾也吏之所登民之所去也民與吏不相契久矣今周侯

與民均不忘蔡侯也何居誠也有令而民忘其徵有役而民忘其勞與無令無役同無令無役難矣必自無求始無求者若表之於景不可以曲赴也民之所默喻也吏與民兩得之也此可觀蔡侯周侯曰少宰既知之矣而道路有言頗有以請也敢問貴竹余曰民薄貴竹哉往代之理者名為治人實則懷安擅欲長滔蕩自便之心故內京師外郡國易輔近難徵遠乘權衡者亦昂抑其間今天子不然堂基大荒臣妾兆庶東賓嶠谷之墟西旅

喙鳴文集

卷一

二一九

崦嵫之域窮日出入悉歸昭融所以登岨嶧於夷行耀胃昧乎閭爽甚盛意也且監司天子之命吏也譬猶臂焉西貴東浙天子之疆土也譬猶體焉疾痛疴癢惟心是向手足臂指惟心是使蔡侯為寧五年為天子效一臂之力脩其左偏乃復脩其右偏右偏者貴竹是已地陞而險不能轉較民皆些窳媮生鮮蓋藏之實又治雜夷安與安夷動與動是天下疴癢地也蔡侯之靜海波也何憂乎谿蠻天子之顧貴竹也豈遠蔡侯周侯曰少宰

知衡又新從朝廷來請布聞之以解人願雖新驩躍崇臺簾累芻秣啟蔡侯之行

贈寧波同知种方塘序 少時代人作

种大夫方塘公冀州人也官寧波者十載矣始公以永州推稍遷浙江市舶司提舉提舉以綏循番夷為職而番夷貢道故在寧波故种大夫亦官寧波种大夫之為提舉也凡考績上計書者再而得今官蓋寧波人士大夫習知公長者日夜望以蒞我而部使者上狀天官輒署為之從民望也至是

蒙鳴文集 卷一

三十一

為同知者又三載宜遷而公忽忽不樂謝老不視事於是邦人士大夫相與勉留之益閉門謝不可行有日人士大夫謀曰公不留何以贈其去嗟嗟何以贈其去自公之為我郡也斗粟寸楮不以私其入苟豈不敢出於途何以贈之無以則以言顧余因君之去嗟君之不遇云蓋余讀史至張季馮公則喟然廢書而歎夫馮公者為文帝著頗牧之事至謂今雖得之弗能用曰法太詳耳使馮公而睹今也則何言哉宰法者毛比櫛餘罔有疏遜而

蒙鳴文集 卷一

三十一

吏更歛斂乾沒於其間巧謬衆而直道之輔希也奸市廣而潔廉之操隱也文具飭而惻隱之實亡也斯三者非有淫吏競夫弗至矣余以馮公之言徵張季之行今天下雖有張季得之弗能用矣天下之為張季者雖欲銜鬻於世弗能售矣夫張季之為漢庭論列者至難也不忍一人之命而敢批人主之逆鱗至危也好東陽絳灌之事質言不回至無慧也假令張季不死持此道不廢以游于今之世可謂大愚然君子顧為此不為彼自好篤而世味不入其府也种大夫治吾郡蓋十年往矣而操官如一日為人恭敬寡文無他腸擇言而發之然不能濡忍見邪僻之夫臨事利害必要之理事有不可者視欺一小弱豎子如欺明神即尊官豪貴人奪之十反不能禁也持獄乍急纍纍焉呼號而過其前遽慘慘不顧見之矣而况不義而奪民糈如枕糠粃也以故歷官二紀而常貧此觀者所共記睹其事也至於解綬投纓若棄錙銖是种大夫之不問貧也凡為仕者以為尊官而已弗得尊

官利其羨貲為子孫而已而大夫兩薄之此其中豈汶汶泯泯者哉且其驚如張季持法如張季質言不囬如張季然張季雲蒸霧會以勲名顯於漢庭而種大夫獨湛沒下僚繫千里之足于一塗今且老矣時乎時乎吾將捨汝且即汝乎即弗得尊官弗得厚祿又不以功名顯當世獨抱持矩矱不欲一試其功吾將結知於屠估礮穴者流乎此非篤信好脩強忍不囬之君子曷能哉借使種大夫能稍自我抑剋方破觥前數者皆其有也而終不

喙鳴文集

卷一

三十二

以此易彼此謂種大夫而已矣客聞余言論曰太甚所為徵言者以豔其行也今聞之令人無歡余以為不然種大夫方自賞其歸聞余言知更喜彼望故國舊都者終不憐黥然離別之色矣

贈郡侯張原正入朝三年序

數年來關内外山東西北存饑民啖榆白石前年及江東以迫于吾浙咸大風雨拔木偃稼於是海內稱有秋者獨楚楚又獨西數郡糶不時至今年春米價翔湧斗白金二錢野鮮遺芑道殣在

望訛言朋興民卒夜驚兵在于海上擅蒲贏之利以當庚癸民雖欲移就不可得或聚挺嘯崔公索米於烟火之家亂攘用起我郡侯姑蘇張公在事貶食省用已責緩刑出積勸分復糜粥以待畫疆里而授索則復布法謹令以威盜竊而解群不逞之衆則復出帑錢借糶比郡招徠海客之販者民以不恒閔閔焉方枵腹而僣登乃夏五月燭旱害於禾人益狼顧侯脩其政而加惻焉謀之山川百神熏而得甘澍以起枯槁之甲民始有獲顧早熟所以救死耳卒歲惟有秋而秋七月復旱水泉竭禱之天轉高而青土焦石然九扈拊心自分活無期矣侯曰吾安能頽首于此魃哉旦旦露暴夜則與河漢炯然有老人謁見曰我宅于慈谿吾能為雨言已不見衆詫以為神侯於是匍匐而拜慈谿之潭得神物以歸詰朝大雨三日而決農於是乎出民始更生蓋是年自正月至於八月侯未始一日憊也居無何又議三歲朝有數千里之役焉前年我實災當事者以海內方擾請蠲者萬計而此

喙鳴文集

卷一

三十三

郡尚有獲可弗聞故不沾一澤而不謂蓋歲卑鮮  
至於此今雖稍熟然畝不能鍾則以其私報所  
嘗活已者未置鑣而室已虛長老言不三熟不足  
以補今敗譬大病已必數載復而苟遽謂吾已脫  
於鬼籍也豈其然哉民可念矣雖有仁人君子非  
親見人哀號叫呼之狀即慘不深曩余在闕下亦  
佐司農言今吾凜凜若坐圍城中幸無事耳毛不  
可一日去于皮魚不可一日離于澤括而上供非  
無民亦無國水火可復蹈哉侯仁人也背孤城三  
戰妖孺而三勝之雖握常算抑思之將不心悸幸  
入見 天子矣其所以一一口具求休息而補助  
之者宜何今吾率父老送侯也以侯面 天子明  
年侯從京師來 天子又以侯面民赤子號慈母  
慈母曰吾且拾糲啖汝輟號暫耳侯來其所以一  
一口德意而補助我者宜何裨侯龍侯以寮友之  
誼重侯之行謁不佞言以導之龍侯之勤吾民與  
侯同凡不佞之所言龍侯之所欲言也願侯推是  
意言 上大跂冀焉

贈劉汝立叅政江西序

安慶劉公之監海上兵也以司諫至其陟司諫由  
縣令公一再試令始為歸善後山陰也山陰越劇  
邑多豪難治與吾封壤接公來視師直其故封若  
以兩牛之鼎熟鷄刺犀之劍割螳也若驅王良造  
父于熟路無煩前茅直往也劉公監吾郡且三歲  
所而余從謁歸亦三歲所狎其老謀馴其壯事常  
欲有所著以示後人而數以病廢劉公以海上功  
叅政于江西郡張侯謁余言曰自余事劉公而日  
益進劉公之政慮而後出鮮反汗之憂操憲秉軌  
使人之妄也消靡所紛華寄士游客不敢望其門  
所治兵練而整莫譁于都然而仁濺澤潤藹乎可  
親若陽和之無不煊也殆所謂數器畢舉全德乎  
哉今劉公去此而西也余懼無所師矣先生豈靳  
一言乎劉公素姪余而余莊劉公公固天人哉夫  
天人者非一郡人也天下財賦命脉本繫于南江  
浙在南猶口之有輔車體之有枝幹也數歲來西  
自巴濮東底于海方六七千里離旱疫之灾而江

浙當其交部使者蜚章以告且數十輩大司農雖時有所賞賑而司馬司寇日昫焉干鍼之是虞夫決策于廟堂而行于郡國非一日矣雖微亂形慮可不兢兢乎昔者周王宅程遭天之大荒作大匡以詔牧其方三州之侯咸率而又以其間作大小明武使民畏威而和夷說在翼書可鏡也江以西人脩其學而尊其名好口談其于當世或寡公駕而西豈其躬主爵之任習衿裾之事而從豎儒游哉無亦纔而從政修周程之典旁匡於其衆乎叅

蒙鳩文集

卷一

三十六

政於嘉靖間猶貳其長而無顓守今悉有分監夫上二其長而下長其所監即方牧也古之人有不顓為孤卿顓得郡國自效者公往矣余仲在南昌語當合若啟先王之遺訓省其典圖序其法軌因天地之灾觀其民饑飽勞逸而叅成之以鳩其居以夷其志無煩明武即古臯稷旦奭之駕庸遠乎必煩武也余浙有兩文成劉以番陽王以寧藩皆左班也而用江西顯公儻有意乎雖然使公函奇而不耀民之福也是烏足云猶有臯稷旦奭在也

張侯輟然于余之言特以爵劉公劉公受爵而行曰吾固欲順牧率詔以匡大荒

蒙鳩文集

卷一

三十六

蒙鳩文集卷一終

喙鳴文集卷二目錄

贈序

唐見甫節推擢司勳序

再贈唐司勳序

三贈唐司勳序

黎別駕考績序

定海汪爾通明府考績序

郡侯張原正考績序

再贈張侯考績序

喙鳴文集卷二目錄

張侯副蜀臬序

郡侯吳季騶入覲序

定海時汝健明府最三年序

開府浙江常中丞序

華邑侯考績序

良鄉令王君膺獎序

薊州黃判官序

陳表兄赴鄮西簿序

萬汝唯舍人考績序

陸鴻臚序

送杜伯理序

送沈幼真序

趙氏節孝序

壽目峰先生序

張太僕序

喙鳴文集卷二目錄

二

喙鳴文集卷二

四明 沈一貫肩吾 著

贈序

贈唐見甫節推權司勳序

始安唐君丙戌選人也余為少宰望見之脩雅有度亭亭鸞鵠表蓋不任其恭桑之計額煦溫而生殖之借理吾郡君未嘗有所考立獨亭疑務反舉典憲從事不以噍呵窮究為名篤于自然又時引經義緣飾之身坐于強圍而縱韋于惇稚子奏當之成監使者謂老吏弗若即它旁郡或簿責無狀失當直指移屬于君于是浙東西輶跡之所暨如日馬歷三歲所方報績于考功而郵來以司勳徵甚矣天官之急得賢又私急賢于其曹也今世為理若令者不五載不能為諫官臺御史而此獨先期又含香諸郎之右柄作人之事天官之求其屬與制選者之求其僚也豈異余嚮之求其理哉國家之敘百職也各材其長不必周踐而級歷之獨天官之屬有異自始為司勳政十二遷而為銓大

夫蓋諸曹以事銓部以人人者本而事者末人未易知也又均調其所自產方求一人以充廣氣類而博耳目曹十有四人遍五方之桀人以十有四徵天下千萬桀人故天下無留良亦無竊吹使官于是者悉知其職靡所漏遺焚無所瀆其牒黠無所舞其智朝夕而游焉俛有諂仰有訕寧惟君子小人白黑蒼黃雖剛柔燥濕銖兩重輕若遍內人之腹而提其肺肝于是振潔滌汙斧斤錙瑕無粹白之狐而有粹白之裘衡者之自操平也劉劭

再贈唐司勳序

夫天官以藻鑑人倫為業百司之一職也而古稱均四海不泰重乎均難言矣銖稱之兩殆而不得均兩造之銖爽而不得均均出乎關石之和操關石宜何如也且不觀夫五質之勝體乎疏暢者給于釋結端平者密于因任極時淪而昭灑之疏暢



者勝徒疏不畜獨暢不實將可與汎序而未可與  
研幾含精之穆保德之靈而後天則著論比協故  
以味呈味者任幹之材以無味和味者任材之材  
也以無味任材以材任天下何施而不均故持衡  
有人國家之福也唐侯東髮嫺詞舉桂林一人捷  
南宮意其人宜鑠然耀銚著采莫可嚮通而顧未  
可以目相者恂恂德心淵乎其近道也理吾郡智  
刃遊于餘而民不寃茂年而懷黃髮舊齒之略也  
夫材不肖之有級也與法比何異管九流而平序  
之不當如是哉自十年以來偽名偽實乘權勢以  
轉人蕩陵恣睢任其所欲予奪者天官之職溺矣  
曹起而救之掘鼠捕狐既已逆匿快意而猶乘之  
不免池魚之殃主者懼債轅亟引其轡是矣然逆  
追奔者心更內相謾而詛之扶瑕摘纇掩其素志  
此又昂抑之過也賴夫弼諧者端稍停和安輯之  
耳而言者尚鑽皮洗垢以詆譭為名高孔子曰中  
庸不可能也詎不信哉漢東京之季黨事大起賢  
者多見染逮唐之衰至歎去河北賊易朝中黨難

歐陽文忠公集

卷二

三

先王之道無偏無陂平平蕩蕩安黨之能興債驕  
而不可降者惟人心彼有以服其心故也唐侯行  
矣無以司勳少無以孤立寡政將逮已惟孤立乃  
能正衆而同人心借曰未信操今之所理我者往  
足矣為天下何以異治一郡官萬品何以異于得  
群情不窺牖見天道矣我張侯之帥其僚以布惠  
敷澤于我東海也油油然誠信孚于豚魚豪莫敢  
奸而吏無所隱此于氣味適合道義相責望不獨  
提衡勲業而已觀其所為索余言重索裝之意匪  
欲搖筆端姑快色愉心也余誠好畫乃復犯前蓋  
緇衣之好結于內抑所謂庇之如棟恒憂撓而莫  
予覆也烏乎惜言

歐陽文忠公集

卷二

四

### 三贈唐司勳序

唐侯遷司勳行余有贈言者再矣乃大將軍幕中  
安子輩復請無麥丘老人之智而三言之可乎夫  
唐侯職治獄者也今遷又銓計之事也與兵皆無  
預而幕中不釋然于其行豈報其嘗德我邪抑冀  
其來之澤歟節推雖治獄載使者後車行郡國于

事無所不問兵尤其大者宜其素有撫循恩澤于  
若輩也事雖小亦可以觀侯余得而汎論焉夫兵  
刑之大者也唐虞之世禮樂二而兵刑一臯陶為  
士師而憂蠻夷寇宄也其在天官所統尤大兵亦  
其一職唐侯深于律請以律談夫公侯之襲廢也  
軍職之選用也夫非盡吏律歟今貂蟬者流耻與  
介冑伍嘗云我勲爵非軍職引吏部襲封為證非  
也貂蟬實武功爵乃襲封絲吏部吏部不獨文故  
也文官不許封公侯矣受封者非武功而誰乃知

張鳴文集

卷二

五

吏部本無武事者也故元豐帝謂三代兩漢無文  
武之別律本於唐唐宜亦然故有三銓分品秩掌  
選事而元豐祖之以文武兩銓歸吏部左右曹意  
有謂矣今制天官推督撫會九卿科道五府官司  
馬推五府及鎮總亦然比年天官推督撫既不及  
五府而司馬會官亦頗有改易冢宰弗得盡聞何  
以稱統均焉 高皇帝三致意於功令蓋深遠云  
而豈一以兵事付司馬乎所為廢丞相進冢宰之  
意安在哉夫兵民雖分相維相制之權胡可廢也

然則選用軍職不當遂屬兵律乎在外中丞部使  
者無所不問節推從行亦無所不問而顧以天官  
不周知六部事貶損莫甚今進退武夫非吾事進  
退制武夫者吾事也海內兢兢惟兵政是虞銓曹  
將誰諉哉唐侯行矣得吾說而存之所以簡良黜  
衰銷萌制變正紀定物靖疆息民之道宜何如備  
澤將無外寧獨諸幕中之賜也

贈黎別駕考績序

海上之郡我為太蓋日域諸夷出入之道亭燧銅

張鳴文集

卷二

六

鎮徃徃基置島嶼間自壬子來諸衛所不足禦益  
募兵以威之庾庵林立漕旁郡粟以充通民力益  
竭且遘海寇而嗷嗷者時挾烽警之重以恐當事  
可不謂大棘焉我黎侯直治粟者也人且謂霹靂  
手從事趨辦快意矣而侯雅醞藉深沉知大體謂  
吾民藜藿不飽吾顧復咨嗟之恨不能腹而忍迫  
之納于隍乎且吏于催徵非情也譬之簪井時其  
涓涓而輒壅之竭矣論者徒恐脫巾之虞而不憂  
土崩之禍所謂見千里不見目睫稱智乎哉朝夕

拮据焉與其長躬析籌而算粟若算珠玉然謂士卒苟無饑而已以待有秋一雨一雪輒外以號乎兵內以號乎民曰幸矣天不棄吾赤子也活有日矣俾居者樂輸于官而行者無譁于伍也其用心如此夫皮毛之傳也屑齒之衛也將苛鷙非藝收責為政乎既不可將籍馬而責之馳空拳而責之鬪乎又不可若為其兩庇之也軍法曰千里餽糧士有饑色猶餽之也將使之枵腹而戰鼠雀之肉足食乎余嘗覽漢循吏傳若黃霸無赫赫之譽而天子至賜車蓋黃金下詔褒獎霸之政雖鷄豚穀馬米塩煩碎罔不精加某所大木某亭猪子皆章章口具為倉卒用若老督之理家宿更之耨田無遺策也嘖笑敝袴可以代金縷竹頭木屑可以當梧梓美言可以市拊循可以比挾纊存乎其人而已於是二三見大夫張公滋滋大旱霖也龍公擊水簪也而侯與今司勳斟酌元氣剡剡揚靈者也鹹酸相和而民飫其賜宜哉侯與司勳皆八桂產而冲情淵抱亦相若毋亦都嶠勾漏之秀與上

注意太平而精流于節屋既徵我司勳持水鑑往矣侯之績適成我知其無憂九閭矣

贈定海汪爾通明府考績序

善夫眉山公之言也曰非用兵決勝之難而養兵不用難夫兵者聚天下不義之徒授之以不仁之器而教之以殺人之事天下有事則不義之徒為義用不仁之器為仁用而殺人所以安人及夫盜賊既殄四隅既靜彼其畜智而無所洩懷技而無所施于是是不仁不義殺人之事憤積而四發譬虎豹終日檻則跳梁大叫以發其怒蝮蝎不螫則噬草木以致其毒不有聖人固無以善其後也近世涼州趙中丞知兵人也其言曰自漢唐之世未有屯大衆而不戰者王恢首尾馬邑三月耳猶坐費無所得孝文三將軍兵月餘而解其餘久屯大衆者必征討久屯大衆而不用以至于自困宋其萬世之殷鑒乎余每誦兩公言輒髮浙浙然上立蓋余亦嘗有二言其一曰養兵畜衆所以為盜也異日者獨患盜耳今置盜弗患而移其患于兵曹

起而伍讒則司馬恒挈挈然防之其一曰張官置吏所以為民也異日者獨患民耳今置民不患而移其患于官曹起而黨讒則太宰恒挈挈然防之嗟夫本末衡決循此道不改寧知其攸濟哉定海之為邑也不能中上太宰嘗易之以科貢來比使者言非進士不可於是進士來而來者又未能席於是吾汪侯以諸暨才調矣夫一定海耳往以科貢有餘今進士厓厓焉豈非宿大兵重地哉汪侯未來則定海難汪侯既來則定海易然則難在定海而易在汪侯也顧天下安得盡如汪侯者來乎且考績矣能久不徵擢獨為吾定海乎此吾所為國家憂不細者也古稱將相和則士豫附夫為天下者若是乎吾心以為國則文武吏如一體平吾心以為人則兵民皆赤子安所置低昂其間而貽當事之憂若汪侯其人矣惟汪侯之善不止此歲大旱則露禱自責有龍雩之應大侵民并日而食則勸分出積簡獄已責通海市之舶招四方粟潤于鄰境戢鷹鷂之翼揚鸞鳳之聲身師帥之嚴

無父母之邇飲冰食檠以倡諸僚諸僚化之而室人不能謫皆其大者然循吏之所同也如嚮者定海之所獨也余故表而出之以著汪侯且覲當事者有以釋國家之憂也

贈郡侯張原正考績序

沈子曰劬哉張公之為政也何稱三年九載弗與易焉天降禍有衆以螟螣旱雨雷之災毒我公焦勞以夜視嚮之人勞逸不可以算戊子前余亦大有年一不稔而民輒叫號沕沕幾揭竿起夫何億之疾也比已丑再沴更三吳江淮荆湘間赤地萬里人枕籍死而我晏然忘饑今穀日出價日減市有京坻之廩又何其宜億而不億也於是乎計然詘而白圭子贛窮矣吾聞之善生者天時不能使之困地利不能使之瘠操短長之策而造化入其數殆公之謂乎負海波之利而憂民之不養哉昔管氏用牧民山高乘馬輕重九府不戰而正諸侯伊尹善通移決塞高下疾徐之策故湯以七十里有餘在壤數澤農之國故不勝山農之國也澤

農於沃畝一鍾穀多而不愛轉徙之所集無棄餘之藏山農之國瘠磽寡收畝不能石而愛之若珍轉徙必待羸馬車與負輓之勞賈不償費故多荒非至凶厚利不出今之時山農之時也括蒼永嘉天台之間有十年之積而大海可汎也金刀吾之所不恡穀粟彼所有餘以不恡待有餘始猶紹而通之父則估自至價自下而又時其泄越筦鑰于澤吏之口貴則畜令而留之賤則靡令而通之於是大豪富家又不得侮奪吾氓而國中之積併出

味陽文集

卷二

十一

鉅惟朝夕是賴即春以奉耕夏以奉耘耒耜器械種饌之費畢取贍于茲公之活我顧不鉅且厚哉管子曰以室廡籍謂之毀成以六畜籍謂之止生以田畝籍謂之禁耕以正人籍謂之離情以正戶籍謂之養羸而或者語公以履畝察戶勸分出墾為事公曰是徒悞吾衆而益之病不可則公之意念深公既務權脩矣而復為之脩津梁便關屢察市官計委量輸之以財而復為之通魚鮐出鹽鹵利陂溝勉稼穡導之以利而復為之脩水政潰溝

渠戒火備具縵缶納之以寧而復為之恭百神敬雩禱徧山川發祥氣予之以和而復為之緩征歛理刑罰恤鰥寡弔禍喪澤之以恩而又為之明紀法肅政刑厚庠校敦禮信匡之以義如鳥之覆子無聲無形而惟見其成富在趨時不在歲司羽鳩政在自成不在鷹鷂擊擊公之謂也余謂公似子產子產衆人之母也而不以禮法假人凜乎不可犯鄭自莊公之後無歲不被兵而子產輯之以禮強宗大族弗順而子產定之以正不獨其養民惠

味陽文集

卷二

十二

使民義也我章皇帝為臣鑒以訓在位子產稱首若子產者顧不偉然名世君子哉余以是期公千百歲之業矣

### 再贈張侯考績序

吳郡張公守我三年郡士民願以里謳巷吟聞之闕下而不佞既載筆已而鎮海諸將士亦乞文不佞笑謂君曹之禮亦唯問之以方焉取吾毛穎效之超距之暇以其力善事主帥足矣何與吾龔黃理有應者曰固也吾儔直以戎圖請自吾儔從事

于軍惟左鞭弭右橐鞬介而指大帥節下毋他事  
時時泛舸皇索鯨鯢大海中波濤靜無所得則解  
鞬收纓郊射以嬉蒼頭軍亦偃馬卧而貰酒取從  
軍行度以越聲樂矣以為盡國家威德紛綸赫煜  
於東南際天之壤乎哉曩歲之饑小民實蠹焉積  
其吮吸之聲以聞伏戎于莽吾儔不憂警嫖而憂  
揭竿誰實勞來安集之也大庾小庾公私廩廩以  
乳民則虞脫巾以哺士則虞佩犢委曲調劑剖半  
菽之積與士民共之誰實綱紀之也吾無馳羽無  
譁伍而吾儔得有其彫甲鈍戈木譙虎落校聯不  
絕使無夷于草萊而吾儔得有其居壘采薇出車  
之章交于耳哀勞之聲徹于骨髓零漉青雲以覆  
陰塗溼使無夷于下隸而吾儔得以有其比耦惟  
是湛澌濛濛旁達中外者則田畯紅女能孺慕而  
途咏之其保大定功無乏兵圖而鳩其民則吾儔  
辱執事之願行寔衣被焉而懼載筆者未之遑及  
也吾敢枚焉而已乎母亦令守在闕塞者丐其餘  
豈其縉紳士獨承明德也不佞曰余守史局時好

方言常珥筆從計偕問之輜軒使者未嘗不歎夫  
人傑之生與其土宜地方并衍而交流也漢時惟  
齊冠帶天下三服官與煮海之利饒故齊稱十二  
而山以東往往以相業聞今天地文明之氣蛻蟪  
于三江之湄而士生其間又厚取而博收之以弘  
其身其居者用土地之膏以澤其心而高其志文  
亦稍勝焉其出為鉅工宏士握乾綱振坤絃鵲起  
而龍翥身任天下之重者比比也夫三江之湄非  
今所稱山以東乎漢法治郡高等者入為九卿至  
宰相其得人無如地節五鳳其人則無如次公弱  
翁弱翁沾沾真宣帝臣次公之才信于治郡而詘  
于為相亦稱其為漢循良也今縣官以異等求天  
下士虛八座以待而公皇皇乎鴻施鉅伐發三吳  
之精英凌弱翁轢次公所張設蓋廣以遠諸將軍  
之德公也僅以其戎圖也母亦以其蠹游于大浸  
之中哉

贈張侯副蜀臬序

漢之人以儒術緣飾吏治知吏治乎哉今之人言

我國家尚吏知國尚乎哉。往代之登士也，雜或以地或以詞，甚以訾起，故有假儒之重為名，高岩、繇襲、采、賁、質、集異物而成，稱緣飾也。宜今之仕無弗儒也，曷有不誦法孔子是勇于奮擊而不難以衿脩節制者也？雖驍獷不可使者，無逞其豪矣。雖游閒輕狡，戢戢交手而從事矣，竭精畢智于六經之言，尚恐不中程而緣飾哉，可以博一吏乎？藉令國家以儒求之，而以吏望之，是明收而明棄之，吾是知高皇帝意不然也。然猶謂國家尚吏也，則

蒙馬文集

卷二

一五

也。為惠于法之內，則虎變為狗，而上下共為政，無所不分而無所不畏，權坐而見奪矣。何以令民為威于法之外，則爪牙用事，民重足立，若伏鷲若乳虎，威亦褻而不行，所稱吏難者不在是邪？張公之來行法，不避於是，民始知朝廷尊期而政成，則親上下，輯睦無煩，乃公重為也。時有所縱，舍曰皆吾人也，安得嫺氏豪而汙人，蕭斧哉！然人猶凜凜神明之盜賊，不與訟者，必以情奉令，承教惟恐後之。顧金錢關說者，禁不行，如領振裔如臂使指，固敢嘗試以干上，然後曩之積靡顧化，故曰法者民之隄防也。隄防潰而有停水，否矣。其再朝京師也，積五載所矣，民固知張公當遷，不來猶媚媚望之，庶復借一日乎？否亦藩我臬，我以波潤我乎？而驛來以蜀臬行，民用憮然，其僚黎侯安侯、張侯、諸沈子、沈子曰：夫海上頃有島夷耗，動搖民心，誠得貞幹吏填撫之，甚幸。衆儀張公而公不來也，主銓者豈謂蜀險哉？虜關其北境，獠嚙其南末，而地僻遠，吏啄尤無忌，微公孰可使者？何則？公儒吏也，儒吏之

蒙馬文集

卷二

十六



為人國也。知大體。譬之射。挽強決拾。審固而後發。譬之御。不範馳驅。不行非倫。一切取辦而已。肯任其縱廢。陵夷不為國事事。矧手控縱自我哉。聞昔有一地而寬嚴異者。包希仁。歐陽永叔之治開封。是已一人而寬嚴異者。柳論蒙之治京兆。河南是已一人一地而寬嚴異者。張復之之治蜀。是已。吾知張公之為張復之後也。若乃大衡之不可借。雖時寬時嚴。終不易也。張公曩對大廷主者。嘗進讀于上前。此固犖犖儒者。吏於何有。於是侯以余

家鳴文集

卷二

十一

贈寧波郡侯吳李騶入覲序

制郡邑長吏三載入覲于天子。大計其所屬於是。吾郡李騶。吳侯率厥職往。余告歸里中。而郡父老就余徵言。謂郡侯于余。有一日雅以異等。遴吾率踰歲而績大著。大其聲而明揚之。宜莫先無以守玄為解。余曰。吾宜言夫古牧伯以三尺綱紀其封內。若布帛之有幅。有弗龍。龍斯。有弗鞠。鞠斯。懷宣上之德。而周吾之澤。命之曰循良也。吾比與

侯論易而契。蘇長公之說。長公說安土敦乎仁。曰。濟天下者。必待于積。使物各安其土。而後厚之以仁。如因耕因鑿而食之衣之。然後愛可廣。一手一足。安能無窮。侯以為知言。夫綱紀者。亦百姓之土而操植綱紀。亦長吏之積也。綱紀定而後衆心安。下吏乃有遵循而上始得布其仁。是故我與人與吏。得交相愛也。愛豈不多。吾觀侯為人。闊達而脩理。遇事感。契。酌機緩急而斷之。無屑屑之細迹。務循循之至舉。是人吏之周也。郡總邑之成。邑治則

家鳴文集

卷二

十八

郡事究矣。以余所睹。五邑士安于庠。農力于田。而商旅熙穰于市。誰非侯安土耶。蓋侯守法如其官。守官如其身。語無漫貌。無詭而民見威。清白自表。不以市廛之入費民。鋸而民見廉。豈無因革損益。盡與時宜之。無滋弊孔。而民見達。古所稱循良。曷加焉。聲之入人。也不踰數武。升高而揚。徹于數里。所托殊也。郡之臨于邑也。即無法不行乎。然非德音孔昭。式化必不捷。余以知侯所托高。余又以知侯之屬所托高。故自侯在事。天宇加朗。土脉加豐。

而民物殷阜以是報 天子稱上最何忝哉二三  
子戰然笑顧謂天曹當大擢侯吾儕安得久侯夫  
既徵天幸以有侯矣安所無餘波無暇遠引如建  
澤鄒公三遷不出吾鄉已事可徵也吾將采游童  
之歡謠第烈士之嘉誦紀侯他日若今日鉏耨也  
何紀焉

定海時汝健明府最三年序

百里之難自古以固然雖然按已視成循曹襲署  
章程布矣條貫具矣徐與民信守之三年而會其  
暇鳴文集 卷二 十九

成猶易也若夫歷涉多方東西靡常寄治于行幕  
容與條秩試輒收奇我未之前聞善藝者必有恒  
器舍其器而操人之器輪扁猶兀兀焉弦不習不  
成聲事理然也且一令也而衝緩疲樂劇易豐儉  
異若懸字操一術而施之是膠指南之車而求通  
于南北也如時侯之為政不然時侯書三年績也  
合其為確山長興諸暨與今定海四邑者而成牘  
牘繁而不勝舉其所承事諸使者不知幾人而一  
辭以為賢語大凡曰脩潔曰精勤曰敏練曰端詳

指事而稱曰抑豪強曰剪臺弊曰節財用曰去煩  
苛曰卹困窮曰肅胥吏而約之則曰實心實政任  
怨任勞云時侯之成進士癸未也到於今蓋九年  
所矣而甫一考蓋銓者已三目而三優之矣與時  
侯同時者多去為顯官知侯深矣此庸牘而後賢  
哉海內惟中土易理確山之政亦猶行古之道也  
長興天下財賦藪徵輸競競焉繭絲易保障難而  
侯亦上上豈催科之獨工蓋民爭負擔驅牛車而  
來稅何乏之有諸暨居萬山中山中人樸鄙而此  
獨不訟牒時集斯亦未可卧而治也至于定海而  
後信令難是我孱邑也而有千乘之賦鋒鋌敲鋤  
十于襁褓聞爭獄訟百于櫛蒙右彼非所以安此  
不右彼亦非所以安此長得一心人推轂而御之  
而後可以無憂斯意又在簿書筐篋戶口農桑外  
哉因俗而善應偶世而增奇取天下事繫縶于脚  
中縷而出之禁如而不竭其孰能與于此世徒議  
久任謂久任則吏民安政俗比而奸不生使盡得  
如時侯者用之何必久任若渴者之飲大川汨而

悅矣

開府浙江常中丞序

余謂世曷嘗有奇功異勲自夫守一局一官之節抱咫尺之行苟免一時之文責者委時而養安則賢者始擅其稱士于天地皆分內而未嘗有奇也目視而耳聽手持而足行職也卒有蜂蟻手足耳目不期會而相搏拊一家亦然尊卑內外秩然火在其突則叫呼奔走四出而抹之不為失序忠肅之任天下亦如此處經守惇人能肩之可曰非吾事若痼心而憂嚙指而危猶泄泄然以越局辭是父子夫婦坐視其災而耳目手足忍其身之螫也朔方之變群不逞驚然頸大吏授甲登陴構虜而內圖談者尚曰徐徐使天下武夫悍卒生心亡元之轍不遠否則若晚唐諸鎮獨士卒為政耳天子赫然解佩劍授閫外于是天下曉然知天之意無赦而猶莫堅決何哉積無事之餘苟一旦僥天功養安偷生之態牢而效身報主之義微也當是時上書奮而自效者獨分陝葉公奮而助以戈者

歐陽文忠集

卷二

二二

獨我常公於是朝廷命李都督梅御史帥師會

葉公朱公於靈州我常公遣楊參將以三千甲赴之圍既合激水灌其城城圯遂大入賊窘相屠就縛而後上釋宵旰之憂露布來我浙士大夫嘉常公之功余獨嘉其忠方遣兵時人謂常公不謀浙而謀天下余謂安天下何有于浙往四十年前浙于天下稱脆島夷來所至無不齟齬乃徵兵于天下天下兵亦復齟齬而後浙兵奮島夷殲其後譚尚書戚都督受命防薊曰我思用浙兵而浙兵以勝聞今計朔方以浙兵防遼及天津以浙兵防淮又以浙兵於是浙兵銳然莫強而齊之技擊魏之武卒秦之銳士下矣夫天下勝兵所在也尚誰之敢窺此常公之張吾軍也項羽起會稽以八千猶江東也勾踐入吳與齊晉諸侯會于徐州致貢于周則浙兵夫兵何常在所振之善謀者謀之于堂上而折衝于樽俎之間余鄉先生陳公大章舊公僚也謂余曰始吾嘗謂常公偉丈夫今果然余曰忠矣不偉何待

歐陽文忠集

卷二

二二

贈華邑侯考績序

侯吾邑者于古稱王臨川計臨川時不能如今劇蓋是時人文未盡開士大夫之青紫而游者鮮也甲兵不試民無供億轉輸之勞上無催徵敲朴之繁也彈琴而頌聲作矣說者謂臨川于鄞試青苗焉有如試青苗于今之鄞而耳目之者不曰令與民市乎即文法古今亦懸寓矣余嘗讀劉穆之傳謂穆之目覽詞訟手答牋書耳行聽受口並酬應不相參涉悉皆贍舉夫世固無若人也育之亦未

梁鳴文集卷二

二十三

奇也惟所酬應咸中窾不失人無後言而始奇不知穆之能一一窾否也雖在王朝六卿分職而治合六職之事而萃之一躬者其令乎而況當其劇邑吏從旁而睨人持牒而求日不知幾非明鏡必疲於照矣非勁衛殆於稱矣若我華公之治鄞也可異焉其敏練于錢穀老耆不如其停審于訟獄老胥不如其明燭于情變老更不如而其持平守清澹如流水餘爽塏暨以涓自高門逮賤旅咸秩得宜不疑滯于物即老胥宿達閱天下之義理

多者弗如夫前三物猶吏事也辦固難矣而加之以清平知化委蛇委蛇此其中之可受也不可以吏事槩矣夫臨淵揆水淺深難察然習者鏡其波而度其瀋尺鱗神鯢之蟠不必沒而辨也臨川之名滿天地而明者獨見其微則預于鄞揆之將無其好異見奇素與人情違邪我既有華侯矣臨川何足預與詰余者曰夫朱紫月旦何容易哉子何躋侯于臨川曰吾以事實之披簿書決訴牒按章舉事不足以見侯余所異于侯者登耗十年之戶

梁鳴文集卷二

二十四

口裁量十年之版籍稽勾十年之田賦據凡集議翰不再染而無後言此儻所謂無宿諾者耶豈若臨川日夜苦其民而與天下之士大夫鬪乎且侯三年既若此矣積茲以往力彌闕智彌拓故非尺度權衡之所料也

良鄉令王君膺獎序

仕莫難於令尤難於畿輔令國家絲發無鉅小旦夕徵畿輔邑邑多中貴人勢家不可問四夷之貢使邊庭之將戎往來如織四方軒車觀上國者跡

交于其庭旦夕飭厨傳不少休為令如此可不謂大難乎然使土富物厚即一切倚辦猶易而良鄉蕞爾小邑重以繇故其民日窶於他境田汙萊不治令徒以空印操民上而當前數物者取盈故智計內困嘉聲外銷無尤去矣雖然非難也設敲朴以御之忍呼號之聲而快已之所欲為民雖貧豈盡賴尾不任哉夫令若此誠易而君子以為非令也其有所不忍哉良鄉劉生客于余數言王侯余曰曷徵曰昭陵之後大司空徵徒乘侯負番鍾以從者一歲民爭經營焉績最大司空才之移大中丞受上賞行部繡衣使者出必道良鄉入又過之必曰若令才獎以數十言書上考余曰民謂侯何客曰夫民何知一錢之不輸一日之不役然後懽耳然異日者之政館客多留上官責對簿而事益勞民益困侯來則館無留賓庭無嘖言官無廢事而民亦無病力此侯功邪遇合邪將令 天子善治於上而百司飭勵莫敢奸吾民邪余以是重侯侯獲獎而民歡忭如其已得乞吾言張其事此重

獎也侯掖人也掖有宿公者嘗為我郡理篤厚廉明民不忘至於今頃余侍同朝比部稱平念其母投簪以去此可謂卓行君子矣夫掖多賢哉

薊州黃判官序

吾鄧黃氏之世自欣飛始欣飛者梁乾寧中為欣飛都副兵馬守明州有保障功歿而祠于鄉者三裔孫南山先生以理學著其後為西川兵憲公又後為太守公守谿者太守公子也少有聲譽序問以賢為太學生萬曆改元授薊州判官將行問政

於沈子沈子曰黃君知古者置民牧何哉夫牧者德惠和訓彊幹勞民姦宄於是乎平訟獄於是乎清雖簿書糾紛不敢言勞粒粟絲帛不敢言私此置牧也黃君又知今之政何如哉 天子雖冲年精勵於上百司奉令行法有過無不及海內循良鉉曹收之不勝鴻庠魚貫恒有滯憂何者多故也一惟文法棄之若芥比聞官薊州有兩人者其一人在事頗久其一人尚新兩人者無他過獨以私騎驛馬為廉者所得比部持文論免所知有力者

救之萬方終不得昏靡匍匐以歸黃君不聞我黃君祖父皆聞人讀聖人書雖不恐之以害歆之以利吾知必忠孝不苟焉營世俗之所希也薊去都朝發而夕至吾屬耳矣鄉人飲黃君于日珠璣盈積不如夜光在握醴醕滿腹不若箴砭在目彼史氏之言善言也請書之

贈陳表兄赴鄖西簿序

余少而讀子虛雲夢之事詭詭幻譎至不能名舉令人跂而望之若化城之難登也及覽屈子離騷

喙鳴文集

卷二

二十七

其聲悲以長又憐賢人志士之心恫恫乎有餘思矣士行遊四方孰非事焉特事未定耳借以屈子之時遊雲夢之渚觸目皆戾何以寄賞心焉安得任虛舟之適而抵是哉表兄陳長君授鄖西簿過余余未論簿卑且快長君之有是往也贈詩卒章云枳棘鄖西棲亦穩木蘭洲畔放歌迴誠豔之云夫騷人哀怨戚違君而遐接達士曠懷歡與物而隨往凡所遇者皆非我也而橫生歡戚於其間則以我遇而未嘗與非我者遇或者顧謂物令人喜

物令人悲不亦淺乎是以君子遊世尊之王公不以榮卑之疏布不為節不得已而起為吏寧下無上寧卑無尊職近而易稱事淺而可全祿薄而無禍地間而不喧故優游暇豫而無患苦于人間也彼三閭大夫何足顧歟能大者享厚奉功高者處危憂有常職而賜于上曰會計當而已矣牛羊遂而已矣簿書期會吾無失焉聽民之自治勿擾之而已矣而無失吾常此之謂不以物撓神吾將寄吾神與君俱往夫或曰彼鄖居山溪中楚蜀之會與雲夢相去數千百里子乃是稱非歟余矍然曰非哉余繆矣余繆矣雖然吾以神往雖數萬里可也子謂我曰陳長君以治人往子不教之以奇策要務嘵嘵論其他如畫鸞鳳而命之翀天越人指途而刺刺道齊鑒正檄遵修塗行之事也然長君世家子襲組帶之遺芳學朝野之故典更事熟矣故吾以所聞誦之也

萬汝唯舍人考績序

夫學者莫不有口行乃無徵也發篋探藏取百家

書讀之閱肆辨博譬巨海之出珍奇大嶽之產貞幹鱗鱗具矣用以譚道術辨國體何莫無口雖然末也今天下各以其術揣摩大氏陽附聖指而陰去之急則河奔浪覆詭辭以服人只直為名高取世資耳用之終亡效誦讀若此雖窮年何賴焉余以為性術異變統于中庸小辨破道巧言亂德學者發憤往籍師模弘範以究當世之用其必有沉潛之思寧靜之力而庶乎夫沉潛之思者何也楊子雲曰神心恍惚經緯萬方天地神明而不測者也心之潛也猶將測之況於事倫乎人心靜虛動躁則實實則道無所居神明惡之索之愈急而去之愈遠故曰待沉潛者夫寧靜之力者何也夫學者患弗能知知之患弗能行盛氣疾走亦弗能行故非寧靜無以致遠彼其氣安而神王張弛適而迹不留也嗟夫世誠得是人而論之故枯竹之字可覆勒於鼎彝柱下之文亦並參于席上吾同年萬汝唯之為中書舍人也三年矣書其績於牒以報司功曾不能掩尺楮蓋舍人掌綸封之事侍從

出入職大省宜無可書雖其所謂學成而好脩者淳淳淵淵非吾二三兄弟無稱焉君質行君子也居省中輒手一編屈首受業若為經生時恂恂未嘗舍一言操志謹潔約其身如嚴姆之衛閨姝而不敢憚其所欲為此吾所謂行有徵而不以只有深潛之思與寧靜之力以成其學者舍人勉乎哉無何而天子拜為御史夫御史艱也言論風旨無所傳聞則為愧有傳聞而無當則尤愧棋置谷受絳分鱗次虛已以待之養全才而出之不在其口在其躬也萬君勉乎哉

贈陸鴻臚序

金陵陸氏其先我鄞遷也由鄞而崑山由崑山而金陵蓋高皇帝徙郡國豪傑實京師崑山陸以賢徙今三陸鼎趾聞人蟬聯於當世矣曰肖龍者為太學生幾年蔚有譽於公卿今年秋始赴銓以我司成公書來曰陸君待除例當為北鴻臚然陸君不願為北鴻臚惟余心亦儀其南也蓋陸君雅好游士大夫不厭其數來去之輒思故司成公居



南而顧其南顧陸君北則都人士之與游者又顧其北也既陸君謁而南於是都人士歎其去沈子曰夫歎陸君者不以陸君可游哉吾亦歎陸君今士大夫重內而輕外南都雖高皇帝都仕者猶外之也今陸君獨請雖其墳墓親戚不釋之故乎抑紛華之好澹矣鴻臚掌禮儀之辨別四方君長朝覲之等而日盤辟天子之側一趾一語少愆於度白簡隨其後今任職者歲常奪祿之半此猶兢兢者也留都異是獨歲時上食高廟謁園陵而已日晏起飽食馳車馬過貴人鞠窮後言無失職已難易豈不百哉而仕者顧右北也嗟夫余安知南之不為右而北之右邪天之道損有餘而補不足地之道變盈而流謙自天地不能而春並燠常就陰息機而佐其發生萬物燠化曷有寧極沈子曰余嘗至金陵覽觀吳晉以來之故慨然歌唐作者之詞歎嗟不已夫其荒原野草感歎悲歌而不知後五百年之為高皇帝豐鎬也夾道朱樓御溝垂楊絃歌大雅之聲戶巷不絕雖二陸復起

不能咏况唐人哉於戲盛矣且陸君不能一日去此也

送杜伯理序

夫士含秀葆靈攬三才之粹居則範鄉黨出則效百職乃今之士壞矣夫民壞法刑之所及士壞則逃其口而匿其身以為禮即不我收耳刑如予何斯國家之大妖也余行游四方大抵山谷之俗龐近野之俗鄙都市之俗狡矣下邑之俗利中都之俗巧大都之俗詐矣邑愈大俗愈薄此猶民也怒而靡喜而解情可知法可行也壞俗者莫甚于士尤莫甚于上都之士上都之士戴峨冠躡鮮履翱翔捐讓逡巡容與誦說先王比於鄒魯而中實不然赴利如湍奔避難如鼠竄倚衣冠以侮齊民齊民莫敢問哆譁張以誤儕儕儕莫敢詰而且連朋呼類引蠅逐足以奪人之氣星言夙駕把臂揆腕足以結人之知詭辭柔氣稱託比類足以屈人之辨甘味美玩投間抵隙足以溺人之智奇禍惡聲陽接陰隲足以恐人之心轉相師法日甚日

益俗以大壞法以大格曾是可以弗禁乎余嘗以為禁之不難誠簡海內鞠躬君子為之師不言而自喻不威而自懲潛奪其非而亟反其習而略先幾者以為迂務不足圖也規撫仕者以為庸功不足建也今日之士不為他日之大夫乎而聽其傲戾恣睢不以一語相加仕而後繩之不亦晚乎戊辰成進士余甲在三當除郡縣吏與豐城杜伯理觀大宗伯政嘗願請為學博苟得行其道即婆娑卑秩可矣會試館弗果於是乎伯理有味於余之言請教揚州余嘗游揚州云大江之南五湖之間其人輕心其賢者濶達多奇節其不肖者好窮大履隋皇之敗德若吾前所陳者皆有也君何以教之哉出自東門負郭而俎豆者董生也董生奏策武帝明天人之際極質文之變一相江都而驕主為之改容今君辭榮就閒恬然不欲見奇於當世意念深矣教誨多士孰與相驕主難吾知江都士之有蛾術也已

送沈幼真序

一貫與其同年友三十人受學於詞林無何幼真病告幼真曰天不假日於人也學邪憂吾身不學邪愁吾神吾不得與諸子卒學天也一貫曰凡學為我而已子處是非師友所能益子去是非師友所能損子無患去矣且子之學非馳車驟輿爭先致途引強負重角能見功也病何害學無患病矣夫學索之愈勤愈不獲獲之不必勤求之愈遠愈不至至之不必遠殫神敝力而恨不及者斯夸父之喻也舉目見日何近非日而逐日於日豈為得

家鶴文集卷二

三二

惡乎和群動惡乎生雕文鏤章祇增重於簡策馳  
勲驟績僅垂耀於旂常採榮樹名獨被焜於骸骨  
聚徒集友第發喧於堂皇善學者有以學學非外  
也慮吾內之不修非慮外之不至也夫子興浮雲  
之歎顏氏享屢空之樂夫屢空為樂何物非樂富  
貴浮雲何物非雲萬物盡空也盡浮雲也吾生亦  
空浮雲也知空則我大而物小故惟顏氏之子可  
以行可以藏而他與焉吾子方將披塵霧覩大  
虛寔其耳目含其聰明游於冲和之場放于獨往  
之境吾以子學今始也安知病之不為去病奚患  
也又曰凡吾所為幼真患者盡吾患也吾雖未之  
及也言則至矣惜乎吾不能除其患而為幼真患  
也

### 趙氏節孝序

史一貫曰余觀趙母之事而歎晉下宮之功也大  
司馬張公志府事載趙母及婦節孝然尚未竟余  
請得而論之余髫時與趙氏子參嘗游嘗過趙先  
生儼然師事焉趙先生客童子童子何敢當趙先

生禮恭如此久之趙子舉一子客曰趙宗人今鼎  
立余問客何以言乃始知趙宗獨先生父子今及  
孫而三他無人也由是言之方母居養趙宗母子  
笑笑耳危哉危哉夫嬰杵曰存趙孤雖艱危猶男  
子也今母之存趙孤也而一婦肩之家貧不能給  
茹荼攻苦終不以故下堂媿死者又能教其子孫  
令致青雲之上鬼復血食此與下宮之功何異故  
世之論節者厥品殊方不可無辨家世蟬聯子姓  
玉立賢財可以自衛而保有令名婦人之智也感  
伉儷之好之死靡佗婦人之仁也畏譏憂讒奉身  
至沒婦人之忍也命也何言婦人之決也力持門  
戶不待男子婦人之健也計宗祏百年絕于一旦  
迤邐挫厄存絕繼亡若趙母者婦人之勛也雖攬  
貞履義殊塗同歸而事有難易不可槩論嗟嗟趙  
母可不謂賢哉假令課節而殿最行焉母當為稱  
首然趙氏婦又宜其姑以孝聞有是姑有是婦天  
所啟以報母者豈毫髮爽哉乃趙子舉于鄉而趙  
先生以貢上天官麟鳳代出為世所知婦姑雖歿

名為茲益彰大令 天子甚嘉操節諸郡國採撫  
幽仄以名聞輒下詔官議所以旌異之甚厚若趙  
氏婦姑觀風者胡可採也

壽目峰先生序

目峰先生者趙氏仕為懷寧縣學官到官自免歸  
有子舉進士讀中秘書給事中今年先生歲七十  
太學博士周君輩以年家子將遣人上觴而給事  
君以直諫謫高安且過家寧先生矣沈一貫曰夫  
人情何涯哉以好者勝恒人好榮觀取尊顯則樂

喙鳴文集卷二

三十七

已志士矜名名及之則樂不則戚君子脩義義安  
則與安義危則與危其殉義必往亦猶小人之於  
利也趨之雖蹈水火不顧誠焦爛濡溺而快然樂  
已初給事中屢上疏言事以為言之則心乃暢悅  
不則鬱鬱懣懣人何暇論得罪既得罪又以為命安  
所之微坐法則鬱鬱懣懣人且有陰陽之患豈兩無  
失哉或曰彼給事者將無貽其親憂乎應之曰彼  
給事者乃服親教者也其親聞之方將忤手謂余  
乃今有子奚其憂先生之為人也齋坐而矩行標

而後言有道君子也身不得其志而親見於其子  
豈以珙璧易一忠孝令名貶哉故曰先生樂也初  
給事見逐一貫職在史官不可令其事遺逸嘗編  
摩公末 今皇帝聖睿好學時游精於筆札嘗大  
署文華講讀殿云學二帝三王治天下大經大法  
他署尚多萬曆二年署書賜群臣自輔臣六曹之  
長大中丞講幄臣皆遍書大盈尺皆四字或兩字  
成文文如其官蓋異數也趙給事中參魯竊念  
天子富春秋好學如此三五何足道顧古者稱天

喙鳴文集卷二

三十八

子置公卿輔弼之臣臣等職在弼違 陛下豈以  
小臣不足辱貶敢昧死請蓋意在規箴云章上不  
報會趙給事復諫祠碧霞之神滋不悅中人申信  
者居守南京也橫其黨掎刺甚給事中王願有  
事禁中中人挾私忿操筆逐之事聞闕下信稱病  
免還薄罰其黨而已趙給事抗疏謂此曹亂政不  
一大懲創則朝廷不清且信既以罪徵不宜復入  
侍左右中人見其疏大懼環泣于 上搆給事  
上不得已且令給事之高安頃且召之人言給事

之左自乞書始或曰不然夫既以怒中人矣禍必有發昔劉洎為文皇帝輔太子留守定州至簡注也洎請得按大臣不法者自行誅文皇帝曰臣不密則失身卿慎戒我後竟以此得罪初文皇帝賜群臣飛白書洎至登御床爭之雖翰墨雅好於人臣小心翼翼之義亦少踈矣諛言孔多豈曰無階嗟夫以文皇帝之納諫寶賢而不免也危言亦不難哉余按內籍見衣食縣官者萬二千七百人此皆馮城社詭神奸以血食元元者外廷安可問大

嘯鳴文集

卷二

三十九

吏拱手如小臣何幸 天子神聖操紀法凜凜不爾何無漢唐二季之憂趙氏有宋苗裔而先生之宗五服之親蓋鮮先生生而孤母夫人誓節撫之以有立先生長而娶孫夫人以孝聞一貫異日嘗為節孝序紀之而先生之篤學礪行一貫尤少而服膺以為難今給事君大節又如此芝有為芳醴有為香源本之所漸遠哉夫世人黃鮪項領不少獨操槩可永代如先生父子豈不希覲是故余之所為先生壽者不以七袞以此

張太僕序

使有良田廣宅背山臨流溝池可以供漁釣杯杓可以合賓友談老氏之玄言彈南風之雅操則無羨于帝王之門斯仲氏之志也余心希之雖然請更其辭可乎使有慈主負宸淑輔推轂妙譽升騰雋僚同服仰接飛龍之雲俯陰游鳳之林植根芳苑布英明廷匠閭闔而獨攬酌大斗而樂豈蹢躅皇塗游戲泰階業勲名於竹素參遐躅於夔契此莘野之所校耜而渭濱之由罷繯也若夫時儉而

嘯鳴文集

卷二

四十一

幾易事違而道諧探計倪良平之籌幕中黃育獲之材折衝疆場威稜夷裔雷震虎步炎炳海沃楷金書于天府貽談士之口實斯亦丈夫之快矣豈羨赴枯槁之淵娛泉石之細哉夫并介無常遭時設義靈結偉立必有所發不碩之為勲業即華之為文章不流之為利澤即永之為壽命是知神僊迺豪俠之尤名碩即嘉遯之最紛綸異跡諒同一揆互引典文輒自高賞未始遁於大觀之致也不然呂叟入秦及關而歎梁生適越登岳長謠彼將

超意遠覽遐舉極蹈之務為而惡能無弊又況其  
他乎會稽張公懷奇穎之略登承明之版駁歷中  
外十有餘載倦而請息授老鑑湖經營別業題曰  
鏡波之館自為文記之余睹而異焉辛未春令子  
魁天下明年歲滿六表公所造楚中士十數輩感  
驪群之異眎嘉龍門之共躡星嶽非遠岡陵可頌  
於是馬命余以文遙上觴焉余謂尚子婚嫁要五  
嶽之往文成昨土踐穀城之信致至則返是曰復  
命矧夫側翅天宇肆口世味既遭迴而不試且連  
蹙以自適休哉鏡波之作魚鳥為鄰擊空濤以濯  
天歌正音而瀟灑斯所謂遠氏可卷而范子遣鳥  
兔之累者也始公蜚聲中翰歷官儀曹陵厲霄漢  
雲龍變矣既而握文衡於全楚多士育其菁莪揚  
武績于兕方夷獠屈于干羽無試不奇非曰奉法  
循理而已也鬱而不竟憂則違之然令子邁會風  
雲縱轡詞苑斯家駒之千里池鳳之一毛可不謂  
能世其官者乎天祚明德不於其身於其子孫而  
其報人也、不報其人報其人之天公方將跨天池

友造化食湯谷飲西海與道周始游年無窮而今  
子挾風霜依日月異時者褰酒絲綸拯龕區宇以  
償公之所未足而出其有餘未艾也然則并介之  
節斯兩之矣若是雖與喬松等年自然齊光邈無  
儔而獨立表維嶽以稱尊可也庸有涯哉

啄鳴文集卷三目錄

贈序

座主崔春洲先生序

少司馬范東明八十序

湖廣大叅致政孫槐溪八袞序

楊封翁六十序

憲副沈霓川六十序

封太史友蘭韓翁七十序

邵平伯越湖翁序

家鳴文集卷三目錄

族父稷丘公序

封主政伯父稷丘公九十序

封主政叔父影泉公八十序

叔父句章公七十序

岳母張太夫人七十壽序

西涯少府暨夫人吾姊壽序

林封公八十序

屠長卿儀曹五十序

句餘史太孺人七十序

都門周節母序

朱少欽母葉太夫人六十序

朱親母劉氏七十序

汪表兄武城七十序

長潭姊王太孺人八十序

封侍御徐翁八十序

洪姪計太孺人序

博士章少陽暨吾妹氏壽序

家鳴文集卷三目錄



喙鳴文集卷三

四明 沈一貫有吾 著

贈序

座主崔春洲先生序

一貫始以嘉靖辛酉舉於鄉廼十四年所吾九十人第春官不能二之一不第而試有司者十餘人而俛首六籍要後捷者可二十人離會可念我于時主者薊州崔先生薊州去京師二百里而先生又輟四方之轍居里中聲相聞也先生自浙成命

喙鳴文集 卷三

于 天子則惟大事無何以非罪殿當隨牒而先生偃仰不欲來廬生者前為順義令往來薊州界中秦生罷公車留學冀方先生遣其子壻受毛氏詩兩生嫺先生近跡能道之也先生居里中口絕于當世之言門絕于非時之交北土間曠易生僕僅力作收園池之利供祭祀賓客董董矣薊俗喜聲伎而先生屏居於華無所于其躬里叟村更不知侍御 天子耳目臣貴倨也或勸之仕乎先生謝曰生平抱質無匹不能為貴人容而獨介介自

將夫猶故吾也而天下方皮相夜光足自照耳於是先生生六十諸門下士謀馳使者奉幣將事無造置言後一日諸子族飲沈生前執觶曰夫吾二三子之歡於此也先生則然先生比耦序屬而材之位稱兄弟以勸之故無間焉非素有以相知結也鹿鳴之觴先生矢天而質之曰必無二心先生其非同之謂其謂我二三兄弟服官聯以義事君師以信而內相睦以親也凡樹人克則功不克則其尤疇昔之樹先生實為政乃今克弗克職吾與若先生惡能無情惟吾二三兄弟自詭效功師保臨之無弗克于位則先生之樹人功矣因有歡心先生之矚諸子數卒之積也一貫私計愚以為誠得善辭者往以二三兄弟之意敬謁下執幸待罪蒼龍之闕若負擔於四方罔不夙暮如臨于深淵而兢兢之為無忘風誨敬再拜上千百歲觴先生念深必喜而見使者知諸子振厲凜刷用當世如此必盡一觴此所謂燠煦之不必酒醴焜煌之不必文錦亦二三兄弟之懽無憾也廬生曰子之言

喙鳴文集 卷三

二

情又焉用辭吾以子辭往一貫讓于二三兄弟且  
徧辭之弗輯安用聞於長者居頃之竟以沈生之  
言往先生懸弧以某月日為讓故後期

少司馬范東明八十序

今皇帝十有三載而吾范司馬八十壽於是距翁  
成進士幾一甲子歸田亦餘二紀矣翁數歷中外  
為國家勞臣父而復有其林泉之樂髮鬢無恙步  
履脩然也故頌美者皆舉為介而一貫則從館局  
考世宗朝事悉翁異時居鎮所興革業已刪次  
嗚呼文集卷三

而千秋之第言林泉嘉隆間吾郡人稱三司馬謂  
翁與東沙張公竹墟屠公也張公自留京罷樞莞  
歸屠公龕定西南夷而以事廢皆授閒嘯咏不復  
與食肉者謀逮翁而足焉其間上下宇宙振揚  
風雅意欲躋兩京六代而上之而遠近士歸之如  
水今三司馬詩文並行於世張取弘富不下數千  
篇屠取專詣寄與焉而止而翁當兩公間瓜分之  
也豐存禮先生博極群籍尤精法書而性與俗忤  
人避之雖減獲無復存往往賴三司馬舉火輒盡

輒復輸直為三公臨池耳已庀其後事綜遺文付  
剞劂始知景蓋為豐先生聚不朽也其憐才而薦  
於誼若此比兩司馬之社寒士獨籍翁翁益購天  
下奇書藏之而復取不經見者副墨以廣同好於  
是四方又爭受范司馬嘉惠翁之内外族望翁翁  
悉割田給之視貧富為差何減翁家文正而不欲  
以義名曰吾敢儷先君子乎今稱壽在支屬者十  
一遠近士十九具以寵被之故翁既豐於書矣是  
馬知無二酉二室之藏宛委之金玦玉版與嵇生  
嗚呼文集卷三

所不及窺者以裨翁之引年蓋先以三司馬比踪  
洛社而殿以一司馬舜契天隱其永以表我東海  
也在一貫早承不遺猥見翦拂既辱姻婭之末而  
一貫父亦八十有三與翁比屋居翁儻以餐和之  
緒出而相扶偕之萬齡斯又不肖之顛翁得無意  
乎哉

湖廣大叅致政孫槐溪八襄序

不佞十二歲時學舉子未知名於時西川孫翁治  
吾郡暇日語塾師以童子來吾校若敦學於是不

佞與十餘曹望郡大夫宇也翁衆中獨指不佞手  
疏兩題而試之童子何知顧謂非碌碌子而驚卒  
就之則不佞所被獎識始矣無何海上倭起天官  
使翁治兵復數年而高揖謝事以老視不佞之佩  
鐫佩鞬既突而弁稱楚楚邑諸生艤西亭之舟而  
執手言別子尚如是子老宜矣又十年而不佞官  
翰林翁之壻陳生與翁計偕致翁手書無恙又二  
十年為今萬曆丙戌而陳生復來言翁年八十尚  
健飯與社中子賦詩以嬉翁自老于三十年前而  
嗟鳴文集卷三 五

而不為赫赫為慈母為嚴師不主一名去之日民  
祈肖而祀之不許然伏膺蒸嘗盡尸祝翁也翁雖  
不遠其施而今福履無算天從歌舞信哉陳生又  
為余言翁之于鄉也杖履葛巾狎重巖壑或留息  
散步縱軀委命憂樂不關其心愛憎不棲其情蓋  
翁子亦克任箕裘學詩敦禮善能用譽而承志也  
雖屈伸龍蠖哉而勅勅自修非禮不動創痛謝  
愆者匿不敢見太丘之里德醇備矣時俗雅化莫  
識本始先民風流僅僅存於耆耄之口絕端放跡  
嗟鳴文集卷三 六

楊封翁六十序

往歲巴郡楊以德治吾鄉 天子癸之擢給事黃  
門其父母並建祿養而封翁始六袞也黃門之門  
人二十餘曹率而謁余謂不佞不憶黃門異日之  
郵事邪余為之談郵事因以感諸君子夫黃門仁  
人也其政偃拊而煥休剖兩造之牘解紛而已東

矢鈞金無徵焉。間怒而扶，亦不至十。其催科之政，尤足為世程鄴之先令。以他事數去，署攝無常時。民徭賦不時入，逋愈多，徵愈急。百姓愈益苦。公至，悉鉤檢所宜徵者，總括而析為之，限多至十餘限。所需金錢不過十。所造公庭之期，不過月一。及其期，雖風雨寒暑勞瘁紛披，亦不爽於民。里正之至於公庭，稀而不爽期也。雖漿家不費一錢，無論公吏矣。又得以其暇督于民，民習知里正期不爽可奉，則又相與積錢以輸之。非其期，則民不輸而

味鳴文集

卷三

七

里正亦無所侵隱於其間。民與里正皆不告憊。令亦不捶朴而賦集，數年之逋漸而盡償。大都如此。其條畫之密不佞卒不能舉，此非所謂催科之撫字者邪。蘇以時者，黃門內姻常為不佞言。楊之世與黃門之為諸生時事，大都比翁于太丘而黃門叔度云：黃門亦為不佞言，僕無狀不敢以毛摯為治。第奉家大人教，惟恐耘之不佞。於是知楊翁翁取身不以儒顯，遇逢掖甚謹，竟就黃門黃門之令也。退食上謁，必問所為，當其意始為之。舉餐好浮。

屠令無擊鮮有饋生鱗者，遣衙人放之。衙人曰：此放之果能生之乎？翁曰：吾放之人焉殺之，弟生出吾門喜矣。黃門公雖天性隱厚，亦倣翁教。昔漢史稱于公陰德，獨治獄一事舉獄事，他事可知。余於翁亦然。語曰：積水成澤，積善成慶。翁積於家慶，宜及其身。黃門積於官慶，亦宜及其親。詩不云乎：俾爾單厚，何福不除。二三子其賦此詩也。以侑翁觴，不佞且賦甘棠為黃門祝也。

副憲沈霓川六十序

味鳴文集

卷三

八

沈之先文王子孫國於汾，散於晉楚之間，隱侯稱始平與近也。乃几軒太史所自名，不忘祖矣。繇六代來，江左稱望族，皆平與後厥。今條區派別，同里閭不相宗，獨無昏姻之義耳。或曰：疏或曰：草昧初，避法相坐，同枝自析。云官翰林者，永樂時有華亭學士度度弟修撰，繁弘治時有長洲侍講，嘉靖時有山陽祭酒坤二百年來，僅僅此四人而度兄弟猶用書起，自不佞濫竽而所身事者，則有歸德新城平湖吳江橋李宣城六君子為先後暨不佞。

而七豈金鷲固鳴哉無寧翰林今有位布列趾相錯如繡盛矣樵李者凡軒太史其尊君為霓川翁起家已未進士初為司空尚書郎神爽清晤為時譽所歸遷儀曹郎久之出叅巴蜀副關中所至輒辦駁尋三事會太史舉進士讀中秘書即軒渠東向笑曰吾兒乃從天下長者游邪嗟夫善作不如善息遽解綬歸士大夫居里中者非營營於良畝綺舍則流連庖觴鳴瑟跼履以自快而翁獨踣繩履檢門不加闢也席大父累世之業籌不加贏也

咏鳴文集

卷三

七

持此道為人倫師而已無忤於人而人亦無忤於翁里中稱素宗若翁所謂善息者非邪稱人之大期百歲而夜之所遺者半其間可開口笑者纔五十年宜極當年之樂以娛其神此可不謂達生之言哉然未究生生之旨何也生而不休明而不止天地且不能而況人乎天地之道歲以六時生之以六時息之故常生日以六時明之而以六時息之故常明世之人晝用之不足而繼之以夜晝夜用則侵其所息多日侵一時六日而侵一日之

息矣由六日而積之六十年而侵十年之息矣窮晝之所為已憊矣比夜而其所侵又不無千百千萬於晝之所為者麤糲之傷牀第之戕損精損年背存趨亡而方自謂窮當年之樂可不謂之大愚靜者不然日以其所息侵其所不息而至於無不息故與天地久可也何者息之義為止為生止息則主息矣且天地之資人費也有數焉靜者終其身未嘗費故千百年而未嘗亡一日之資如其費則旦夕而亡千百年之資故語有之曰一尺之棰日取其半萬世不竭此言何謂也夜息之而晝用之操陰陽之柄而不極其施故無竭也而況德之有進於是者乎且夫善息者無適而不息息其德可以永姓氏光彞鼎矣息其福可以合符契及子孫矣霓川翁甫六十而息則過之息於其身又將裕其子孫何窮也不佞幸以同沈之義自託而太史校南宮有所得二十四人者來乞余言以赴翁初度之辰輒發吾狂

封太史友蘭韓翁七十序

蓋一貫登籍而與韓存良游東觀也存良尊人曰友蘭翁更七甲矣存良所進士廿餘輩謁余言倡之者余同郡王君王君故游吳中嘗望見翁鶴骨鸞趾停停風雲直上蓋已被封命而偃僂滋益恭翁其修宋考父魯恭士之業邪吳州澤國陸事寡而水事衆以舟為車櫂為馬卧而行千里也而翁躊躇伉健陟嶠峯若平行反百里用瞬息包山洞庭之跡日交而却蓋謝杖直徑渡少壯者後之翁既質有其壽而享榮履泰基禮柄謙又如彼百

味鳴文集

卷三

十一

歲何言夫吳越之間姑蘇一大都會百貨鱗輯華貊窮侈而吳中士大夫自昔喜畜秘書奇畫尊墨鬯桑舟鬲甌盃之富及其弦誦之盛仕宦之夥又甲於四方故吳人多奇觀存良登蓬萊閱星辰又嘗奉天子命專對朝鮮日出之國異模怪符鬼目盪耳亦歷歷籍記上翁乎翁亦為存良一解順歎希有乎借令存良能致四域之珍與九譯王會之形獻之庭豈若存良今所進瑰瑋豪雋如天球弘壁榱楠豫章足以棟廟堂陪鼎呂者一旦翕意

味鳴文集

卷三

十二

積邇南跼上翁千百歲壽以此方彼為觀孰大吾意翁雖游矚古今之際覽奇聞見之外必為存良一笑歎希有也於是王君以余言雖漫而甚情余又壯語曰往予過存良問翁翁素樸自喜不願覩當世達官曰凡官者棄珪曳組廝與自尊使人踉蹌走匿而已若此而官人可官也何稱楨幹哉凡官以所官者則將竭日畢暮焦勞憂職之不暇而曾是誇與馬之榮然翁身與馬之榮優游里巷不問其職亦不辭亦謂存良能官抑能為其親官而有以受之也雖存良進諸君子偃然師之亦謂諸君子能官抑能為存良官而有以受之也夫知翁之論官者而後知翁今日之觴樂也於是諸君子聳然意立曰異哉非壽翁安所聞古稱憲老乞言有以夫

### 邵年伯越湖翁序

蓋古以豪傑命世者其道博大而彭閎魏無所不超廣無所不包若窳若鉞而無所不宜收其廉隅茫其畔津蹈於大方而使群物犁然自內於其中

各盡其材效其珍而不知故其量善容人之歸如  
流水而鬼神百祉隨之而往吾觀世之大凡衆人  
之所培積者天亦隨而福之則天道符人事不悞  
者也介者不然清其中則狹若瀨激而石鳴狂怒  
以洶魚避之而深逝木避之而衍生而獨以熬然  
選立為聲于巖谷間蓋天地之道土養萬物萬物  
胥之而土逾饒石不受物物亦無以澤乎石獨探  
奇恢喬之士與之依依而無益於樵漁耕樹揭揭  
戴笠有睨而往耳管子曰飢食者不肥吾嘗味其

味鳴文集

卷三

十三

言可喻道焉古者列國邑皆有世家今無開封然  
扶輿山川鍾碩於其家者往往而存姚江之稱邵  
氏古也累組簪籍金閨者更僕未能數而余所苦  
獨世忠不知余之寡獨出門而得世忠邪不知世  
忠善交能容衷錄管蒯而不遺余之不肖邪豈余  
之有當抑世忠所謂豪傑命世苞宇宙納山海者  
也故余以為世忠克為社稷舉大物者也世忠大  
人曰越湖翁仕至二千石河潤十城百姓父載之  
皆俎豆於學社間舉丈夫子八人而遂者五人三

人者且烝烝以文學名蓋嘗一再登堂而拜之淳  
泊壇曼溥暢怡蕩應機立斷噲然無底滯之憂有  
道者也大圭登廟百俎具暉天馬出開衆驚皆失  
此非夫大者有遠而小者不足邪彼駟與璧豈不  
世有而世用之即與凡品等奚貴焉至岷崙之藏  
渥洼之產乃迥乎殊余蓋瞠然自顧失也邵丈人  
貴富矣多男子矣壽且八十往矣封人三稱具是  
矣而世有嚙丈人博聚畱施於勲庸未有萬一分  
傳稱明德若不當世其後必有達人其在世忠夫

味鳴文集

卷三

十四

故余以為世忠克為社稷舉大物者也誕翁之日  
以十月十二日余小子不遠百里宜以時上觴而  
涉冬亦小休矣然世忠方奉璽書按問淮揚吏民  
疾苦比得代過門而寧其親余小子壽翁以待御  
君故緩

### 族父稷丘公序

序

稷丘公蓋儻易然者學學不就就積著積著亦不  
庸弟妹子女衆多以婚嫁累公產居貧熙如也事  
後母王夫人甚適教仲子九疇能文章稱當世顯



士鄉有相讎者多就平公居間能入寂寂權喜憎人率謝伏今年七十矣筋力強操作不暫休子弟勸請不為應其言曰人生自愛不用加焉用生為夫力猶水竭當更來也荷鋤戴笠出中林之間日問黍稷之事勞反為逸自號稷丘子敘曰吾外史公贊公云爾一貫父於公為弟少五年母又四年春秋高家貧不能具甘毳歲往教授吳楚間易錢糴以為資六月仲之京師一貫往送之金山共余累夕仲言公今七月晦滿七十歲矣而已不得奉

喙鳴文集

卷三

十五

天倫上觴為壽獨且萬里去柰何為子因歎對泣共傷居窮無以戀庭幃也夫人子不遠游而吾若汝屢狎傳遽去遠膝下溫清歷潤勞不償咎縱親寬其罰如人心何輒又共悲吾汝左提右挈贊短資長取千金於世如取諸寄何乃食貧以勞其親諺曰一日盱眙三日饑一日優伊三日肥吾寧處彼不處此故元亮絕塵穿結自喜而室無菜婦猶稱苦心儒仲靜已敗絮不辭髣髴歷齒乃慙兒子以彼俯字且曰恩深何況逼喜懼之崇年而慙

烏鳥之無報故吾不能以灌園鑿坏安諸親也已復相與自賀孝如虞舜寤於親賢如孝已不見察吾汝謝中庸之行而覆燾垂慈小罰不見咎大罰不聞罪貧不憚茹實勞必身執率閭黨領得之以為父而人子過深罪大曲庇無聞此人道之至樂無得而仰塞焉何以自立仲曰子歸視吾親當為一解頤夫實不中聲空言與盤皆非所以獻長者也夫公無町畦者即與之言無町畦凡人各賢其所悅而悅其所快手足耳目所營取者有限而游心浮思所冀倖也無底以有限酬無底故堯禹不能除其憂蹠跖不能滿其樂也故不可冀倖不如已稷丘古仙人之稱代既綿暖其術靡記焉妄而意之將無營而自酬者乎榮啟期年百歲鹿裘帶索而歌拾遺穗于田以為具三樂夫亦稷丘之類也今吾稷丘公野處而神王庸知不為古稷丘也若是則人子之憂非所聞于稷丘公矣

喙鳴文集

卷三

十六

封主政伯父稷丘公九十序

伯父七十時箕仲方食窮一貫觴之以文稱披裘

拾穗歌且謠之風以為歡又二十載仲成進士奉簡書為豫章師伯父從而官酌麻姑之醴攬洪厓之丘賓客貴人膝席而家昆弟子姓遙致祝其冬伯父御而歸一貫省大人在告克造以請節骨矯奮如鶴不減昔時異人哉世榮吾家三封君稱三壽伯父比部主政今九十大人三命太史左中允太子賓客少宰學士今八十有五叔父屯田主政今七十有九番番華髮相映颺如神仙中人士大夫往往私問小子君家有秘方奇術握造化之算

家鳴文集

卷三

十七

效焉可誣也富貴而可吾見人之舉一冀二歲無除日自苦不足更甚于窶人富貴非生理也貧賤而可無衣無褐無壽類矣貧賤而不可則類上一歌迎風枝之搖搖猶惡為煩而棄之東流此夫患貧賤之不甚耳貧賤又烏不可也我三父之為養生主非以車上僂彼其僂僕循牆之操已先細民不伎不求何用不減人之壽也天命已使生者也有壽命有遭命有隨命隨命者隨行為命滔天則司命舉其過用以弊之書曰不知稼穡之艱難不聞小人之勞惟耽樂是從罔或克壽此之謂也慰醫湛屯生火甚多月固不勝火也三父者外不飭驚愚之容內不寄慚漏之心小而勤行老而休焉所謂金石在我不受變于天也世人陰符揣摩不比一君而沾一命此從容僂仰自恣而軒冕加之世人鑽股鬻柴皮傳口膝曾不行一寸此不言而默成之世人嚔吸僂仰行氣斷穀燒石服諸草木鳩久視之方然尚不至此相羊逍遙乎人間不棄神州而宅蓬瀛不越一跡而造太虛詩曰不戢不

家鳴文集

卷三

十八

難受福不那彼交匪傲萬福來求此之謂也夫召公畢公所謂壽者勤勞王家不敢介自逸且曰無以老耄而舍我必規我我三父為善于家皆有終身之功日考而習戒備畢矣胥誡訓曰汝必乃情帝室無曠貴尸祿乃為鼎鍾之養是謂代父報天子小子一貫用勒膺不敢忘吾昆弟尚敬勉哉是日也三父在會小子聆緒論備載之以彰盛美孰與嚮披裘拾穗歌且謠之風多也且書以貽箕仲並勗之焉

張鳴文集 卷三

一九

封主政叔父影泉公八十序

叔父影泉公誕于正德己巳之閏九是歲登八袞小姪一貫奉大人若昆弟旅而上觴大人曰小子贊爵哉夫鄉黨無容也何宜言之設抑上稱烈祖之淵源暨我二大人所訓迪素語都而聯之以貽永永昆弟子姓可乎夫引年歷紀身之壽也綿世澤庇子孫不拔不脫烝嘗萬禩家之壽也人莫不顧其身壽又莫不顧其家壽身壽胥身而家壽胥之子孫微子孫善繩即耆耄詎稱無窮哉夫敦龐

張鳴文集 卷三

二十

純固之澤深則孝仁忠敬於是焉出而翔翔濟濟禮讓文物舉焉而炳其章譬土衍水深故物產茂而枝葉扶蘇也沈自宋元來厥有序于朝雖中落然世篤其祜詩書不絕聲我王父貞夷粹溫人稱為佛子過吾廬者曲躬合手強大不敢有其伉顏而弱者慕誦以為皈盛德如此我大人暨兩叔父咸服膺忠信履道無不及大節煌煌在日月間乙巳之變蕩子匿人錢繯其二人人皆奇貨毛祿而魚肉我明我必讐毛可以免魚肉之患而飽其利親戚獻計狡奸者又從旁脇之而我二大人咸指天不欺難發不肖子何讐毛之有此非所謂皦然不昧其志者乎大人敦簡長厚我叔父明亮敏博雖所操稟不同要之天道天與天潛通福求自己不從倖來鴻龐之氣鬱積旁礴而流溢于無窮湛凝其既往而明發其將至吾子姓亦知其食福地乎夫福何難之有徒以質心直往不加回却心口無二語人已無二謀功非我功罪非我罪勞謙罄折務以愛利為念則天地在我慶流福臻術豈多

予我鄧亦仕國也誇閭閻者遠近無慮數十若兄  
弟以大耋齊封稱三壽者前此未有我大人三命  
滋益恭叔父亦僂僂循墻誰敢余侮繼自今以往  
願大人壽益高者惟我後之人務修孝友謹信以  
適大人心務修孝友謹信以適大人心者質心無  
二若大人之所為若大人之所為則若天之所為  
延歷孰大于是凡人所仗者曰老成所責望于少  
年者亦曰老成儀刑老成人而猶有轆轤區區吾  
不信也而况歛社延壽既章章如是矣譬之厦屋  
既基既墉既開闢之亦裁藩飾而靜涓之無艱勤  
哉是惟我後之人故曰門高則自驕族盛則多忌  
實懿懿行人未必信纖瑕微累十手爭指修之謹  
之是以歡大人如其凡則有馬伏波顏之推柳直  
清楊大年范魯國司馬溫國程朱三夫子編摹具  
在母以進孰置于口耳之三寸惟沈氏無疆之休  
語奏二大人謂小子言質是善壽我歡然盡一觴  
爰命署之比于韋氏詩

叔父句章公七十序

歐陽文忠公集

卷三

二十一

夫數澤有人國社之瑞奚獨于家而稱盛事古者  
處士有弓旌之招苟藻濯志行少異於等倫輒手  
拂巾褐翹足而待命是祿處也微弓旌將牆面而  
已乎今士非制科不進乃有卓踪絕志肩遷董真  
卿雲遠謝鵬鸞而獨與山澤娛御六藝之珍駕游  
道德之平林無望于君相無誹于朋友饜滿腹安  
容膝而快然金紫玉闥不加以彼其才聲華于廊  
肆之間車耳何論而空老落落若斯也且無東方  
之論北山之誦此出古處士遠甚鳳皇之棲也雖  
林壑不怨矣何則鳳皇者人瑞之而非瑞于人也  
必瑞于人而莫之瑞則怨鳳德如是哉處士有瑞  
人之心故有畔牢愁之文孟襄陽之達而曰不才  
主棄猶無忘懃豈若吾前所云之為鳳皇故曰國  
社之瑞也天下有斯人天下瑞矣而又出于吾之  
宗以吾宗瑞天下余小子何能無忤手叔父句章  
公生而有異手揮數千言不盈杯酒間初屈首為  
博士家而意出層霄如萬里駒駘繫轡下也當是  
時柄衡者方以羈的範我求其進成規退成矩而

歐陽文忠公集

卷三

公才若此文質疏內衆不知吾之異采公曰非我  
事也土苴棄矣獨以神游千古夢寐秦漢以來大  
雅而柳榆唯諾洋洋乎五際三始之初當世文學  
之士彬彬從此起公布衣倡之力鉅哉晚近是末  
師非往古而以批糠相進獨公游神摩情聲妙天  
下鸞龍虎備弦次鬱為一家負氣骯髒不能下貴  
人而鞠躬于屠市酒人之間獎借片善如已有之  
即骨肉肺腑不過後進依以揚聲此吾所謂鳳德  
哉董子之故在晉有虞先生喜高尚遜世旁綜博

家鳴文集

卷五

二十三

探煥乎其志林矣宋則大隱先生楊適醇厚介特  
與王先生致杜先生醇並為後進師峙昂于衡泌  
焉入元則戴師初學博文雅振萎蕸骯髒之氣而  
稱東南大家亦近代彞鍾哉有偉大邦嗣紫芝之  
絕響者代僅若斯而明興其吾叔父哉收涎紫青  
束指醇醪以遺逸為名銜以圖誌為功伐山川自  
記其系續冰雪自矜其操履蟬蛻于瀟湘周南印  
焚夜郎衡山冉溪之外而與蓬壺三山往來此與  
昔處士所操殆遠故曰國社之瑞也丁亥歲公滿

七袞其鵬之十九則始孤辰也大人與昆弟子姓  
旅觴于公之堂諸子在四方者咸集惟箕仲督學  
江右而仲父稷丘公亦來會觀者嘖嘖謂太史應  
有德星之占公矯健踰少年方抱子女天之所以  
厚公晚者未涯將溟海之木鐸獨中林之德星也

岳母張太夫人七十壽序

一貫自童子游于庠人羨之爭媒焉家大人以仲  
未婚而先不肖恐人之薄仲也不許已連趾于秋  
闈誰知其荃蘅而媒者亦怠我婦翁張公者個儻

家鳴文集

卷三

二十四

人也舉元女日者謂當貴必求其儷一日太母祝  
謂婦翁曰吾昨夢神龍矯矯具黃金五色而乘吾  
危何也未脫口而蹇修言余翁撫掌入白阿母嘉  
祥應矣謀之中表揚建昌建昌曰是髻而慧即不  
第不失為賢士於是翁不再議而諾夫翁雖隱于  
酷也然豪其里閭負氣不少屈而相人于塵埃中  
不惜以愛女歸歸之日親戚兄弟咸笑之而傲然  
不顧可不謂豪哉幸某之微于天也而藉手報翁  
有如懷瑾握瑜若梁伯鸞備春于吳市中吾又知

翁不悔何以明其然蓋異時業曰此不失為賢士也而吾女乃今與德曜齊幸矣嗟夫是翁之厚余哉今不待矣而吾媼尚存此與翁親見之何異吾又私計之當是時必媼無異言而翁能諾有如萬分一毫毛不然而能歡然箕帚我也媼亦賢矣不寧維是自翁逝而吾媼又以仲媛妻全學甫以季媛妻秦行之學甫者前學士少司空全公長子慷慨立大節行之者舉進士歷韶州府倅不幸不見其成成亦當名世于是郡中號善嫁者必曰是翁

歐陽文忠公集

卷三

二十五

是媼云媼之孀也年四十有六今七十矣茹冰嚙檠長子及孫歸然立門戶視翁之日有加此又健不必鬚眉而豪不必冠履也嗟夫巴寡婦清獨以財自衛猶附青雲媼不以富亦自衛三嫁皆良宜嘖嘖哉顧不肖學淺于子長無能文之以行遠敬以庚寅嘉平之二日偕學甫率三媛若出如千人羅拜于堂下上千百歲觴

### 西涯少府暨夫人吾姊壽序

文者華也徒華君子之耻也文之目多而槩有二

一曰頌美盛德贊成功其辭嘗腴洋洋乎使人醉心焉然而浮于實一曰雅敘情懷指事實不離于宗信今而傳後詞人之所難今之為序者失其本矣為頌而已為達官大人頌益多而遠于雅余少慎言文必以情頃頗為俗移然汗未嘗不淫淫下或悔而削冀今為吾姊敘壽意在于頌然敢忘事實哉余兄弟五人而女兄弟復二人余居正中長兄弟時母氏方貧無他媵侍獨以其身嫗哺更辛苦持內事而吾姊次居二雖筭總之年能分母氏劬勞蓋三之一擲我浴我饘我粥我衣垢濯我不類穀我猶記嫁時吾為姘泣姊去無以撫循翼覆令母獨勞也自十八歸西涯少府少府方從事筆札筐篋間游京師十餘年吾姊養其父母及其二弟娶婦成立六親上下競宜之不媿為聞氏婦聞氏以太宰顯方鼎盛其鄉冠蓋相接樓閣相望乃今有滄桑之感焉而少府猶能亢宗居官有聲于梁鄭間歸田為鄉閭師口無擇言身無擇行率三子耕且讀長其孫枝嫁娶名家守朴存質而不

歐陽文忠公集

卷五

二十六

驚于華可不謂賢與夫從太宰數至于少府等級懸于山澤而太宰之鄉猶以少府名修身謹行情質不變之由也余家世以情質傳而余大人之行不愧天地政以無他謬巧故余兄弟姊妹奉教唯謹而少府每從余父言媿媿不能休蓋肖我哉今年余姊六十矣而少府加二吾父方兕視之不宜遽言壽從其矯矯少壯堅強論亦不宜遽言壽吾獨以手足之誼敘之以示聞之世世子孫令毋忘今之情質也

嘯鳴文集卷三

二十七

### 林封公八十序

懷雲先生侍御林志肅父也用志甫貴稱封公者十餘年今八袞長余二十四年余長志甫一年而余未二十則先生輒引余為執友余亦與志甫為執友方是時先生抗顏為人師負牆執經稱弟子去成名者不知幾矣而先生之為人嚴引禮自重獨挹降于余小子分日而課藝蓋數年焉余時獨恂恂不敢先耳而先生每目為少年老成不知先生何所取于余哉當是時凡余所與為執友者盡

長余者也年少者余不敢與之友也而諸先生顧肯與余友余所以有聞者咸諸先生長余力哉既余與志甫相期于天路間尤昵曩時而先生之問不乏蚤歲里閭相次晚而卜居里閭又相次雖余簡出而先生之儀在目聲在耳也先生之得今壽有說矣養生家言熊經鳥申吐故納新黃婆蛇女木公金母先生以為邪弗進二氏所謂逃虛逐空守一致靜圓通寂照澹泊無為先生以為異弗進獨覩其取于時言笑節養生如此則謂天寔畀先生而已抑孰知其所以然劉康公曰民受天地之中以生必有動作禮義威儀之則以定命也能者養之以福故重于來者亦重于去其得之難者其失之亦不易若此乎君子貴自重哉法言曰人者取四重去四輕言重則有法行重則有德貌重則有威好重則有觀反此則憂則辜則辱則淫若先生可謂能自重矣師道自尊無所媒慢敬孤獨而慎隱微其內視也專其筋骸也會其精神也肅夫容貌人之符采也符采正故德性治德性治故壽

嘯鳴文集卷三

二十八



命長故先生之窮也無尺寸之封而縉紳尊之不待稱封公然後尊詩云敬爾威儀維民之則又曰靖恭爾位正直是與神之聽之式穀以汝夫俯仰有宗聲氣有章動靜有常禮義有方如此而不及于堅貞固厚福壽康祺豈天也哉或問楊子曰何為衆人曰富貴生夫貧生之與貧富貴皆衆人也徒生而不以善聞非君子之所貴也生生以禮義而為萬夫望吾今乃見先生曩先生幸以老成目余余嘗惴惴恐負先生乃如先生真老成人也矣

梁鳴文集

卷三

二十九

因表先生而自勗焉

### 屠長卿儀曹五十序

夫物必有至得一至焉可不板故稱得難耳靈稟自然非人力哉明興海內久無事英人傑士以其扶輿無所洩之氣畢于文章體率十年一變後趾踣前趾有輕心詎惟劉宋李何吾知楊馬晁董當駸駸避賢者路矣若長卿者非仗青萍干將先登一銳師哉長卿體性與文淵浸漬有勺即充于流輩所憂憂者更蕭蕭為快常與友人飲歡一夕賦

詩百首傳者詭為神物故令宮商奔命風雲從指盛矣盛矣蓋陳思七步青蓮斗酒陳琳鷹揚士衡患多腐毫閉戶方斯箋如要之皓首吾不知與數子誰上下此亦所謂天然異稟非仰鑽者所庶幾而猥欲操刀代割一當銳師胡可得也長卿仕弗稱意一為令再入為郎無奈人齟齬何長卿即辭不能自通余譬之曰絳灌害能乘忌側目在古則有蘭陵芻布莊周縻履在古則有豈不以天之生人也畀之一至斯已破慘割愛索群瑰而懷之矣

梁鳴文集

卷三

三十

百年數百里始一覩而余生得之于長卿宜嚮之若球璜琳瑯不能釋也顧余性偏喜介介獨居而長卿通達汎愛人善獎倫類則又余之不可強者雖文亦然大抵拙於辭而不能多也而長卿亦不余陋甚矣長卿之通達而善獎我汪長文張孺愿十餘輩雅與長卿為文字飲來徵余曰為我序長卿長卿今五十余無以辭戲應曰此必長卿自序而可曩長卿壽太夫人八十自序必里中人無能獲長卿心者余安能貌長卿雖然為我謂長卿曰

學鳴文集

卷三

三十一

士得所以不朽者一日萬年長卿能更活五十則有延三萬六千萬年也是其取于造化也抑大侈矣長卿自愛

### 句餘史太孺人七十序

太孺人者太史史汝和母也史為越世家著於鄞其遷句餘則文靖公皆八行太師出也句餘與鄞相去纔百里余為諸生時即習汝和已而共館職講編摩記注之事雅心相憐歲庚辰汝和校南宮所選士二十人而余第一中幸當於品藻以為不

學鳴文集

卷三

三十二

惇顯門冠所舉既輟校士後受詔使楚禮成而謁歸壽其太孺人於家夫太孺人溫儀紆步被告身織文縑絲羅子孫於前太史與其伯氏奉板輿薦瑤觴烹鯨割鯖綴舞於庭豈不稱盛際哉余弟與同門友涂君輩造余乞言將馳一介往余因言曰昔田生謂齊宣王曰非君之土地無以處吾親非君之祿無以養吾親非君之爵無以尊吾親凡事君以為親也夫記稱大道隱人各親其親則以為小康今私其君之有以為親榮不為臣則不子哉且上養養志椎牛之不逮雞豚也審矣而世俗豔慕於鼎貴以為孝必鼎貴以為孝則蓬累之夫將不伸眉於白華南陔之篇矣雖然此語信辨要非情論人情處明盛之際計莫不節束百行潔雪明心斬以立身而顯親然仕者不逮養養者不逮仕是以曾與三釜季路百里雖大賢不無慨於心蕃庶之於人甚哉今太孺人有子為天子貴臣子孫駢榮洸爵序進聚驩一堂太孺人樂則子心樂周磐感汝墳之舉毛子動捧檄之懷何以加此然余

嘗聞太孺人賢母云太孺人父為叅政石峰管公  
有令範於壺門既筭而事舜涇先生先生方治儒  
有聲黌校間蹟不得信太孺人拮据終朝滌瀝其  
奉政公而內安先生率子婦為儉勤不衰故遂成  
太史君子謂史氏不可量將復八行之世矣八行  
之事母也至孝吾里人今能言之世世朱第皆神  
錫秘祉之餘今汝和方結忠紫闥必復其世太孺  
人坐而享之萬有千歲可也

都門周節母序

味鳴文集 卷三

三十三

周節母岳太夫人春秋高今元夕復始悅之旦蓋  
七十周矣有子曰鳳鳴孫曰道隆道昌道光道隆  
為諸生有聲時承問余節母之歸周公也為繼室  
周公初室陸節母之事周公也五年舉女三年舉  
子又六年而綺年尚二十餘輒踐自誓拮据以養  
舅姑無何舅卒獨與姑處家無留儲冬或斧冰以  
盥人憐之者諷夫人獨不能少與時運乎輒誓曰  
吾嘗謂里婦非婦吾志有在矣暨子鳳鳴稍長娶  
婦子婦皆能孝子復生子駸駸大周氏太夫人喟

然曰吾始願豈至今哉子若孫舉觴以佐歡請余  
曰願先生張之夫太夫人稱未亡人者四十餘年  
而至於今居大都修穰麗天之中踐閭閻不利之  
日守節無回承事本宗終撫子孫綿祚開福無妄  
之報於斯靡爽余戊辰入都至今亦十六年耳目  
今故悼感非一而況此四十餘年計太夫人四十  
餘年正 肅皇帝中道治豐物衍人人意得豈知  
有嚮隅而獨泣如太夫人者乎異時有容城楊夫  
人刺血椎心上書闕下願以身代司馬郎之死有  
畧鳴文集 卷三

三十四

曠晰白豈戴盆坐井者所足與議乎要之保貞孤則禧福備陳恬寵戚則踈躓立見豈有兩天道哉太夫人躬楊沈二夫人之行而幸緩翟兩婦之死安知他日不與曇陽後先此在純白真覺默成異解殆非俗慮所能知也於是道隆繪西王母之圖以祝蓋世以大母稱王母以西王母象太夫人蓋寓言云而余謂安知世無西王母又安知太夫人不為百千西王母之一母夫履道之身固不免於世患而明於憂患與故故道可得而有太夫人蓋

家鳴文集

卷三

三十五

周之西王母也

朱少欽母葉太夫人六十序

在戊辰遂進士者四百人業秘書者三十人因留為史者半加一合首甲而十九前此未有也十九年於茲而此十九人者尚十八人籍金閨在外不失藩大吏於是談者盛戊辰館中此豈獨其時命氣數遽然哉夫亦我二三兄弟勅躬履常無所指視於人間以永終譽海內耳目豈少也吾二三兄弟者無形骸爾汝家事必通今年八月四日少

母太夫人壽六旬太夫人在越少欽將馳人上觴吾兄弟謀所以佐少欽觴者曰子宜言一貫於少欽有符之符者三並家浙以東舉辛酉於鄉今同戊辰入詞林雖編摩講讀受職改官之期二十餘年于茲盡同又他兄弟所無也烏敢辭夫子母難言矣天性也亦有人焉有能有不能不能者至賦大隧而後見或遂抱蔓不惜豈非能者天不能者人歟乃有異體而情篤始緣母名而真母不是過雖人實天性也太夫人之為少欽母也少欽甫四

家鳴文集

卷三

三十六

歲少欽兄比部君亦十歲終長兩子與其子均慈泰州公雖舉于鄉猶課授自給雖歷彭澤與泰州兩官蕭然也太夫人始佐讀中佐官末佐隱終不慙兒女子少欽端定雅飭蓋庭闈之教多夙夜在公非仁義不敢前陳懷謹吐亮可謂已竭即貳尚書未有見而跡其所不為知其所為有一介無予取之操有憂四海之心持此以往天下可也太夫人可謂有子矣聞昔之有道者假於異類托於同體宇宙大園之內靡非喘息呼吸所關曳紳戴履

之夫烏可不講於是以保赤子而家天下傳曰孝事君弟事長慈使衆何也未有和平淳厚歡然交通於家人父子之間而不能及天下者也又未有恣睢抵牾爭雄競桀而能怡聲氣於敦平庖廝之間稱孝弟慈者也太夫人不學而臻其致少欽學而益其性吾於斯徵世德焉居無何少欽被命為吉士師少欽為吉士師太夫人之教澤又廣此誰非太夫人遺體也

朱親母劉氏七表序

喟鳴文集

卷三

三十七

今制婦人誓節不嫁者年二十五以下至五十守臣以聞旌表其門閭此聖人所以厚人倫美教化之大端也顧限年若彼豈謂海內夥矣旌之不足旌取其尤者示之的歟夫限以內固有易者或家藉溫厚門閥足資以財自衛卒全其名是已惟是窮巷蓬蒿俯仰無類一汲必躬一饗必親朝米夕薪子哭女啼此非宇宙畸人之尤耶詎直仁匹耦已也而年有限制有所不及惜夫此其心寧有冀于外來獨天性內篤敢有二事求仁得仁抑又

何怨故惟天下窮幽縻子之心足以愧士君子之好名爭榮而喆于利者吾嫂氏曰朱朱之母曰劉劉夫人十八而嫁北溪君三十四而寡風雨來帛雀鼠不入其門而夫人抱一女四子凡前吾所云艱難事者備茹之矣誰則憐之即憐之而有所遺而夫人固引義辭不受謂未亡人度終無以報稱不敢受於其一女四子者長之教之婚之嫁之本之一鍼鋒所辦嗟嗟夫人大受幸矣哉又積三十有七載而為萬曆二十年躋七旬于其時則子且生孫駢駢滿前子皆任事而功稱閭里聞人而孫亦受詩書習舉子矣朱氏之世在嘉靖間有諱圭者取鄉進士則北溪從兄也廼夫人之完節苦行延其如綫之緒如此吾知其子孫必有紹隆家學振奮頭角以播夫人之幽潛者哉蓋人之報人也以名而天之報人也以實夫人之旌雖格于功令而冥漠之表常以有餘補不足必且鶴髮覲齒為耄為期親觀高車駟馬之在門矣秋孟既望余兄一經以子壻上觴而命余序之蓋實錄云

喟鳴文集

卷三

三十八

汪表兄武成七十壽序

我先祖生姑氏三人長者嫁汪丈生子一曰周字武成而自號為思南子蓋傷父早世不逮養識孝思云今年七十往矣以二月初度之辰内外兄弟為之舉觴而索余言夫子之欲言久矣予伯姑之苦節起家也予思南之幹蠱用譽也皆不可無傳以示後之人而予未暇遑也不於此乎言之奚俟焉始予姑十七而嫁三十一而舉子卜居甬東隨喪其舅與姑四十而寡方是時骨肉伶仃獨

梁鳴文集

卷三

五九

與其十歲孤俱而業顧日滋易曰富家大吉順在位也吾姑以之吾祖之有疑莫決也必曰吾就吾女謀之也吾父吾叔父之有疑莫決也必曰吾就吾姊謀之也吾伯姑坐闈中而域外在其睫端惜其蚤謝謝之日以兕少未更事為恨未暇也吾思南之善繼也不夙則暮憂憂乎無暇休焉而後立汪氏中喪之門夫立身于今之世難矣仰則以為亢而厲俯則且乘之謂孱易侮見貧則人笑之不為兄弟朋友親戚之數見富而又且乘之弱求

恆不百方空其囊不已也惟君為能善俯善仰而又篤於行義人人稱為誠長者今雖老聽于子孫而操節無改夫布衣處士之行若君者吾見亦罕矣天之壽之天不為無意吾姑不死矣夫世人徒言富貴壽夭之為天而不知福善禍淫之謂天今有儉勤兀兀而終窶且貧者乎富由人也天烏能貧人今有蓄養善攝而中道夭者乎壽由人也天烏能夫人若君之殂家與身也皆自為之也天特不美其常非能益之也吾賜言之一以表思南一

梁鳴文集

卷三

四十

以勗思南子孫知廼祖若父之勤行如此也

長潭姊王太孺人八十壽序

余母家洪也洪翁起布衣與媼日夜操作較子母錢有富稱為人忠信重然諾誠壹強力忍詬尤可稱者越俗苦婚嫁生女輒不舉而翁媼獨育五女其好生篤人倫如此所生五女者長適徐次葉次劉次宣吾母其最少者徐氏世居罌湖中力耕稱上農蓋所稱惇龐淳固之民而吾姊及丈皆高壽生一女二子女嫁長潭王氏蓋余内外兄弟二十

有四人而王氏姊其最長者也往十五年前余為先太淑人行地而過姊氏見其家廬井有次桑倫有敘有山林陂園竹木薑米耕牧之利雖萬山中而衍暢肥饒大溪出其前可筏可舟四子皆彬彬孝弟有禮讓士君子之風能勞苦挾桑弧于四方余留一宿而去余今再告還而姊年八十聞其視聽不減子姓益多則思一再覲姊而徐氏兄來言曰姊甚願之也必與兄若弟偕夫婦老矣吾中表落落如晨星而長潭又不易往其為我還報姊吾

喙鳴文集 卷三

四十一

兄弟當以元旦後一日謁先太淑人隴從芝溪踰大嶺抵姊所十里而已期以是日觴吾姊姊其勅子孫灑掃庭除採葵摘蕨饒黃泥之筍煮新菰之酒以俟我姊好佛母用鷄豚蚌蛤魚鱗之屬亦廣放生之義為姊千百歲祝云

### 封侍御徐翁八十序

始一貫舉于鄉為嘉靖辛酉時則同邑十一人具慶者半乃三十年來而稱壽父者獨一貫與徐侍御耳一貫父今年八十有九侍御父懷雙翁今八

月十有七日當翁懸弧辰士大夫爭持酒幣賀而屬一貫脩酌者之辭昔華封人之祝堯曰多男子夫多男子不在箕疇五福數內而持以祝何哉天之昌人國家也不在其身必在其子孫而子孫未皆才必多之然後可才虎豹猶然況於人乎徐翁子兄弟中為季生時前有五兄雖其父母亦謂翁多也顧諸兄莫顯而顯徐者翁封人之貴多有以我翁又有太子而所顯者以長公又安知其次與季不翩翩猶翁也常觀士大夫世家厥初無不寬然長者翁習舉子屢不售去而教子晚稱素封其騶從簡易自如人有急傾身為之不以有無在止為解接後輩纚纚道前人法語大抵醇德人也壽不亦宜乎世之言養生者謂得神藥而服之行氣不懈朝夕導引宣動榮衛使無閑塞雖未還丹亦可不老然金匱綠囊黃素之術世既希有醫多承方略養虛聲求精利無足信而羽士方客朝秦暮燕語言難了所挾金石莫辨其從來且多酷烈偏至之劑人腸胃綿脆豈能嬰剗縱有仙術不可施

喙鳴文集 卷三

四十二



于人世而况假謬誇誑以誤人者也吾四明本窮  
海伉質之鄉人亦如之頃自洛伽再興海船通行  
四方迂怪之士往來歛習遂謂永年之術有出于  
尋常食御之外以余家大人例之安用服食安取  
奇秘不服食不奇秘此家大人所為壽獨慎攝起  
居節量饑飽不謀知之不及不任力之不能人勇  
于為吾勇于不為此有異于人者吾意徐翁之養  
生猶是也何其性行操持大綱不殊哉諸君子其  
以余言質翁翁必暢然指南同歸于大年矣

梁鳴文集

卷三

四十三

洪妗計太孺人序

小子一貫湛浮金馬門發家書言洪妗計太孺人  
明年壽八十表兄雙泉君暨嫂氏俞亦皆六十昆  
弟以家大人命為侑者之辭小子生髮未乾襁抱  
往來外氏不識外王父獨識吾外王母呻吟牀第  
則吾姑左右掖持哺食澣洒中帟廁諭稱孝婦維  
時洪盛門也吾舅靜峰公椎牛醢漿浮舡艍於大  
海漁魚魚入襪襖百具舉鍾成雨課耕耕入官以  
閭右徵賢餉餉入所居室右郡左邑家內外勅勅

梁鳴文集

卷三

四十四

不聞言以資高于里而長吏知名莫敢有私吾舅  
氏非凡萌哉吾姑夙必先興夜必後罷意欲而物  
至目求而需得衣以裏鞞弓以膠弣斯人不易得  
哉舅氏既沒吾雙泉君以掾起家自致縉紳承豐  
城曳裾諸王之門晚而家居修孝弟之事敦善不  
怠顧吾仲表襟泉兄之畸也非不偉然丈夫而不  
逢嘉年觸而報困以厘孟氏心鵲鴿在原喋啗回  
翔盖日永祖考烝嘗之念而戚手足痠瘵之憂迺  
仲亦感戀友于欣然忘貧和氣鍾凝洪其復曩之  
隆綦旦夕何有小子于是而重今昔之感小子母  
與妗生平甚愛而不待妗為一悲慟幾絕今小子  
念妗猶吾母而身數千里外不行一觴感一也嬉  
戲盤盂棗栗間比耳而今以楓楸求王母椒精求  
舅自妗之嫠十見閨所吾不知大化遷代竟何物  
感二也衰盛之運往復之際感三也顧小子力微  
不能為外氏重而獨虛言為歡可以溫然解顏盡  
一觴哉因私語昆季具白妗松栢以後彫稱貞金  
玉以不毀稱寶人年八十謂非希絕難睹稱盛鉅

之事不可毋其專精毋外慮重珍玉體又私語雙  
泉君曰吾從先太君聞外王父之行甚熟淳德厚  
氣英英宜未泯舅氏亦然蓋視君之孝友穆穆哉  
兄嫂皆六十乃舉一子斯天錫也願益修德蹈信  
敦孝履友福將安往斯吾洪無疆之休哉

博士章少陽暨吾妹氏壽序

章氏為吾鄭望族不獨以世系以人品余猶憶少  
時與一陽先生交也齒相讓道相成失又相規也  
於今彌五十餘載而厥衷可覆厥行可宗蓋余寔

味鳴文集

卷三

四十五

嚴事先生而先生雅負人倫鑒一似有當以公輔  
器余謂不獨以文章顯由今想之其朗洞何如哉  
故有先生之品宜其有後是在余妹氏之壻少陽  
君矣君先生季子也性穎敏九歲屬文數千言立  
下余以為似先生於是以女弟許字而無奈數奇  
竟以諸生老余惜其不偶謂博士冠頗宜而君故  
一再卻曰吾有子吾之日自在此亦可想見其人  
矣歲丁未嘉平月為君始壽以有子之喪其子弗  
克稱觴今庚戌仲秋余妹氏亦六旬老於是二子

載道至道以偕壽稱觴屬余為祝夫人子於親禮  
無諛言矧壽而後觴質有之矣安事諛章之先世  
多陰行善又無從諛也詩有之無念爾祖聿修厥  
德二子亦知王父之德乎哉忼爽夷易貌不羨乎  
情而言不溢乎行蓋長者也夫長者提躬貽燕必  
遠是有爾父取王父之德而麗諸脩勤而行之垂  
老不懈小子心儀亦已久矣夫人不難于壽而難  
于享爾父母享有壽者也二子用享者也以壽乎  
以德乎必以德矣享德之繇曷念爾祖余之有今  
日亦爾祖所知也況于爾父二子稟于天者特而  
藉于祖者全誦詩說禮修身集吉為麟為鳳為章  
氏聞孫此之謂能用享何論爾父母體加充神加  
玉算益加綿即爾王父之德且加廓矣勉乎哉於  
是二子俯首而前曰曩丁未不得遽觴吾父居恒  
怏怏母氏戒之曰徒觴無益也能為爾祖之孫而  
後能為爾父之子以是為觴孰大今聞舅氏之言  
愈知觴美敢不佩服

味鳴文集

卷三

四十六

喙鳴文集卷四目錄

書序

重刻周禮序

聖門通紀序

老子通序

莊子通序

天一閣集序

余文敏公文集序

宦悟集序

喙鳴文集卷四目錄

顧職方詩序

會試錄序

休寧范氏族譜序

醫統序

國典記餘序

陳善集序

題跋

題歷代名賢確論後

題樸齋隨筆後

書紹興十八年同年小錄後

題屠長卿荒政考後

恭題 欽賜御書責難陳善四大字後

跋自樂先生沈學士卷

題汪長文養生主草書後

題大人手抄白氏長慶集後

題大人手抄南華經注疏後

題七觀齋帖二首

喙鳴文集卷四目錄

二

喙鳴文集卷四目錄終

喙鳴文集卷四

四明 沈一貫有吾 著

書序

重刺周禮序 館課

夫周禮非周公作之也周公因唐虞夏商之制踵其弊而加防憂其亂而增察怵怵焉不得已而以天下為事也故蚤夜而思之待旦而行之大而井田學校封建肉刑之制衡而祭祀朝覲冠昏喪紀師田行役之詳委而車粒圭璧畫繪刮摩埴埴之

喙鳴文集

卷四

一

法登魚取龍揭鬣之數高者範玄旻下者入黃壚巨者包嶽滄纖者折無垠極矣夫子曰周監於二代郁郁乎文哉夫惟監二代而後周禮作焉如有周公之才之美而當唐虞夏商之際周禮無作也夫周禮者周公計吾之衰必為春秋為戰國而豫為之隄者也今觀其書所以室橫虞於杯水桔強梗於童牛者靡不周至卒有幽厲威赧不可亡齊晉秦楚不可霸六國不可聞秦皇不可吞外鑰而內捷左支而右吾庸主守之可以萬世陵夷不寧

竟契前憂然猶合為十二峙為七國蜿蜒綿亘歷八百而始遷則周禮之功也秦得天下之難而不見周失之之不易取先王之制而灰燼之故周禮不存而秦亦亡然亦勢矣夏尚忠商尚質周尚文忠修志質任事文則具故周禮衰而繁縟勝繁縟勝而縱橫興禮樂不得不止論者咎漢去古未遠不能復周禮余竊非之漢安得用周禮方當破觚為圓網漏于吞舟之魚而後天下蒙更生之福向使屑屑焉取天下而周之垂三統之序駭萬姓之

喙鳴文集

卷四

二

觀雖周公不能何者救文之弊莫若忠周禮非漢所宜用也繼漢而王者周禮可行矣而不行雖然要知其不行六典肇于唐沿于宋彌講彌具至我高皇帝而據聖神立典制革丞相陞六卿錢穀甲兵之權大牙相入雖大奸惡亡敢誰何高皇帝豈規規于周禮而率與周禮券千聖符節于斯睹矣故有夏有商而後有周禮有漢有唐有宋而後行周禮神而明之舉而措之而聖人之法曷嘗不在天下苟按譜而求其肖雖井田矣肉刑矣封建

矣以為莽歆宇文可取而為周公終不可不為周公乃所為周公者也或曰如子言則周禮筌蹄也奚刺為曰以聖人之心觀之奚書而筌蹄也以衆人之心觀之奚書而不筌蹄也

### 聖門通紀序

今天下人習孔子之學而問孔子之世則暗蓋學天下之公也世孔氏之私也學其公還以治天下之公而私不暇知也雖然不知其世可乎孔子世家太史公采之孔叢家語諸書不能詳以予所聞

味鳴文集

卷四

三

秘閣中有聖門事業圖一冊洙泗源流四冊孔子實錄五冊孔子年編六冊孔子世家補六冊孔聖圖補三冊闕里補系一冊素王事紀四冊孔庭纂要二冊孔子追謚冊文一冊行于世者有闕里志東家雜記聖門通考陋巷志聖蹟圖諸書蓋互有詳略可考矣吾友張也又覃精于是自世家至及門從祀之徒與歷代祀典無弗搜也無弗輯也勤矣哉編之起也感于新建之從祀余時職翰林有疏焉大約于其祀不盡于其學所為不盡于其學

者為孔子之道大一端不足以槩之而所為予其祀者為大則無所不容嗟夫孔子天地也吾何足以窺之帝則為堯舜禹湯文武者孔子也為少康太甲高宗成康宣王者孔子也相則為臯夔益稷伊尹萊朱周召太公吉甫方叔者孔子也為微箕比干者孔子也任天地之所命而賦之身存乎其時而已矣夫孔子而上稱聖人者鮮不富貴顯融樹彪炳之業者也天之意慮世之貧賤饑寒栖栖不自聊者灰心屏思而穢棄其身生孔子以標之

味鳴文集

卷四

四

若曰孔子之生如此而聖聖果不在富貴福澤矣孔子之世學者烏可忽諸不曰堅乎磨而不磷不曰白乎涅而不淄萬死而彌勵于聖門庶無愧焉

### 老子通序

萬曆丁亥春一貫請告既獲命會上方靜攝未果辭裝已入舟即中虛無書玉山程孟孺手書五千言來寄發而讀之有會于心也輒命泰鴻從旁錄居數日滿紙遂借諸家箋參互而削成焉成之日次德州矣蓋家大人素好老子一貫患無所操

以獻藉手無味之旨庶幾盡一觴云自昔笑老子者何可數以董思靖所記蓋一百二十二家思靖以後予所覩記者復六家雖不盡存可徵尚五十家味道者各應心而會理纂言者或得意以忘辭曲暢旁通信以難矣矧夫知者不言言者不知聖人復生能為中人語上裁大道同歸而殊塗一致而百慮古之茂哲多矣而不能合孔老之異同有比而同者輒傳會非倫能服人口不能服人心吾惡知同之者是而異之者非吾惡知異之者是而同之者非何也凡言之爭起於激老子既欲絕聖棄智絕仁棄義何怪乎儒之火其書廬其居人其人異之固宜其尊老者又過方外無論矣儒者如蘇吳薛王納而附之儒不異不惟不知孔亦不知老起老子而論之其首肯哉今一貫獨以老解老而同異之際使人自擇焉嘗為之說曰孔子之道中道也老子之道厚道也厚者訛中為分別中者訛厚為過情要之中可以治天下國家而厚乃合天孔子者中而未嘗不厚者也學者祈得其中而

至於分如牛毛去薄不遠以老佐之庶幾其為孔子抑蘧伯玉行年五十而知四十九年之非今一貫五十加一不敢望伯玉又安知今之所是他日不以為非也存諸家爾安敢示人

### 莊子通序

莊子盛於晉郭子玄為之解次則唐道士成玄英二書具在殊未暢於人心餘直可束高閣矣余讀莊三十年頗有所會未遑於赫蹏丁亥春偶疏大宗師應帝王二卷既得陸長庚副墨為之歛衽戊子赴關無何引疾還舟中寂無事因日課數十行以嬉於無何有之鄉實四月廿三日托始於德州憶舊年解老竣於是乃今復於是乎始莊豈冥數耶會水枯寄泊清源即城之間一月遂得專其精神迨畢工濟上則六月朔矣儒者之說載在六經語孟中宋君子既詳之無以加莊子本淵源孔氏之門而汎洋自恣於方外者流竺乾氏未東來而語往往與合當居三教間余以其五萬六千餘言參而伍之以暢其說雖不中豈遠乎哉太史公曰

賦事辭稱則經好書而不要諸仲尼書肆也好說而不見諸仲尼說鈴也夫世之繡犖者誰復踰子雲而其言尚爾文安在哉前輩之文亡不托六經為致極更千餘年論者咸是乃覩夫近之觚可異焉謂寧失于理毋失于辭謂官不卿相家不千金而稿死窮巷之中者不稱夫此教天下以無行誼之尤也若是則周公孔子安所得經緯之章而則于逮我漢武之詔曰無以蘇秦縱橫而蘇氏以縱橫則為貶議聖門賤口給而王氏顯以強勝故

歐陽文集

卷四

八

釀靖康之禍使文於世而無庸則輟不為可矣將庸于世傳于後之人經物宰紀惡可棄常珍嗜異饌痛夫風俗之移人也方嘸嘸所翫翫然若狂詆有宋之牽繭而並棄其論悲夫司馬公論文要以典則雅馴為詣于書無所不畜雖晚暮常讀誦至夜分聲噦噦振林末驚其四隣受簡則收思凝神終日始舍一辭寧腐毫無汗牘揆名積實考之參五若大匠執規矩以運斧斤雖千百椎鑿而終不出方圓平直之外故其文氣安而語澤思平而

旨完此先進之彬彬哉詩以漢魏為宗而加大曆一等意所獨到自謂可方陶謝嘉隆間吾鄉稱三司馬張腴而瞻屠介而簡先生修而澤一時歸作者而先生之集最後出則文體又一變然世之嗜古而貴道也當以余為知言先生在工部嘗抗郭武定下詔獄居袁州不私柄臣子立身若此宜其言不詭矣

余文敏公文集序

文敏公以博士家言魁試舉副詳延天下青衿于

歐陽文集

卷四

九

既嚮慕之矣比入承明典著作之事周旋臺閣草絲綸之命潤色兩朝功德之盛刪述一代典制之詳洋洋然景景然與群賢錯而綜之彌縫不見其跡焉若夫長篇大幅片楮尺牋所以敷宣人義陶詠性靈與綏珮之士相酬應者多有也而副在不戒烈於鬱攸今四求人間之所存得若干首黎之以行二貫受而讀之怒如懷山陽之槩嗟夫鳳凰且麟隱而寶其一角一羽以為奇彼鳳能羽彼焦明亦能羽彼麟能角彼并鹿亦能角自天下有焦明



并鹿而鳳麟何顧乎非是角是羽不足以存鳳麟則與衆寶之可矣公天人哉其氣豪其志遠其度弘以達其所窺書博而雅其所取友自館閣諸老以逮海內名流雖後來一秀彥苟有異者皆折節其跡多在山水間所居處雖宦印必飭藝花灌木酌酒寄談若舍是無可以生者故其文足言足志雄深雅富沛然若決河漢而絕卑寒逢匠之態据根柢支葉瓌如也詩以逸韵偉言為致情所會處含玄蘊微唱歎有餘音雖踟躕自成而天琛夜

味齋文集

卷四

十

光往往在焉昔洪景廬一日草二十制矜其侍吏曰蘓學士諒如是吏曰蘇學士誠亡隄公顧無煩披故冊耳景廬恥之余謂世所稱文章家苟未竟其裏而徒以雕鏤組織相次未知權力誰勝乃公且飲且奕且哦且作財成心匠懸若夙構不煩閉戶腐毫之力而馨香茂實爛焉此非天情詎勝所醞釀于胸中者素邪是何必嘵嘵以往萬自律鯨秦韓漢猶魏剽唐如庖者割鬻批鮮以饜縱人口腹為哉惜乎年不酬志中道棄捐勳庸闕如斯文

天喪悲夫一貫自業博士已侍公教中出門下為弟子益親居以道義相切劘事功相砥礪而今不可覩矣故序公文而及公所為文如此

### 宦梧藁序

史一貫曰余聞之屠生曰官各得踐物官而後政可紀也昔在周官創典貽制至隆備矣無論經國大物即飭五材辨器數枚枚秩秩焉此何以哉何獨元聖材藝閎博之效無亦百執事世狎其官無乏其事事各有程官各有常貢之天府而品式加

味齋文集

卷四

十

焉以垂後極不然何徵也後世長國者雖亡其籍彼其籍曷嘗亡焉秦皇帝聞有督亢圖庭九賓見客蕭丞相遽收秦書知海內阨塞戶田之數左券責天下皆急是矣治復下哀官不即工達人馬曹視之雖喜綜校書紙尾止矣以余見聞天府所不可知諸府寺郡國之中居常案牘積於武庫一有考鏡輒眇眇無所覆視空文滋而實紀眇也安在其云文獻足徵豈非奉職循理者希而徒高言諾坐嘯苟自快哉海雲李公為梧州別駕行縣

書十餘篇且萬言咨關塞之興廢志山川之夷阻  
閱甲兵之虛實稽錢穀之登縮藝戶口之息耗論  
風俗之盛衰公惠州大儒也博聞美文詞閱中外  
之故多其為治念鄙遠踰鑒而傷邵杜之不復又  
任臣也夫空文不若行事公雖行事惜任用弗久  
所著書亦空文雖空文吾謂能振其職以福澤梧  
子孫梧人獨苦徭耳徭定與定徭動與動治既不  
常而談者卒卒且不能裏其言故前後仕者知將  
及而瓜及之績用無成藉令後來者覽斯文此伏

喙鳴文集

卷四

十二

波聚米也獨視指麾何耳宜編郡史無俾遺軼於  
是余與公子給諫君言曰梓子序之

### 顧職方詩序

今海內承平士大夫往往標翰墨之勲以見奇篇  
什日興雖開元天寶寧足侈乎謂非蘇李曹劉法  
不可用典午之後殆不可存于世哉夫居數千載  
之下而仰攻數千載之上非銳師不可以其故則  
常歸而索之四壁異古昔矣皇皇者華于彼原隰  
駢駢征夫有懷靡及古者大夫行役趨事不遑一

咨一歎可絃可歌詩如此其雅也故詩問雅不雅  
不問漢魏晉唐山川草木貴如也同門友顧子大  
典之來京師也示余詩近百自家園首路以迄都  
門無他異作志原隰也其言雅矣體自漢魏晉唐  
間出顧子之於斯藝斯志也勤矣哉顧子非徒然  
恬勢利視都市無可求上疏云臣母不能去南土  
臣不能去母敢以留曹請方今士大夫死不顧出  
國門而君之來一睹國門而返此可以悠悠觀哉  
雅不亦宜乎

喙鳴文集

卷四

十三

### 會試錄序

萬曆二十六年戊戌春復會試天下士是為我  
皇上御極之第九舉也久道化成士鱗集公車者  
四千六百有奇禮部侍郎臣劉楚先臣余繼登以  
考試官請上命大學士臣一貫偕學士臣朝節  
往陞辭入闈畢兩旬力導宸斷取三百人故事  
撒棘日錄諸士文獻于上且行之四方顧諸士  
文或不雅馴主司加潤色焉其後遂預草雖隱屏  
作之終不能無見端而簾以內又日程鑱鐫以妨

其校閱雖言者屢言宜循用士子文弗能從也至是上俞在廷議以撤棘後一月孟夏朔貢錄獨先以名聞於是臣等未入闈得一無所擬議免于漏言之誅入闈探策而命題又暇于校緇而無左右顧之勞比歲士旁逸于諸子百家至標佛老以為綺文體壞弊臣等奉詔釐之弘蒐蕩滌棄瑕收醇務還先進之觀即不敢謂無遺珠庶幾我探淵漉海網亦無踈目矣蓋上意不欲極臣等力而優之以自故臣等獲相勉勸奉詔不欺從

歐陽文集

卷四

七四

茲以往遂著為令教人忠教人勤教人必繩尺士習統一聖真毋令踰溢恩德甚盛期至欽諸士文授禮官繡之黎備乙夜之覽臣謹序其端臣惟以文取士非古也聖門四科文學居後後進文溺質聖人憂之然文之為教不廢而王者求士雖屢更其制卒試文不改何哉蓋直示寄焉而非謂果足以盡士也曷言乎寄其寄之于辭以觀士之智通塞學醇疵乎其寄之于制以示至公欲士毋私詭壞始進乎以科發名不以名發科令士起家

圭筆不費一羔鴈不煩一介紹而致身青雲之上主司以一日之耳目收士而亦寬其保任之責故制久而不廢也然公矣明且必矣而未必得真士如聖門之所謂德行言語政事者進之則何故哉制不得不以法士不當以法始自嚴制不得不以文士不當以文始自脩制不得不以祿士不當以祿始自勸制在防檢而制之意待士不薄士守法誠為公脩文誠為質尊祿誠為趨義而赴志則善今之士也殆不其然恃上之待我不薄而恣焉以

歐陽文集

卷四

一五

逞能安于不足而不能不爭于有餘能守志于衡門而一入周行輒較尋尺甚可怪也國家既錄士而貴之已又卹其私直當稟道而行載義而往不顧私一意公耳制科檢士而材之于倖如嚴姆之衛妹子而後嫁之惟恐汙之也嚴姆幸結貞女之禍舍然自適吾今始乃以完璞重百兩之御矣而豈不復視之曰必敬必戒繼自今以往葆此璞終而後其心即安今制所為防淫者既若是密而臣等謹奉以從貢之天府雖在媒妁能異于父母

心豈以今而後乃更鑽踰為國人羞豈不負國  
家虛科名辱主司悖其生平所聞傷父師之心何  
面目于人間獨不內愧于心乎觀古聖賢書所為  
論儀文制度兵刑錢穀之言多濶略而公私之際  
特詳是知彛倫規矩惟此式矣稱跡跣不御者謬  
也夫不御則不可御不自御又不可以御人以斯  
求士竊所不取濟大事者必以忠孝正直公廉信  
敏為本而當世鮮憂國奉公之士是大可念能  
無望于斯人哉臣所語諸士如此敢敬聞云是

鳴文集

卷四

十六

役也同考試則右諭德臣從哲左贊善臣醇敬編  
脩臣道南臣繼偕臣繼禮臣懿典臣熿臣孔當臣  
賓尹檢討臣國楨臣生中臣騰芳都給事中臣為  
楫右給事中臣棟給事中臣應祥郎中臣企仲臣  
應聘主事臣大年監試則御史臣璧星臣文璧而  
譏防闡外者則御史臣汪先岸臣何祺例得備書  
光祿大夫太子太保戶部尚書武英殿大學士沈  
一貫謹序

休寧范氏族譜序

夫禮莫大于收族何也大人以天下為內靡匪其  
當收者而何止于族達人以天地萬物為外身且  
置不收而何有于族且夫收族者以區區一赫蹄  
班次之為足收乎抑相逢執手媿媿謬為哀憐恭  
敬狀遂為收乎是必有提衡睦卹飲食饋問慶弔  
贈祿之儀急難相援疾病相持之義而世俗又不  
勝往來施報之責則空為此總總無以也烏乎其  
為收故釋氏棄人倫離父子絕類而尊師舍身而  
存道自謂其胸中一物不留今之學者喜其便借

鳴文集

卷四

十七

其說而張之以合其徒夫舍其族而合其徒是猶  
有收也一聞耳乃墨者夷之則曰吾愛無差等施  
由親始而不難于頂踵事人則人盡族也身其餘  
幾而吾儒又以為非彼豈悉無說耶無論前二說  
雖在世俗亦不行世俗罔不以收始以棄終德不  
能卒不如無德雖或譜之覆瓿安所用然而人人  
猶無不善收族者察其情則不得志而求援于當  
路則善收族寔而求資于富則善收族迂而漫無  
是非又身在施予之外無管鑰盈虛之憂則善收

族暗而浮慕其聲損其身以殉人則善收族未有  
無悔而通行名實符而終始契者將擴充惻隱使  
妻子與四海交無怨難矣哉是固宜精其說而通  
焉世之講者舍聖人而好詭為說以逃之曰是權  
用也外也而吾內有智照者存夫身口矛盾權智  
函矢而曰可吾所不信是嘗自詫其智照之精矣  
而猶為權用所梗然則智安所持而照安所歸余  
以為禪患有揀擇而墨好無差等明于惠揀擇之  
非則知禪非明于無差等之非則知墨非而後聖

家鳴文集

卷四

十八

人之學始明有殺有等親疎咸得而吾收族之說  
始行從吾游者范原易為譜以收族范休寧甲氏  
而為支三為派七自唐觀察以來得若而人凡若  
千卷其為書之體例有九意良勤矣原易又明于  
道而勤于學與當世講士游余故因其乞序而題  
其端夫學術賸則近不能行于族而族之人可按  
吾譜而還責我學術真則吾雖有收不收而兩不  
相廢恩不撓義情不害法人不岐已疎不間親離  
之並美合之兩通儼不億以為譜偕螽斯以合食

可也推類而言則四海兄弟通為一族而無形骸  
之分可也作休寧范氏族譜序

### 醫統序

天下之治方術者亦異於古矣古者人專師師專  
法累功而就業歷試而嘗效故挾策寡而取用宏  
彼精於已無藉於外也後世不然臨病而攷治按  
方而索功彼之不效則此之求余觀於今天下盡  
然而獨醫乎古者人專師師專法師秘而不忍傳  
學者久而後可得然且齋戒以將之盟誓以信之

家鳴文集

卷四

十九

誠而聽之終而守之其治人也壹意攝志固敢貳  
參故病者之聽醫猶聽神明正反從逆惟其所用  
至割皮解肌浣腸刮骨不惜醫誠良而聽之誠是  
也今醫師徧天下而不攻學者亟求食而不能盡  
其術病者疑信半而姑聽命又以好全惡危之心  
待之旦不效旦更夕不效夕更醫不敢聚毒以盡  
其技况敢言割皮解肌浣腸刮骨之難故天下不  
尊醫急而求醫必責其方夫然後貴畜方曰吾其  
方非吾方上古聖人之方故病者即不信醫信上

古聖人而醫亦不至妄投一劑以禍天下故古之藝精而試今之藝試而精古之人法治病今之人病合法古之法宜簡今之法宜繁亦勢然已徐君之作醫統也上自黃帝岐伯俞跗和緩倉扁華佗叔和仲景之書下逮曲巷小師之技裒稽欲盡一病而狀百變一藥而效百試此之一法而又有彼之一法者存使天下之治方術者就資而就給精思而慎發借無十全猶寡失耳故余謂徐君有功於今也徐君新安人名春甫今為太醫氏成國朱

陳鳴文集卷四

二十

公客之始徐君行四方挾書多其在京師會國家有大編摩緣公卿得觀秘書聚方滋富然徐君所治病有妙巧輒自紀所以治滿几閣矣而未嘗膠方此長安所以名徐君哉

### 國典記餘序

我國家典章自弘治來有會典然牽于諸司職掌而不敢創作漫無緒端無論事例不備雖官職大綱決決罔所辨也萬曆中詞臣先後講求更立義例統體條目燦然畢陳事各歸曹無所滲漏垂之

萬年唐六典茂如矣顧意主于詳而卒覽未畢格于功令不敢以微辭法評助入其中至如名勛碩輔僉人敗類所絲建廢之姓名與方言俚語驛書却報之委婉例皆不收蓋方繁而不可簡方法而不可文體當如是非不欲也諸曹有職掌一書則事事收而意取便有可存職掌不可入會典者職掌亦不可廢哉余之于會典也頗銷精焉而有不

陳鳴文集卷四

二十一

能盡載如前所云者惜當時付之胥史不收至今思之為恨暇乃取所記憶而雜書之或會典雖載而更有一語可裨者亦存以備參考斯大庖之一

齋爾

### 陳善集序

萬曆三年十月六日一貫守史局俄被命充日講官故事經筵講官翰林資稍深者可充日講官昕夕侍上幄中最華選資必六七科官必官僚猶然慎擇如余師殷文通趙文肅皆以大宗伯非小臣任也上冲年嚮學無間暑寒風雪陰晦雖大禮大諱之日不以玉體勞為解惟三六九朝群臣

及朔望若歲時佳節予假而已隆慶間日講官四員上兼讀經書史增兩員而會大宗伯馬文莊回部視篆以一貫代語一貫官資去文莊遠甚而武相接也始聞不信已信然一貫自念謏聞淺學孱身病肢無一足任使逃之如逃死而不可得蓋資八年而直日講者山陰王君王君猶修撰也編修日講惟一貫前後無有是時上甚重儒賜予優渥與大僚均禮嘗親灑宸翰賜輔臣及六卿之長若講幄臣而一貫入侍時已後上猶顧司禮

鳴文

米四

二二

題跋

題歷代名賢確論後

名賢確論一百卷輯唐宋人論自三皇迄五代而止錫山錢孟潛刻之長洲吳文定公敘之予因廣其半然于正史論贊及諸子如楊雄劉向王通之書所品藻尚未收也請俟餘日昔人謂助神智者惟讀書顧讀書如梁昭明唐代宗吾無取焉若石勒吾取焉

題樗齋隨筆後

高皇帝有如此文孫而名掩遏不張至沈子始知

鳴文

卷四

二二

悲夫處勢非不便而猶幾失之也況于草木山壑之間乎使王居齊魯吳楚之鄉所造寧止此而名亦奚患于掩人無所憑依而能遠信不可與吾欲刪之以傳使後之人知有安塞王光于天潢

書紹興十八年同年小錄後

右宋紹興十八年同年小錄為王佐榜進士以朱晦翁在故世傳之世本出白容江璽璽錄中糾彈賔王之裔也弘治辛亥蒲田鄭祭酒紀有鈔本屬督學王御史鑑之梓于徽而紀與鑑之皆有序嘉



靖戊子滁陽常中丞再屬太原守黃卿梓于晉而卿有序若余族父句章公所藏本獨與前梓殊而無三序與御筆手詔豈其逸也是年進士三百三十人而余遠祖抑彊公舉五甲第六十六人抑彊字也諱中立貫光同鄉中林里即所稱櫟社者今句章公及箕仲猶聚族于是志曰櫟社之望曰沈沈之世也久矣此其為抑彊公釋褐本邪非我家之球馴刀圖乎哉然余覽是異焉抑彊公生于戊寅而小名虎正與句章公之生與小名同生之月

喉鳴文集

卷四

二十四

日後禘之期八又正與不肖生之日同金鷺之鳴豈有契邪又緣知宋之故與今異者四宋三試者再及奉大對而七今會試三殿試一宋試詩賦經義論策而今增表判無詩賦是歲分五甲又有特奏一人而今獨三甲無他進是歲一甲者十人而今一甲惟三人其他供事員御多寡仍變然不大殊至于羅才適治之意豈有二揆哉所恨宋宇侵小廣求士而不盡用如晦翁立朝纔四十六日我抑彊公之不究復何恨也我世中衰乃始稍稍

起如一貫蹇劣恐終辱賢書吾昆弟子姪其班班後先奮庸無復以不盡用為鮮丁亥秋一貫輒省在告謁句章公于豐對樓公出是觀命題其後子孫寶之勿以世有而置常牘中今好事者尚能以晦翁寶此吾家又當以抑彊公寶此

### 題屠長卿荒政考後

古人謂揀荒無奇荒而後救之宜無奇也救水火者出于沉淪焦爛之中幸矣移粟謂之盡心宜哉乃孟氏稱王道皆救未荒之策救已荒不過曰檢

喉鳴文集

卷四

二十五

狗彘發倉廩亦無奇矣不能奇故策益多長卿感歲之不易作荒政考三十策譬聚毒畜方存乎明醫之善擇不中百試之無益誠中一策可效昔咄梁王今安得梁王稱之也心之憂矣不遑假寐為撫卷三歎

### 恭題 欽賜御書責難陳善四大字後

我皇上十齡登寶位緝熙聖學常以未辨色御文華殿祈寒盛暑不輟既天縱聖哲而神智日益源道源搜理窟即翰墨時游其妙于古帝王何有

我三年臣一貫以編修被命入講時閣部近臣既有賜翰而臣後時矣雖心欲之何敢請乃上目臣以談經之暇特灑寶藩而賜龍文鳳藻賦其目山恩海澤貫其心而又以唐虞儆戒之辭相期許感喜慚懼還焉交集四體微眇不知何以稱塞謹百稽拜受什襲函藏垂示永永且構工摹鐫懸之中堂庶幾日顧諟云爾是歲長至日日講官記注起居翰林院編修文林郎臣沈一貫熏沐頓首謹書

嗷鳴文集 卷四

二十六

跋自樂先生沈學士度民則卷

沈氏官翰林者自民則學士始學士書妙絕當世唐宋不足多也如冠裳珮玉從容巖廊之上如朝陽鳳皇百采射人蓋字林之珠樹墨海之瑚網宜文皇 昭皇 章皇先後賞注不衰也至于 敬皇猶思無己求其孫世隆而官之索其家得自樂先生卷留之禁中見重如此此卷為當時之副先生八世孫行人時來以示余余得觀之瞻禮公像讀楊文定所為傳文貞文敏金文肅胡祭酒曾學

士及光澤王止菴所為贊楊石淙李西涯顧東江費鍾石徐存齋及吾師陸平泉先生所為跋文獻盡是矣余觀古今殊尤之德必懷獨至之性蹈水者舍道于無私捶鉤者假精于弗用鑄鍾者以渾雕琢而就飯牛者以忘爵祿而肥初其為之必有以自喜外物不以徙其塗也既其得之必有以自獎支人不能助其喻也若夫人美人惡人前人卻為之必不成得之亦不適人為帝而已臣妾也奔命無時矣惡愉樂哉學士之稱自樂彼其微誰知之旭素之流允喜怒哀樂盡發之書而天地冥晦雲雷震盪山隤濤湧皆不入其府彼得非人得知非人知古惟期牙乃稱知耳期牙不世見彼亦自知而自樂哉甲午歲余在草土行人以上命來徵留連四明山者浹旬言其先人之淵源因漫題歲月于卷末顧余非能知學士之樂者也

嗷鳴文集 卷四

二十七

題汪長文養生主草書後

有觀奇舉奇器必駭之曰神世固有神而神惡乎在神不能神即能神不能助神亦猶聖人何能

助人聖也。人者萬物之最神也。氣為輿，精為馬。惟氣與精才智焉出，非才不能駕才，非智不能馭智。而妄自菲薄，愛其力，好為偷心用，是愚人始賦于天，固莫不有獨至也。獨至易為工，而勉期之乎古人，亡不可以詰神者。惟蟲能蟲，能完其天，惟人非蟲，能恢其天，恢則神且告之，且憑之矣。育之養之，勇也。毛髯畢張，節理加偉，馬舉絲杪之力，悉之一聞虎之攫，猫之捕，其微已。九方臯之相馬，天機冥合，驪黃牝牡弗覩也。秦越人之相病，洞見垣一方。

喙鳴文集

卷四

二十一

匠石運斤成風，郢人立不失容，盡鼻間之垺而不傷，實堅之射牛，上下腹脊落毛如一，而牛不知皆盡其才，而稱神。旭之草公孫大娘之舞，豈不謂是與？吾友汪長文生平善庖丁之言，今所書又養生主一篇，宜其神若此。長文生于世家，學有淵源，居深山，無塵市奔走之勞，而性又專特好修自愛，雖行游四方，竟無染着。受筆法于豐考功先生，而歲月不懈，超然詣晉唐之室，嗟吾不意老及見是凡巧，必從有心入，無心出，從容于規矩法度之中，猶

易縱橫于規矩法度之中，難每一展觀，使我病却非神不至此。長文之裨我弘矣。

### 題大人手抄白氏長慶集後

此大人手抄也已。已迎養京師，無日不沉潛典籍，陶咏性靈，從韓存良所借本抄謄之初，尚揀擇後悉存錄，故其篇次有參差也。存良聞之，舉本來送，予是一貫請大人目存良本而藏抄本于家。於戲我大人，胆次具陰陽之和，通晝夜之知，與長慶公神會千載之上，几席之近，不山不水，非絲非竹，而

喙鳴文集

卷四

二十一

超與造物者游于無窮，翰墨至此亦真奇焉。雲書仙篆，豈可易得？子孫其世世寶愛，丁亥長至一貫題。

### 題大人手抄南華經注疏後

右南華真經注疏三十五卷，先君慕閒翁手書也。為萬曆改元之歲，就養京邸，哦吟人瑞堂中，胸次悠然，絕諸塵想，真得逍遙之趣。游戲翰墨，積而成編，時年七十加一矣。一貫寶而函之，歲丁未二貫犬馬齒亦七十加一，恭閱之餘，不勝悽愴，謹題數

語于後以貽後人

題七觀齋帖二首

郡藏中有趙松雪七觀帖稱七觀者鄉先輩元學士袁清容先生楠受知于程承旨鉅夫程公藏書麻源榜曰奇觀公倣劉氏七略作七觀而趙公因為之書黃庭也文既奇古小楷似此最少稱三絕白雪吳侯來仕優不忘學治小齋西園遂以七觀名而自為記使郡人林仙客書之侯雅尚好古風規超遠胸次間真作天際真人想故其治狀稱是

味鳴文集

卷四

三十

昔鄧大夫以白雪稱侯不愧矣仙客於郡中擅書名茲以南宮書書亦所謂感惠徇知書家一合者乎有七觀來三百年復覩此奇余題其後  
余既為林生題七觀齋帖乃陸生寶復為侯書一通陸生給事錦沙公子少以慧聞今突而弁矣困諸生未第為此書者亦感吳侯之知云夫恩之于人甚矣哉始清容先生以任子起而往承旨知之存至學士故作七觀以言報文即奇微松雪書不到今松雪有造于清容矣今林生陸生烏能重侯

而侯則名之愛人無已如此安知異日不有者起而報耶司馬溫公云知報恩者其為子必為臣必忠侯之恩于吾郡豈望報哉不望報故施益大而感召之理人自不忘報乃人心之不容泯也因漫題此卷之後云

味鳴文集

卷四

三十一

味鳴文集卷四終

喙鳴文集卷五目錄

碑

新作睢寧縣城碑 有題後

敕賜旌忠祠碑 代李師作

記

敕修琉璃河橋記

寧波府新建海曙樓記

重修鄞縣儒學記

新開寶應弘濟河記

喙鳴文集卷五目錄

寧波重修大石礮記

天井山龍王祠記

寧波佑聖觀繕修記

董孝子廟新修記

敕賜于忠肅公忠節祠堂記

王氏義庄記 代殷師作

游泰山記

重修延慶寺記

重修石塘二碑碑記

喙鳴文集卷五

碑

四明 沈一貫肩吾 著

新作睢寧縣城碑 有題後

睢寧直淮安治西南二百里而近與徐僮取慮隣風氣伉健往往多陸梁干紀之夫楚漢間夾睢水而陣唐扼睢陽宋戰符離皆近郊也邑故有城庫陋比者河水濫囂臯陸則郭郭皆復于隍無復廻繚居民益蕩蕩靡保蓋三十餘年矣而未之嘗問

喙鳴文集卷五

莫大夫秉憲淮徐望而喟曰是邑也而無城哉乃與其令申子議申子曰念之熟矣邑幸多決泮饒茭茅可刈而陶近山之石可燔而灰第無所得食耳公慨然曰吾事也乃以贖鍰二百金資更請于開府尚書大中丞太倉凌公巡按侍御貴溪姚公聽發廩粟千石以鋪役者於是令喜身踴躍董勸緩他後簡他費日持籌而會之畚鍤具興甃堅推實雉堞櫛起樓櫓四立皆密緻堅善可貽永世自萬曆十一年春經始彌歲而成不妨農收不呼閭

左寂然無聲而部使者再來已囁立于市外矣于是睢之室家保聚安枕無盜賊憂而令以為微莫大夫不至此宜勒金石以示方來夫設險守國易固著之城漕城韓風人詠焉而春秋每城必書城宜重矣不曰宗子維城則人尤重莫大夫從淮徐以來飭起惕積千里之間桴鼓不驚屹屹乎所謂南國干城者非耶今之睢異乎昔之睢南衛陵寢東翼漕渠城堅奚啻一方之利即國家萬有一分之墉德必將藉之海內之安瀾也猶逆折攘偷肅

睢鳴文集 卷五

清郊虞以無憂其父老子弟何不憶之敢萌令圖茂業可無識乎公名與齊廣以西馬平人辛未進士由倉部郎守東昌為令官勞績多茲不載載其逮睢民者如此申子名其學為不佞門下士始受業時目不忤視齒不苟見嚮焉如無為而積六安判至今官以廉平數奏最蓋內約外勤捐私壹意公之効也其籍山東日照人

申子可謂近世循吏矣余與涇陽李公同官吏部嘗問李公申子一貢流而每薦必及雖公總

督淮揚亦薦之豈有異哉李且道且歎姑無暇他論獨論其為城事一日申子言於開府欲為城開府姑應之未決無何開府經其縣半就矣驚曰安得金錢而為之對曰不費官亦不煩民開府曰何對曰令來時邑故多沮洳茭槁也而務閑無事與廝徒飽食坐卧令惜日課之樵父之茭槁山積無所用用之陶得甃以鉅萬計度為城有餘獨少灰與工食今賣茭及甃就矣開府歎息助以米碩千再過之樓櫓具備蓋所得

睢鳴文集 卷五

於上者獨莫少參鏹二百與中丞米千而人不知所以成也嗟吏若此於天下何有抑申子不獨城初為六安州判官水使者檄築高堰亟成常留治河不之州無何天官擢為他縣令當去而水中丞特請改為睢寧睢寧地久蕪莫耕所以然者耕則吏輩而求積逋焉故莫耕申子捐其逋為履畝賦三年境中土無不耒耜者則又為之立義庄身騎馬詣勸之淮徐流民以睢寧為歸故每薦必及五年得二十餘薦云後來朝

以母老欲解綬余留之擢澤州守此記當余未  
問李公時作今讀之不飾辭顧申子歸功於莫  
少叅者何豈其受特知邪不可知矣

勅賜旌忠祠碑代石麓師

隆慶二年御史臣杰言所部保定府故太常少卿  
楊繼盛鄉也其吏民為臣請立祠哀死勸生以詔  
永禋禮部言上從之賜祠曰旌忠於是保定守  
淇閔故牘有前都御史某葬公美金如千四倍之  
卜地城西庀材鳩工埏埴繩鋸立三楹以居公而

喙鳴文集

卷五

四

兩亭其傍剌公所為二疏者翼廡重門甃而環之  
軒軒肅肅道路流涕於是鑱石為碑以辭屬余碑  
曰公諱繼盛字仲芳少時家貧為其兄飯牛云然  
性嗜學不辭拮据以就其業丁未舉進士授南吏  
部主事地閒務簡以其餘力問典章於鄭公曉論  
樂于韓公邦奇講聖賢之學於諸大儒先生已遷  
兵部員外郎當是時虜薄京師方得氣去而咸寧  
侯鸞驟貴用事柄兵政欲與虜通馬市外為羈虜  
而內固權公抗疏論其不可者五大指謂馬市者

和議之別名非國家所以自完而警戎虜之道也  
必且廢邊防深敵師損國威不可善後說甚具而  
逆於鸞下公詔獄貶狄道典史無何鸞誅上即  
貶所起南戶部主事三日遷刑部員外郎改兵部  
郎當是時蓋分宜誼公而惡鸞引公之重以自為  
云公聞之笑曰去一鸞復就一鸞天下有烈士丈  
夫為亂人用者邪且天下苦嵩久矣毋使滋禍即  
疏嵩大罪十而陛下所為不知者以嵩有大奸五  
其道貞其行獨其氣奮其詞參覈而不浮剴切而

喙鳴文集

卷五

五

詳白累累數萬言幾感悟主上以為非二王莫能  
明也凡人莫不嚮其所榮而思其所知就其所便  
而不復其所苦公起顛顛還中朝分宜方自為功  
而我以大義歸身朝廷糜爛箠挺慘於鋸鑿創痍  
未合而料編之章再上非質忠性義而不可散於  
中者邪公疏而用海內即衽席之安朝廷晏如也  
而是時也分宜能移主上心問引二王何為復下  
詔獄杖至百論死居二歲乙卯十月朔竟斬西市  
又七歲而分宜免不得良死又五歲今 皇帝奉



遺詔贈太常少卿錄其子太學生謚忠愍於是乎  
祠悲夫休哉夫公所以報主上與主上之報公者  
交厚人臣祿於朝頂踵皆主恩也故不以君之識  
不識而死節官下所以報非求報也故曰公厚然  
論定於久而賞溢乎制亦不問事之成不成而報  
忠優於報功故曰主上厚人謂 先皇帝神鞠靈  
誅兩戮大愆不爽而公不幸先其禍痛憤何極然  
不痛憤又何以章忠臣之節與 先皇帝今上咨  
嗟崇獎至意哉故世必有大痛而後大快之斯公

梁鳴之集 卷五

六

之所為垂譽長久也所為祠者本發于二疏余表  
公大節而略其他為辭以侑神辭曰流旭兮旦開  
照靈旂兮驅昏霾輪迴焱兮右黔雷團元氣兮惠  
來 帝嘉女兮怛女撫女壯兮下土彎天弓兮殪  
天狼血含光兮注牙幢載逢千兮與俱行檻宿莽  
兮瀟湘閣浮雲兮將暮資葉施兮紛莽莽山中閨  
兮鬼殺我鬼殺我兮我有主皇天無私阿兮女余  
輔青虬兮白螭雲中兮邀嬉厲余齟兮上谷滌余  
腸兮桑乾濁珠宮兮聲聲寶璐兮枚枚靈來兮不

來不來兮心悲變為牲兮罔兩脯繪挈貳兮零為  
俎彭咸參兮萇弘伍靈番番兮肅然而來下為民  
正兮終古羗焉窮兮社而稷女

記

### 敕修琉璃河橋記

國家奠鼎燕京控北戒河山之勝西來諸水蜿蜒  
而注于南縈迴若帶然去都城三十里為蘆溝河  
有橋又南七十里為琉璃河古聖水也源出房山  
龍泉峪澗壑斗絕受胡良挾河諸流而東匯于拒

梁鳴之集 卷五

七

馬霖潦時集迸湧奔潰瀾漫殆百餘里矣為朝宗  
孔道而河當其衝故未有橋也蓋不勝濡軌之慮  
焉 肅皇帝已亥狩郢中始出水衡金錢累石梁  
七載而成又隄其兩壩各五百丈車馬驟如行  
康莊 肅皇帝不自有其功而榜曰玄恩咸濟謂  
若天錫云頃年以來橋南洞圯者三隄有泐有圻  
道中絕人迂折亂流渡 上聞而憫發內帑重修  
而 聖母慈聖宣文明肅貞壽端獻皇太后益出  
宮中委佐之勅內官監太監何江工部郎中胡瓚

往肇庚子冬越壬寅春而告訖圮者繕而加固泐者拆者甃而加完又于橋之北創神祠祠前為井濟行道之渴費金錢若干而皆自御府世且永賴官若民不聞也茲役也續先之緒不佚其光臣謂曰孝軫民之涉不廢其政臣謂曰仁規利之鉅不啻于費臣曰訐謨權事之急不詘于時臣曰遠猶跡微而德博事小而功大皇上之所以繩武而錫類者可窺萬一矣夫天下事皆有自來莫不積穽成敝積敝成壞壞極而更乃煩費已語有之千

喙鳴文集

卷五

八

丈之隄潰於螻蟻萬木之林焚于鑽燄積漸然也當橋初罅時令有司善為之不過一石一簣之勞何至煩費哉唯忽于一石一簣而幾毀成緒以厯聖天子之經營故行隄者塞其穴慎火者塗其隙保治者防其微嗚呼豈獨橋然乎哉上命臣一貫作記臣恭紀歲月以宣揚休德而垂之來茲復申積微之說願後人無忘斯功也謹記

寧波新建海曙樓記

門上為樓以望曰譙都之有譙中四軍而建牙控

握嚴城經略戎事賓朝諸岳徵號四境故有挈壺掌漏刺晷撥景嚴啟閉警作息之事寧波亦東南一大都會也障百谷之下右馳甌越交廣月蝓無底之墟左抗吳會青徐日域不賓之國海道通遠番舶鱗聚蓋戶牖咽喉之地德則象胥不德則戈矛矣古有一軍制之在宋曰奉國而樓其南如軍名額曰明遠亦取譙義羯胡之衰爰有大醜據我天厭其德樓用從火明興以來守者未遑暇於茲事宣德間侯黃永始克建稱四明偉觀夫既樓于

喙鳴文集

卷五

九

泰寧之日矣宜觀哉萬曆乙酉又火越明年為我蔡侯之四年而復改稱海曙樓邦人士雄是役而樂觀厥成也謂不可以無碑曰樓之來父老掌故之傳略金石湮滅文字眇聞沈子無讓矣樓直衛南蓋今之衛宋之軍而府于衛之左樓居西南衛辱侯也城郭溝池之任在府境中人聚府而請之其父老曰無以抗形示嚴攬蘊風氣其博士弟子曰無以察象下漏為作息准忘樓之為麗譙也蔡侯及其僚議曰役鉅矣不可以煩民有一焉定海

新權關關入所以資開府也而開府晏然資幸有餘可請乎於是請以八百金集工以膏廩之餘佐故址為兩觀而梁其中則改甃而屬之樓為間五前為複宇左右為翼方各有露臺巨棟肥楹丹雘粉堊地聳勢峻干霄而上門開牖洞沆瀣茹吐高如其址址高二丈有八南北廣五丈有四東西不盈三倍者丈自肇度底告成十閱月而民不知也沈子曰樓之稱海曙也善哉明受天命阨陬隅咸之乎光明窮溟渤所至浮天鑿空而來矧是東

咏鳴文集

卷五

十

夏朝夕之池衿帶之國長安之日在驤首上者哉而自壬子來鯨鯢蹈揚使我震盪則樓實為戎府肅皇震怒爰整大旅然後兩儀剖清濁分民乃築室返耕又廿年而始有今日德厚而慈洽法明而政平吏吾土者大氏惠和潔廉憂勞吾小民故民如矇之始睹嚮之始轉日之新出于扶桑湯谷間也而是樓以成願自今官我者永懷明德除我豐節守窻之憂則樓乃尊安熹皞無幢節貌武之擾而東向巨浸長耀其華丹是所為名海曙哉預是

役者自開府持議以至於督繩咸有功不可泯具載于碑陰

### 重修鄞縣儒學記

古之學多矣率電起而黷滅獨夫子不廢豈人力哉黃軒以前神嘗雜揉矣堯舜起而息戰國以來楊墨又橫行矣孟子起而息晉唐而後佛老滋蔓延矣有宋諸儒起而息或挽之或推之皆承衛夫子彼百家靡不相夫子而卒夫子仲尼此以明仲尼大矣百家獨釋氏久廼單極不能與儒抗斯

咏鳴文集

卷五

十一

明皇帝表章力哉庠序徧天下廩餼諸生群師儒而教之郡邑長為之帥董以風紀之臣三載而賓興鱗比而邁天子之庭非此塗者不得為顯秩彬彬盛固宜雖然繇此而盛為利祿奔走非以性起即班班皆濫洛關閩吾猶謂之衰而况剽字獵膚見耳入設難而覆之口張不能射尚謂有儒乎靳其戴仁抱義興先王之行于世難矣哉天下無釋耳有釋儒將折而走何者師友之教不先而儒無以為家也何以明之今拾釋之吐餘猶傾然

心動捨其家珍而途之求曷不曰歸而求之有餘  
師嗟乎敝矣猶然戴峨插博琅倉曳翁而游取青  
紫明庭之上豈不羞先聖辱明主哉世之齒儒  
者以賓興為差吾鄧之先稱多儒今益少周侯來  
思起其故而新學宮以不佞亦鄧儒也屬之碑學  
宮之旁故佛廬先民取之釋以歸儒也侯猶隘之  
益市民舍如干楹乃經乃營聖采廟堂更作鄉賢  
名宦祠復祠文昌齋廡即舍咸次有方士將其  
中恢然意廣也不佞願與諸君子約曰聖朝之所為  
嚶鳴文集 卷五 十二

新開寶應弘濟河記

淮揚之間有巨浸焉受天長盱眙諸水離而稱之  
曰邵伯高郵寶應湖云邵伯故無梗高郵有白康  
敏越河在獨寶應謂之汜光直黃蕩口黃蕩口居

湖中心相距百餘里勢既淤汨加為西風之衝槐  
角樓一堤如箕如縷不能獨拒守吏常告憊矣方  
波忽濤罷鼓不時三老長年望雲測景而後行如  
遭其平揚帆若無偶逢其怒棄柁棧如葉耳蓋陽  
侯之欲無厭而魚鱉數飽如壬午秋並岍巫招者  
纍纍不可計也故計漕莫如寶應急且湖以東田  
無慮百萬頃決輒為沮洳與鹽諸邑之萍可食乎  
故計湖以東亦莫如寶應急水部郎中許應達任  
夫也是倡越河議中格不行涇陽李公來督許郎  
理前語李公曰吾聞是役之不可已也顧無煩主  
計李公朝鳳陽遭饑使者而問焉吾欲堤寶應而  
假資於君君醴餒今十六萬能捐其半相助乎饑  
使者曰均公也胡為不可於是李公更請資於留  
儲再往復亦報可迺與部使者偕言上而陳給  
事者通州人也習知其鄉水利害為上縷縷分  
別之大司空覆讀得俞將筮日鳩工而李公以  
留司馬遷黃岡王公來載咨載程矢諸大夫宣力  
不勸自三官廟抵南郭外延袤三十六里而三分

其工許郎暨海防叅政舒君大猷董其北中河郎中陳君瑛徐州兵備副使莫君與齊董其中理刑主事羅君用敬漕儲叅政馮君敏功董其南即舊堤為西而別堤其東杵薪累石實以剛土樹以榆柳廣可行駟馬引水注之舟行其中兩堤又皆築滾水壩三以時疏洩水暴長則越河注支河道射陽廣洋而入海殺其太過無令留害始卒八月亟成而堅費雖緩暨南司農金各十萬而會稽織悉贏二萬餘儉矣河成而舟銜艦至若行溝涂昔之

寧波文集

卷五

十四

惕號辟易者誇許以嬉又微寧漕堤以東皆舍塞焚為索綯以業所謂百萬頃者田長老言往不獨苦澇亦苦旱重堤而不敢浥一沟也今食蓄洩之利盡上上壤矣告成上甚嘉悅賜河名曰弘濟爵賞有差予惟縣官以漕為命自嘉隆來歲歲言治漕汶濟淮泗河海畚鍤具徧而乃稍息肩蓋水性不可知常識之而嘗作之利不無而害時有故旦言其便夕告棄也舉大事決謀難矣謀決矣取資又難資具矣重臣數易在職者遽廬目前任事

則又難今費省而利私人不勞而効捷是策臣之計定而廟堂之聽審矣諸大夫又家視國私視公駢工協勞如手足耳目之相為力而無二顧謂盛朝之纓縱非邪故版築如雲無輕蟻累尺水橫流長堤不守逮猶如石必有同心一夫疑貳群策不發夫使慮海內者盡諸大夫也何績不成是宜書李公名世達王公名廷瞻典留儲者魏公名學曾醵使者蔡公名時鼎部使者馬公名允登給事陳公名大科大司空楊公名兆諸具碑陰

寧波文集

卷五

十五

### 寧波重修大石碶記

鄞邑倚于郡其境中分于江江西田仰漑于它山桃源之泉泉從四明山來最遠故多腴江東田仰漑于橫溪錢湖小白諸泉從金莪福泉太白山來源近故多瘠入夏半月不雨農病矣雨三日不休復澇畜洩之時惟藉人力哉三面濱江醞為水門以礮名者十餘而最著為雲龍為烏豐為五鄉雲龍南洩烏豐西洩皆入江而五鄉東洩入小港達海最捷波流靡不能為澇故烏豐亦嘗前廢不修

自定海人別磧東岡于五鄉五十里外環游淳滄  
雍不時下淫霖適來簸為巨浸人享其利吾不能  
無蒙其害至萬曆甲午亟矣民乃相率言于郡縣  
而奮錨揚鑊排烏豐之隄曰江東大石者而洩之  
土始獲平江東大石者烏豐之第三第四磧也磧  
有五此居其要宋淳熙間守陳公塏治之堙今嘉  
靖間守周公希哲曾公鑑又治之復堙江東介民  
居中跡宛宛在顧疔歲沮洳水不行疏之行矣大  
石在演武場中地曠力易施而渠院石阨又止一

東鳴文集

卷五

十六

洞泰瀕江潮易咽于是守吳公安國與令翁君憲  
祥採余之言而爰視爰相經始其事白之海憲吳  
公鴻洙而新之徙基去江干十餘丈倍其洞為三  
密築以松鉅石鈎連而甃之梁亘其中空以防盜  
舟之決橋于其旁便人往來濬河倍寬之為五丈  
者百有二十丈俾潦有游又慮閑啟宜置守置守  
宜有以食之賦諸民非久計則視演武場多裔地  
而建菴如干楹召僧居之履二十畝不稅以給俾  
蔬茹于其間且當兩磧捷費菴以磧設名曰永利

利所沾槩田起甬東一都至三十都凡三十七萬  
畝不欲多徵畝取釐銀以兩計者厘四百而太守  
獨助俸二十令君半之時疏畧人執役不浮浪一  
錢故善而亟自海憲太守令君外為倅馬君復淳  
判施君朝恩歐陽君燦而司理張君似渠嘗署邑  
勞居多既張公佐治來代守下車以來輒問增其  
所未周徐君大紳代倅王君明醵代判劉君國縉  
代理並禪厥成董役則尉王秉禮耆民戴俊僧能  
慧余惟水者天下之大利害也過之與不及之皆

東鳴文集

卷五

一

害嚮東岡之未磧也人皆言東岡利比磧之又言  
東岡害有所以除其害而後其利全既三倍大石  
之洞則烏豐之他湮可無問其利又全此雖一役  
而計水之平已雷蓋時當泰寧諸賢輳合以劭農  
振業為惠以協心毗德為恭痼瘼急人委悉心計  
舉不再籌任不岐指不煩一胥牒不聳一里旅功  
告成已而民莫識所由來可記以為法尚冀後之  
人之眎此也無廢厥初焉

天井山龍王祠記

郡西南山穹隆若天下者四明也四明之麓蓋四達而趨東北者勝是為郡治方道半曰天井神龍宮于其間井有五近人者三可跡而禱祈其二則栖嶺巖與天隣矣其應祈澤槁往往著靈異遠不可知信之故牒而嚴祠之自唐來已聞入國家載在祀典歲遣有司致祭云其後有司少懈或使廣文攝既又假民冠帶而攝今年海內大祲斗米銀二錢六月既望復當麗牲之日而郡二龍公視縣事歎事之不誠民亡以賴也自往酹焉明日祠銅

喙鳴文集

卷五

一八

宮而更貌之至是乃命僧德基奉所施錢鳩工既翼既煥而請沈子志之嗟夫龍之神自古聞矣而具顯於吾土又具顯于今侯之祈雖民私求于龍者亦甚衆而龍應祈又甚異往往畫畦分畛而雨之不越香水一步或嘲龍不太別白乎夫龍蓋有謂也帝方屯膏未得請不敢越命然不無軫于民之荼則姑聽其虔者而私潤之不辭煦煦名此龍之至仁也易曰見龍在田其是之謂乎至于芳馨潔蠲精誠上熏九關為開山川措施則騰躍雲衢而浸漬下土此龍之大行而志得也然則待禱而出使人神之以為名蓋非龍之欲哉在九五曰大人與天地合其德則龍德之盛矣吾病世之尊龍者忘其十雨五風之力而區區于曄雲一杯以為功故表之若此使瞻者無期而不肅然張公文奇蘇之長洲人龍公德孚楚之武陵人楊公汝宏楚之彭城人黎公可耕粵之陸川人唐公世堯粵之平樂人楊公黎公時為別駕唐公為司理

寧波佑聖觀繕修記

喙鳴文集

卷五

一九



佑聖觀在寧城乾隅殿祀玄帝而閣其後祀玉皇  
始元至治間稱道院我明市舶太監梁瑋菴之改  
今名嘉隆間住持周元理里人方惠迥等將修之  
而余太保柴方伯諾焉中書舍人廷椿太保仲子  
而方伯壻也首捐金三百道士周茂齡善符水工  
醫術有私田鬻之得金二百周之徒王守純合善  
信所施而經營之自癸至于辛始落成亦勤矣哉  
金山人鶚來謁余為之記余惟佑聖世所稱真武  
者也月令孟冬之月其帝顓頊黑精之君其神玄

喙鳴文集

卷五

二

冥水官之臣其蟲介龜其候雉入大水為蜃蜃者  
蛟屬也雉者蛇化也故始設教者援神而立之象  
載記稱北方七宿惟龜與蛇又或謂北方神獸龜  
與蛇交而莊子稱禹強之神立乎北海疏言禹強  
人面鳥身珥兩青蛇踐兩赤蛇靈龜為之使蓋蛇  
為火龜為水蛇制龜龜制蛇實應坎離相媾之義  
操子午之衡而天一為之本宜為養生家之祖道  
書往往稱之我 成祖及 肅皇之世表武當為  
太嶽玄嶽而臣視五山獨尊饗之歲時奔走天下

則我郡十萬家人民之香燈于是也固宜矣夫正  
神者不為小怪司大靈嚮 不幽而最幽者也今  
昭明發揚白日行天與黜谷闇室玄之又玄者孰  
非正神也哉而人之事神必自玄始玄則真真則  
武黃庭經謂毫髮節理皆有神誰能不欺毫髮節  
理者乎若世之傳真武者吾不能考其自來要之  
至理豈異于是吾用是以告來者

董孝子廟新修記

奇名也此山有不周生

寧波府治南六十步有漢董孝子廟孝子諱黯字  
喙鳴文集

卷五

二

叔達江都相六世孫鄼人也少孤獨與母俱百順  
咸聚鄰人王寄者富而無行董母與王母相見各  
言其子而寄病之毆董母孝子歸而母方蒙被卧  
孝子跪請罪母曰無他我失言致寄辱也因不起  
孝子哀毀畢塋終不言王母卒且塋手刃寄以祭  
而自詣官請死事聞和帝釋弗誅加旌焉又辟為  
郎中不就卒初孝子母嗜大隱溪水孝子以遠不  
能致徙居之後人以慈名溪以溪名縣而在鄼者  
即故居祠之唐大曆間刺史崔殷修自為記其母

像在南郊草堂中宋祥符間錢億迎歸於廟而請於朝賜孝子號純德徵君建炎初令林叔豹慶元間令朱堂咸修其廟我洪武初勅封為董孝子之神命有司歲以六月六日致祭用特牲正統二年守鄭珞修其廟國子祭酒陳敬宗為記今萬曆間守蔡公貴易謂神母處殿偏非禮謀于鄞令周君之基斥錮買隣地而節推張君似渠捐俸任之其後海憲丁公此呂吳公鴻洙守吳公安國倅黃君鍾會別駕施君朝恩令華君士標翁君憲祥相

咏鳴文集

卷五

二十二

繼成焉一貫為記記曰昔之祀典嘗濫矣明興高皇帝秩正百神于吾郡獨祠孝子夫孝常德也循陔戀闈無他異則莫駛而傳孝子之傳以殺寄異也曷異焉偉孝子之處寄母善也吾有母人亦有母快吾母而不顧人之母錫類推恩道不如是隱忍以葬人之母而甘心焉然則寄母固孝子養而孝子葬此所為孝子重者也然未足以既孝子報讎之說禮著之節俠名之而王者不載於令急私忿而藐其公則下無王曲憐人而置不問則上

無王皆瑕德也毆人至死法應死寄之當辟也久矣第不檢不可坐而檢非吾忍於是有司必以疑輕而吾終有不報之冤寧以身易寄死母煩有司非輕其上以為不能為吾報不可以報祁之上也然則孝子何獨善處寄母尤善處法其赦我也可生其祀我也可饗蓋余少而豔孝子事索之漢史無有時則妄以為漢如孝子者多而史不暇收既讀張敏傳而悟其繇當是時有人侮辱人父者其子殺之朝廷賞其死因定其議以為輕侮法而敏駭之以為開私殺路除其令必以是格孝子不傳不知寄有死罪不止於侮辱孝子殺死罪人與殺侮辱者異非不顧聽之有司而勢不可不為私殺孝不忘君正足傳也和帝方用敏議而於孝子宥且徵無頗刑無濫賞矣余恐後之人有孝子之心而失其中行輕殺人以快其私而卒不免于吏議則謂孝子事不可法否則謂後世無漢吏之厚而不咎其講之不精也故闡之

勅賜于忠肅公忠節祠堂記

咏鳴文集

卷五

二十三

我已已之難少保于公有社稷功而不獲死海內  
悲之 純皇帝始白公寃 敬皇帝贈特進光祿  
大夫柱國太傅謚肅愍春秋祠杭州逮我 皇上  
又謂肅愍未足以稱改謚忠肅乃公之鄉後進太  
常少卿鍾化民輩乞祠之京師詔可賜祠名忠節  
嗟嗟恩綸載嘉而一則曰忠一則曰忠此以表臣  
鵠矣夫臣事君以忠童子能誦之而名公巨卿不  
能者何人臣之忠宜忠其大者不宜忠其小者患  
在識淺機闇莫適主持利害死生休于胷浮議在  
前禍媒在後自非性貞義不二心孰能忠其大乎  
方是時六飛蒙塵 九廟震驚見為遷者十九公  
則以為我鑒不遠在靖康之世而以一少司馬主  
擁立議卒排盈庭奠人心此為國不為身忠之大  
大在定國是及虜以得君嘗我陽為講而陰恟惕  
為舊君則忠為新君則忠公則以為社稷重君為  
輕有宋公子目夷事在南渡安足法謝虜曰賴  
宗廟之靈國有主矣虜知挾空質無益自引去此  
為國不為君忠之大大在堅國謀既而我算勝虜

計迫饒人在傍不兩立之形已見公于是乎以戰  
為守以守為嬖以不迎迎以不取取卒使乘輿還  
歸日月復明君與國兩無恙忠之大在復君而  
定國然定國公志也復君會也直顧國何耳安知  
君不知君安知身何待箕口簸揚而曰不免哉故  
雖國安君還而志死得死自其分耳抑又何憾人  
亦何駭之有若志死而生則公之幸而人不能必  
於天者也人臣任國必無兩適而皆可之地為國  
國取為身身取惟忠臣為能深謀國淺計身功不  
祁顯就心不祁衆白豈無繆巧鄙不屑為故力顯  
而慮周誠合而就多君子曰 裕陵即不還公猶  
為忠公即不死其烈猶在人特為 裕陵還而加  
功為公死而加哀非忠其死也凡憫死與嘉忠異  
死而未為忠者多矣死豈忠耶予又怪世人好苛  
論而引錮南宮易東宮兩事謂公不能強諍信以  
為責備賢者春秋意耶苟南宮之憾不可釋則  
裕陵必銜之曷為曰謙忠臣身軀殺之非朕意苟  
東宮之憾不可釋則 茂陵必銜之曷為復其官

優其家遣人致祠固兩聖人之盛德哉亦公精忠大節與天日昭不斲然而然也夫以兩聖人之心曾不芥帶而萬世之史評定誰為此者亦多言哉予因祠而及之為忠者勸焉

王氏義庄記 代殷棠川師作

太倉王氏本崑山人已割崑山支地屬太倉稱太倉王氏王氏父子兩少司馬前少司馬倬自南都歸也謂其子都事惜曰幸食先人餘如宗人何吾視宗人有遜昵自先機宜即崑山我也寧崑山哉

喙鳴文集 卷五

二十一

自司諫分水我也自即丘始興瑯琊江東我也吾敢私先人食而坐視先人子借令朝夕糊餽粥不給雖夙夜悲祀先人忍向隅而愾然我邪然吾計之二疏即多金一朝散予盡無留惠矣孰若蘇州義庄都事度父意始捐千畝為義庄庄之約曰人歲予米升如日之數疏者二三娶者嫁者病者葬者火盜者有差無夫不嫁者倍之行之四十年而田益瘠出實不半則後少司馬忤起矣後司馬出入戎行不暇經紀其事且令歲捐米三百石為助

竟伏法於是呼二子世貞世懋可簡去瘠確益以膏腴為子孫百世計毋使人謂先澤涸九里不得潤二子歸視其瘠三百畝歸都事子而益佐以八百畝不易之地總千五百畝更創庄廣若干畝綽楔其前曰瑯琊義庄祠曰王氏先德中祠即丘始興左偏司諫右偏機宜顏之曰尊始即丘者覽也瑯琊始始興者導也江左始司諫者縉也分水始機宜者文也崑山始後為堂五楹曰錫胤祠兩司馬及都事為義庄始歲召族人祠春秋臨之以尊

喙鳴文集 卷五

二十七

而懲勸焉已而燕敦睦也祠左為義學以業王氏子弟給筆札酒食試補勸駕之費右為義倉蓋歲而獎出入皆畫自二君子也殷子曰義庄范氏前未聞也其昉合族之義耶夫繫之以姓而弗別綴之以食而不殊至於賙賻承含皆有正焉先王之制禮也親以飲食始也夫務合族以為勸則念其所以為家矣視人之饑猶已饑之而况親骨肉之愛乎請循其本今以兩稚子爭搏黍慈母不特梓並私之也故昆弟之所分父母之所無也子孫之

所分祖宗之所無也。其涉稱遠。其兼稱博。九兼而九族睦。百兼而百代通矣。今之雄大官享重祿。委長物於私橐。內子孫而外昆弟。勃蹊評語。以為常者。何限不知過而問者。必曰某某之宗人也。其大夫之胤也。安在其為亢宗稱顯揚乎。司馬公蓋不忍念姁姁相哺。非久計規長畫貽永澤。四君子又引而濬之。世德相尋。可不謂希焉夫。范相繼武。姑蘇流聲。王氏亦然。三嬪五賢。古今大義諒茲一揆矣。

曝鳴文集 卷五

二十八

### 游泰山記

泰山古稱東岳。與泰丘異。書謂為蓬玄三宮空洞之天。其神天齊王領仙官。仙女九萬人。天帝之孫主人官職。生死貴賤有神房。阿閣金床。玉几云前代之封。至泰山天齊仁聖帝。而本朝直稱東嶽之神。正名矣。然流俗黷祀。亦聽民趨。不禁大抵多因仍前代。不知所起廟在泰安州城中。廟自有城。高二丈。週三里。為門八。而南關者五。正中曰嶽廟門。東偏曰仰高。西偏曰見大。東關曰東華。西關曰西

華。後關曰後宰。門各有樓。而角樓亦四。曰巽艮乾坤。由岱廟門而入。為兩重門。殿曰仁安。左右鍾鼓樓。樓後為齋房。殿後為寢宮。宮左右為配寢。皆宏侈如王者重門。左為三靈祠。右為太尉祠。祠前別殿曰炳靈。曰延禧。廟中古松數十。蟠結如蓋。而炳靈漢栢。延禧唐槐。特異。廟前有亭曰遙叅。前為門重簷。四面十六角。有元君像焉。禮頂廟者先此。故曰遙叅。泰山之尊神嶽帝也。而其奔走天下香火不絕。以元君故。元君廟曰靈應宮。在嶽絕頂。本昭

曝鳴文集 卷五

二十九

### 真觀而本朝

肅皇帝遣工部郎陳策齎萬金益

治之。部使者時有增彌鉅麗矣。神曰天仙玉女碧霞元君。世稱東嶽女。而楚高誨以為非東嶽女。蓋嶽頂故有玉女池。池側有玉女石像。祥符間詔浚其泉。易像以玉石祠之。來已久。唐劉禹錫送東嶽張鍊師詩有久事元君住紫微之句。可徵也。李諤瑤池記謂黃帝建岱嶽觀。遣七女雲冠羽衣以迎崑崙真人玉女。蓋七女之一。其說如此。四方禱祠無乏。九月至于四月。尤盛。縣官因筦權之。謂之香

稅亦不知所起香客來人具銀八分報名于遙叅亭委官給單從山後來者玄武門委官給單皆持至碧霞宮委官驗放香客謁碧霞宮有施以大柵開宮門而聽其自捐無定數每夏冬濟南府會官啟柵金銀珠寶玉石首飾館娃銅錢與香稅並輸藩司藩蓋袍服紗羅諸幣輸濟南府金錢以待有司公費及德魯衡三府郡王之祿幣物以充三司及運司濟南府官屬折俸嘉靖三十七年後輸太倉二萬有奇猶不乏山東國家左輔地大農諸賦

嚶鳴文集

卷五

三

役獨先而藉此以佐六郡之急云其登陟之艱應劭謂中觀留馬仰望天關如從谷底觀抗峰高如浮雲峻如無道徑遙望其人如行朽兀或為白石或如雪久之白者移過樹乃知人也賴其羊腸逶迤兩從者扶掖前後相牽後人見前人履底前人見後人頂如畫重累人初十餘步一休稍疲咽肩焦五六步一休牒牒遽頓地不避燥溼前有燥地自視而兩脚不通其險如此今登陟即勞何至如劭所云達官貴人老夫稚子筭黛者流可輿而往

還何向者之險而今夷也則推險為平贊危為安拾級而上如梯或左右絙索以輔困憊沿途賣漿不乏飲啗如此安得困也余謂此皆元君力何則宋以前泰山為天子封禪地緇人羽流不敢據而有嶄業未彫行固難也我自文皇帝却封禪以來人絕望幸故泰嶽之權寄於玉女而天子封禪地共于齊民民各得以其意歲脩而月治之如萬流之赴大壑雖有龍門底柱安得長雄其阻險乎故曰玉女之功亦國家不污七十二君編錄之效

嚶鳴文集

卷五

三

也予之往亦輿至險絕奇勝未嘗不步步不能數十武即憊劭所謂後人見前人履底者時有山雖開險體自在又上山可輿下山不可輿如收駿馬于絕坂繫駛艇于夔峽也豈易哉漢官儀曰盤道屈曲而上凡五十餘盤經小天門大天門自下至古封禪處凡四十里或云四十八里三百步余謂土人以盡一級為一盤盤復一平約大盤三十中盤倍是小盤又倍是大盤二三十級中盤十級以上小盤十級以下級七寸以此計之泰山可直高

二百丈蛇行屈曲而上可二十餘里顧其難雖四十里無以易矣或言高四千丈者以里計邪予始至公署公署負泰山入門如在其屋上者心易之乃登而知其遠方半山見頂出雲到天門即霏霏霧已屑屑四面雨集一步不可前稍霽強扶而上則剛風霍霍遶時四月十三日寒威大振挾重綿不得溫至夜又雨不休予自嘲曰吾昨易山靈山靈報我如秦時故事又嗟天上清虛廣寒如此凡骨不可住翌昧爽館人請觀日凌風躋日觀觀之

喙鳴文集

卷五

三十二

予嘗從招寶山觀日謂泰山當不過是乃頗異焉招寶去海水近平視日出泰山高俯瞰在海底如曰天末皆有涯獨寅卯方為大海無涯闕地而踴朱輪閃閃山顛已辨色而下土猶昏昏也然日行駛彈指而大地辨矣昔人謂為鷄鳴為夜半亦甚其言哉日始出時觀有三點若樹然者在輪中過半規輒都滅不知其何以也碑最古者為李斯銘歐陽公止得其四十八字而劉氏以為親到泰山審觀石三面皆有字總二十二行行十二字字從

西南起以北轉南南面七行其末有制曰可三字復在西南稜上劉大觀時人今予所見獨南面七行之半三行臣斯臣去疾御史臣昧死言臣請具刺詔書金石刺因明白矣臣昧死請此二十八字亦無制曰可三字在後又為後人所破滅矣無字碑石理如細玉搏成面濶三尺旁厚二尺許高可丈五六或言石表者良是謂石函非也磨崖書在東嶽祠後玄宗八分可觀蘇頌刻為俗子鐫滅而加以惡札此其人亦欲與桓司馬所謂萬年者俱

喙鳴文集

卷五

三十三

久邪山趾有石經峪石坦平一片大三四畝刻金剛經於其上字八分大如斗蓋唐人所為水發則沒歲月洗蕩而可讀者猶半蓋奇觀云大都嶽以高勝其石以巔屹岬嶸勝傲來居其左方如削笋如棕櫚葉如戈甲千萬捍關雖樵蘇無跡焉從白雲洞俯視來路如虱緣縫中行表不能丈諸峰樵徑微白可數如人筋理四布其於州城一蟻聚也汶水橫帶遠視蒼蒼無辨豈游氣掩余目邪或清秋勁冬萬里寂歷可遠到吳門匹練間耳海內山



可與比高亦不少顧皆迴歷數十百里蜿蜒以上漸而遠地獨泰山拔平地為崔嵬以此駭世且山從崐崙來不知幾萬里而到滄海之涯泰山特起為嶂於東流如端笏垂紳拱揖而迎來者故中原之氣收儲祥毓秀生人物之萬殊泰山其天下捍門乎脉絡之來楊筠松謂從青徐起西遡而上其水皆會汶入漕東南若泗若沂又皆入漕濬發宣尼之祥殆非偶故曳杖之歌明自敘矣而道書謂泰山周迴一百六十里非過或言周三千里或言

喙鳴文集

卷五

三十四

一千里或言二千里今觀支分脉注盖三州半而其東北麓注海者不與焉以予所觀而妄意之泰山蟠環不過三百里而從青徐數之以至於泰山何帝環三千里也余既游將記其風雲物色之異則古今人不少且人各言其感慨欣戚之情近耳何足紀存獨徵其掌故而論之若此俾後之人有考云

### 重修延慶寺記

四明人好佛多寺院而延慶最大延慶居城東南

偏四周環水而外食金峨它山蜿蜒七八十里之水始于郭周為保恩院宋興法智師者創之師奇人也鄞金氏名知禮七歲度於興國寺寶雲師受天台智者止觀法止則念念息緣觀則真真中的積年累慧探微窮性吹大法螺擊大法鼓以弘其教于江南真宗聞之遣使者致問而賜紫號為法智敕建延慶講寺師以其徒悞弛而不精進也結十僧禮懺期三年竟焚其身以作人之勤惟時楊內翰億李都尉導最貽書勸止復令李太守夷庚

喙鳴文集

卷五

二十五

密護之不獲遂盖脇不沾席者四十餘年于天聖六年正月五日跣趺化去焚之得舍利無算身所授度者凡若干人散于四方趙清獻公為之碑初師之營此寺也有僧異聞覺圓為左右而作誠誓具載教行錄中曾太守會來令其子公亮脩謁師夢相公來而後為魯國宣靖公乃大置田圃安集其徒此寺所為盛也涉元兵燹惟觀堂巋然在而四牕無擇兩僧為之興復至我正德嘉靖間僧泰侈甚惟酒肉是議矣公私交逼產廢物散庭宇有

圯壞而諸像為傾者自余之居日湖也與寺為隣戒不得擾一物及之京師隆勝圓復來請募脩蓋余子泰鴻導其徒斷葦茹素興禪禮懺如大師之初而佛教始振積數年而出諸施以經營煥然巍然庶幾克備費且踰六百元矣紹居士汪士駭以記請而二僧尚有餘于心不能已已余謂之曰人以營道心營事奚而非道以營事心營道奚而非事舍道則無事無事則無道豈有虛至之功哉今能精心上止觀詮義脩懺攝身策眾感聖乎儒四十

錄鳴文集

卷五

三六

### 重修石塘大小二碑記

方國生民藉衛于土厥土用水說在岐伯氏之養榮也吾鄞由甬江而西沃野二百餘里它山據江之上游以注于會城靈源大啟故西南諸鄉亡不藉榮于它山者顧泰雨橫決泰旱焦洩決不甚虞而洩乃助割於是保有保豐諸碑以司蓄瀉石塘介

在西隅眎他碑稍隘而為利滋鉅折而東有小碑循碑而下為九里浦以注于江高下斗懸皆鄞土也小碑之內支流蜿蜒有逮于慈者然而碑非慈有矣碑固有限不以石以木蓋創始者酌啟閉之宜而定規與碑終始夫寧不知石之貞遠也為蓄易而瀉難利于下流不利于高壤乃處下流者邀我之啟以為蓄而踞高壤者因彼之蓄以妨瀉俾得利而漫有害石之不宜于碑也明甚萬曆乙未小碑崩圯司碑之吏議繩初繇而慈民以其私憶謂不利于已至鳴于上官前令常熟翁公誠慨斯事率諸父老繞碑而揆追維往蹟曰吾為疆吏我民之弗莫惶恤其隣遂報中丞御史臺暨巡海使者仍用木於是鄞民雷然頌德趨事若子決二旬而大小二碑畢事既畢事而鄞之民謂自茲以往水歲安平雖有旱潦無損于粉稷永有石塘之利矣夫莫非王土何別于慈顧為慈畝不過數頃為鄞不獨五隅遍于七鄉鄞之藉以朝夕者大半夫斷指以存頸仁者不為况斷頸以存指乎宜公之

錄鳴文集

卷五

三六

力捍吾圉而樹淵邈之圖也是役也大義布昭衆  
志胥定皇皇明賜與與俱遠蓋公為政敦敏肅給  
其為民驅除若疚于厥躬必釋而躋之康阜乃憊  
茲特其一事事在丙申之秋明年奉詔充法從諸  
父老謀鑒諸碣以詔後來徵石言于余時余方待  
罪 綸靡不果歲丙午 予告歸里里人相率而  
前誦公顯伐遂不辭而為記諸大夫及鄉之慕義  
率貲來埤者其氏與名具書如左

喙鳴文集卷六目錄

論

封建論 四首

封建論餘 十九條

法行

二吏

師承

喙鳴文集 卷六目錄

喙鳴文集卷六

四明 沈一貫肩吾 著

論

封建論一

昔之善封建者曹冏陸機胡氏兄弟廖儼不善封建者李百藥柳宗元唐宋諸儒多主是說宗元直謂之私其他謂勢也時也三代以下不可復也余意不然公私無常安天下及萬世則公否則私時勢亦無常庸人時勢使者也聖人使時勢者也籌

喙鳴文集 卷六

一時之便與籌萬世異量已量君不強時以從事籌一時之便者也為天地立心為生人立命不以吾之不能而格聖賢為不能籌萬世之便者也繇斯而譚吾必善封建矣夫聖人曷嘗不崇德報功選天下聖賢豪傑而侯之乎而天下聖賢豪傑不能盡侯又曷嘗不預為子孫萬世計願其長有天下奉宗廟乎而吾之子孫又不可盡王天生人而立之君天意也上承天意而下活天所寄之人令萬世無危聖人意也苟不可以活萬世身猶將輕

之而況乎其他故聖人長在封建可郡縣亦必慮政不足以傳天下及後世而為制以寄之則封建可郡縣不可蓋自有封建而國之萬者并為三千三千并為千八百千八百并為二百十為十八為十二為七而卒為秦相殺無已時誠敝矣顧自有萬國以至於秦不知更幾甲子豈非遠起于洪荒之所不可算乎而中間為戰攻者幾何涿鹿三苗灌鄩鳴條鬼方牧野及春秋戰國城濮晉陽馬陵宜陽濟西夷陵長平等師或血刃或不血刃或

嘒鳴文集 卷六

斬首多至四五十萬或百萬尚有數可記也若秦罷侯置守甫十五年而有楚漢之厄又甫二百年而有王莽之厄又甫二百年而有三國之厄五胡之厄南北朝之厄更四百年不息而為武德貞觀甫百年又有祿山之厄又更二百四十年不息而為建隆開寶甫一百六十年而有南渡之厄於是腥膻宇內者三百四十年而始有我大明皇帝總秦之于今千五百年而亂之數若此亂輒入荒鼎沸六合雲擾剗創夷如莽如蕉春燕巢於林

木蓬蒿塞於宮圻丁壯絕於鋒刃老幼盡於丘壑視涿鹿等師有數可紀者相去奚啻千萬涿鹿等師僅可方平七國伐匈奴通西南夷征武陵蠻突厥遼東南詔西夏一隅之耗而已三代以還之民可憐哉非郡縣之敝而誰敝與蓋封建以萬君治萬國也一國亂萬國治雖商紂不能播惡于三分一之外郡縣以一君治萬國也陸機所謂階閭暫擾而四海已沸孽臣朝入而九服夕亂非虛語也雖有善者拔之而焦爛已多且無不自帝自王雲

嘒鳴文集 卷六

用其民至於百戰後所餘戶幾家人幾丁無可用始罷尚有生聚雄心莫已也故使胡亥隋煬而生三代纔與桀紂等自餘亡國之君不能埒乎威惟虞後世故有古所未有之禍而民亦蒙古所未有之痛故三代以前人猶有去亂適治之所而後世不然普天一焚耳雖在平世獨明弱寄命於一人而一人所與共天下者大半寄于婦豎宦官近習嬖艾闖茸諛諛之流能與賢士大夫游者幾何後世之莫必其命猶機寢鋒息矛漸劍炊燕之巢于

莽輩之泛于海也。大可憐矣。如謂封建已定。聖人無所位于時。是徒恨仲尼不有天下。而不知陽虎不能有魯也。今縱得仲尼。不過一世之治。孰與萬世之治多。如謂六卿于晉。田氏于齊。終皆有之。然不畏周天子亦畏隣國。猶須積久。非若莽操懿溫以下直撥之易。以強大併弱小。勢不得于與國。第蠶食之。故曹操能取漢。不能取吳蜀。由此言之。以封建亡天下者。千萬世惟一秦。以郡縣亡天下者。比比而是。吾不悲一姓之亡。而悲民與之俱亡。民亦不幸而生于郡縣之世也。郡縣者。天子有道行萬里如輦。下誠便然。一碎百碎。易成敗速朽之制。封建則家自為戰國。自為守民。雖勞而久存。戰爭雖時有。而流禍有底。極復得明天子在上。修政以臨之。雖罷爭息戰而長無恙可也。故吾以千五百年天下之勢。總較而為元元惜命。知封建之勝于郡縣章章矣。

## 封建論二

柳子之論封建也。曰周之失在制。不在政。意謂封

建定而王朝之政不可行也。廖子曰。不然。周之失。固在政。吾以廖子之言為然。周制雖定。而政行於其間。自宣王後。政曷嘗一日行於天下。政不行矣。制烏得不渝。一不朝則貶爵。再不朝則削地。三不朝則六師移。夫不朝小罪也。而貶矣。削矣。移矣。又况于擅侵伐。無并夷人之社稷。利人之土地。殺人之人民。而置不問乎。時無聖賢耳。有聖賢在。豈惟使當世無攻戰。抑復周公之疆理。還分封之舊令。天下小國可守其宗廟之典籍。大國無過三百雉之侈。莫侵莫叛。而五等久安。蓋孔子曰。有國家者。不患寡而患不均。不患貧而患不安。文武之政。繼絕世。舉廢國。治亂持危。朝聘以時。故始柄魯政。而隳三都。孟子亦曰。周公太公之封也。皆方百里。有王者作。魯在所損。惜乎管仲有其時。無其道。孔孟有其道。無其時。卒因循陵夷。以并為一。由此言之。周之失在政也。或曰。如管仲之政。尊周室。攘夷狄。近人而易行。必欲損強大。諸侯而弱小之。安能頻首而聽吾之削削。則如漢七國。何政之能為。余應

之曰子何匿堦而料天槩聖賢為不能也聖賢之作為固非庸愚所能料淺料之尚有賈誼主父偃分封之策使齊晉秦楚藉其賢子弟良大夫而分之齊晉秦楚不失為霸其他魯宋曹衛鄭蔡吳越之屬或分五分四分三分二而聽于齊晉秦楚之霸輻輳於周天子千里之畿修朝覲會同聘問往來之禮而簡其後世之繁使其人不勞國不疲亡可存則存之絕可繼則繼之如湯代夏武代商之初然後申尊王之誠踐睦隣之誓世世相安一舉而定無煩苛統繼難行也顧非大聖賢天下歡然親愛之如父母肅然敬畏之如神明不能任此故待孔孟彼管仲者安能分齊境尺寸哉雖然亦未可知子臧子札子西之徒國猶可讓如而人者當世不乏也而況於分人之國天下未嘗無人也未可知也

### 封建論三

或曰漢高祖欲立六國後子房不可其後分王子弟卒有七國之變唐太宗欲封建魏徵輩不可其

欽定四庫全書

卷六

六

他如羽如莽如炎非無封建而終于召亂明效大驗既若此矣子何為善之哉曰子房謀臣也取就事而已不暇及遠魏徵嘗學於王通通之書所不滿于郡縣者不過曰無定主而責之以忠無定民而責之以化未及悲民若吾之深宜徵在存亡之間也七國之變敝不在分封而在分封之侈不過百里則今一大郡而已胡亂之能興賈誼曰衆建諸侯而少其力已知之矣此陸機廖倂所能言者吾不復論或者又曰均弱懼不足以藩也曰無患衆弱之間有方伯連帥以率之勢足以戴王能相率而不能真有之又無方伯連帥之憂患無藩乎世無禹湯文武也無禹湯文武則執鹵獲醜持籌典機以與吾共功名者盡屠狗販繒吹簫織竹乏流盜賊囚虜之輩德不足以帥人長物與之開國承家則挾飛揚跋扈之心而所治民亦象其虍闕梟騰之指謂之樹兵也固宜必有聖人者興自閭閻動止以至經營四方罔或愆於準繩風虎雲龍皆雋傑鷹揚之賢而又加之以精心密度大維小

欽定四庫全書

卷六

七



保事制曲防無纖微罅漏不及之處祛苟安之積習布永利之綱紀舍封建奚之焉何則封建疆井田刑罰軍師學校禮樂無不從封建始後世唯無封建一均田尚不能而況有進于此者乎故有封建而後有生民有聖人而後有封建三代以下之於天下取先王之所以治夷狄者治之而未嘗以其治中國者治之吁已久矣吾故書吾言以俟後人

### 封建論四

或謂遼金元起塞上中國以全力制之不勝封建

嘯鳴文集卷六

八

小國安能支哉是不然元昊一西夏彈丸地而傳歷數代今塞上列砦分屯亦足以制虜安見其不支也凡國無小小則堅國無大大而無以守則瑕竭力而死守復有隣比之相仗能令患不滋自古天下之有胡久矣不獨後世也而後世之胡有亂非其獨強正以無封建而專恃一天子天子復不省宜至於不可救封建必有救之於微者矣救之于微則安以大費為悲夫宋南渡將亡而思藩鎮之策晚矣孔子曰夷狄之有君不如諸夏之亡也

西南夷在山礪間種落甚多莫能相統一各君其君各民其民世世無二心徃徃有數千年統緒巨姓大家雄于其鄉中國反不然自秦以下旅寄依托而已亂離多而偷視息愈為王侯愈不能保其子孫念至是而知封建為天下大利郡縣為天下大害聖賢復生不易吾言何也古天子之下有公侯伯子男五等而後為齊民求為天子者諸侯而已不及於齊民今求為天子者齊民皆是也齊民能與天子共太平不能與天子同患難而能為天子興患難故天子不能獨安久而民亦隨之以盡則孰與諸侯多大抵居恒而最快意者一遇事變立而視其盡終莫能措手此以其至便而釀其至不便也況至便之時暫而至不便之時久至便之福小而至不便之禍大智者於此亦權其輕重而審處之焉耳

### 封建論餘 十九條

李百藥謂設官分職屬任賢良豈必委以侯伯則同其安危任之牧宰則殊其憂樂此強詞也諸侯

與郡守久暫不同而牽委亦異大有懸絕

李公緒謂諸侯任勢郡縣任人善為天下者任勢而不任人守令為政小理察而大勢危諸侯牧民近多違而遠慮固此數語好後却依違

朱敬則謂王道已行而體國經野庸功勲親故可以內守而外禦始皇之平區宇也殊非至公烏可以寄龍魚助風雨自此之後雜霸又衰未有積德重光澤及萬物者此而封建必有通車三川以窺周室介馬汾隰而逐翼侯者矣王司徒屢請于當時曹元首又勤於宗室皆不知時也此謂王道既衰不可封建耳使聖人有作積德重光澤及萬物敢謂其不可哉

柳子謂封建自生人以來人各主之死必求其嗣奉之封建非聖人意也勢也廖偁非之曰夫所謂勢者乃不得已之辭封建者聖賢所以取法天地而制節人羣使人適得其所之道也非勢也按柳子言勢不必痛非道出于勢勢之所禁者亦道也上天下澤勢也君臣父子夫婦長幼之分猶是也

梁鳴文集 卷六

一

自宋而後言者之論勢也始與理異吾以為理亦勢勢亦理柳子語太峻耳意則無害此不必辨柳子謂周失在制不在政秦制得矣失在政廖子非之曰周之亡以政也封建則地有等差祿有多少禮樂器物各有分限使後王執是而行百世不可亂也又安有問鼎射王之事故曰政失也非制失也此論當矣柳子又曰諸侯各專其國繼世而理則其人之賢不肖不可知而民之理亂亦不可察子厚之思慮塞世人亦不思輒和為然廖子非之曰諸侯者奉天子之法以理其國也動靜進退莫不由天子是故山川神祇有不舉者為不恭不恭者削以地宗廟有不順者為不孝不孝者絀以爵變禮易樂者為不從不從者流革制度衣服者為叛叛者討夫然天下諸侯莫敢不為善也五國為屬屬有長十國為連連有帥三十國為卒卒有正二百一十國為州州有伯天下八州各以其屬屬天子之吏吏以治伯伯以理正正以理卒卒以理帥帥以理長長不善則帥舉之帥不善則卒舉之

梁鳴文集 卷六

一

之卒不善則正舉之正不善則伯舉之伯不善則吏舉之上下相制雖有不肖者不敢為不善為則流矣討矣不存於天下矣夫然則天下無不善雖專國繼世不能亂也此論甚當此所謂周之政也舉是政也行是制也何患不久長蓋制者立國之體體政者運制之精神體體者精神之所以藏精神者體體之所以久體體與精神皆具則人壽不可量周本制然也精神衰而體散存猶可以支周之末世然也體體之不堅而專恃精神則漢唐宋

喙鳴文集

卷六

十二

然矣一日病而死其能三四百也幸哉

秦之惡播于海內者以郡縣也守令之權奪于密網奉法彌謹流毒愈大不并六國則殃集于韓趙魏之郊耳伯翳之祀尚可無滅惟郡縣故虐流天下虐流天下故伯翳之祀忽諸雖無叛吏何益吏非不欲叛也平居為虐叛無所之耳

漢有叛國唐有叛將皆地大無制之咎以地大無制之咎而證封建不可此以戰國之封建論文武之封建也取最重與最輕較理自不敵列侯驕盛

黷貨事戎此封建末世事也孟舒魏尚黃霸汲黯此郡縣盛時事也取盛時事與末世事較奚啻勝之胡明仲謂柳子舉周之亂皆中葉後事若夫諸侯釋位以閒王政齊晉主盟以尊王室逮其季世楚與齊韓共圖周而屈于武公虎賁之論計輟不行此類不稱而顧稱問鼎中肩三數事為封建害不猶指西施之曠而掩其美哉當矣

柳子所快意者在郡縣時有罪得黜有能得獎朝拜而不道夕斥之矣夕拜而不法朝斥之矣此較

喙鳴文集

卷六

十三

語也顧此唯漢地節建武永平建初唐貞觀開元元和大中宋建隆興國咸和慶曆君明臣良能自之餘不能輦轂之下猶隔萬里介越溪山視天子在天上含茹貪殘吏之敲朴者不知其數柳子之時不有此乎送薛存義文亦痛心矣明主在上朝令而夕及於天下澤之下究者十一格于吏者不知凡幾虐主在上朝令而夕及于天下惡之下究者一加十十加百甚於吏者又不知凡幾此皆列國時所無何則近在耳目而易達故也

柳子之不快于封建者在大夫世食邑以盡其封野聖賢生於時無以立于天下郡縣則賢才得以進用故曰公天下之端自秦始柳子以三代後賢者必材于官乎三代前賢者必捐于澤乎禮者先王所以辨上下定民志制度既立上下既辨雖孔子生於當時念不過一執政不到侯也何必侯然後行其道三代後嘗侯王其臣矣如柳子論則賢者當必侯王也而何為不然聖人之意第顧生民安不安不顧聖賢侯不侯吾故曰苟可以利民君

聚鳴文集

卷六

一四

與社稷猶將輕之身之不恤而況乎其他

湯武不革前代侯者彼侯無罪其先皆有功德于民也烏廢之哉資之而不得黜直是鄙論公私之論尤鄙雖然柳子公秦固非而諸子之私秦亦非制不佳雖公非也制佳雖私可也胡仁仲曰封建者帝王所以順天理承天心公天下之大端大本也郡縣者霸主之所以縱人欲悖天道私一身之大孽大奸也王深寧曰周以九州養千八百國之君用民之力歲不過三日十一而藉君有餘財民

有餘力而頌聲作天下之公也秦以千八百國之民自養力罷不能勝其後財盡不能勝其求一人之私也余置此論不以一秦之郡縣私而謂百王之郡縣皆私唯論利民否耳利民則至公

范淳父右郡縣謂堯舜不以一子害天下諸侯之嗣或賢或否何可使之繼世以害一國信斯言也嗣天子不肖可使害萬國乎周天子唯不能害萬國故可八百後世天子能害萬國故不能八百幸且苟延其毒已廣況至傾覆而所掬刈何可既郡縣必世世皆賢天子而後可

聚鳴文集

卷六

一五

淳父曰古法不可用於今猶今法不可用于古子固曰欲更其事以為天下可得更乎否也子瞻曰聖人不能為時能不失時而已子由曰秦之郡縣勢之自至也此皆以為不可奈何而安之若命聖人財成天地之道輔相天地之宜以為不可奈何而已乎吾不信矣此語可與漢唐宋君道不可與夏商周聖人道子瞻又曰封建者爭之端而亂之始自書契來父子兄弟相賊殺者必出于襲封仁

人君子忍復用之歟夫千二百之君多聚於書而觀之尤多宜有此矣顧乎莫大於天下而一國為小王莽以下吾不知其幾臣宋邵以下吾不知幾子一國亂孰與天下亂多程子亦謂罷侯置守不可變朱子本謂封建愈于郡縣比論下手輒難之此皆為世主論曾不思聖人御飛龍之會必不苟焉而已

陸機謂南面之君各務其治九服之民知有定主上之子愛於是乎生下之體信於是乎結世治足

羣鳴文集

卷六

一六

以敦風道衰足以御暴故強毅之國不能擅一時之勢雄俊之士無所寄霸王之志然後國安由萬邦之思治主尊賴群后之圖身又曰片言勤王諸侯必應一朝振矜遠國先叛故彊晉收請隧之圖暴楚頓視鼎之志豈劉項之能關關勝廣之敢號澤皆名言也即令諸侯貪墨猛獸得人而止豈若一貪吏去一貪吏來送虎迎狼相仍無已不如奉一貪主為有饜也

胡仁仲曰封建始於黃帝成於堯舜夏因之至桀

而亂湯興而脩之至紂而亂武王又脩之至幽王而又亂桓文不能脩而益壞之故天下紛紛以至於秦此論甚善所謂脩之者何事余之所以傷管仲而思孔孟也又曰黃帝堯舜禹湯文武安天下非一事也然封建其大法也桓文之止於霸非一事然不能封建其大失也秦亡非一事然滅封建其大謬也所謂大法者何事又曰郡縣可以持承平不可以支變故封建可以持承平亦可以支變故約而盡矣大抵古人之法鈍而周後世之法銳

羣鳴文集

卷六

一七

而踈喜郡縣之直截快利而不顧其害故治亦易亂亦易治不能甚治而亂則大亂以其易亂而竭力網維之僅無亂終不能大治何則密其末而踈其本故也如周則本末皆密豈不善哉惜夫宣王之中興桓文之迭霸不能脩文武之制削損踰制興滅繼絕於是乎密者就踈而諸侯強大後有作者制其本而防其末世世承而脩之千萬年治安之術在是矣

諸作惟陸機二胡廖偁王應麟得之二胡則九峰

尤善曹固亦右封建特卑卑言其私固之論曰先王知獨守之不能固也故與人共守之殷周之世數十雖王赧猶居虛位使秦納淳于之策枝葉相扶何區區陳項得措其手足哉此策士安邦之謀未及聖人安天下萬世生民之意也況有可非者周封建而延矣商亦封建也而祚倏與漢等烏覩封建之必長秦郡縣而短矣後世不封建而或四百或三百烏覩郡縣之必促此未覩古今之全者也

咏鳴文集 卷六

秦既滅侯矣烏能建侯不待李斯言可知也秦不滅侯暴不至此彼猶有忌憚也晉武之志縱于平吳吳不亡晉未可知

三代之師有用至十萬人者乎大國三軍軍萬二千五百人所出有限故殺人亦有限鳴條不可知已牧野諸侯不期而會者八百至庸蜀羗髳微盧彭濮必不下萬人然亦不過萬人自戰國來秦白起敗韓魏斬首二十四萬坑趙長平四十萬趙奢用兵必十萬二十萬田單以為多王翦滅楚用六

十萬空秦國矣其後秦并天下略南越地戍民五十萬築長城三十萬作阿房宮徙刑者七十餘萬鴻門之會楚漢兵合五十萬漢王入彭城五六十萬困彭城三十萬吳王濞七國之師遂至百萬符堅敗於淝魏太武入六州皆百萬由此觀之自戰國前未有用至十萬者自秦前未有過六七十萬者至於後遂至百萬殺人多矣非廢封而何秦初漢初王莽三國五胡六朝隋末祿山藩鎮黃巢五季南渡遼金元時略舉此十五大阨每阨則

咏鳴文集 卷六

生靈略盡封建有此乎仁人念此可為痛哭封建則小國寡民民至老死不相往來有事則各用其民鑿池築城效死弗去可也

必聖人起於草莽而其羽翼皆正人乃可開國推埋負販何堪開國或言草昧之中使徂詐耳安暇擇人是不然劉文叔劉玄德之臣多散宜生閔天之屬有聖主何患無賢臣豈必使徂詐成王業也象不得有為於其國天子使吏治其國而納其貢稅焉此亦封建中一法聖人治天下亦多術矣如

謂封制已定不得禁其匪彞則安以天子為凡薄封建者皆無以天子為之論也

### 法行

古之法始乎必用而終乎無所用今之法始乎不用而終乎不勝用古之為法者不招以入其入也不縱以出夫惟不出民惡敢不戒而入諸故始乎必用而終乎無所用今之法恢恢大矣民得游居寢處於其間而姦軌益不勝雖然彼本夫董也而飴之本烏喙也而醴之惠不止於病民而且移之

喙鳴文集

卷六

二十

國必至於不勝用而後知法必不可以少假也三代之法非獨律令禮樂刑政皆法也秦而後改法為律其所謂律者又獨事民而濶於上之所為於是儒者始薄為司空城旦書不知臯陶之謨自唐虞聖人與禮樂共命刑期無刑示民唯恐不詳教民唯恐不豫入而後矜之晚也故曰刑於百度其最遠矣而或者以為鄭鑄刑書叔向議晉鑄刑鼎仲尼譏夫向所為議子產者是矣子產卒不改所謂救時也故不失為惠人仲尼之譏刑鼎譏晉棄

喙鳴文集

卷六

二十一

唐叔之故也豈謂鑄鼎非哉鄭以有法安晉以亡法危法豈細物乎愚嘗謂天下有執法之吏而後天子得行其不忍人之仁天子容執法之吏而後其仁四被於天下而無壅關偏滯之患仁不偏至法不苟止而後上下相守國家有泰山之固堯曰宥之三臯陶曰殺之三夫堯天子也在宥盛德也天子不能得之臣而德亦不勝其殺人之慘堯為生者愛而臯陶為死者讎堯之厚不足以奪臯陶之平故平者道之極也然則堯亦徒能三宥以明欽恤之心夫既恤之矣而不可生則亦付之於無心之平而行吾公天下之仁故曰舉臯陶而不仁者遠明臯陶之為至仁也淺夫小見乃謂稷契伯翳皆永世而臯陶之祀忽諸不無傷天地之心夫以臯陶視于公孰賢而昌胤之澤不及于公則天地舛矣夫為天下者顧法之必行不耳法行則仁亦行故商人刺肌膚而祚六百徙仁則法不行而仁亦不流故周數世之後不能令魯鄭然則法之行仁猶火之化物以厚生也 高皇帝至仁統天



始建國之年、為大明令、然襲勝國積弛之後、不威不懲、既七年而有大明律、律視今增且十三、詳矣、衷矣、而民又不懲、是以鋤豪剔賊、懲偷儆頑、時出雷霆以震之、十八年而有大誥、久道化成、民恬愉於王道而聖心亦紓、以圖萬世之安、故三十年而有大明律、直引、直引者、攬撫大誥諸條、次之、律以為世守者也、於是盡罷他榜例、且誠後世子孫毋深如律而止、由斯以譚、高皇帝仁天下、豈一朝一夕之心哉、而或者謂本朝立國規模頗用嚴理、卷六

又輕八十一事、章帝時又輕四十一事、除蠶室刑、隋文帝定今五刑、唐之興也、約法十二條、太宗除古死刑殆半、則又益寬、本朝一準唐律、然笞不脊、不易人、刺刺止於竊盜、有大誥減等、皆前古未有、視舊益寬、而民不見昔、猥稱嚴理、愚故曰猶貪者之言寡也、側聞、高皇帝之定律、每奏一條、輒粘殿壁、朝繹暮思、字衡句程、數易草而後成、蓋用唐之粗、而發聖心之精、藉刑之威、而行不忍人之思、二百年來、通儒碩彥、奉之為春秋、而辜人靡鬼、所為至死而不寃者也、操百王之大中矣、今可議者在例、不在律、夫例所以濟律之窮、焉可無也、顧律有定而例無定、有定者、民昭然奉白日、而無定者、如夜行、唯燭之所嚮、嚮塗則生、嚮壑則死、吏不決平、大氏不循三尺法、杜周曰、三尺法安在哉、前主所是、著為律、後主所是、疏為令、而汲黯之詰張湯、亦曰、非若就行、放析就功、是知法之多、民之所苦、而舞文吏之所甚便也、例之始、或出便宜、或出特旨、甚或出於請寄、而轉相循習、以為故事、文煩不

能勝其察牘滯不能勝其求蓋六曹盡然而刑書尤甚皇上幸且緒正會典愚以為宜取弘嘉間所輯問刑條例而補其隙罅條其散逸審其時宜折其舛謬而一歸之衷周懸象魏漢歌畫一此急務也然猶其小耳夫法不苟重亦不苟輕不行則重亦見輕必行則輕亦取重往者詔令嘗格矣今日紀綱肅整臂指相使釐奸滌汙一大振刷也然能盡復高皇帝之故乎凡法非寵人以位順人以恩則意拂而欲違不行然寵人以位位極則賤

案鳴文集

卷六

二十四

順人以恩恩竭則疎不威不嚴下為政而上為役不行十問其細一置其鉅十察其卑一弛其尊則上下異法而寵臣大吏張不行人主不事而予人臣大吏不事而予小臣已竊其惠而人任其怨已任其怨而人掠其惠不行思欲周而舉欲大仁貴詳而義貴略如淵魚之察如雷電之日轟轟著察以為明黷威以為嚴不行處置非宜則心不從轉移非機則勢不從非身至公則宵人以隙抵而欲將入正人以理屈而意將動雖轉動樞極莫不聽

御而不可以喻人心不可以傳後世猶乎不行夫心猶奔馬纏繫金銜未始不矍然顧也雖有上愁猶防其漸而持其後少動於穆清淵微之內而潛喻乎窮微曲鄙之下洞若觀火也今人徒見高皇帝明法肅紀操二尺四寸而九圍帖服不知

高皇帝所以節躬持心黜欲防非視法尤兢兢焉謨訓所載故老所傳所求乎天下者有一之于躬不執不然昊天有虐命而群心萬姓可以力邀取皇上覃慈萬方哀矜庶獄屢興泣罪之仁而時有

案鳴文集

卷六

二十五

鮮網之賜高皇帝之心也然高皇帝之心七十年如一日其周為後世計又千萬年如一日夜而思早而作故丞相可華而躬攬六官之政奉身如布素蕭然耳嗜好寡而徵求少其視錦繡珠玉與䟽麻草糲等視䟽麻草糲亦與錦繡珠玉等身為廉而後責人以不貪身為勤而後責人以不惰身為仁而後責人以不殘身無欲而後責人以無欲故重辟而人不恨法之所以必行也今天下之於法猶格也毋亦其身之未至哉傳曰君子之德

風小人之德草草上之風必偃。皇上毋謂有高皇帝之心而必務。高皇帝所以行其心於天下者而後法舉矣。

### 二吏

天下之所公患而公行不絕者貪酷吏也。此二吏者非若權重之臣、赫武厲暴、觸則摧裂、不可卒以去也。又非若滑比之臣、諧媚罔就、感易人主之心、不可決以去也。又非若無端倪之臣、設詭逞邪、變亂放析而不可辨以去也。貪吏奪人、人思奪之、酷吏殺人、人思殺之、而卒不能屏殄、傳類以快人意。

嚶鳴文集 卷六

二二

則扶之者衆也。夫世雖騷孺子、豈扶奪人殺人者哉。而斯人獨扶、必有操矣。貪吏之說曰：吾不為貪，是主上之徵也。是官司之常守，非我為也。是所以供貢賦、轉饋廩、餼廚傳之費，不能損也。必有行，必有居，以待匱也。酷吏之說曰：吾非樂殺人，主上之法也。是所以決謬誣、美屬官、威民、不為暴也。失法則死，不以我死易人死也。法不可假，法無親也。聽其說，溶若甚醉而非事實也。此猶依於守之言也。

貪吏之說又曰：國不可不廣大，拘瑣握猥，不可以治三家之市，不壯麗，不備觀，不廣大，不明得意，徒儉確不可用。酷吏之說又曰：嚴刑重法，則俗厚，不相詭，而罪入少，徵發期會畢集，而上令不煩，慈不附民，仁不利親，慈母不廢，副剔賢父，不捐教，咎由其說，則俗流壞而綱紀亂，韓商之流禍，至今不息。然可以惑浮世，不可以感明主，可以亂愚俗，不可以改儒士。故三代之下，時有其言，而時誣貪吏，又為情曰：吾似鸛鵒之附人，間不敢為攫取緒餘而

嚶鳴文集 卷六

二二

已。樂歲狼戾，不為雪而已。酷吏曰：吾上不為堯舜，下不為桀紂，取一切治辦，偷免責而已。雖不為烈，竟亦無止。夫財豈從天降，從地出哉。人命豈可為戲法，豈甘物哉。雖有小偷，亦聖王所必誅也。然使二吏空自為政，則攻之易去，害亦不為蔓。而是二吏者，常雁行以重幣用事之人。用事者意所欲完，必曲法以完之。意所欲壞，必散法以壞之。德無不酬，而怨無不報。方以為腹心，方以為爪牙。雖明知慘賊而庇之，不廢。自靡昇柔理，以至狗馬珠玉之

好色動意嚮而已致於側自公子側室優笑侏儒  
與廝廝養皆盈其心而使其力毀何由來譽何由  
去雖明知其刻鵠而庇之不廢用事之口不訾則  
怨家之痛不達達亦不聞聞亦不能勝兒婦人口  
之多故天下之禍至如蓄火於苞羽之中發不可  
滅積水於危堤之上決不可塞然又不自咎益為  
法以勝之而終不可勝於是有陳勝吳廣之事天  
下不名為蹠跖而名湯武矣嗟夫害至此哉諺曰  
屋漏在上知之在下凡小民之痛苦非尊貴人所  
喙鳴文集卷六

卷六

二十八

能知尊貴人樂其利忘其害其日常蒙其耳常聾  
小民蒙其害不私其利非其耳目聰明賢於尊貴  
人處勢異也剥小民以奉尊貴人故其情愈痛可  
憐也高皇帝處田間目二吏為害念無一日釋  
於閭閻而威無一日弛於吏今大誥是矣誥之言  
曰諸司不務公而務私賊貪酷虐吾民者窮其源  
而搜罪之斯令一出世世守行故尚書王時增減  
刑名則法布政關賢禽獸用民則法侍郎郭桓受  
賄鬻糧則法侍郎王制受賄勾軍則法其他小吏

頑民黥刑抵法者又不足數也高皇帝澤流於  
匹夫匹婦之細而獨不能濡忍含茹於若流此所  
為神運而天覆也去小不忍所以成大不忍也今  
享國二百年而明威陟降日在左右豈不以凜凜  
法在故哉然此非獨高皇帝法也百王法也誅  
酷吏莫如漢漢本以三章靖民不少假于酷吏故  
郅都斬寧成髡周陽由義縱棄市張湯滅宣自殺  
王溫舒五族雖愉快一時未有得死者也誅貪吏  
莫如宋宋雖以仁厚立國於貪吏不少假故趙礪  
喙鳴文集卷六

卷六

二十九

除籍王昭配隸秦曹呂鵠除名劉祺黥其他雖尊  
官往往籍產棄市大赦不原中人即不畏義亦畏  
刑也厥後漢宣修先世之政則多循良及元成優  
游而後吏治衰宋後雖稍弛而張清鄭餘慶猶杖  
脊遠配至蘇頌稱刑不上大夫而後簠簋多不飾  
於此見寬大之政必不可施於二吏以寬大治二  
吏雖以金石相敝治天下之日未也二吏輕重略  
等而歷代異重則逢世遠然漢非獨嚴酷吏漢代  
秦秦法猶在刻木畫地之痛不少酷吏多多則誅

宋非獨嚴貪吏自五季來人士面汗行寡廉鮮恥貪吏多多則誅兩者就較則貪吏言之汗口而酷吏猶有傳蓋伉直引是非爭天下大體方略教導禁奸止邪亦彬彬質有其文武焉視貪誠過之然酷之害大貪為小酷之罪重貪為輕律令具存蓋為此矣而要之烏與黑之相嘲也五十百步之相笑也二吏之興皆以世故世好殺則有酷吏世好利則有貪吏又二吏相輔車故太史公傳平準而繡衣直指生於鹽鐵緡錢故酷無弗以貪為本

味鳴文集 卷六

三十一

甚者也故嚴世有酷吏時也平世有酷吏賄為之階賄之敗人國也甚矣哉不肩好貨無終于貨寶蓋盤庚傷殷之衰也擇三有事亶侯多藏又周所以亂也取部禺歸衛寶范鞅賂而昭公弗納荀寅貨而蔡侯從吳又春秋所惡也陵夷至戰國而俗流壞極應侯之散合從以金公孫之間田忌以金馮且之間昌他以金鄭朝之復祭地以金周君之易溫圓以金於是始皇之毀廉頗以金間信陵以金間李牧以金朝齊以金雖張良之於秦將陳平之於楚君臣亦以金計秦滅六國不過用三十萬金漢滅楚不過用四萬金無謂金權輕也秦楚之際豈惟秋荼凝脂之為害啗啞叱咤之為崇而金之傷尤烈是故賈生曰聖人有金城厲廉恥行禮誼之所致也世之治也廉恥興焉世之亂也寵賂彰焉司世教者惡可釋弗誅也明主誠鑒前代之所以失法高皇帝之所以得震然以貪酷吏為事貪酷吏誅天下無誅矣今言者非不言貪酷吏而覆之之後竟不契始則高皇帝之法萬不一

味鳴文集 卷六

三十二

行也萬不一行而求治於 高皇帝是却行而求步於前人未可得也

### 師承

夫經者士之鵠而非自為鵠者也射者非前期而自為中則人而羿矣經者非師法而自為學則支葉蕃滋而道術將為天下裂夫人心何底止哉不務理宿而特異是聞此非獨口吻之害且將移之膏肓矣史言六學者王教之典籍先聖所以明天道正人倫致至治之成法也昔夫子嘗欲無言矣

嘯鳴文集

卷六

三二

而復作為六籍以詔後世所以已言也言矣以來代有作者作者既多其言不盡雅馴蓋孔子既傷道不行而又恐後世之無統一也故晚而修六經於書斷自唐虞詩刪三百春秋折衷於史禮樂皆有撰定惟易不敢損益加贊焉所以刪凡而舉要黜異而顯真使學者有所據依而不奪於異論有所統約而不務於多言故曰乃所以已言也然以孔子至聖晚而為此亦可以徵事之不易矣自夫子沒子夏子張之徒各以其學教四方而漢以後

嘯鳴文集

卷六

三十三

遂別為師門率前出者易也而晚行者久存言易則施讎孟喜梁丘賀京房費直高相凡六家而費氏家後出言書則大小夏侯歐陽生孔安國凡四家而孔氏最後出言詩則魯齊韓毛凡四家而毛氏後出言春秋則公穀鄒夾左凡五家而左氏後出禮雖同出后蒼而小戴最後出蓋遺灰始撥則衰畜為寡儻儒乍起則論覈未精歷世而久然後名山石室之藏稍稍布聞師友各以所業參訂而後先聖之迹著然仲尼作經之大者非數子所能知而時無聖人則當時言經者亦未能出數子之外也至於唐而有諸儒之疏則漢之說又廢至於宋而有諸儒之說則唐之說又廢終唐之世皆守註疏獨啖助以已意說春秋而攻者四起乃宋儒咸以臆舉而習為固然人人自以為得聖人而由達者觀之是亦啖氏而已略而言之蓋有三科濫洛關閩闡明經傳敷析疑義為儒者之經蘇軾陳少南之流攻習艱靡馳驚詞華為文人之經張子韶之流耽寂悟空談心見性為禪者之經率亦前

出者不廣而晚行者著聲言易則胡瑗石介歐陽修王安石蘇軾邵雍程頤張載呂大臨楊時而朱熹最後出言書則劉敞王安石蘇軾程頤楊時晁說之葉夢陽吳棫薛季宣呂祖謙而蔡沉最後出言詩則歐陽修蘇軾程頤張載王安石呂大臨楊時呂祖謙而熹後出三禮則劉敞王安石楊時程頤張載呂大臨而陳浩最後出春秋則孫明復劉敞程頤而胡安國最後出自學官至家塾大氏以後為宗猶漢也明興高皇帝表章六經以風四

歐陽文集

卷六

三十四

方雖依本考亭矣而易無程氏春秋無三傳與張洽又皆兼用註疏至於永宣以後而學者始靡然一稟於朱若蔡若陳若胡皆以朱故見重耳而非詔旨誠不知其所起然時無聖人則天下之言經者豈能出斯人之外哉而况衆心業趨之矣又何議乎何以明其然也濂洛關閩故群儒之藪而立言之宗也考亭晚出而收之非一人之言也世之所謂集大成者喻或過之而論補苴之一端繭絲牛毛亦可謂無前矣議者欲網羅遺失博存衆家

與其過而廢之寧過而立之蓋劉歆之意或病其濫則姑兼註疏如制而止豈不避哉孔子刪定之意本以約學者之趨而馳騁汗湯空老于口耳三寸間非聖人意也學者不務修身踐言冥思靜真而遽以一斑之窺詆者名之論不知昔人之所吐者不啻汗千牛之軒而區區寶燕石以重襲享敝帚以千金譬之吹劍直一呖耳昔我洪永之初學者局局拘守陳言不敢舍一辭成弘之際風氣漸開華以質茂其文著矣然未嘗敢出一言於矩矱之外故其人炳烺宣碩如龍如虎重質而不拘光大而不浮卓為盛世之儒而無儼淺躁亟之習今乃不然鄙薄儒先以博驚為能廣徵異說以標竊為多托冥悟之奇而高談不二之宗竊非經之緒而謬舉又玄之論緣子貢之貨殖誇計然之長短依孟子之仁義雜蘇秦之縱橫去離本經而浮薄是則猶公孫之論堅白餘竅猶承文學之論鹽鐵後罷者勝非真能言者也始則噬言若哇亦姑試之其口然其心未必然而聽之者亦略其所以言

歐陽文集

卷六

三十五



姑賞其言浸而益久遂憫然自是翕然群從撓濟而不可返故不循春秋至乃比于殺逆不由仁義至乃比於禽獸何也荀卿以學術亂天下李斯至秦而焚詩書坑術士天地一大閉塞漢中葉以後服儒衣稱先王者布滿域內雖迂滯矯激而猶彌縫其衰故六籍無關於典章實握興亂之階章縫無與于崇議陰宰剝復之基此而不禁為憂未艾往者私於其徒今且公為先資之言而無忌於有司無忌於有司則熒惑之階矣往者私於其口今

喙鳴文集卷六

三十六

且抗為後進之師而無忌於名教無忌於名教則毀裂之漸矣易地形者漸而往至於南北異嚮而不知今歲而受計者千則歲而異說者萬莫不飾智干譽增詭悅聽此豈悠常之恒事哉善乎陳同父之言曰天下而未有豪傑特起之士則言經者未能出數子之外也祖宗之時不以文體卑弱為憂而以人心無底止為憂故學者唯知誦先儒之說而忘其文之陋重厚質實而不為浮躁儇淺之行今也放意肆志侮玩聖言何怪人心日偷而風

俗日薄也此言雖往可喻方來為世教人紀計者不宜不共任其責也

喙鳴文集卷六終

喙鳴文集卷七目錄

論

樂論二首

卜論

正統論

武王論二首

伊尹論

石奢論

許行論

喙鳴文集卷七目錄

張良論

丁固論

楊雄論

喙鳴文集卷七

論

樂論一

四明 沈一貫肩吾 著

夫禮樂之來皆由人情生也人生有欲欲而不理則亂先王惡其亂故制禮以養人之欲使欲不窮於物物不屈於欲二者理而長久是禮之所起也先王惡人之亂而制禮以養之又制為鍾鼓管絃以縱之方禁之於此而復導之於彼則禁不勝其導之便而勢復亂先王之意必不然凡樂之來由人情生也與其欲而俱有是先王之所欲禁者也而不可以禁則因而為之度數與人相得而久長是先王意也傳曰治定功成禮樂乃興海內人益多治益久所樂益異滿而不損則溢盈而不持則傾凡作樂者所以節人之樂君子以謙退為禮以減損為樂然則樂之貴減損也久矣本之情性稽之度數制之禮義合生氣之和道五常之行使之陽而不散陰而不密剛氣不怒柔氣不懾四暢交

於中而發於外皆安其位而不相奪也然後立之樂焉廣其節奏省其文采以繩德厚也類小大之稱比始終之序以象事行使親疎貴賤長幼男女之理皆形見於樂然則樂之貴不相奪也久矣樂也者動於內者也禮也者動於外者也故禮主其謙樂主其盈禮謙而進以進為文樂盈而反以反為文禮謙而不進則銷樂盈而不反則放故禮有報而樂有反進者謂自勉強也禮主於謙而不勉強則畏而不行故禮之有報者尚往來也尚往來

嘯鳴文集卷七

二

則勸進之道也禮之所以美也反者謂自抑止也樂主於盈而不抑止則蕩而無守故樂之有反者曲終而還奏始也還奏始則抑止之道也樂之所以為美也然則樂之貴抑止也久矣鄭音好濫淫志宋音燕女溺志衛音趣數煩志齊音傲僻驕志四者皆淫於色而害於德皆不知減損不相奪自抑止之過也稽叔夜古之善音者其言曰鄭聲音之至妙妙音感人猶美色惑志酖樂荒酒易以喪業自非至人孰能禦之先王恐天下流而不反故

嘯鳴文集卷七

三

雅頌各得其所是知鄭衛之俗果妙於音然非聖人莫能建中和之極謂之曰正必在所損人情日驚於益益則不正必損之而始正也由此言之樂雖所以和天下實所以節天下其理可睹矣

### 樂論二

唐太宗曰禮樂者聖人緣物以設教耳治之隆替豈由於此杜淹曰齊之將亡作伴侶曲陳之將亡作玉樹後庭花其聲哀思行路聞之悲泣何得言治之隆替不在樂也上曰不然樂能感人故樂者

聞之則喜憂者聞之則悲悲喜在人心非由樂也將亡之政民必愁苦故聞樂而悲今二曲具存朕為公奏之公豈悲乎魏徵曰古人稱樂云樂云鐘鼓云乎哉樂誠在人和不在音聲也溫公不以太宗為然非之曰齊陳亡國之音暫奏於庭烏能變一世之哀樂柰何以齊陳之音不驗於今而謂樂無治亂必若所言則五帝三王之作樂皆妄矣予謂太宗之語固可非而溫公非之未得其解請贅一言夫樂之來非聖人作也不知其作者誰而世習傳之聖人因而正之以為教也故使天下無樂何足為治累惟天下有樂而無節於是乎為治累凡治之隆不由樂而治之替未嘗不由樂今取咸英韶漢而日奏於庭鳳皇何由儀百獸何由舞何解乎百姓之愠何阜乎百姓之財何降天神出地祇樂誠不能隆吾治然有君臣於此放鄭聲矣屏衛音矣撤隋陳之曲矣顧日取咸英韶漢而奏之於庭引宮刻徵旋而聽之不謂之荒淫不可何也樂則咸英韶漢而樂之太過即鄭衛隋陳已不必

鳴文集卷七

四

鄭衛隋陳可以亡人國而咸英韶漢未嘗不可止人國故謂樂可以隆人治吾不信也况夫勢之所趨必將峻宇雕牆豐膳甘漿靡麗嬋媛珍奇怪矯聚而稱之於是乎荒廢政事䟽遯臣民慢神怠祭蠱惑奢汰而謂治不從此替乎以是而言太宗之論未全得矣其曰愁苦之民聞樂而悲魏徵和之曰誠在人和不在音聲則未嘗非也或曰若是則廢樂可也而二帝三王之有樂何居余曰聖人治天下必探人情之所趨而終為之備脫民於愁苦而登之於和人情脫愁苦則趨宴樂今夫百姓年穀屢登家給人足肯兀然無相勞苦而已乎士大夫燕饗祭祀玄黃既陳肯寂然無以相歡笑乎樂必作矣樂自此作而世未有王者為之制於是乎新聲繁絃哀笳急管嘈切日進淫褻日新方是時雖王者亦享豐履泰思窈窕以明得意擣大鼓撞大鐘蠻舞夷歌雜然而陳不能自禁肯曰苟免愁苦而置不用耶記曰移風易俗莫善於樂夫取咸英韶漢而欲移後世為古誠不能若取桑間濮上

鳴文集卷七

五

而移盛世為亡甚易至於善蕩易亡而後信樂之  
關於風俗大關於風俗者大而起教也微是以天  
下未有樂聖人不敢迎而導之天下既有樂聖人  
不敢隨而張之雖為之和樂以通之實為之制度  
以節之此二帝三王制樂之本意也

卜論

柳子非國語曰卜者世之餘伎道之所無用也聖  
人用之吾未之敢非然而聖人之用也蓋以毆陋  
民也非恒用而徵信矣爾後之昏邪者神之恒用

味鳴文集

卷七

六

而徵信焉反以阻大事要言卜史之害於道也多  
而益於道也少雖勿用之可也左氏惑於巫而尤  
神怪之乃始遷就附益以成其說雖勿信之可也  
張文定非之曰既曰卜者道之所無用也又曰聖  
人用之既曰聖人以毆陋民又曰非恒用而徵信  
則聖人之作卜筮說恠誕以誣吾民也與文定雖  
云然吾必以柳子為信抑余有取於陳君舉君舉  
之論湯曰聖人而有所立也猶懼天下之變也人  
情恥役於人而樂於無辨聖人為之禮為之法禮

之可愧而法之可畏故天下不忍犯君之尊而憚  
其嚴而聖人又將易之而自肆於其外加兵於其  
君而曰吾亦以為理聖人憂焉口道明之而信幽  
之而尊信以行吾常而尊以通吾變心吾知其明  
也卿士吾知其賢也庶人吾知其公也見獨而未  
孚議搖而未固卜則獨者孚搖者固故心也卿士  
也庶人也為之明而卜為之幽取焉以自神而寓  
之曰天而後禮法可以無廢嘗觀於商其書必卜  
其詩必祥異其懼民必祖考而其禮嚴於祭孔子

味鳴文集

卷七

七

曰夏道尊命敬神而遠之商人尊神先鬼而後禮  
則商之鬼自湯之援天以自神始也吾以是為聖  
人病也君舉之言云爾吾又善昔人之言曰卜以  
決疑事在不疑不疑何卜古之有筮也在心與卿  
士庶人之後也非違心與卿士庶人而獨任之也  
又必其事真大疑可作止而後聽之也非要卜之  
必吾從而神其作也湯之用卜也虛其心以聽神  
之微而無要焉非富天下也且事有不可卜者有  
不必卜者作而不順不可卜也順而不易雖殺身

以殉不必卜也故曰凡卜者必大疑而可作止者也吾明知其可而百姓不與知故卜也然聖人以此循斯湏而不免啟天下尚鬼之漸於是乎聖人亦病且卜可盡信乎哉可盡信則安有著從龜違龜從著違與卜不嚴吉之文故吾於柳子所謂世之餘伎者益信

### 正統論

諸公之論正統也多愛而不忍故唯予謂三代以下之為正統者漢也唐也宋也我大明也他皆非

鳴文集

卷七

八

也統則統而非正也天之立君以為民也為民主者民歸之天子之非廣燾博持而累世煦育不稱民主獨以其削平群亂集萬方之職貢乎以力不以德吾知其不可雖傳數世未嘗享其民以一日之安奄奄若貞疾人待斃而已吾知其不可以裔夷干諸夏雖有仁政德不入深民身昵之而心吐之吾知其不可此惡觀太和景象與天地同流也而稱正統哉故漢之所為統者以高文景武昭宣光武明章之烈而忘其元成諸帝之醜也唐之所

為統者以貞觀開元之烈而忘其高中諸宗之醜也宋之所為統者以建隆至治平之烈而忘其熙寧以來之醜也我國家聖聖相承二百有餘年至於今視漢唐宋有光焉謨烈後先熙皞世祿是故三代以來必此四代稱正統舍此皆偽定耳天心侗於上民意鬱於下而曰正曰統不可曰昭烈何如曰正則正矣而不統者也不統可也曰如正何曰徒正不足論曰不論正奚為奪秦晉隋元之統曰子之言非吾言也余之言責於正者詳子之言責於正者略正而不統吾弗取統而不正吾弗取必正必統吾然後為正統漢元成和殤以下唐肅代以下宋哲徽以下吾不謂之統憐其為盛王後姑統之耳而非以彼為統也曰如子言則煌煌天命固有百餘年曠不相續之時乎曰然天有晝有夜晝作而夜息何必續焉諸公之論也必求其人以統之吾之論也無人則闕世宗何如曰苗而不秀以殤處之可也世宗已矣昭烈大儒子之如之何其奪之曰世所謂間者居兩疑之中而

鳴文集

卷二

九

稱間若東西之相絕不稱間吾謂傳世久功德深者而後稱正統東西之論也若蜀漢者奪之亦大儒予之亦大儒真則不疑疑則不真吾以其異於東西故不予且不予非貶也不予而已何損於昭烈昭烈之為帝也其臣已有異議而待予乎曰近世霸統之說何如曰求其說而不得焉為之辭

### 武王論

武王以至仁伐至不仁商人簞食壺漿以迎然猶觀兵者再會諸侯者八百徵天下兵下至於彭濮

鳴文集

卷七

十

微盧皆來集又必得曉兵如太公為之師而後舉事戰之日血流漂杵而後勝之兵可易言乎哉漂杵之文孟子不信朱子以為商人自相殺理固當然然以愚觀於商人繼世之後猶頑不肯從況其時有拱手而效順者乎即置漂杵事勿論而武王之有殺不可諱矣古今言兵法者歸太公必以太公伐商商之不易克可知簞食壺漿以相迎者民也其忠臣義士倘有若夷齊者在軍而肯不抗兵相加乎兵以殺人取績殺人者人亦殺之勢也天

鳴文集

卷七

十一

下有萬勝之兵哉呼吸之間風雷存焉不勝則敗豈謂紂惡稔矣遂易勝邪秦之惡浮於桀紂天下並起而亡之然章邯之師一出陳勝死再出項梁死沛公之西酈生以為未可距嶢關也張良又以為未可豈以天下並起亡之而輒可振槁拾遺得也王莽盜漢神器天下爭欲刃其腹民之謳歌思漢遍海內然尋邑昆陽之師尚百萬非世祖天授豈遽葬乎高緯昏狂亡國晚矣賢如周武而三代之欲引歸者數而後勝周兵非弱而取緯如此難也國烏可易取哉如不以德獨以力尤難言矣強之勝弱固理之常而操之赤壁堅之泚唐太宗之高麗皆以強敗彼皆善將而所將不下百萬也高麗之役雖不言敗然太宗破延壽之衆至下馬謝天危可知矣飛書示太子李高士廉等而迄悔其無成功知其歸矣傳曰國無小不可易也信哉吾非詆武王殺人亦非故反聖賢之論以為奇吾謂興師伐國雖聖人有不可知之憂欲毋輕言兵火災崑岡玉石俱焚天吏逸德烈於猛火蓋甚慮之



我武維揚侵于之疆則取于殘殺伐用張武王之有殺也已記之矣

### 武王論二

古諸侯去天子一階耳湯武繇諸侯升天子號令天下與後之起匹夫為天子者異雖禹湯之後不可王胡遽不可侯如以桀紂之故而殄其祀不復存豈天下之達論哉忘大功而罰及嗣聖人必不然蘇子乃謂封武庚以慰之則後世之論非三代之論始吾讀蘇子武王非聖人論大駭徐思之亦

家鳴文集

卷七

一

不足駭是不過發夷齊之所欲言為殷餘民攄鬱忿耳武未盡善仲尼未嘗予何怪乎蘇子蓋天下有夷齊之論有伊尹太公之論伊尹太公亦非自為論皆虞庭之論堯舜之所諄諄者曰匹夫匹婦一能勝予不敢謂天子可使人不予抗也若然豈其縱一獨夫播惡於四海而不以兵取之而放之而殺之乎然則放伐亦堯舜所必為也伯夷太公皆遜紂就文王而所持如水火要之二說皆不可廢不然則武王豈獨為紂之亂臣抑文之悖子文

如有靈忍受其王號而饗其宗廟明堂之祀哉此事何必復論予獨因蕪子而觀縷云武王殺紂史遷謂武王三射之躬斬其首懸於太白之旗又斬其二嬖妾懸於小白之旗此妄傳必非聖人事漢高猶能存子嬰樊項羽魏文之于山陽晉武之于安樂猶能待以不死豈以武王而不能容紂賈太傅新書載紂將與武王戰紂陳其卒左臆右臆鼓之不進皆還其乃顧以嚮紂紂走還於寢廟之上身闕而死左右弗肯助也紂之官衛相與糾紂之

家鳴文集

卷七

一

躬棄之玉門之外民之觀者皆進蹴之蹈其腹廢其腎殘其肺履其肝武王乃使人帷而守之民之觀者擗帷而入提石之者猶未肯止其說如此賈傳傳聞所傳近正惜不使遷見之而猥以戰國之游譚誣武王也

### 伊尹論

柳子贊伊尹五就桀曰大人無欲速其功也夫大人欲速其功則苟可以干世主者不問而為之是故有割烹要湯五羊食牛癰疽侍人瘠環之論而

君子以為不然君子進以禮退以義豈念速不速哉蘓子曰伊尹往來兩國之間豈有意教誨桀而全其國邪湯之當王也久矣伊尹何疑焉桀改過而免於計可庶幾也能用伊尹而得志天下雖至愚知其不然余謂聖人之道可以康四海及後世而必以康四海及後世為事亦非聖人使桀用尹尹甚願也無廢天下君臣之倫而斯民被並生之福奚而不可使桀用尹即以夏小康苟免於計而不得志於天下吾知其不悔如蘓子意必得志於

喙鳴文集

卷七

十四

天下而後可也卧榻之側不容他人鼾睡殆非尹之心吾何以知尹之心然我吾於囂囂以前知之宗元欲以此自解其所從之非也其言非其志亦可憐也是以君子視一介與千駟萬鍾等而以不苟為之基毋以手援天下蘓子之論亦功名而已聖人不然依乎中庸邈世不見知而不悔不有囂囂以前之心而徒迹其幡然以後之論與戰國士何殊

石奢論

楚昭王有士曰石奢其為人也公而好直王使為理於是道有殺人者追之則父也還返於庭曰殺人者臣父也以父成政非孝也不行君法非忠也弛罪廢法而伏其辜臣之所守也遂伏斧鑕而死君子聞之曰貞夫法哉孔子曰父為子隱子為父隱直在其中矣詩曰彼己之子邦之司直石先生之謂也昔人之論奢如此與之也燕泉子曰舜竊負而逃奢獨不可逃歟不返言於庭而父殺人之惡不聞亦得所以為父隱之道矣順渠子曰不然

喙鳴文集

卷七

十五

與父皆亡是背君而棄法也為奢計者首實於君甘以身代死生一聽乎上而已不敢與焉余贊之曰古今時宜代有不同借令今日身遭是變宇宙之廣將何所逃百口之累逃更為罪代父乞死法例所無司寇議刑必不幸許且赦為惡之父而坐行孝之子誰能聽之聽代死之乞而長飾偽之風勢亦不可顧父子之恩而廢祖宗之法義且安在為子計者誠效孔褒爭死可耳

許行論

言不可以一端盡固有甚無謂可嗤而適於事許行之市法是也予少時謂孟子直可無辨耳既游於世而見許行之說曷嘗不用於今之世哉先王建萬國立五等是五等豈足以盡天下乎建五等後雖聖賢復起無所得封也夫海內聖賢豪傑大小不倫必非五等所能盡而後世聖如孔子不得與管蔡並命是先王輕重長短之價亦不酬矣方今亦然天下戶幾等鄉幾則賦幾何區以別矣而或連數州不異其征學校之廩郡四十邑二十不

喙鳴文集

卷七

一六

問其才鄉試之選大省九十次或七十八十亦不問其多寡消長而大都一例推之他事亦莫不然此亦巨屨小屨同價也蓋張弛任心上下在手則人無固志事鮮滯從趨必取多避必就寡爭許壤訟於此焉繁舉大物之道政不必寸寸度銖銖稱也必論其當則荆揚之上馬纔與冀涼之下騎等北郡之正供纔與南邑之幣餘等雖有至精幹明察吏費日損功何能揆量妄取天下而紛更之利未見而害已聞一治之不能而百亂之多有曷不

較若畫一而今談者稱故典哉關石和鈞王府則有不亦可與且使賢者不能行其志雖病而能使奸人不能遂其私大利也許子之道以物就價不以價就物未嘗不可雖三王猶用之也自市官之法廢而苦窳濫惡之偽興韓伯休口不二價不能信於女子蓋俗習久敝一忠信不獨行然今天下居物行貨而守價不移者人亦不少類有所自立以成其名也由此觀之許子之道未為不行而天下之理不可以目前槩也

喙鳴文集

卷七

十七

### 張良論

君道剴剛不盡則患不除臣道柔柔不盡則禍猶在高帝之興必殲項而後可必盡殲彭韓之徒而後可充其盡殲韓彭之心雖蕭與曹豈能少假進退榮辱惟吾掌握而心猶鯁鯁慮焉惟子房知之故柔其心以至於盡而無幾微不可制之形豈惟免身萬古人臣之型也蕭何韓信張良一體也狐兔之悲宜如何者而信之死何有力焉何無論已良曷為無一言蓋律之以功成身退之義當非其

臣律之以議功報德之義當非其君而良皆無言良柔蓋其心而不少露也且帝獨與平謀耳后亦獨與何謀耳而皆不及良良之素不詭能令此言不至于耳尤徵良之難矣

丁固論

自楚來者多矣高祖獨罪丁固何也人情合則從不合則去去來之迹明舊君之交絕而不復論區區之義陳平韓信是也次則奉吾一介之使咫尺之書而翻然肯來雖非貞臣然明去彼而明就此

嘯鳴文集卷七

一八

英布是已若乃陰陽二主以為去來之地口順而腹悖貌一而心岐令其主有成敗而吾之身無存亡為計甚狡為心甚奸真人道之梟獍英雄之所病憤而不能忍者故丁公以不忠見殺然項伯何異於丁公曰伯之初非自媚于漢漢求之而伯私之其來也為良亦俠士之盛節豈若丁公賣主圖身而巧為計乎丁公正與呂布同呂布初事丁原事董卓皆親置刃於其腹賣主圖身而巧為計故高祖忘丁公活已之恩而斬以狗彘德不憐呂布

過人之才而感之死英雄之心自有正氣自有微權所為運旋宇宙而勘禍定亂者以此鴻溝之約漢使陸賈說項王項王不聽使侯公侯公往御太公呂后歸功莫大焉而漢王封侯公匿弗肯復見曰此天下辨士所居傾人國者故號為平國君既封而斬見之何哉蓋是役也太公呂后無歸理姑遣之而姑講之耳而侯公顧辨豈才智過人不過翻蒼為素易白以黑簧鼓人耳目而奪其肺腸譬之烏喙屏之不亟必有殺身之痛此固漢王之所

嘯鳴文集卷七

一九

畏而不欲見也丁公猶是也假令戰彭城後即以單騎來漢王縱德之不過處以侯公雖雖推未判而賞罰之典不能不為利撓然終疑其心況天下既定功利既集曩時委曲遷就之術不用而善善惡惡之公惟我英主之常也何怪焉為季布游說者曰季布何罪臣各為其主用職耳季布以此生丁公以此死怨如雍齒而封之讐如項羽而哭之莫非此意大抵英雄舉事忍與仁雜用違與義間施所以忍與違者迫於時勢而非其心之欲然所

以未嘗忍與違者則心之欲然吾所謂正氣微權者也不然上天皇皇之命豈虛歸海內元元之心豈虛服哉皆此心則聖主不皆此心故稱英雄然賴有此而天下之所以定也

楊雄論

莽大夫楊雄死特筆也誅何甚凡罪止於其當過則深張廷尉曰假令盜長陵一杯土加何法乎楊墨之罪未至如禽獸而孟子比之于禽獸惡其為噉天也倘誅雄之意亦恐後之人藉口乎君子曰

喙鳴文集卷七

二

終小人曰死雄未必小人亦可憐矣雄嘗曰在門牆則麾之在夷狄則進之今亦以其門牆而麾之乎如以律則雄當流歆當死坐雄以死無律以處歆矣凡特之為言皆意輕重之辭史者萬世平衡之書意輕重不若付之衡之平也吾于統蜀死雄皆未肯肯張釋之曰陛下當時殺之則已豈以帝可特乎而尚或非之特之不可訓也如是趙盾弑其君太史特筆有為也激盾討賊而終不之討則此坐不虛藉能討賊復何誅焉仲尼曰越境乃免

越境則身無討賊之權故免暫爾越境而終復其位是猶不免吾謂雄可憐者亦謂雄無討賊之權耳奚不去也莽於天下賢士猶將羅而囚之肯令其去不去則惟有死猶愛其死宜其及矣

喙鳴文集卷七

十一

喙鳴文集卷七終

喙鳴文集卷八目錄

論

淝之戰論二首

謝安論

孟嘉論

許衡論

功名論

馮異不伐克國言功如何

聖人人倫之至

喙鳴文集卷八目錄

論我朝兵制

說

逆說

龍說

喙鳴文集卷八

四明 沈一貫肩吾 著

論

淝之戰論

淝之戰非晉能勝秦秦自敗也堅之為君其可書者多也而曷為敗凡興王史多溢美之言亡王史多溢惡之言堅亡而史之美猶若是是誰為之溢者無淝之役則晉以下一賢主魏孝文不足多也而惜乎其自敗也堅志大而才疎量有餘而智不足

喙鳴文集卷八

以劉備之賢關張為之羽翼而得孔明始立猶有秭歸之敗捐六十萬之眾以及其身堅不及備而亡王猛所以敗至於亡兵家謂堅不宜用眾至百二十萬而無分殺是則然矣而不盡然堅之敗為引輕騎八千無道就陽平公輕敵故耳朱序之言曰若秦眾盡至誠難為敵今乘其未集敗其前鋒可破也然則序亦患其眾堅以其未集敗非以用眾敗吾竊怪夫堅之老於兵也而不知兵身不居中而趨為前鋒且勝負兵家常事耳何前鋒一

欺而使大軍盡敗於此見堅不能軍蓋師克在和  
違衆而師衆心預恒一也饑鷹思奮者扇於其間  
則衆愈恒二也堅不能軍節制不嚴一敗百敗敗  
固理也雖然堅有敗理尚無必敗理水上軍殊死  
戰惟韓信能非玄所及也請渡淝以決一勝危矣  
堅欲乘其半渡而感之真兵法也麾兵一退而不  
可復止誰為之乎至於符融略陳而馬蹶見殺又  
與宋澶淵之役同澶淵之役始陣未戰虜將蕭撽  
凜出按地形而宋威武軍頭張瓌發牀子弩殺之

宋書卷八

二

契丹大懼因就和符融之死與此何異符融死而  
堅氣盡天也非人也然則晉無所以勝乎晉雖小  
弱而其君臣輯睦動不失機此亦勝理然非必勝  
理或以謝安之談笑指揮必有淵然之謀而不知  
此安治國之權法非用兵之常法凡軍臨事而懼  
好謀而成孔明之智也而夙夜勞瘁安能以談笑  
勝乎今觀玄事具在為廟勝否廟勝者能委任玄  
無失人而已能資糧械無乏絕而已能不中制無  
逆預而已若夫當機應卒玄事也不能逾度已別

有旨之對豈不欲對無可對也驛來無喜豈其不  
喜憂危之心未解而一勝未敢以為喜也前日之  
不恒今日之不喜正相似念深而慮遠體閑而養  
厚使中外恃以無恐則有之以為勝具未也此小  
善也無益於存亡之穀堅之小善寡多而不免於  
敗故知晉非以小善勝不以小善勝而又無真可  
勝之具然而勝天也或曰苟晉之無天也安當如  
何曰安之幸屢矣能以雅量折桓公之逆桓如不  
死能如何能以持重勝苻堅之師堅如不敗能如  
何所能者人也所不能者天也君子亦人而已天  
安知

宋書卷八

三

### 淝之戰論二

是役也堅之可勝者十七八即不勝無功耳不虞  
其一敗而亡玄之可不敗者十二三即勝自保耳  
不虞其大勝於此見兵凶戰危不可嘗試成敗之  
勢易於反掌握起新造可決一死有成業者宜萬  
全而後發縱不捷不失為伐吳之魏文帝伐高麗  
之唐太宗而後可縱敗不失為伐羽之漢高祖伐



備之魏太祖伐遼之宋太宗而後可慎毋為堅也  
凡數無大小皆所當慎顧帝王之興必有伉才醜  
德者與之角若劉項孫曹宋遼兩虎豈相下哉明  
知數為大而善為之故劉勝項明知數為大而不  
善為之故宋格於遼閭敵之大而易與之故曹敗  
於孫堅之敗猶曹之敗也恃強而易敵故也然亦  
有幸不幸存於其間成立之難如升天廢墜之易  
如燎毛堅失天一敗遂至於亡玄雖得天終不得  
中原尺寸土自淝之後玄輩經營中原不為不勤

喙鳴文集

卷八

四

矣顧本無強勢而恃僥於天基薄無崇建之理根  
淺無茂生之道天可以一僥而烏可以屢僥故終  
無所就智者亦宜量力蔡謨王羲之真前識矣而  
後人顧妄為之惜若以為坐失大機者亦不知彼  
已矣天下事原有二端吾善樓緩之言孟嘗君以  
三國之師攻秦入函谷關秦王將割河東三城以  
講問樓緩緩曰講亦悔不講亦悔王曰何也曰王  
割河東而講三國雖去王必曰惜矣三國且去吾  
特以三城從之此講之悔也不講咸陽必危王又

曰惜矣吾愛三城而不講此不講之悔也王曰均  
悔也寧亡三城而悔無危咸陽而悔論天下何以  
異於是玄不能經營中原談者以為惜使玄經營  
中原而卒不量力以危江東談者又以為惜均惜  
也寧失中原而惜無寧危江東而惜玄之自處亦  
審哉不然何以異姜維

### 謝安論

江左風流以玄虛為詒以閒雅為用始於王導盛  
於謝安王導深達國體寬厚有容任真推分意常

喙鳴文集

卷八

五

澹如謝安後起甚似王導桓溫入朝欲誅王謝  
因移晉室王坦之倒執手板而安從容就席笑語  
移日秦人入寇衆心危懼安每鎮之以和靜泚之  
戰謝玄問計於安安無它語捷來亦無喜色桓溫  
謂其有廟堂之量信矣王謝風流扇以成習故王  
羲之以坦腹東床食胡餅入郝鑒選孟嘉落帽不  
預桓溫器之王景文受勅賜死神色不變作啟致  
謝飲藥而卒名重當世王儉言論造次必於儒者  
比於謝安其他莫不把麈縱談齊死生一彭殤放

浪形骸以此相高故梁武之陷於臺城也曰自我得之自我失之亦復何恨侯景見於太極殿東堂稽顙於下不敢仰視汗流被面曰蕭公使人自憚豈非天威難犯吾不可以復見之雖顛沛之甚而不損其重尚有可觀武所裒畜亦有異人者矣至於陳叔寶荒淫驕侈不恤國政楊堅以七十萬兵壓境猶言王氣在此不為深備秦伎縱酒賦詩不輟豈亦效謝安處苻堅時事耶無其深思遠慮籌時謀國之略而陽欲效之蒙澤麋以虎皮見草而

歐陽文忠公集卷八

六

悅見豺而戰何益之有藉苻堅偶而勝楊堅偶而不勝吾不知品晉陳人物者當何若吾故謂從容閒雅清淨恬淡放浪形骸齊生死一彭殤盡小善非特傾定危之事無益於天下國家後人不知以為謝安之所以成名在此觀其淺矣又曰晉史言謝安矯情鎮俗非譏之乃稱之也晉人之論情與宋人異宋人謂情性如形影本孟子之論也晉代不然謂人之所以為惡者情也王弼註利貞者性情也謂必性其情文中子曰以性制情今言謝

安矯情正謂人情易為喜怒憂懼所動而安能矯之國家恃以鎮定今人不喻誤為厚貌深情之意是譏之非重之也失其本矣又曰世之論安石者高其量而掩其才如玄之問計則曰已別有旨若了無短長於其間者而不知安得玄而用之以其憂盡付之於玄而聽其自為玄久在桓溫軍溫嘗稱謝掾年四十必擁旌仗節未易才也舉玄之日郗超歎安之明能違衆舉親玄之才足以不負所舉玄之使才雖履屐間未嘗不得其任然則當時

歐陽文忠公集卷八

七

之才無踰玄者安何用出一語相告戒乎且安雖悠然遠想有高世之志而謂之虛談廢務浮文妨要彼心不肯安於兄萬北征自隊主帥將以下無不慰勉蓋非疎者諄諄於萬而默默於玄有寄其諄諄者矣

### 孟嘉論

凡貴突智貴卒此誠難也智有不至忽然用之十九失矣我有一寶靜而受之萬不失一即有當違從於其間徐而圖之豈晚乎此圯上老人所以器

子房者也。老人於圯墮其履，顧子房曰：「孺子下取履，良愕然欲毆之，念其老為下取履，老父以足受之，良又跪進，老父笑而去，以為可教，竟授兵法。良之應卒以靜受也，老父知之矣。」古語云：「卒然臨之而不驚，無故加之而不亂。」方是時也，姑無論智力而先應之以器，可哉！孟嘉與桓大司馬飲於龍山，落其帽，不為沮，吏取冠之，亦不為沮，故有時名，斯亦器之謂哉。

### 許衡論

象鳴文集 卷八

八

楊盛聞晉亡，不改義熙年號，謂世子玄曰：「吾老矣，當終為晉臣。」汝善事宋帝，君子謂盛以晉臣自忠，而教其子事宋，心猶為門戶計。若韓延之以翹名子庶幾其私盡矣。余謂孔明兄弟三人分事三國，而不以三窟譏文、宋、瑞身死，宋國烈烈大忠，而弟璧子陞咸任于元司馬纂，魏而大傅孚自托為大魏純臣，稽康誅而紹事晉王儀，誅而裒未嘗西向。此等皆未可輕言論道，而必以勢之所不行者為是，無為貴道矣。許衡之仕元亦然，商之遺黎周公

之所謂殷士，康王之所謂頑民也。

### 功名論

天下之事莫善乎使眾人皆為而不獨恃君子使眾人皆為而不獨恃君子，則君子無為之名而天下之受賜多，必待一君子為而眾莫之為，則君子之迹始顯，名始章，然功效不可就，天下受其弊而君子之身亦勞且瘁，終不免於患。故高君之名殺君子之身者也，殺君子之身并以殺天下奚貴乎？名而亦奚取乎？獨為之高也，黨錮之事其繇始

象鳴文集 卷八

九

於君子獨為而不欲使眾人共為，龍門峻絕，中人以下誰與共功名？又分別宦官若以為此輩皆豺狼，非天地一氣所生，彼既不列於人數，而勢又足以稔毒安得而不逞哉？古者有國之論必國人多有而後及其大人，國人有大人之恃，故其論行大人得國人之助，故其事集，其事集其名不著，蓋功與名有可無者，有不可無者，名歸於一人，必天下皆無而斯人獨有，故名歸也，名可以使天下皆無而斯人獨名，功不可以使天下皆無而斯人獨功。

古之成名者其始皆欲舉天下之功效不就而後成其名後之人乃有明知其無功而獨取其名倒行逆施務以口舌勝人反覆蒼黃決裂幾事滿腔皆穢惡塞填而粉澤香氣以眩謬人謂天下名可掩而盜乎吾見其愚而終無所歸矣

馮異不伐克國言功如何 問試

人臣之義有益於國為之有益於國則功讓可也居可也不然居功者為招寵為邀君讓功者為沽名為避禍二者雖有間而要非義也漢興高祖所

咏鳴文集 卷八

與共逐鹿者非韓彭乎彼鳥盡子藏兔死狗烹豈必皆君之過而挾震主之功乘之以上人之氣勇悍驚持此安歸辟猶太阿不返其匣必缺與折勢使然也馮異者攀麟南陽附翼昆原流離潯沱蕪蕪之間厚意豈鮮哉射鈎檻車之情臣主不忘矣而一男子妄上書則嫌疑懼畏熱焉交集向非明主降璽書親慰藉雖父子君臣安得遽謂無他也故大樹獨屏不敢稱功豈直持成保終之道而吾一念之忠默有以感動人主使國無鴟夷之賜

臣無菹醢之痛故吾謂馮異之不伐馮異之所以益世祖此易喻也讓為是不讓為非而又安知克國之言功不可以馮異論何者甘露神爵承熙紹洽之年非若地鳳更始雲擾霧滂之秋也囊干戈張子矢一旦解而試於疆場非彼長鋌短劍攻伐未偃之勢也天子不習征伐之事在廷不諳奇正之術喜事者逞雄心於一劍而不顧異日之安危非若提兵奮起親角羣雄而為之君名王列侯皆握勝算惟吾所用者也先零罕开稱亂境上非若

咏鳴文集 卷八

十一

四海鼎沸神器未定之日也而苟輕率寡謀取凶器危事而嘗試之危矣故克國之始度羗也輒曰無踰老臣斯已偃然無所顧遜又曰兵難遙度百聞不如一見則其視滿朝之策無所用之矣屯田之議先後數往復卒不奪振旅而還此豈破羗强弩之力而安用浩星賜之策為哉凡浩星賜之說依回浮沉之言王先生所以教龔遂者也社稷臣則不能矣計天下之安危不計一身之毀譽計經國之遠猷不計保身之小節今羗已服國已解嚴

臣等所以不奉詔進討之心不可一日不白非白  
吾心所以明吾計之是也明吾計之是所以使天  
子講於萬全之術而非可以苟且輕動為也向也  
反覆論詰於萬里之外孰與今面列可否便而安  
得循循為此家人語哉若然則主上輕事喜功之  
心必不盡釋而吾老成持重之術必不盡授借有  
復然誰執其事安得晏然而已乎吾豈老耄而貪  
功爵為骸骨榮哉惟克國如是故言功可也非邀  
君也非招寵也不可以馮異例人臣之義有益於  
國為之而功有所不可居馮異是也有益於國為

東陽文集卷八

二

之而嫌有所不必避克國是也馮異之為大體慮  
者深故約已而愈卑克國之為大計慮者遠故功  
成而不遜然為馮異易為克國難故人臣之道富  
而不驕高而不危易冒可疑之迹以進永利之忠  
難若借口馮異而不顧國家之計非忠也如是即  
功蓋天下勲勒旂常亦徇私背公者流耳何貴哉  
且克國言功又無功之功也發材官徵武士出師  
萬里獲甲俘囚斯漢所謂功而克國徒自完耳羗

雖服斯當世之所謂無功也而克國以為功老臣  
謀國豈以赫赫有功為已榮哉有苗之師三旬勿  
克而虞帝不謂禹無功且以不矜不伐為禹敷贊  
之古人於軍旅之事如此嗟乎斯盛世之所謂君  
臣也

聖人人倫之至 戊戌會試錄

道公於天下而盡於聖人是故天下不可不  
人為法蓋使法而可以少相借則合亦可離亦可  
日月至焉亦可惟必不能相借故合即法不合即

東陽文集卷八

三

不法然則舉古今之天下當相奉以從而不可須  
臾離毫髮爽者舍聖人其誰歸何也天下無兩是  
而無非之道無兩道而皆可之學無兩途其責而  
不可形摹似擬之人善則善惡則惡得則得失則  
失出於此入於彼不能相借安得不指聖人以為  
歸嚴乎孟氏聖人人倫之論比之規矩方圓而使  
人無所少自解也嘗試觀之天下能物物而盡其  
變者獨規矩耳權之知輕重也度之知長短也斯  
亦物物而盡其變者也然終不及規矩天下之輕

重長短雖一聽權度之所為而權度之輕重長短又聽於人意之所為意有低昂盈縮而權度爽其操矣故石之關鈞之和律度之同先王慎之若夫規矩則不然誰能以意為之而又誰待於關之和之同之哉則至焉而不容爽故也凡天下之物嶽者奇者似箕者似寡者似鈞者似弧者似冠者似履者至不可勝窮而皆可託名於方圓乃一引規矩模之雖甚肖不能不失針芒不規不矩不可以為至故規矩非人力天也人之生而有父子君臣

咏鳴文集 卷八

十四

長幼夫婦朋友之倫則親義序別信之道行乎其間矣孰不以為先王之所制而不知其本於天敘天秩之所為此亦方圓之自然而不易者也其聯之也甚合其分之也甚析而其處之也甚有等合則難以攜也析則難以混也有等則難以紊也此又方圓之萬變不可勝窮者也得其類乃稱人失其類無所容其身求其類則必就其法而法焉而烏能離於聖人獨恠夫世人之自視常卑謂我何人斯而敢言法聖人得為君子焉足矣善人焉有

恒焉足矣上不敢為堯舜之行而下不敢為桀紂之操生斯世為斯世無近名無近刑足矣蓋臯陶官人有九德班固品人有九等擇一而處之亦人矣何必聖人然後乃稱人哉嗟夫斯言之玷蓋至於此其毋乃未覩規矩而信以欽崎鈞弧為方圓者與斯言出而世遂有自暴自棄之徒豈惟諉其身為不能并諉其君為不能而捐皇極於草莽荒聖路於榛蕪悉此其倡矣抑孰知人不可異於聖人異於聖人豈惟不齒有道之門而不可一日立

咏鳴文集 卷八

十五

於人群又孰知聖人雖異於人而實未嘗絕於人無他聖人此規矩吾人此規矩也欲為君胡不視堯堯其君之至也欲為臣胡不視舜舜其臣之至也欲為父子胡不視文武周公欲為夫婦胡不視周南召南欲為兄弟胡不視泰伯王季伯夷叔齊欲為朋友胡不視臯稷契九官十二牧此十穀聖人夫非盡人倫之至也應繩應衡為律為度萬世人倫之規矩也不為堯則桀紂幽厲矣不為舜則飛廉惡來矣不為文武則虎狼梟獍矣不為周

南召南則白華之刺作不為秦伯王季伯夷叔齊則角弓之怨興不為畢變稷契九官十二牧則谷風之誚起矣雖欲無非無譽而為匹夫不可得無以聖人為遜遜即不可比於人穀矣向使數聖人者而少有所遜已早犯天下之大不韙而不免胡顏之譏尚何稱聖之有然則聖人者莫之禁而可為又驅馬迫馬而不容不為又旋轉移易之機近在方寸而甚易為使曹交而徐行不出家庭而饒為堯舜使桀紂幽厲而悔禍寧不廟祔無窮與禹

宋鳴文集卷八

十六

湯文武並稱宗使羿浞莽操正其心術畢變稷契何以過茲使霍光不陰其妻何不與伊尹伍子路冠鷄帶狔子張鄙人子貢貨殖段干木大駟而列於聖賢之林無鹽以惡駭天下一言善而配千乘之尊聲施無窮何則就規矩即方圓也出規矩即崎嶇也何日月之濡染何階級之登厯故毫釐之差謬以千里出此入彼間不容髮蟻穴不窒長堤失守岐路甫判冥山不見芳軌覆轍同途千里上聖下狂一念終古須臾敗德即為獨夫天地雖廣

無以與立故聖人常以此規矩自範無敢少假而亦無敢少假於天下非聖人之量不弘道固如是也故曰巧匠目意中繩然必以規矩為度上智捷舉中事然必以先王為比非巧匠不能廢規矩而上智不能軼先王也有欲廢且軼而不可矣聖人之於道在衆人以為無所增而在聖人則以為僅無所減在衆人以為甚盛德而在聖人則以為僅免天下之誅在衆人以為古人之所未嘗有而在聖人則以為日用飲食曾無纖微殊異故聖人立

宋鳴文集卷八

十七

天下之規矩必先立其心之規矩而後天下之規矩定吾人欲復吾之規矩必先步聖人之規矩而後吾心之規矩得碩聖人常以偶值其窮而彌彰其名斯其甚恫而不欲語人者後人恣睢而無忌輒借口聖人而便其私嗟夫此儒所以有寧經無權之說蓋天下之萬變無窮道固無兩可而事亦有两通者學者徘徊於岐路之間與其詘於理而悔寧詘於事而悔雖千變萬化而終當以不離規矩者為本人有言工倕旋而蓋規矩吾尚以為寓



言況於其身之非僂而輒屑越規矩以自快多見其窮而無所容於世也

### 論我朝兵制

夫兵蘊於民舊矣兵民分自近代始猶時不齊而我朝始大分頡古者文武異官而我朝以文官制武事不徒倚辦於介冑尤善經也武成之日不散於郊而藏之衛諸阨塞要害處茂不置軍近蠻夷所尤櫛比焉而又時時調發之俾無寧居以折其驕不可使之風此高皇帝所以善蘊兵歟盡天

家鳴文集

卷八

一八

下衛所軍不能當九邊盡九邊軍不能當京師此又高皇帝居重馭輕之永計也兵不强則有夷狄盜賊之憂兵强又有兵憂夫使其强而無憂必有方矣凡言京營敝者不過曰寡優恤也勞工役也教練疎也隱占多也雖有堯舜不能衣食天下貧人今制於優恤不薄矣獨患不實則有司之罪而於振飭此也何有兵興則廬舍井園橋梁道路皆其事豈復借役於他人哉而用之執功何礙於習勞以此為憊則供張而坐奉之手教練將帥事

耳亦不為難惟隱占城社之奸最不易問而肅皇帝奮除中貴人不許監軍則所謂大斷此制既定而猶不免有隱占小偷也且治之耳由斯而談諸敝可立去猶無强卒何哉勢有固然亦何怪焉人情不投之以窮則不奮投窮於素所汰逸之衆有大譁而不從不迫以真窮之勢而謬為窮以聳之有偽躍無情奮今京軍雖窮然太平游閑子也而驅之以臨敵孰敢雖有技不可用而况持飽食以嬉之心所肆者悉童子弄業何能精夫殺敵之

家鳴文集

卷八

一九

事非可以教習能也必嘗從大將軍出塞履鋌鏃冒矢石而後可故徐理之論請出京軍燒荒冬出春歸庶幾習見邊情而臨敵不懾楊博之論請摘兵萬餘番戍諸邊更涉勞苦以轉其驕脆之習皆石計也雖然此猶居常從容語耳有如羽檄交馳烽火徹於甘泉而倚此為濟能乎故正德間流賊四起則兌調京營宣府兵各三千往來操習當其時人有引狼入室之憂而不知盜賊不敢舉左足窺京師蓋亦其功庚戌之變咸寧調邊兵入防又

請以京邊軍雜戍之以幾轉弱為強之效 肅皇  
帝信之意亦有可以感動者乎然而人非之何與  
此言出于徐理楊博之口未始不以為可此言出  
于江彬伏鸞之口未始以為可存乎其人亦存乎  
其時也乃至趙殿學分營練兵之說終當採行既  
防其焚復蓄其焰慮至遠矣 孝廟常欲遣京軍  
還衛團操以為京師肘掖劉大夏曰甚善今保定  
獨設都司統五衛意亦與趙同率此而善行之而  
又漸勢於邊邊亦當上京師斯重可居而無驕不  
可使之憂雖然猶未也用之善不善人心之危與  
安猶有所在此天下之大利大害明於蘊火之術  
而時圖焉可也

說

逆說

春生秋殺天之道也好生惡殺聖人之道也聖人  
胡不順天生殺而好生惡殺所以拾天之遺也曷  
為拾天之遺以為人心好生惡殺當俯目也天既  
生殺矣而聖人亦復生殺則天下無類聖人不逆

天乎曰逆所以為順是故貴之凡物之見貴也不  
以順以逆順者多而逆者少故順者賤而逆者貴  
均人也而秉道立德者少故聖賢貴均人也而享  
榮履華者少故君長貴同謀而智貴同闢而力貴  
同智而大貴同力而正貴皆以其少又皆以其逆  
曷言乎其逆也貴於驕為順而謙為逆富於奢為  
順而儉為逆德於其上慢為順而謙平為逆能逆  
則愈少而愈尊然聖人雖逆天而好生及其生極  
不能禁無殺何也人無如天何也雖然聖人終不  
以無如天何而損其好生之心也

龍說

物之強且靈者無如龍龍能潛能見能屈能伸無翼  
而飛行不恃地風雲雷電惟其所為濯旱暵需膏  
澤仁矣雖然龍亦自為計非為仁也炎荒溽蒸莫  
適寧居怒且飛天翻穴而澍人利之則功之以為  
仁龍曷故哉英雄之生無不以避害就利始而因  
之為仁聖人之仁也易曰安其身而後動由是言  
之彼虛捐其身而無益者可謂大愚

卷八終

喙鳴文集卷九目錄

策三首

法守

隆慶辛未會試

爵祿名譽

萬曆丙戌會試

儒行

萬曆癸未會試

喙鳴文集卷九

策

四明 沈一貫肩吾 著

問王者與民信守者法耳古今宜有一定之法而孟軻荀卿皆大儒也一謂法先王一謂法後王何相左歟我國家之法鴻纖具備於古鮮儼然亦多仍前代之陋而更稱善豈行之固有道歟至於今且敝矣宜有更張或謂患不綜覈綜覈莫如漢宣帝然當其時亦五日一視事吏不奉宣詔書上計簿者具文偽增籍者受賞若此可謂行法歟宣優於文豈是通論而或者歎服抑宣美元似知大體而或者刺之孰為當歟夫綜覈則情偽不可窮更張則善制不必變誠不知所從也願計其便

隆慶辛未會試

法不可苟因亦不可輕動也苟因則承敝襲舛有頽靡不振之虞此不事事之過也輕動則厭故喜新有更張無序之患此泰多事之過也去二者之

過而一求諸實法斯行矣執事發策考荀孟之異  
論稽國家之舊章審沿革之所宜求綜覈之實效  
愚嘗伏而思之夫法制無常近民為要古今異勢  
便俗為宜孟子曰遵先王之法而過者未之有也  
此欲法先王矣荀卿曰畧法先王而足亂世術不  
知法後王而一制度是俗儒者也此欲法後王矣  
兩者豈異旨哉孟子言其精神耳乃若制度荀近  
而易行何也法無古今唯時之所宜與民之所安  
何如時宜之民安之雖庸衆之建立不可廢也戾

家鳴文集

卷九

上

於時拂於民雖聖哲之創造可無從也後王之法  
民之耳而目之也久久則有司之籍詳而衆人之  
智熟道之而易從令之而易喻故曰便往代無論  
已明興 高皇帝神聖統天經緯往制博稽述采  
靡善弗登若六卿倣夏公孤紹周型漢祖之規模  
憲唐宗之律令儀有宋之家法采勝國之曆元而  
隨時制宜因民立政取之近代者恒十而九即如  
笑商賈置鹽官則桑孔之籌策也論停解制年格  
則崔亮之選除也兩稅三限則楊炎之田賦也保

甲戶馬經義取士則安石之規模也諸如此類未  
可悉數固前代所謂陋習敝政而今用之反收富  
彊之效建昇平之業故善用之則庸衆之法可使  
與聖哲同功而況出於聖哲者乎法後王莫如  
高皇帝矣天府之所藏掌故習之郡國之所頒有  
司守之大小相維鴻纖俱備自三代以來法制之  
善未有過是然今二百餘年耳科條雖具而美意  
漸荒申令雖勤而實效罔獲屯田興矣土曠猶故  
也陂政舉矣蜚輓猶故也清勾數矣乏伍猶故也

家鳴文集

卷九

三

積粟課矣空廩猶故也豈法之敝而不可行哉故  
議者謂宜有所更張而實則不然夫 高皇帝之  
始為法也律令三易而後成官制晚年而始定一  
時名臣英佐相與持籌而算之利害審矣雖有智  
巧蔑以踰矣且以 高皇帝之聖哲猶俯循庸衆  
之所為而今之庸衆乃欲易聖哲之所建豈不悖  
乎車之不前也馬不力也不策馬而策車何益法  
之不行也人不力也不議人而議法何益下流壅  
則上溢上源窒則下枯決其壅疏其窒而法行矣

今之墮法者有四法始乎嚴常卒乎弛而人之情始乎奮常卒乎怠今怠矣幹蠱之道如塞漏舟而且泄泄然以為毋擾一令下曰何煩苛也一事興曰何操切也相與務為無所事事之老成而崇尚夫坐嘯畫諾之悖大以此求理不亦難乎此病在積習天下之勢上常重而下常輕則運之易今法之所行在於卑寡而勢之所阻在於衆彊下挾其衆而威乎上上恐見議而畏乎下陵替之風漸成指臂之勢難使此病在紀綱夫多指亂視多言亂

張鳴文集

卷九

四

聽言貴定也今或一事未建而論者盈庭端倪未聞而二三隨雜是以任事者多却顧之虞而善宦者工遁藏之術此病在議論夫屢省考成所以興事也故采其名必稽其實作於始必考其終則人無隱忠而事可底績今著為令矣而漫然不加省視期通行矣而畿輔之內不行利害不究其歸首尾自相衡決此病在名實四者熟於耳目而入於心志非一日矣不決其墮疏其窒而欲法之行得乎漢宣帝綜覈之主也然考其時未嘗新一令創

一制惟日取祖宗之法脩飭而振舉之曰漢家自有制度所任魏相景稱上意亦未嘗以己意有所論建惟條奏漢家故事及名臣賈誼晁錯等言耳當其時雖五日一視事而上下相維無苟且之意吏不奉宣詔書則有責上計簿徒具文則有責三公不察吏治則有責唯實是求而不采虛聲信賞必罰真偽無眩是以吏稱其職民安其業政事文學法理之士咸精其能下至技巧工匠後世鮮及故崔寔稱其優於孝文而仲長統極其嘆服荀悅論美元帝而李德裕深以為非良不誣矣然則今之欲求治理者又奚紛紛多哉 高皇帝畢智竭慮定一代之制非如漢祖之日不暇給也 列聖相承創守一道非有武帝之紛更中變也百官承式海內嚮風非有許史金張之專制撓法也成憲具存舊章森列明君賢臣相與實圖而已祛積習以作頽靡振紀綱以正風俗省議論以定國是覈名實以行賞罰事功輻輳矣若曰此漢事耳吾且為唐虞為三代則荀卿所謂俗儒也

張鳴文集

卷九

五

問士之生也願析圭僭爵而垂鴻名於世矣古之人王或以爵顯士或以名取士舍是二者無以得士至有謂祿肥則士不死與三代而下惟恐不好名信斯言也士可以二術籠乎無乃以薄道待天下士而士亦有不可以術籠者歟嘗觀之兩漢矣高祖求賢之詔謂吾能尊顯士故當時爭鶩於尊顯或起刀筆羊豕之間委蛇變化與人主俱上下至於貢薛韋匡之徒頽其波而苟祿者相望爵祿安

蒙鳴文集 卷九

六

可得士也世祖懲之則敦尚名教以風而當時之附於名者東海有譏壺山有耻至於俊厨顧及之徒靡其風而名實亦大敝然則名譽又安可得士也周語曰先王之治為班爵貴賤以列之為令聞嘉譽以享之先王於兩者何異而得士獨盛豈用此者有道歟

萬曆甲戌

試會

聖人所以為治者二爵祿也名譽也置爵祿所以為賤榮也而簡節廉耻者世謂之貞重名譽所以

為衆尊也而晦德不耀者世謂之高然則政之所貴俗之所賤也政之所貴俗之所賤是上與下恒相持也烏可挾人主之勢而詭士以必得哉聖王知其然故設禮義忠信以懷之而交泰之象成一體之義合故曰聖人有金城者此物此志也論者曰昔在先王建方畧御倫類因人之欲而立之以制民欲富而制祿民欲尊而制爵民欲勝而制名假之以虛至之物而攝之以必從之勢今夫臣出身以事主析圭僭爵懷符剖祿則無令而不從士

蒙鳴文集 卷九

七

有說之不入脅之不下而一旦激於卑辭片言奔命仁義捐糜而不悔者為名高也故可以祿者祿之祿之而不足設名高以下之蓋制馭人群之術如此是言也似之而非者也士為人主用也為爵祿乎爵祿者上所貴以酬士而非士所貴以自期為爵祿來者非士也為名譽乎名譽者士所自有奚藉人主藉人主以就其聲非士也夫士固有志耳耕草茹木鶉居穀食其視鼎珍法膳弗腴於此矣師友造化旦暮古今其視熙鴻鑠景弗永於此

矣不察其志而猥欲以兩者勝奚可哉惟彼功利之說倡而論者每下管仲曰祿肥則士不死幣輕則士簡賞萬物輕則士偷幸此何異操贏奇而乘人之急者乎君臣之際有市心矣陳垣曰三代而上惟恐其好名三代而下唯恐其不好名彼以三代而下非人邪胡不引先民之事責之也彼其意豈不以負氣矜節之夫非名無以攝之而不知回適者將實力焉徒見飯牛扣角之朋非祿不足以役之而不知貪冒者爭奔走之漢已事可徵已漢

嘯鳴文集

卷九

八

興高祖詔天下賢士大夫能從吾游者吾能尊顯之故其時靡然驚於尊顯蕭曹起刀筆吏碌碌無奇節此所謂一代宗臣也叔孫通與時變化以道委蛇此所謂一代儒臣也公孫弘倪寬之流皆在羊豕之間而張湯與人主俱上下則當時之所謂名卿也自斯以來九卿救過不贍不暇論於繩墨之外而貢薛韋匡之徒如波斯靡於是有含羞蒙垢羽翼獍獍作符命陳功德如劉歆之流此亦重祿之過也建武初首以卓茂為大傳封褒德侯及

周黨嚴光之見也親詘萬乘以高之蓋天下始驚名也然王良之來而無忠言奇謀東海友人譏之矣樊英就聘而應對無深策壺山蒙其耻聲矣廣漢楊厚江夏黃瓊盛名幾於難副而鄧彪劉愷又以激詭為讓矣斯時也士爭倚道藝以就其聲若俊尉顧及標榜成風非不卓然為漢光而至於父盜子名兄竊弟譽骨肉相詒朋友相詐如徐幹所詒不少此亦重名之過也由此觀之始末嘗不佳世振俗而後陵夷也握奇蘊珍之士奈之何不視

嘯鳴文集

卷九

九

名姓為嚆矢比印佩於鉗鐵歌紫芝而不來逃吳市而長往耻知名於女子羞屈志於功曹夫然後知祿與名之不足恃也且先王之治曷嘗不由茲二者哉顧所以用之異焉蓋物莫貴於難得而賤於妄授衣文繡於倡優則貴人不服飲和羹於廝賤則上客不啜澗毛可以薦王公壺飡可以結死士豈謂物耶亦有所將耳先王建諸侯而錫爵祿也必於清廟之中備金石之樂行宴賜之禮宗人擯相內史作策故有賚之頌其官民材也必先論



之論辨而後使之任事而後爵之位定而後祿之  
故祿所以祿有德也德有大小而祿隨之如大材  
為棟小材為桷見其任不問而知其材故其祿足  
重也先王之世凡有功者銘書於王之太常祭於  
太蒸其紀錄也王功曰勲國功曰功民功曰庸事  
功曰勞治功曰力戰功曰多故名所以名有德也  
德有大小而名隨之如長形名長短形名短非長  
短之名先立而形隨之故其名足重也方是時也  
庸人收跡而賢士畢來山藪非乏珍而侈珎璜之

陳鳴文集

卷九

十

賜以為佩田畝非儉粟而貴大吏之賦以充庖五  
兩之綸半通之銅僇食之奉一札之書人莫不德  
其物而罔敢易之豈先王有異術出漢二祖上顧  
漢重祿而先王重祿其德漢重名而先王重名其  
實羈紲之術無所用之故得士盛也此猶論於爵  
祿名譽之內耳乃先王之心雖兩者弗恃君之歌  
先股肱臣之歌先元首君歌鹿鳴以勞臣臣歌天  
保以答其君敦朴不散於雕偽一體不撓於兩端  
直以心任心以德懷德故未嘗不命名制祿而誠

心信志房皇周浹州閭族黨之察德行道藝之舉  
亦名取也然而夢可相卜可師不謀父兄而立之  
羣臣之上不為過舉也父三老兄五更心膂大臣  
手足羣臣此誠任也然而八法辨治六敘正吏不  
謂厚防也畿以內為諸侯祿畿以外為諸侯嗣盛  
德入輔者兩其食圭田采地世世弗絕祿非不肥  
也然而營丘鳧繹儉於百里亦非靳也咏聲詩播  
管絃百福百祿之頌永譽永辭之稱名非不高也  
然而貴不聞不見之功圖書之名不著紀年之牒

陳鳴文集

卷九

二

空虛又何稱也蓋惟用而不恃故明哲之附其誠  
者如矢集的淵不得蟠山不暇棲拱揖指麾而莫  
不顧盡力又奚必昭昭焉揭兩者如日月而要之  
從哉惟此義不明而天下有重爵祿名譽之君亦  
復有逃爵祿名譽之臣上重之上過也下逃之亦  
下過也楚子發獲蔡侯而辭其賞荀卿以為固金  
城之役浩星賜以讓功說趙充國充國不聽夫辭  
賞弗高於逃祿讓功非亢於逃名然二子以為持  
小廉守末節廢賞功之典而忽謀國之實棄而不

取又况甚焉者乎嗟夫君臣之義光於穹宇晒於重離而蝕之者常自賢君賢士始宜厯執事之問也

問今之儒者豈有遺行歟枕籍孔訓薦藁宋言聚族而談自謂聖人之徒然曾不及管晏上世之士獨師獨友不學則已學則涉聖源騁王路故諷黃老而有儒者氣象佩申商而有洙泗典刑歎管樂而有伊傅出處起縱橫而有堯舜敷陳彼其初何以不為儒哉不為

梁鴻文集卷九

十二

儒而不詭於儒用過其學又何也儒之術大明於宋而宋名臣者或不由講學而勲業蔽於三朝或不從孔鑄而人物稱為第一或不通太虛而頌稱滿於四夷談者擬為阿衡至或用經術經世務而更以滋擾曾不及四子百一何也由此觀之章句之徒腐唇落齒而談儒意無益哉師心陋見不曠然大覽遠足以明其不知本末而終惑於大道矣諸士各據所懷以觀體用之備萬曆癸未會試

古君子籍甚一日者莫不超與道會卓然自出於正效能輔德之所未備增才之所不足曠千載而流光也夫道何分於儒與百家哉沿流者涉洄而皆從滄游者源遠而流益分管闕管舉守一不化屈蟠於埴井而印首於昭曠雖儒何益苟審知為宰符會大道雖各就所術默成獨應有青於藍寒於水脫釋於師傅之外不可以隅象測故足多也執事謂今之為儒者鄙將發其覆蒙而鑪冶之愚敢不恭教而承德聞之古曰善學擇術此至言也

梁鴻文集卷九

十三

雖然擇術之道微今之言擇術者徒曰儒耳儒耳不得於儒而分儒於百家之外故學常不逮夫百家誠黜淺擻享剝誕傲而何存其說於談者自遷固之徒稱為不能易後世依誦不衰雖哲人宗工時昌言排之而不廢意亦有不廢者乎且自王道衰聖學息迄春秋至於今數千百年豪傑不世之所以扶危定傾靜亂庇人紹明帝王之業者豈惟不能剗滅或從而稟業焉必有以矣張子房漢所謂有道人也夷項定漢通幽洞冥超然羈紲之

外世以為從圯上老人受兵法夫子房往來穀城間鄒魯儒者非乏而由來乃若此矣賈生雖少年天下奇才也立經陳紀輕重同得推而達之於仁義禮樂無所不可然世以為明申商者也所知吳公吳公亦李斯門人非儒也孔明王佐才也不求聞達三顧後起居則寧靜澹泊出則鞠躬盡瘁然隆中抱膝慨慕管樂常與諸生習誦不求精熟憚為博士家言非儒矣魏鄭公唐之蓋臣也房杜雖才任臣已耳魏公耻其君不為堯舜往復數十萬

言前代爭臣所不至然學為縱橫家初固道士非

十四

儒甚也夫四子於三代之下猶晨星之嚶嚶力能魁壘歛張樞紐乾坤而局不為儒既不為儒又何履道承德敷仁炳義未始詭於儒者自有宋大儒操繩墨執衾鉞歸命四子推而實於儒之林於子房則程正叔稱有儒者氣象於賈生則呂伯恭稱有洙泗典刑於孔明則蘇子瞻稱出師二表與伊訓說命相表裏於魏公則真希元稱前後諫疏非縱橫家所及陳同父推數四子謂馳騁聖門雖由

賜游夏不足進夫四子當世未始以儒自命也逝且千載人未有命為儒者也而宋乃稱之若此其自為豈及此乎宋之儒衆矣而名公卿常出於儒未著之先若韓魏公上蔡所謂學不由講者也范希文則歸安所謂孔鑄不由曾魯未薦者也涑水學不通於太虛守人者也當是時豈無濂洛關閩之徒而三君子者不在儒後魏公之學沉毅悠逸行其所知非識上起明則不達非定上啟迪則不徵希文之學有運設有持待有光輝行無罷軌見

卷九

十五

無介藩涑水之學以誠入而博學足以充其大烈心足以任其運實踐真信可以貫金石此皆世未始數數見也吾故曰不在儒後也乃若儒則有之金陵之學以聖人為己任以堯舜為必可為以經術為必可行邈然不可浮沉寥然不可遷易而怙憶紛擾隊為惡流曾不足望圯上洛陽之塵烏睹儒效哉由是言之吾以為古豪傑之學固不冥觀超覽自得于學術之外彼學術者特寄焉以為朴斲丹漆之資而非其所以資何也大道之初渾淪

遠與不可方名而保鱗蜚走淮莽苞皂無所不貫  
及樸雕而為器散而為事如泥之落乎埏埴惟所  
為之有百其門始乃無算故曰聖有所生王有所  
成皆原於一又曰同歸殊塗一致百慮信無異人  
術也若夫堯舜在上統一聖真必將使鬻李為老  
更使夷吾主書使晏嬰常侍使荀卿典禮使尸佼  
執法使申不害司隸使彭祖主方使楊朱奉常使  
墨翟典客使孫武司馬使尉繚護軍使蘇秦張儀  
韜軒往來使隨巢慎到惠施鄒衍之屬咸秩有司

卷九

一六

終不令其孕情畜變爭長蓬艾之間擅弄矛盾以  
煩居解又豈分為儒為百家若坐蠻夷於門外居  
櫛杭於域裔乎故儒之道未嘗一日亡於天下雖  
火於秦黃老於漢佛於晉宋齊梁魏隋唐宋之間  
而天命民秉不少衰息有離附而無漏渫有疑肖  
而無混淆顧人自得何如耳略其情而觀其似則  
管蔡華士少正卯之誅不申商乎破斧避東微服  
過宋不黃老乎子貢存魯孟子辯齊不縱橫乎舍  
其迹察其心則心韓身漢去就不疑豈黃石之編

所有乎制度文章開漢紀綱連語修政等篇微言  
具在豈內外儲之遺乎仗義履仁卓爾不舍敷奏  
教告一輪腹心豈牧民山高及河上丈人語乎十  
思十漸仁義道德之言豈押闔險隘之口吻乎偉  
望英識勲業敵於三朝後樂先憂人物稱為第一  
忠信正直頌稱滿于四夷固非百家衆子所能型  
范也然豈囁嚅章句樞趨門墻待漣洛關關而後  
興起者乎是故善學者心總要術意尋獨解飲不  
竭之源轉無涯之路則宇宙一貫古今一心會帝

卷九

十七

皇王伯於共流合道德性命於同術疏觀萬物而  
知其情參稽治亂而通其度材官群有制割大理  
恢恢宰宰孰知其德涓涓紛紛孰測其形明參日  
月大滿八極其兼百家而有之若蕪子孫夫豈揭  
揭然明儒之名以熒燭衆人之耳目哉所以必明  
為儒者愚俗不知嚮方踰檢蕩制聖人設六經崇  
四術以示之趨使不流於踰蕩而愚俗亦恃聖人  
有所依歸以無恐故教訓生焉若豪傑者騰躍簡  
編從容神理解結為融破異為同總道備物無投

不可始無負於聖人而稱儒宗豈宜足已自封閤  
於大較遜希濶而不居親聖神而反走孔子曰小  
辨破言小利破義小藝破道小見不達小之為害  
詎不甚歟故天下有非儒之儒有儒之非儒若前  
七子非儒之儒也金陵儒之非儒也非儒之儒安  
天下故天下誦功而百家之名不廢儒之非儒害  
天下故天下歸謗而聖人之道遂窮儒之不宜遜  
為大儒以此昔魯哀公小儒孔子張之或以為非  
聖人語而不知孔子特為哀公言殊不盡耳乃如

卷九

七八

今之人者治怪說玩奇辭以相撓滑也交手於一  
匡九合之績而攘臂於三歸反玷之僭迷心於致  
靜守虛之實而搯擊於培禮擊樂之邪掩面於強  
國富民之術而瞋目於流膏暴骨之慘齬舌於審  
形揣微之能而接足於登隴乞墦之汙此亂世奸  
人之儒非獨執事所謂不譽也愚也寧學大儒而  
未至即小儒所不屑也而況今之儒

喙鳴文集卷十目錄

策五首

君臣

萬曆戊戌會試

兵餉

萬曆戊戌會試

朝講

萬曆己卯江西

料敵

萬曆庚辰武舉會試

將帥

萬曆丙子江北武舉

喙鳴文集卷十目錄

喙鳴文集卷十

策

四明 沈一貫肩吾 著

問書稱惟辟作威惟辟作福皇建其有極天下孰不是彝是訓近天子之光哉然博觀傳記或言君令臣共而又言責難於君謂之恭或言君逸臣勞而又言君子所其無逆或言君要臣詳而又言一日二日有萬幾或秉乾剛或用柔道或宰獨斷或從公論或言君執刑臣執德或言君執宥臣執法何也豈君臣之間權則總攬於上道固未嘗偏主歟易之比取象于水地謂地不可離水猶君不可無臣故君有君道臣亦有臣職焉臣隨君則與無臣等安在其為盡職也我 皇上英明天挺獨運穆清之上臣下仰受成事而已然從容陳說見為窺探觸冒批折見為欺罔天意未盡回人心未胥悅也則弼違之臣恐亦不可終棄歟昔趙充國曰明主可為忠言而卒

能得之於漢宣今第患無忠言耳忠言而豈  
終無以感聖心故與爾等謹匡扶之略萬曆戊戌

會試

刑德威福者一人之柄也是非可否者天下之公  
也公在天下能效之而不能得之則舉而奉之一  
人是下之公即上之所為柄也柄在一人能制之  
而不能私之則又舉而聽於天下是上之柄即下  
所為之公也不如是則君日尊臣日卑下益衆上  
益寡其尊也上以勢為政而其衆也上亦以寡見

梁東文集

卷十

三

詘非治世也然吾未見君秉公于上而臣不受成  
者吾未見臣積誠于下而君不感悟者上何必操  
之以為重而下何必激之以為名哉箕子之陳範  
也曰惟辟作威惟辟作福惟辟玉食而又曰臣無  
有作福作威玉食則權之為君重固天假之以宰  
制宇宙者也人臣何敢望焉天下之政出于一一  
則尊二則擅參則紛擅與紛而弊乃不可勝言欲  
治天下烏得不一也乃考之紀載或言君令臣共  
矣而又曰責難於君謂之恭夫責難則猷入告善

歸君即有弼拂無妨於將順也或言君逸臣勞矣  
而又曰君子所其無逸夫無逸則泰慮隍濟戒祗  
即有憂勤所以成其康豫也或言君要臣詳而又  
曰一日二日有萬幾夫曰兢業則燭微杜漸提挈  
綱維即條貫靡遺無害於舉要也至於乾綱柔道  
之互用博采獨斷之異指執德執刑執宥執法之  
殊說均之救時之言非至一之論也君德莫大於  
下濟而自用為小臣忠莫深於格心而明諍為迹  
如地比水則土不燥剛如水比地則水不溢狂斯

梁東文集

卷十

三

易所為稱地水之比者哉今 堂陞邃密愚生何  
知然草茅竊聽若云 黼黻之間企而望臨御也  
交戟之下側而望聽納也威稜漸極廢棄漸多從  
容陳說者見謂窺探觸冒批折者見謂欺罔是以  
天意人心未能胥悅非細故也夫天下猶一身也  
人之一身首領肢腓至腕拇毛脉觸之而皆動捏  
之而皆痛摩之而皆有熱刺之而皆有覺精神血  
脉靡弗浹也君為天下身也所用之人誰非君人  
所行之法誰非君法所賦之財誰非君財所奔走



之事誰非君事何必在我者為是而在人者為非  
獨見者為是而衆見者為非愚謂總攬之道莫若  
以明冥冥決事非明也弼直之道莫若以誠悻悻  
從事非誠也 皇上深心善斷重法威奸睿算淵  
謀超人意表第豈無失於千慮而不盡於匹夫乎  
聚塵成山收涓益海固盛德事而況治人群之事  
必不可不謀之於人群者民之所好而不能聚猶  
無惑也民之所惡而不能去生得失矣曷不修  
祖宗故事與大臣雜議而後稱制臨決焉既示神

梁鴻文集

卷十

四

靈之赫亦不廢下濟之光既合輿論之公亦不損  
主持之體奚必使人莫矯乃言總攬哉以示明耶  
而情見短矣以見威耶而體愈褻矣期期知其不  
可何為久此而不改也此非獨君過亦臣過夫交  
淺而言深執友之所不樂多言而繁稱相知之所  
厭聽未信而言有欺而犯必且曰而以難責我何  
為乎避難而以無逸規我何為乎自逸以一日萬  
幾振我何以優游玩愒而謂君德不必剛爾何狠  
如羊謂獨斷非盛德爾何強弗反下以此厚望上

而上亦以此旋責下亦何說之辭夫臣事君猶子  
事父父未論於道子不可以為人故忠告善道不  
可則止者朋友之誼也負罪引慝勞而不怨者父  
子之情也孝子幾諫以身受過而不辭是誠也未  
有不動者也如汲直之慤而武帝不能怒則以招  
之不來麾之不去信其為杜稷臣也陽城數年不  
言而卒以諫名其內行誠修也胡質清而恐人知  
楊震清而畏天知趙抃清而告天知今之為清者  
有是否則此猶其著也蕭修為衛尉夜中警蹕而  
不欲令主知曰職司常事何足自顯彼何人哉此  
猶居恒也張翼為蜀都督以罪徵還代者未至統  
攝不懈運糧積穀使代者因以成功彼又何人也  
高允以崔浩之故且得罪雖東宮為之指導不肯  
易辭又為浩等置辦常使帝聞其過而天下不知  
其諫必若此乃可謂誠矣蓋人臣不以能言為忠  
而以能為為忠不以為天下所不能為為忠而以  
衆為為忠不以見天下所共見為忠而以獨知為  
忠明知其機之不入而故爭之以暴於人非忠非

梁鴻文集

卷一

五

望其說之必行而且存之以解於後非忠盡便宜不能令人主一再讀而竦然動色者非忠披肝鬲不能令人主不終篇而泫然刺心者非忠積念於平時而盡念於臨時務令人主釋其疑而無不以為愛我固善以威權還之君而行其致主之志者也蓋昔趙充國之計金城也始曰無踰老臣而不嫌於諄既曰兵難隄度而不嫌于諉上便宜至於璽書數詰而以死守之不嫌於專振旅還也客說其歸功兩將軍而曰兵勢國之大事當為後法老

東陽文集卷一

六

臣不以餘命壹為陛下明言利害卒死誰當言之者又不嫌抑人以自表也夫魏相稱上意丙魏同心易耳若充國所謂皎然不欺其志者吾必以為忠過於二子遠矣

問我朝兵餉自洪永至成弘間何其省而易給哉乃今日則愈異矣卒伍漸耗名有其籍耳餉以名給不能覈也急則召募而餉亦歲增焉且募無不置親兵者將無不畜家丁者若微此無勝兵而費加侈又不時罷長此

安窮舊額取辦民運民運不足則專倚京運間復請乞遂為年例夫內帑非泉海也奈何酌之不竭乎議者謂兵覈實而籍之則餉損清簡練而用之則餉漸省封疆之臣豈無抱忠者乎而何踵此弊歟此猶平時也今師旅繁興度不可加賦以蹈虞人負薪之戒然醵資匱矣馬價竭矣輸粟贖罪得不償失諸所稱節縮率沮格不行復用何策以濟其窮歟議者又謂許下之乏棗祇請屯田成都之乏

東陽文集卷十

七

劉巴請鑄錢唐困中葉劉晏轉運今塞下未嘗不屯寶源未嘗不鑄而轉運輕重之術下侵商賈恐適助虐當如之何夫財非一日能盈也需之歲月而尚無畜艾之圖不可頓言救時毋空持文學之論萬曆戊戌會試

財之匱起於名實之相冒非獨兵饒然而饒為甚夫饒以兵名也饒非其兵何饒之有欲驟而圖則弊叢不可問且方乘吾急益不可問更緩而圖究將極弊大壞而不可為為之此其時已國初之

制中外皆有衛所衛所皆有屯當征發則取之額軍而足饒亦取之屯而足自成弘前費省而易贍雖有蠹蝕然可振也而未有如今日者卒伍漸彫勾補不清奸宄入焉而饒以詭籍耗急則不能無召募未列戎行而安家之費已不貲饒且以召募耗募置親兵將畜家丁藉為勝兵已而虛有其名饒又以增置耗無惑乎民運京運之交竭而以請乞為年例也愚竊計之今雖調募未能當額兵什一即有加冒未能當屯饒什一然而不給者何且

明倫彙編 家範典

卷一

執事欲覈實以為清饒省饒計矣然欲覈實須從簡練始于忠肅之理三營也選精銳立十營而歸其不堪者于伍將皆知卒卒皆知兵而不敢以市人充故無贏兵無虛饒此猶居常無事之言也今師旅數興騷然煩費雖在內帑能如泉海之不竭乎能不加賦而用饒無蹈虞人負薪之戒乎饒資之入於太倉者幾何無浮出乎馬價之入於同寺者幾何能堅鍵乎輸粟之餼能相載至而無憂選法乎贖罪之餒能使民重犯法而庶耻不相冒乎

明倫彙編 家範典

卷一

非獨難繼且得不償失則計惟有節縮而提騎冗員大官冗役內監冗匠一皆自如釜鬲為患自昔嘆之矣及今而度儻在執事所稱之三策哉漢中平以來諸軍並起無終歲計曹操用棗祗議募民屯許下令州郡置田官積貯充盈操之征伐不勞祗之力也劉備入城都軍用不足用劉巴議鑄直百錢以平物價為官市旬月之間府庫充實巴之力也唐廣德時關中窘甚劉晏為轉運使分吏督運粟米載舟江南之運積揚州汴河之運積河陰河船之運積渭口渭船之運入太倉轉粟百一十萬石省緡錢十餘萬晏之力也此皆通輕重之權度本委之數酌盈縮之機濟公私之困可謂閑於時務度越一切之術矣今欲酌而行之宜先屯田次轉運次鑄錢然塞下未嘗不屯名耳我實有田而棄之矣屯實有法而亡之矣不有宋人民屯之法元人海口之議唐人土著之論漢人墾棄地之策乎夫兵之飽以嬉也而驅之于耜彼何能動宋天禧中以江淮兩浙屯田予民而分里築室居之

故必募民耕則流移集而地無遺利如是者屯興  
民屯矣而無約則如蜚鳥無寧心虞集之議富民  
能以千人耕者予千夫長以萬人耕者予萬夫長  
顧今民未見爵難為重耳如倣此意而使偏裨任  
之效則以秩酬之則屯興邊塞人少豈以一民屯  
之而輒能實李泌言戍卒有因屯致富而願留者  
聽家人願隨者本貫給長牒而遣不過數番卒皆  
土著愚以為因其所欲而留之則屯興國初之屯  
籍去久勢固不可問也番係言汾陰蒲坂下河壩

梁鳴文集

卷一

棄地皆可田得穀可二百萬與關中埒請準此法  
行之所在曠土皆沃野也何必守綠鱗圖冊如是  
者屯興屯舉矣徐而議轉運如晏之知取予行振  
救可法也嚴教令知四方委任士人不惜小費可  
法也婦諸鈔司與饑使者而統於總漕半以上供  
半以轉糴易耳所謂以大度成大計其在茲乎又  
徐而議鑄錢寶源廣鑄不必言也淆鉛盜鑄之禁  
不過一健吏能也唯是新舊錯用上下通行官以  
為俸民以為賦謹收銅之令嚴阻格之條以之濟

事易耳所謂以無用權有用其在茲乎為貨殖之  
言者曰力田不如逢年刺繡紋不如倚市門則必  
以屯田不如轉輸矣顧屯田不成其害小轉輸不  
成其害大莽置五均六筦以網利也而均筦即緣  
以為利置義和命士以督五均六筦也而義和即  
與郡縣通奸利嚴為科禁恐利不歸於上也而吏  
因侵剋以為利倘執事之恐助虐也意在斯乎要  
之孟氏有言無政事則財用不足蓋無政事無一  
而可有政事不轉輸不屯田不鑄錢亦可晏知取

梁鳴文集

卷一

予有政事也今知取耳夫安知予吏為刀俎民為  
魚肉耕桑之業漸少衣食之路益狹水旱之不恤  
蟲蟻之不聞事外科率例表輸將利害不明則費  
廣於舟車之徭料量不悉則公困於出納之弊物  
苦道遠則尋以輸尺斛以輸斗求乘時急則一以  
徵十十以徵百留州送使何須一槩折徵兩稅三  
限常以並時勒取徇盜而莫問羽化而不知此無  
政事也徵便漕之功於難成之渠起貪功之戈于  
無釁之敵利害不究其源得失不商其數除吏唯

已便何論祿費料工惟已適何論物費飭厨傳以  
歡過客兒庭實以媚顯者鬻爵則使滯穀之家競  
竊冠紳而下戶愈困重權則使行濫之輩爭為翔  
踴而民生滋薄賞罰不明廟議不定狐埋狐搨蹟  
前跋後此又一無政事也乃若經費不領於司農  
私藏率入于大盈泉本流通之物以筐篋而棄幣  
乃衣服之需以歲月而塵當貢琛效賁之朝為求  
金求車之計開進獻之風啟告繆之路所得涓滴  
所喪丘山天地亦愛其珍豈堪勢奪黔首咸賴命于

哭鳴文集

卷一

十二

儉乃以力征多藏厚亡甚愛大費民固宜戒君豈  
不然此又一無政事之大者也天子高居簡出  
節浮慎于貴戚無金谷之藏左右之敝袴之私養  
財甚裕復何藉於封殖而始足哉倘減九府之慮  
移為三宅之圖大小網維犁然具舉而公卿大夫  
又交修職業以佐于下普天皆富無憂帑已夫錢  
善操之則一可當十十可當百即不能然亦當令  
一錢得一錢之用自昔草昧之主且以征伐且以  
繕治且以制度且以錫予且以休養且以勸相

而不聞不足繼體之君如漢文景盡蠲天下租而  
不聞不足彼何修而若是哉不然百計然奚益也  
問我國家稽古定制朝與講並蓋御大庭則  
顯比以理萬機處燕閒則靜淵以友千古此  
聖德神功所以照耀後先也於古若路寢視  
朝而未聞有講講之制肇於何載便殿經筵  
宋代始詳宜不自宋始也

高皇帝之至聖而好學不勸動有詠稽無非  
講者正統初服定為儀注遂為典章我

哭鳴文集

卷十

十三

皇上御極七載講之視朝常倍其日邇者益  
練政典時引輔臣造膝諸士能揚厲之歟夫  
明主典學務於終始人臣願忠意常無窮也  
宋之君好學者多矣而當時猶有循故事為  
美談之譏或欲從容降接以盡下情或欲涵  
養薰陶以成德性或謂吉凶得失不宜偏諱  
或謂因事立訓不止佔俾此皆近而易行者  
也可一一舉其說歟宋制臣僚朝辭具有轉  
對即非今制而晏見陳奏歷朝亦有之可乘

聖天子之勵精而請復否試言以採擇萬曆己卯

江西

執事發策而以朝講之制下詢承學蓬累而居不  
闕宸黼之略丹鉛而誦豈堪旃厦之議雖然亦射  
執事之策耳聖王之治天下也雖秉靈體睿而不  
敢自謂神聖也思天下之戴已者尊則思所以副  
其求而襁褓之者備將副其求則思所以察其瘼  
而規畫之者詳將詳其畫則不待其事會而預設  
衡鑑以俟之者不得不審故出以應焚籍入以正

梁鴻文集

卷十

十四

幽眇日鯁鯁而不遑暇誠思天命宜嚴而民君不  
可不畏也蓋自有君臣以來則有會朝之制師氏  
之詒曰天以日運故健月以日行故明一日二日  
萬幾故昧爽丕顯坐以待旦蟲飛而會盈日出而  
視朝朝退而聽於路寢日中而考政日夕而糾虔  
天刑日入而潔奉粢盛當是時芻蕘之所陳如臨  
師保適言之所察若籍故府自常伯常任至於虎  
賁綴衣趣馬小尹左右攜僕百司庶府必皆吉士  
自公卿至於列士師賸工庶人親戚瞽史耆艾

梁鴻文集

卷十

十五

皆有賦誦有朝之名未始無講之實也自叔孫通  
起朝儀尊君卑臣趨於簡闊雖宣帝之勵精不過  
五日一聽事而公卿之進見益踈惟其間願治之  
主孳孳晉接有若光武數引公卿郎將講論經理  
夜分乃寐矣有若唐太宗命學士杜如晦等十八  
人更直閣下討論經義矣有若宋代之制便殿經  
筵秘閣直廬書侍講讀夜備召對矣則講制之所  
由立然或免集日或輟寒暑故議者有循故事為  
美談之憾焉我 高皇帝初下婺州禮其碩儒講  
帷幄中雖干戈倥偬而手編不去定鼎之後尤益  
孜孜慮俯仰而再周四海之外中夜思四方之事  
待旦而行如此其數數也定為儀注則自正統初  
而累朝以來循行不易我 皇上臨御以來七載  
不勸蓋朝之日一而講之日二率為常矣愚嘗仰  
窺聖心之微焉昔者殷宗三祀其唯勿言曰以台  
正於四方台恐德弗類既得傳說則曰爾交脩予  
罔子棄予惟克遵乃訓成王即位始謀於廟其言  
憂思深遠若隕淵谷而群臣進戒獨以學問為先

故詩曰念茲皇祖陟降庭止又曰維予小子不聰  
敬止學有緝熙於光明佛時仔肩示我顯德行夫  
不憂承式而憂其無多聞不憂多難而憂其無繼  
序 皇上之意豈異于商宗周王乎今神睿益充  
政體益習輟揮翰之暇披省章奏與二三執政切  
劇講肄煌煌乎盛德大業將在於茲廼執事復舉  
宋臣之議亦責難陳善無已之心也夫詢事實疑  
非論不彰問駁相發情態溢出竊聞日講之際無  
所辨難使執經者不得盡其說陳事者無所見其

宋鳴文集

卷一

十六

裏則何以入理閫而廣意域故韓維欲從容降接  
以盡臣下之情徃復研究以見聖人之奧似為今  
日言也一簣虧成十寒害生日就月將始於時習  
今近臣之入直也有時見不得亟 皇上退而與  
處者誰歟得無歲修之時少而游息之日多歟程  
顥有言涉書史鑒古今學之一端耳涵養氣質薰  
陶德性斯習與知長而化與心成亦今之謹論也  
趙卞曰易有吉凶詩有美刺禮有汗隆樂有治亂  
春秋有善惡史有得失並舉則易見偏陳則難明

廼經筵講吉不講凶讀得不讀失言筌尚滯意臣  
將屈此豈所謂臨文不諱邪愚又恐今之不無是  
也李泂曰自昔人主講讀本欲因事立訓鑒往知  
今假借是名譚議政事耳司馬光呂公著蘇軾諸  
臣風流相形美政美事多自講筵發之如其佔俾  
而已所益幾何此又愚之所望於今者也抑不獨  
如是而已宋制臣僚朝辭必具轉對景祐之詔後  
殿說書權引諸司對事今獨輔臣對便殿餘雖六  
卿公孤莫望清光意亦典制之闕與無論洪永時

宋鳴文集

卷一

一

即蹇夏而下代有晏見如蒙曠然發明詔令部寺  
卿貳隨輔弼侍從之臣不時召對躬聽覽則庶務  
之情實具見數考問則百官之忠偽周知上以廣  
聖睿聰明之用下以責翼為明聽之實此章化軌  
物之大者也夫聖人所以動天地應神明者一實  
心而已而其所以必孜孜汲汲不敢怠荒者一危  
心而已毋謂天下方覆孟無事一意念差一政令  
失而基無窮之禍毋謂人主可恣睢自樂一讒諂  
入一淫黷入而蝕日月之明興王之心念念在民



以安四海及萬世為快常見其治之不足故其心不得不勞而身不得不勤雖欲偃息於深宮之中而不能雖欲縱恣於禮法之外而不可亡王不然念念在樂其身而視天下若不相聞以天下事付之百執事止矣若是而可則堯舜三王之智當先出此明主誠曠然有為憬然深念修德于淵貽鑊獲之中而不待於大廷懋學於夢寐幽獨之際而不止於典訓深慮於千百萬億之後而不囿於眉睫綜實于言語筆札之外而不拘于緣飾設誠

張鳴文集

卷十

十八

於內而致行之則帝何以不三五而俗何以不唐虞唯執事虞其然否

問料敵制勝兵家所難曉機之士不執一策黥布之亂薛公為三策料之布果以下策禽有如布出上策豈遂不可圖哉侯景之亂蕭繹以三策料之景亦以下策敗使景得上策繹當何以應之比繹為干謹所敗亦在其三策之下何智之不逮也司馬懿設三策以料公孫淵石勒設三策以料劉曜又何皆出其下借令此三人者

能出上策不可敗歟孔明精於兵者也亦為仲達所料曰亮勇則出武功若出五丈原無事矣此與曹公料袁尚劉裕料盧循何異豈仲達之智出孔明上歟夫知彼知己百戰不殆居帷幄之中而決勝千里者料敵審也吾將觀諸子焉對母略萬曆庚辰武舉會試

張鳴文集

卷十

十九

士常於不可規慮之中而周其微眇之計既策而知之知之必制之隨其計之所出層見疊施吾皆以多算勝若按譜而弈不可以勝偶偶之所制巧拙不齊吾安得以譜應乎入吾數則幸不入則敗善弈者料于未見制于未形運量於譜之外而卒使吾偶不出吾範圍兵之所以難者倏忽變易不可方物岐路之中復岐路焉苟執一途以御之是成敗之數與敵共之危矣危矣黥布反漢薛公為三策料之曰東取吳西取楚并齊取魯傳檄燕趙

上計也東取吳西取楚并韓取魏中計也東取吳西取下蔡歸重於越身歸長沙則下計已布果以下計亡而漢人甚智薛公愚以為如布兵者下計亦亡上計亦亡何也布本驪山徒無遠略方漢困滎陽時布楚投則楚重漢投則漢重不與楚不與漢而自為計可鼎足而王不以此時自樹而區區逞一念於天下大定之後何功之能為且山東盡漢功臣封也人各為其土戰布雖善兵能以一身戰諸侯乎漢以數年之力僅而定之布一呼而能

張鳴文集卷十

二十一

盡得齊魯吳楚燕趙何言之易薛公特偶中耳侯景陷郢州蕭繹為三策料之曰賊若水步兩道直指江陵上策也據夏首積兵糧中策也悉力攻巴陵下策也景出下策而走夫景之走豈下策之由哉景一輕佻夫欺吳子弱而掩之耳乃繹方北連齊西得陳霸先而景涉上流攻之即一日至江陵食盡兵疲其何能久繹但固壘相持而遣王僧辨引巴陵兵出其後賊素怯水戰大艦臨之可立而盡吾何以知之巴陵一小城尚不能克江陵可知

張鳴文集卷十

二十二

吾是以為繹亦偶中也且繹故庸庸耳其料景明其為于謹料何闇于謹以大兵來繹既無備固當出上計席捲東歸次則退保子城以待援而坐守羅郭卒以下斃此非無謀少斷之效哉故溫公謂繹烏能料敵特史為之辭耳若司馬懿伐公孫淵石勒攻劉曜皆以三策料之懿謂淵棄城預走為上計據遼東拒大軍為中計坐守襄平成禽耳勒謂曜盛兵成臯為上計阻洛水為中計坐守洛陽成禽耳二子竟以下策亡淵之闇正與繹等曜亦景之儔匹雖然借如淵能預割繹亦東歸止可苟延一旦終亦無救于敗彼擁強攻此嬰弱守勢既不儷智出每下則足以亡國殺身而已若曜固一時之雄也適小而輕以就於斃倘其得策成敗未可知勒徒以孤注一擲偶得盧耳嘗蓋論之五子者料敵殊年而若出一轍五俘者並死下策而亦無異科然自曉機之士觀之兵之勝敗豈一戰之力哉布景躬負天下之大惡而肆梟獍之毒謀理應不久湘東遼東暗太王勾踐之智而逞螳螂之

臂不若則能避之殆不如是曜勒流螫中原犬羊  
相噬固其性然彼善於此何足評哉夫人以心盛  
智心忠清則智開心暗鄙則智塞苟無其心而能  
鏡微燭遠未之聞也乃執事所舉司馬仲達又豈  
其人乎仲達之於孔明人鬼也大義出師固已禡  
魄已不能支則嗔嗔於食事多寡之問以卓人死  
乃大言欺人曰亮勇者當出武功若出五丈原諸  
軍無事矣夫孔明節制之師也魏延數請用奇而  
不用知魏未可以僥倖取而蜀不可以僥倖試也

梁鳴文集

卷一

二二

方其出斜谷仲達引軍背水為壘以待主在死地  
而客顧率衆直進以冀僥倖此孔明所必不為仲  
達知其然誑為此言以妄表其怯而示吾之明解  
其不戰之慙豈真能料孔明乎昔曹公攻鄴素尚  
以兵往公曰尚從大道來且避之若循西山則成  
禽耳尚果循西山以敗盧循攻建業劉裕策之曰  
賊若新亭直上且當避之回泊蔡洲成禽耳循果  
泊蔡洲而走蓋循西山泊蔡洲銳氣已盡固將畏  
人然此不足為仲達譬二公之料有餘在已而仲

達之料有餘在彼事有異情而同辭不可槩論也  
李靖談兵之雄也稱孔明兵制曲折備至而不稱  
仲達見之審矣書生操柔毛為華言何足與商英  
雄之略哉故事有偶與之會而成其名薛公諸人  
是也亦有入其數而不害其為智孔明是也法曰  
知彼知己百戰不殆高祖戰項羽於成臯京索百  
敗而至於王彼其所以敗者乃其所以勝也不睹  
孔明之成而徒見其未成是以成臯京索之前論  
高祖也故必有敵如羽而後可以稱高祖之彼已  
梁鳴文集

卷十

二二

有敵如懿而後可以稱孔明之彼已自黥布以下  
徒足以膏英雄之蕭斧不稱彼已明於彼已之說  
而料敵審矣

問國家求才將登崇雋乂而標軌法也況將  
尤三軍之命社稷安危寄焉非其人可輕畀  
乎自古乃有使貪使詐之文遂令齷齪之士  
得以藉口而卒至扞罔抵禁身名俱廢意者  
非通論哉然觀古兵家則砥礪之行信有如  
膠舟不可用者泓之仁商於之信殺妻食子

之忠刻印之廉彼皆蹈矩守方而見齟齬其  
有稱於古今者或手握重兵而獨憂貧為子  
孫業或身係安危而不耻窮奢極慾之名豈  
無他計乃自黜耶或以將軍令制天子或以  
便宜計違璽書夫乘輿亦可少假也或約成  
斷金終令自賊或拒人入蜀而卒自取之此  
又害於信之大者或假神人言以威敵更掘  
吾冢或撓人成計遂令六國廢不王夫夷人  
之墓絕人之嗣此又不仁之甚者也而數子  
並炳然竹素義士莫非又何哉所貴人臣為  
其節行琅琅光於天地也蒙垢齷齪夫誰任  
之以忠取人猶懼其詐以廉勸人猶患其貪  
而曰貪詐可使誰不嗜利而縱於邪者諸子  
今挾藝來宜人人以太公方叔自命苟謂細  
行胡傷可乎請各言志以信先資之言萬曆丙子

江北  
武舉

愚聞之不操繩墨之行者難為臣不決拘攣之守  
者難為將故兵家之事常與太平之政殊科而將

率之任不可與官材之法恒論也雖然安可不務  
脩身哉詩曰不敢暴虎不敢馮河人知其一莫知  
其他人之求豪傑與豪傑之自求必有辨矣夫貪  
與廉仁背詐與忠信乖先王用兵以仁為本以忠  
信廉為輔絕貪去詐示民不怵師之正也世靡常  
而難生衆紛舉而事起於是乎釋道而任智離經  
而語變仁有所不柔信有所不懷忠有所不謹廉  
有所不辨故使貪使詐之說興使貪使詐者兵之  
陰符也民動而為機機動而得失爭故發之以陰  
會之以陽為之先唱而天下和之極反其常無進  
而爭無退而讓慮國如此與天地同光此之謂陰  
符得符者昌失符者亡運符者將也主符者王也  
唯有聖人之材者然後可將有聖人之智者然後  
可以將將民之初與物總總然其爪牙齒草不如  
獸之猛也其羽毛冠距不如鳥之迅也獨以其心  
無勝鳥獸之力而有勝鳥獸之巧然一人一心一  
心一智一人之智不能周身天下之變安可致詰  
惟聖人以其一心包千萬人之智而千萬人之身

皆委役於聖人故庸庶之見猶燭之在園也聖哲之照猶日之鑒地也是以聖人舉事必體於天違於俗務諧於至道而不囿於尋常故小仁大仁之賊也小信大信之害也小忠大忠之殘也小廉大廉之疾也大忠似違大廉似貪大信似詐大仁似忍牽於俗者不可語於化闇於機者不可偕於亂是以聖人舉事必微其權任材必竭其智泓之戰宋襄公不忍困荊於阨俟其既濟而後鼓卒創其身故小仁大仁之賊也荆懷王貪秦六百里地信

張儀約既寤而不知悔走死於秦故曰小信大信

之害也吳起殺妻求將而魯人疑樂羊伐中山食

其子而文侯忌骨肉且如此他人安得忠故小忠

大忠之殘也項羽臣有功當封刻印忍弗能予漢王以天下之城邑封功臣故曰小廉大廉之疾也始皇與群臣謀伐荆使王翦率兵十萬衆以往將行請美田宅為子孫業郭子儀扶唐社稷及解兵家居窮奢極慾以自快夫始皇之心翦知之矣空國家之衆以與人爭中道而變必覆秦軍子儀

關天下輕重身之不受如天下何故曰大廉似貪周亞夫受天子詔屯細柳而旋以將軍令格乘輿趙充國任先零之役必用屯田之策詔驛駁反不能奪夫大將在外不以天子遷厥心故曰大忠似違馮異綴朱鮪李軼兵於洛陽軼與異書約成斷金光武宣露於鮪令鮪自賊先主奔創之餘拒孫權入蜀之軍而取以自王將復漢社何能顧二子去信可也故曰大信無義即墨之圍田單詐燕人掘冢燔屍益堅齊人之心以破燕漢王欲立六國

後留侯借箸卒廢不王夫立六國是為楚樹黨漢

樹敵也天下洶洶何時當定故曰大仁無恩夫神

龍之遭暎也撼迅電水下土不擇居宇不避丘郭

暴衝汎濫而人不病知其能澤物也虎入伏深菁出攫群畜田父錯而祀焉知其能去害也是以上智之慮必雜於利害之鄉雜於利而務可信也雜於害而患可解也彼數子者執機以應時之卒而未始與道離觀化以徼理之衷而未始以迹滯於聖人為大權於道家為陰符於兵法為合變不惟

術士街為口實雖儒生去吏執繩墨以隨之而莫敢誰何正也嗟夫兵者刃也將者掣刃者也致用艱而賊物易聖人慎之持其器不輕假人隱其謀不泄於衆士外貌不與中情相應者十五而聖人知之非一術用之非一數販繒屠狗之夫人奴假子之賤苟任吾事不擇其人使貪使詐胡為不可然亦姑不棄耳異乎不取之辭非使貪使詐有以可使而不以貪詐累也曷若有可以使而又無不可使之累也古豪傑所以處身與其所以處人者

東鳴才集卷一

二八

異發慮乎朝廷而標幟乎疆圉篤修乎幽闇而鑒燭乎神明忍以貪與詐自點哉即如卑翦燁威於屯造張馮鑠號於乾始趙周以彊義立名葛郭以忠誠効事皆氣薄秋旻行卑泰嶽嬰孺婦寺並登其衷擯士逐臣盡安其措使數子者少涉於奸微點於貨則人將卑之為智囊詆之為錢虜又烏能上祖太公中與方叔召虎爭烈乎今天下安瀾荒外無事堵處燕遊之士皆以為五兵可銷六師可農徂詐塞途而仁義之道闕也而執事顧為采奇

達變之論生雖武夫不足談此安敢不引質先達砥行立名上報天子而下無憂執事之清舉哉

喙鳴文集卷十一目錄

表

擬宋承天節百官上壽是日皇子加冠禮司

天奏日輝珥廷臣賀表

擬宋王曾詮錄古先聖賢六十事繪圖以獻

上降詔褒美命禁署月進二十軸仍鏤版

印賜近臣謝表

擬宋以田錫為左拾遺謝表

擬疏

擬貢禹節儉疏

議

春和賑貸議

採荒議

練兵議

閩廣善後事宜議

新建文成侯謚議

喙鳴文集卷十一

四明 沈一貫肩吾 著

表

擬宋承天節百官上壽是日皇子加冠禮司

天奏日輝珥廷臣賀表

祥符八年萬曆戊戌會試作

祥符八年十二月二日恭遇承天聖節臣某等敬

率百官祝 萬萬歲壽即日伏覲 皇子榮加冠

禮司天奏言太陽輝珥狀玄貺景合謹用表賀者

天保南山合殿統長生之祝日昇少海重霄垂繼

照之符偉茲元儲敬始之儀誕協皇覽揆初之候

謨烈光騰于善慶天人喜溢于貞休臣等誠歡誠

忭稽首頓首上言伏以華祝敝詞富壽將多男並

禱箕疇演筭康強與逢吉同占故歌既醉蘄萬年

頤昭融于胤嗣而答鳧鷖稱百福期申引于將來

惟明聖丕受天地山川之釐惟元良永綏宗廟社

稷之祐周烏流赤乃眷武之善成漢日再中蓋彰

文之蚤建將壽民而壽國宜克長而克君厥隆著

代之初尤謹加冠之始十五而棄幼志再三以申



嘉辭吉月令辰敬致阼階之醺緇冠爵弁肅修祖廟之禋光祿贊儀魏著臨軒之節司徒將事唐增御帳之文未有仰感劬勞俯殷佑啟就繞電流虹之日為貽謀燕翼之圖慰祖宗付託之初心開嗣祚續承之永烈山稱萬歲日覩又新義易考祥契黃離之元吉漢詩咏美卑皓月之重輪如今日者也茲蓋伏遇○○○○觀妙自然游真大素葆靈根而善固群心傾就日之明茂寶葉以彌昌率土恃戴天之輦下漢武之武竟羽族以懷音尚周文

咏鳴文集

卷十一

二

之文窮義鄉而頽首乃者時當誕聖節屆承天齊七政于玉衡正紀二陽之候錄千秋于金鏡咸歡萬國之心效嶽貢而秩儀質河清而作頌雲樓氣敞綵仗風和雪藕冰桃甫霈天家之宴瑤山銀榜還開長子之宮快觀承華洵優繼體鍾祥甲觀宮中諧赤帝之祈稟秀堯門臺上應玉釵之卜繫天下之心已久當成人之始于茲爰奉綸恩敬修冠典天意默形于同物皇儀並展於一朝赤羽青紉光分日月玉旒皮弁象納山河備敬名諭志之容

撰貴體明嫌之禮醺以太公望召公奭周公旦式表彌導教之為人臣為人子為人君亶期大競都士咸忻其曠視昊穹亦厚以明歆宗人方用醴以饗登馮相遽察璣而薦祉翔鳥拂羽光流若木之英飛馭扶輪暈合垂虹之氣赤燦內朗初煜燁以掄輝黃理外通修回環而抱珥分明兩作少陽璧合于太陽彷彿重華舜日蟬聯于堯日不先不後綜事應其甚明自古自今炳乾坤而獨曜此實受天百福以著增輝之象謂宜作宋一經而佐萬壽

咏鳴文集

卷十一

三

曆

擬宋王曾詮錄古先聖賢六十事繪圖以獻  
上降詔褒美命禁署月進二十軸仍鑄版  
印賜近臣謝表

天聖元年  
萬曆癸酉

代應天作

天聖元年某月某日具官臣王曾恭遇 皇上冲

年御寓竊效愚忠詮錄古先聖賢事蹟凡六十事

繪圖以獻伏蒙 聖明嘉納降詔褒美命禁署月

進二十軸仍鏤板摹印遍賜近臣臣曾誠歡誠忭

稽首頓首稱謝者 聖謨未墜依繪事以陳愚

帝德方新降綸音而示獎玉檢分程於禁禦琅函

侈錫於臣隣善沛江河光增日月祈而且謝頌敢

忘規竊惟聖賢為道法之宗學惟古獲人主建皇

彝之極識以前資瞻茲圖畫之興蓋與簡書並遠

鳴文集

卷十一

四

史皇作而盡物象軒后受以紀人倫臺宮櫺九主

之儀明著保衡之訓周廟絢四墉之狀於昭篤棗

之猷蓋書難盡意盡言故章施是設而事以不尊

不信則聖哲為徵獻忠比於韋絃懋德資其斧藻

托契攸在振古如斯若乃宋弘座障之規義存好

德班伯畫屏之諫志在繩愆環摹無逸於內庭文

績尚書於太液斯雖洵美尚乏無資臣初誦讀之

時竊有聖賢之志矢奉賡歌之末非堯舜不敢敷

陳苟惟溫飽之謀捷市朝可勝愧耻何期齒錄遂

見身親茲蓋伏遇○○○○禹湯勤儉克舜寬仁

茂稟英姿備天地中和之至光膺寶籙續祖宗功

德之隆穆穆而宜君宜王克邁率由之訓明明而

有典有則丕承貽厥之思雖始乾元建始之初已

稱令德守文之主然匪進則退者學可無夙夜之

勤而難得易失者時宜及春秋之富臣職叨三事

忠罔寸禪涉文字以來之書粗能成誦憶聖賢所

有之事謂必可師是以采其較明審厥象肖君如

虞夏商周之盛臣若臯夔伊傅之良周公思而四

鳴文集

卷十一

五

事無孔子作而六藝備先聖後聖比肩毫素之間

大賢次賢接武蟬蛸之上璀璨乎黼黻絺繡之文

具在依稀乎几席盤盂之戒如存玉質金相儼當

年之有覲尸居淵默同在日之無為目擊而不容

聲卷開而大有益條為六十若玄黃之體分德罔

二三蓋純白之道備人可今而遊古物雖假而助

真纂輯忻成函封敬上絲綸字貴俄驚榮袞之褒

擅履功勤更喜虛襟之納申命清嚴之署月分進

御之程虞拜陶歌不數從寬問一漢稱賈語無論

使俊陳三且欲流之薦紳特令壽於文梓金雕玉  
鏤烟開七曜之圖寶韞牙披爛發五神之檢賜出  
尚方之副榮增冊府之光臣敢不揚厲洪庥奉承  
德意蠹難測海雖無益於萬分馬有識途尚續陳  
其一得下洒腐儒之耻上酬真主之知顧臣意不  
在丹青願無移於山水且臣圖異于物色願無委  
于壘埃垂茲蒙養之初益勵乾行之健士希賢賢  
希聖聖賢伍而同歸人法地地法天天地參而建  
極庶幾責難陳善之意會見登三閔五之成

歐陽文忠公

卷十一

六

擬宋以田錫為左拾遺謝表

太平興國六年隆慶戊辰應制科作

龍作納言聖主廣四門之益虎拜稽首愚臣叨兩  
省之榮線補衮以無能負且乘而甚忝捫心惕息  
陳力競凌臣誠惶誠恐稽首頓首上言竊惟自古  
頤治之君必啟求言之路五帝聖神莫及豈乏臣  
隣三代直道而行尤多獻替訪合官聽衢室謂匹  
夫匹婦之能勝憂擊磬獄搖輶何一饋一沐之不  
暇迨師氏保氏之官分設而藝諫諍諫之語尤多  
不曰爾卿士其交儆予則云子大夫尚明告我若

歐陽文忠公

卷十一

二

諫議之名起于漢肇有專員至拾遺之職備于唐  
沿為定制梧埤閭靜檢封事於晴牕花掖嚴深披  
襟悰于曉陛雖藟莠必採有慙隆古之風而石錯  
相攻尚得先民之意顧須骨鯁乃克舉官矧是頤  
鱗誰能批逆所以朝陽之鳳收響而抱葉之蟬遞  
聞臣竊心傷是誠國蠹使夫人皆泄泄而保祿則  
誰復有惓惓而效忠碎首何難願有裨于元首剖  
心非痛期無負於腹心在聖明選衆之公貴有皋  
陶之舉何淺薄寡聞之士濫叨東郭之吹許身雖  
比于雙金補闕終慙于一字茲蓋伏遇○○○○  
緝熙駁命參配鴻儀虎步龍行兆太平于閔緯虹  
舒電鑠粵沛澤於神區既翊聖以開基迺紹天而  
闡澤蕩神威于八極醇福應於萬年百寮微驩鯨  
之奸尚興思于屈軼庶族悉辛陽之舉猶采體于  
微封是厯詔墨之慈猥有章縫之冒蓋將責持橐  
簪筆之效庶幾為位宁倚几之資成命難回隆施  
曷報敢不勉修白記仰贊黃圖素祿為羞况侈箋  
籐之給緇衣既忝猶勤庭燎之求杜甫以其身比

于夔龍回何人也魏徵愧其君不如堯舜丘亦耻之伏願側席異聞開顏譚論憂民訛而興刺毋懷予聖之心敕天命以作歌務攬爾賢之益庶魑魅莫逃乎禹鼎而陶漁不隔于虞門錯居以赴八音之離庶吉交賜夫采采執契而正三衡之序九功益峻于巍巍

擬疏

擬貢禹節儉疏館課

臣禹跼伏草野行能無狀遭逢聖明召對闕下令嘵鳴文集卷十一

臣效其愚忠陛下幸不加誅貴用其言詔太僕減食穀馬水衡減食肉獸省宜春下苑以惠貧民黜角觝諸戲及齊三服官遷臣光祿大夫言效計從道用身尊蓋陛下詢于芻蕘以增虞帝之華四海頌謳比聖茅茨身愈減損道愈顯此臣逢時效忠之秋也臣實內感輒復有言臣聞昔之君子即安其居節醜其衣服車不雕幾器不刻鏤食不貳味以與民同利上作而下從之驩然同欲帖然相守故等威有辨而民不亂也臣聞樂用天下而不

足湯用七十里而有餘天子尊嚴有所徵作敢不輸供則刀鋸臨之故用日益侈而過日益多群下不敢匡天子不得聞又至尊工作必有需副用一費百虛于委藏奸人乾沒乘間而作宮中之百錢民間之百緡也可不慎與上者下所望也奢者民所欲也以所望之人開所欲之路若決江河而東之潰不待日矣故令衆庶無禮讓之節乏儉素之守爭趨文巧僭踰為高鬻財破產以悅衆視掩虛見實以僥稱貸資未至之財為當年之歡寧耐饑渴以驚綺縠寧餒父母以食賓客及至流離殞尾尚飾虛裝以欺閭里抵于敗露然後强者竄為盜賊弱者轉於溝壑流亡邑有丁口巷絕皆縣驕奢不職之過也本朝稱窮黷虛耗以孝武皇帝為言然臣聞孝文皇帝時乘輿賜竭取給大農大農錢盡續以少府經費不常紊亂無制蓋已然矣庶民賣僮者繡衣絲履內之閭中穀紬黼黻以被墻屋庶人帝服倡優后飾蓋賈誼先朝已為太息使及見今悲宜何已此臣日夜腐心欲採之而力不建

嘵鳴文集卷十一

九

者也陛下幸察臣言不難貶損以先四海然非大改觀聽也今關東流民歲死亡者數萬而有司不聞賑恤關內之衆彌多失業少府陂澤乃為貴戚冒懇徒以益驕志滋過敗耳曷若捐之以業貧民厚根本乎百官者天子之手足耳目也今園池鴈鷺厭餘梁粟而公車索米于長安綵繒絲幣布滿離宮殿風過之激為游蓬而士曾不得為蔽膝大吏俸薄何以教庶小吏俸薄何以勸勤曾不若舞文大猾素封齊民擊歌鐘擁子女雄居名都比于

梁鳴文集

卷一一

十

王者為愉快也古者錦衣珠玉成器不鬻于市衣服飲食不鬻於市所以禁不儉也作淫聲異服奇技奇器以疑衆者殺所以一衆心也車騎宮室旗幟章服婚嫁死生之具自王公以至庶人遞有衰等非以厭縱貴人之耳目而為卑賤減惜所以貞百度而別群流也自漢興以來叔孫通不能佐高皇帝定制立極襲亡國之俗令男女亡限貴賤亡數迤及孝文賈誼言之而不能用建元以來孝武用之而非其道富者恣所好美貧者身不得自立

民之趨富侈如流水而避貧儉若烈火至乃弄法干紀刺章偽書椎埋攻剽劫人作奸掘冢鑄幣走死地如鷺吏禁之不哀亂源由上非可移咎傳曰為國以禮禮所以辨上下定民志與其奢也寧儉願陛下以儉示天下悉罷無名之征除無益之費宮殿苑囿不御者盡詔勿治嬖幸請求各以義裁與群臣通經有道術者講求先王之制創制定法辨章服立等威務合禮本以定漢家之極使天下曉然尊者不為亢卑者不為屈隆不加多殺不加少遣諫大夫博士巡行天下教禮儉討奇衰壹道德同風俗如此則奢僭不生而上下有制皇極之統復太平之業建矣

議

春和賑貸議 閻試

伏奉詔旨方春氣和令臣等議所以賑貸百姓者臣惟賑窮之章裁在月令省耕之典列於軻書王者布德施惠損上益下視民之饑猶己之饑况萬物迎春勾萌尾萼而使閭閻有啼號之痛同類蒙

輾轉之戚仁人隱惻誠所未安 聖念及此寔應  
古道即虞帝好生之德周王如傷之視豈復過茲  
詔下之日載道歡呼未賜而飽未飫而溫和德所  
蒸遐邇延慕欣欣乎若百卉之向榮矣臣敢不  
將順 聖慈謹議其方臣惟 陛下臨御以來恭  
已愛民宜四海從風而嚮治不費而家給然杼軸  
尚空蓋歲尤鮮下民跂小康之望道路興賴尾之  
嗟蓋奉宣德意者不得其人而吏道壞也臣愚以  
為宜明敕所司誠心體國部下之省省下之府府

張鳴文集

卷十一

十二

下之縣縣聚民於其鄉就而訊問老者稚者貧弱  
不能自存者鰥寡孤獨廢疾不任職業者幾何人  
孝悌力田者幾何家而賜之有差毋令主計吏乾  
沒其間及有求于當受粟者之家使吾民名為受  
上之賜而止其實也毋聚民于郡縣久而不予反  
貼阨之及令民或受粟者百里而遙遠荷重趼之  
勞僦車賃馬之費視所受過當皆非陛下所以鞠  
憐赤子意也今有司狼貪豹搏于睢罔上餒馬衷  
欲而色暴亢者既膏吾民而不省其下者嬰姍選

悞姍姍忍慮威令不行小吏為奸過雖有間同歸  
無良雖 聖恩煦育並生萬方而詔書每下廢閣  
不行豈所以承流宣化而為民師帥之道哉諸犯  
此者許風紀諸臣勅奏以聞則奸宜少衰而惠澤  
流矣又郡有穰凶地有肥磽儲有贏乏而民有有  
餘不足宜令隣壤得以相鑲通其有無務在周洽  
毋以財匱為解陛下至仁歲歲存問黎甿無有已  
時自茲以往所司益宜簡櫛庶貪量入為出勸農  
桑時賦歛省敲朴罷營建集流民禁末作厚儲蓄  
敦儉素專務以德化民使所在有如京之積大賚  
四海無憂財竭以佐陛下龐仁駿澤于無窮有不  
如令者坐如律勿貸如此則主恩不格于上民隱  
不阻於下和氣塞乎宇縣春溫遍乎窮鄙矣

### 救荒議

頃西北所在告饑當寧憂之特諭發太倉銀三十  
九萬遣使分賑諸司日夜講所以濟之之策而使  
者又以不給請矣夫賑恤之詔第可以明 聖主  
軫念元元之意係屬人心使無他耳遠不揀近而

况施予有限豈能為溝中之瘠重輕哉不若勸民相養之為利博也勸民相養則貴輕重之術焉天之道損有餘而補不足醫非能起死人也不過視人五臟中有餘不足之虞而為之導迎以相補助則病可起而死可活救荒者亦當視天下積蓄有餘之處去其閼礙而使之流通則民可活乃西北之人不能度日而東南米價之平自若此非有閼礙不通之虞乎天下一家也飯則俱飯粥則俱粥始可以相拯今東南有棄飯而西北無糜粥咎當

喙鳴文集

卷十一

十四

誰執市人何知惟利是趨一聞米貴便謂後當大貴益競閉匿以索高價民亦譎相告以待匱不敢捐其一粒故價之長可立而待既聞某所有販商至米益多則又競出以售而價之賤亦可立而待此市情也夫以秦晉齊魯燕魏趙梁大都會之間其右家世族豪商大賈何可勝數視其度豈無數年之積而坐視人死不救豈惟不拯更增其驚相告之狀則市情為之也非無遠識之由則射厚利故也顧此非威令之所禁口舌之所移當有輕重

之術蜀不轉東南之餘補西北之不足乎轉之莫如通商夫商之赴利甚於赴飢何待於通而不通者有說秦之人既更相閉匿以待高價矣梁之人亦復如秦人更相閉匿以待高價則梁之粟何以入秦梁之人既閉糴矣即足以自給而不轉販於吳楚吳楚之粟何以入梁吏於土者又各私其民多其游徼而不肯聽粟出境故貴者自貴賤者自賤貴之處狼戾而賤之處捐瘠則過糴之為害也過糴人情也無足怪也凡民貧者多而富者寡有

喙鳴文集

卷十一

十五

司之情視貧民重而富民輕貧民苦米價之踴必請過糴有司曲徇貧民之請亦必過糴見牛未見羊則忍於羊而不忍於牛見已之民而不見人之民則忍于人之民而不忍于已之民故曰無足怪也顧非天地父母之心公平正大之體平天下者當使天下之粟無甚貴甚賤之處天下之民無甚有餘不足之虞而後謂之平霸者尚有過糴之禁王天下者而可任人過糴乎哉誠厲其禁朝廷下咫尺之書朝夕至矣而愚以為無益何也掛詔于



壁此有舊習而遏糴之禁上下方自以為便誰敢異言然則朝廷遣一重臣出數十萬母錢行平準之政可乎而恐當事者不肯任即任之方且講條議令非頃刻能辦同歸於無益有策於此甚簡而易為請試效之夫決擁通滯肅人心勅紀法無如御史而笕天下利權驅役商人惟意所為無如釐使者誠詔大司徒破拘攣之格發米引數百千紙分散諸釐使令招所部商人惟其所往與所販數飛輓而前厲其禁禁所在有司不許抽分留難以

喉鳴文集

卷十一

一六

困吾商即民間私相販易者權惟商之所為有阻格者以柱後惠文從事商人射利而又有使者為之倚重塞之南冀之北何所不往愈遠愈災之所其利愈厚其往愈多日夜驅而至矣商既若此則本地積粟亦當出商未至而市價減矣此不費國家一錢不勞國家一人而濟甚博之術也四民之中惟商為末先王不禁而誘之使出於塗今日之事不可以無商商爭往則吾之民免於溝壑商利愈多民之利愈不少至於商利少之日吾之民大

無事矣或謂釐商本以濟邊不可他用之於彼則妨于此此拘曲之見也救內地孰與救邊急或又謂西北連災雖大家無厚畜此不通於市情之論也今天偶一雨一雪米價便減豈謂一雨一雪便能生黍稷乎民心寬而穀出也可盡謂之無畜乎或以為東南亦見告未必有餘脫他日病將誰任咎此尤覺言矣善平天下不平之價者莫如商粟出則錢入錢出則粟入商通必不使一方獨困且濟燃眉耳無為不然之憂或又以為北方苦轉

喉鳴文集

卷十一

一七

輸率十鍾致一鍾粟雖至如貴何民苦無粟耳不苦價高假如平時以五十錢鬻一升米可飯一人倍之以百錢易一升米猶可粥二人與平價何異凶年之害不過賤鬻產以求錢耳亡產雖貧不至於死焉可與亡粟並論且並河南北舟楫所通牽輓之費計當不多河南北之粟賤山陝亦有望矣故曰今日之事招商其至計哉在朝廷不過數百赫蹏之費也其次莫如開納入官入監或贖罪以濟常平之乏雖妨於制然賢於他策遠矣

練兵議館課

夫練兵非難制兵為難古者天子用六軍征伐天下今京營之兵十餘萬竭財畢議虛殫歲月而莫可用以為無將耶選南北大小帥時出入其間樹功建奇者非乏也而猶然不練非失練乃失制也異日者羽檄交馳亦嘗扼腕悔其失而稍解嚴輒蘇蘊亡桑土之思何哉蓋有二故一曰京營士積驕法之則構閹掖挾世家聚愾誦譟以傲命吏而莫之誰何彼無舍矢之技尚以尺籍為剽奪虛嚇

明倫彙編

卷十一

十八

人何况有投石超距之能桀夫逋主何所不至此當事者若以士之服習為輦轂患而不敢練也一曰國家以數萬人寄之一夫指揮號令惟其耳目縱士非素練已有震主之憂而况其練乎夫用於人而使人有疑我之志者身危則又何苦強無事之卒以為禍媒苟且旦夕恃寇不來愈耳坐此二故兵無練期矣夫養猶畜狗待鼠盜也以猫狗之不制而繫縶之削弱之以為虛名不如亡有我國家制兵近於漢漢京師有南北軍南軍衛尉主之

明倫彙編

卷十一

一乙

掌宮城門內兵北軍中尉主之掌都城門內兵至武帝南軍增期門羽林而北軍增八校尉秩與執金吾皆二千石不屬中尉以此言之漢以南北軍相制又增八校分北軍之權又增羽林期門均入校之權豈非以國之利器不宜總寄于一夫與誅呂之役太尉入北軍而不得南軍猶莫發不謂有所制故與明興高皇帝以神武定天下殲彘既陳而建留守等四十八衛以衛京城視漢北軍也設錦衣等十二衛以衛宮禁視漢南軍也留守等衛隸之五府而錦衣等衛為親軍不隸焉又八校相制之意也夫五府者高皇帝善藏利器之道也有事則合符動衆鉤連而出所謂數起於五事已則兵歸于府將歸于朝萬一有意外一軍而四軍足以相制故兵聚而不見其形將練而不疑其危形格勢禁居重馭輕控制宇內之術在是矣文皇之作燕都也仍立五府而增七十二衛如高皇時亦復有錦衣等衛親軍又復有河南山東中都大寧四都司班軍北征之役合此三軍為三

大營以犂虜廷不幸有榆木川之事未及從容旋  
師放牛歸馬以貽典則於是衛軍不得歸五帥府  
親軍不得歸錦衣等衛班軍不得歸四都司而盡  
屬之三大營久屯不散掌握于一夫之手正統已  
已于少保通變其事程良比銳而團之為十營天  
順成化之間再罷再置復增為十二營嘉靖庚戌  
又改營為戎政府稱名異而為實同無能奪大帥  
獨制之權第罷監軍大璫清私役包錢之弊為差  
得耳當是時帥鸞橫甚目中無天子而天幸病

味鳴文集

卷十一

十一

以殛死不然禍可測乎自是以來典戎者容容自  
保不見其危雖不見其危而實無一卒可用則愚  
前所謂二故者為之祟焉患馬之蹄嚙而損芻抑  
豆絡首繫足以為安非其初千金買之之意曷不  
善為之制使無蹄嚙之患亦有驅馳之利乎故愚  
謂非失練乃失制也誠兼體 祖宗之意而善制  
之即不還衛兵于五府還親軍于錦衣還班軍于  
四都司亦當因三營之故而三之以離其權去尾  
大不掉之患令臂指相使於是戎臣無震主之威

味鳴文集

卷十一

十一

流言不興得盡其才節制必嚴簡練必時便一戎  
兵無偏聚之患勢均力敵不敢誦肅便二卒將相  
習則各私其下各戴其上苦樂必同法令必行便  
三三營並立則聲息相軋殿最相形各勤其官爭  
實其力便四五人為伍十人為隊大將握奇積而  
數之千軍在目私役可革兵伍可實治眾如寡分  
數畫一以一教十以十教百不出旬月可得勝兵  
數萬廣徵異材或取邊郡之良受吾練法或散已  
練之眾分教各郡居重馭輕天下之勢常在京畿  
便五其大利者北極擁常尊之勢衛尉握相軋之  
權鈎陳麗明蕭牆絕繫臣主之間洞無疑貳宮城  
固於內京城固於外重閣複闕而九重益深此非  
當今之一大籌畫乎此之不行而彼之久居因循  
歲月不拔禍本倉卒有變悔當奈何且驅白徒而  
使之戰必無幸也無素令而責有功必不能也故  
將雖有鞭挾貫耳之法不敢用也有賈勇奮難之  
忠不能用也而巡視諸臣方望苛禮持籌大臣徒  
憂轉輸曾是而可以幾兵強哉故愚曰練兵非難

而制兵為難制定則十萬之師可旬月練武子斬三隊長而婦人可使赴水火胡庸久也

閩廣善後事宜議 關試

伏見閩廣捷書督帥協謀元亮授首海波旋靖皇維載寧 聖心嘉悅渙布恩綸大者進爵任子小者優賞金帛將班師內向告成事矣臣聞之善作不如善成善始不如善終竊效杞人之憂用裨苞桑之計臣維閩廣之變所由起者無藉之民嘯聚山谷連衡海寇互為聲援彼海寇萍鳧而來則亦

曝鳴文集

卷十一

二十二

指為內應故離之輒倚角我師合之乃益張逆焰令長鯨就殪宜滅此朝食以絕禍本而或者以為玉石不可並焚則先之以震疊之威而後假之以春溫之煦斯惠不褻而民不玩可以永攝反仄之心一也閩廣之地並海千里首尾衡決不可相掇今以陛下威靈廟堂石畫勅兩廣福贛督撫將校協力剿誅既已效矣然大軍不可久聚職守不可不明無亦講先時之典參以當今之議舉兩廣仍轄梧州開府析潮惠仍轄贛州開府而福建自為

一開府職掌嚴明體統有定無事則各控境內有事則相連而出永著為令于事為便蓋兩廣事宜大略相軋廣西徭僮勢不得以時即寧頃以朝命且舍而有事於海上終不可以海上遂忘諸徭僮之憂潮惠二郡去贛邇甚舊以相屬不為無意閩中故無開府數十年來乃以事起盡當早為講置二也雖然斯二者猶末也無亦本之是務乎蓋閩廣本百粵地外通諸番內接中國犀玉金貝煜熠耳目而居民互市往來以射厚利遂令兇頑相攜為盜若乃仕其土者又率弋取長物虐往實歸往者賄官選曹率以萬金一郡千金一邑取官若此安得不苛陵夷召亂其本坐此今欲禁海市以絕奸商之覬覦則利孔所在民以死赴而卒不可禁欲嚴保伍以譏居民之出入則小民相容為奸利吏不得問以臣計之其蠲租庸以輯流民乎通市舶以睦諸夷乎練兵實以威群醜乎而又責成于賢有司不可後也臣聞廣東之食僅能卒歲一有不虞輒仰食廣西今大軍之後飢饉必至流離之

曝鳴文集

卷十一

二十三

子豈任農作謂宜移粟轉餉以活元元復之數年  
無所徵取而後邑里可實也市舶之利國家行之  
二百年而敝于今日法令奪於豪右而官方邪也  
如其戢吏貪使監權者無所利其入抑豪右使登  
壘者無所肆其奸則海南諸夷可係而羈矣諸夷  
之強弗順者獨倭耳毒螫浙直幾二十年卒以大  
創去苟能輯柔吾民絕彼嚮導簡練吾卒使生鬪  
心彼敢加一矢乎是故善為之謀以制其鋒海上  
之兵未可議罷也斯三者其事總之督撫而分之

緊鳴文集

卷十一

二四

守令表廉黜頑又為之本矣夫志士厲節則貪泉  
易名廉吏有聲則浦珠再至斯亦嶺表之芳躅乎  
今陛下既檢飭百司請謁不行猶當厲貪墨之誅  
重勞來之賞令吏不厭清貧不寶珠玉祖烹鮮之  
遐訓鏡理絲之良猷治效宣灼則璽書慰藉增秩  
勿徙此至務也然為政有紀執紀有官今撫臣者  
非其官乎監司視之以淬竅其節黔黎視之以息  
耗其風奸究偵之以昌寢其惡國家倚之以休廩  
其治如得三良撫臣而患群有司之不良閭閻之

不定未之有也諺曰不防其類漸至無寸戎事雖  
畢類亦甚矣揀水火者不終日非宜悠悠焉爾也  
惟 陛下財擇

新建文成侯謚議 館課

故新建伯王公守仁崛起豪傑任道不疑許國以  
身屢夷大難東髮登朝輒疏逆瑾之惡遠謫龍場  
狼狽無人之地與鬼為伍絕生還望而無怨心閭  
閻就戮颺歷通顯功在西南瘴厲為清雖甚奇偉  
然猶人所能也惟是濠庶人稱戈犯順窺竊神器

緊鳴文集

卷十一

二五

逆旗救江虜燄熏天郡邑震動望風奔走而公造  
奉命南顧不以行旅為解獨投吉安約眾倡戰練  
兵豐城既曳敵尾收復南昌遂傾狡寇安慶之圍  
一解而鄱陽之甲遂奔彌天之惡敵於一水十年  
之謀破於七旬至其處群小之族折貂狐之謀守  
正不阿江右倚以為重卒使六飛迴馭萬家帖席  
斯近古之所難也蓋其學本師心知由天授獨破  
千古自信直前捐拘攣之曲見除泛濫之多岐屢  
濱顛沛流離九死而益堅雖當干戈羽檄倥偬而

不廢神定而氣完理明而幾決故能臨事不眩而  
建立若此按謚法道德博聞曰文安民立政曰成  
夫公之學何媿道德以約為博尤其所長戡亂安  
邦易危為安卓懋丕明厥功尤偉謚曰文成似所  
宜蒙昔張良以文成謚侯于漢劉基以文成謚侯  
于今皆以開國佐命叅謀帷幄然張良氣象雖似  
儒者而文學之彬似不逮基劉基運籌雖曰巧妙  
而百不一失視良亦讓公方二臣雖禽雞之功僅  
收于一戰而制勝之術非出於倖成至於倡明道  
學不恤人言自謂卓然于千載之下矣方之近代  
莫與為二稽古易名于情為稱謹議

喙鳴文集卷十二目錄

辨

格物辨

讀老槩辨

讀莊槩辨

始末

敘嘉靖間倭入東南事

連珠

仿連珠三十二首

喙鳴文集卷十二目錄

喙鳴文集卷十二

辨

格物辨

四明 沈一貫肩吾 著

格物之義古今多矣鄭康成曰格來也物猶事也  
程子曰物來知起意本於此象山曰格至也研窮  
考索以求其至朱子曰窮至事物之理意亦同此  
溫公曰扞格外物黃潤玉曰格正也義取格其非  
心則皆正心之說也黃泰泉佐曰說文格木長貌  
從木各聲取義於木聲以諧之今夫五行各一其  
性也水土金火羅華鎔合皆可為一惟木不然揆  
接輅同終則必異理欲同行而異情如桃李荆棘  
共陌連根始若相似而及至條長之時形色別矣  
荆棘必剪桃李必培培其根而達其枝木各滋息  
而長矣脩其本而達其末物各觸類而長矣余謂  
格之義說文既云爾故後世有資格條格品格體  
格之言取義於各也格物者物各有理而求其理  
以為知也格物之傳非亡也通大學一書皆格物



之說而物有本末事有終始知所先後則近道矣  
以至於其本亂而未治者否矣其所厚者薄而其  
所薄者厚未之有也尤甚明白既曰物又曰事明  
事之為物也既曰本末又曰終始曰先後曰厚薄  
明物物皆有定格也奚必明德新民為物知止能  
得為事本始為宜先末終為宜後物物有格知其  
格即格物孰緩孰急自有次第從此庶幾故曰近  
道必衆物之表裏精粗無不到而後為格物庸能  
待乎雖堯舜之知而不徧物急先務而已考於詩

學鳴文集

卷十二

二

書實於師友隨事精察而力行之無廢日損功之  
憂而有深造以道之資深於此步步得力淺於此  
亦有所持循嚮往而不差權然後知輕重度然後  
知長短八條目中終其身不可一日廢者皆此也  
子路升堂多所未知子貢穎悟纔能知二窮至工  
夫不可卒了知之為知之不知為不知多聞闕疑  
不害其為格物經文本完奚容補綴為也曰近世  
之談何如曰彼所云致知者致良知也故於格物  
從而為之辭夫致良知誠正事也以此解經失經

文次第故無取焉曰子謂奚必本始之宜先末終  
之宜後不亦失經文次第罔後學耶曰此義不深  
遠非罔後學亂經文之序百工技藝愚夫愚婦易  
曉也緩則治其本急則治其標醫工常法救火之  
家豈暇先言其大人而後往哉愚夫愚婦之所曉  
也

### 讀老槩辨

沈子曰尊老者過諛薄老者盛貶夫老子具在得  
失惡相掩哉以聖賢之心讀之則老其長者之言

學鳴文集

卷十二

三

迎之以詐利之心斯屠割之嚙矢矣余節先正之  
論取其合者載之以與覽者商焉

太史公曰世之學老子者則詘儒學儒學亦詘老  
子道不同不相為謀豈謂是邪老子所貴道虛無  
因應變化於無為故著書辭稱微妙難識莊子散  
道德放論要亦歸之自然申子卑卑施之於名實  
韓子引繩墨切事情明是非其極慘礪少恩皆原  
於道德之意而老子深遠矣夫儒之與老子異也  
豈一日哉老子自為太多為人太少詳於語上而

踈於語下荀子曰老子有見於誦無見於伸蘇子曰孔子之為人也周故示人以器而晦其道使達者有見而未達者不眩也老子之自為也深故示人以道而略其器使達者易入而不恤其未達也釋氏體道愈遠而立於世之表指天下之所不見以示人而不憂其不悟其說又老氏之眇也此可以觀異同之略矣若例之於申韓蘇張渙然甚殊而為申韓蘇張者常自附於其說為老子累犬抵學各有故流各有波猶一陽之必至於剝一陰之必至於夬其勢則然無足怪者道至執中極矣而猶有小人之中庸如子莫鄉愿者流也况其他乎據其末而罪其始使為芻靈者與為俑者均罪而同棄之甚矣太史公謂三子原於道德之意而老子深遠是未嘗以申韓為老子罪也罪老子以申韓則傳者過也如莊子亦原於道德未有權詐也而謂與申韓伍可乎程子謂申韓與老子甚懸絕蘇秦張儀取道更遠斯確論矣文中子曰清談盛而晉室衰非老莊之罪也阮逸曰老莊存太古之

味鳴文集

卷十二

四

教非適時之典晉賢蕩焉故亂余謂文中特恕老莊亦余之意也夫

程子曰老氏雜權詐秦愚黔首其術盖有所自又曰老子語道德而雜權詐本末舛矣予奪翕張有此理也而老子與之翕之意乃在乎取之張之權詐之術也老子之意其果然邪程子亦衛道嚴而憂世切懼學者之流於邪甚言以防之耳老子固雜列禦寇記谷神不死是謂玄牝玄牝之門是謂天地根縣縣若存用之不勤則謂黃帝之書任

味鳴文集

卷十二

五

章告魏桓子曰將欲敗之必姑輔之將欲取之必姑與之則謂周書然則五千言直老氏語邪金人銘稱溫恭慎德使人慕之執雌守下人莫踰之人皆趨彼我獨守此人皆惑之我獨不徙周祝稱文之以美而以身剝自謂智也者故不足角之美殺其牛榮華之言後有子皆老氏旨也然則老子非自為一家言取古法言累之以成書耳書當出孔子前而在芟落數中盖孔子六藝斷自唐虞雖皇帝之書固有存而不論者矣如論語記以德報怨

之言而折衷之其徵也或謂老子衰世之書也亦信易之興也猶在中古夏惠之餘老子歷世久而更事多是故其意危其語反其發慎而自處厚顧未為大中之道

朱子曰老子謙冲儉嗇不肯役精神須自家占得十分穩便方肯做一毫不便便不肯做又曰老子只要柔伏其氣不與人爭纔有一毫計較思慮之心氣便羸了故曰致虛極守靜篤又曰專氣致柔如嬰兒乎又曰知其雄守其雌為天下谿知其白

守其黑

為天下谷

夫極難畫本老子笑嘻嘻

地雖未必肖亦是其氣象又曰老子雖云我無為而民自化然不化亦不問又曰如漢文帝曹參是用老子之效但只用得老子皮膚老子之學最忍他閑時極虛無卑弱及緊要處發出來教人支吾不住如張子房是也又曰如所謂代大匠斲者必傷手謂惡人不必自治自有人治之只是占便宜不肯犯手做又曰反者道之動弱者道之用老子說話都於反處做起余謂朱子篤論矣然吾道有

曰小不忍則亂大謀曰必有忍其乃有濟有容德乃大曰人道惡盈而好謙謙尊而光卑而不可踰曰君子藏器於身待時而動曰安其身而後動曰鄉鄰有闢者被髮纓冠而往救之惑也雖閉戶可也曰若虞機張往省括於度則釋曰戰戰兢兢如臨深淵如履薄冰曰君不密則失臣臣不密則失身幾事不密則害成曰以約失之者鮮矣曰犯而不校曰君子無所爭曰為天吏則可以殺人如此類者原該有老子意尚猷詢諸黃髮則固所懲不可邀也若嘗為占奸取便竊弄閭閻機弄之術則聖人之權用廢矣且夫危者保其存者也亂者有其治者也正言似反吾亦有之矣

程子曰老子言虛能生氣非也陰陽之開闢相因無有先也無有後也愚按老子意謂萬物從無而有程子意謂萬物從有而有從無而有以氣聚散言昭然易知世人皆主是說從有而有而未始出於無此理亦昭然何則天地未始有始未始有始則未始有無物之時化化相乘生生不已豈有無

化而化、無生而生者乎。皆二氣之雜揉而衍疏之、以為億萬也。故言氣從虛生可也。言氣未始從虛生亦可也。老定言從虛中生、儒定言非虛中生、皆似偏著。

朱子曰：無者無物，却有此理，有此理則有矣。老氏乃云物生於有，有生於無，和理也，無便錯了。吳臨川曰：老云萬物生於有，有生於無，物指動植之類，言有指陰陽之氣，言無指道體。言余謂氣乃實物，理則虛名，虛名不能生實物，吾疑老子之所謂無，喙鳴文集卷十一

者，非指理言，乃指氣之未形於物者言。所謂幾微易簡者，何以知之。自其首章知之。首章曰：道可道，非常道。名可名，非常名。無名天地之始，有名萬物之母。兩者同出而異名，同謂之玄。老子無有無而名道，無名亦玄也，有名亦玄也，豈但以無為道哉。或曰：子謂理不能生氣，何以曰道生一，一生二，二生三，三生萬物。是明言氣從理生也。曰：立言甚難，讀者當得其心。不然則泥理氣殊然，舍氣無以見理，故謂氣生即理生亦可。氣有聚散，理則萬古

常在。故謂氣從理生亦可。以周子太極圖明之：無極而太極，太極動而生陽，動極復靜，靜而生陰，靜極復動，然後兩儀立。五氣布，四時行，萬物生。夫無極而太極者，非理乎。陰陽動靜，非氣乎。理安得有動靜，理安得生陰生陽。今曰理靜而生陰，理動而生陽，周子樂於舛得其意，則知理寓於氣，氣之動靜，即太極之動靜也。而太極之說了了矣。且致虛極，守靜篤，忽然模着一物，如易所謂含章有隕自天者，精誠之至也。此老氏之宗旨也。然則老與周同乎。曰：不同。老之意歸于無極，多周之意歸於太極，多一語而輕重懸殊。

韓子曰：老子之小仁義，非小之也，其所見者小也。彼以煦煦為仁，孑孑為義，其小之也固宜。許魯齋曰：老子言道德仁義禮智，與吾儒全別。老氏謂道德仁義皆失，然後至於禮。禮為忠信之薄，而亂之首。又謂以智治國，國之賊，不以智治國，國之福。老子所見異，不必舉。楊子雲曰：老子之言道德，吾有取焉耳。及槌提仁義，絕滅禮樂，吾無取焉耳。夫

謂仁義禮樂非矣而焉有道德之是哉余謂老子之所謂道德者渾淪含蓄之稱即吾所謂大仁大義大禮大樂也其所謂仁義禮樂者乃吾所謂小仁小義小禮小樂也小仁妨仁小義傷義小禮害禮小樂壞樂理本如此老莊之意惡人之析道德以為仁義禮樂而欲融仁義禮樂以為道德故激之為槌提絕滅之論得其意可也

程子曰謂天地不仁以萬物為芻狗可也謂聖人不仁以百姓為芻狗非也聖人豈有不仁所患者

聖鳴文集

卷十二

不仁也天地何意於仁鼓舞萬物而不與聖人同憂也余謂老子以煦煦言仁謂聖人不煦煦耳若以吾之所謂仁而譏老子老子何辭雖然程子謂天地何意于仁而儒者又言天地之大德曰生夫天地豈有不仁乎余嘗為之論曰天地之常心普萬物而無心聖人之常情順萬事而無情程子此論確論也心惟無普普則必於仁情惟無順順則必于仁有不仁則有不普不順者矣必普必順此所謂天地聖人之大德也以其無心無情則老子

謂之芻狗亦可以其必普必順故老子有橐籥之說焉毋但斷芻狗之章而坐老子罪

程子曰君子使先知覺後知使先覺覺後覺而老子曰非以明民將以愚之亦自賊其性歟余謂孔子謂民可使由之不可使知之神而明之存乎其默而成之不言而信存乎德行儻老子之意亦如此苟如秦之愚黔則失矣

吳秘曰家語記孔子問禮於老聃故曾子問記孔子問諸老聃藏群廟之主取群廟之主以從迎四

聖鳴文集

卷十二

廟之主出入必蹕之類老聃云又稱老聃曰諸侯朝天子見日而行逮日而舍奠大夫使見日而行逮日而舍之類皆曰吾聞諸老聃云此誠學禮之效也觀此則老子深於禮者也與虛無二篇絕不相侔故昔人疑為兩老子朱子曰他曾為柱下史曉得禮之曲折只是說這事不用得亦可用禮時反苦多事余謂老子之薄禮正與孔子不從後進意同但老子說得太直截

何燕泉曰張子房學老子多陰謀凡事不肯自為

而邵子特稱老子得易之體留侯得易之用詩篇之所詠贊者尤至大抵子房學老子而康節如子房若見用時機權術數有所不免邵其未醇乎康節所樂朱子譏其有自私意明道有要之不可以治天下國家之說或問康節與楊氏為我何異朱子笑而不言噫日月星辰高照耀皇帝王霸大鋪舒何等入豪猶可議如此甚矣入學之門不可以不正也余謂孔門之學貴乎精義入神無精義入神之功而先以醇疵難判之語溷其胸中則終身

喉鳴文集

卷之二

一

慎諸

讀莊緊辨

沈子曰古稱不朽之言立立難言哉而莊子猶不朽以至於今也然語立於聖人之門未也子謂可與共學未可與適道可以適道未可與立若莊子可與適道乎否哉不知莊子之得失者鮮不蝕孔氏余之解莊也曰極其說而後知吾之是也程子

謂佛之言近理而害甚學者當比之於淫聲美色以余觀於此其近理而害甚也愈於佛何也佛之起教在出世故其言非無與吾合者而窮竟旨歸則出世焉止故曰易辨莊則不然亦以內聖自許而放於逍遙之場亦以外王自許而終不可施之實用引而置之門牆謂其語天而遺人可也麾而擯之夷裔謂其罪浮桀紂可也毫芒之際最難辨哉今舉其大端論之一曰凡莊之所謂道德仁義云者與吾異吾之所謂仁義即道德也彼以為道降而為德德降而為仁仁降而為義則淵源於老子氏韓子曰彼以煦煦為仁子子為義是也豈孔子沒而小儒之談仁義者失其宗彼乘而喙之與有如學者知仁義之為道德也行仁義而不為煦煦子子與天地合而四時同也則無惡乎彼之摘毀矣通仁義之說則禮樂之說亦猶是一曰凡莊之所謂性者與吾異吾之所謂性者善也天縱之而為善人賦此善於心而為性故至平至直萬世不可易之理出焉若心則統體百骸之名雖精雖神

而落於形氣故有人心道心之稱言心可以該性言性不可以該心言心易言性難矣如莊子之言性也皆心爾寧獨莊子凡二氏之言性也皆心爾凡闢吾門而未入吾室者其言性皆心爾莊子之蔽蓋原於此一曰凡莊之語道體必曰無窮老子曰無釋曰空莊亦言無言空而實以無窮為宗無窮者如環無端之義不但無與空而已也子思曰天地有所憾聖人有所不知是亦無窮之義顧其旨歸之為魚活潑與夫婦人倫之間詩言無聲無

喙鳴文集

卷一二

十四

臭易言無方無體然其旨必歸之有物有則堯無名舜無為禹無事孔子無可無不可然聖人人倫之至猶規矩方圓之至非曰昏昏默默窈窈冥冥不可知不可聞不可詰而已莊則得其無而不得其有故跡其浩然自放也雖天地之廣大何以過焉若夫森然秩然如化工之於萬物枝葉萼繖膚毛腠脉周折曲備則甚甚少是以吾不敢謂其盡非而烏可謂之悉是也揆病所源則吾前所謂不識性識性則知廣大之中有精微高明之外無中

喙鳴文集

卷一二

十五

庸何必厭遺事物以求其所謂清虛曠達者而後謂之得道哉斯義也宋君子辨之而近世羅公困知記尤悉子曰君子之於天下也無適也無莫也義之與比不曰義之與比而空持無適莫之論雖謂三教無二可矣故莊子外枵然大而內踈理者也至於考典據經尤與巡途而諷者相似大非所長莊子特與辨者惠子流相爭雄欲張其軍則益又掎擊三王非薄孔氏以恣其所欲言原其著作本意豈謂後人必傳之到今哉所以傳者則末學苦於膠纏而喜放曠以苟適亦孔氏不振之繇也莊子之論死生比佛較穩而與吾不異猶當以意逆之庶幾無失程子曰不可以既返之氣復為方伸之氣斯至言也非通性與天道者孰能知之余不能一一定莊之是而總論之於此使讀者知其大辨庶無溺焉而能擷其英華云爾

始末

敘嘉靖間倭入東南事

初華人豔諸畜貨私與市嘉靖十七八年閩人金



子老為番舶主而巢于寧波之雙嶼港後閩人李  
光頭歛人許棟繼起負金錢莫償者多則推豪貴  
囑于官逐之番大恨出沒島嶼東南之難自此起  
二十七年朱紱撫浙江無轄興福漳泉令都指揮  
盧鏜擣其巢俘斬數百至閩浯嶼發木石築雙嶼  
港誅與賊通者於是豪貴譁紱而言官乘之即訊  
紱發憤死當是時海上寇番耳倭來少歛人王直  
為許棟司出納漸行僨於倭引其人来而廣東陳  
思盼方橫于海直掩殺之由是海賊非受直節制

喙鳴文集

卷十二

一六

者不得行而直以殺思盼為功叩關獻捷求通市  
弗許乃引倭闖定海關巢於烈港並海郡邑交讐  
三十一年始開府提督軍務兼制浙福時巡撫王  
忬而叅將則盧鏜俞大猷湯克寬所在皆鈍戈朽  
甲無一兵獨恃三叅將兵少莫能制三十二年閏  
三月大猷破烈港直走馬蹟潭四月直分掠昌國  
海鹽乍浦南匯嘉定陷吳淞所同知任環守備解  
明道復之寇杭州克寬敗之于鰲子門又破其馬  
蹟巢直走屯於日本薩摩州遣其黨行劫不自來

喙鳴文集

卷一二

十七

忬經略頗有緒而移大同去李天寵代時又有福  
清人林碧川鄧文俊沈南山帥倭掠瑞安黃巖霏  
霽文俊為克寬所斬有蕭顯善戰多謀為蘓松禍  
首四月圍太倉陷上海與碧川南山合巢于柘林  
破南匯八月據南沙其別踪出海者都指揮劉恩  
沉之於普陀洋三十三年復有鄭宗興何八徐銓  
方武等分掠閩粵勢雖張尚未破城邑為都御史  
鮑象賢定西侯蔣傳所得浙直間則蘇松常杭嘉  
湖寧紹台溫無非賊而柘林最劇鏜戰孟宗堰大  
猷戰金山衛天寵合諸將兵戰烏程之窯墩皆不  
利別將李逢時率山東兵戰新涇小勝隨大敗已  
而碧川南山見戮于把總任錦而顯亦殲于慈谿  
則徐海陳東葉麻為柘林魁三十四年總督張經  
徵兵於保靖宣慰彭蓋臣永順宣慰彭翼南未集  
而廣西瓦氏狼兵至其帥十四人俱死之工部侍  
郎趙文華奉 上命祠海文華素緣柄臣貴幸經  
自以位其上不肯下文華怒屢督之出師不答遂  
劾經養寇糜財無何永保兵至以輕進見挫賊益

倡一西北入太湖犯常州一西南犯杭州掠北閩  
川得金帛益多將入海經遣諸將水陸擊之敗之  
於石塘灣再敗于王江涇斬首千九百八十而

上已入文華疏詔逮經及克寬給事中李用敬等  
言經方有功 上曰經因文華劾始一戰耳不可  
赦杖黜用敬等而以周琬代經已復削琬與天寵  
籍而以楊宜代琬宗憲代天寵經天寵竟棄市倭  
來益多大掠江北焚漕艘文華盛集兵于陶宅與  
戰敗遂還朝賊別部自日照登者掠贛榆自象山

喉鳴文集

卷一

一八

登者掠高埠皆不滿百官兵不能禦而高埠賊流  
劫杭嚴徽寧太平至南都焚安定門行數千里殘  
戮無算殺一御史一縣丞二指揮二把總入二縣  
為應天巡撫曹邦輔僉事董邦政促于許墅乃殲  
諸將戰後梅戰清風嶺頗有功而倭從閩廣登者  
又大至浙直間三十五年楊宜罷宗憲代而阮鶚  
代宗憲四月破慈谿縣時柘林賊推陳東而徐海  
之再來也擁萬人直逼乍浦登岬焚舟為死戰計  
東遣所部助之督府所徵四川湖廣山東河南兵

俱不可用罷去而賊舍乍浦趨皂林佐擊將軍宗  
禮率所部河朔兵九百人戰于崇德三里橋三遇  
皆克斬首三百明日未炊而戰禮與其裨將霍貫  
道皆死之此兩人驍將而死物情大震海與東遂  
共圍鶚于桐鄉桐鄉令金燕疆幹吏也禦之萬方  
宗憲聞敗自崇德還保杭州而文華復出視師先  
是宗憲與王直同鄉謀所以招之者出其母妻于  
金華獄居之杭州供帳甚厚郵有諸生蔣洲陳可  
顏自效說倭王使禁諸夷毋內犯宗憲遣之去至  
五島見直直言倭方亂往無益洲等因說直直遣  
其養子毛海峰更姓名曰王澈者同可顏來宗憲  
因令澈使使過海謬言直已款關朝廷赦之矣以  
招海海頗然之於是約罷桐鄉圍而多邀珎奇得  
內附比于直宗憲許之遂解去東見海去亦解去  
而鶚始出鶚圍久怨宗憲文華言其所以乃如初  
鶚自知其不能而東渡錢塘擊他賊時又有上海  
賊萬餘掠嘉善將出洋宗憲使人啗海言彼賊金  
帛多汝何不擊取而掠其舸出洋去海然之逆之

喉鳴文集

卷一

一九

于朱涇斬馘多然不及募其舟而賊出洋者為大  
猷遮之盡宗憲又聞海麾下獨書記葉麻不可制  
而近與海爭一女子有郅諷令縛以獻又令海縛  
麻黨百餘人以獻數賜其兩侍女而令說海縛東  
東薩摩君弟所歡也未可得於是出葉麻於獄令  
作書貽東使殺海而故匿其書不貽東而貽海以  
激怒之海益德宗憲以為親已夜縛東以獻葉陳  
既相繼縛而諸倭始洶洶欲殺海宗憲遣人謂海  
曰我固寬若奈趙尚書何汝曷不詒倭歸至海上

東鳴文集

卷十二

二

令趙尚書得千餘級奏功而因自結以求款海不  
得已諾之乃詒出倭數百以為文華功於是海益  
自負款成期以八月二日而猶恐見劫先一日卒  
擁酋數百陣于平湖城外而自帥百酋鼓弩入求  
見四公者於是監督文華總督宗憲提督鶚巡按  
趙孔昭咸會于一堂受之海次第稽首稱死罪又  
再稽首于宗憲宗憲摩其頂慰勞再三厚犒之去  
時倭雖略盡海部尚五百人猛鷲則令自擇便地  
居之海請離乍浦而營于沈家庄許之又令海以

西庄居東黨而自居東庄頃之永保兵集乃令東  
為書遺其黨言海且約官兵剿汝於是東黨起攻  
海海窘自沉于河官兵因火攻之兩庄千餘酋無  
脫者而麻與東皆誅明年誅王直直居薩摩洲之  
松浦自稱徽王掠中國財帛萬計朝廷募之萬金  
可願既以王激及其黨葉宗滿王汝賢來而洲用  
直之聲傳至豐後島島主留洲稍諭諸島居二歲  
與其僧德陽四十人稱貢直亦許至而宗憲亦遣  
激歸報直許以市至是直來泊岑港御史王本固

東鳴文集

卷十二

三

言不宜招直異議闕然朝廷令宗憲擒直宗憲秘  
不發而馳至寧波布諸將戚繼光張四維伏要害  
處獨令盧鏜當直鏜故與直知故以此安之宗憲  
又數召激等與飲直尚未信曰果不欺歸我激宗  
憲立遣之又邀一貴官為質乃遣指揮夏正及朱  
尚禮等往直乃與宗滿汝賢來頓首軍門自陳與  
洲戮力有功宗憲慰籍之甚至而居之臬園俟命  
時三十六年十一月也疏聞朝廷以為不可赦梟  
於定海關汝賢宗滿皆戍邊妻子給功臣家為奴

宗憲本無意殺直請曲貸其死戍海上繫番夷心  
經營自贖而本固爭之強人且謂其受鉅萬金故  
不敢堅直死激支解夏正等而率餘衆據岑港征  
之踰年乃遜去不復來

連珠

彷彿連珠三十二首

夫河海濁而溪澗清清者怡而濁者駭風雷奇而  
雲烟澹澹者適而奇者驚彼各呈其一妙亦何怪  
夫多情必生揣量之心誰可不可適拘廣大之性  
家鳴文集卷十三

卷十三

十三

可名非名故天不因頌而報龍壁海不為賦而贈  
蠅英

夫不矜伐小節也而禹以是稱則地平天成乃其  
餘無伐施細行也而淵以為頌則屢空心齋未為  
高功忘功則建烈德忘德則詣超伯陽恬于被褐  
故能懷玉卞和急于售璞是以永號

夫傳唐虞之實錄者不采共鯀之口立鄒魯之篤  
論者詎據索倉之舌瀾翻終棄于塗汙滔天竟歸  
于滄熱可震鷙一時之朕師難掩虧萬古之日月

夫燕薈之讓其諛臣必曰德邁欽明道熙重華也  
齊入而灰燼齊澤之逃其自謂猶曰衛宜避宮鄒  
當納籥也淖來而筋擢雷火盈實於斯須聲熱遽  
收於冥冥故朱絲奏于房中星焚達于旦旭

夫世無巢許遂令隱士多充古有蕭曹因使里胥  
飾假庸知坐不亂蹇默難作啞欲付而借隱為摸  
腐裏生奇方儒而以吏為師水中發火不敢詆之  
曰非寧堪信之為可誰能辨斯請侯無我

夫東施因西施發名至今嘔其篤醜東陵與西山  
家鳴文集卷一二

卷一二

一二

作對達士以為玄同同耶異耶可乎不可不同見  
在可否安從惟大人能宏覽而無競在造化常因  
物以就工

夫鬼蜮詆化工為鬼蜮化工本自大奇小人嗤君  
子為小人君子原有神助君子能知小人情形而  
不與之爭執化工能制鬼蜮死命而姑與之寬路  
夫多難方殷妄發更深其難幽病未瘥雜醫趣斃  
其痼禍福聽其自至天人其奈我何無係無繫寂  
爾游于寥廓不慙不作浩然惟有放歌

夫唾天不着翻令已漫饋人不受理用持還故責  
多于人間為減削其先獲見容于長者乃黷誤其  
後年肅人欣欣以為得智士閔閔而興憐

夫驕子不孝愎臣不忠力士殀末頑夫凶終小智  
不過苞苴竿牘而賢豪反詘大器則如規矩準繩  
而聖賢所宗

夫縻然而善計者天第無如其卑緩睥然而多譏  
者人卒莫遂其險膚鬼能雄於倏忽天不限於斯  
須嬰穀弩於市中薄命乃遭其死履駭機於隘道  
嘯鳴文集卷一二

禡靈故受其愚世皆云山鬼最難降伏我必曰天  
公甚不胡塗

夫太空平運而舒故莫逃於恢網太陽內轉而縮  
故嘗蔽於覆盆亥步夸趨趨健難窮其域發寃女  
憤號呼必達其閭是以珠玉來而無蹊桃李蹊而  
不言跡著而不可剗舌吐而不可捫吳天古稱曰  
旦皎日詎云竟昏

夫能自忍者能忍人故二忍同旨能作亂者能已  
亂故二亂一聲聖人刪詩而存淫思作易而知盜

情轉移在於夢覺變化分於醉醒故李勣無賴殺  
人攀龍而圖麟閣戴淵聚徒作劫投劍而起干城  
夫殊令人喜蠅令人怒鵲令人悅鴉令人惡依倚  
之形同來違順之情異赴故不易鳴者雖數徙而  
見逐無變性者縱善容而失路

夫羊蒙虎皮見草而悅見豺而戰蝮蛇好物負焉  
又仆仆焉又取石崇知奴輩利財而尚云云李斯  
憂稅駕無所而猶爾爾

夫唐堯積七十餘載之勤始成揖遜周武席三分  
嘯鳴文集卷十二

有二之勢乃克征誅何燕噲希登於翰音宋偃詭  
濟于小狐讓若何常禹何心於傳錄征惟難繼文  
終守其賜茲

夫海巨故不風而波山深故不霜而寒國大故不  
事而踴人衆故不語而謹毋寢四達之車而求莞  
簞之安毋坐千金之肆而覬川林之觀

夫往括不易希厚福乃競居今人企前輩自名為  
相如舉紹夔龍之駿聲莫罷逢干之永譽固知忠  
臣之違弼不如良臣之吁咈胥種之狼籍不如閑

散之安舒嗟直道之罕合即千載猶舍諸豈知時  
有違順智無密疎願忠則良靡不逮願良則忠必  
無餘

夫坐此山之麓面諸培塿亦謂之高陟此山之巔  
指諸嶽岑猶謂之小盡所處之為異非平觀之獨  
曉齊我於萬物我始得而瑕瑜返萬物觀我物方  
恬其繳繞故妻孥賓客之譽我豈曰至公間巷兒  
童之評人亦何足道

夫皎日出而衆星戢其光英辟臨而良臣韜其穎  
梁鳴文集 卷十二 二十七

雖幼冲之虛懷諒威福之在秉故周公元聖通宵  
凝惕若之精潞國老臣終日忌少休之頃况久御  
之括皇殊出日之初昞是以高共蒙晉陽之賞博  
陸蹈輶車之肯

夫海水雖多莫沃漏卮之渴鄧林洵茂未融窮北  
之寒故神龍潛鱗于深淵耻結蜺蜺之好靈鶴伏  
翮于玄圃羞迎燕雀之歡

夫馬善知途齊士因而徵路象能憶地元人藉以  
表難物無微而不靈氣有感而能開識圍者謂陽

燧方諸為偽飾生偏者詎不灰火浣為浪裁  
夫無為始得有為無智方稱有智如永流于塵而  
不染于塵如蓮發于淤而不沾于淤以馬喻馬安  
知物論之齊惟蟲能蟲可合天人之異在謀何心  
於羊得意

夫湛明開霽是凝萬象之和易簡恬愉必享終年  
之樂患每生於無端事應乖於太着諸愁並入惟  
須兀爾如愚萬痛交攢且以頑然罔覺無心而出  
偶托迹於雲烟挾夢而飛終化情於寥廓

梁鳴文集 卷十二

二十七

夫民訛則岡陵可卑予聖則雌雄莫辨父母生我  
而先後之安逃天地高厚而跼蹐之奚竄然朝有  
變色之言則原野流血水有蛟龍之鬪而魚蝦漂  
岸方憂人未起于溝潢忍以身擠之于塗炭寧令  
躬殃毋滋世患

夫通國奕手勝在着前擅場盡師意非筆後故以  
人治人貴審伐柯之則司殺者殺無輕代斲之咎  
夫性猶水也決之東則東決之西則西學猶染也  
染之黑則黑染之黃則黃四寸之間莫留七尺之

軀安減合衆妙處一事方無餘憾以厚道理薄俗  
纔得小康

夫進亦憂退亦憂忠臣固多憂思得亦患失亦患  
鄙夫不少患情豈必長歡之合道須觀自我之何  
生萬履不重一跡千棋定鮮雙枰

夫萱草女兒花昔殷壯士憂端陽大夫忌今作女  
兒節感天道之變遷傷人情之回沈是以芳草淒  
游子之魂杜鵑啼老夫之血

夫碩果自高豈逃寒于園窟貞松獨凜不乞煬于  
畎畝又集卷一二

卷一二

二八

鬼燐兩比未稱離立一孤乃曰無隣先天後天生  
甕之天孰識有命無命飛絲之命誰論故澤茵塵  
鱗一朝一夕之生死大椿冥樹三千八千之秋春  
夫仁者傷功名之太多憂道德之不足智士燭網  
羅之層密苦解逃之不勇奉官守何能小曲而和  
同游秦皇則宜大方而無總故闇黯汗濁處下谷  
而不辭損益盈虛就急流而彌涌

夫天下模楷惟大體偉鴻漸之羽儀四方樞機在  
中書正斗魁之繩尺是烈火鍛金之地非剪綵爲

花之席將航絕影焉取濟于芥舟欲興膚寸難假  
靈于泥蜴故每稱不敢庶終夙夜匪懈之譽如曰  
能之必抵春秋無將之辟

吟鳴文集卷十二終

卷十二

二九



喙鳴文集卷十三目錄

冊文

擬 孝懿皇后謚冊文

致語

慶成宴致語

策問

會試策問三道

雜問十四道

贊

喙鳴文集 卷十三目錄

觀音贊

黃后川公贊

陳文端公贊

章一陽公暨兩孺人像贊

葉侍郎父養利守像贊

屠少司馬及子田井小像贊

句章公贊

寫真自贊八首

憶婦

長孺七弟贊

伊尹耕于有莘贊

馴象贊

銘

壽卮銘

應制硯銘六首

雜銘七首

箴

財箴

喙鳴文集 卷十三目錄

事箴

筮箴

寢箴

歸寧箴

治病箴

間居箴

綏神箴

言箴

言

戲竹言

戲作責鏡言

喙鳴文集卷十三

四明 沈一貫肩吾 著

冊文

擬上 孝懿皇后謚冊文

伏以紫庭儷正徽稱夙貴于中闈律谷生暄穹典  
載升于太室節繁聲于瓊宇鏤遐軌以瑤函恭惟  
皇妣孝懿皇太后德厚方祗章含圓照名閨吉產  
祥流寶婺之輝婉德秘儀彩備瑤繩之爛應 聖  
祖鳳占之兆配 先皇龍德之潛內則孔脩式稱  
喙鳴文集卷十三

展祿之服婦功敬執彰施黼黻之文思覃魚貫之  
均慶洽螽斯之盛授神媒之弓矢開奕世之箕裘  
地其處乎萬物仰天生之助風之始也二南弘聖  
化之基夫何蕙問不留蘭儀遽掩 先帝感來遲  
之痛峻烈榮升冲人抱生晚之嗟孝思靡及聞音  
容于旦夕增悽愴於春秋是率前章適稽內令儼  
光儀于金祀崇位號于瑤齋謹奉冊寶上尊謚曰  
某皇后於戲虞幄二嬪首懿娥皇之德周幃三母  
特標太姜之名尚妥宸儀備膺景制禕褊舊飾毋

天下于當年鍾鼓新宮配至尊于萬世

致語

慶成宴致語 館課

臣聞圓丘報祀皇穹兆集于三壇紫殿垂慈帝澤  
欣流于百辟昭三酒燕衍之惠邇一陽復始之和  
大慶溥宣群情盡洽恭惟 皇帝陛下應天受命  
括地登樞正顯位于域中化不言而自運昭大明  
于天下功寂若而已神既峻德以配天遂至仁而  
饗帝祇候迎長之日悉徵掌故之儀范元氣于無

家鳴文集 卷十三

垠儼清都于有象揚六鸞齊八駟冲融玉步之和  
奏九樂邸四圭煜燁金泥之潤儲德馨而上達錫  
羨福以紛來珠斗璇杓玉宇燦嘉猷之象祥風朗  
月神光呈閔饗之符畧緯交熙朗玄暉于紺宇零  
霏悉屏赫峻命于明庭乃昭大禮之成爰敞廣筵  
之賜造化為宰同加元氣之餐陰陽作庖並進太  
和之酌藻服垂帶卿雲麗于中天旨酒盈壘湛露  
均于下土金石寫山呼之曲魚龍騰海晏之歌徵  
招角招詎獨君臣之相悅擊石拊石尤欣鳥獸之

咸和臣等職在賤工身逢嘉會宜陳口號上懽宸  
顏玄丘昨夜擁祥烟紫極今朝敞御筵泰日曈矐  
迎綉縷需雲繚繞護花鶯氣蒸魏闕魚龍煖春入  
堯階草樹妍此日宸遊歡未極誰能不醉賦歸旋  
策問

會試策問三道

問書稱率乃祖攸行夫治者豈無三五而必祖之  
法謂體所自出而尊親加焉憲度著明易則也我  
高皇肇恢大明治功冠于千古誠聖子神孫所當

家鳴文集 卷十三

法而當是時制度亦屢更律令至五六易始或以  
草昧從權或以亂國用重然則躬親之有不盡仍  
而欲世世循用可歎自永樂洪熙以來故老相傳  
咸謂 宣廟以寬定之 憲廟以靜培之 孝廟  
尤以深仁厚澤至于今利賴此皆所謂善繼善述  
匪惟無改已也然歟否歟 皇上續基御曆或者  
仰窺以為法 肅皇 肅皇功德爛然享國長久  
諸所規厝出恒情表而災亦時有無損治安以今  
軌跡蓋亦近之意者淵微之中誠有所獨契歟夫

均祖也而獨法一祖孰與並法諸祖即法祖當有神理往來于精眇間不徒踵其形似也諸士邀觀而族談久矣其試陳焉

戊戌會試

問吐握下士古為美談而李文饒王介甫皆著論非之何也文饒猶言周公則可介甫直謂荀卿之妄豈其然乎顧其論雖爾而門雜是亦不能副其言矣長平不與招士而門有田任則未嘗無士平津下士而武帝發十策不能得一則未嘗有士張安世婁師德之倫姑無論乃若山濤羊祜王旦王

歐鳴文集

卷十三

四

曾之賢皆兢兢慎密而不欲有薦士名何也豈集思廣益以人事君不惟一二賓客之為視聽歟彼破散私門以為公朝法家之言雖過不有吾儒散小群成大群之說乎欲挽回世風戮力時艱宜莫先于此今主司將諸士入青霄豈忍使與槐柳同列亦宜預辨矣

戊戌會試

問今天子守在四夷靡兵革之事虜三世拜王爵古所未有然所部尚有順有逆有時順時逆詔令順則羈逆則絕一歲順則一歲羈一不順則絕廟

謨豈不宏遠哉諸將宜如何西陲數戰嘗懼其疲而蜀故無虜患今亦見告收番制虜又宜如何西南則緬甸嘗梗矣頃稍就平宜若為撫諸內地夷必使之長震警懷服無敢後何術而可安南昔人謂封之不如絕今復為黎自縛請命以都統使羈之果得策否南方之夷為獍為獍為蛋為蠻種類甚多又海外國無慮數十行偵于閩粵間得無有它虞否曩倭開東南久始殲之而比入朝鮮則或棄或戍或封或剿為議不齊上赫然致師而煩費

歐鳴文集

卷一三

五

久勞亦所不忍此尤策之所宜亟圖也王者之治詳中國略四夷顧不得置四夷不問茲欲總攬長策柔遠能通收效于千羽著圖于王會何脩而可以臻此

戊戌會試

### 雜問十四道

問古者國子舍於王宮教於師氏時會於大司樂萬民居於比閭教於塾師時屬於州序其教則五事五典其學則六德六行六禮六樂五射五御六書九數少而習焉長而安焉故教化行而風俗美

也後世小學既廢不講大學亦虛有名雖曰明經實則無用口先王而行乃出衆人下至有濟穿窬之私者風俗之壞極矣教職雖卑胡可易稱哉昔湖州教授以經義治事作人楚州教授以治心養氣作人學者稱盛今可取為式乎所以異古大小學之教而自為一法者何意抑兩先生固有足稱此非所以教乎今不敢遠望諸士如三代如兩先生可以挽世矣不宜妄自菲薄而已若自比抱關擊柝之吏而責門弟子不為衆人之行可得哉其

味鳴文集

卷十三

六

試言志勿隱

問古稱仕而優則學學而優則仕學而仕無論已仕而學無乃廢時失事乎或謂學在脩已不在誦讀然子路言何必讀書而夫子非之公明宣三年不讀而曾子非之則古之人亦誦讀已顧仕何暇而能無也觀夫日燭之喻青藍冰水之喻蓬麻芷蒲之喻百川丘陵之喻刀礪玉錯之喻玄室白日之喻古之急於學如此宜仕而不廢今之仕者一操簿書便與此業永隔豈非學以為人仕以為己

即彼猶可諉曰仕乃博士家則學亦仕仕亦學廢學無仕顧聞諸子仕而學之道

問古者國子教於師氏庶姓教於塾師皆非常廩之士也郡縣養士從何代始即古塾師之意否乎我國家令甲吏毋得仕於其鄉而近獨許教職仕於其鄉似非典制又令甲七十致仕而近者正貢或遲暮有入仕於致仕之年者恐曠官也禮謂鄉先生教於閭塾傳謂大夫七十致仕入學為餘子師則仕於鄉仕於老未為不可今與諸生商略其懷至公定經制毋苟便已而已

味鳴文集

卷十三

七

問閩之古蜀未有學學自文翁始至今蜀有文翁講堂閩未有學學自常袞始閩人春秋配享袞于學宮然文翁子弟張林等未有聞而同時司馬長卿不在教內顧以辭顯然則蜀學似不專起於文翁獨孤及稱閩中無儒學福州都督李成公至而俗易則閩學不專從袞起也豪傑之士代興忠信之質邑有而謂蜀閩無文學至二子始起吾所未信請試言之

問治天下惟慶賞刑威二者而已書稱惟辟作威惟辟作福刑賞人主之柄也柄在人主當惟其所欲為而古乃有不賞私勞不罰私怨之訓安所稱惟辟哉刑賞不私雖獨制可而古又有與衆共之與衆棄之之訓必衆然後為無私歟虞有五服五章五刑五用周有八則八柄而刑之屬至三千亦大煩矣聖人豈無意歟又有云賞僭懼及淫人罰濫懼及善人不幸而過寧僭無濫刑賞一也胡賞可過而罰不可過歟夫刑賞原於功罪功罪故未

蒙鳴文集

卷十三

八

易定也人固有一得一失瑕瑜不相掩者又有乍賢乍佞蒼黃不能辨者斷之獨既為私謀之衆未必公何道而稱定論古之所以寧僭無濫者豈亦以論之難定不得已而出于厚歟易曰君子以遏惡揚善順天休命刑賞矣中無以治人且非所以承天也具陳無略

問陸子靜少時問天窮際父笑而不答至廢寢食思之不得後悟而稱東西南北四海千萬世上下有聖人出此心此理同也竟不明言何窮際豈即

邵堯夫天地自相依附之說耶曆家渾天旋轉之說耶即依附旋轉已其外竟何窮際又雜家九野九州道家四人天三清大羅天釋家二十八天四洲華嚴藏世界天其誕殊甚亦不能言其窮際然則天之窮際善誕者無如之何也如曰積氣積氣之外何極曰積形積形之外何極吾思而不得其說諸生豈無子靜聊為言之不必繁稱博喻苟解吾惑一言不為略已

問學貴通方士取適用方諸生之業於膠序間也

蒙鳴文集

卷十三

九

不過治經史習文字高者談性命篤行誼居為家庭孝友之士出為人明師此亦布衣之特矣然事固多滯而理難獨用諸生知之乎國家網羅賢豪材之於庶僚庶寮之事宜恪守功令視故府之憲於經史為異習治書牒期會於文學性命之言為異便治衆泣民勸勦紛囁於行誼惇謹信美又非所宜用且學者嘗詆管劉而今治鹽筴嘗詬桑孔而今治財賦嘗譏申韓而今治刑名嘗羞衛霍而今治師旅舍前日之學為悖從前日之學為拘脩

身者競為高而不合於功謀功者務為便而不揆於道今昔之際從舍之權必有概於中矣其悉言之以觀有體有用之學

問班氏贊漢高之興有五陸贄表唐太宗之美有六曾鞏稱宋藝祖不可及有十邵雍稱宋治唐虞而下所未有者五呂大防稱宋家法遠過漢唐者八古今以為知言我朝立極置法皆超前古如宋濂敘贊大明日曆者六謝鐸稱度越歷代者五陸文量稱度越前代者六可悉數之歟豈舉一廢百不免蠹測筵撞之譏歟昔伊尹明言烈祖之成德以訓於王周公作無逸舉三宗以勸成王訪落一詩又以盡下情守家法為說則祖宗謨烈後之所當知也試陳說焉

問夏書稱賞延於世文王仕者世祿小雅裳裳者華刺幽王棄賢者之類絕功臣之世然則世祿古之道也周書數紂之罪則曰官人以世公羊氏亦云詩書春秋皆聖人之言而違戾若是將焉折衷哉有周之時王子公子策勲標名於當年者不可

歐陽文忠公集

卷十三

十一

勝數即後代若漢唐與宋貴相望於後先也迺今天潢麗億希登仕版公卿任子率不得與進士齊顯雖在制科且有與寒畯爭進之嫌是導何說哉揆之王者至公恐不宜有偏私也吾嘗觀杜牧上宣州書實痛之或者謂宋時宗學嘗寬收矣卒無見其異任子之典最厚而議者屢欲裁減此亦無用之驗也然歟否歟

問孟子稱不嗜殺人者一天下以不忍人之心行不忍人之政者保天下此語上下古今不爽毫髮

歐陽文忠公集

卷十三

十一

嘗思古之創業者自武王以來皆未及身致太平而必藉於繼體也惟我皇祖起淮甸十餘年而平天下又宅金陵三十年而定天下既以不嗜殺人一之又以不忍人保之顧人知聖人謨烈之盛而不知默運之謂何諸生豈能仰窺其萬一乎不然不嗜殺之心與不忍人之心苟以英傑自命者誰不然而獨稱大聖人作為也以不忍之心行不忍之政聖人心如鏡體與物對照中間不隔一塵今人被形骸窒礙又譏謫



面諛及法度體極窒礙不獨一塵如何對照聖人之為民如禹之治水念惟到海有委有曲意第東之而已鯀堙鴻水為曲徇人情故也高皇之心如鏡政如治水納交要譽惡聲都不能動建萬世之業不獨才大只為心真念念在閭閻之下武王以後未有如此之切者

問沛公素貪財好色一旦入關財物無所取婦女無所幸而為范增所疑幾殺其身項王素嗜啞叱咤一旦不殺沛公有君人大德而竟亡其天下然

文選

卷十三

十三

則德有所不可用仁有所不可行歟

問古之君子豈不愛君然曰量而後入信而後諫則疑於觀望曰將順其美匡救其惡則疑於依違曰納約自牖遇主于巷則疑於曲學事君有犯而無隱豈不毅然人臣之義哉而委曲如是豈不以堯舜待其君乎然孔子亦曰諫有五吾從諷焉諷必有道矣豈如今之人頌而後諫頌可矣而曲為之詞以扶其說啟人主遂非文過之端勸百戒一所得無分毫而所喪若丘山人臣之義必不宜爾

古之君有戒上書不得稱聖者縱不折檻牽裾引桀紂幽厲危亡之言而時時稱聖將謂詭可以行正諛可以成忠乎傷人主之德害人臣之義諸子行將事君謂吾言當否

問當世之務至多然邊急矣雖老於疆場者不得其要領何遽與諸生言顧國家大勢古今成事亦諸生所宜及也今皇帝聖武孰與肅皇帝天下物力蓄人才多孰與嘉靖時然肅皇帝南結粵北結胡不能夙夜寧而今南北大捷一日至抑

文選

卷十三

十三

何烈也夫老氏戒佳兵道家忌陰謀不戢則焚孫吳亦云然武帝之窮黠而或疑其數世之功宋事一失於岐溝再失於澶淵而終代以為悔則又何說也高皇帝為天下請命既逐胡矣復遣大將隨而蒐之文皇帝享成業亦三犁虜庭聖人之心計萬世耳觀祖訓垂慎毋好戰之文及伸戒好生而即日旋師可觀也今談者悔東勝之棄彼開關謝者非耶寃維揚之戮彼抑靈臺者非耶昔蘇氏兄弟好言兵晚不言兵今天下言兵與不言兵

孰便又謂自古介冑言戰儒者守和而今介冑言和儒者言戰何其異也請究言之毋略

問治必有萬世無敝之策非可持兩端也吾觀自古執簡者多不知當事之意虛傳失實寬仁而曰刻膚德化而曰嚴理楚獄甚曼而曰柔道世固有猛其實而寬其名者乎至如漢唐之二宣宋之神宗皆厲精核實而或稱文具或稱勞攘世固有詳其名而踈其實者乎魏鄭國謂行帝而帝行王而王何三代而下寡寡也大抵理民定國者各用其

咳鳴文集

卷一三

一四

質造與時會則定否則亂故網漏吞舟之魚亦治豈治在附民不必多為之法乎或者謂一代之興必有一代之規摹漢曰制度唐曰紀綱宋曰家法乃我朝之立國規摹安在談者稱大誥則既凜凜矣世可以凜凜治歟策士者大抵以意示士亦苟附意而已不盡所懷來今主司佇虛士宜吐實儻有賈生治安王吉建策匡衡審尚於此言已治國家者當以剛柔詳略參也二事不能兼所謂質與時會則定否則亂也聖人時剛而剛時

柔而柔時詳而詳時略而略不見其端漢高祖雖寬而秦法本嚴數世之後談者猶曰十失尚在文帝之仁猶有嚴名胡元之季廢弛極矣

聖祖以法繩天下而世以大定從民欲也大定之後稍從輕典且誠後世子孫毋苛如律而止此所謂能剛能柔也論者徒謂本朝立國以嚴失之矣至欲以為規摹而世守之尤失之矣張弛在御剛柔惟化此兩者胡可一日偏哉故治天下者惟問時宜不必問規模前人失之吾得之可也前人略之吾詳之可也前人有之吾略之亦可也要歸於適人心不古惟視上旨觀嚴則靡而嚴觀寬則靡而寬壞天下者盡若徒也若夫法度紀綱何可一日廢此不在寬嚴之數猶天之上地之下不在寒暑之數也

贊

觀音贊

以自在心發遍觀智施一無法除五怖畏度盡衆生無有度處法海無波慧日不曠非男非女寶蓮

咳鳴文集

卷十三

十五

花位是閨婆影非菩薩記有佛無佛世間常住但捨業果便登覺樹投種若大結果不細欲見觀音如是如是

黃后川公贊

神澄於水而氣溫於萬體不勝襟襟而名重於鼎彝當其懷明發吹埴簾佩弦愛鼎知雄守雌是謂人倫之白眉當其廐不粟園不葵象胥奏勸鳧邑宣慈是謂薦紳之紫芝壯歲辭榮終身樂施止脫巾而助餉抹大侵而設糜則金湯且藉以匡持吁

陳鳴文集

卷十三

十六

嗟蒸民其三代之遺乎

陳文端公像贊

絡彼坤維名山惟岷緒此臣紀名公惟陳醞道釀德服義揚仁譚堯舜以匡主指稷卨以許身雲龍一時風猷百世有岱丘華砥之嚴重有膏液曦光之和粹有虛淵遠谷之茹納有畫畛縈井之康濟隱靈機于密揆顯昌言于平世為霖幾何還岫太早至人不以極施為庸善射不以末勢為巧惟豐其儲廼饒其餘象公衮于嗣服襄皇輅于今茲夫

日月高而能卑山川縕而能施師之神日經于天猶心帝室宜帝薦命于奕世謂舍師其誰

章一陽公暨兩孺人像贊

於維章公志高嶽立善下水平輯族以德一衆匪刑人操朗鑑物罕遁情雖抱璞不售而世賞其連城矧燕翼是貽而亢宗者一經亦有孺人相公于成前離祉而後服荆曰厥胤之孔明吾以歸之先生雖謂先生歷千載而愈聲可也

葉侍郎父養利州守公像贊

陳鳴文集

卷十三

十七

粲粲雙瞳有星其輝英英冒而有虬其威經明行脩為後覺師何自咄嗟不翔于遠一乘江洲五斗彭澤詎真詎攝為哺為翼漂槩朱崖寧綏疆域詎非赤子不為衽席節廉孝忠鬼神所通社而稷汝匪民伊公有子矯然雲津翼龍吾知百年流響于彤彤

少司馬竹墟屠公暨子田叔贊

屠公我峨幹豐髯美襟靈朗邁神儀軒偉清唯恐知功而不恃有語皆寂有動悉止丹青者誰似知

公裏田叔過庭炳文蹈執仕林後集道心遐舉邈  
矣悠哉是父是子

族父句章公贊

世處構膏靡不儒不墨而獨掉鞅於無窮靡不立  
不宅而獨挫悅乎鼎鍾窘世而寬其一宮屈俗而  
信其一脰筆攝萬有墨濡八衝若芒霄之虹蕩空  
之龍且以方羊且以雍容蓋珥筆執簡以事玉皇  
者由布衣而益雄也

寫真自贊八首

寒鳴文集 卷十三

道則勇於敢不道則勇於不敢勇於不敢者小心  
勇於敢者大膽誰非吾人而昵妻子誰非吾身而  
或生死空無物而景附千真屹不動而間歲萬見  
不可得而親踈誰能為之議擬

名師魯國字依岱宗號障百川之下意回狂瀾而  
東學宗易象道在中庸闡然日章晝知夜通

穆生本懶而歲之不密故終愧于孫登翔脩鯢于  
碧霄奚萬夫之可習乃知子房赤松方朔歲星遠  
有天幸豈其固能吾安得遂吾之初恢遠游之騫

騰托諸縑素時卷舒之聊自恣其狂矜

此輪王乎此如來乎此楊虎乎此仲尼乎以為廟  
中之犧以為泥中之龜我不敢辭我不敢知不能  
無為亦不有為吾何求哉吾將任大化之所之亦  
計窮力竭于是乎詞

五十非夭爾踰六十或問之年必云宜及老而不  
死恩傷令名胡不遄歸是曰順寧顏氏之子三十  
有二爾今倍之六旬加四彼夭而德此壽而涼朝  
聞夕可猶庶其償

寒鳴文集 卷十三

十九

通達之中若存若亡且乘白雲邀千帝鄉白雲不  
愁爾復何憂毋以鶴列陣之蝸牛

感忠孝之傷生兮非余膺之所難死衽席與都市  
兮咸生順而死安

人倫有五幸全者四其一朋友非余之累束躬引  
避而不得去寧武本愚何能無智天道無全況余  
寡昧不慙高穹不羞厚地南方之強反揆其庶

憶婦

昔筮盍簪今嗟炊臼匪喪同衾實亡益友每對偏

妻輒思主母小星自明月華何有

長孺七弟像贊

痛予兄弟自相師友夙夜所祈於天無疲第授屯部已多建明尋丁內艱動合天經起補入郕力讓銓曹退就儀郎百度孔昭諫上嚴刑幾蹈斧鑕辭百侃侃絕大文字立儲諸草語多鴻碩一時名公並皆嘖嘖特辭卿寺又辭大叅并謝督學出鎮荆南楊酋煽亂蜀借楚兵衆咸色阻弟許先聲監軍傳檄酋即就撫當事首薦曰無文武予既拜

嶽鳴文集

卷十三

二十

麻遂乞終養甘旨十年為樂無量臺省交辟詔除閩漳紅番蓄謀內結橫瑞事且大裂牙身抗言廟堂譴之造福萬年向緣倭市欲經吾鄧百計拒焉弟同此心時應開府弟必不可平調天雄就義何果僅遷夜郎人嗔我樂惠綏凋弊猷弘盤錯萬里朝天疏還初服一瘡不起慟滿山郭唯弟生平人頗仰止此數大節或未盡耳更為闡幽清真畏知默默授人人聞者希憶章百上乃遂首丘伊誰贊之相知子由天之君子今之古人位不配德

豈紫弟心覩茲遺像灑泣千行聊題短贊付名山藏

伊尹耕于有莘贊

方夏日之正焦時商雨之未降辟駟車于人間靳一介于隴上即無強力忍詬之名無過郊鄙朴愚之狀如腐化于一物詎佐時之顯相嗟古今之耕疇何泯泯之可量

馴象贊

誰謂汝角胡然下指誰謂汝尾胡然前委匪尾伊

嶽鳴文集

卷十三

二十一

鼻匪角伊齒齒可壯威鼻無攝理偉此大物馴然可箠識地虛實復知拜跪眸子如豆眠避及通目大不運亦異乎彼葆肅皇家莫呵而止率舞蹌蹌百獸所視

銘

壽卮銘 壬午歲恭製上大人觴

曰時春熙壽域迎和光奉寵綸天貺渥多悅豫且康福履無涯子孫燕喜屢舞繁歌帝念稽古小臣拜嘉規模象犧榮君於家以寫栢漿斟酌流霞卷

韞鞠騰泳游恩波天地錫美日月凝華千祥鼎來  
萬齡有加

應制硯銘六首

文不生於文而生於質樸重端確至文乃出  
雖有美璞追琢斯章是石不鑿在山之陽既磨既  
礪為龍為光

於此摘文思其質於此揆政思其實法其清靜保  
元吉

雖與墨相比勿令垢且膩雖與筆相染勿令汙且  
喙鳴文集卷十三

黔

其質隆厚其用長久雖曰長久善保斯壽

誰謂勺水波濤翻瀾誰謂尺霧雷電輪盤字不苟  
造天下永安

雜銘七首

與其豐於入也寧儉於出儉出則纖豐入則婪  
遲明而開無後時一日後時凶神窺之

誰謂汝店嚙枚服襄誰謂汝閉材官蹶張乎陰吸

陽斯鎖鑰之藏

禮無隆殺無小大誰非賓者往遇必戒愼節不以  
貌無以色逢害

不勤冀天益汝寢三年

欲斬諸魔先馘魔王鑑貌辨色俾無內藏

睨而視亦睨而視匿而視亦匿而視天鑒孔明誰

能逃此

歲

財箴

小人之財生於力君子之財生於德財不易得所  
宜惜然臨取予不可以惜財之心為主惜財必畱

於施而豐於取惟有道者為能制財毋為財所制

哉

事箴

事固有兩違道固有兩陳天倫與父命孔子皆稱  
仁使齊曰父命而夷曰天倫可乎不可乎梟獍而

稱人事固有兩違君子慎厥身

筮箴

余少時妄意天下筮所主得家人五大

二庚辰辛巳危疑甚皆以冬至日得咸四

夜半偶理前筮牽連為箴曰

王假有家交相愛也大車以載積中不敗也貞吉  
悔亡未感害也憧憧往來未光大也

### 寢箴

至人之死不尸而夫人之寢尸也故至人之死猶  
生而夫人之生死也寢以息生乃得死貴寢哉縱  
不能坐不卧脇猶可

### 歸寧箴

嘯鳴文集卷十三

二十四

涉世百年歸來無一事梗刺其膺乃可稱歸寧

### 治病箴

治病無他奇克而通之不克無以扶衰不通則有  
生生厚之災

### 閒居箴

閒居念四方四方如閒居此之謂夫

### 綏神箴

館課

維帝稱尊維神之靈既型既范函余以形形不虛  
鑄有神則凝出鬼入帝吐清喻寧昧昧者何乃肆

憑凌創以戈鋌穢以臙腥淫康流漫墜神於水追

趣術驚輓神於乘亦有世賢於焉稍懲索之茫茫

寄之冥冥出入無鄉與物相刑同歸於墜愁其明

廷吉人維何吐辭為經神之聽之則莫敢不承吉

人維何履絢載繩采齊肆夏罔矜與辨我儀刑斯

而日競競以宵以夙以蔡以徵勿謂無何維神星

星一瞬黥之終天不焚神止無居神行無輟神來

無迎神往無扃伊神所欣翼翼矜矜進墜非遙在

覺與夢故曰從善如登從惡如崩寂兮寞兮神之

宅清兮靜兮神之庭小子不敏敢敬斯銘

言箴少時作

古人耻躬君子顧行墻固有耳天亦能聽堂既能

虛谷復能應齒牙之論徒為輔頰之騰非勝善則

心聲惡則身殃善則福永惡則禍長慘于劍戟彌

天播毒芬于芝蘭終古流芳惟口興戎惟口起羞

玉有玷而難磨三復所以感聖金有口而須銘三

緘所以箴周辟戶之樞闢之難為闔辟弩之機脫

之難為收譬之風波風波易以動譬之枝葉枝葉

易以稠一言而興喪殊一言而智否判第星徙舍而去彼蒼為格老羸扶杖而來大號攸渙語期于立不期于驚人令期于行不期于反汗喋喋非長者事宜為漢弃談談異黃髮疇因非秦善尚為及晨之鷄母作能鳴之雁感逸駟之難追而留之于舌念鳴鶴之必和而慎之于室戒彼南箕為播揚之官瞻茲北斗慎喉舌之出騫之不言言必有中賜也不幸何取多言死者復生生者無愧未言而信信在言前口衆而我寡奚害于括囊悖出而悖

喙鳴文集

卷十三

二十六

入徒勞于防川寧默默而無揚無曉曉而殺身存舌得官竟遭夫轅裂據梧哆論終召夫坑焚榮華之後必有茅史巫之吉豈其紛彼其桃李之蹊交跡者不少矧伊溫室之樹側耳者多有掩子之盞漿尚虞其露出爾之戶庭庸迓其咎戒失身于不密宜知幾而固守毋令人目為傾城之招嬖毋令人目為覆邦之利口好盡以招人國武子所以見殺未唱而常和哀駘他所以著稱母以幕叛母以臺傾守之如瓶防之如城擬之而言議之而行擬

議以成其變化人固有不言之教無形而心成者耶

言

戲竹言

誰謂汝挺葉齊而俯似爾為孫當勝其祖誰謂爾空有閑不通似爾為禪當空其中謂汝傲雪凌寒背鞅胡鞭之南憚于北發謂汝羸糧餐鳳棲皇胡起之栗輒萎以黃人有恒言責賢者備我今窘汝令汝置對惟肉可舍惟貧可交請從爾居天保之

喙鳴文集

卷十三

二十七

苞

戲作責鏡言

誰謂汝不爽給右為左亦汝之罔誰謂汝不欺張羸為肥亦汝之疑處暗能明向明反晦豈其用智人覲如烟不覲若盲豈其無情兩相乘則影沉沉不知其幾千萬尋又胡多心謂汝無來不照不遁其影從旁窺汝汝亦莫省俯仰隨人面從背違曾無趣操何方之依

喙鳴文集卷十三終



喙鳴文集卷十四目錄

墓誌銘

大學士陳玉壘墓誌銘

贈大司馬楊次村墓誌銘

大司馬趙劒門墓誌銘 代趙師作

少宗伯瞿昆湖墓誌 代李師作

少司馬屠竹墟墓誌銘

少司寇張敬齋墓誌銘

按察使李于鱗墓誌銘 代殷師作

喙鳴文集卷十四目錄

戶部員外郎劉見台墓誌銘

都督僉事沈坦庵墓誌銘

錦禾衛指揮沈葑庵墓誌銘

武邑知縣鄒龍巖墓誌銘

孝義先生吳公墓誌銘

郝廷符父母墓誌銘

蓬溪知縣賀公墓誌銘

喙鳴文集卷十四

墓誌銘

四明 沈一貫肩吾 著

太子太保禮部尚書文淵閣大學士贈少保

謚文憲王壘陳公墓誌銘

萬曆甲午余與南充陳公並命入閣公既數月而  
余從田間來公自以荷特知又父子皆三事益奮  
報而丙申不臘悲哉 上震悼備卹典祭溢于例  
二贈少保任子中書舍人謚文憲遣尚寶丞張久

喙鳴文集卷十四

徵董營兆儀郎周傳誦護喪歸復諭 元子陳閣

老侍若講讀若宜卹其喪 元子恭命遣中官致

金幣此故事未有嗣子光譔以黃太史輝狀請誌

余自籍金閨則與公密夫何辭公姓陳諱于陞字

元忠曰玉壘則所自號蜀南充人先繇閬徙出宋

秦公後而可譜者始祖彥良迨元至正間有興祖

者為公九世祖興祖生思誠思誠生文質文質生

平平生紀紀生衡大理府訓導衡生信歲貢生信

生大策大策生太傳文端公以勤是為公父衡信

大策皆以太傅貴贈光祿大夫少傅兼太子太傅禮部尚書武英殿大學士太傅為檢討時生公于京師時室中有數人皆夢仙樂擁一羽人自天而下幼慧讀書如夙習太傅舉子多殤不甚程公而今以意學公有所綜采綴譔輒如太傅旨而太傅益喜以為真類我也年十七舉辛酉鄉試第四人戊辰舉禮部第三人對策高等於是余始奉公游共讀中秘書人目公為閎覽博物君子試輒冠倫而太傅則引避不閱卷謂童子何知能屈天下士

梁鳴文集 卷十四

徐文貞叅曰公何不學祁大夫庚午授編脩尋充世宗實錄纂脩官而時太傅已有所不可乞骸歸公扶侍還壬申如京師又充穆宗實錄纂脩官成陞脩撰無何以太夫人憂歸丁丑克日講官已卯敘講讀勞再加俸一等庚辰太傅年七十公謁告詔有司存問太傅而賜公鏐幣乘傳歸大臣七十存問者昔未有上以相臣特起而又以公在講席非人所敢望焉公集理中耆舊任太史公瀚王恭節公廷凡十餘輩為高年會身行酒以歡太

傅時謂之蜀耆英也太傅雅愛嘉陵黛玉山構樓而游公集唐人咏江樓句若干首命童子歌以佐觴癸未復召日講趣入京壬午擢洗馬乙酉典順天試已進侍講學士丙戌秋奉太傅諱賜鏐幣給驛而所贈卹太傅甚厚己丑服闋復召日講俄加詹事兼侍讀學士掌院事庚寅疏請立東宮辛卯加禮部右侍郎掌詹事府事壬辰典會試尋改吏部右侍郎又轉左其為侍郎皆兼侍讀學士而又嘗教習庶吉士癸巳滿三品賜鈔錠牢醴蔭子入

梁鳴文集 卷十四

三

胄復同諸臣請冊東宮雖未賜俞而出元子講學有力焉又請上朝講如異時不報是秋擢禮部尚書兼翰林院學士仍掌詹事府事公既世為史習國家之故念人間獨傳里巷書久彌失真請及時脩正史信今而傳後詔允行甲午春感疾乞歸不許夏五月詔簡閣臣吏部擬若人而不佞濫竽上憶往歲嘗兩有所推擇令並列名乃命公及不佞皆兼東閣大學士入參機務特簡也以是故止惡吏部專逐郎七人公逡巡不敢拜再

為請且謝而後拜居無何條六事以聞曰接大臣  
用人才獎外吏清邊餉儲將材選邊吏略謂肅  
皇帝之精明而晚歲吏貪胥夷戎交侵以倦勤也  
惟上亟脩朝講召對之典振綱紀決壅蔽召還  
遷謫可用者用之而賞罰隨焉百驚之中必有一  
鷄人情重內輕外行取之典安可獨遺州郡太守  
治行高者可入為列卿巡撫寄重可參用內外官  
惟其賢歲入有限而邊餉增無休簡主餉郎而重  
其權則虛冒覈將帥國之爪牙且令卿大夫各舉  
一鳴又集卷十四

四

所知而更于武舉外別為途以蒐之緣邊吏擇人  
與地宜者往令益習虜待諸道及開府之次垂萬  
言皆公素所籌量而節適者也上嘉納行乙未  
甘鎮大捷推本閣臣功進太子少保已滿二品進  
太子太保賜賚有加仍錄一胄子是冬上怒首  
鑑遷其責于言官落籍二十餘人公與余輩密救  
者再露章者一而丙申春公偕余又專疏公謂  
上方以不言罪諸臣乃諸臣各有職或在留都或  
奉使行郡國多抗直而槩以不言逐天下且謂

上實惡言而名為不言斥之也意上稍解而竟  
不得然中外同聲曰直未幾乾清坤寧宮灾同寅  
叩內殿請面不獲各引罷不許然因是多時事之  
感矣公素強善飲至是絕不進形亦日減冬至從  
南郊感寒胸中壘魁不能開無幾何遽以困告馳  
往視之已易簣不及一執手訣也蓋公門素嚴內  
言不出必自謂何遽死而死不及召其同心友即  
家人未聞有遺言悲哉距生嘉靖乙巳享年五十  
有二公雅無忤物被容接者溫如春風而砥礪操  
一鳴又集卷十四

五

持凜有雪霜蓋余自館時公嘗舉其婦翁言識人  
多難立朝余敬書紳而公之門自初至今無懷金  
無游刺家幹短褐無騎奴雖生富貴衣不華錦食  
不無味泊然惟墳典是耽詩文則鏗然鸞鳳和爛  
然金石錚色澤脂腴不似其處居奉享之約也注  
心經世若往代典制朝家令甲與名碩之所規條  
攷鏡甚多故創正史之議比衆大政以國家為身  
任故事首揆制斷決不得輒參而余輩故同年同  
心大破常調公復捷敏益抒發其生平抵掌奮言

余常推而佐之幾一旦為所欲為也顧公在直數  
視日遶床走不休疑苦拘束云而余言公無能造  
膝一吐胸中奇外莫信于人充室歎憤其何能居  
竟以此死也本朝相君子取高第者自陳王焦劉  
來雖成都之博雅尚不免于口比世尤甚而無不  
帖服公誠有以服之士大夫隴于中外幾二十年  
公入而稍輯亦善調劑辛甘燥濕之效易名時僉  
言惟勤學好問博聞多能可狀躋之宋金華彭安  
福費鉛山良不忝矣太傅公元配王夫人而公出

梁鳴文集

卷十四

六

于賈夫人王夫人育之舉鄉時尚未知為賈出賈  
又不及公之遂而逝以公滿考亦贈一品夫人婦  
翁即王恭節都憲內君封安人累贈至一品夫人  
繼馮累封如王夫人子二光謨年十二殤側室丘  
出光謨太學生側室王出聘王方伯續之女方伯  
即恭節子女二皆王夫人出長適嘉興守崔行可  
孫諸生麒次適祁州守張應徵子多聞所著有萬  
卷樓集若干卷本朝相公獨公家父子太傅患無  
侶尚川觀十餘年公有同人且黑頭中道天先是

羣犯中台占大臣穴主益州嗚呼天意不知何若  
銘曰益部山川厥稱玉壘峻發峨眉皎臨錦水惟  
太傅公截業其崇委神降體黃閣清風久直金華  
批經析史感契 聖衷蓋垂二紀晚收其實斯應  
簡在惟陟繼尹阿衡者再太傅要說嘗如陝州公  
亦貢函于先若謀家無織葵門有雀網為國樹人  
樞蹊不枉龍六為七曰惟三長創義設例卑觀漢  
唐兩歲平章中流砥柱為霖苦難御風何易來從  
羽瑞去應台殃公則有天民胡所望凡稱世家厥

梁鳴文集

卷十四

七

休同國我知箕尾靡宵不北高山崇丘賜藏在焉  
勒頌垂長是文憲阡

楊次村司馬謚恪愍墓誌銘

我庚戌之事無過漢霸上唐渭橋而懲己己之虎  
談色自變當是時司馬不敢下魚符亦量虜深無  
久理善持之我兵四集必走金注不宜與瓦同耳  
吾于丁司馬尚悲而况楊公楊氏本長沙人 高  
皇時諱順者以尺籍隸南京神策衛順生受徙周  
府左護衛是為公高祖受子福勝 昭皇時徙隆

慶衛後徙彭城衛彭城衛者今七校也以其故家  
京師福勝之子春春子志學官至資政大夫刑部  
尚書贈太子太保謚康惠推恩福勝春咸贈大司  
寇而福勝配周春配王及康惠配王與陳咸夫人  
康惠五子長為公名守謙次守約貴州左布政使  
次守魯陝西右布政使次守讓長蘆鹽運使次守  
朴南京左府經歷兄弟並大官以清約聞君子謂  
康惠善名諸子公字允亨號次村七歲善屬文器  
局凝重嘉靖戊子己丑連捷成進士授屯田主事

喙鳴文集

卷十四

八

改職方歷員外郎郎中練習邊計扈肅皇南狩  
還陞陝西按察副使以備胡罹康惠艱服闋督學  
於陝秩滿拜叅政未到官擢右僉都御史巡撫山  
西尋改延綏延綏三年選將練兵講武足食益埤  
之薄者數倍增置臺堡百數虜不敢牧塞下嘗一  
入大岫之壘書褒美庚戌春以副都巡撫保定甫  
至保定而虜入通州薄安定門大震公投袂起率  
所部入援方是時上坐法宮急聞公至大喜就  
拜兵部右侍郎兼右副都御史提督中外諸軍事

與希忠鸞協力捍禦希忠者朱成國典營兵鸞則  
仇威寧狼鷺陰賊人也以大同帥入援善大言撼  
上又詐稱與虜戰時上首功而本兵則丁公汝夔  
申徹守備公則薄虜營而陣孤軍後單堅壁以待  
其瑕虜亦由此不逼居二日漸引去鸞欲自脫死  
又脩甘肅然于公嗾宦官宮女哭上前言將武  
師力而為文官所牽不得奮上震怒謂守謙名  
勤王實擁兵自全遂及丁公皆廷訊坐死即日斬  
西市公臨命曰皇天后土知臣心且岳武穆于肅

喙鳴文集

卷十四

九

愍而在未知計誰是上聖明為邪臣誤時八月  
二十六日也都人號之傾市越二年而鸞亦以是  
日殛人謂天報太奇云鸞敗時上既悔未及理  
而隆慶改元用都給事辛公自脩御史王公好問  
言贈兵部尚書謚恪愍賜祭葬錄一子國子生海  
內為舒憤云公為人孝友天至居親喪哀事庶母  
若母撫庶弟妹若同生祿不入私橐燕居必莊束  
身理家皆有法好施予三黨皆河潤而亢勵潔廉  
蕭然如寒畯文章有氣格詩亦悲壯尤好邊畫有

大寧考紫荊考花馬池考兵部集生正德乙丑年  
四十有六元配王氏贈夫人繼趙呂俱贈宜人三  
子長汝潔辛酉舉人高郵州知州娶趙文學女次  
汝法即恩錄者判寧波府娶周處士女俱贈安人  
側室林出公見背時林年二十餘而茹荼勵操撫  
二子成立為時聞人林之力也季汝泗郡諸生娶  
貴陽知府林公女側室薛出女一適通政使吳公  
子都察院檢校繼志呂出孫男三沈一貫曰國家  
都薊門控虜咽喉亦數中虜曩宰昏黥獨視賄輕  
梁鳴文集 卷十四

潛心寬之比新政遽詔原省而順天長沙祠鄉賢  
西安延綏祠名宦光昭俎豆可不謂伸焉而關中  
人有病之帝所見公方為貴人如王者生為忠臣  
沒為明神有之矣葬時以一柳車于都門西之原  
未有銘銘曰有碩楊公世載淑美慶閥承韋德庭  
總理起家題柱曲折典稽麾蓋西遊衣冠羽儀爰  
開幕府爰揔戎重獨控嚴關漢威雷動何圖釁凶  
犬羊變吼火照甘泉軍營細柳疾驅入衛若救灼  
焚不辭焦爛誓益萬分驅羊啖虎臣肉足食彼諧  
梁鳴文集 卷十四

重以傾天下乃虜至首鼠持兩端惟 上是刺安  
所得兵略而奏之急則嫁禍于衝以苟霽威偷視  
息又竊虎以煬其權蓋嵩與鸞皆出此計當是時  
雖有伍負庶頗李牧之略不能勝太宰嚭郭開之

奸駢首就死寧何異云且勤王者戮奮議者貶煬  
竈者容請劒者誅何以觀天下而又虛新營制以  
為聲疲入衛之卒益之過更踐更以重其困財力  
交竭迄今救之不勝貪人敗國有如此尸兩司馬  
足以警四夷謝九廟乎楊公非命時 穆皇方龍

者何播茲毒螫心雖如丹赤實誰知含識懷靈未  
有其悲後命渙回深憐頓減義士隕涕貞魂氣闕  
我敬斯銘觀止何因過丘思人萬禩永存

資政大夫太子少保兵部尚書趙劒門墓誌

銘 代趙大洲師作

公諱炳然字子晦先洛陽人宋進士致中知隆慶  
府兵亂家焉而隆慶府今劒州也故公為劒州人  
數傳佐憲宗時知西平縣佐生思濟思濟生松是  
為公父贈如公官母鄭氏贈夫人鄭夫人以正德

丁卯十一月夢月而生公年十四補郡諸生二十  
一舉鄉試二十五第進士除新喻令均里甲抑豪  
橫催科責逋皆有法庚子徵監察御史罹鄭夫人  
喪起按宣大時兵興錢穀漫漶不可稽劾罷不法  
吏若干人宗室有通虜者發抵重典 上嘉資銀  
幣陞俸一級改按順天以父喪歸起按雲南沅江  
苗那鑑為難方伯徐某死之公至則別情罪示威  
福剪其外援散其內黨卒得元兇首沐因病無子  
公詣之曰即不諱誰當嗣者曰叔朝弼卒之日公

味鳴文集

卷一四

十二

以朝弼聞而沐夫人說言有子在別室不知公已  
審矣癸丑按浙江浙遵倭而直海副使及叅將皆  
東居寧波西不得顧嘉湖於是奏設嘉興兵備與  
海鹽叅將畫地而守之乙卯遷大理丞少卿尋以  
僉都巡撫湖廣大工興取材于楚而楚饑公疏蠲  
賑採辦亦集丁繼母王憂服未闋起佐院陞副都  
侍郎督撫浙江時倭寇閩公命備溫處比公至賊  
亦至盡殪以歸先發故有功也賊在沙垓公約閩  
夾攻而失期諸將欲遲之公曰彼得風揚帆去耳

急擊勿失既捷再賜金幣方是時浙人始稍息肩  
公乃定兵制為浙東西舟總六步兵營八奇兵隸  
標下者二約曰寇至邀之海上受上賞併力于陸  
者次之小至水陸兵夾攻大至標兵盡調戎伍益  
覈而歲省餉二十餘萬徵科始輕其年陞右都御  
史兵部尚書協理京營乙丑總督宣大賜金幣麒  
麟服罷其不任者總兵一人叅遊十餘人虜犯西  
陽河入鎮川及施家衝三戰皆捷秋黃台吉南下  
公聞之自陽和一夜馳百八十里至東城虜薄城

味鳴文集

卷十四

十三

下有錦袍金羈者一人來搏戰射殺之虜號而去  
衆欲馳之公曰止虜失利當不去也可備居庸明  
日我兵抵關而虜果至見有備去其年入為本兵  
加太子少保資政大夫公故病胃用事南北益甚  
會上新立未敢去久之益劇乞骸骨歸俄復召掌  
南臺命及門而公逝三日矣遣祭起墳贈太子太  
保任其子配王氏封夫人子二居敬即任子居仁  
殤余觀公在宣大時條十事論兵耗不實京營條  
七事如實伍裕儲練技皆至計至論浙八事言督

撫與將帥同賞乃有贖功與將帥同罰乃有掩罪  
故債事則將帥之罰宜厚論功則督撫之賞宜薄  
夫公身為督撫而抗是論可不謂忠哉公余同年  
也來徵銘余于衆中持營議未決余益思公銘  
曰兵者危事孰圖其全公歷戎行久而愈堅南淨  
滇雲東清海壖北懾秦膽狼烽不然參釐戎符一  
本樞權執籌典鑰厥伐懋焉赫嘉寵命光于新阡

嘉議大夫禮部左侍郎兼翰林院學士瞿昆

湖墓誌代李石麓師作

嗶鳴文集

卷十四

十四

隆慶三年七月二十一日嘉議大夫禮部左侍郎  
兼翰林院學士致仕瞿公終于家 上命所司議  
卹典贈某官謚文懿賜諭祭命有司營葬子汝稷  
以太常陳君狀來乞誌公諱景淳字師道人稱昆  
湖先生蘇州常熟人也高祖某以仲子貴封武選  
郎生欽欽生柳柳生國賢國賢娶秦氏生公公為  
人恬愉悃悞其貌孱然中洞了絕倫守節無所遜  
鞠躬君子也十月能誦關雎八歲屬文十歲為諸  
生甚困嘉靖癸卯無錫華公攬其文于棄簾中異

之始舉于鄉則年三十七矣明年試禮闈第一奉  
廷對第二名振天下天下嘉華學士知人釋褐為  
翰林院編脩戊申知制誥壬子奉命授中人學  
癸丑滿九載遷侍讀壬戌進侍讀學士總校永樂  
大典會南京祭酒闕以公為太常卿往乙丑擢南  
京吏部右侍郎攝禮工二部丁卯今上以禮部  
左侍郎兼翰林院學士徵公至楊州病不進乞骸  
不許會立皇太子贈大父父如其官贈大母母  
封配皆泮人又錄纂脩永樂大典勞加俸從二品  
嗶鳴文集卷十四十五

戊辰如京師而病益頓疏再入得歸始鄭王上書  
諫肅皇詔繫王王其世子公副恭順侯吳某冊  
之世子拜以金不受餉公公又辭吳亦以公故無  
所取而肅皇方怒鄭事陰薦之吳已聞大驚曰  
微公且得罪公曰某時心知其不可未慮罪也是  
時吳越被倭久而嚴相與胡總督善曰胡材辦此  
顧吳人善毀多言賊勢張賊何遂如吳人言公曰  
某從新南來見賊公行境上民竄匿不得休又日  
夜苦徵發冀一日賊退偷視息豈好亂哉假令難



未已上問誰舉任胡者於相公何如嚴相色沮然  
心寔慙公其在南銓屬吏張某數撓公無何大赦  
群吏人謂張且罷公不肯曰憎吾私也黜陟公也  
吾不以私害公公居南未嘗以書桓政府迨從維  
揚求歸自以不得入言當世務貽余書曰今天下  
稱平宜專邊塞之計廣招材略令在朝各舉所知  
雖草野豪傑可羅而致之不然卒有金革之事孰  
為天子用民生之不安吏不職也頃汰黜幾盡然  
治道去太甚錮人盛世非惇大體夫尺有所短寸

喙鳴文集

卷十四

十六

有所長隨材畀官誰不可使必求其全位皆可虛  
書累數百言嗟乎公雖不及兼用亦可睹矣公初  
以毛詩進在翰林又研精于春秋為文雄渾深美  
常依于正不雕琢而成尤長于制科國朝二百年  
推長洲王鏊毘陵唐順之及公而三始沮棄于時  
心自好不變及遭時妙天下海內學者不敢損益  
一字師心不阿與聖冥合甚哉似其為人又善以  
文知人分考會試者四主南京鄉試武舉會試者  
各一所羅多名士雖不肖亦廁末行嗟嗟方欲奉

餘教從事而茲已矣銘闕

通議大夫兵部右侍郎兼都察院右僉都御

史竹墟屠公洎配泚人陸氏章氏合葬墓

誌

余嘗慨古人不可作乃於鄉目兩屠公兩屠公者  
簡肅依日月之際成貞亮之勲載在國史竹墟公  
中廢蘊璞自珍即密游有未知余安能無言公諱  
大山字國望高祖子真曾祖瑜瑜子瀟渭瀟累官  
太子太傅吏部尚書謚襄惠而高曾皆贈如襄惠

喙鳴文集

卷十四

十七

官渭生僞是為公父慕庵公父祖皆贈如公總督  
時官母王贈泚人繼母陳封泚人而加太云公兒  
時為襄惠所奇十二而喪王母明年陳母來又明  
年而慕庵公卒即齡年稱孤子顧自負就里師吾  
伊不絕二十二舉于鄉明年成進士知蜀之合州  
公至州召問父老盡得所為陽橋狀者次第剗之  
豪咋舌神公而鄉聚間人人喜屠使君活我也城  
當瞿唐口水嚙之且壞公手重石以準役夫率辰  
至酉匝月而隄成已遷南刑部員外郎郎中出知

吉安府王尚書子亡賴公廉狀核也剪其翼尚書子用洗行稱儒生王歎曰吾則子而屠君為之父德公不輟已副按察備兵徐州徐有盜負嶠吏亡敢何公親鼓而覆其穴小吏某者甘司空里子也以屬公而賊敗甘望之會有盜剽上供金甘持使者失盜不可以遷官公是以在徐八年已叅山東政按察廣東轉山東右轄閩左轄時甌寧李公方祭酒南都有嫌於將樂令也屬公斥之公不憚曰夫吾安能委蛇貴人意也顧薦令越三年以副都御史巡撫湖廣苗吳氏許氏擁眾起公會蜀師貴師擣其巢平之賜金綺於是李祭酒驟貴入為太宰用將樂令故更重公推工部右侍郎而袁州子為政耽耽也曰何物屠丞吾所為擁甲盾作茶壘峙門行酒胡為者丞不吾識耶嗾御史劾公以故職撫湖南協理征苗而會河北盜李邦珣與其妻馬三兒以妖術起公遣應山令葉震亨鹵其副遂馘邦珣滅之御史胡宗憲賀公曰吾為公上功此足以塞袁州口矣公謝不肯久之乃以兵部右侍

歐陽文忠公

卷十四

十八

郎兼右僉都總督湖廣川貴軍務苗有龍阿仔為患全楚騷然公命叅將孫賢啖其黨譚細奴者而獲阿仔以歸盡殺龍氏他龍氏又盡殺譚氏苗悉平官細奴為百戶於是時公回翔楚中久矣而李亦再入為太宰復以南兵部右侍郎推袁州子益惠曰李輒入輒推屠若固樹之我固推之會倭薄姑胥急則又以公仍故官提督南都諸軍事夫公業總督矣司馬矣而南又提督也袁州且甘心公何論格哉公指天曰國家不幸有事臣宜死奮益力夫何而南臺省交劾公逮詔獄且坐死天子方坐西齋從容與陶仲文語仲文能言楚事此忠計臣不可殺上感其言手批趣赦公時漏下四鼓矣公蓋素無慙而冥冥有拯之耶公得歸倏然耕東海上時游酒人曰主上至仁而活臣猶載齒髮侍諸公飲敢忘上賜優游于遂初堂者二十五年而視柄臣敗又兩受恩詔還冠裳也嗟公經營天下三十餘年骯髒磊磊而不盡其用若此元配陸洪人者大司寇康僖公從孫年二十歸公善

歐陽文忠公

卷十四

一

女紅諸姥常傳相駭曰是織女機中物身出甲第而茹淡衣素侍姑疾手湯炳扶掖醇謹乃爾繼配章淑人翁州望族亦以二十歸公能讀孝經內則精女紅旁及家人產廉靜儉恭公督湖南時苗帥冉世蕃求代父行金寶于公家泚人語峻曰而父廉苗安得溷我叱吾訊諸官苗踉蹌而逸此泚人之志也世丈夫顧畫攫膏乞豈不愧哉公生弘治庚申卒萬曆己卯年八十陸泚人歸八年卒于合州為嘉靖乙酉年二十七章泚人卒于某年得年

陳鳴文集 卷十四

若干子一即本峻刑部檢校章出娶審理黃伯康女女五一適別駕毛思聰一適包貳守梧子諸生仲岳陸出一適太保聞莊簡子太學生思治一適舉人金章子太學生鳳翔章出一適范少司馬欽子太學生大冲側室陳出孫男一惟霖娶光祿監事聞繼美女孫女三一適大學士余文敏子廷梓一適柴方伯涑子以鼎一許不佞子泰淵先歲已卯葬公陸淑人于江北原茲以章淑人合沈一貫曰余于屠公晚嘗侍公未談生平公既沒峻始補

綴以為譜余君房為狀王元美誌長卿傳倪廣文遺事猶不若公臨終自贊數語語曰斷念斷意混元合炁外緣蕩滌內景密闕寂照煌煌無隙可覩天地勿違神鬼盡避禪邪玄邪通性命之故迺造化之初八十年之力盡是矣公生平無疾言遽色門無雜賓室中無長物初庇先人廬燬不能復墮葺東北隅自救出入行瓦鑠間狀脩偉嚴肅下願長髯如神明而里中孺子咸附愛如父母於人無所不退讓而不可得其一言之譽施舍無所吝而

陳鳴文集 卷十四

三十一

不可得其一牘於有司燬然終身而不自表白陰行善而不言功不噍呵而使人嚴幾有道至人哉故其自贊若是而人莫之知也嗚呼是人不可作吾安師士未有不植本深而闕建豎者也而今之彪炳翰墨間者皆華葉非其本其稱本者口性命以為高余聞至人之游惟恐人之名之也而逃之深是故無得而名焉是故余之志屠公也異于諸子不于可名之名而于不可名之名雖然屠公而知余之志也不將吐曰是子亦多言哉

南京刑部右侍郎敬齋張公墓誌銘

有封若堂於碩穀山之陽者故南京刑部右侍郎張公也一貫追而志之公諱岳字汝宗別號龍峰世稱敬齋先生家於姚自宋禮部尚書永子萬始高祖廷玉封承德郎兵部武選司主事曾祖時澤中憲大夫潮州府知府祖萊衛經歷父恒封朝議大夫雲南左叅議母蔡恭人同產三公居仲以禮記魁戊午浙江明年舉進士授行人奉使慶藩標百金之贈弗受滿三歲以高等給事禮科巡視庫藏發乾沒之奸進刑科右而暨盛者從肅皇興國來奄也憑寵沒利盜香貲鉅萬以火聞公得其實抗劾之時皆危公而肅皇神聖杖其黨九人暨雖舊恩猶杖六十戊南京中人靡不目公者公又上六事曰議宗祿訪真材止開納覈部差遏奸宄辨誠偽所謂辨誠偽者為時宰華亭公方講學而巧宦者徑焉故斥於是大司馬楊公杜門埽軌辯上勿問已轉工科左清節慎庫摘都水郎奸事又上書言館選宜每科一舉冊封秦藩秦王雅

敬鳴文集

卷十四

三

敬鳴文集

卷十四

三十三

莊公之議宗祿也有加禮公謝如慶藩將復命京師而忌者畏公口遂叅議雲南公便歸為二尊人壽之雲南雲南產黃白金吏倚上供為奸公首斥其樣銀而按其不法勒石為例大理僧有釣淫者至中分民室公發屋闕地得而寘之法苗鳳繼祖負險自固官軍不能克購之傑首自歸而將士掩為功公不可夷熱其信久之副使江西飭兵于九江九江羯夷又多盜公至則胥與盜通也悉灋之行部至安慶見士有饑者勞之曰吾欲用若命而不支若是不虞脫巾乎為之調食而簡銳然後下令創鷹船廣偵伺計掩覆自富池下陽磯商旅夜行尋奉勅督上江漕廠禁補造議料價嚴程限均派編漕務為清番盜李天爵者剽淮藩案世之珍搗星子戕尉令公語楊守備曰是可覆而取也扼諸湖而陸設覆以待擒之上詔紀錄且并以饒康諸道攝焉所得廩餼多封還庫藏有張氏無名錢百千緡安慶指揮張志學讎其守查志隆以兵圍之急公曰需事之賊也我急往而徐圖之易若

成師以出是一其貳也挺而馳乘城矣公詰之故  
且告之撫衆始稍引去其不下者給之饗因擁輿  
出及衢而騁逆黨知敗始鳥獸遁巷皆柴無可之  
悉縛上賜白金文綺已參政廣西故人德公者  
以三千金邀諸途公卻之宦粵者倚辨經紀因而  
齟齬人守令弗敢問公按如法俄罹父憂再補廣  
西改河南而有喬際時之亂際時劇盜以白蓮教  
部衆將嚴究公先期警衆往潰之撫臺欲當盜族  
公力爭所全活千餘人論功擢太僕少卿改大理

陳鳴文集

卷十四

三

左少卿旋遷南京都察院右僉都御史時長星見  
尾箕而金陵諸僚謀止江陵相勿奔喪公謂屠祭  
酒曰楚少年固狂也老大者亦復爾邪乃却奏弗  
署而獨上疏謂臣子于君父等耳元輔受國恩誠  
重而父死不喪謂天倫何臣謂奪情為權奔喪為  
經宜兩全勿偏廢不報而一時諫奪情者盡重譴  
南御史朱某抹之削籍公餞之江初南中操院湫  
甚公捐帑拓之而江陵黨因引以詆公遂鐫一官  
外補歲已卯仲子集義舉于鄉江陵忌彌甚欲錮

公而其黨與公先後為操江者遂托餒事傾公至  
開住矣江陵亡人始交薦公參議四川俄為太僕  
少卿都察院右僉都御史巡撫南贛度南軍興素  
饒懸千金以待有功而後官鄙常沒為私公盡裁  
弗染又覩培尅之臣募銷兵名而不知變疏言之  
上皆嘉納地多火又患虎公創玄帝祠以填火而  
躬祀以禳虎有滅火渡虎之謠王文成之填虔也  
初精舍時屬士民飲射讀法其中公踵行之俗亦  
隨化甲申以左僉回院首陳明良交儆之謨又條

陳鳴文集

卷十四

三

政要四事乞錄忠言銷冤憤於是張大司馬去官  
而劉光祿臺錄子言官生色已進左副都而經始  
壽宮言者欲改卜引公為重公因發憤直陳多忿  
激譏刺之言於是有南京刑部右侍郎之命公不  
往幡然歸里中歸則與諸先達巾車棹舟為汗漫  
游獎予善人及群從之好學者不復問世事矣公  
為人孝友天至嘗婉娛太恭人太恭人安之家有  
遺田若干畝悉畀昆弟與人交無少長皆顙禮袍  
布韜單或規之置田產為子孫計公笑曰幸有田

一百畝足矣所著有性善解太極通書等釋周易  
辯疑行于時旁及天文地形相卜琴奕之屬多隄  
人者歿于萬曆戊子壽五十六配王氏紱封恭人  
生四子長體仁娶周氏繼胡氏次集義丙戌進士  
三為華亭丹徒常熟今皆以才調娶胡氏行太僕  
卿維新女次約禮辛卯舉人娶管氏次近智庠生  
娶周氏一女嫁中舍呂公采子庠生悅六孫夢龍  
夢麟集義出夢松夢獅夢桂約禮出租廉祖直近  
智出夢麟聘丁氏春元履泰女餘未室一女孫壽  
喙鳴文集 卷十四 二十六

體仁出未字公所際三相公有辯矣而公皆齟齬  
吾何以名公哉余讀史至唐子方呂獻可世推其  
直譏彈金陵當矣何乃及文歐兩公豈親見兩公  
尚有所不滿抑賢人得它山之錯益賢邪余謂名  
諫臺與賢宰執不必悉比同無是非以水濟水誰  
其食之且敢言之士遇事輒不忍即不敢此汲  
長孺所以得贛稱也嗚呼是公其中皎皎無私真  
足多者安得起於九原銘曰世人皆汶汶沒于利  
而公獨不以利淫世人皆跋跋屈于勢而公獨不

以勢侵矯英稜披華寧駕風雲之上而恥與俗尋  
是山川之特造化之隻古也非今使公載耆載考  
載願載葆元氣其斟畧短業韜夜沉沉我銘其聊  
懷夙欽

嘉議大夫河南按察司按察使李于鱗墓誌

銘代殷崇川師作

余歲已已誌于鱗大人墓才一歲爾復誌于鱗悲  
夫夫于鱗豈不隆隆乎勝流耶即千載我知其猶  
今也于鱗李氏攀龍名父贈中憲大夫知府寶寶  
喙鳴文集 卷十四 二十七

父端端父禎禎之先長清人家歷城自清始端以  
賢雄于鄉鄉人至今有伏臘祠而父寶為德懿王  
典膳娶于郭生二子繼室以張生于鱗及二弟其  
父卒時益母張年二十七爾茹荼以活諸孤至壽  
考封太恭人語具余前誌中于鱗初太恭人夢日  
入懷而生九歲而孤又九歲為郡諸生廩焉當是  
時則所刺非時師訓故語人相與號狂生自謂  
非狂矣庚子鄉薦第二人甲辰進士第乙巳疾告  
丙午還京師典順天鄉試簡拔多雋髦丁未授刑

部主事三年陞員外郎明年遷郎中其為刑部有邊將觸法不至死當是時分宜公子弼其獄不售必真之辟竟不能奪之于鱗其後邊將果大著勲伐矣癸丑出守順德順德無留獄部使者至才一日獄罷使者嘆曰太守安得不冤若此比三年有十數最書擢陝西按察司提學副使所風士又多干鱗為人素羸不習西土西土裂後時時動搖不已心悸又念太恭人思歸矣會中丞某以牒來責文遂敖然發怒曰余而胥史耶而簡易若是遂乞

喙鳴文集

卷十四

三

骸骨故事外吏無病告告即罷不敘時銓部才公取特旨于告病已且復敘以異日何仲默例例于鱗異數也歸構一樓于華不注鮑山之間曰白雪樓于鱗為人高亢有合己者引對昏旦不問不合輒戒門絕造請數四終不一見之亦不自駕請謝其樓居獨所與為總角交者余及許長史殿卿四海交則王元美徐子與吳明卿數子往來觴咏其間凡十年所今天子用言者起浙江副使二年遷參政入賀過家觀省太恭人尋按察河南載太恭

人俱越四月而太恭人卒于鱗哭不勝六月行澍雨中持喪歸初于鱗自關中歸屢邁奇疾不死至是人憂其死孝亦不死小祥漸平無何再日病而死歲庚午八月二十日也年五十有七所著有白雪樓集他詩尚若干首未出或問殷子曰王子曰律至仲默而暢獻吉而大于鱗而高要之有化境在古惟子美今或于鱗雖于鱗亦自謂擬議以成其變化矣于鱗信才意不至所稱乎殷子曰夫親見楊子雲者肯信桓譚之論哉余嘗謂于鱗雄渾

喙鳴文集

卷十四

三

逕迅掉鞅于詩壇雖曰擬議蓋傳會龐襍若獻吉輩者乃能不為獻吉輩者然于鱗方且痛人詆其文辭相矜不達于政游刃引割所至弦歌亦治操槩凜潔耻為色澤稱其為文于鱗有以死哉于鱗妻徐氏封恭人有二妾蔡氏盧氏所生三男一女駒娶曹氏女繼娶應州知州馬應奎女采瑒駒所聘即許長史殿卿邦才其名女適永清艾訓導之子芹獨駒廬出他皆恭人出駒有三子二女鴻仁聘進士于某女鴻儀鴻儒俱未聘女一許舉人王

見賓之子衡一後公七日而生嫁父氏者有外孫  
曰維高駒卜某月某日葬公于某山請殿卿狀來  
乞銘駒也亦才竟其所之可使千里無契需銘曰  
爾祖有言死而不亡豈于鱗與吾生有涯知也無  
涯鬱而為書剗削巧利滌濯滓垢追趨古初大者  
天行雲盤星迴小者綺疏績舊彌新忽入條出霍  
然霧除赫赫厥聲施于當世海內寡如豈惟文章  
以緣吏事罔試弗理入掌庶獄出典大邦柄文持  
紀書獄獄平治人人安風士士起鴻飛冥冥羅者

鳴文集

卷一四

三一

不忘思儀其羽曷篤其生曷畱其成不遐錫祉壁  
傳士林蛻委斯藏永憑其里

### 戶部雲南司員外劉見台墓誌銘

今天下所尊者進士科不可以地得自海內稱望  
族厚訾藉者乃用他途進索父子伯仲趾相錯于  
賢書者或數十城無有於蜀內江劉氏乃多顯近  
事諱望之者歷大理卿累階正議大夫資治尹其  
二子翹亞中大夫吾浙江叅政持憲視海翻奉政  
大夫戶部員外郎今正議老亞中獨慙而奉政天

造物忌全耶亞中謂余余仲君同年友可無銘哉  
奉政者字仲翰翹其名正議為杭州理始也以嘉  
靖九年三月朔張淋人誕于署中九歲屬文明年  
補邑弟子名輒與兄齊戊午舉鄉試第二人人曰  
劉生實第一御史治他經後之耳又十載而第戊  
辰亞中後之發先之至君成進士則亞中為御史  
行畿以北郡縣而君得滑令與亞中熟燭而論理  
每畢一事輒手籍旦而溢緘滕其潭思如此之縣  
輒有聲右文左律惠民威吏邑多權貴人相戒以

鳴文集

卷十四

三十一

為劉侯法不可嘗毋憚歛手盜發跡捕則竄籍於  
獲嘉伍中為獲嘉隸河南滑不得問也君度可下  
者下之不可下輒以他事弋之莫能脫部使者刺  
君狀凡七八曹稱三輔第一而當路有所惡發怒  
于君竟貳撫州父老道呼曰安得我公而以撫州  
去也哭祖百里鐫其事于石其往撫州會守與令  
皆闕左右綬而治日出而入郡堂柄庶紀日中視  
邑事延問疾苦議興罷日入而脩承業民歌之曰  
令而令守而守撫州父金谿母而又檄監他郡縣



寄道里為治人爭質成最君者章又五上于是時  
哭子者三一男子名承祥年十三兩女子皆免齠  
而一歲夭所字靡遺矣慘慘傷神主爵以君滿秩  
階奉政大夫俄被徵為戶曹郎不拜請告以西至  
萬縣與周宜人訣曰以腹子累矣又曰故里在望  
膝下為遙吾不獲從而錯也命矣遂卒越七日而  
周宜人免身子也名之曰承元奉為喪主與養子  
某輿而歸春秋四十周宜人資縣人光祿卿冕之  
女有長女嫁諸生鄧應鰲同邑憲使林喬之子亞  
中為余泣也嘗偕之塔洞灘幾覆舟而仲不恐予  
為五清祖請謚屬之草奏不再削而成大人分諸  
子財子寓書仲以故業業諸季也報曰其善曩大  
人不以宦游貧而與諸父分世貲事在耳目今吾  
仲八年于外而無二畝田妻子庇舊廬吾仲素豪  
比仕折節治官吾以為遠顧不遠悲夫銘曰劉於  
蜀中山駒龍種千載猶權奇當轅揀轂世所推脩  
能促景捐道摘七日来復天可知無憤枉魄昌其

鳴文集卷十四

三二

戚晚驃騎將軍都督僉事沈坦庵墓誌銘

自一貫舉進士鄉先生官京師者醺而觴之知有  
戚晚公居京師十有三年歲時必相造生習其人  
死而銘其幽公字于道至其名號坦菴父九鼎錦  
衣衛指揮僉事贈驃騎將軍都督僉事祖彥曄贈  
如九鼎官曾祖宗南京欽天監冬官正高祖壽之  
當國初時為陰陽正術世浙之歸安人歸安古吳  
興沈之望也自冬官始家金陵然常往來苕間雖  
戚晚公猶生歸安公之貴以父父之貴以皇貴妃  
皇貴妃者公女兄也 肅皇帝八年前星未曜選  
良家子貴妃入大見寵詔九鼎為錦衣衛指揮僉  
事賜甲第無何九鼎卒長子至嚴於是公生十四  
年又三年擢指揮使又四年為今官封母顏太夫  
人太夫人持家嚴動以矜侈為戒公出入稟而行  
與季坐愛課以詩書躬騎射躍馬為驅曰 天子  
好文吾家憑藉寵靈持梁刺 肥遭也有如一旦  
誅匈奴誼當先騎縱彼絕大漠斬獲旗鼓者非肺  
附人也坐是以盡力嬰武科歷署指揮僉事管錦

鳴文集卷十四

三三

永衛南鎮撫司事兄弟並列禁近 肅皇帝必祀  
事 郊廟陵寢必遣公戚里莫敢望素無病迺五  
月十日小苦過焉一日卒享年六十而在朝列者  
四十六年夫人掌錦衣衛事後軍都督府左都督  
陳公寅女早世無子更娶錦衣衛都指揮胡公思  
女三子承謨承憲承烈卒之日季君發篋中惟賜  
物無以具稱亦足以見公矣時皇貴妃尚無恙今  
皇帝薦念懿親賜葬西直門外香山鄉祔其先公  
祭三壇銘曰金鵝鳴沈氏興千有餘年若水清有

陳鳴文集

卷十四

三十四

婉一人歸紫庭外家抑抑寵若鷺無人騎射皇澤  
平為君擊見諸明靈遣車一乘禮不盈天子念故  
祠幽城白日不啟歲斯銘

錦衣衛管南鎮撫司事指揮僉事沈葑菴墓

誌銘

萬曆乙酉春葵葑菴沈公于香山鄉初公之葬其  
兄坦菴也予銘焉而公之葬祔公名坐字于堂先  
吳興人高祖壽之曾祖宗祖彥曄世掌天官居南  
都父九鼎娶于顏而生女為 肅皇帝貴妃九鼎

為錦衣衛指揮僉事賜宅長安卒長子至嚴終驃  
騎將軍都督僉事則所謂坦菴者公其仲而後于  
伯父杰慷慨喜騎射願一當行間為 天子北擊  
胡凡太公穰苴兵法及占候家言皆涉獵焉弱冠  
游武學舉鄉試而上司馬門者三不第戊午東方  
益急詔發良家子公出私財募蒼頭赴薊門王中  
丞九月戰界嶺口斬首一級授鎮撫十月大捷于  
清河載露布詣闕賜鈔幣進試百戶明年虜入潘  
家口射斃一人實授百戶世嚴朱太保領錦衣衛  
舉為西司房理刑領緹騎君察長安持大體無縱  
爪牙三載進副千戶公雖左鞭弭右橐鞬而篋中  
皆圖書比隆慶戊辰第會試出蘭谿徐公魯源門  
魯源當世名士故士大夫亦以此名公進署指揮  
僉事掌鑾駕庫又二年管南鎮撫司故事鎮撫  
諸衛尉謂大司馬與錦衣帥禮均時大司馬由薊  
鎮入稍詘諸衛尉諸衛尉心忿之不敢言而獨公  
言卒免官庚辰哭其伯氏明年皇貴妃薨又哭之  
曰坐七歲而孤成我者兄也幸肺附典旅被榮寵

陳鳴文集

卷十四

三十五

者皇貴妃也今皆已矣吾何以堪鬱鬱成疾至甲申嘉平之朔卒壽五十七夫人廣寧伯劉公泰女先卒子二長承宗當祿常從公滿家口有斬馘功要定國勲衛徐延績女次承官娶錦衣衛管衛事都指揮周京女孫男一子中孫女三未字狀國子博士陳君泰來所為稱其感槩亢直似烈士約已折節似儒力戰顯功名至捐其家貲晚齋志以沒無長物居處服御不類它戚里終不以外家望優異至扼腕王中丞常泣下義士哉余嘗感范蔚宗

陳鳴文集卷十四

三十六

之言人用則為虎不用則為鼠以衛霍庸力之日實意思鳴之時而念空翔庭奔稽落本末何遼絕然卒之為漢虎臣抗旌絕域用不用之效也借公而遇合肅皇寧可知而竟以衛尉終也雖然恂恂行義蹈繩持式增光皇貴妃之世則衛霍遜之何實之云銘曰援旗擐甲與乘堅策肥孰難而公不憚煩古者歌北山今願為天子死邊吾是以知聖明之材雄而戚里亦多賢也嗚呼來者觀斯

阡

武邑知縣封奉政大夫祠祭郎中鄒龍巖墓

誌銘

夫士惟無志志立則朝受事而夕拜其賜需時先後哉余觀餘姚鄒先生可誌矣先生諱名字仁甫自為諸生有大志藝精出人上嘗試為八邑首而久不遂晚以貢入則其子學柱為儀制主事矣會天子推恩先生當封而不肯受曰吾亦有志也遽以子官間我哉乃謁選得武邑尹既之官三月上疏損其社疏略曰武邑民幾五萬口而地止四千

陳鳴文集卷十四

三十七

頃地少而鹵民多而貧乃有二十五社夫社多則賦多而不能給臣按比縣棗彊地三於武邑南宮兩之新河溢四之一皆肥饒而社不滿二十五率四百頃一社耳今武邑社不能十頃少或五六頃以五六頃地而供一社之費不疲何往請比慶都南樂例損武邑為十六社稅畝不減而少弛幣餘之賦民其有瘳焉疏奏戶部言上許之又減其巨戶四之一其說曰縣故巨戶四百為三等取盈於上則民實不中訾爾絲盡於下矣今酌經費可

減為九十戶戶無上上中自上下差降之三年而更率三年役一年民又稱大便先生既為武邑議興革問父老尚有苦乎吾為父老除之父老苦驛傳先生省其賦計駟僮以佐費而官顧役以充父老又苦盜先生申保甲十條有大盜逸界中輒得之監司下其法於諸邑其他簿正諸冗費尤多蓋在邑歲餘而省金二千皆著為經制云一日又問父老尚有苦乎皆對曰無有先生為一笑既而歎曰吾素羸疾自為令臂月減一分所以忍不去

懷鳴文集

卷十四

三十八

為父老也父老幸無苦無苦我矣即請致仕而上官持不許會朝闕下遂上書解綬歸就儀部封已加封奉政大夫祠祭郎逍遙林壑之間甘糲煑布顧獨不廢勤也貴官人非禮不見邑以鄉飲賓之不得已一往已則廉訓學枉以廉蓋直方君子云士若此復何慚於聖人之門哉鄒氏宋寶文待制忠公浩後世居樣山宋季有諱森者始徙于邑之鄧家巷五世而生彞彞生相相生瑞善說詩以儒士十應鄉舉不第娶蔡襄陽欽之女生彥彥亦治

詩娶于朱是生先生朱夫人貌先生彌月卒先生長于繼母符自正德丙子距萬曆戊子享年七十有三配丁宜人縣學生丁公介女子二文柱府學生娶金文學玄女學柱戊辰進士雲南按察使娶陳公如賢女封宜人銘曰士固有志靡靡者嗤誠服于治一割必奇孰即清途不點世資誰其食肉閔此惄饑矯矯鄒先赴其素期慮周民瘼朽骨生肌介直以勞為吏人師稍試輒收固未易知昌其胤君誨之不淄我懷伊人如璋如圭雖其瘞之江

懷鳴文集

卷十四

三十九

山暉暉

### 晉江孝義先生吳公墓誌銘

孝義先生者何吳子龍徵父也吳子守侍御三年制當官其親而不官者何未成考也曷而未成考吳子有東之役制當詣闕滿而病告未克也吳子將宅其父而求名不得戚之矣雖然何憾先生既以孝義顯奚必侍御然後榮况侍御公所有哉余從民望私謚曰孝義先生而銘之公諱喬栢字子秀別號守素其先蘭陵古錫梅里人有彥博者至

元中為泉州路照磨因家焉派為六宗公晉江倉邊派也高祖遜洪武間鄉進士遜生禧明官九江湖泊所是生榮壽公思孔榮壽生毅齋公海是為公父兩娶有六子喬椿喬松喬檜及公皆林出喬檜喬椿繼方出毅齋公以倉邊煮海繇重改占邑中高皆為魚鹽祭酒生公十九年而歿伯偃寒公偶逾時乃娶黃孺人公偁偁謹事諸伯俛而戢拘朝簪殮而夕量饗念兩大人未就土而伯氏逋貧病曰是在我乃盡黃孺人裝買城東高敞地身負土先傭作夜則馳歸鑄斤擲求稌穡為旦日計逾三月而就將窆伯氏尸虞酹酒而已又自作倚居于塋之右十斛火然後歸人指點石累累山嶺者為孝子礫亡何喪方孺人不煩諸季謂季無以資也公詎溫厚于伯季哉獨天性摯于人倫無二心孺慕奮前力以義涌佼佼為有財矣兩伯及兩季皆無樹類獨仲檜舉一子曰榮徵苦繼母年十一逸去猶之乎焚斂耳突盡如掃沁沁視公瓶中粟至于伏蜡執俎及里甲輸攢而倚公公有卒而辨

者有期而貫以共者總之不賴昆弟即里人不知毅齋公有子而六又怪公不能作黃金而徒手豪也伯椿年八十在牀公亦逾艾矣猶躬煬竈具漿醅松中天檜死于酒二季皆先公歿公所為生死事悉無憾榮徵既逸公跡知在始興有子晉胤晉肇俱補弟子負大喜日夜圖其歸曰余夢寐睇子自始興來也檜有女二公咸兒遺之乃尤异者伯病肺公亦病肺伯瘡公亦瘡伯瘡公亦瘡伯瘡公亦霍然人賦而為之語曰天性相屬眎吳叔即二三同氣靡不心德公至祝後身出腹中也鄉里當望廬質成公根本分明之各意得解去吳叔一言立辨今季路不死可不謂情信移人之亟哉嘗過錦亭獲遺金稱病邸中也有譁呼怔怔然來者曰余售田二百鎰而蕲免余病姪楷也天棄予哉公笑曰子免吾病者也舉囊擲之人謝以半公曰是不使余與若子獨半瘡哉掉頭而去之辛壬間倭大訌泉人乘城闔奔者流為餓草公負郭而聞啼輒繼棄下食之寧身乞隣以克曰家不炊猶安居

也孰與是悵者哉二事具旌善扁中夫公起落落窮巷為生難而廉取豐施較然立大節非性好之安能浮矯為也其後閭師序長言之監司郡大夫賓之以酒孫直指署其行于郡若縣之旌善亭曰齟聞純孝晚薦友于蓋實錄云泉之旌善自國初逮公再耳而勞中丞沈直指表以棹楔總先朝朱則文等合十五人顏其額曰孝義樹之南街副在膠庠以徵後之脩垂者焉公三十九始舉侍御又十年舉次君晚矣然不以愛弛教夕試誦通喔嚶

味鳴文集

卷十四

四十二

與夏楚錯施旦今就外必求名師友苦筋力奉之一日從所親北游燕負數篋以歸詫人曰贏無算矣人意吳叔居奇貨發滕則百家言皆笑吳叔老而悖生匱一錢而望其子以枯竹起公不答舉篋授侍御曰兒為乃公解嘲迨癸酉侍御舉于鄉侍御雖遂而公程督猶嚴然躋公車則無幾微色謂進止固有時耳居常誦李仕謙之言曰陰德猶耳鳴已獨知之人無知吾生平為德非望報愧自知耳使爾異時服官無忤斯稱指義哉自是釋家政

而日從十餘公結社稱洞外田更倒尊疊計陰晴以為樂比病革以二篋投火中曰此吾家所有可勿留也蓋折券云又手其幘示諸子是若輩冠我也若輩無負此時庚辰八月晦年七十三侍御以公歿之三年成進士讀祕書為今官龍徵名次麟徵郡庠生女二長適陳敦遠次適楊日焜俱前歿皆公經紀其家龍徵娶曹鈺女生三子五女麟徵娶陳珂女生一子三女墓在清源山負良揖坤以萬曆庚寅十一月十七日癸亥未余得吳子于

味鳴文集

卷十四

四十二

委巷中吳子負奇氣而視其人峪峪栗于道義則公之教行也公不死矣銘曰嗚呼有吳延陵崢嶸金贈披裘國捐敝屣既銘杏壇乃蟠梅里有遷來閩復其德矩維孝義生身涼行僕莫父與母子而封樹有伯與季歸焉檣柱褐玉自貴贏經自喜金屑為病予胡給眦翼短足伏味戢足响匱財之慈厥慈莫園罔欺暗漏爰聲戴履布衣棹楔貌名後紀孝弟神明仁人世濟余非尼父載銘吳砥

郝廷符父母墓誌銘

郝國章廷符有其曾祖祖父三世之葬在都門南嘉靖間城為郭而葬入其中於是廷符奉其母之喪自梁來不敢入國門以與父合改卜地得東去十八里曰通州安德鄉之原者將以十一月廿四日合方廷符舉萬曆二年進士也一貫實任之熟其世廷符父威之沒于癸亥久矣而京師人至今求威之蓋威之世受醫續斷骨北人逐與馬傷則求威之故廷符雖舉進士而旌其居猶曰威之比不死也威之有士行十四而喪其父如成人母常

嘆鳴文集

卷十四

四十四

病人謂疾善染少自愛君謂即染死不失為子即不染幸不死不可以為人竟百餘日不去亦不染死母甦惟君與婦兩人侍母曰吾嘗謂此兒弱兒不弱哉其為醫善以術輔仁有聞者死還執其人去君診死者可活也還好功更恐君君正言曰活一人得兩人之命汝不欲哉卒活其人又一少年舞刀刺人腸流出于地君徐而納之加善藥踰月而兩少年來謝曰我輩公子也君有上醫之心故名流于遠太孺人者郭姓天津人父郭公聚以郝

君才而女之自為婦輒代其姑稱孝敏姑有女嫁劉鵬而甚憐太孺人每進食必羸虛橐于旁姑所嗜則饋焉太孺人少小姑數歲為嫂終身不敢與小姑齒廷符屢不試母必慰之其試也母更憂之懼廷符嫉惡甚不可以為牧廼廷符一為吳再為封丘而皆以善聞太孺人可無懼矣郝氏本太原郝鄉人學士經仕于元自潞安徙北平諱思信者有寵于成祖賜名普常是為太醫正骨科始普常生瑄及琳瑄英廟時以醫至錦衣百戶琳至

嘆鳴文集

卷十四

四十五

院判院判生御醫禁御醫生儒儒娶陳氏有三子銳鑑銳鉞則威之也弘治戊午生享年六十有六廷符遂時君已卒而又四年贈今官又三年為萬曆九年而太孺人卒距生戊辰得年七十有四廷符惟一弟早死一女弟適李仁仁以是年死而太孺人甚念女故不起廷符娶錦衣楊審女封孺人子曰胤京女一許嫁進士浦卿子未許嫁者二人銘曰燕之有郝原本學士黼黻旃蓂蔚彼國史韞積奇咳表延代祉救滌橋引補天刊理學學贈君

服此善技不寧惟德亦泚其裏貽厥燕翼休復世  
美于歸大陸隱麟麟嶠奮榮隲祥方滋未已

蓬溪縣知縣累贈奉直大夫都水員外郎賀

### 公墓誌銘

楚賀君幼殊為都水郎時辱臨不肖使其二子問  
業二子恂恂疏布所師余鄉人言賀之庭訓也賀  
君謂其子吾為汝伏謁太史公製一縉退必篋之  
毋揚揚壞我家法夫賀君世家二子綺歲而雇雇  
若此昔劉琨不以肉食食其子賀君似我余每誦  
嗟鳴文集卷十四

四六

以誠余子云既賀君仕至臬使從滇南訊余曰先  
子葬二十有四年而未有珉請屬子公諱表字君  
立其先趙宋王孫也家湘潭入元有八十七郎者  
贅賀季家遂冒姓至應紳徙湘鄉又至奉直大夫  
潛入國朝潛生從政知鶴慶府沒而祀鄉賢名宦  
兩祠潛以其貴稱奉直云鶴慶生引禮官元嘗為  
掾去之稱隱君隱君娶張氏生公十七而補弟子  
員督學楊使君文卿余鄞人也於長沙獨才公與  
益陽夏寶夏上第而公亦舉甲午時湘鄉之士希

遂者公得舉傾市觀之以為旌復困春官癸丑及  
長君計偕復北而謁銓得蓬溪蓬川之瘠邑也又  
旱賦不可辦而使者旁午相持公謂古者用一緩  
二今不能竭澤而漁寧以身救罪於是民樂有父  
母而忘其歲越二載竟以事忤直指左遷觸炎犯  
潦而東歸痢作卒于長沙年五十有四其冬葬縣  
北萬歲冲又十四年而長君貳汀州考贈奉政大  
夫又二年為都水員外郎會上登極贈令官公  
故饒于產直芥視之而不厭麤糲削迹城市督耕

嗟鳴文集卷十四

四十七

課子弟發憤六籍父性嚴將承竭其力而二弟曰  
衣曰襄並資之游國子蓋孝友天性云湘水出珍  
漣山稱漣川居士娶湘潭羅秉章女生長君更娶  
同邑卜經歷女生次君季君長君即幼殊娶譚氏  
更娶宋氏次君幼學廩生娶葉氏更娶蕭氏季君  
幼鳴聰選官娶喻氏女一適萬年知縣龍應河孫  
六謙娶王氏敬娶尹氏俱庠生諧娶葛氏儀娶林  
氏詳聘龍氏慶保幼未聘孫女四銘曰天水濬潢  
夷為庶姓姓復不守婚媾為命宜有令聞奮揚前



烈嗟此蓬溪不忝貽厥一吏凋邑拊循疲氓均歌  
其利或害其能雖不究施尚有來嗣煌煌繼承聲  
稱鼎熾誰謂木拱英靈在今雕鏤形似以慰子心

家鳴文集卷十五目錄

墓誌銘

張明成父贈公來齋墓誌銘

張明成母陳太淑人墓誌銘

鄭邦章大父墓誌銘

寧波知府程公墓誌銘

崔御史母劉氏墓誌銘

范處士暨配張氏合葬墓誌銘

袁體文墓誌銘

家鳴文集卷十五目錄

高誠初墓誌銘

管世臣父贈給事中管公墓誌銘

慶士梁雪松暨配合葬墓誌銘

贈鄧縣知縣華公暨配墓誌銘

工部主事李適菴墓誌銘

兗州知府朱寧江暨配合葬墓誌銘

李子靜御史墓誌銘

貴陽知府龍泰渠暨配墓誌銘

江西僉事徐子器墓誌銘

吉安知府三岡葉公墓誌銘

通許令錢君墓誌銘

明故江涪陵公墓誌銘

家鳴文集卷十五目錄

喙鳴文集卷十五

四明 沈一貫肩吾 著

墓誌銘

張明成父大官丞贈翰林院編修來齋墓誌銘

南昌之張以醫燦大燦精其術又仁歿而顯靈于鄉至今鄉人祝神聖張先生云子昇世之遇貧人藥不請而給常陰施錢病簣下種德如此其先汴人也勝國時有宜春今景福徙南昌至昇五世矣

喙鳴文集卷十五

昇生瑞瑞生元春弘治壬戌進士梧州郡守內子江夫人生三子而來齋則尤氏母出名賀字懋脩少而愛江夫人晚多病尤氏母攝食指繁三兄皆長兄也而梧州嚴母譙讓則母子跪謝霽而後即安嚴事諸兄躬菲薄未嘗以愛私自童子稱孝弟矣補弟子員為太學生五舉不第拜大官丞旬日致仕歸或曰何亟也公曰大官之養遙不逮親孰與城南二頃田時梧州及江夫人皆前卒獨尤氏母存娟娟思之故執喪甚哀忌日為小兒啼春秋

上冢風雨必躬舉事必曰禮何如世俗不足法公為人魁容易衷善名理雖褻足世塗然四方屨常在戶而公遇之貴顯與村畝等虛往實歸受弟之業不為程曰吾安能牛馬驅子有少年齟齬公避之謹此人後罹禍幸其敗者跡事至公公終不言初梧州不究伯氏搢里先生布衣而談當世嘗與公上下議論若家事然立諸子而聽之公又日取邸報潤色以耳目起嘉靖癸卯迄辛酉以授諸子及公後十年而子位為太史脩 兩皇帝紀多采

喙鳴文集卷十五

父書云公生癸酉距辛酉五月病所居夜浮動有光柱後聲劃然蓋異人也享年四十有九贈翰林院編脩配孺人陳子三位其長次佩次化皆諸生女二一嫁諸生葉懋一嫁知州趙來亨孫男大經大緯大圭大辰孫女六墓在鄧家埠鳳皇山之原一貫與位及來亨同舉進士為之銘銘曰世言老子以閱世久實不然道生天地吹累萬物蓋大旃邈矣貞人隱鱗歛采守我玄得全全昌昌其世胤視此肝

張明成母陳太淑人墓誌銘

豫章張明成母陳太淑人卒緘鄧太史狀百舍重  
趺來徵銘初一貫與明成同舉戊辰輒不知氣味  
授也已秘館共居食者三年守史局直講幃一  
動靜必俱洞心達腸吾兩人膠漆也於太淑人為  
通家子聞其家政勅勅善題目人無所失不入品  
戒其子弗得游一貫居恒自嚴惠明成與其太淑  
人吐也廼離索久矣而明成來屬豈尚齒於賢子  
母邪不然明成安能以不肖人語殉母哉太淑人

張鳴文集

卷十五

名家女祖方伯陳公奎父工部郎冠皆祀學宮而  
母張則學士東白公女也年十八歸贈侍郎來齋  
公為南洲太守少子婦嫡姑江淑人而贈公所生  
為尤淑人太淑人居兩姑間具得其歡心江淑人  
之喪昆弟析產久矣太淑人曰予生事之未敢有  
異也忍以死異哉盡出所有佐費尤淑人春秋高  
扶左扶右不去側疾則以身禱喪益虔故尤淑人  
祝天願報新婦如古崔氏母贈公兄弟友甚而太  
淑人在姊姒間亦過自婉巽析產時田取其確者

張鳴文集

卷十五

屋取其陋者器物取其苦窳減獲取其擁腫者贈  
公知太淑人願之也贈公好施然不喜治生至假  
屋以居而太淑人從內持之不乏纔年三十曰吾  
舉子女矣輒以莊見日相與掃地焚香誦內典策  
發諸子贈公以慈而太淑人更嚴其相佐如此其  
後從明成在京師日有訓辭明成每直講輒迎門  
問所講云何於天子有裨萬分不江陵之起復  
也明成忤焉出為南司業竟不免而太淑人以為  
榮壬午明成起佐徐州轉符璽丞頃之為祭酒太  
淑人駭勉勿替乙酉擢詹事領翰林再直講筵又  
以少宗伯兼侍讀學士為吉士師輯會典成給父  
祖誥命食二品俸人謂明成且大用而太淑人則  
以盛滿為憂督之歸歸之明年再召起太淑人又  
不許明成之進退矚然為世所重固其性哉亦太  
淑人安之也江以右士大夫講於大節太淑人高  
明練於内外家之訓遂以明成顯不愧范滂蘇軾  
母太淑之素動必由禮閨以外不苟跣所御中衣  
必躬浣雖侍婢莫近時時引繩侍者有如言笑毛

毫不然終身遂不收而性又堅貞無論言可復也  
雖心所盟終不渝也待人更平恕口不言是非好  
施予聆號啼聲輒欲推哺之時市藥物施人治道  
途橋梁置義田建祠堂以收族人又戒非賓祭不  
殺蓋自贈公沒素食強半而後于舟中聞殺聲遂  
勅斷肉於羽毛螺蚌歲鬻百億縱之以為快又甚  
敬祠即非本生亦使使掃墓不輟曰是由先君子  
之道也昔者歲時乾饑未嘗敢不集也常以一榻  
習靜得定力晏然而逝春秋七十六矣五孕皆成

梁鳴文集

卷一五

五

明成者長子位也娶曹洲人次佩光祿寺署丞娶  
孫氏繼朱氏次化上林苑監署丞娶余氏長女適  
葉懋歲貢為歸安教諭次女適趙來亨我同年進  
士為高郵知州孫男九大欽郡庠生大齡大夏大  
昇大興餘幼未名孫女十沈一貫曰甚矣太洲人  
似吾母也吾母不可作吾以知明成之悲也吾忍  
銘銘曰有媯洲人厥惟女師內外作型婉婉其儀  
來嬪于京敬共櫛笄克讓成美躬其拮据爰啟偉  
士授 天子書曰中興敬口不去詞進退由矩施

子適宜斐然雲錦天孫織之載道升霞體魄綿如  
雖藏于壑瑤林瓊枝

### 鄭邦章大父墓誌銘

縉雲鄭汝璧邦章為北部郎脩行有聲一日改儀  
部郎而超大宗伯之屬儀部言大父處士之為人  
也聞人善嗟嘆如不及不善掩耳不欲聽儀部兒  
時則聞教於處士曰不知為人視其鄰不知為官  
視其先吾縉雲某才而清人至今稱之某也殖私  
里人不與齒丈夫須自計久長耳百世後誰論貴

梁鳴文集

卷一五

六

賤哉縉雲多佳山水處士結樓溪中與諸名公為  
耆老會意得傾貲治酒不恡家日落意日廣也獨  
不喜殺生從漁者網中多縱舍處士父曰宗義生  
處士六月而背長於其祖祖諱鑾領歲薦為邵武  
丞後以名宦祠處士少問父安在常撫心私泣邵  
武以為奇及長繪父像日夕展拜上食如生儀又  
祠木主于崇岡岡去所居數里每旦起往灑掃焚  
香而後返治事卒五十年未嘗以風雨他事一日  
弛也得先人隻字於敗楮間寶之若數鼎過外氏

人無長幼如見其母蓋孝者邪余嘗謂世有聞人無不自其先又始未嘗不渾朴而後乃雋穎也儀部多奇其先乃若此可銘處士諱文字朝化自號雙峰主人年七十二卒嘉靖壬戌葬縣之崑山凡兩娶樊氏麻氏子重側室黃出以儀部前官封員外郎子婦御史樊君女封宜人女一適周繼組孫三長即儀部娶周氏封宜人次汝奎娶陳氏汝翼娶王氏皆諸生孫女二一適樊應奎一許士人丁元甲曾孫男二士弘士能女三銘曰峯彼崇丘冒

咏鳴文集

卷十五

七

### 寧波府知府程公墓誌銘

蓋侯吾郡者有蕩滌煩苛之吏如程府君云府君以壬辰八月來而明年二月去余奉警欵者不二三而府君之去也余方負土追而送之壩上府君別去則每每念余謂余之交也居踈而行親故後來聲聞數于在郡時而不意遽化也乃府君子雲登徵銘于余公諱文字質夫別號從野系出新都程德謀而自世祖元潭下喪其譜莫考高祖鎮學

於秣陵家焉生三子濛湘連皆諸生濛二子長即公公幼而喪其父母輒能持其家且營且讀丙子以春秋舉于鄉癸未登第授中書舍人出同鄉相國許公門新都以門第豪而公家父秣陵與故鄉不相習擯公為他程公於是乎寡鄉士大夫之援杜門塊守比考滿遷比部主事或謂公曰相君君鄉先生且座主也不能為君地耶公謝曰吾未嘗要之非公之遺之也公在法曹務以哀憐得情為政析楊不用而稱肅有憲使者下獄衆謂上意廩

咏鳴文集

卷十五

庶吏告矣公事繼母孝遇其不檢弟慈累喪其嘗累給之無勑色嘗與閩人李生者講藝而生病公脫內簪珥藥餌之生請後累公亦任之已而生不死居官每却暮夜金而未嘗以風稜填物布櫛讀書喜討故實暢時務嘗藉古今豪傑為經濟書十卷配吳氏繼陳氏張氏有子六人其三長即雲登而次雲會雲從俱十歲雲登舉一孫其壽自辛丑至癸巳五十有三沈子銘之曰何必氏族乃稱家隘巷空桑非人耶何必公卿乃稱官鵠鷄大鵬各喙鳴文集卷十五

崔御史母劉氏墓誌銘

余癸未闈中得長垣崔景榮今為御史其母孺人而以志屬余孺人本馬氏父冒母家姓稱劉氏劉與馬皆邑舊族生而靜慧好勤儉一絲縷必藏以待用有敏識數歲時即能決其家事歸崔封君時公之大父母父母咸在伯仲共居伯妻李蚤世而孺人以次操政姑性容諸子婦勃谿而孺人事

上無失歡御儕輩以禮夕膳晨羞悉取給於十指夜操女紅佐夫子讀為邑庠增廣生故其大人嘗嘆曰焉有娶新婦若此而不興者乎已更其姑若舅之疾病喪葬成掉眩之疾而舅姑之逝也遺幼子女二如之故也亦遺數歲女皆孺人卵翼而婚嫁之加所生一等其視所生飲食寒煖有節乃教即師保之嚴不過然治生生微夫子學亦中廢孺人曰天豈憤憤人不力焉賈可以生而孺可以大令景福景祿賈景榮儒諭之曰吾舉汝時有吉徵喙鳴文集卷十五

榮以壬癸間連得志授平陽理孺人與偕訓曰理官喜愠動關生死少年從政戒在任情又曰母以錢為錢令人愚汝第清廉吾魂夢安矣榮每出孺人謹箴鑰三日一入蔬水不傳一語買一物戊子榮入臺迎孺人至京邸謂曰吾眩不能與騎來榮按甘肅又戒之曰觀風者觀夫民之苦樂良賊安之而已也何用空人鷄犬為識大體如此誠敬慈仁以陰德格天每誦天長人亦長之語置產市物曰弗虧其值子孫不能守救荒賑災曰忽其出緩

其歸朔望則禮神祇宗祏無敢失怠惟不佞佛戒  
戶者勿入師尼以為不足信也間以內無事不親  
食不重味衣不重采年來里俗開粧好高髻長袖  
獨不入崔氏之門有人倫鑒善敗不爽決事愜群  
情至是病脾卒于寢年六十有四舉七子而成者  
四封公以平陽歲閏封孺人從封丙申歲正月六  
日葬城北逮家河之陽葬師余所遣者為楊弘吉  
弘吉為余得上壤又謂封公之治家肅而遇其鄉  
之人恭蓋藉甚云孺人力貧支憊手迹整理則有  
婦才孝慈恭惠動不逾則有婦德授子經術勅戒  
不爽又有婦識居然一丈夫焉崔之興豈偶然昔  
後漢崔寔母劉有淑德寔臨民政善母有助焉豈  
其裔耶何其似也銘曰家之將興必有女士食荼  
葆蓬羞為桃李眎此崔母作衿悅師孝敬儉勤不  
置其儀善必可積慈必可累紱其家麟為帝多史  
年之不長廕則有餘城北佳阡千禩攸居

范處士暨配張氏合葬誌

余甲戌預禮闈會稽范可奇在選中溫讓而文范

子成進士當拜曹郎而其父卒于家且行余誌其  
墓誌曰范處士嘗業舉子又常為藩曹掾滿歲無  
害當捧牒入京師而重去其父八十翁投牒不行  
於是藩大夫以為孝被以冠裳受之而不服有官  
弗官名為處士固當諱允中字子信宋紹興中徙  
自蘇州父吉母韓氏處士既以父老去掾家貧不  
能具甘旨嘗鬻產力作每食必躬進侍立終日時  
為筍輿與兄弟共舁而之郊兄弟皆班白或蹶父  
輟然笑以為樂父老病不能言君以意迎之輒無  
失後蓐卧跪伏床下進飲食摩搔扶抱不去側者  
二年父卒喪之有禮不飯僧事繼母凌如其母凌  
常曰吾死不忘仲夫婦也友愛備至觴咏如賓  
然皆前卒而貧叔季二氏子謀鬻廬處士曰若廬  
陋不若吾廬易廬而鬻之人傳以為難夫人張氏  
舊家女與處士居三十年目不忤視先處士卒年  
四十有七而處士年七十有一惟可奇一子婦王  
氏二孫肇基肇奎孫女一許嫁王憲副元敬之孫  
可奇之弟也人推本處士陰德云蓋處士為掾多



活人常有盜刺殺一賈人二僕于郊賈人不殊乞憐於田父田父指處士廬曰是嘗急人私者買買而至門處士入白父解衣裹創求善藥而活之棺其死者訴吏求盜抵法資之以歸賈人祈天以為報蓋處士大都長者也昌其後固宜銘曰美哉佳城范氏興何以徵之雙玉瑛三千斯年考吾銘

袁體文墓誌銘

三原人有袁體文者初為邑弟子為國子生已抱其父遺貲治鹽筴江淮間然有異喜趨人之急人

鳴文集

卷一五

一三

為言其喪不舉其不婚其不娶其不舉火其所有遺器不掩其客無歸貲其以無罪繫則當食輟筋當飲輟掌戚在其類不問其誠不誠亦不計其素無無輒傾之其貲時窮故嘗有諾責而人謂袁先生終長者若雲中善詩陸無從貧君葬其父母四明金慧光有雋才君助之娶此其以人著者也君多好從諸生講性命之學亦好佛亦好從四方長者遊又好論天下事南海湛先生天台王先生皆有書院在揚州君皆出其私錢董葺博士弟二

署其堂以報德曰喻義常被繫杭州買一老人子為奴券三日當來已不來問之老人夫婦獨此一兒不忍訣君立還券不問夜夢神君曰汝壽在獄矣以還奴帝錫汝一紀後果踰一紀又嘗與客飲奴有竊金亡者偵得之以母為解君曰汝亦念母我更贈而遣焉客曰嗟此易辨君亦為黠奴笑乎君曰假令僕實有母而吾困之曲不在奴矣江都人傳其事如此君父東稱龍溪公大賈也龍溪有女弟嫁張某無子而乞君為子比長龍溪於諸子

鳴文集

卷十五

一四

獨才君故君歸治父業居兩兄兩弟間甚愛後雖析居共其乏不憊蒸嘗其前母郅逮事其母張與繼母張皆孝兩娶甯與高妾有子者曰卜曰李甯所生者皆墀皆諸生兩婦皆張氏兩女嫁李一鯨秦嘉會卜生坦高生陞俱未婚李生女某未嫁孫男女五人君名炯稱連山主人生丙戌至戊寅年五十三喪歸三原墀墀從余弟進士一中學余亦善君為書其幽銘曰夫天下盡賈也無寧謂賈為利惟肌膚肝鬲不悔若伊人者謂非游長者善賈

之效我性命之道寔真萬物佛氏空有在死生之際嗟夫吾觀九京而知體文之所獲孰與嚮群賈多也

### 高誠初墓誌銘

高氏初有諱行周者事周世宗為天平軍節度使封齊王贈尚書令追封秦王居真定秦王子懷德宋武勝軍節度使封冀國公贈中書令追封渤海郡王謚武穆七傳而有千三朝奉宋武節大夫鎮江路安撫因家焉安撫生厚元鄉進士進士生汝

鵬文集

卷十五

十五

礪 皇明勸農官始居江都汝礪生仁仁生直贈都察院右副都御史所以贈者直有子曰觀曰某其之子銓終太子少保南京戶部尚書以前官贈公也觀生鉞有鄉黨稱以子遷贈戶部郎中遷之弟曰洵曰滂遷正德辛巳進士終河南按察副使娶姜氏封宜人有子三人栻櫛格格則署丞公也字世正號誠初憲副公之筮仕我寧波推官再佐南雄襄陽入為南京戶部員外郎郎中出守順德終憲副塞河決卒于官以清幹聞而家皆季君滂

經理有心計則大起季君無子病革寓書順德乞公為子時憲副已失姜夫人尤愛少子然重弟請即日遣無何季君卒公喪之如禮事所後母王織鉅必白母以是歡盡室聽之廢居力殖一用季君法憲副之病河上也公挾醫晝夜往至則以視歸公常以不得養為憾于是伯仲析居取其舊廬曰余從先人之迹也日延名師講業弗倦試太學高第試京闈四弗售公為人內剛外和氣宇凝重處宗族甚厚每當徭必身之衆被其德而不知里有

鵬文集

卷十五

一

誰糧于公者伺公于野困之必手券乃已烽聞之急訴于官官痛以法公顧曰糧事已白不敢煩官倭亂發聞左給軍公任之督府李公廉其能召與語始知為年家子益敬焉其後當謁選為王母年高久不行王知之數趣之乃以隆慶五年詣拜良醢丞在官八月乞終養歸復數年而母沒值今皇帝大婚推恩兩京官父母於是持牒赴銓冀得之觸病輿歸漸以痿痺猶卧治家政隱度不失謂陸曰汝能從余言博一第余死不憾於是陸詣太

學遲秋試而公不逮臨終謂煇曰久病冀復起不意竟爾汝輩有長兄在必能活汝必敬必愛必孝喪取成禮勿奢吾生平無媿心唯汝師太史公知之必乞銘太史謂一貫云而煇等奉命畢喪將以今歲庚辰八月十六日葬儀真縣陸家墩遣使來請公以正德庚辰生見白日者六十年配太僕卿盛公儀女煇煇皆公子銘曰公之死也余嘗哭之以詞余三過揚而舊遊盡矣能無悲內行潔與人忠敬賢士敦詩書雖遊於酒而所與皆正人

家鳴文集

卷十五

十一

故生死于輕心之鄉而不緇維高氏于揚最舊使高子孫皆視此斯庶幾嗚呼有丘若堂其尚敬之

管世臣父贈禮科給事中加贈刑科右給事

### 中管公墓誌銘

贈公卒後十六年甲戌葬城南新福社又四年戊寅而一貫追為之銘有四丈夫子大熙大勳大燾大照大勲舉進士讀中祕書給事禮刑二科督學四川兩為臨江延平守而伯叔季皆諸生余少與四子講德暱如兄弟視贈公父行初延平君之舉

戊午也將赴春官贈公聞然憂年明年及延平歸而終其鄉之窶人獨孺悲公沒而無所貸乞以生也有合要不決者悲天歎我平使我父于有司也耆德鯢齒之徒悲無所講其素業也族懿里連悲無范刑而慕其脩也曠不踰閑節不蠱物明我而不忤于時其贈公乎諱植字廷培曰竹西公父曰東塘公福東塘父曰靜菴公俊靜庵父曰南塘公思易思易永樂進士官比部郎以廉敏聞其先楚枝江人遷于鄞由總管可菴公始贈公母為駱孺

家鳴文集

卷十五

十一

人生四子公為次公生時東塘夢日喜曰耀吾宗者兒乎長而受博士家書病脾不能性爽愷喜論於裨官方家之說靡不殫識處稠人中時時為談非是雖里閭俠少年莫不耳化之也東塘公愛客好施贈公日夜視子錢為資而孺人徐更為挫鍼治繅不怠于內糗脯醴漿之具未嘗取他子至于今邑人謂東塘達士贈公孝子云孺人家于邑西門既歸父死母更遣遺孤良璧纔四歲贈公與孺人抱之三十年畢姻殖產於是乎徐氏有後東塘

公之病公頷頷乎醫藥巫祈卒之日哀毀其孝愛如此公生弘治辛酉五十有九孺人生正德辛未三十有三其贈則延平以莊皇帝覃恩加贈以明年東宮正位繼孺人者孫氏無子銘曰莽莽者林乎蔭蔭者丘乎天何昆乎惟善之求乎其躬之不息而嗣之修乎福履之郵乎其旦暮儵至而公休乎其茂孫子而寧獨遊乎吁嗟乎阡誰合之溝乎

處士梁雪松暨配沈氏佐室蔣氏合葬墓誌

鳴鳳文集

卷十五

十九

銘

余所錄癸未士梁銓以宜興令入計奉其所生母蔣訃泣而告余請追誌其父若母暨蔣母梁氏居杭州其先仁和博陸鄉農家福生仕仕娶徐生瑄及璉瑄字大用則所稱雪松居士者生而沉默自嚴不安農也負笈走都市讀書不就則課子是時長子鉞有雋才一女嫁葛璋亦名士公使游于儒並高等受龔庚子鉞舉于鄉公大喜同年有宴有錄皆龔金為之公一切任不龔金個儻名尤藉明

年鉞落春官鉞謂一第可唾手得而暴摧折因不起公亦失望痿痺至壬子十月而捐館年七十四元配沈孺人者鉞母也早世翁孺人繼之無出而蔣母從旁左右銓暨兄鍾弟錡皆其出方公慟鉞時翁指三子曰公課子非無見焉如命何三子在何知不為鉞公為一咲曰有之吾墓木拱矣又手三子課之然門戶從此索莫而翁視三子如已子蔣亦惟翁是依倚公卒後益以內訌又蕩于火又十年而三子立鍾省掾今為江夏尉銓以進士錡

鳳鳴文集

卷十五

二十

贈鄞縣知縣華公暨配封太孺人張墓誌銘

夫水有員折而珠玉涵焉折者玉影員者珠響華氏世世有錫土今已丑成進士者士標令吾鄧有聲而以太孺人憂去將行而過余謂當奉太孺人與贈公合乞銘按贈公諱坊字禮卿別號慎菴其先居無錫之隆亭高祖景榮徙奉塘涇是生萱萱生津成化間進士歷官叅政有繕塞功清廉不蓄一錢五子次鑑邑諸生娶于鄒而生鄉進士圻及公始徙居九里橋太孺人者張氏世居江陰疏黃村父太學生思一公母王氏始贈公以少慧愛于

梁鳴文集

卷十五

十一

叅知公而思一公從叅知為文字交聞孺人端敏通孝經小學為贈公委禽贈公少失母更母後母楊而孺人來歸宜其舅姑無何尊人繼捐館與兄析居抑抑惟兄命而孺人安之方是時贈公治舉子間以內靡匪孺人主者其後家多故贈公計不能終誦讀而務生造不逢歲力作不間孺人尤勉強力親井臼之事縣議方田則推公為方田帥議築城則推公為倡賦不入推公長其鄉之賦而孺人內給不乏贈公伉儷守高時有雀鼠之及意

不能無御而孺人從傍解忍尤攘垢豈不昂昂居人上乎故贈公以不較終贈公內行純脩事兄若父事姊若母而孺人於諸姑妯娌款款無間言始艱子舉五女而後一歲間側室李舉士標孺人舉士楨孺人妹畜李莫辨兩兒出又謂華之世不宜再隱督兩子束脩厲節食不二味衣不重采而嚴事經師若尊官夫婦躬治具進之故兩子粲粲卒成器云丙子士標薦鄉書而贈公卒至是後十八年孺人卒享年七十有七嗟生雖不及沒有光矣

梁鳴文集

卷十五

十二

士標娶倪氏封孺人士楨娶張氏繼尤氏女六壻為馮墳安希顥鄒游之浦志學黃建任蔡四陽孫男八象觀象謙象升士標出象晉象鼎象震象蒙象恒士楨出孫女六銘曰疇不勉精苦躬而能為生者乎疇不勵操勅行而有成名者乎疇不累仁培德而閱後興者乎華翁媪之有子也愈于存藏于斯丘福其後昆

工部主事李造庵墓誌銘

李于鄧世族永樂間諱山如者以人才歷駕部郎

成化間麟以進士至布政使稱心齋方伯堂以進士至工部右侍郎兼都察院左僉都御史稱董山司空嘉靖間維孝鄉進士為廬州府通判稱友軒別駕其先深州人宋丞相昉後十世孫翼仕慶元家焉翼生成成生惠是為駕部祖惠生泰亨泰亨生伯儒是為方伯祖伯儒生鼎鼎生司空司空生別駕娶宗安人生公公諱承嗣字貞立少穎慧司空愛之而司空有長兄曰郡賓公傑傑生正術公維翰稱素封雖司空父子仕宦而郡賓父子每資之以佐其廉正術卒無子司空命公為之後故曰承嗣正術之配曰傅嚴而幹公甫七歲事之不少懈十五遊邑庠二十以資為太學生道遇司空司空不悅曰吾始期汝今汝以是進邪公曰傳母命也為國學未嘗限進士司空曰汝不第毋面我于是公益勉學嘉靖壬子舉應天鄉試己未第進士初公娶于汪中丞玉生三女未有子而是歲卒公歸葬汪夫人而更娶于金萬戶楠壬戌授廣平府推官為部使者董公學所器所按輒挾以行嘗一

水鳴文集 卷一五

十三

疾重公之使不絕於道廣平大霖雨水驟至城不浸者三版公與僚崔公張公分塞之按視漂溺繫土藥于纏兩端而活之因酌河間數議以干當事者卒以慈厚行德乙丑奉內召召者上給事中次御史而公中蜚語得屯部主事人為之不平公恬然曰郎何負于我哉無何別駕卒公于別駕為本生父不得喪而肅皇至孝推恩于為人後者得給假治喪公歸以不及養為恨卒感疾不起年四十九三子皆國學弟子貞公卒時三子尚幼未葬又二十四年為萬曆辛卯而瑩于正術公之次子聞公修士云為大宗置祀田助婚與奠澤及于鄉里為人修幹望之偉丈夫而止是然無忝厥祖父矣銘曰惟郡城南一里有林鬱然秀者為李郡賓父子瑩父老以歲時登臨其間尚津津乎此翁之名積而能施死而厚葬達人之情惟屯部君本以鳳雛鬱為蛾術益隆其聲雖弗永祿而令德炳行斯忻當世之英善嗣善續宜瘞瑩于其塋美哉慈禧彌萬斯年福其雲仍

水鳴文集 卷十五

兗州府知府朱寧江暨配合葬墓誌銘

寧江朱公者諱泰字良甫始予困諸生也邑中士慰予曰若良甫而縫掖積紀焉司命可致乎蓋先生生一章而登執壇曹偶辟易然七綴而後舉又七年而後成進士也成進士時余共試春官嚴事之既又仕至二千石弄烟水者一紀餘然後卒猶未稱上壽誰謂河清難俟有志者竟成耳先生始為永年令永年衍沃然鮮陂池溝洫以時鍾洩也霖瀝涉月水瀰漲先生亟走東門稽顙于天曰下

鳴文集 卷十五

廿五

吏之罪乎下吏可殛也毋害品庶品庶之罪乎教不先也移之下吏冀土下吏不知生矣赴陽侯而已言未畢而大震城樓墮再震則城上屋石如雨水遂壅已走西門取管弱之簾數千築之于是先生力竭矣二子操其腋彊進之先生麾手救郊外民駕桴出多救多賞生者以萬邑又善涸則相其宜造數百泉得甘泉於南鄙民享其眉也以志公澤西鄙有不任之地百餘里為後渠如干遂大壤昔西門豹鑿渠十二鄴中父老子弟享之賢人之

流澤若此擢工部主事當 肅皇時有天壇暨乾

清坤寧兩宮之役大司空雷公謀護作曰無復朱君矣宣力甚多既署荊州廠曰商不出三寶絕吾緩課以勸來者歲滿為郎尋守兗州充素劇先生雖用寬理而行法不避彊禦坐彊項不能時薦以驩當路竟左官河南先生曰吾終不能向風塵中作首下尻高吏矣解組去而二三知者謂公論且明胡不少屈收桑榆之功無何有福州之命不顧云先生雅儉樸孝友既歸却輿蓋時時葛巾布袍

鳴文集 卷一五

十六

蕭然散步暇則集其五宗討先代之德而纂為譜增祠田子其支屬之不嗣者覆其惇不自賴者郡長重之賓鄉飲者五癸未獻春命子孫毋具謁為禮書倫紀之要數十餘物及喪葬之數至二十有六日初度延其親暱為十日飲次月四之日而疾九之日而卒蓋先生樂志順性以考終云安人范嫺于婦事自先生韋帶則甘毳二親蒸祠蠲潔寬先生內顧之憂嘗免身殆太安人曰孝婦也禱於神而蘇及先生計偕而太安人病每晨起焚香肅

祝于天曰傷哉不以嬖也代姑之死以報姑之德  
至庀具一無悔焉厥母周寡嫗也獨舉安人耳養  
之至死謂先生曰猶有鬼乎不忍其餒也立其宜  
後者置之田以供常事其治家無細鉅操作為減  
獲先曰吾以法子孫竟以積勞卒蚤于先生者十  
有三年筭之減則十有四年也三子皆安人出一  
化南昌府通判三娶駱周紀一范國子生再娶金  
俞一中庠生未娶卒化子二好禮廩生娶屠家宰  
孫女好忠娶汪宗伯孫女女一適李侍御子竣范  
承鳴文集卷之五 十七

李子靜墓誌銘

歲戊寅巡按遼東御史李公卒于官遼中丞周公  
都督李公暨兵使同牧咸哭如所親賻賙加等櫬  
車所經吏民奔號歛貲給力送其喪以歸余心敬  
公而止此既為文哭之因識其墓公諱尚默字子  
靜唐汝陽王暹之裔靖康中提舉元珎徙慶元數  
傳至負外公衍衍生鈺鈺生湘湘生北江公朴是  
為公父以公貴稱贈公始贈公四十無子人贊之  
娶妾贈公曰吾有二弟尚未娶而畜兩婦哉待吾  
婚二弟弟有子即吾子矣無何而贈孺人周孕以  
為瘕也而下之竟不下彌年而舉公謂德報云公  
生而警穎甫就傳不屑童子書日記萬言年十六  
則與余同游于庠甲子膺鄉薦戊辰與余同舉進  
士授確山尹縣有宦奴怙勢又多王府校豎橫恣  
苦民公並無所撓假民以帖寧有權酷錢歲金數  
百率以潤前官橐公悉蠲之又設水防開山煤使  
民不病于水火匡歲給乏採菑掩骼未踰時而頌  
聲起罹贈公艱以歸服闕補桐城桐近畿邑也奉  
給為報公為定征輸汰冗費清湖糧平冤獄改驛



亭置學田過中貴之擾苛者譏江盜使屏跡政聲  
赫著以治行高等徵拜監察御史嘗監順天鄉試  
有朝貴子闖入公法之朝貴為謝罪緹騎某倚帥  
威競囂一方兵馬楊應東發其狀公又法之帥擅  
牽緹綺去反轢主者公白簡刻于朝竟罰帥而遣  
緹綺即中丞某阿所私御史公奏記糾正不肯假  
臺中讓弗及云丁丑奉命行部遼東建旂而往屏  
一切威福之奉墨吏有解綬去者其申飭邊備獎  
厲學官具有條已而病病濕醫以為痺也汗之甚

家鳴文集

卷一五

十九

遂卒公以誠長者處官所至日月淺而惠愛深其  
內行淳備事父母煦嫗若童孺然與所養兄羔居  
若同產撫其孤如已出周卹宗黨親友人人意得  
仕雖廕卒之日無餘貲官桐城時嘗渡江覆舟隕  
五時不死乃死遠也年僅四十有二悲夫娶楊氏  
繼黃氏俱無出又繼俞氏生一子一女子竣娶別  
駕朱公一化女女字廬生梁楊贈孺人俞封孺人  
黃以格不得贈合葬于某鄉之原銘曰溺水可活  
繡斧出關去如苦于思于思救此窟嗚呼子靜其

昌爾姓

貴陽府知府龍泰渠暨配合蔡墓誌銘

龍公諱飛霄王文成公謫鬼國時公負牆焉更曰  
翔霄字潛之楚武陵人父曰贈公珣母田氏娠十  
四月而生有桂徵幼受業于楊太史長受室于傅  
文學督學使甬川張公才諸庠大司馬毛公以部  
使者主己卯賓興舉諸鄉卒業于大司成湛公之  
門美鬚髯喜與當世賢豪驩抗志自潔耻浮湛無  
所見亦游意六書六藝之林旦暮遇晉唐間人居

家鳴文集

卷一五

三十一

家未嘗跡公府率先禮其廬而後報之始為閭中  
令以嚴理稱龍父曰大吏之治貴大指而已利用  
寬吾親民昵之則滋玩而教不行也居十月而邑  
人歌之奔贈公喪既免補滇太和令滇文固疏倉  
粟相因腐輒坐守者公悉出而新之時以餘力除  
道梁津行者無弗麗江苗與阿彌修怨檄公亭之  
不煩兵鮮包直指疏公可臺垣而徵書不及擢南  
車駕主事進員外郎南戶部郎中為郎八年而守  
程番程番今貴陽也諸夷常梗道繕其關梁鄣塞

而與之約曰凡行旅見禦職汝之由汝其為予償  
不則法于是夷亡敢犯郡有文學卒史陰搆夷公  
收之以絕兵端境與粵四城接群不逞越而躡子  
以市首豹憚公不敢入躡者嘗反安順顧氏獄活  
死者七人金石司事起開府將兵之長官石懼請  
公蒞治公繫其首事者尋罷兵又拓學宮布功令  
代督學錄六郡生歷三考而時大墨張甚非金不  
徙官公焚其程書以老垂橐而歸公雖貧而赴義  
如不及同官袁鎮遠死常邸公賻而歸其襯思南

家鳴文集

卷一五

三十一

高吏目滿考驚息女行公給資斧而贖其女于時  
監司長吏率嚴事公鄉射則賓鄉約則主 穆廟  
之覃恩也進階中議大夫己巳十月以天年卒比  
庚寅季子滿秩進中憲大夫傳恭人長公三歲而  
生時月日如公皆四月二十六日夫婦如賓善力  
作以佐廉自帷薄及房皇無失色自舅姑及奴隸  
無失言戊辰冬無疾而逝蓋先公一歲也封安人  
亦以季子贈恭人合葬郡東北牛谿之原子四長  
德中竹溪庠生次德化鄉進士判徽州府次德懋

青陽庠生次德孚鄉進士為吾郡倅女一適郡庠  
生張九皋諸孫章卜亮立並廩于庠次言季襄並  
舉于楚膺進士教國子宁幼沈一貫曰龍使君之  
倅我也公廉不發私書嘗自稱曰士貴行其志既  
在公家終不受人顧指矣故難惑以非而民見其  
德余又知國子君伉伉持節槩左其官而能批

天子之鱗比賈誼劉向斯龍氏之種哉乃今志貴  
陽公來遠矣銘曰於惟楚龍有其神穴誰伊荒之  
貴陽截窠來章用譽世英翱翔處蟠其鱗出蛻其

家鳴文集

卷一五

三十二

光整民以義肅己以禮至今牂牁為 天子鄙鴻  
飛致臣方其嗣昆儉而弘施貴且食貧厥儷毗德  
奮于桑職川暉岳靈衍四為億我我吐符幽幽納  
真鬱盤翠壘千斯萬春

江西按察司僉事徐子器墓誌銘

世傳徐偃王死葬隱學山故是郡之徐多祖焉公  
諱待字子器居太白山六世祖正西安府推官曾  
大父謙謙生節某州司訓至岷府教授節生封公  
明公父也為邑諸生母封孺人葉氏弱冠補弟子

貞庚午舉於鄉甲戌第進士為同安令同安俗縉紳士分門而植自斗粟之隸陽役於公而內輸情於巨家令榻間一顰笑即蹤跡肖貌之矣公至中局外杜設誦寃之旌於廡下小民號天者自田間來立見白攫金市中者囊未入而吏已捕之皆駭公神明然公實寬然長者嘔喻小民獄必以情害為邑持鹽政爭之當道蠲其額外贏俗故情舍四民業而為奸公立法變博鞠椎埋之習為桑農結誦按緇黃之逋以寬邑人而以其餘業士之貧者

鳴文集卷十五

三

邑饒滯牘前吏率秉燭視事而公獨多暇進肯綮之俊月三試之即鄉塾師教小兒者必呼之試試可乃許大要惠威張弛相提而用民視之為慈父母而獨不能巨家則飛語構之部使者曰我素知韓令幸無他也在同安滿考封父母無何奔封孺人喪未抵家而封公亦卒服闋補河間令所以為河間省供億輕繇役者率視同安然不必如同安勤俗故朴也用異等召為湖廣道御史會江陵物故一時朝事紛紛始為釐蔽而黠者隨快其胸臆

政在臺省大吏亡誰何矣公曰夫獬豸所以觸邪也而化為訓狐窮奇不亦恥邪于是宅心若淵莫適為好正人恃以為固隨行部三輔間下令曰諸不足煩乃公惟殘墨吏漁吾民則真乃公事晨朝見屬吏從中指一人曰我知若不職狀則又指一人曰我知若某事亡狀甚者褫其綬或自解去其猶可覆茹者則為期使改吏見之若家置一御史而民不知有御史也功令臺垣缺于邑今及郡理取故使者于二臣多假而公獨否人有不堪者俄

鳴文集

卷十五

三十四

出為江右按察治水使雖右遷實奪之權也公夷然一日裝就道抵任見菜色者泫然出私餒六百金粥之江右圩而田水波數齒之公輦輅阡陌聞版築戒備民歡然望曰吾使君至矣晨不避霧露夏不避暑毒窮陬下邑將必有車轍馬跡焉而暑已著體痿踰月卒時萬曆丁亥也年五十六公性孝既貴孺慕彌切初封公嘗與不逞者隙而會不逞者病死則脅賄公倒橐賄之人謂公曰書生怯邪國家有三尺此一訊決耳何空尊公朝夕具饌

餓鴟為公嘆曰吾父脫屣博士而祭酒于此鄉也  
即安車蒲輪至猶當稱憊不起而今搶首對獄吏  
乎人乃嘆服友愛天至亡敢言析產及疾革問公  
公曰一弟二子三分之割其旁共祀事人誦以為  
厚云公弟名德二子有梗有楠皆孺人謝氏出為  
邑諸生有梗娶忻氏有楠娶傅氏女三一適傅光  
偉其二一許定海生丁從堯一許余子泰鴻俱夭  
于室孫男四承勲承烈承熹承照已丑葬李洞山  
之陽銘曰胡太白之巖巖而毓君胡小白之谿谿  
而塋君君大用于鬱壤豈天之戩以穀君

吟鳴文集

卷十五

三十五

吉安府知府三岡葉公墓誌銘

嘉靖初大禮議起吾邑豐學士熙爭之成死王太  
史相死杖下葉公為郎杖不死竟淪于陳洸之獄  
隆慶改元有詔卹枉者而豐公贈少宗伯王公  
贈尚寶少卿官其子惟業公莫言恩弗及談者以  
為缺事乃其孤萬景自拔于進士如其官天道蓋  
未爽哉公諱應驄字肅卿姓葉氏鄞人也為人勁  
峻長身朗髯釐言有序年十五補縣學生正德癸

吟鳴文集

卷十五

三十六

酉以春秋魁于鄉丁丑第進士授刑部主事直京  
兆訟牒文無害已卯從諸郎諫南巡繫闕下五日  
杖幾死轉員外郎郎中益練于法權貴憚之為尚  
書壽光趙公所知肅皇帝初張桂倡大禮議方  
霍和未決而席都御史方被論附之擢禮部尚書  
公從朝士伏闕爭復下詔獄杖幾死于是有潮陽  
陳洸者緣為吏科給事中訐其知縣宋元翰元翰  
為錄以辯冤而潮陽男子林鈺寡婦賴等蠶起詣  
關吏部出洸為僉事將斥之洸乃上書感答璵璣  
而劾吏部尚書喬宇選郎夏良勝得復官而良勝  
左矣因擊大學士宏尚書金獻民趙鑑侍郎汪偉  
吳一鵬朱希周郎中劉天民薛蕙余才給事鄭一  
鵬皆目為邪黨當誅已復擊吏部尚書楊旦郎中  
劉勲上為罷旦偉蕙而逐天民洸得氣吐鬱無  
虛日於是給事中趙漢等御史朱衣等交彈之御  
史張日韜戴金又特彈之而御史藍田以辯冤錄  
進都御史王時中請罷洸回籍聽撫按問不許洸  
因訐時中朋黨令撫按殺已而請遣緹騎往冀緹

騎可以私也於是命公與錦衣千戶李經往公往則與經指天而合御史熊蘭余相叅政李銳叅議汪思副使胡璉僉事施儒知府唐昇等雜治具得洸事問知縣寃狀曰洸元翰父所錄士也元翰始至稚善洸後諗其譎疎之而劇盜曾鉅頭嘯聚千餘人洸與交通有司督捕急則為乞撫比數撫數背洸事頗泄元翰決剿之而洸復以撫強元翰竟破縛之得洸手書隙遂成令其子更訐元翰受盜金當元翰成賊多不得遣副使汪鉉廉而釋之去

家鳴文集

卷十五

三十七

之日民為樹碑以表義憤云公奏洸貪淫無厭獵人婚姻半人田土有鳥獸行其子擅殺人污穢縣官而橫嫁以罪陰蓄亡命鹵掠人財為盜賊淵藪臣勘其卷多至一百七十二宗除赦前及疑暖者勿論當論者尚十三宗連繫三百餘人凡二十餘年間坐累死徙者數十餘人洸當重典初公在廣時洸使人詐為緹騎偵公事以嚇公按察使張祐副使孫懋執而詰之公益怒凡七訊而後成而洸亡詣闕下誣問官皆議禮黨而葉某為之首於

是上持洸獄欲再下撫按而巡按涂相奏達至尚書趙鑑副都御史張潤給事中解一貫御史鄭本公等爭執奏而下郎中黃綰當洸死席數居間不得則嘻曰且及我矣救之未報而桂與趙尚書詈于朝尚書以聞上不問也時方傾輔臣而張學士尤用事因要之傳奏言洸議禮臣也嘗劾大理卿湯沐爭之不聽趙尚書解給事及主事王鳳靈等更爭之不聽御史吳鑑言璵等墮洸計

家鳴文集

卷十五

三十八

中而不知報聞亡何進大禮集議加恩洸而家屬並從青宥矣丙戌遷公告安知府隨奔母喪丁亥洸為廣東按察使周宣潮陽知縣伍鑑所急亡京師令人上書誣公鬻獄掠殺人而宣鑑輩朋黨陷已桂為之請盡械前後問官詣京師而罷張祐孫懋官夫威怒出特旨非法司所宜請也桂請之異矣而吏部侍郎方獻夫又請再勘曰宜遣緹綺乃遣千戶陳紀往而公是時已就逮下詔獄踰年戊子紀上獄詞皆洸所自為者九卿廷治之對曰驄

所持者三尺耳必欲直洗惟諸公顧如神明何黃  
霧四塞弗竟明日又大風拔木詔修省勿用刑而  
公在廣時未嘗鞭一人賄事亦無跡死不承乃當  
奉制按事不實律為民而絀降二級調遠方鎧罪  
徒藍田為民唐昇降三級遠方凡經勘官各罰俸  
而洗冠帶閑住矣又出郎中劉勲御史熊蘭徐相  
罷叅政李銳僉事施儒皆特刺洗與洗所刺者是  
獄也部寺科道大都出貴臣門下且懾于大獄之  
餘卷舌無復聲公既抱誣歸而洗事仍行撫按官

咏鳴文集

卷十五

三十九

撫按率相仗不敢結洗黨謀益切辛卯復令人奏  
公勘殺人下巡按邵函函覽卷而大息洗黨輒除  
其名令人訐御史聽囑辭連修撰蕭與成御史陳  
大器知府鄭漳顧遂又下之巡按於是御史李美  
言死者皆有狀非勘官斃之洗言妄刑部尚書許  
讚言干上曰是情白無可覆而俄有旨以為驄  
首釀冤獄遠戍遼陽鐵嶺衛蓋令也非律也而函  
大器與成坐賄囑漳遂坐規避矣自洗事起士大  
夫罹禍者未易更僕猶僕狗之無弗噬而公最鍾

咏鳴文集

卷一五

四十

毒云壬辰道姑蘇聞守且治具遂解纜去守追之  
不及遣吏致餽雖食餌弗受其介如此事具吉安  
陳公良謨見聞紀訓中抵遼常籌殫事暇則與士  
大夫論經史甲午皇子生大赦而洗黨未潰不預  
丙申上覃恩天下刑部奉詔錄戍者一百四十  
二人有赦有留而公幸在數中得釋歸戍戍明堂  
大享禮成復冠帶馬公為人骯髒負氣節嘗以三  
綱為己任自謂可托孤寄命也與人交無貌言而  
議論天下事即敢任有力諸長吏來必問其政而  
未嘗及私倭難起曰昔陸子壽之事在我矣直任  
保聚之計壁畫海上鑿鑿當機要鄉黨倚重急人  
之難甚於己獎人之善如恐不及治家愛而嚴賜  
環三年而父始捐館人以為孝感友愛同產悉委  
所遺業好讀書為文下筆滾滾千餘言詩冲夷如  
靖節善隸書勁直自成一家所著有五經釋疑春  
秋別傳使學赴逮在獄從軍同戍諸公倡和義樂  
吟居鄉詠歸來諸藁自卜藏于太白山峯丙辰九  
月病瘡卒年六十有七父北園公明封刑部主事

母馬氏封安人娶魏氏封安人繼娶陳氏子萬春  
庠生娶包氏繼楊氏董氏次萬冬未娶卒萬景其  
最少者母宮氏早從成父之乃舉景公卒時纔四  
歲宮又從萬死中長育成就之取庚辰進士今為  
永州知府娶俞文學睿女孫男二光亨萬春出震  
亨萬景出曾孫二舜臣禹臣光亨出公歿三年而  
寧波府志列于忠節之林八年而光亨殞于中峰  
之吾寧軒光亨尋卒不克葬二十年而萬景始定  
是為今望阡則萬曆乙亥銘曰昔王金陵行新法  
鳴文集卷十五 四十一

而與舉朝士大夫為讐僉士遂踐其隙流禍于黨  
碑張永嘉之世亦然有意乎勝天下事發相激去  
者皆仇怨來者皆親戚豺虎安得不多嗜嗜安得  
不博余嘗紀金匱而悲之今為葉公志加詳余寧  
為葉公痛亦為諸公痛乃葉公有子矣豈惟葉公  
有天蓋國有天而無宋之南也嗚呼後之柄國者  
宜視此銘

通許令錢君墓誌銘

錢士鰲為其仲兄通許令乞銘曰不肖士鰲兄弟

五人而不肖最少也仲先不肖十五年不肖之在  
襁褓也仲懷之學武也持之飯之句讀也夜提之  
而朝起之不肖之侍仲若有所束而溘然逝矣學  
不能究其材官不能究其用年不能究其神庶銘  
之以重九原乎我先世本會稽天順間大叅公某  
從閩歸家于錢塘之許鳳凰山之原四傳而至先  
君濂兄其仲名夢鰲字中立廣額豐下十六為邑  
諸生八擯於鄉而嘗術者卜以曹字術者曰君阨  
諸生豈廿四載乎日且遭矣是歲為丙子以恩選  
鳴文集卷一五 四十二

於鄉比試於部試於廷皆高等試於闈入穎陽震  
川兩公之轍人謂仲久蹶不起起當平行雲霄間  
而丁丑復蹶庚辰罹先君憂癸未偕不肖並蹶丙  
戌不肖幸而仲復蹶曰母老矣吾聊仕以歡母乃  
謁為通許令居兩年不肖守六安六去許千里疾  
馳可五日達不肖迎母於六而仲謂母憐少子也  
不敢強而之許筐筥屬於途六年矣修以凶來痛  
哉仲之於許也有田疇則開之有子弟則教之歲  
大稔且水有漂於河棄於道則賑之小兒則收而

諸姬育之邑中無兒者爭請為兒不知何許兒也而姬與兒又俞俞不忍別仲哀之作送兒文許之士有咸平牧紀云仲嫂之德於不肖也先君每謂嫂而母兄而父也嫂又善婦母一時不見嫂不歡故吾母之六嫂伴而之六起居旬日而後之許嫂之許携二媵往仲嚮無子舉一子以咸平名之嫂先仲逝於官不肖兄弟間友于最篤初家落仲起文而叔起家叔名起鰲於是仲疾思掛冠叔謂我有薄田敝廬在可與兄白首遺其子兆元之許

味鳴文集

卷十五

四十三

奉之歸而不待矣仲雅最不肖母隕越以辱師門乃歿於官行李蕭然士民送之若送其父母儻庶幾不辱於師門乎幸賜之銘余悲而銘之銘曰錢於五季活人以億百爾子孫是福可食為越為吳疇匪爾宅既蹶復興視潮代汐居曰鵲鵲翔曰鳳凰顧吟秋秋和鳴鏘鏘惟孝與友施于一方豈其為政必囂之廊為子不卒有視爾母為父不卒有縣爾後雖有桐鄉不如丘首毋悲莫聞銘乎汝父

明故江涪陵公墓誌銘

江涪陵新安著姓也嘗判涪州故稱涪陵公歿十年而冢嗣秉謙登庚戌進士令吾鄆將謀窳事問銘始公歸自涪脩祖塋令高敞注念在令君宜令君念之莫可釋也公諱應曉字覺卿大父廷俊父濟娶畢繼娶黃生公幼而穎拔日誦千餘言塾師屢遜席稍長受尚書為制舉義輒傾其曹而秋比不售遂負笈入北雍時大司成虎林高文端公特加器重而嶺南李海雲以理學名討聖賢之秘藉甚公卿間復不售喟然歎曰大丈夫當縱游宇宙

味鳴文集

卷十五

四十四

自廣耳目遇不遇命也策杖出都門登岱嶽下嚴灘選勝探幽東南之暇齒幾遍既歸卜築于高皇帝駐蹕之山曰是凜凜者臣子所宜顧諟也出篋中書讀之自墳典丘索以及稗官小說無不漱精擷華會心處見對問二編居二十年有終焉之志會有以陶彭澤勸駕者就選得涪州曰游吾志也吾不喜得涪州喜巫雲峽水峨眉白帝在我挾藻間耳涪人聞公博雅就而質疑履滿戶外一時名碩如張太保嵒來曹選部芳葵咸折節下而李



侍御文軒海雲子也與公遊為昆弟驩洽之李渡江流深塹高師利厚糈往往以重載溺公嚴為之禁多全活至今猶賴焉判務原簡及攝棠城自矢士如處子清白是基一切自下封上秋毫不染居恒好吟咏然曹事不廢也乃竟以游北巘一詩為忌者所中詩云四壁青山應笑我一官白髮尚由人梵鍾不省邯鄲夢金粟誰云是後身蓋公嘗游棠城報恩寺林園宛然在目扣其開山師字同名生同干故云而忌者云誰縛汝遂老公性至孝侍

唯鳴文集

卷十五

四十五

而不踰養覃論夷可以芳馨不窮矣鯀禹之際若親見之州吁而下悉中肯綮蘇季嫂妻又何料俗態之深摯也東蜀諒賢達之孤情四子標文人之知己持此道以應世真可泣鬼神通鄙逸若夫談天眇論不詭往賢顧八荒之遠見聞希有以余所聞于西極利君者尤異惜乎未相見也諸所持論大恢常目憶窮三篋譚極五車末簡惓惓于撰述嗟虞卿悲子雲思悠哉桓譚曰必傳子亦云然斯可想見其為人而論公之世矣宜令子之治我超

唯鳴文集

卷一五

四十六

卓如此必此而議國是贊廟謨庶其有中夫公生嘉靖庚寅正月十七日卒萬曆戊戌十月十四日享年六十有九初娶吳孺人繼汪孺人子三長即令君娶汪次秉羔娶程次秉薰娶潘女二男孫三玉冰玉波玉荷女孫二以其年某月某日奉寔某山遂系之銘銘曰不慙材諍安名丈夫爰塞爾儒亦剖厥瑜驥首天衢什不一紆終有神駒不承考謨以賁黃壚

喙鳴文集卷十六目錄

墓誌銘

禮部員外郎典內閣制勅房事顧君墓誌銘

樂安丞陸和叔墓誌銘

南京禮部尚書孫公配楊太夫人墓誌銘

屠漸山配項宜人墓誌銘

沈徵甫母吳宜人墓誌銘

王懷棘父母墓誌銘

劉柱峰墓誌銘

喙鳴文集卷十六目錄

喬玄洲暨妻合葬墓誌銘

許鴻川墓誌銘

沈芷陽墓誌銘

長垣崔封君墓誌銘

定國徐西亭墓誌銘

陳羽泉墓誌銘

泰寧侯母夫人墓誌銘

余僧果墓誌銘

贈鴻臚伯兄斗門公暨夏孺人合葬墓誌銘

喙鳴文集卷十六

四明 沈一貫肩吾 著

墓誌銘

禮部精膳司員外郎典內閣制勅房事顧君

墓誌銘

余出入承明廬識錫山顧元濬丙子戊寅往來吳中又交元濬父九華先生九華先生攻詩喜山水手藝花木于惠山麓曰黃公澗者觴予其間後十年而九華瘞焉元濬甫五十加四尋亦卒何遽也

喙鳴文集卷十六

君雋雅溫夷典筆札于石渠校閱世穆兩朝實錄及大明會典辦理內閣制誥兩房事預修玉牒時寫篆冊寶拜寶鏐文綺之賜自國子生試中書舍人滿考為真擢大理右評事又三滿考陞右寺正至禮部精膳司員外郎國家革中書省而存其舍人機事歸內閣置兩房簡舍人以充舍人官七品積勞加他官重之有至尚書者後稍為制止四品而服俸無所限如顧君皆加銜實典中書舍人事也君周慎不洩得相君心常以父老請告而

申公余公許公交持之不許王公新從南來君祈  
王公而王公言吾過梁谿見汝家封君未言欲子  
歸也為柄事者所嚮如此識古書畫彞鼎且能急  
人難門多長者轍內行修飭居家庭姻族昆弟間  
備有恩錫山之言孝弟者歸焉終父喪再入京未  
拜命而沒既瞑更視其子曰爾祖置合享田令宗  
子世世守勿墜載在邑志我死小子勉之蓋君之  
先由晉尚書君叔者令無錫命一子家焉九華創  
祠于惠山合尚書以下十二室享之而置田若干  
畝以屬元濬故元濬死猶囑如此所娶呂孺人上  
舍呂小泉女而太僕少卿思泉孫女四子林本禾  
皆太學生采順天府學生二女適胡元揚李芳春  
孫男四葬在南林阡君名祖源元濬其字別號復  
惺九華先生名起綸鬱林州同知封大理右評事  
娶孺人楊而生君九華三子君其長九華父為鴻  
臚通事可文世父為柱國光祿大夫太子太保禮  
部尚書可學所後父承事郎可賢世居邑之芙蓉  
山遷泰定里銘曰惟國家大本在樞機所用必才

東鳴文集

卷一

上

如顧君者蓋其人哉衆方儀之何遽逢其災嗚呼  
斯阡我心孔哉

### 樂安丞陸和叔墓誌銘

陸鄞之望也自大司寇康僖公亢宗其後第進士  
者九人舉于鄉者八人以貴雄于里者視此然子  
姓亦稍稍怙寵矣遂巡大訓如樂安君者足述焉  
君諱激字和叔先世蓋敬輿七世孫評事忻家會  
稽又七世升之提舉市舶家慈谿又五世元家鄞  
之月湖西元三世而有應吉應吉生瑜是為康僖  
公其次理贈兵部員外郎理生堙堙生仲仲生福

東鳴文集

卷一

三

州府經歷銑娶于錢是為君父母而君側室周出  
也穎異福州常携以諱客大中丞定齋王公字焉  
五歲喪福州輒擗踊賴錢母護持得不毀弱冠入  
郡庠已游太學而喪其二母于是嚴伯兄夷庵君  
以所事大人者事之析著辭多受寡喪之蔬布決  
期喪其仲明湖君又然撫諸姪如己子而女兄為  
南湖余太史婦者孀且貧購椽居之割貲奉之卒  
而後已蓋篤于孝弟若此所賑恤者于昆季伯叔

不問疎親也于鄉黨姻戚不問識不識也景著者族兄虛白老無子挾以同居時問其安否稍宴起親剥啄呼之撫摩起之死而殯之疑于同產云宗人有析居者必曰使和叔主分又善貸于人之橫施者若無有即其人麗于罪猶謀所以生之負錢者多火其券謁選為山東樂安丞丞卑秩多自汙而君獨重丞後刑罰先教化節孝者時分俸賑之惡少李邦卿群號十虎令捕之不能得君曰此威之益自雄不如以禍福諭之乃多為檄揭諸衢其

家鳴文集

卷十六

四

親戚長老交咎讓皆自歸改行矣兩臺用是交獎死囚陳印稱母病求一訣縱之期以旦日來薄大詫曰脫免可復得邪君迫然曰彼亦人耳越宿果來鄰有貴人被樂典捕者懼得罪妄繫以充君曰母蟻且湏之躬督之得他盜即所掠貴人盜也而前繫皆獲釋君假令數月聲踰于真而長子挺殂于邸哭之不起民之哀號輓奠于道者數十里是為萬曆庚寅正月而距生卒外周一甲子配為王中丞季女未嬪而中丞卒中丞子又卒太淑人周

惇惇無居而君奉之于家曰生于我乎養死于我乎葬膳田百畝舉歸之王氏孫中丞名應鵬嘉靖朝名臣有奏議若干卷散亡詩若干卷君梓行于世孺人慧敏善事其姑晨曉夕珍疾病湯藥必躬綱紀家事犂然有條歸三載而倍先業稱女丈夫云先二十年卒繼鄭孺人亦克遵業子男五挺棠檯校柳君柩歸自齋諸子刻木而肖之余嘗為之贊茲壙于郡南二十五里周學士橋而余銘之銘曰世祿綿芊我有平原資富能訓時惟樂安躬服

家鳴文集

卷一六

五

孝友斥財立義砥障人波物執度制豈其立功必顯與貴隨牒一旅佐時本理錫孝孚冥死囚可歸布德易簣簪鼓斯希政無龐茸民罔委罷解繩之亂觀風嗟咨澤留觀還或賻或啼瘞德之膺後天不歎

南京禮部尚書孫公配楊太夫人墓誌銘

蓋今之稱望族也難古者父子兄弟相任今用制科故難江左尤難若餘姚孫其選矣孫自忠烈而下四世成進士者七舉鄉試者加二錦衣至都督

及貲郎博士員無慮數十忠烈子孫鮮弗冠帶者而七進士又盡巍科顯官褒然大雅立朝脩脩羽儀素德與舊祿齊衡人謂天道余觀天道則然而世之炳大義樹顯烈者子孫不盡然抑滋培灌溉力哉宰物何私焉且家所難尤難內德內德不過周旋庭宇間而衣以裏紉臺由基高家之大無弗繇世所稱刺臬饒饒未足槩淑媛之行若楊太夫人可誌也太夫人忠烈季子配季子者南京禮部尚書贈太子少保文恪公陞也太夫人上世關西

家鳴文集

卷十六

太尉至宋入于汴南渡入仁和父應解賢科起家至伊藩長史娶于王生三子五女太夫人居其中婉慧受內則列女傳諸書時涉他經史為詩麗而則長史公撫之曰兒胡不為男子雖然必字佳男子以是偃蹇數姓而會文恪公喪其先夫人韓也請為繼長史公謂忠烈不亡壻亦非常人也於是太夫人歸于孫太夫人歸于孫也於文恪為益友初文恪舉于鄉為鄉里教授與二三友課藝太夫人則篝燈侍夜手編錄助勤也既第進士守史官

歷官采司成至太宗伯所典文學諷議編摩之事太夫人綴功補義麗澤弘多今太夫人詩若干首附文恪集中世謂之班姬曹大家也事文恪母為孝婦文恪母一品夫人楊也性嚴重有矩矱而太夫人歡承之在尊卑親屬之間雖離然雖出都會而節約無華以勤勞先子婦中外家衆數百指斤如也蘋蘩之薦必膳必夙潔齊穀醴以待賓客僕饌馬芻不戒而具于文恪諸子孫為嚴師先是韓夫人有二子鑰鉞太夫人亦有二子鏞鏞女一

家鳴文集

卷十六

鏞而側室馬一子鏞太夫人鳩哺之諸子就外傳太夫人從柩內督出菓餌勞苦談藝不倦四子接武取高第雖晚節諸孫口授手畫伊吾之聲徹戶而女鏞子呂胤昌亦長于諸孫間無何而長孫如法與胤昌並舉癸未人謂太夫人成四子進士而不遺其一女也惜鏞歿耳世仕宦常在京師伯氏籍錦衣聚族而居視餘姚更如客凡三南輒止最後以鏞在吏部居數歲遽疾逝前數日鏞自文選郎遷太常少卿猶忍見其金緋所享年自正德乙

亥至甲申凡七十先以文恪封孺人再封妣人後以鉉稱太夫人四拜誥也鉉光祿寺卿娶御史錢公女封恭人鉉南京禮部右侍郎娶尚書魏公女封宜人鉉河南右布政娶尚書陳公女封孺人鉉太常少卿娶少宗伯胡公女封宜人鉉順天府庠生娶太保陸公女鉉造少傅呂公子禮部主事父孫男五如法刑部主事娶編脩史公女如証餘姚縣庠生娶行太僕卿姜公女如涇娶僉事陳公女如洹聘太學生沈君女如泗幼孫女八苑馬寺卿

味鳴文集

卷十六

八

邵公子太學生柱周參議蔣公子庠生一豹按察使楊公子秉珙參政李公子庠生劭之參議胡公子庠生正遴副使管公子庠生可成庠生李君子庠生機其壻也一未聘曾孫男二以孚以貞女二俱幼乙酉仲冬二十有四日葬月山天子命所司合文恪韓夫人祭而開壙禮也不佞與方伯同年逮識光祿于朝事少宗伯于詞林舉鉉及如法于南宮耳太夫人甚熟聞鉉嘗戒其友曰幸以札來者毋詭毋譴歷吾母而後及我慎之也繇此子

姓所交無匪人所聞無匪言質行不阿固宜銘曰舜江世族燭湖令宗英人踵起昭孝顯忠豈繫士範亦有女則肅恭夫人慶祥舄奕縞規衿禮慕德組文輜駟命富浣濯當貧光輔夫君翼風宣軌貽穀多男方轅結趾既女而儒亦慈且嚴班左庶匹文孟將參寶婺俄沉九原是即曰附伊何月山之域我其銘之勒于玄宮金石流耀裔流臻風

屠漸山配項宜人墓誌銘

嘉靖中稱明德而顯於世阨於數不究者為漸山先生先生卒又四十二年而其配項宜人廼卒一

味鳴文集

九

顯於仲子律再顯於叔子方與其孫謙而昌融之業益起不佞蓋與孫謙同舉聞其概又二十年而讀其子侍御君狀是大邦之媛也屠項皆樵李聞族項之大以大司馬襄毅公而屠以大司寇唐僖公兩家璧相映矣宜人襄毅孫參政貽菴公子母田恭人其嬪諭德先生則康僖嫡子也天與莊靈通女史列傳大義甫十三母恭人卒參政公欲不娶宜人曰烏有卹女孤而鰥其父者乎逮繼母歸

悉出其母藏不私二十而遭諭德公諭德公纔志  
學耳而康僖捐館時庶兄已貴家衆壘立宜人晒  
於大幾遇事無所凝滯內外斬然事姑太夫人惟  
志是承雖所使媵婢無失嘗遵疾醫禱固功宜人  
刲股和羹以進病良已又以其間佐公讀篝燈拂  
几手機杆而襄之成進士衡驚於秘館不以家為  
皆用宜人能婦也公既文益有聲戊子以刑部主  
事典試江西宜人奉太夫人歸事竣太夫人安于  
家不欲行宜人侍而買一妾膏沐見於公曰燕中

喙鳴文集

卷一

十

遙夜差慰寂寥其婉至之致具蘭暉堂集中後五  
年公省親歸宜人字側室女若已女也復從北上  
以禮部郎滿秩受封諭德公受特知改翰林修撰  
侍讀進今官所交傾海內而尤與關中趙景仁江  
右羅達夫吳袁永之唐應德善騎從還往宜人從  
中治修醴醢而自所儲最下具辛丑念太夫人  
老謁歸而太夫人逝明年公亦逝宜人數求從不  
得撫其孤慟積經史而督之誦曰此而父所習也  
未辨色而起減獲次署夕則考其成與諸子計誦

讀與諸婦計組紉以是屠宗日起其胤子日顯而  
人謂宜人能毋庚戌仲子律令弋陽教以居官蒞  
衆之法甲寅倭難作仲子為侍御迎宜人於留都  
寇平徙郡城仲子卒於官隆慶戊辰萬曆丁丑孫  
謙叔子方後先成進士丙戌叔子按南畿見宜人  
病且留丁亥獻歲宜人視諸子談生平風示無忘  
而後登假暇矣宜人世鼎貴而閑於家婉孌恭孝  
天性篤至嘗誡諸子毋務華毋適譴毋踐減獲有  
過即不可掩再三誨令改而後已為季子買宅券

喙鳴文集

卷十六

十一

成而中焚衆議減直宜人不可曰嘗見食言而肥  
者耶有媵婦乞衣心許之月餘不來則已物故貽  
其家曰不負言吳俗好媚鬼而宜人獨不里婦之  
講張者莫窺其間晚益怙澹危坐一榻足不闕者  
二十年疾則召其女富曰汝嫺事庶善吾終屬續  
之日屏侍人獨富孺人與二女浴可謂生死由禮  
矣宜人既羹股以療姑而身病孫大壯亦復刲股  
宜人事母順而吳恭人不解髻侍疾卒死孝宜人  
孝慈友儉有樛木恩而死之日享年九十有一體

所遺者八十五封君一侍御二督學副使一鄉舉一諸嶽嶽頭角不可量也語曰子孫視汝雷復其慶信哉以是年某月日啟諭德公壙而合銘曰天不秘瑞寶發明地不秘圖嘉禾呈天地秘發元媼生孽黃孕玄殷砰砰是為屠如項娥英有斧而封式其塋

### 沈徵甫母吳宜人墓誌銘

沈之望吳興凡並浙而家者宜同出矧姚江於我旦夕近也與一貫同舉進士者應文徵甫徵甫尊

味鳴文集

卷十六

十二

人奉政公諱譜嘉靖甲子遊京師占其籍而試既第矣都人噪其籍報罷其配吳宜人故某郡守同邑某之孫父曰必仁上椽計方是時奉政父溧陽丞未除挈妻子留都門婚焉無何吳父病死獨一孀一少女宜人白大人請收其父迎其母若妹而居也蓋溧陽公旅食久姑韓嚴而奉政雅多學士游宜人兩養外內親劬劬乎難哉溧陽公之為丞也廉罷官則無所生奉政十九在外不能視舍殮而宜人代為之子比舉徵甫兄弟又宜人代為之

父奉政茂實嘗為里人侵而宜人又為之持門戶稱丈夫一日廝養子逸豪持而恐之宜人曰奴死則瘞耳且生死未可知無煩公等於是豪不敢言比徵甫為池陽理母居中佐之徵甫朝京師而宜人卒邸中惟二季與徵甫妻俞在然誠信無悔矣年四十有八所生子先徵甫者應欽邑諸生二季曰應麟應暘所生女一適諸生史元蒸一適陳大勳元蒸父某官自上大勳父太學生養正所撫諸孫欽之婦邵生景元景亨景賢俞宜人生景初聘其官史元熙女而俞宜人從宜人而養於地下也不遠徵甫再娶於童亦封宜人未有子麟之婦陳生景裕暘始娶於洪稱奉政與宜人者今天子加兩宮徽號於時徵甫為南選部大夫矣詔得封若贈云宜人狀同官郎周君光鎬所為徵甫馳以徵余銘銘曰攻勞得逸攻苦得甘終身之勤以有珈簪和婉婦師貞憲女男子孫第祿食其餘饒有封如堂母儀所函

慶府右長史贈兵部尚書棘亭王公暨配都



夫人趙夫人合葬墓誌銘

曩懷棘王公以名御史按于浙登良汰墨有范孟  
博風而每登高望遠作英英白雲天際想謂大夫  
人在堂也比拜少司馬協理戎政奏績晉大司馬  
而太夫人之問至公痛絕念先嚴未有銘也請銘  
及太夫人翁諱允武字德毅別號棘亭先山右人  
五世祖貴徙廣平貴生柔柔生玘玘生友友生翁  
父臣為諸生有聲翁亦年十九補諸生歷試異等  
而用歲舉入太學是時元配都夫人與偕卒再娶

喙鳴文集

卷十六

一四

趙夫人夫人丘縣趙公奇女是生懷棘公已而翁  
謁選夏太宰邦謨奇之署判南康南康埔郡也前  
吏染指逋賦至七八年翁一切謝苞苴請託條緩  
急示賦期期來而賦集時東南被倭徵西粵狼兵  
兵獷悍翁檄其帥謂朝廷徵爾勦倭爾毋為倭供  
餼弗稱罪予稱而兵敢譁罪爾予與爾分受責帥  
聞凜然勒其下而翁無乏其供人人醉飽去其長  
於濟變與馬燧柳公綽事正等饒州萬年令腹餉  
為機兵所訟聽者私之衆愈起徐直指急之而會

喙鳴文集

卷十六

一五

翁上謁屬翁翁置令於理而重繩其首亂郡中帖  
然因牒翁署萬年半歲而尸祝翁稍遷兩淮都轉  
運副使或諷翁益為子孫計翁謝曰老嫗也不可  
以飾而當道有嚙翁者遂遷慶府右長史且用老  
疾免時年五十有七撫臺劉公景韶為之泣且慰  
之曰君有佳兒足重無念翁歸而居數椽若旅所  
以遺大司馬者有千卷書佐於內恃太夫人不難  
脫簪珥以歡其姑翁廉則以淡佐翁儉則以勤佐  
翁既功家益落太夫人提大司馬勉之曰吾聞清  
白吏子孫必昌是在兒矣丁丑大司馬成進士為  
行人又勉之曰而父言貪酷二字當官第一戒而  
父汝師也性不喜逸晚猶率大司馬夫人甯日課  
紅訓子若孫曰驕奢淫佚非保家理有自來哉庚  
子冬太夫人痺大司馬屢乞歸不得則迎養于邸  
太夫人欲歸請奉之歸又不得乃遣其子三聘奉  
歸歸數月不起是時有覃恩贈翁兵部尚書都夫  
人與太夫人皆夫人其計也 上特賜葬祭有加  
遷異數煌煌啟棘亭翁寔而合銘曰軒軒棘亭矜

修勅已潔其深源濬為濯濟官以寒身門方大子  
乃開鉅公典皇會旅絲綸煜燭織千織縷數或先  
畸而德濟美兩配偕藏群玉萃止銘億萬年于歲  
乙巳

河南按察僉事封吏部左侍郎兼翰林院侍  
讀學士柱峰劉公墓誌銘

歲壬寅重九河南僉憲封少宰學士劉公卒賜祭  
葬如例公諱勅字仲安先興州人五世祖興徙任  
丘依金沙嶺而居是生亮亮四子季曰賦生璟璟  
賦鳴文集卷十六

三子仲曰綦公父也贈如公官高邁涉圖史一稟  
于先正人稱為天鄉公配泮人張生四子公其仲  
公幼而俊穎不讀童蒙書輒通經十四為邑庠生  
試高等二十一為嘉靖癸卯取鄉薦庚戌成進士  
得新建令新建在江西省會繁公曰吾聞積誠待  
人人必感積誠應事事必治患不忠信患新建哉  
與百姓休無為鄉先生魏都諫者高節屏居不入  
城市為邑有賢令出山上謁人以是艷談豪宗人  
恣公鞭其橫者群數百遮窘公公曰令奉天子

命長一方官不卑若等欲效宸濠反耶民號呼填  
道謂豪宗轢我父而臺司以聞詔革某甲爵慰勞  
公視事當是時公幾不免而卒摧彊宗用善政得  
民也交章薦者謂烏臺青瑣虛席矣而竟以不諛  
得戶部人攀號車枳不行居戶部為堂御雅重督  
餉薊門多擘畫亦以不徇權貴生蜚語司爵者念  
公久勞擢僉憲分巡河北道兼飭兵備澄官邪剔  
吏蠹鎮宗藩抑彊禦輕徭薄賦弭盜安民山賊標  
掠為患設經略略城之報功天子賞銀幣然無何  
賦鳴文集卷十六  
而蕭遼覈邊者為權貴嗾追劾公歸矣忠而被謗  
河南北人扼腕焚香歎延送五百里夫非直道  
不泯於民耶時方彊仕而絕口時政與親舊往來  
怡愉優游下至耕夫野老坦坦施施不知有貴賤  
也事無巨細必盡其心衆無顯微必接以禮常敬  
讓人愛濟人人稱之曰佛六十年如一日子少宰  
中丞二君並巍科膺仕每貽書勉以移孝而二君  
咸殫力奉公式穀也素彊無恙中風左枯醫八月  
不起少宰中丞無歲不乞歸八表請尤力顧中丞

撫浙不得釋而少宰以弗俞病至廢日講益披瀝  
陳情上乃許省覲驛馳歸五月而公病尚幸視  
湯藥含殮即中丞留滯浙中少減其終天之恨天  
賜也生癸未正月一日距卒年八十有一其封以  
少宰任滿配章氏封淑人少宰長子元震辛未進  
士歷今官掌詹府娶郟城尹張君女繼南陵尹鄭  
君女再繼儒官熊君女中丞次子元霖庚辰進士  
歷吏部郎右副都御史巡撫浙江娶戶部郎李君  
女繼鴻臚鳴贊張君女又次子元需娶大同守蘇  
家鳴文集卷十六  
君女蚤卒女一適少傅大學士李公孫濂孫男胤  
賢官生少宰繼子娶洋縣簿史君女孫女適林縣  
尹史君子秉厚次二未許人少宰出許聘錦衣指  
揮使李君子某中丞出銘曰惟公盛德子惠溫良  
所居民慕所去民傷天之福人得全全昌既貴而  
富亦壽且康亦既偕老伯鸞孟光亦既裕後威鳳  
雙翔厥施未究而澤甚長一丘自適紫誥輝煌厥  
而羽化言歸帝鄉山川鬱紉草樹蒼蒼斯嘗斯  
奕世無疆

雲南按察司副使玄洲喬公暨配宜人周氏  
合葬墓誌銘

始予戊辰館辛氏與上海喬伯梁接舍是年並第  
余留京師而伯梁典州從此音未嘗不在耳也伯  
梁懷康濟才崎嶇二十餘年今且切予點政機不  
得斯人為之流涕公諱木伯梁字人稱玄洲君世  
新安人有彥衡者課鹽海上家焉亞傳竹溪君晟  
六傳太學生鏜公父也贈奉政大夫母儲氏封太  
宜人公七歲善屬對十歲能文十三補博士弟子  
味鳴文集卷十六

陸文裕公器之復從袁文榮公學奉政歿如禮  
辛酉舉于鄉成進士知安吉州州與歸安長興錯  
壤吏奸如山又受天目諸泉沮洳多逋賦公勾股  
其田如師丹法水嚙城損稼大開倉出賑而築水  
科于四門捍城得無浸有豪殺人不可問者累歲  
公一鞠而服稱神君州當貢粟銀臺誤以其副封  
上有旨詰問奪公俸公曰固欲言之安吉貧明主  
奈何以口實累民也上感動罷貢粟州故多稅  
公復曰奈何與民爭錐力罷不復征公惠政多而

此其著者三載同知路安府路多宗人公進之于堂而手給其祿不逞者繩以法宗人歡且憚嘗署汾州州貢紬典機綱解者往往破產公調停如安吉時而會太宜人病乞歸時已僉憲河南矣倍道馳不及慟幾絕服闋備兵井陘井陘內捍京師外轄全晉所控千餘里蒐軍實繕關隘罷異懦獎驍勇訓習刺擊以其兵為諸道冠有白金文綺之賜災溝營卒多為合輒跳輒募礦盜竄其間公選土著八百人而漸汰之盜始盡歲旱以便宜發粟不

暇鳴文集

卷十六

二

待報可全活甚衆 上籍馮瑞所株連于公治者無慮數十家悉賴公安叅議福建分守建南弭節而盜遁為之清租省徭節費以率諸屬然不能阿直指業轉雲南副使而乞身歸歸則買扁舟與故人浮遊三吳間方欲起公而遽捐館公誼至高其在安吉路安經紀叢令黃守之喪士論偉之分田贍族為其鄉濬渠二十里鄉人德之特祀奉政公周宜人慶士雲湖女事王舅姑撫諸季在安吉奉太宜人東歸朝夕溫清如公之在側也可謂賢孝

婦矣公生嘉靖己丑卒萬曆乙未年六十七宜人生辛卯卒癸酉年四十三子三拱宸太學生娶後府都事潘允亮女繼娶太僕卿林景暘女拱宿太學生娶通判陳壽榮女拱璧辛卯舉人娶知府陸邦女繼娶知州張星女女一適太學生王乾昌孫男十合葬八灶港嗟夫士競言任乃呼吸安危機拂得失之際輒袖手余聞公為諸生時遇倭警守堦賊走東甌守者皆之東公曰是且掩吾西亟備之果西中礮而圍解比家居朝鮮船舶飄海上邏卒

暇鳴文集

卷十六

二

詳為倭耽耽視之公急呵止白當路而歸之朝鮮君臣具表謝夫以倉卒發機不爽如此真能任己銘曰謂爾塞耶名誰爾先謂爾達耶仕胡乃遭惟爾閭澤氓樂于屢惟爾儻恍解表而全用之不用葆其德玄不用之用逮其象賢千古斯丘名玄洲

整飭昌平兵備山西按察使司按察使鴻川

許公墓誌銘

歲辛丑秋昌平兵大夫許公卒于路河公長余一

歲已矣余尚何宜顧余與公同舉于鄉于南宮襟帶三十餘年不早推挽公而無以慰地下忍也公之起昌平也自謂倦游久矣小草一出惟是王父恩深未酬而叅藩再月可幸微一贈於是贈矣而有河南按使之命民遮留公直指省垣又交薦公而偶詘于計吏當量移方發潞河歸乃大歸也悲夫公許氏諱應達字伯漸別號鴻川浙嘉興人世居感化都徙城東六里街國初有實甫者以賑受賜亭號亭子許實甫生子華子華生景新景新生

鳴文集

卷十六

十一

用常用常生半山公某公曾祖也個儻好修善著書工詩年八十五半山生東岡公梧公祖也即所贈者東岡生少山公燦公父也亦贈叅政東岡老明經司訓楊州後以子綸舉進士老少山篤行方聞年不配德元配聞人泚人生公繼張泚人生茂才應達公甫歲而失母無何又背父東岡實長育而教誨之十六成諸生二十六舉于鄉猶及東岡之世三十三成進士授山東東平知州其為治崇與民休息加意教化一切供應廚傳出納耗羨皆

謹謝司鑰者而明言今不敢潤干若若亦毋自潤斷獄不深李策盜所守抵死弟勝代繫完所盜賊郡猶議戍之而公爭之免蘓虎者大猾也監司下其所誣引干州公竟罪虎而置所引不問有婦誣其叔方鞠時或俛于門執之則與婦通而嗾者也其聽斷明恕類如此巨盜杜邦雍久不得公并其弟擒之境內迹諸生徐文京善古文人莫知公獎成其名獨以爭水田忤郡守後諸邑田不效而公聽民藝麥乃大穰守益慙恨中公調遼州遼晉

鳴文集

卷十六

十二

之僻壤也而公治之如所以治東平者而出趙惟明於重辟雪省祭黃宗理之誣誤復其官周汝梅久繫不可釋則聽其輟歸生子以延其祀人稱仁人之用心儒士劉文煥貧當踐更公為免之而勸學成其名公素擅人倫之鑒于東平得孫侍御琬于遼分校鄉闈得王大理明馬吏部洙趙平谷永忠擢刑部山西司員外郎調工部虞衡司典鑄寶源局錢諸中使嚴公無敢需已司權於清江廠廠在淮上主舟稅前吏多密網取盈而公疏之行旅

無留入亦不詘清江王公堤潰守臣議開別河避之公不可堤以石公是時則洞河利害于掌中矣而擢都水郎中有弘濟之役弘濟河者實應越河也先是泗水發天長盱眙入白馬汜光兩湖中漂溺日繼公議于老堤外開越河絕河李公王公先後上其奏而朝議難之謂老堤開鑿內外受水非遠策又引白侍郎所開康濟渠用園田木堤便公析言兩策無益徒耗水衡錢而越河成則水性順侵留不足患得可而身行河四月成費僅十二萬

歐陽文忠公集

卷十六

二四

金延袤四十里至今為高寶利余曾為之記又于瓜州創屯船塢使艘自江入者曲折免風濤且甃康濟舊堤免歲修費范家口裂三百餘丈衆錯愕莫計公曰塞之感神應就功朝廷酬以太僕少卿而忌者又隨出為井陘兵大夫未幾三吳言水利改公為蘓松四郡水大夫發留帑金十萬治之初直指呂公光洵嘗著書言四郡水以五湖為腹心三江為脉絡海為尾閭脉絡不通則尾閭洩不時而腹心壅四肢百骸病故吳淞不濬不入海濬而

支河不開則千流萬派亡所輸支河開而圍圻津梁與田間之十字河不曲折又太無蓄為旱虞故公首開吳淞凡七十里次諸州縣支河又次田間小河及諸圍岸津梁一歲成費減所發半當是時主爵進公叅政公辭既優敘而病歸歸無何起徐淮兵大夫而遭張滌人憂又數年補昌平昌平雖一州而內拱九陵外逼虜有大將偏裨稱鎮而諸中涓司香者相望皆以軍為私公一切歲時餽問悉謝絕文武屬吏殿最籍盡秉燭手書值軍政大計心力俱瘁而諸材官諸中涓皆心懾公毋敢縱包荒小過未嘗引繩批根人人樂為用所修邊牆比他鎮多且堅東征調馬多瘦損獨昌鎮馬冠諸軍虜伯牙兒要撫賞桀驁公諭以威信不敢動近陵之林麓不戒于火延熈數十里公率諸將撲止軍儲先兩月給無不以為生我東征後賜公金行且敘錄而公逝矣公旁通禪觀沒時神氣如平居戒諸子勿受人賄曰我居官鮮任未嘗不斤斤豈可以死忘初志乎其曠然不滓固天性也而于人

歐陽文忠公集

卷十六

二五

死喪困阨常竭力守遼時前守繕城多費當事者急之而公持之寢為郎故人陳九德謁選得潛山今俄遽疾于公邸公親問湯藥棺殮發喪吊者至答謝如期功將履昌平而前兵大夫陳公一簡調密雲未行歿於官公經紀備至遣人道之出疆豈與夫蕪潔自命而漠然于故舊者比哉公之功大者治水弘濟之金隄與吳淞之海口並不朽弘濟在人耳目前人能頌之而三吳陰受其賜自公後海口廣下流順四郡水皆以時注潦不為災民徒

味鳴文集

卷十六

三十七

見汚邪滿車耳孰從而頌公功哉今漕渠病安得起公療之也公生嘉靖十五年丙申歿萬曆二十年辛丑享年六十有六娶聞人氏累封泚人子九人錫璜國子監生娶郡丞韓相孫鴻臚序班邦兆女錫璜庠生娶憲副沈鑒孫國子生茂榮女錫珮庠生娶國子生沈士立女錫璋庠生娶主事項承芳女錫琳庠生娶僉憲錢千鱗孫國子生象乾女錫琮庠生蚤世聘御史陳奇謀女今守志錫璠聘大理卿沈玄華孫國子生文奇女錫璋錫珍尚

幼女五人一嫁御史盛唐孫國子生洪慶次子庠生懋春一嫁照磨沈蘭如長子明儒俱蚤寡一嫁按察使沈伯龍次子庠生中畏一嫁御史曹光孫太學生如璋第三子續祖一未字孫男十一人宗淮宗泗錫璜出宗濟宗浴宗河宗汝錫璜出宗海宗汴錫琳出宗洙宗渭錫珮出宗沈錫璋出銘曰賜亭許蕃孫子啟大叅受嘉祉歷兩州再治水淮之南水湯湯白馬騰搖汜光鼓石尤飄餘艍公建議築金堤民子來畚鍤齊越河成不踰時功永賴

味鳴文集

卷十六

三十七

今頌之吳淞格五湖澍水維弛莫之食大役興合衆力躬胼胝捲沙石百世利民不識思河洛是阡宅

河南汝寧府光州商城縣知縣文林郎芷陽

沈公墓誌銘

余不喜銘人墓銘芷陽也多公之賢而高季子之誼余嘗與公同公車相得又數年而公攜其季來余與交稱季子今年為晉方伯寓狀于余曰文兄第六人伯氏最克家不行其志而未有銘也蓋待

乎作者余受狀而讀之公舉鄉書時諱今聞上春  
官更為孚聞字貞孺別號芷陽子封工部君理長  
子也工部君父按察公啓而後於按察公弟岱以  
此公兄弟兩祖岱公生而慧有遠志長以舉子業  
聞精于易時出精義佐其師顧數奇自己卯舉于  
鄉不收禮闈者七中違家難為閭左豪所凌以是  
益探篋發憤甲戌之後焚舟為期又不第而遊于  
酒人然公危棄之而危得之其雋丁丑則迫而後  
應且與季子偕也季子以公薦于鄉之後一年生

喙鳴文集

卷十六

二十八

而同對于廷夫得之有命難易之相遼若此哉公  
仕當為今今率計歲月最多減年公之年已在強  
仕外而猶委蛇歸省不欲減令得河南商城其民  
慄猾公以畫一之法齊之莫敢犯因而勞來之買  
犢者踵相籍邑故多大駟巧嘗試而惟其所欲為  
群隸曹黨相代為翼虎持上人短長上人乃更畏  
之公一朝盡汰之是時有方田之令大抵加賦者  
最公謂田即方賦莫可加今不能以剝民最不奉  
詔寧解綬以是坐殿而商田卒不方商城之戶上

上者率數姓朋之既析姓戶當下而前今持故猶  
上之罄產不償或因緣飛詭脫籍公一切釐正俾  
分籍臺使者嘉其便令傍邑視此而汝潁間自是  
無以賦蕩產者則尸祝公也公性和而峻遇事有  
執其愛民不啻嚙咻之而去嘉也務盡蓋懲鄉之  
閭左豪齟齬者故豪亦王公成耶今四年為萬曆  
壬午奉諱歸明年癸未葬工部公而公殯于墓前  
毀也距生乙未年四十有九所著有周易日抄十  
卷先配閔氏繼黃氏顧氏有丈夫子五人同寅同

喙鳴文集

卷十六

二十九

生同已同申同陽志皆茂而諸孫復英英闡出此  
天以報公也余謂公既以乙酉葬又諸孤善其喪  
所為君圖不朽者自諸孤事而方伯孔懷之痛怒  
焉不勝余故人也忍無銘銘曰其慧也若迪其厄  
也若激季子之賢爾是的爾之光季子用錫安山  
之陽爾所造吾為爾銘慰爾寂

銘

封文林郎山西平陽府推官西岡崔君墓誌  
長垣崔封公之子曰景榮名御史余癸未闈中士



也封公名聞禮庭訓字家枕鄧岡號西岡子受易為邑諸生中棄去老以景榮平陽閔封崔之世素以資雄業農其為儒自封公父栗封公生而穎異讀父書日數千言遊黌序益發憤幾有所遇合而中廢顧其道誼博聞學者宗之羔雁常填門寬然長者而視義所嚮赴之不隱疆禦至振卹孤梵不啻其身痛也內貶其家外貶其里人皆肅然莊封公而封公父亦喜得仲子惡聲不至于耳當是時封公父所有僅宅一區卒賣以事親女弟兄之子皆蒙鳴文集卷一六

封公也邑無年悉發賑置產必溢其值曰彼其父母妻子得微有流涕戀戀者乎居恒屈指度人曰其宜然已而果然在數十年後善敗無爽數尚檢柳華顛彌厲訓諸子一門之內四民之業並興至景榮勅厲尤至若七品官得言天下事出而攬轡一方尊嚴若神明得無或弗慎乎歲己亥播州楊應龍反天子遣李公化龍開府而景榮巡按且監軍事受命旬月削平之蓋李公女侍御子婦兩人媼媿契密幕中事如一手故功成易大帥綏以蒙鳴文集卷十六

黃金玉帶壽封公封公怒曰吾家四知無夜金公事無私覲奈何污我故景榮風生幕府功罪不爽封君素善飯年七十鬚眉鬱然景榮念父數告輒引大義禁曰春秋不以家事廢王事至是視師益不敢告不得親易黃然封公謂吾教子為天子誅大兇靖四國吾獨不為節俠士快矣是為萬曆庚子距其生嘉靖己丑年七十二配劉孺人有賢明操舉子七而成者三長景福娶殷氏次景祿娶劉氏繼周氏高氏次景榮娶王氏封孺人殤者四

而嘗名者曰景華景星女一適千戶于曰盛孫男  
七胤祥娶上林苑署丞王進忠女胤茂聘少保李  
公女李公即所稱開府者胤昌聘進士李焯女胤  
招聘舉人李先成女胤蕃聘舉人王養民女胤賢  
胤廣未聘昌蕃廣皆福出祥祿出茂招賢皆榮出  
孫女七一適按察使邵永春子和鳳一字通政司  
參議王永光子鐔一字國子生李雲龍子不伐一  
子庠生陳守敬子禹謨一字舉人李先成子範世  
餘未字曾孫藏胤祥出未聘余惟封公有受獨之  
味鳴文集卷十六  
行三蘊義生風令人感槩波蕩從之一唾涕千金  
無所允豫陰贊其子之節二既已服銀艾矣辭隆  
從宸不用而高諸農三士依倚道秋以就名豈易  
親哉余嘗志孺人墓今復為封公合葬志銘曰蟬  
聯之曹望于博陵矯矯封公人爵不升乘來橫經  
風秀于世懿以識匡不塞其義吐珠于澤誰能不  
含詭義若仇堙暖是甘不知其父爰眠其子清悲  
人知我峨岬身既永戢夙尚彌高遺芬可托滌  
浮彼器還河之陽文螭屬鼎君子之藏過者必式

太師兼太子太傅掌後軍都督府事定國公  
贈特進光祿大夫柱國謚康惠西亭徐公  
墓誌銘

萬曆壬寅季夏己酉定國西亭徐公薨于位訃聞  
上震悼輟視朝三日以官公孤有勞勩賜祭十六  
壇贈特進光祿大夫階柱國謚康惠少府治北域  
給東園秘器葬異數也公孫希臯奉泰寧侯陳公  
狀謁余為墓銘於戲是中山王九世孫也中山王  
佐高皇帝有天下國于魏而都督公復贊請難

味鳴文集卷十六

之業以啟定封一氏兩公為皇家東第諸侯冠定  
之世蟬聯簪冕至公用忠誠結主知受恩數又為  
一時東第諸侯冠盛矣公諱文璧字國璽父定國  
公延德母夫人張與孫公生而儀止許推教書悅  
禮被服恂恂如也少長齒胄子司成日攝之以為  
貴介子安所稟承而馴謹若是習騎射于京營大  
司馬又稱之于是肅皇帝才公典禁兵宿衛  
莊皇帝二年罷封尋僉書後軍都督事改掌右軍  
都督府督皇城諸門干楨今上為太子冠公假

賓贊冠 上即昨命公攝班首小心畏忌 天子  
固心嚮之大婚時公持節充正使其後冊昭妃冊  
端嬪冊恭妃冊德妃冊皇貴妃及冊沅懷王進冊  
端嬪為妃皆充正使賜予無筭庚辰 上耕籍充  
三公禮畢賚蟒服駕幸山陵公扈從有膳羞白金  
文綺之賜無何而掌後軍都督府五都督府惟後  
府稱要劇非勲望所信任者弗輕授是歲充知經  
筵官真克班首事已扈從大閱再賜蟒幣癸未路  
王婚充正使王之國又奉勅領其事 上既數勞

學鳴文集

卷十六

三十四

公廼特賜乘肩輿寵異之建壽宮扈閱加少保兼  
太子太保尋加太保兼太子太傅總管治之事乙  
酉復從閱壽宮賜蟒衣玉束帶各一丁亥冬以數  
代 天子郊進太傅戊子復從閱壽宮賜喜字緋  
衣一襲增歲祿五十石給三代誥命乙未復以數  
代郊進太師丙申薨 孝安皇后護行辛丑皇太  
子正位東宮冠充正使掌冠遂充太子妃納采問  
名使公無歲不代郊郊已輒受白金文綺於是再  
給三代誥命自庚辰來進士恩榮宴主席者八武

聞監試如之皇朝大國封居京師者三本異微侯  
而 上又殊嚮公所加秩增祿上尊法膳尚方什  
器銀絹奴婢之賜不可勝紀公恒整潔宣得當以  
報而深唯社稷大計數請建儲正國本他如罷礦  
稅釋逮繫媿媿為 上忠言觸忌諱軍國事若寧  
夏朝鮮皆奉詔持正論 天子雖時俞時不俞而  
終無甚拂國不可無重臣如此居父喪例不敢謝  
事哀三年待諸昆季無間言未嘗招致賓客博名  
聲而內和不與物忤不以貴倨驕人服御無所芬

學鳴文集

卷十六

三十五

華食取充味蒼頭廬兒指數千不聞貽籍人昔公  
王父太師事 肅皇帝為三公名實烜赫公光昭  
前德而益大之豈易得哉卒之日距其生嘉靖丁  
酉得年六十有六元配王成山伯維熊女封定國  
公夫人先公卒繼王有丈夫子六長廷輔勲衛娶  
張氏英國公元功女繼湯氏靈璧侯世隆女亦先  
公卒次廷佐次廷直次廷佑次廷賢女子六一適  
臨淮侯子都督僉事李宗城一適懷寧侯孫承恩  
餘未聘孫二長希臯廷輔子嗣公聘楊氏彰武伯

世階女次希夔聘薛氏陽武侯鉦女是歲孟冬辛卯啟王夫人之窀而合墓在馬鞍山之陽銘曰玄蕤朱蹕武陽之裔八葉重光合符於帝奕世戴德公滋益昌抑抑小心以植臣綱翌衛三朝總領百辟桓桓北軍非公誰職焚燎泰時攝事者度明德惟馨法宮受蕃王命肅將虔恭匪懈行庀粉斧言成著蔡雙旌條遠八鸞孔鉞垂彼白雲歸于帝鄉天眷冢臣易名具典恩賁有加榮哀不淺鬱彼幽都松栢芊芊公永憑之于萬斯年

咏鳴文集

卷十六

三二

浙江按察司副使羽泉陳公墓誌銘

壬子島夷擾我戊午己未之間幾無民而羽泉陳公令我雖饑易食渴易飲之會哉而一食飲不時饑渴不療非仁不活非肅無以為仁至難持我方是時師旅倥偬徵輸餽餉交偪而公有餘暇興學修文時引諸生親課之識不肖于塵埃中不肖弱冠能憶公之所為治者大都不以法假人不私人一物也公諱紀字仲理羽泉其別號甌寧人先世果仁為隋司徒居常州法會為唐閬州刺史家建

陽九世祖旭金紫光祿大夫守太師中書令兼尚書令魏國公高祖子林亞中大夫曾祖善安沙尤之難以功授建寧左衛右所鎮撫祖仕瀛嗣鎮撫父樞贈廣東左叅議母倪太恭人公少穎受知于袁公洪愈舉嘉靖乙卯鄉薦丙辰進士授漢陽尹朝堂以倭難調天下最有聲者于浙而公得吾鄞是時王江涇之寇雖殲而渠王直未得大師海上公所拮据萬方不惜以身蔽民之病召為御史巡鹽長蘆巡按山西擢我浙按察僉事分巡嘉湖隆慶己巳叅議嶺東入賀萬壽萬曆乙亥擢淮揚兵備副使在粵時大帥湯克寬詭殺漁浦民千人公發其罪又言之于朝抵法而怨乃集于公公乞休銓曹取旨于假後給事陳邦顏魏體明交薦之起廣東憲副未任丁內艱御史蒙詔又薦之起吾浙憲副使者交勸駕而公以父老不敢離庚辰終父喪不復仕矣癸卯三月捐館邇生嘉靖甲申十一月十五日享年八十元配朱恭人繼張恭人側室二子三嘉言郡廩生娶徐繼徐守正太學生娶李

咏鳴文集

卷十六

三二

繼熊允元太學生娶黃女三壻為雷洪邁謝丹詔  
張光楚邁司庾詔楚皆諸生孫男四武陽武周武  
祖國鐸陽諸生女孫三曾孫二天申天啟銘曰嗟  
陳公以鄧為桐鄉余安能無銘仁而肅是足以槩  
公生平發妄殺之罪雖坎壈終其身其仁足稱仁  
者之後必有興瞻此塋

封泰寧侯太夫人陳母盧氏墓誌銘

盧太夫人之舉今侯也五年稱未亡人迄于茲乃  
五十年視侯之弱而壯而強而為天子典六師

家陽文集

卷一六

三八

稱老臣夫典六師於勲臣無兩重矣而太夫人親  
見之且久斯太夫人之福履太夫人之于侯兼有  
嚴慈可書也太夫人盧氏京師人父處士君永中  
歲末有胤禱于神夢有若白鶴飛鳴庭中者而生  
性婉泚不好弄處士君惜其不為丈夫子也及笄  
歸先泰寧侯西淮陳公珣勲家享食舊德汰以為  
恒而太夫人獨謹事尊章無違色於西淮無遽言  
西淮一意服官不問家而家治嘉靖癸丑西淮棄  
賓客今嗣侯孱然孤也而疎宗黜且貪者耽耽其

旁銜侯于其吻也太夫人撫而泣曰我難一死也  
與我而父以孤屬我也於是忍死支憊所以擁護  
之者萬方長而見諸天子貂珥立朝自侯之嗣  
而封母為泰寧侯太夫人侯駸駸有聲播紳間而  
太夫人獻教之彌嚴曰吾不敢忘機揭汝無忘  
脫吻上時萬曆丙子侯提督操江奉太夫人而南  
居七年太夫人小疴侯三疏乞歸予馳傳典前府  
戊子被命居守陪京請終養請侍親陳情不一  
上意動而丙申有京營之命壬寅四月二十八日

家陽文集

卷十六

三九

疾卒距生正德庚辰八十有三上賜祭二壇合  
窆于先泰寧之賜丘余覽觀載籍孟母尚矣次莫  
如陶母湛歐母鄭皆苦節鞠子為世儀表然砢柱  
畫荻第食貧耳非必有外侮今泰寧有點宗之譽  
非太夫人擁護安所得此揭揭乎難哉或又言太  
夫人化時有異香妙音非偶然生死者矣子嗣侯  
良弼娶附馬都尉謝某女封夫人一女適庠生曲  
江孫男一聞訓應龍授勲衛娶惠安伯張某女孫  
女三一適都指揮蘭登瀛一適嘉善公主長孫許

潘祥一適豐潤伯曹允成曾孫一幼銘曰五載為婦五十載毋桃李依稀松栢長久翼子以孤立孤以茶天降貞發豈其非夫式是令子典天子旅孝慈則忠侯維在矣於太夫人斯千萬年余銘之辭以燭夜泉

福建左叅政加太常少卿致仕進階中大夫

僧杲余公墓誌銘

語云精潔易辱世用此中君子君子不悔久棄筆研不為文而吾友冥漠中望我得無銘自齠年與

鳴文集卷十六

四十

僧杲操觚互殊而相好也人謂我兩人標榜亦自疑以為少未解事姑從所好云而不謂老猶爾如韓愈張籍相為雲龍余稍黠取多而君竟中阻死之日以一劒一書贈我曰別吾老友斯足哀已君有倩曰舒泰初氣節文章似其翁狀世系生平已具余獨貌君神以發吾所欲言君亢厲貞孤必行己志派覽千古知邪正是非當其不可咲為愚自若栗獨用之性受不黨之氣吾鄉頗御史鯨孫觀察光祖與僧杲皆以氣伏人之非祥者也余姓寅

名君房字晚謂古君房盡非人而改字僧杲亦足以見君為文必準諸古峻淨而嚴核不欲虛為磅礴委蛇游衍之形豈無雄詞大篇終不瀟瀟夫轂與畫之象人久矣讀其文當知其為人屢蹶于鄉獨丁卯余賀之果舉復困南宮庚辰余又賀之君曰褒然乎余曰可三十名君不服曰倘前一觴爾一後一觴我一榜出果三十三釋褐筮仕僅十載為都水主事典造四夷賜服節省三千緡發商人為書遷精膳員外郎郎中省會試費百督學陝西諸僚皆以費不給請君獨否直躬行道無所假借雖御史首錄士考下下不顧尤慎鄉賢名宦祠諸生開秦王君曲諸生終不肯庇持大體愛名器尊尚節孝先禮義檢梃精詳惟問典憲何如人陽服之而心齟齬不堪也道繇此詘庚寅陞左叅政隨改山東遂乞骸乙未起福建再乞休詔加太常少卿致仕辛丑用東宮恩進階中大夫家居不改舊湫隘而僦負郭讀書游道其寡往來僅老諸生朱一誠內弟莊情群弟姪芳鏌輩三四人恥以

鳴文集卷十六

四十一

其文章資身樹交養聲名來徵者多謝去又多削  
業以為得其辭未必得其意得其意未必得其人  
也有傳獨行者當以君為稱首著書若干卷號農  
丈人集徵序于余余謂此當對山中桂樹栽而比  
得歸不逮矣惠子死誰為我雄談者乎君常謂蘓  
子由為其兄作志太謾余今志君亦言其皎皎不  
欺崕略耳持此道游于世宜偃蹇能卷猶可不卷  
辱將大故吾不悲其不合而幸其能卷令死之日  
有僧果也僧果不可一世而人猶名之可謂世盡

嘯鳴文集

卷十六

四十二

無道乎哉君生嘉靖己丑卒萬曆乙未年七十有  
七父文深母楊有四子君其季而父弟文湍為諸  
生娶毛無子君為嗣子主事時 皇太子生覃恩  
得兩贈所後本生始娶于莊生一子試可年十七  
卒君哀之以其長兄宸之孫鏐嗣聘袁氏繼娶徐  
生三子獻可諸生娶周都運保女行可太學生娶  
楊少叅言孫女無可聘屠太守本峻女殤女二長  
嫁即舒貢生泰初次嫁張尚書時徹孫子朋孫男  
三鉉娶朱太守泰曾孫女鉉聘屠太傅瀟玄孫女

鏹聘朱侍御燾孫女孫女三一適李主事生嗣孫  
振璜一適王方伯佐子道京一許吳侍御禮嘉孫  
道隆墓在遼湖橋之原與莊合君志也銘曰當世  
之人可與權未可與立君獨否介于石也猶推舟  
于山轉車于澤也師天而不師人毋自咋也吾徵  
諸巫咸為我懌也僧耶果耶甚善易也葆貞萬年  
與天極也

贈鴻臚伯兄斗門公暨配夏孺人合葬墓誌

銘

嘯鳴文集

卷十六

四十三

一貫備員輔察七載而伯兄逝逝又六載始得告  
歸墓之木幾拱矣而幽石未章不肖罪也先是兄  
嗣泰始以狀來乞銘茲泰始亦親杖屨于地下歲  
月幾何而生死倏隔即不肖亦旦暮人耳烏可無  
一言以詔永永按兄諱一初字伯復別號斗門是  
為累贈光祿大夫柱國少傅無太子太傅吏部尚  
書中樞殿大學士先公墓間府君之長子世系詳  
別狀中不具述述兄之大者兄生而穎敏端重能  
步趨輒脩大人儀矩屬對如響十二歲通經史百



家言儒先生遜不逮也二十二補弟子員試輒異等銳志勤脩以顯揚為己任獎進我諸兄弟咸以成儒辛酉赴省試時不肖病甚幾投卷而出會與伯兄接席毅然不可遂終場領鄉薦既不肖成進士且十載而兄尚困諸生於是從有司乞老不許已而請益力不肖度終不可奪因輸貲得請于司徒而兄弗憚也明年壬午為先贈公八旬兄自邸歸迎而謂曰聞女以綵衣上我壽甚喜遂服焉辛卯十月贈公薨逝兄配夏孺人亦相繼倏亡當是時不勝擗踊而匍匐治喪悉稟于度閭里歎服謂無其知禮云郡邑大夫交相器重以得瞻眉宇為幸何兄服闋一賓鄉飲三老然非其好也世居影泉里僅數楹而子姓漸繁於是不肖與少弟奉贈公別居而兄朝夕從舊居來侍溫飽歷二十年如一日舊居圯贈公命之新乃新仍其堂曰存養扁其軒曰思過意念深矣自不肖之秉樞也聞有獲于上輒喜聞不得為所欲為又輒跼蹐不自安或謂胡不勸之歸休則曰國恩未報吾特任吾

咏鳴文集

卷一六

四二

私耳持已嚴重慎取與慕無雜賓坐無長物服食無芬華與人言必遵孝弟念先贈公贈夫人淚潛潛如孺子值諱辰或剪掃必洒泣欷歔晚而志彌冲行彌篤曰吾雖老志無敢踰越如行百里半九十耳因自號半九翁所著有二清集懷仙歌各若干卷尤工書與鍾王季孟也家故貧業儒益貧夏孺人寔肩重而作率為諸如倡於是內外咸給課一子二孫恂恂循矩而趨寶完沈氏先世風若孺人真冢婦也已兄生嘉靖乙酉十月四日卒萬曆己亥十一月十有八日享年七十有五以皇太子覃恩賜贈登仕佐郎鴻臚寺序班孺人生嘉靖戊子十月九日卒萬曆辛卯十一月五日享年六十有四子一即泰始由邑庠生入太學仕至光祿寺署丞娶張氏男孫二延年郡庠生娶包氏延齡由郡庠生入太學娶張氏曾孫三光宅聘舉人董君應圭女光世聘進士周君昌晉女齡出光宗未聘年出曾孫女一有英未字以萬曆庚子十一月日合葬于桃源鄉布金古刹之東嗟夫吾

咏鳴文集

卷一六

四二



沈自勝國以來未有以詩書效者效之自伯兄始  
可不謂大有造於宗若夫孝奉天經睦族群戚措  
躬發口罔不由于正出于厚上無忝于祖宗而下  
可為子孫法數言真足以貌兄矣銘曰疇哉而穀  
靡所扶疇發而機儒所初疇克而家兄所圖佑啟  
後人表百夫厥有宸書賁黃壚瑱珉峨峨璧耦  
都

味鳴文集卷十六終

四十六

喙鳴文集卷十七目錄

墓表

泰州知州累贈尚書朱公墓表

常心吾父墓表

丁勺源父墓表

孫端峰墓表

神道碑

崔後渠神道碑

趙麟陽神道碑

喙鳴文集卷十七目錄

王對南神道碑

劉晉川神道碑

馮琢菴神道碑

塞文塘神道碑

邵越湖神道碑

馮芹泉神道碑

李于田父女神道碑

南陽谷墓碑

黃雲浦墓碑

劉晉川祖墓碑

汪雷峰墓碑

倪處士暨配節婦徐氏合葬碣

喙鳴文集卷十七

四明 沈一貫肩吾 著

墓表

泰州知州累贈資政大夫禮部尚書兼翰林院學士朱公墓表

朱公諱公節字允中家越之東武山其先自朱尉里徙有尚主者故稱尉至省元仲英徙郡城五傳為竹庄居士廷瓚能詩隱君子娶徐夫人生公公生而疑異成童日誦數千言居士早世而公已

喙鳴文集 卷十七

聘陸處士女家貧一第二妹幼或勸之遂娶如俗儀公不肯曰喪婚不順也既免喪始受室補弟子員辛卯薦於鄉連試春官不第聚徒講學為易專門師弟子多遂最知名者沈君東高君鶴皆發解甲科為諫議云介介自持未嘗跡郡邑郡伯宛溪梅公願見之先禮於其廬所相與厚善者陳山人鶴蕭承務勉沈參軍鍊柳明府文結社於息柯亭修古行業癸丑之北也詔選得彭澤令奉母夫人養焉邑故好訐寬則玩急則逸山谷間公務以誠

信感移不率始寘之法時倭犯江淮間楚中震動公出贖緩繕城又以小孤山為江右第一關請移守備於其所造艘置械峙糧練兵境賴以無恐江右稱多才而彭澤不逮公輯書院而躬稽其程飲食之士類以起嘗大火隨而拜之輒減為文告城隍曰吏貪污不職令之罪也神其殛我若凶喪火神安所逃責令與神約各脩乃政無爽豪有持吏短長逋稅無并民者公嘆曰吾安能置豺狼問狐鼠哉卒寘之法而怨乃醞釀矣丁巳擢知泰州泰

喙鳴文集 卷十七

本臆州自中倭而主者率浮蠹與奸市故國逋益多公既勞來之而禁一切科歛與民更始民猶有私獻者閉閣自撾曰吾以信待民而民不信我於是民浸傳語無敢干以私開府以擊豪為政揚之屬械繫三百餘人而泰亦數十人大都景鸞公以去就爭之卒得讞 三殿之役徵文砥於徐而泰當供百民驚竄公發鍰及俸餘佐之吏白入覲有際故資之鍰虛此當柰何公曰吾未嘗妄取何妄與也無念我匱矣泰有鹽場十而河淤為䟽老東

河達於揚泰壙地百餘里苦旱溢令民每百畝濬  
十畝為渠又相地為演武場習民兵儲戰具脩城  
垣移兵於周家堡守其隘以備倭居歲餘使者通  
舉之而彭澤之怨起報罷初公去彭澤彭澤人以  
陶狄二公共祠公狄公者梁公也亦彭澤令其活  
揚州數百人數百人者欲祠公公不許比去泰人  
祠之公既歸日奉板輿為歡出則與社友咏觴繹  
舊聞以課子扁其室為悠然居而盡畀其父產于  
弟曰予兄弟幼同苦猶一人也癸亥母夫人卒哀

味鳴文集 卷十七

毀有加謂越無喪禮乃定制以齋素非在五服數  
者不飯令子孫守此於是冒風寒為母襄而甲子  
三月卒三子應萬曆甲戌進士授刑部主事廣隆  
慶戊辰進士今禮部尚書履縣諸生五孫敬循敬  
脩敬復敬德敬仁蓋厝於祖塋之次者二十有八  
年為萬曆辛卯而始克葬于王字山沈一貫曰余  
童時誦公所著策約博雅君子後得其東武山人  
集讀之瀟瀟塵外人平生平以彭澤自意不媿矣  
一貫既三試試吉士為史官供講讀三十餘年與

大宗伯俱而伯子之第也復相周旋於京師惜中  
道夭大宗伯玉潤金相宗廟之瑚璉旦晚躋台鼎  
運斗樞勲名光越絕公所不盡用者當在茲也誰  
謂公終彭澤令哉

贈徵仕郎刑科給事中常三吾墓表

大中丞常公開府於我淞屬閭宇有戒心飭旄厲  
鉞而加之以共蓋 天子任臣哉比以于宗伯郭  
太史志狀來請表其大人墓嗟夫隲祥迎祉其先  
罔弗自明德始贈公諱自省字希曾學者稱三吾

味鳴文集 卷十七

先生五世祖得春從鳳陽徙武昌是生旺旺生忠  
忠生贊贊生慶慶選貢為沔令而有三子仲曰繼  
繼娶洪雅令賈公銓女而生公有異姿沔公嘗膝  
而授之書輒琅琅成誦屬之對亦驚人語沔公大  
喜曰是子旦晚絕影馳矣吾何容容作五斗米吏  
哉遽解綬歸無何聲果噪督學使者喬程相張山  
陰劉內江皆當世人倫宗而遙寵接公謂常生非  
常生也諸生上者治家法明經已矣搜述紹古相  
傳笑為繆迂又直假毫牘奏技無庸聲韻為而方

言龍龍繆訛相師以駢味耳公謂此儒者恥也而  
吾力足以兼古文識奇字乃依字母作歌予童子  
誦使之以聲逆詩詩諧韻韻索字四聲七音六書  
八體曲暢而既也制義之暇好作詩詩倣陶韋不  
繩削而雋其業若此武昌有勲帥填撫引體尊而  
某尤橫生有益而過其門者執之諸生隨而大譁  
帥恚疏諸生若而人而誣公為之倡以移中丞公  
實不預也然奮曰帥曲固願除諸生恥安能首鼠  
此禿翁於是詣學使班班言帥實噪譁諸生無罪

梁鳴文集

卷十七

五

學使計不可折試之文文瀚淳挾風雲學使大偉  
之立白中丞釋諸生而郡倅李公者因義公掃舍  
延為諸子師頃之有以百金求間于公公曰夫李  
公義我而吾翻為不義不可亟去毋汙我公以是  
謂諸侯門不可遊遂謝歸而方伯湯公之幣又至  
終不就夫士隱約難為庶而稍自愛者烏能緩急  
人矧難不由我自直非過有如公自直則諸生且  
誦是我併諸生而今虎益驕故舍曰不預而代諸  
生取予又振然不膩推此志也肯章皇緯繡上負

其君而下愧遺其寮汶汶銷聲哉惜也淪跡埋燹  
終不偶於有司而短於三十九也公殞之日中丞  
已見頭角矣慰其母曰有孫在兒不死迺今果然  
公懸弧於癸未撤瑟於辛酉終始嘉靖間而中丞  
第甲戌理南昌給事刑科兩拜命贈公如其官勲  
名未艾公亦未艾我語曰基廣則牖厚神澄則膚  
榮土沃則實繁淵迴則魚歸自然之恒理非造符  
之偶數也

贈文林郎福建漳州府推官崇祀鄉賢丁少

梁鳴文集

卷十七

六

### 溪墓表

豫章之丁自濟南遷五代時廐將映避地於是四  
世迪功郎仕楫生文質遷五溪質生鏐學于伊洛  
三舉禮部稱夔天先生語在國史子孫歷宋元德  
業科第武相接也十九世南溪少司馬以忠當嘉  
靖間著績留都配余泚人正德戊寅生公公諱運  
字易昇別號少溪少不好弄長而能文補邑弟子  
員蘇舜澤司馬蔡可泉司徒先後督學咸題為蘊  
璞七試秋闈兩中乙榜終弗偶癸亥司馬乞身公

遂棄業一意庭闈之事滌滌舞斑不得已有游雖  
經宿不能寐謂人子不可不知醫而異於岐黃司  
馬公嘗疾公不解帶不交睫者兩月一飲食樂餌  
必親嘗而進扶左扶右而敬抑搔之一夕數十起  
至骨立猶自力而司馬公竟瘳司馬公瘳而公幾  
不勝視其弟某甚愛自幼時與群兒戲弟忽病群  
兒眴走而公獨抱持求藥已之若老成人中尤相  
勉以樹立曰成司馬公之志弟素豪不脩小節公  
陰為之補遺無貶其名故司馬公絕內顧憂而公

家鳴文集

卷十七

七

卒之日弟親為文累萬言祭之讀罷痛厥誠感之  
也公既為家督代司馬公主宅三十年宗人散處  
無慮數千指而一視公即素驕不法者無敢懟公  
性廉不以錙銖自污不喜諧謔言不及紛華常面  
折人過人初弗堪終帖帖雖僕夫販子亦謂丁長  
者不喜佛觀緇黃輒唾不畏鬼嘗讀書僧舍有物  
魔其僕公移其卧於前而書一正字於其掌竟不  
來有大盜兩入其室得公公不改其度一曉譬之  
盜服去一缺望火其廬去公形求之皆得而筠州

人劉某者為盜所連懼夜以金叩門公笑麾之曰  
玉石自辨子何乃爾卒直其事無所受筠人義之  
於是梅林胡公開府吳越辟公不就王文成以良  
知之說傾天下江右尤盛公造其間而晚好薛文  
清公為人魁梧奇偉聲如洪鐘少病自五十來患  
寒辛未秋不起時司馬公及余泚人尚在以養不  
終為恨而人謂公無憾年五十有四配封太孺人  
車塘鄒公廷器女所生長此周以司馬公任國子  
生未官卒次此呂公未亡一歲時庚午舉鄉試後

家鳴文集

卷十七

八

七年丁丑成進士理漳州擢御史今為楚叅知諸  
孫立本立命立人皆諸生立會立正立兩立叅立  
悟皆幼公以叅知初考贈文林郎福建漳州府推  
官又十年壬辰郡邑諸生千五百人言於督學崇  
祀南昌學鄉賢祠次於司馬公沈某曰王氏之學  
要使人復其本心而學者失之丁贈公獨悟其真  
謂心無事勿令空有事勿令亂故其于錢穀甲兵  
綜理具周而四應不滯可謂憬然而獨信不然王  
薛之懸久矣孰能一之夫不空不亂贈公亦救學

之弊云余以為人當空我不空物而後動靜皆得其理乃稱不亂仲子來防海雉蓄遠而出之以和聞少時下急公每舉呂伯恭語最之變化氣質吾表而出之使後之人知丁氏甕天先生司馬公後云

### 孫端峰暨配墓表

孫之先唐有三司使招計大將軍岳由睦州遷餘姚之梅川宋有燭湖先生應時以理學從祀學宮元有山陰教諭原曩拒偽吳張氏命明興四傳而

宋鳴文集卷十一

九

有忠烈公燧忠烈公子三都督堪尚寶塢宗伯陞世稱伯仲季三泉先生尚寶子四季為公名鑿字又器別號端峰主人通博士家言纂晉唐法書補邑諸生改郡諸生齒大學時宗伯公為大司成公以猶子群諸胄謹守尺寸後屢試屢誥而諸兄弟遞取捷乃去而讀先秦兩漢書為古文詞東南中倭又去而論兵胡督撫延之幕不受功後謁選為上林丞改良牧典毛屬理所部民事而部民挾內堅不可問公曰上林者天子之園也若中貴人與

豪為政安用丞乃約詣中貴人訴者為越訴歲辦牲課毋屑越入羨納饋申國法以示司禮內豎撓法而司禮弗禁當以聞往者丞巡行富家爭邀入門置酒侍坐以為寵公不許曰安假此曹旁寺僧歲以端陽作佛會男女襍至公禁之有訟其子者諭以慈孝遂父子如初有殺人者前丞捕不獲公至自詣服以公嚴明奉法然非好也常曰柰何令江上梅花笑人乎廼奉戶部檄督浙賦比行署民尚速留為定均輸法戶三等課牲而竟不容於中

宋鳴文集卷十七

十

邑眉山人曾祖工部尚書簡菴公雍祖封詹事府主簿文篚父高郵州判官孟莊頴秀智慧多解通工小楷語不安發宜其姑而居諸如末又宜其諸如善持家察僕媵之能出入置手簿課算不失毫髮後多病公載孺人游西湖以適之卒於杭公嘗置妾京師孺人以為望公遽出之然猶間置間出孺人卒時有數人公哭之曰吾當以不娶報蓋孺人卒九年而公捐館孺人以癸未公以壬辰孺人壽五十八公壽加十子三如游如浙如潢游壬辰

學鳴文集

卷十七

十一

子產之有子朝子穆皆不得志於天下者之所為也不可以無聞為表於其墓

南京禮部右侍郎贈禮部尚書謚文敏後渠

崔公神道碑銘

歲癸未余預春闈中土得崔子士榮奇之果文敏公孫也榮試吏十六年而猶然一郎夫公固守道不售者貽謀之徵哉士榮為余言公葬未有碑丐於余余豈能知公而足為公重抑不敢不諾會國家有大編纂余哀昔之傳公者得九首而互詳略為之一之今文人好以形似語易其所從來以俟後人而系之銘傳曰公諱鉞字子鍾一字仲鳬河南安陽人父陞仕至叅政有燕靜聲公少負奇弘治戊午舉於鄉屢不第與三原秦偉馬理高陵呂柟榆次寇天敘林慮馬卿同邑張士隆為刊浮篤行之學乙丑舉進士改庶吉士授編脩預校孝宗實錄戊辰同考會試執政欲私其子公不可而執政子竟錄於他手劉瑾擅政卿佐謁跪公及脩撰何瑋遇之史館長揖他日史官旅見皆長揖瑾

學鳴文集

卷十七

十二



然謂張綵曰翰林盡白面輕薄生銑尤甚宜罪綵不可實錄成瑾矯陞史官俸一級而調部屬州縣以練政公得南驗封主事瑾誅還故官李文正當國好文藝公勸以及時悟主救民薦賢理財強兵書千餘言滿九載陞侍讀告歸嘉靖改元召脩

武宗實錄已直日講陞南祭酒明教條正文體日坐東堂與諸生問難為名司成大禮議興江南北饑人相食公應詔言事且曰比主事張璠等以獻議驟遷而大學士蔣冕尚書汪俊脩撰呂柟編脩

梁鳴文集

卷十七

十三

鄒守益御史馬明衡乃罷斥御史段續陳相員外郎薛蕙至下獄陛下求備禮于本生至孝也顧當詳稽禮意大順物情獨任已臆曷其有既疏入報罷歸無江南一物諸生悵失依已亥立東宮起為少詹事兼侍讀學士尋擢南禮部右侍郎撫臣王暉言句容朱家巷皇祖故鄉墳址具在宜表章公以為興王之基失實為罔竟寢之尋病致仕卒贈尚書謚文敏公好古敦禮不妄取出處矜然中廢居洎上十六年折衷群言廣授徒以師道自任

稱後渠先生其言曰道在五倫學在治心功在慎獨不喜時之言良知者以為霸儒又曰讀經驗諸行事卒至不駭可以即變矣通言不狎可以出令矣小物克勤可以舉大矣僕婢服義可以使民矣初為古文詞鄉人或授以文選公不屑去學左氏現璋不罷人嘗作述居其略云客有告者曰先生知今之所謂君子乎狹小賢哲而動稱唐虞鄙劣典常而談必性命非神非化不言德非寂非玄不措詞先生曷知之以昌其名崔子曰是難言也聞

梁鳴文集

卷十七

十四

宋代有村如樾源其民食粟飲水不鹽不酪既朴而和年皆累百後通外人致美異更狡而天况乎好新重異以常為陳陋紈綺而衣罽毼厭膾炙而食蜺蛤所好愈高所失愈遠夫水誠淡穀誠糲民可一日棄乎醉醲飽鮮且有伐生之患况蜺蛤哉吾見其驅于疾疾而已所著有松窓寤言中庸凡演大學全文士翼政議中說考文苑春秋讀易餘言彰德府志洎詞刪定二程遺書朱子大全子滂舉於鄉孫士榮癸未進士今為戶部郎銘曰黃義

而前風淳道樸史籀寘文竹書猶邈勳華執中夫  
有受來而其景運日朗以開尼父邇前斷從此始  
若齊璣衡立歲綱紀豈無畸特喙鳴衡行太陽耀  
空譬彼小星云何末年浸以漫漶家則不競召戎  
來竄有奎聚緯大興積微迨于曾玄亦或相誰是  
無他繇匪衷之故甚精必愚或詭而忤窮經蹈躬  
反性完初夫道洵然寧忘故吾有卓崔公中原和  
理來儀聖明誨人規矩動徵洙泗暨於關閩學以  
為已仕以為人處時潢汗堅白靡點天作崧高其  
喙鳴文集卷十七

儀有儼往踐南雍青衿若雲退考洵室經耕史耘  
乃晚而駕崦嵫載絀顧猶採榮豈其食實道世相  
喪自古為歎馨則闕諸泚蕙谷蘭是時異者舍王  
而霸公終不許道無假借王微猶一霸雜何居漢  
豈不大終媿唐虞作書滿卓日星同燦後世有雄  
逢之暮旦我銘公墓不敢為容言必稱先道寓諸  
庸其文雖史其事則野游夏不贊用信來者未緘  
金匱立之墓門於千萬年來徵斯文

資德大夫正治上御太子少保刑部尚書前

兵部尚書兼都察院右都御史掌院事  
太子太保謚端肅麟陽趙公神道碑

蓋自王文成倡良知之學而其門多雜得麟陽公  
始尊公可謂特立獨行剛而不怒廉而不厲始終  
粹白皎然不欺其志者矣余始望公如虬龍以為  
不可親而不自意奉密游公著節以分宜始江陵  
終比其後又嘗悲江陵哀分宜夫憐者不詆詆者  
不憐乍愛乍憎人謂公何而不知此所為公也公  
諱錦字元朴宋燕王德昭裔南渡後家于越遷餘  
喙鳴文集卷十七

姚至公復家於越曾大父玫大父昂父廣東參議  
公墳大父父皆贈如公官大母某母諸繼曾皆夫  
人諸夫人以正德丙子生公性嚴整強骨自立當  
其見之所至輒不可奪弱冠補諸生嘉靖癸卯舉  
于鄉明年成進士除江陰令值邑大侵所活以萬  
計而巨盜許貴者橫計擒之使者或以厨傳弗飭  
讓公公曰寧讓令勿驚吾民卒不動三年徵為南  
御史江陰人祀之已而祠毀於倭又改為之至今  
蒸嘗焉先是嘉靖初江上下有盜盜往來設總兵

於真潤問後罷十九年復設公言國家設重兵阻要害必有嘯聚之寇不時之警難制之勢而未有無事空食者真潤之盜不過挾私販剽商舶有司治之胡足煩大帥勤二千餘戌徵錢廣募公私煩擾罷之便上從之時又乏軍興大農遣使四出徵積逋且令入資鬻緹騎公言齊魯燕趙淮徐間人相食安所得積逋緹騎侍衛王宮典詔獄而令錢虜充朝廷體大農議非是又言方今戶口流竄宜專遣憲臣充招集使而山東河南撫臣尤宜久

味鳴文集

卷十七

十七

任皆得俞壬子奉詔清滇南軍會元旦日食公曰此陰盛陽微之象也乃上疏極詆分宜略曰大學士嵩怙恩寵以張權假刑賞以罔貨事無大小欲稟承於己人有少違必陰中以禍百官懾息諸司望風希寵干進之徒頌美功德比擬不倫陛下自以為予奪由已題覆由諸司閣臣不過票擬取裁不知未題覆已受其風旨比票擬兩存其胞臆群臣敢怒不敢言陛下安從知嵩佞奸深窺侯逢迎之巧似忠勤諂側媚似恭順引私人布

要地探諸臣動靜而先發制之故少敗厚賂左右具得起居故多稱旨時獻小諍似不阿而不知嵩特取聖意所不經者稍執以絕疑陽不預事似不招權不知脇制諸司莫敢不從或就聖意所發直而推之或乘事機所會衡而執之使陛下思之本發於朝廷無迹可尋故諸司常代受嵩罰而陛下亦代任嵩咎今內外之事非賄不行百官失職戰士解體民生愁急皆以嵩故宜早罷黜以應天變書凡萬言分宜父子大憾遣緹騎萬里

味鳴文集

卷十七

十七

械公墮車者再入坎窞輪過其上不死至則下招獄拷訊復擬廷杖百賴肅皇帝聖明引筆抹去獨除籍而已方是時參議公在粵亟投劾去父子守四壁酌水春菽歡也居八年喪參議公又七年莊皇帝以遺詔起公為御史尋為太常少卿光祿卿奏罷端午龍舟之戲又奏折江陰子鱗及蘇松常鎮白糧減耗明年以右副都巡撫貴州土酋安氏跳梁公宣示恩威得其力以治諸苗之反側者遷大理卿工部右侍郎尋轉左昭陵之後屬公

督理公謂陵恩大吾不可屢叨讓其右萬曆二年轉南京右都御史歷南刑禮吏三尚書江陵方秉國公無所阿時風議其得失江陵患之令所厚劾公去江陵卒推南吏部尚書尋入為左都御史掌院事朝士瞻以為趨而楚獄興斥其黨殆盡諸御史益引繩披根所不快者至擬今日去某明日去某某為元輔某為太宰好事者翬然和之有賀公者曰衆心儀公少默則太宰矣公愕然曰是何言大臣由聖簡何物翬得私除乎上書言言官論

梁鳴文集

卷十七

十九

人當程品業不宜既毀乞起諸大臣出視事而責御史存國體於是諸大臣復安楚獄上詔籍其家公嘻曰甚矣借嵩為喻而上言曰昔嵩怙寵行私世蕃為奸利聖祖逐嵩捕世蕃而言者不已至謂世蕃叛籍其家以意擬當如千數而後不副則株連盈之上以為此真世蕃物而不知強半出他人家且非叛也今憤居正則過其言臣竊料其蔽宜不能世蕃十一而恐他日之毒三楚十于江右且嵩敗後閣臣顧惠不任事而居正獨受知

不顧惠又過懲之後之閣臣懼矣奪其官爵謚號黜子弟為編民已足正罰何則居正生平操切罷斷富貴決裂名教故四方之怨歸實未嘗有異志且受先皇顧命翊上冲齡夙夜勤勞中外寧謐功惡可泯惟陛下不忘蓋帷之義所以光聖德全國體者不小時上怒江陵亡敢言公疏上或為之吐舌或為之側目上雖未盡從而張氏終被恩得稍解孔門從祀之議興衆論盈庭公力言文成白沙二先生當祀議始定滿再考加太子少保資德大夫正治上卿駕幸山陵再奉勅居守已改兵部尚書總憲如故丙戌計外吏公欲有所激揚而會魯太夫人訃弗克葬于姚六年而復起為刑部尚書再辭不允方就道而三疏之次蘇州疾終訃聞上震悼贈太子太保錫祭葬使使者起墳謚端肅焉夫人尹氏無子副周氏生子淳卿南京刑部郎中葵蘭亭之婁家塢余嘗謂學者平情于好惡之難見善人而好之見惡人而惡之塗之人盡然何必君子所稱君子者善惡之等萬而

梁鳴文集

卷十七

二十

善善惡惡之等亦衡稱其情實不爽錙銖而後謂之平江陵之獄欲縱之與欲深之者其心非盡公其事非盡平而不欲寬之者惟公一人若分宜本公所戰手怨又骨髓也而猶白其子非叛撫貴竹時見分宜厝道旁為之咨嗟徘徊屬監司護之乃去此豈以好惡柴于胞者耶此其好惡豈為分宜江陵起耶世之學者一好之終身不忘一惡之終身不忘嗟乎得趙公天下不足平矣嗟乎余又恐昧昧者謂余以趙公之憐故相而稱也則愈悲

歐陽文忠公集

卷十七

三

禮部尚書兼東閣大學士贈少保謚文端對

南王公暨配李泚人神道碑銘

余與公同舉戊辰讀中秘書官詞林供事講幄甲申冬公入政府而後十年余待罪蓋出處略同此心而彼賢矣公議冊立不合去然上從造膝來稱公端人早登延大用雖去未嘗忘余欲銘公而決瀾太息不忍者久之公之初奉廷對也制策以時政機要為問問出江陵閱卷時興化顧江陵機要云何江陵曰機在用人要在責實而公對獨

蔡興化大善之擬首已以太著置第二會先帝手拔三卷居前而公遂為二甲第二選庶吉士庚午授編脩實錄成擢脩撰乙亥充經筵日講官故事日講必尊宿老儒而今上典學勤江陵乃超用戊辰戊辰至是纔七年而脩撰直者自公始編脩直者自余始然余等皆忼節終江陵世雖勞不遷壬午公始為洗馬為庶子隄年為少詹事兼侍讀學士掌院事甲申領教習為禮部右侍郎改吏部其冬上手勅改左侍郎兼東閣大學士入內

歐陽文忠公集

卷十七

三

閣叅機務與太倉同麻而拜于是去登第甫十六年綰朝寄最自嘉隆來獨吳公與公耳公既蒙被非常益慷慨冀一當諸奏對票擬多所贊助時奉召對以繼母景喪歸廷議請補闕不許已丑行人奉詔以禮部尚書復故位上久輟朝講公至三月未得見而章奏多留復不豫建太子公以為時政無急於此因萬壽節疏請見舉三事言上為感動視朝而公方待命不入上知之再御門見公明年元日上開毓德宮擁皇太子於

膝召輔臣見諭以保愛至意公同吳欽太倉三公以冊請四月復以災異同疏應天之實而公復獨疏謂臣來決歲嘗陳天下大計不宜與諸司章疏並寢又言臣無狀不能導主德于緝熙保聖躬於元吉大本未定隱憂更多因自劾上遣使敦諭彊起之已同三公合群議請冊有詔切責三公皆引疾公獨在直請諭三臣出首輔出而欽太倉章尚留公曰聖諭甚明宜趣二臣出與首輔擬冊立豫教之期上乃下二公章復特諭冊立出閣

吳鳴文集

卷十七

二二

自臣傳諭以來部科諸臣踵得臯誰實宣之而今若此臣又誤諸臣且聖意已定而復搖吉期已屆而復改臣誤社稷乞與國俱罷報聞吳公亦遂乞身去公獨以一身處父子君臣間周旋調護良苦念終不得之於上固求罷手諭攜藥餌扶掖入直公不得已復視事因請崇使促太倉公還朝而明年春科臣李獻可等復請豫教降罰有差公謂言者連得罪群猜益多封還御批請寬言官皇上加斥杖而別旨謂公希名公云名非臣所希也

吳鳴文集

卷十七

二二

試辭讀卷聽公去蓋建儲 上意自定第重發而

疑者日紛故公疊疊為 上精言之冀絕驟萌天

下因公之去益不能揣摩而後二年 皇長子出

閣講學辛丑正位東宮 上未嘗不用公言也公

為人溫厚和平喜愠不外見余嘗比之韓魏公而

猶露朔氣于英主前事幾相激夫何可定建儲時

余為請存問上欣然從且任一子中書舍人聖主

至德可不謂天遠春盎哉公嘗分校禮閣主武關

教習庶吉士兩纂脩 世穆實錄士出其門者有

梁鳴文集

卷十七

二五

師法脩史據事直書無翫筆居政府持大體武弁  
群而噪大司空或謂黨眾不可問公謂武夫廷辱  
大臣不法何以為國卒捕治奴有私乘驛馬撻之  
不少貸家事治公雖浩然長往然愛君憂國不哀  
其表謝存問也拳拳以罷礦稅起遺逸為勸所貽  
余書毋一非法言不及私蓋余輩自傾蓋至今類  
若此為文不屬草腹定不竄一字考經據典而文  
理具備嗟乎古所稱社稷臣極誠毋貳臨大節而  
不可奪者真其人哉而彌天鴻業徒贊一大計他

人之賢者及此為幸公則未能萬分一含德而藏

非余始望悲夫公諱家屏字忠伯別號對南其先

太原人徙居鳳翔還雲中居山陰遂為山陰人七

世祖顯顯生文秀文秀生得林得林生冲冲生縉

知臨邑縣事有惠政縉生黃坡公朝用黃坡公生

石溪公憲武是為公祖若父皆贈吏部左侍郎無

東閣大學士祖妣趙妣韓梁景並泚人公韓泚人

出也北邊以武建雄資為豪而王氏獨世世長厚

好文學積源流慶實天生德執政三載當書考而

梁鳴文集

卷十七

二六

拂衣故贈未逮臨邑祖父母妻不益封未任子元  
配霍氏封兵部主事宗嶽女未廟見卒累贈泚人  
繼李氏處士松女累封泚人李泚人性勤敏佐公  
事二人一切倚辦既貴猶布素人以杜氏綠輿方  
之公不得志懷歸泚人輒贊決卒後公每誦室無  
菜婦語而泫然也公生嘉靖丙申卒萬曆癸卯年  
六十有八李泚人生後公一年而卒先十年並葬  
素乾之陽丈夫子八孫六曾孫二求余銘者長子  
孝廉濬初與其弟思生湛初賜贈謚祭葬有加遷



遣司空之屬將作復任一子符承銘曰天生聖人  
為萬曆皇有赫中興爰畀上佐傳之八翼捫焉  
而升西清燕閒誦說虞周可咸可登在天左右跣  
而視地其直則繩宗社大計萬喙合鳴扣閣莫磨  
公為史丹伏蒲引義涕流濡膺臣謂明主可以理  
奪非間可乘言而見吐臣臯靡原無羞疑丞天  
子葵之雖游赤松翼雲飛騰前耀輝煌鸞書驛來  
慰余股肱雖不久留猶身觀之丹心有憑聖渥天  
悠臣謨日皎振古無朋我勒銘詞麗牲之珉永公  
嘽鳴文集卷十七

之稱寒叅千載訊筌與宰將茲焉徵

二十七

資善大夫工部尚書兼都察院右副都御史

晉川劉公神道碑

上所簡任九卿得先帝戊辰多豈秘省之儲從  
秘省出尚七人晉川劉公其一也公之歿東阿為  
之狀山陰為之誌而以賜阡之珉屬余自余預機  
政借前籌莫如河漕戊戌之秋得公而始有所藉  
手則余之悲公其國恤也公既繇常言改兵垣用  
婁菲謫蒲丞徙知廬氏萬曆初召補西曹調民署

乃僉豫臬叅議關中督學我越中歷齊楚藩臬長  
晉中丞撫保定已協理中臺佐邦治奉尊人喪還  
里久之以河決黃堦起少司空兼僉都明年上功  
拜尚書敝歷中外三十餘年官階十六易而嫖節  
懿行未易縷數所為難公者則西曹時與大司寇  
爭疑獄司寇予死比公傳生議司寇不能從竟以  
失入譴而人始服浙故多材先是學使者行剋核  
之政公至則衡文采實不為毛舉所甄拔皆一時  
秀髦在西輔造無秋而有倭警師宿於天津羽檄  
旁午公外調兵食內理荒政是歲也饑而不害博  
陵盜起嘯聚至千人所司議剿公曰不然好則人  
怒則獸草難之不忍下令殲其魁餘勿問人謂劉  
公尺檄賢於十萬師故事河與漕皆設府上以  
公宿望舉兩府屬之監司守令受節制者七省公  
謂河漕患有標本而工無緩急循商丘虞城以下  
至於彭城得所謂趙國者賈魯故道也而鳩工焉  
開積壅疏支流隄堰閘壩增卑倍薄延袤若干里  
不淹時告成上嘉賚晉秩蔭子於是有一二湖之

嘽鳴文集卷十七

二十八



役二湖者邵伯界首維揚之巨浸也涉者虞溺公  
開裏河避之行旅無恙于是又有加河之役加通  
淮海渠成則漕無乞靈于河也公排群議躬開鑿  
有渠形而病公故恂恂長者至講畫大事不惑于  
呶呶之口趙渠潘司空患費而止者也加河舒司  
空鑿而中輟者也力主必行人多公之斷自少不  
問家人產耻言錢穀而行河經費指計無爽趙渠  
僅費金十萬二湖三萬加七萬畚鍤雲興未嘗不  
宿飽人又多公之辦為政持大體恤民瘼行河時

味鳴文集

卷十七

三九

籍郡邑城旦以工役相準所活無數病既薦乞骸  
于上不許則從床箚中治程書不及私所謂致身  
者非歟公宦蹟最多而行河為烈昌黎有言君子  
所以信于天下者在行事適機宜而風采可畏愛  
也公之後河議築舍王家口之成效而益厯公思  
也或謂公經世不必復為出世學所論朝聞夕死  
即山陰東阿猶河漢其言余謂孔子有浮雲堯舜  
亦有浮雲腹水者亦自曉冷暖耳未易從人品量  
矣公名東星字子明號晉川山西沁水人世居邑

坪曾祖文住有隱德大父得保父賓俱以公貴贈  
封吏部侍郎母牛泚人生嘉靖戊戌卒萬曆辛丑  
年六十四配李累封泚人子用相貢士娶韓繼娶  
栗孫男一銘曰藹藹吉人維國之楨維岳之靈秘  
省起家禁垣司駁直聲嶽嶽鳴為陽鳳斥為仗馬  
誰為為者逍遙如往即丞即令不容何病迺晉爽  
鳩迺治爰書明允疇如師模我越鑑不遁明器無  
失型保釐齊楚以教以撫允文允武輦轂之西是  
拊是飭保障馮翊銓衡重寄特簡以貳山公啟事

味鳴文集

卷十七

三二

奉諱而旋帝優其卹人跂其出河伯不仁黃涸  
為墟廷論攸歸召拜司空荒度土功爰濬趙渠賈  
魯之蹟其涂可闢既奠二湖浮加其期胡不少須  
鞠躬匪躬古之勞臣吁嗟百身誰而喪道誰而喪  
世何思何慮國評已定易名之章俟諸太常我題  
其碑採彼輿議風于有位

資政大夫禮部尚書兼翰林院學士贈太子

少保琢菴馮公神道碑

贈太子少保馮公琦字用韞青之臨朐人萬曆丁

丑進士入翰林為庶吉士授編脩歷禮部尚書兼學士歲癸卯卒於位壽四十有六海內士人識不識恨不大拜究厥施而 上亦云是前輔錫爵所嘗薦者為憮然云公天質奇瑋氣朗朗絕塵學無所不闕期于致用入史局益究心我 列帝典謨洎先臣條畫供奉日講十餘年所陳說治本亂萌比古諷諫積有若干卷為侍講官坊時或議開五臺礦可助邊則移書守臣此千數金幾何而今他日有聞而臆使者孰利多寡也東朝未建下詔並

東鳴文集 卷十七

三十一

封三王則立奏記太倉公有祖訓在太倉公亟引爭直謂左庶子馮某語臣如此為少詹事禮部右侍郎時倭在朝鮮封議興則言倭跳梁海外方張甚安所急吾封先是寧夏卒據城畔公策之謂宜用間無急攻而輕決河灌城微獨多殺傷士且恐水壅猝難自反即以雄鎮百萬命易數賊首未稱得計矣惟外艱家居聞朝事有不可輒憂於色西虜創後談者爭言罷市公曰言何易哉曷不問內備而亟批釁為所與諸制相書權關右雲中上谷

緩急甚晰師救朝鮮咸疑我不可代人受兵公曰我非救朝鮮乃爭朝鮮漢人故用西域制匈奴矣假今朝鮮折而入於倭且代倭難我惡乎其不救經略邢大司馬濟師公力贊之今日如唐蔡功斷乃成耳倭既遯異議猶不休公謂諸臣久異域轉戰數千里藩屬復完不可謂非功即有所亡失詎可謂罪此其前後料敵無不踰度懸中者其在吏部入則佐太宰澄流品出則廣延見周咨詢隨人地資望而劑酌所宜疏定銓格每月旦書其需次之俸而揭諸屏次銓之既月復如之幾幸者乃無容私而故事計外吏有疵者悉署不及公謂京考有浮躁之目浮躁者過之非不及也必正其稱乃服人心疏而增之蓋少宰二年而草建儲停礦稅疏甚多皆剴切曲盡善以通言微語作轉旋 上論及君臣一體則為群臣引咎以微動之楚璫陳奉罷還則請釋其所誣逮者郎以推勅降官被詰則言今選曹不易為宜容其以落階供事嘗譴職方空其署則請免其比舍不預事者而因備列數

東鳴文集 卷十七

三十二

年中所連坐者咸宜甄敘其因事納忠多此類也  
上或用或不用顧察公惻誠而時為霽威將舉三  
慶典特簡公秩宗三日而具儀俄司設璫稱詘欲  
改期公瞿然曰中外眼穿此舉今已晚何所得若  
言遣戶曹郎輦遼餉四萬金出都遽以便宜止之  
而畀司設禮遂成因言上以大禮成歸功聖  
母親朝長信宮加徽號事親至孝願持此事天躬  
郊祀之禮上勞之云其頃三殿成壬寅之反汗  
也公抗言聖體危而復安何可令聖德光而復晦

梁鳴文集

卷十七

三十三

播二三之令失億兆心後有緩急人誰信之亦思  
瀕危時有金如山何所用哉復以災沴三疏論中  
使皆報聞其得稍禁抑者若晉璫孫朝訐魏中丞  
允貞而言貞清操無兩臣願以百口保得不問張  
忠者指一令宜調高案者輓一藩使可巡撫公言  
此輩何知安可令侵黜陟權饒倖既墨敗緣稅事  
希復留公削其籍璫李鳳為其翼豎營貲官公  
謂大司徒何可令此事自今始俱得寢所遣璫乞  
關防至再公固毋與上廼以牙章代之而佐銓

時痛故大司馬張公經讒死白其寃與卹典麻方  
伯溶卒貧請特贈太僕卿典禮時疏覆故相高公  
拱有款虜功卹贈賜謚通政使沈公子木請復  
建文君祀議廟之于懿文側若申定宗制則議  
罷秦庶長子封尊崇繼妃封皆據法持公凜凜必  
行無虞中格與旁撓也秩宗二年疏復十數上易  
簣時猶刪其嘗所草牘而奏之比于尸諫遲明度  
疏入乃瞑嗚呼可謂致身盡瘁矣弱冠登朝二十  
七年自以世受國恩念所為報主承先者畧刻在

梁鳴文集

卷十七

三十四

慮大旨欲引當道顧先務自捐成心厚集君子之  
朋乘宜量分而精圖之恒言今朝士自相猜何由  
信于上不信則不任不任且旁啟竇必也至誠  
至公息爭絕嫌庶有濟乎又曰吾儕當以體國奉  
公為先別白是非為後誠意感通為先犯顏觸忌  
為後寬一分有一分之益成一事有一事之功毋  
為艱鉅輒諉噫此真救時要術古大臣詎有易哉  
斯人之早世也大命也夫余屢隕涕而為之碑銘  
曰方公誕時於鑠有徵銜火曜闡母也寤興王母

曰嘻親冕而絳稱宋魏國昔於來降襁斯瓌寶肇  
叶嘉名誰能叶之實韓載生煜燁五雲著祥臚句  
藜閣蘭臺亦茲早遇若韓焚草公乃積誠若韓決  
策公乃不驚若韓籌邊匪旅以勝若韓鋤奄匪勅  
用正長流深壑淳乎厥神高山大岳龐乎厥真謂  
稚圭誰吾用韞是來去一身曩今間起孰氏爾韞  
窶位與年窶位與年人胡却前我書豐珉旌此靈  
域重來何時祚我明德

奉政大夫雲南按察司僉事致仕累封資政

梁鳴文集

卷一七

三十五

大夫都察院右都御史兼兵部右侍郎贈  
兵部尚書兼都察院右副都御史文塘塞  
公神道碑

蜀有僉臬塞公封右都御史以萬曆丙申之孟冬  
乙酉捐館時仲子理菴公方開府薊遼也請終制  
上推恩予祭加遷給少府金錢葬居數年理菴公  
再開府薊遼晉大司馬貤贈公而屬余題其神道  
之碑夫世至嘉靖末嘗一太濶矣賢者仕于其時  
多不得志而天不其然賢者必伸不於身亦於其

子孫吾固知豹隱之為龍變也公諱來譽字子志  
更字子脩先世楚監利人入明而法興者隸重慶  
尺籍七世為贈尚書公廷相娶姜夫人而生公嘉  
靖癸卯領鄉薦第三人于時贈公已下世公從錦  
城歸不之家之墓所告哀閭里傳其孝三上公車  
庚戌成進士出青城毛太史門而先是大司成孫  
文恪公拔公於多士中為之易今字蓋已聲動長  
安試政於西臺大中丞余鄉屠公異之擬為御史  
公矯矯亢節不肯下柄臣子請就恒格得武選主

梁鳴文集

卷十七

三十六

事守典常有千夫長請嚴函金於茗餉公公置之  
法用是毋復苞苴其門者晉職方員外郎出為陝  
西按察僉事治兵屯兩院交薦異等會以天變計  
百官齟齬者緣柄臣子意謂公為郎時嘗市其故  
同年方選郎宅豈誠廉士哉顧此公拮据義舉而  
更以謗也不買宅也者患無以中公乎左遷蒲州  
同知署臨晉縣察廉晉臨清知州歲大稔施賑多  
州故為估客聚凡羔雁之費取資焉甲子當入覲  
吏用例白而公大駭不可寧垂橐入都門也何

晉南車駕員外郎踰年廣東僉事備兵惠州曾一  
本起議剿而公謂粵人苦餉此一折簡足辦撫之  
便議與李中丞左投効免而太宰楊襄毅公蒲人  
也善公之治蒲特徙雲南再推叅藩又以南曹時  
與鄒司馬議左歸矣蓋仕歷二署二州三臬司俸  
餼外無長物產可中人從此掃跡公府與其鄉大  
夫劉中丞馬太僕徜徉塗山巴水間理菴公業通  
顯時時絨祿賜又斥以贍族澹如也劉中丞歿所  
後子同仁為族人困急公百方定之同仁有獻于

寒鳴文集

卷十七

三十七

公公笑謂吾自為義非為德毋令我慚生平內豈  
弟外無緣飾落落難合然去後常見思撫其弟來  
碩來連為營貲產畢婚嫁訓理菴公大指如其所  
自脩者督勦遼每詔書戒貪功曰枯戰士骨以簪  
佩其子孫罪也非福嗚呼廉吏可為不可為哉回  
翔中外二十餘年屢失意當塗投老林壑不悔有  
子為名卿又戒之恒抑不敢尸廉吏烏不可為也  
吾知斯阡致大鳥矣公之封加於其身所為官者  
四一平陽知府再大理卿三右都御史而均為尚

書年七十有九配王氏累封夫人與之偕藏銘曰  
擁轡而出肇敏成功韞而藏諸以厚其終授綬而  
歸既膺繁祉橐而遺諸以開其始廉者不受受天  
不廉人之所疇天之所無唯德能膏開具子美膏  
之浸流寧啻千里鳳山之阿豐碑峨峨我有傳耆舊  
予言不磨

邵武府知府封中憲大夫都察院右僉都御

### 史越湖邵公神道碑

余友于邵世忠所謂莫逆於心者也居常相期獎

寒鳴文集

卷十七

三十八

王室而今已矣世忠嘗欲余碑其先君之墓余諾  
之而補為之公諱德久字原可祖宋康節先生蓋  
自先生三世為徽猷閣待制溥從南渡家於杭七  
世為新昌今淳家會稽十一世為奉化牧子泰家  
餘姚從子泰六世為金谿訓導珉生文達是為贈  
司空菊莊翁翁娶朱宜人生二子長德容甲戌進  
士兩宰廬陵貴溪擢刑部主事伉直左官次即公  
受大戴禮苦學贈公憐其弱禁之而誦如故病疴  
二載且病且誦後疴已嘉靖甲午舉于鄉五上春

官不第已酉公長子型亦舉於鄉同上計又不第  
謁選六安知州六安者即刑部君所嘗佐者也公  
習其政而加勤日聽數十訟無留詞州之人有丘  
公者方守寧波寧波與餘姚比壤而丘公嘗折節  
公立公子橫里中侵人地人訟于公公跪之庭而  
譙之曰吾與若通家道義相望若亟還彼以效  
寡子弟為也卒還之自是州無敢橫奪人者其他  
興學校表節孝明保伍脩水利清浮詭省供億裁  
冗役卹里甲不秩秩同邑御史大夫麟陽趙公

棠鳴文集

卷十七

七

之不公也親巡其境亟推轂以風甲寅轉右軍都  
督府經歷人以為不酬隨改工部虞衡司員外郎  
監寶源局鼓鑄精工奸弊為釐丁已轉都水司郎  
中督理通惠河時三殿工興吳楚荆蜀之材銜尾  
行涯中大司空豐城雷公器公是歲倭薄餘姚餘  
姚民夾江而居江以北為城江以南民廬稱是而  
學宮倉廩在焉公與少傅呂公計言於上城之倭  
用不再來滿考陞邵武府知府至則閉閣立科條  
與吏民約民困守藏之役蓋郡寮皆倚辦于歲故

困公今守藏者毋供郡寮直指因下其法于七郡  
咸視邵武諸郡由是嫉公而司理吳某尤甚先是  
倭犯邵武至太寧殺一簿一指揮庚申徵廣兵來  
道出邵武光太間公曰廣兵悍無律而光太未城  
可憂也請城二邑而太寧令憚經始不可公召其  
人曰父老得微受令旨偷安便乎得微患畚鍤鑄  
鉏鋤斷之不具乎吾為汝計不括民一錢皆以官  
帑募人為耳三月而成廣兵果猝叛無所掠去民  
始歌之在郡二年庶幾德禮長者而吳司理中之

棠鳴文集

卷十七

四

直指列考察疏中太宰安陽郭公知公賢而奪于  
分宜子之不譽聽父老歸之日田廬無改於舊而  
刑部君年益高家益貧則以其有無共之集子姓  
談經藝論時事教訓行於家故子孫通與世忠與  
余舉進士讀中秘書既衣繡行吳會間別余曰家  
大人有積仇深恨於吳奈何蓋吳司理雲間人罷  
官家居公居常切齒世忠以為憂也乃世忠將之  
部便歸上謁公迎謂曰御史奉三尺法行天道昔  
人有言人有怨於我者願我忘之人有德於我者

顧我弗忘之汝知之乎母言吳子世忠喜奉教抵部則吳之仇紛來告而世忠悉弗問且為其子雪他枉吳人怪之久之乃知公之命之而翕然稱長者公孝弟篤行執親喪盡禮兄弟無間言居官所至見思或立祠或頌德云夫人吳繼張側室王閨門之內雍雍如也有丈夫子八型饒陽縣知縣暨諸生陞太湖縣主簿陞司寇公世忠坐諸生圭鄉進士堤埭皆諸生孫十六人曾孫九人人謂之玉庭享年八十有五邵氏訓導翁八十贈翁九十二

喙鳴文集

卷十七

四十一

刑部公九十四稱世壽云邑之治山在穴湖桐之間公之父葬於是山中有丘為公夫人吳與張之墓湖之北有山翹然秀而與夫人丘相望不百武者世忠以為佳而奉公窆焉葬之日為甲申九月沈一貢曰余嘗亟見公公雖老矯健行如飛語直截張口見心無二言生平甚勤居無一息停稍間走他家問其舉事其當如何而擘畫之故其居官辦居家家理不持人一物而不貪所讀書終身不忘性不能容人過常面罵然好善無間識不

識擊節歎賞不念舊惡所謂古之遺直非歟身享大年子孫貴盛固宜銅梁張司馬之稱公也謂公具四德余何能間表其墓以詔後人

行人司行人累贈禮部尚書兼翰林院學士

芹泉馮公暨配封太安人累贈夫人蔣氏

### 神道碑銘

語曰樹德務滋此言何謂也善樹者不倚一溉其榮幾何重陰密膏沃條浸枝葉葉相承積朝累時而後其興也勃然故培其根不達其枝無沾濡之

喙鳴文集

卷十七

四十二

勤而冀德之能厚我未之見也以予觀于馮而徵其滋德厚哉大宗伯之生非偶然也天將寄之以國家之重也端淳閔奧抱忠持公自頃入朝典銓典試天下之士交慶有所依儲位尚虛也而時時惠臨余教之以所不及珠璣字與珠璣淚交萬行下余獨知人不知也若乃考典酌宜才瞻知足又其餘矣今臨胸馮為天下才士藪而盡發祥于閭山公自余公車時觀海浮公於京口後少洲公典我兩浙丈衡而余又與仰芹公同舉南宮乃今與

大宗伯同林生得納交於諸馮傾蓋如故而白首  
一日也可不謂幸焉閭山公諱裕某科進士官至  
貴州副使芹泉公諱唯重嘉靖戊戌進士終行人  
海浮公諱惟敏某科鄉進士終保定府通判少洲  
公諱惟訥亦戊戌進士陝西布政使仰芹公諱子  
履余同科進士河南叅政而大宗伯琦仰芹公子  
戶部郎瑗則海浮公孫也歲壬寅 皇太子正位  
東朝上徽號慈寧宮於是芹泉公仰芹公皆贈大  
宗伯而大宗伯將奉寵貤賁丘隴謁余為芹泉公

梁鳴文集

卷一七

四三

暨夫人神道碑余以是感天道之不爽而欲勸天  
下之積善者得無言公字子威先本青州人洪武  
初徙實遼左至閭山公貴而乃去廣寧歸臨朐閭  
山公有丈夫子五長治泉次公次海浮次少洲次  
寬泉而公少英穎十歲能文章讀古人書所當意  
輒手自跡記弱冠補廣寧生傾其曹歸齊又傾齊  
中生齊魯文學天性而翻從遼來者稟學屢交錯  
于戶已既侍閭山公之白下又傾白下生若許石  
城邢雉山諸公無敢以鴈行進者博士業之外有

餘力為詩書法道逸嘉靖甲午薦於鄉既成進士  
授行人明年肅皇帝幸承天奉命告湖湘馳傳蒸  
潭中至廬州而病疽守土者咸憐且歸家治可活  
也而公固謝不敢委王命於草莽寧死公知死所  
矣春秋僅三十有六而是時蔣夫人方舉仰芹公  
於邸中駛步報公未至而公已卒夫人慟欲死以  
呱呱故不敢死公家雖積賁哉尚食貧夫人歸則  
手拮据為朝夕計脫簪珥以資子而所執脩脯皆  
自機杆出夜則篝一燈課織因課兒讀語未嘗不

梁鳴文集

卷一七

四四

稱先公勉使自堅而卒成子進士試方城令稱良  
吏入為司馬郎稱望郎藩臬秦晉所至有聲可以  
徵夫人之教矣仰芹公進士時上母節于朝詔旌  
其閭為郎時贈芹泉公而封太安人又十年而大  
宗伯以太史持節過家子若孫蟬聯軒冕奉觴為  
壽夫人始色喜而念公之不及也則歔歔罷酒夫  
人後公一年生其卒也後四十有七年或不足於  
數或有餘於數脩短有間而總之從甘荼集慕歷  
生人所大不堪事而後乃高門大閤也夫天之報



人不報其人而報其人之天德積而不知者天人也行一善輒操而責報于天責天亦太詳矣而安能達天善之大者遊於善之中而忘其善若魚之遊於水而忘其水也故魚以縱水為樂而小止無巨鱗善亦猶是故不知其形視其影不知其衣視其裔公沒於使夫人立孤而有叅知為之子又有大宗伯為之孫大宗伯方將益滋以繁蒼生此其先必任心所觸任口所言無之不善而後有此何獨家慶實乃國禎可喜也狀又稱公幼與治泉公

鳴文集

卷一七

四三

年相若也而師事惟謹長而豐顯脩幹譚傾座客而不以能驕人洞夷無城府見者驩然若飲醇終不箕踞邊坐醉則起飭容滌器更為峻整可以想見其為人矣弱冠時故清河令蔣公器之曰非凡子以女女焉甫逾月而閭山公謀南遷閭山公配伏夫人念新婦之歸寧不可期也以為難而夫人曰已奉父母教事夫子惟舅姑命於是盡室行逮公得舉從家宴閭山公泫然思賢閭之阡而時虜數入行旅阻絕公度關而東馬上左右視烽火隱

覆而行月餘始達展拜除荆棘築垣刻石省外家而還此公與夫人去來遼齊之跡亦足見其一斷大義而勇從今以為孝矣系之銘曰泱泱海岱大風之遺孕發祥靈文昌陸離幼安去遼季和開里唯公白眉於焉鳳起動禮靜法郁堪人師造對大廷羽儀天池載馳載驅不辭鞅掌無辱輶軒何慙玄壤有嘉泚灑栢舟之貞之死如飴而孤在綱立孤實難既予既治旌書封綸紛從天下於戲樹德自根流枝豈惟流之累世其滋偉茲括孫廼昌以

鳴文集

卷十七

四六

頤北門振藻南宮曳革帝唯汝賢翼予拜貞三錫龍章以賁爾枋方茲倚毗方茲揚顯日光月大靡幽不闡慶餘惟積天實有知謂易不信視諸豐碑封通議大夫兵部右侍郎兼都察院右僉都

御史贈少保兵部尚書湖西李公暨配封

夫人贈一品夫人吳氏神道碑銘

蓋長垣有于田李公國家寶臣哉虜急屬虜夜郎急屬夜郎而河急復屬河互急互應有饒餘夫雲構之林非一時之植也傳觚深而封藝茂矣于田

以其尊人狀來曰表其實而加藻焉惟博史之惠不佞之儀于田也自甲戌孫文融言之而未之暇朝夕也比不佞預朝政則于田上遼功遽告歸播事起不佞與田大司馬江內于田在外蜀去京師萬里而兵事亟不可以待報然于田之所規厝泰來無不可而余與大司馬亦每每先時取肯待于田悉符合聲氣求應故不勞而成功于田奉父諱歸初禪會河決求總理上復思用于田于田乃開加以成漕而復奉母夫人之諱於是錄播功進

味鳴文集

卷十七

四十七

于田少保兵部尚書推恩三代如于田官官其子錦衣衛指揮使世世勿絕余乃從而銘之公諱棟字良材別號湖西子李之先蒲人國初徙長垣治蒲而李為之望瑾生公度度生鐸鐸生綦綦之季子誠盱眙丞生贈公繼古是為公父盱眙公贈公今皆稱贈少保公然難為名今稱盱眙贈公及贈公云贈公瓌姿容饒大節李氏故雄于貲邑有大繇必先及而盱眙贈公五子率畏異自逸贈公以第四子主辨出入于邑庭邑中戶以下率受指而

年甫三十豪飲卒時公方七歲耳呱呱泣而母張夫人不忍其讀休之長始脫身從外父吳公游讀輒了大指吳公方以為快而會諸父析箸於是受薄產母張泣公曰夫男子所患豈貧哉猶有負郭田二頃不為貧乃棄儒而脩於茅乘屋播穀之業輒倍收舉于田兄弟知其非凡子請業于母母曰若祖故太學選士也我欲以其遺編屬爾而爾後時矣之二子者我相其讀而爾力耕可哉公乃以二子侍母于邑而之田時時來視甘毳分其餘二

味鳴文集

卷十七

四十八

子訓之曰爾能代我儒者是能代我子者終弗儒者是使我終弗子也于是二子咸奮而于田年二十一成進士為嵩令之官強公偕不可久之一往而得其所為治狀喜孺子勉之吾迺今一意歸為農不者且減我汙邪于田跪進其俸錢則又云孺子無念我我田亦有餘也既于田滿三載封公文林郎冠服輿馬御即函之屏之一當鄉飲酒禮為大賓輒謝不再而壬午又進封奉直大夫南京工部郎中是時母張夫人春秋高公斑斕膝前病則

露禱身代而卒之日哭泣過杖乃起至性如此于田之為學使也瘁而請歸公報曰惟力是視不能者止而會以太僕召不果及建中丞之節以撫遼又請歸公則曰東氛惡豈有節使而言私于田乃大破虜于鎮武堡斬首四百獲橐駝馬數千天子嘉焉晉兵部右侍郎贈祖封父錄其子世世錦衣千戶公嘉而貽書于田曰天子使田舍翁為夏卿小子何以報於是于田度公終不聽歸而以病請于田歸公亦不恠從此不復問家人業獨與

梁鳴文集卷十七

中九

邑中耆英結社立二子侍酒居一年所而播人反天子就拜于田總督川貴湖廣軍事于田重違親疏辭而天子不可欲再辭公不可曰君有急安以親為解吾健飯恨不偕赴軍爾尚何云于田乃之官時賊已南破黔飛練北殘蜀綦江殺二將張甚公雖知于田辦賊于田亦自言鼠易捕頑須一歲所而無如流言謂賊且有西南江左中原悉登陴公意不無動遺書好為之勿以賊遺君父遂漸減食嘔血不能起病革家人或寬之曰羽書來已

減賊公蹶然起曰審乎曰然北面連呼萬歲者三而卒訃聞天子重于田去軍俾墨線從事而後兩月賊平殊恨不及公也公性莊寡色笑故舊雍雍如也童僕訢訢如也唯謹至為德于親黨如恐不及貧而受屢與受衣食者相屬而察族子之材不材調給之或食賈或食力人人各意得不言人過居恒念耳可聞口不可言又戒殆辱之耻言人滿則天概之不爽所寄于田家書悉可與人觀斯不慚矣影君子哉春秋六十有九配吳夫人父即

梁鳴文集卷十七

五十

所授經吳公者太學生夫人與公共輓鹿門謠翼野賓客終始如一日世稱駢德欲美至是從于田官卒于濟寧邸中公之卒天子念功臣賜祭奠有加遽謂之希有二子皆夫人出長雲龍太學生先公一年卒娶邢氏繼孫氏王氏于田其次名化龍以都察院右都御史無兵工右侍郎先總督川貴湖廣軍務後總督河道今留少保兵部尚書娶王氏女二唐志雅張一驥其壻皆鎮撫孫男四不矜聘御史崔君邦亮女不伐聘崔景福女不溢聘

某女俱雲龍出不矜為于田後而于田復舉子不  
盈聘通參王君永光女孫女六所字為秦兆琳田  
景新王統成其杰崔胤茂統即通參子胤茂崔御  
史景榮子其杰鎮撫一未字俱化龍出墓在城南  
魏村之原合葬焉銘曰仙李之遺瀨鄉龍西有喬  
一枝茂篤之祐孕此叔虎既文且武曰孕惟何白  
首不磨雙璧孔嘉文武奚若稟其庭約靡試不爍  
威行東鄙群旃齒指毋飲蒲水西氛匿日往夷其  
窟銅標屹碑支祈四走繫如羊狗漕駛萬艘疇教

鳴文集

卷一七

五十一

之忠疇尸之喪惟鹿門風挈三大事於臣無二累  
葉之締參典旅閱其府以耀先祖二老之歸  
帝聞曰噫加籙斯宜美之櫟言鬣之馬將作  
者在城鬱佳九命之家麟數鳳阿我鏤其石而標  
世德有萬無極

### 墓碑

朝列大夫山東布政使司左叅議陽谷南公  
南公卒明年子太史師仲以王太史圖狀來請表  
余雅嚮公而公仲子余所進士今太史又有一日

知夫何能讓公諱軒字叔後陽谷其別稱也故籍  
河東徙蒲城其再徙渭南也自公五世祖安義而  
贈郎中金為資縣學博則南始興贈公有二子長  
大吉正德辛未進士守紹興府次逢吉嘉靖戊戌  
進士山西按察副使此關以西所稱二南者觀察  
公配李恭人誕公有英骨年七歲從觀察公南游  
誦德王文成之門稍長力學汎濫詩賦古文辭補  
博士弟子同舍生毋敢與均席丁酉舉於鄉癸丑  
成進士讀中秘書隨以母喪歸服闋授比部郎為  
諸公所器改銓部三年最封父母及配裴安人先  
是觀察公以備兵代北中前守保寧時蜚語罷公  
上書願得推恩用原官致仕而贈母李恭人天  
子哀憐其意特許之因著為令晉考功員外郎值  
大計攝郎中時分宜為政而夏子開者其姻婭也  
為太守查而貪公斥之以其故見衛守司勲郎數  
年不調徐文貞秉國始典選稍行其志太宰某復  
脩卻嗾言者中之調為南考功公既位直齋齷齪不  
可朝著間又念觀察公年高請終養不報甲子分

鳴文集

卷十七

五十二

校抄聞得名士若而人尋晉四川憲副所治當郵  
置軍伍持大體而已不毛舉土司黃中負固于支  
羅扞邊吏公以兩臺檄勘治之奉疆索旋攝學政  
對人士大悅而前太宰之黨尚不醒左公官遂棄  
而歸侍浣滌廁牖暇引帷中弟子誦詩說書詠先  
王之風樂也如是六年而今天子御極起知壽  
州五月倅廣平僉憲四川分巡川以南川南酋多  
不法公操三尺御之伏不敢動止何惟觀察公喪  
服闋待除而王少宰挾氣酸悵薦紳銓曹釀飲公

東鳴文集

卷十七

五十三

岍然據上坐不讓王以為嚙漫之曰公前輩因應  
爾公曰我前輩誰能為後輩一坐動容復補蜀憲  
晉山東左叅議護東亮而少宰黨亦不醒詆公老  
公時才六十不應老既再躡弗究而夙聞東越之  
風以道自樂天性孝及繼母王夫人嚴奉之無違  
色太守公捐館公悉經紀之而教其三子若孫今  
選郎企仲成名觀察公有遺產取其瘠而推其腴  
於兩弟同胞妹早以一女呱呱泣公命裴安人育  
之擇名家字之內行至純備也而赴義常若弗及

乙卯地震邑令殞群不逞之徒誣而公糾士擒首  
事者殲焉邑恃以安歲稔輸粟助賑又為義倉贍  
族人劉主事有才名卒而其妻任安人抱共姜之  
節公白當道旌之且梓劉遺草傳焉祭酒王公塋  
笥中文為人所匿公力搜之編以行其不以生死  
侵然諾如此文法西漢詩法漢魏盛唐書法章顏  
所著有渭上稿續稿關中文獻志訂正通鑑前編  
渭南志南氏族譜蓋優游林下二十年日以圖史  
自娛而不問家人產神明之用不衰及聞太史解

東鳴文集

卷十七

五十四

館大喜賦遠期編命酒酣歌歌竟就榻若委然  
萬曆丁酉八月二十有二日也年八十有一配裴  
安人子四長學仲辛酉舉人懷慶府通判娶田氏  
繼張氏次憲仲余甲戌舉者棗強知縣卒娶左叅  
議熙女繼牛員外恒女次師仲即太史檢討娶即  
王祭酒維楨女繼左氏次仰仲邑諸生卒娶郭訓  
導珠女繼東氏女子四娥適田守蔭嫺未字一嬪  
適指揮僉事孟辨孔兵部侍郎重子珩即所育一  
妹女適御史楊光訓封安人孫居益居恒居益舉

辛卯鄉試銘曰惟南稱望今關中博士講座開其  
宗太守觀察雙人龍左叅紹驤滋益豐玄挺朱蹕  
海內從冠裳時論城南同廼公之學本越東博碩  
以蕃才復雄有如玉匣流彩虹神物駭世宜難逢  
身以大耄名德終為鄉祭酒開群蒙學者誦義垂  
無窮用不究年何悲翁古之君子奚必躬往往寄  
之蘭蕙叢太史宛然乃父風石渠簪橐雲霞重余  
勒珉詞賁玄宮於千萬年齊華嵩

中憲大夫山東按察司副使雲浦黃公神道

家鳴文集卷十七

五五

碑

嗚呼是一貫座主雲浦黃公墓公諱燈字元登嘉  
靖丁未進士官山東按察司副使壽八十有二蜀  
金川人自上世宋文節公庭堅居豫章三徙至此  
始徙曰庚七公生必高必高生封戶部郎中林林  
生知開封府璿璿生斗斗生封慶陽知府誥卿慶  
陽公配朱恭人生公公多奇弱冠通易詩春秋取  
第授彰德府推官治鄭王獄有疆項稱入為戶部  
郎初入時人擬且異選而徒得部者以忤分宜故

為郎又忤咸寧以不能徇其攘客兵餉為橐中裝  
故監兌江西道袁州有攢金者繩以法又分宜奴  
也還京遇分宜子于塗復不避以此輩諸怨既循  
資僉陝西事三年而猶用京察落職倅同州初公  
理彰為庚戌虜薄都城奉詔練郡兵其僉陝也駐  
花馬池增萬雉以禦虜搜故壘得戰車三百肄之  
復鑿井三百便戍守虜一入大殲之當事者知公  
不獨有文事有武備而竟以顧內郅公夫公  
不難以身抗權貴而世乃難以公抗權貴蛭蠲失  
家鳴文集卷十七  
五五  
候胡望于蒼隼我在洞州嘗署蒲蒲治稍遷貳湖  
州府署武康歸安又治當世之遷客盡不事事而  
公獨勤不虛取直於官下若此會母喪歸不欲出  
慶陽公強而出補河間遂守慶陽成滿秩之封遷  
山東按察司副使直治河過家復不行慶陽公曰  
人言黃家仕宦咸老二千石信乎蓋公曾祖璿伯  
祖某皆終典郡而慶陽不欲信是言也會總河遣  
人迎不得已之官治魚臺渠九十里費所估才什  
一而亟成撫臺翁公大器公而總河顧大忌以為

形已於是惟外艱而時宰之不知公者與忌者比而免公公聞之笑曰吾祿逮親矣何憾自是與人世絕耽中聖而間從交游論天下事雖片言鑿鑿中機竅蜀君子之善政事也所從來矣好養生祀玄元七十舉丈夫子八十而貌猶童也公理彰倅同貳湖守慶陽皆預選士而不佞一貫則公貳湖時所舉方撤簾遽聞奸不佞偕同門友拜于次逮不佞立朝而公歸蜀蜀去長安萬里徒從牋記起居神理相往來嗚呼不謂今茲而神理盡悲夫憶

嘯鳴文集

卷十七

五十八

不佞始計偕為嘉靖壬戌覲長安跬步非錢不行不狂飲不稱意氣交而余皆病之則自謂終此生不可官連不錄於南宮不戚也其後流俗稍改簠簋頗飭而作氣勢者有加士官斯世而欲以廉槩大節通行難矣余又見仕宦不得志者其墓文未嘗不譏時宰時宰不能重人生而重人死今之宰誰也寧不念天下士大夫有廉槩大節如公而終沉淪老死不見用者乎余是以惴惴靳退躬公已亥逝而子驥馳狀來又三年而余始獲表公誠有

所不忍也公配甘恭人與公同德同壽同葬而子師表為麗江府丞者恭人出次夢驥夢葵側室錢出夢弼側室王出驥廩生弼公七十時舉者公卒時有孫六人曾孫四人詳李宗伯誌中銘曰峻矣黃公家法治覽六官之事悉任而敢不撓權嬖終焉堞坎檄以為親卷懷莫忝所舉作銘揭之後覽所徵在茲匪其私感

劉晉川少宰祖贈公墓碑

始與余讀書中秘者晉山陰王公沁水劉公王公

嘯鳴文集

卷十七

五十八

大拜劉公歷給事中為少宰少宰嘗秉鉞北門上嘉其保釐功贈大父如少宰官大妣泚人既拜寵靈將樹碑于隧而以文請余公諱得保字善固世沁人曾大父浩初大父載父文往母趙氏生而食貧力穡自給稍充去而賈行鹽鐵江淮間與從兄善復偕近三倍當分恣兄之所欲以百金讓喜貸予不償亦不問曰人當蹇時為生難此吾之所嘗也一僕雖椎愚終不易嘗見牽童牛入屠市者心動問直幾何而買之後孳十倍居益饒患徭不

休使其子賓椽椽無害既而冠帶拜堂下喜曰田舍翁得此快矣年六十不復游第結社誦書時時群里中子評隲之又嘗言熾惡之報不於其身必於其子孫天網不恢也聰者悚然邑程侯聞請為鄉祭酒辭曰吾起田更老于賈敢與邑主分庭益我盥不可又嘗語子弟曰吾入吳眼見華亭相公髻耳已決科已督學已據台鼎為三公公卿種安在盍奮諸是時少宰甫七歲以為奇口授之章句十四而游于黌喜曰亢宗在此惜吾不及見慎毋

鳴文集

卷十七

五十九

驕至今少宰誦其言邁疾時二子方他出而少宰已約婚楊洲人顓曰即不起幸少湏更無死而需子來就嘉禮乎公不食數日矣修張目作聲曰吾暫回觀娶婦賓亦至矣悉如言而後卒人以為載德之效夫梗杞鉞干雲霄垂蔭百畝扶荔之實沃一鄉唯其本固故其蔭與沃久也如公者所為植劉氏本遠矣楊洲人者公配也純篤貞一慈仁樂施事繼姑竇雖勞不怨拮据鉅細率作而前終其身績紡不倦公生成化丙申卒嘉靖壬子享年七

十有七洲人生成化丁酉卒嘉靖丙寅享年九十長子賓稅課大使三錫封為戶部員外郎浙江提學副使吏部右侍郎娶牛氏封恭人贈淑人實壽官娶韓氏孫三長即東星娶李氏封洲人次東銘侯門教讀兩娶王氏次東啟增廣生娶李氏曾孫男四公卒四十餘年而有今贈余詮次履迹勒之貞砥使邦人知素封之來與天道會

中憲大夫都察院右僉都御史雷峰汪公墓

碑

鳴文集

卷十七

六十

中丞汪公雷峰先生既葬鳳舉之陽其孤謹矜幽事具無憾蓋八十載矣孫禮約紹揚祖烈夙夜孜孜於是又樹石于隧路屬余紀公之大以詔來者公諱玉字汝成汪固魯成公子食采邑也後遂為氏世居鄞之大雷山因自號雷峰封刑部公子材配吳宜人以成化辛丑舉公公生而穎敏沉毅十三補郡弟子員通性理諸書潛思默悟慨然以聖賢自期辛酉登賢書戊辰成進士授刑部江西司主事強執恭謹以其精志輔爰書而行絕不旁阿



時逆瑾專恣具獄稍逆指者輒中以法而獨不敢  
中公尋轉員外郎陞湖廣僉臬備兵沅辰永順土  
官恃富強侵保靖地權貴多為所餌至有為之左  
右者公卒正以法先是永順持金貝賂公不行則  
陰行刺手輒不能舉因歎曰神人也香爐山苗叛  
公統湖貴二省兵討平之上賜金幣嘗構書院  
于沅之明山日聚生徒誦士多興起已卯更巡  
武黃會逆濠陷九江接壤黃州荆藩掌城門鑰禁  
不使民系城公沿流入城命啟閉如常惟練兵

卷十七

六十一

增埤為捍圉計黃梅故饒粟公曰此齎盜糧也取  
歸黃於是逆濠氣奪而境內寧戢矣故論禦寇功  
公為最然弗屑貽韋取容積勤六年薦剡不及直  
指毛伯溫特疏公才節擢副臬備彬桂兵土賊王  
廷鑑為梗率民兵殲之竟不以功聞癸未以外艱  
去既免喪補臨清裁費省役孔道幾清丁亥陞山  
東按察使尋陞都察院右僉都御史巡撫順天公  
以邊備久弛疏請別賢否明賞罰以示勸戒論罷  
尤不法者二人邊將有某者伺公衣羊裘以貂裘

進公亦不卻明年返之曰已藉禦寒矣然未嘗一  
日服也其介廉若是畿內賊楊恭倡亂公以方略  
授參將郝通折其首餘黨悉平上嘉公功特賜  
金幣當是時廟堂方嚮用公公亦極計所以慎  
固維之畫區何病消渴再疏乞休不允竟不起矣  
時正德己丑十一月十九日也享年僅四十有九  
上聞之嗟悼賜祭公安儀奇偉性質剛毅生平學  
問筆力于克己嘗有詩云過當貳處根猶在怒未  
遷人始然三十年来都不是九泉無地起顏淵

卷十七

六十二

慎文與所與游獨陽明先生今天永其年道德功  
業何遽遜哉先生亦云汪公當今顏子也所著有  
二書粹義書經存疑錄撫畿奏稿雜記收篋留稿  
配陳氏封安人嘗戒子曰我死但志姓氏生卒不  
可置辭婦人無善也稱兩賢矣公子長曰墀無後  
次曰坦坦子即禮約大雅淹博為汪聞孫其辭曰  
有偉詰人川嶽孕珍固完元歲愷真並臻遵質而  
履淵塞胡夢執憲不回初服疇祉誰盤世根道以  
律伸誰奸皇度略與時存伐蠹剪蠹廓我天路大

府式規泰社永祚爾衡獨盱作衛奏膚夙夜究圖  
鹽也碩儒 帝眷斯篤臣固無暈中蹶脩途逝不  
返躅悼往若驚知命則寧涉聖有程作後范型碩  
人占吉令終克一有特斯表其明如日維日之崇  
姁儀與風無石不豐永曜幽宮

倪處士豐配節婦徐氏合葬碣

萬曆壬寅 皇太子正位東宮 詔天下表揚貞  
節凡民間守志孤嫠即不能盡舉而所在撫按官  
下有司類褒之以推廣 上恩于是里中倪處士

明倫彙編

卷十七

卷十七

配徐氏與焉處士名鏞字天寧本右族善長為衆  
所推娶徐氏生男二長順卿次理卿處士卒時理  
卿在襁褓而家貧甚外侮日至孺人指天矢植孤  
艱辛萬狀力績紡為生計已授室鞠諸孫順卿生  
元佐元俊元傑元仁元化而理卿生元輔擇其儁  
者授以經元佐元輔相繼為邑庠生駸駸乎繁昌  
云蓋孺人以貞烈報所天而竟獲 表揚殊寵則  
天之報既渥矣處士生某年月日卒某年月日享  
年四十有九孺人生某年月日卒某年月日享年

八十有三距處士五十餘載而歿歿又六載未葬  
而順卿逝理卿獨涕泣營卜久之或告曰清道鄉  
王崗原君所自置田也是吉可葬理卿忻然從之  
于今歲九月二十五日襄事焉覓其永慰矣余廼  
信世有砥節敦倫者雖微必章雖久不泯蓋如此  
識其處曰是為明故倪處士天寧甫暨節婦徐氏  
之墓

喙鳴文集卷十八目錄

行狀

張東沙行狀

余文敏公行狀

呂文安公行狀

汪遠峰行狀

王熙宇行狀

沈肖山行狀

王見恭內子程氏行狀

喙鳴文集卷十八目錄

喙鳴文集卷十八

行狀

四明 沈一貫肩吾 著

南京兵部尚書東沙張公行狀

始大司馬張公常著無奇生傳蓋自敘而余族父  
句章山人大司成同麓先生鄉進士余寅太學生  
王穉登皆為司馬立傳張公卒子邦仁等以狀屬  
一貫一貫方執經上前未有問問覽五傳者而牽  
組成之取其文實顯白狀曰張公諱時微字惟靜  
喙鳴文集卷十八

先宋魏國忠獻公浚南軒先生栻為蜀人四世有  
諱原者家于鄞槎湖是為槎湖始原生紳紳生儒  
儒生惠惠生迥迥生叔誼誼生曦曦生緒封通議  
大夫兵部右侍郎配封泚人吾宗四世姑也生三  
子季曰休封如緒官配孫泚人生公及仲敷季檄  
公之生也大父夢龍乘於舟稍長英英奇見矣就  
外傳傳弗省顧劣公文定公見而識之勗以卒業  
文定公者名邦奇貞亮博醇起家翰林先公十三  
亦為留京大司馬於公子行也而公師之遂成名

公亦年十七而抗顏為人師弟子二十餘曹率長於先生者也二十舉于鄉二十四進士高等為郎八年皆從留都轉始膳部主事遷武選員外郎儀部郎中商賈務簡一時仕者有呂公枬鄒公守益領公夢圭王公積石公簡盡名士公日與劇切期之大更不忍以其身悠悠生平稟蘊始基此矣三十二以副使督學江西簡才汰不肖抱公絕私關說三行入於禁史尤悲勅會宮廟災言者謂副使請寄者嗾之也以副使備兵臨清

卷十八

二

人或言公且稍已威公弗渝臨清走京師道五方賈難至居緇縉諸奇偵前吏率獵取以驩客公獨不客亦無或譁矯矯持衡尺不縱橫不苛小繆素滿前訊決三盡有匿不吐實者曰汝罪當其律令為護加汝笞久之民不訊而承矣徼巡周審行者不以弓矢境內稱平稍遷福建參政建藩素簡公不敢謂簡其分司獨郵郵終日而視篆者閉門卧視篆亦復郵郵終日而分司者閉門卧繡閣故府以紀百物故公之智益集夫人才猷不相遠勤惰

分而敏不敏異舉大物無勤哉福建郵更者虎而瞰其鄉為度訾筭占徭籍令歲按行之民胡賤仔孩而孤宗人利其質誣為八籍子賄其主者來攝賤仔積不白公偵賤仔有母詰之母怨其嫡之奪而嫁已也不肯言覆用左語賤仔得不去胡氏參政四年不調調乃得雲南按察使於是文定公為少宰故緩滇汝每論囚昆明遣其屬不死者還率市僚掠而送公命毋還繫之梟園囚得自火而食或焚而送公命獄吏饋之不省稅者罰

卷十八

三

之故囚無死兵死火死瘦者霑益土舍保贖者狡而驚雖坐法不得決公立撲殺之衆快焉指揮范俊老而舉一子弟傑觀其官挾子之目而訟曰瞽非俊子公一訊而坐傑李知縣女與匠者私諸子殺匠而逸長子曰不可以令我父老而入獄自繫之官官猶捕諸子公曰此義憤也罪不中死而當之死何居於是入白御史盡釋之家衆乃還曰張公生我世世尸而祝焉遷山東右布政使比之鄒黔國不觴而諸賈人觴曰吾儕小人之恃寶王金

錫象齒以生也竭力以赴吏而不免也公獨無求異矣而諸舍人奉公教惓惓尤異廬尊市膳敢用薦公頌為舍人羞而黔國多不法嘗禱旱而關釀者公曰是不有天子吏乎縱之無令益旱故殺其禮以釋憾人謂公之郊可以觀政矣山東左使者猜而弗決問者公攝焉問曰有滯牘乎曰然口質手析十餘篋三日畢有淹計乎曰然呼之來數十百人憑几而遣之旬日畢問諸曹吏胡不事事曰懼譴死匿矣下令令未歸歸者五十餘人是歲春

卷一八

四

試士錄成文多出公手罹外艱歸起復湖廣右使楚世子弑其君諸大夫陳兵出入公曰毋搖衆心益斥騶御而後衆稍定出見縷衣冠者諸倉曹河泊小吏也滿秩當行前使疑其牒更歲月不得去也粥橐中裝盡則粥衣裘衣裘盡則粥子女而後困踣欲死公曰是不為天子吏乎柰何作楚纍白御史而遣之凡一月而遣百餘人岳州上計而誤登其數坐監守盜當戍者六百餘人賴公以免徙河南左公為右時時補左之所不舉為左則益飭

周王者 天子叔父也有司不時供供不無侵牟其間公給如制而無染諸王孫咸德之今主計者患諸侯王大抵謂物力詘矣使吏盡廉平雖諸侯王何望焉既為都御史撫巡四川蜀王居國富多從其官屬為奸利闢出茶鹽公法之不假非獨惠於周而嚴於蜀應俗違事難以常條此古之所以貴因也白草番為亂虜提督破縣諸大夫嚴平世不敢論兵公曰 天子封疆吏負三尺劍行部柰何憂夷余惟西土之管不難將尋斧柯廼都督何

卷十八

五

卿計方略會陰霧形實擊虜奪其險以入擒其酋五克寨五十毀碉房四千八百斬首千俘五百人與降者約稍出賦視內地捷聞進兵部右侍郎已又平馬標番賜金綺敘瀘蠻反公方議兵中飛語罷歸歸二年復為江西巡撫又一年晉南京刑部侍郎未行而虜薄京師徵赴闕改兵部右侍郎時咸寧侯鸞怙寵焰如火公稍持不下輒阱公請從按行邊當是時京邊兵盡在鸞所而虜磻日至朝士以為患乃請益募民兵使都御史商公大節領

之營於西城鸞又奪其兵而以空名檄大節防京師大節劾鸞不勝下詔獄論死莫訟其寃者無何鸞發疽死天子戮其屍大節故所部民兵伏關上書公方攝篆喜曰此可以生大節矣因為之請且曰大節有國家心赦之必能死綏肅皇帝怒曰生殺朝廷大柄一小人妄上書輒為請如君何竊奉二級而公之聲益高無何以內艱歸時倭跳梁東南留都戒嚴召公墨衰為南京兵部尚書叅贊機務寇突至城外遣將禦之不克當是時公到官甫踰月而治兵疏十上鞭弭未施而分宜父子披之遂老公年五十有五尚茂齒卒無有用之者然得以其暇脩孝友之政與賓客賦詩優游又二十餘年公奉親厚父母所愛者愛之父母所敬者敬之歲時享祀必親自初祖下益置祀田撫二弟周至視諸子猶子資群從昆弟無倦施無田與田不能田又問公給作無廬與廬廬敗又問公葺葺為母氏孫內氏陳計久遠咸令有植不獨二氏其他姻婭交知自儕以上鮮不厚者儕以下鮮不

者置恃以卹緩急恃以庇吾沈氏至今日望司馬公雖其力足任亦天性隱惻故而公於鄉黨益親公雖學于文定公而其歸殊文定密而醇公鴻而崇文定之學長於六經公長於諸子文喜東西京之際詩腴而和性好士門無留客即少年寒畯苟力能勝觚者輒引以資已故後進之士稱東沙先生始為進士時有騎馬來定交者曰王激子揚快士也子揚死為刻鶴山集豐考功道生貧囊贏接於定元為刻考功摘集陳東約之死公勒石墓門

刻後岡集其高誼如此所著有芝園集外集別集所銓定本朝文為皇明文範別為文苑又為寧波府志定海縣志萬曆丙子公遊於茂嶼賦詩為別茂嶼者公別業也在東湖之汜其明年秋夢遊岱宗賦詩覺而記之又一日而病不起實丁丑九月七日也生弘治庚申享年七十有八配陳夫人生子邦仁邵武尹娶工部主事戴公鰲女繼毛氏如夫人者三任生邦伊順天府治中娶進士許公元祥女吳生邦侗郡諸生娶僉憲黃公綬孫女王生

邦僉聘工部主事陳公三綱女余寅曰司馬公爵  
什九矣而其施不能五六要累伐而至之非有知  
之也知難言哉公居常引體峻蓋尊者之曠節世  
率以是求多公公固未嘗少也求多公胡遽不為  
淺恥也沈一貫曰余童時望司馬公如龍迺今狀  
司馬公何寥寥也疑五傳有軼文焉請諸子加博  
竟略嗟夫英雋之生誰不魁然絕世而公如心者  
半折既就功矣冀成紀卒可不朽者又半折以彼  
其才將令乘時邁用於陵厲四海為社稷臣何有  
嗚呼文集卷十八

而著書畢志蓋司馬公自傷無奇悲夫士非日月  
之際惡睹靈采景曜哉然觀古今鉅工所既者迺  
如此象體鳳毛亦賢夫狸鵠遠矣

光祿大夫少傅兼太子太傅戶部尚書建極

殿大學士贈太保謚文敏同麓余公狀

萬曆甲申十一月十有七日光祿大夫少傅兼太  
子太傅戶部尚書建極殿大學士同麓余公卒於  
官維時公長子廷槐葵水夫人於家次廷椿廷梓  
廷櫟從公長安視含歛無悔輔臣以聞上悼震

遣中貴人詣邸視喪發尚方白金玄纁哀麻疏布  
香新米鹽諸物賻宣聖慈不愆之戚申命秩  
宗考典禮祭九壇加賜二壇遣祠祭郎呂興周護  
而南司空給棺歛都水主事張程營葬加太保廕  
一子中書舍人易名文敏生榮死哀已其門人沈  
一貫為狀公諱有丁字丙仲鄞人鄞之余在宋有  
天錫識理宗於塵埃中而翼之以飛至叅知政事  
典鄉郡卒贈太保謚忠惠後散居公之余則居東  
門小江里父永麟閱覽博物經行冠一時舉嘉靖

嗚呼文集卷十八

九

戊子鄉試署浦江訓導崑山教諭通判蘇州府未  
任卒是為滙塘公以公貴贈編脩加贈如公官母  
王加贈一品夫人自滙塘而上疑其出滙塘公所  
後父曰櫛毋曰丁實襁褓滙塘公而覆迪之而滙  
塘公至孝自有識來心知非而嚴大人不敢言滙  
塘公之再上春官也公以童子從嘗窺滙塘公與  
客屏語甚悲公跪請故則叱童子何知蓋語其出  
云而終滙塘公之世公年纔十五公恨之自公貴  
往往訪問故老或曰旗山余或曰馬鞍山余兩疑

之竟無左驗以此知公實氏余而不知誰余也當  
贈三代喟然流涕曰吾少不天不能明其出顧所  
後祖亦祖鞠育恩罔極安敢忘贈櫛及櫛父鏜皆  
如公官櫛夫人丁鏜夫人王李皆一品夫人滙塘  
公有二子長曰有壬次以丁亥舉公命曰有丁生  
而穎秀淵微博記善問疊疊論事不休長就學日  
誦數千言讀滙塘公所藏書遍比結髮從之崑山  
已就故滙塘公臨終執公手曰保重保重公謹受  
教以保重名齋持滙塘公喪歸哭泣無度兩目為  
壘幾眇三歲乃復用是不睹遠是時祖櫛暨祖母  
丁前歿而伯兄復奄棄四喪在堂獨與水夫人奉  
寡嫂撫孤姪而公臨想甚遠謂形家為吾營高敞  
地葬同舉而自號同麓子已酉大司空古和雷公  
來督學為邑庠生而今冢宰松坡畢公戊午來得  
公卷真第一榜未放而懼王太夫人憂有司若咸  
遠周郡侯莆田昌郡理惠安曾邑侯人人器重廣  
陵郝封大豪也好奇節游公卿折簡周侯求塾師  
周侯以公往封君年七十餘矣一見折節下之而

公於是抗顏於其壑者三歲所遂上成均中順天  
辛酉鄉試明年壬戌第春官奉大廷對與今元輔  
申公王公並及第授翰林編脩三公出入友愛如  
同氣勇肩古道不屑為今人文章軌於子長孟堅  
蓋詞林中氣為一振焉乙丑充會試同考試官登  
進三十二人多奇士而其最奇者則崑山歸太僕  
有光太僕舉嘉靖庚子鄉試硯碓不群而以時義  
落落又不收公得其卷賞歎此非歸君誰為之亟  
致之果歸君初公以童子游崑山則歸君名大噪  
於時將執經門屏不果而後為歸君主進制體為  
之一變本公得歸君力也是歲乞假葬王太夫人  
遠近來觀其所謂高敞地者丁卯赴闕 莊皇帝  
新御極覃大慶公又與申公王公並典 制誥昔  
之典制誥者請謝之屢常滿而三公以為代 天  
子言私其賄辱國甚謝客不內一物已充 肅皇  
帝實錄纂脩官又充經筵講官戊辰又充會試同  
考試官得士復三十二人而不肖一貫濫竽辛未  
陞國子司業飭規勵行六館之士媚興壬申改洗



馬無倚撰充東宮侍班以 今皇帝在東宮出閣  
故復改右諭德無侍讀加俸一級移疾歸以左庶  
子掌南院事便之家登泰山觀孔林陟靈巖而歸  
川於四明之東湖公素有山水癖以山東湖中菱  
蕪之得古洞以杖扣之鏗如地門發之則豁然曠  
宇上盡浮石蓋古佛宮云疏峰披道分流抗石匝  
樹於其側慨然感陶公歸來命曰舒園庄曰五柳  
樓曰舒嘯齋曰覺是臺曰矯首有終焉之志州縣  
之吏不待已之召都甲戌遷南祭酒南士多英  
華然輕心不敢以怠皇傾軋也監多鏤板自張文  
定奉命校勘以來至是漫漶公手讐史漢暨齊梁  
等書更鐫之丙寅復移疾歸東湖讀漆園之書疏  
之若干卷歲于山戊寅起少詹侍讀學士掌翰林  
事未到官陞太常卿管祭酒事上疏辭不就而二  
三知己移書稱大義乃逡巡抵都臘焉已卯陞禮  
部右侍郎兼侍讀學士仍充經筵講官庚辰改左  
掌詹事府與申公典會試得士三百人已改吏部  
左辛已解部事仍掌詹事府充會典副總裁會典

國家大憲章而篇帙浩繁所定義例多冗紛公受  
命窮日夜之力正名創例搜典摭實刻日削青而  
是時公三品滿簡注深矣賜羊酒鈔錠廕一子國  
子生無何奉 特命陞禮部尚書兼文淵閣大學  
士入閣辦事壬午六月也時江陵新物故朝政多  
釐而公與張公申公共圖新之贊臣璫之獄海  
內曠然望太平而浙兵不靖戕其幕府公遣少司  
馬張公往與張公言是反側者方廩廩未定必綏  
戢其人而震之以法共此功者故帥徐景星其人  
也今失職待事薊門挾之去而吾從中無憂公功  
奏矣張公遂挾景星南而景星入亂軍中以數語  
開說交辭受事已縛其魁梟之浙遂安是歲九月  
皇子生加太子太保禮部尚書兼武英殿大學士  
廕一子癸未與歙許公典會試得士又三百五十  
人公連典會試程文典則高古海內士望為指南  
九月從 上定壽宮加少保改戶部尚書武英殿  
大學士甲申遼東師獲長叩 上以輔臣實贊廟  
謨世官皆辭不受 賜銀幣暨蟒衣一襲自江陵

欺言者猶搜剔不已至有言舜禹之事大臣持大體懷遠慮論不合太宰楊公及申公皆避位而許公以去就爭之二三大臣多求去獨公內直為上分明之居數日猶未定乃上疏言言官可信諸大臣尤可信以一言官不用故而使三大臣求罷非盛世事元輔才識精敏善煩劇久叅密勿尤諳典章檢束操履無毫髮私而次輔朴忠自許素厭輿情學問優長足備顧問皆一時極選臣萬不及如聽其去則臣愚亦有去惟 陛下留魏以安二

卷十八

十四

臣或降手札以示殷勤或遣中使以申慰諭庶人心定國是明也 上感悟降手札命二中使詣兩輔諭意而太宰亦復位二三大臣始安是疏也人謂公回天之力咸喁喁疑目冀其來澤而疾作矣自七月後在告時時明逆 上數遣中人詰問太醫診視又以雲南大捷錄運籌功加少傅兼太子太傅建極殿大學士廕一子中書舍人固辭不許三乞骸亦不許至是終長安邸第先是水夫人以壬午卒 上特遣工部郎往葬公乞營兩窀 上

許之葬在東湖隱學山蓋公素達生生時奉養甚備而去來之際若遺矣公為人開爽弘豁洞無城府與人言出肺腑相示天下信其不欺才譎敏濟善用群長咸使輸其力勞謙靡已從善如轉圜天下信其不矜大雅含弘多可而少恠包括山藪天長想遠思縱心物外雖跡近人寰而羞逐時名天下信其不染所居之處一日必飭丘壑亭館樹植時雖咸得其次若舒園囿樓未嘗一日去口有江左之風為文章博瞻瑰瑋如上腴奧區華實之毛悉附如介丘千仞峻高嶮絕論天下事犁然有章欲因勢而成之所居雍容文學侍從官無可效雖大拜與二三元老協恭和衷謀斷相成不見其功然夾輔聖明計安社稷長率百僚咸秩其序此之為功視芟芟萬矣捐館之日士大夫皆惋歎語曰桃李不言下自成蹊公之謂哉公生距卒之日享年五十有八水夫人鄭之著姓四子皆其出廷槐娶太宰聞莊簡公曾孫女廷椿娶方伯柴公淦女

廷梓娶刑部檢校屠君本峻女廷標娶光祿卿趙君參魯女皆當以公任授官女三長適庠生包宗魯次適宗伯汪公鏜子宏科次許光祿少卿張公子瑄子某槐之子經訓庠生聘不佞弟工部主事一中女某訓甫在襁褓三女一許進士丁君繼嗣子某一許南京工部主事王君佐子某一許甌寧尹吳君禮嘉子某椿之子書訓聘國子博士高君華女文訓聘分宜尹周君應治女夫以公之胸懷博學淵源與童而曾未見萬分一以公之神安堅峙金石可銷而曾不能周甲子以公之勲爵在三事之上與同心同德師師一時而竟為短畧所奪世與人恒兩遇之難也然公嘗與不佞言人不能建大名舉大功有詔於永久即幸無瑕類以愧其稱亦可謂生順死安公其生順死安矣是用短述以干大雅鉅公

光祿大夫柱國少傅兼太子太傅禮部尚書  
武英殿大學士贈太傅謚文安期齋呂公  
行狀

歲丁亥六月甲子光祿大夫柱國少傅兼太子太傅禮部尚書武英殿大學士期齋呂公卒於家守臣以聞上輟朝賜祭九壇遣行人王堦造奠贈太傅謚文安給誥命廕一孫中書舍人十元等深恩再稽徵狀公諱本字汝立呂姓呂出太公望而公之先為唐浙東節度使御史大夫延之宋太師中書令端知諫院諫議大夫權御史中丞誨皆譜可徵誨孫億始居新昌又八傳至貴義始居餘姚新河之陽貴義生德玉當高皇帝時新定籍訛為李德玉生原實原實生友直友直生公瓊公珍公珍生懋改後公瓊是為公父醉夢公自公瓊公珍懋改俱以公貴贈少保兼太子太傅禮部尚書武英殿大學士曾祖母蔡與潘祖母胡俱贈一品夫人母楊封一品太夫人國家以孝勸忠一品官得封三代肅皇錫類于天下又令為人後者得移其封於本生父母乃至推及于本生曾祖又特為耆碩加異典諸臣莫望焉隆慶三年始疏復姓呂初號南渠晚謂人生以百年為期學以聖賢為

期頤其齋曰期而門人遂稱期齋先生弘治甲子六月朔太夫人夢日而生幼而岐嶷謝太傅文正公奇之曰此兒峭健有氣力異日遠到倍我遂留讀書於汝仇湖命子學士丕課之同業者鄒公絢諸公變皆一時名士世稱文正知人也正德辛巳娶夏夫人嘉靖甲申謝學士北上載醉夢公及公與俱見鉛山費文憲留與子同學乙酉當比士人或謂公何不遂籍順天舉乎公謝不敢歸以儒士高第試於鄉克弟子員而醉夢客死謝公所公聞之慟毀朝夕一溢米偃伏苦次終三歲不能興戊子以遺材舉於鄉己丑游太學大司成魏公校少司成林公時咸器公壬辰第春官賜同進士出身是歲十月 肅皇命李文康選吉士 上閱卷見有彌封不密者心疑私報罷編脩程公文德請親試於文華殿乃得呂懷等二十一人公預焉 上嘗問李公諸吉士誰可大用者李公以公對當是時 肅皇已識公名矣比散館留翰林者六年而公為檢討乙未充會試同考官得士十六人持節

赴汝寧頤川二王便省其太夫人其冬奉太夫人如京師丁酉充 經筵展書官校對 列聖御製文錄滿攷贈醉夢公檢討封母楊太夫人妻夏孺人戊戌充廷試掌卷官己陞南國子司業翰林外國子而遠南畿次者不欲行言於李文康謂汝立願往文康召公而問焉對曰百官惟朝廷使理無自擇遂拜而南所歷大司成關中馬公汝驥安福鄒公守益懷安龔公用卿南海黃公佐金華程公文憲凡五公五公者迭用寬栗而公濟以中和所育材以千計至其正講席定序單微情脩絕倖謁至今著為雋式壬寅公以考滿當赴京留太夫人於家太夫人病痺公侍湯藥不能去以簡書故不得已一北上而歸踰歲不赴官同官促之廼留夏夫人侍而身之官久之日夜念太夫人擬假歸太廟成因捧表入賀覲太夫人於家公為司業者自戊至於乙最久而無幾微於色己改右中允視南院中允與司業皆六品得通考再滿赴京五月改左中允掌篆八月 上命公及右贊善吳公山典

試順天公嘗言治以一統為盛勢以不移為尊人心雖衆知有天子而已命題以禮樂征伐自天子出大稱 肅皇意錄上 上大善而字標之竟篇於是彌心嚮焉丁未充廷試受卷官戊申陞南祭酒隨改北己酉益置輔命廷推所推擇冢宰間公淵南冢宰張公治少宰徐公階南大司馬韓公邦奇少宗伯歐陽公德及公而六 上甚悉其事旨十日不下而密迹六人者十一日特簡張公及公以少宗伯兼學士入閣辦事少席猶四品乘馬公疏辭不允居閣中無事不欲優逸故牘作館閣漫錄續脩大明會典充總裁官隨召直無逸殿賜銀幣庚戌充廷試讀卷官取桂枝呂公調陽禮部上恩榮宴圖疑公坐分宜擬坐三品上 上特命坐二品末蓋三品旁坐二品上坐 肅皇優禮儒碩而折衷典禮如此其秋陞吏部左侍郎兼東閣大學士虜逼通州群臣請見 上御永壽宮特目本與階曰二卿久失相見公與徐公各謝公因條禦虜之策 上稱善傳諭舉行虜退復上言薊昌

等處暴骸可念乞掩埋蠲賑以收人心又乞整飭營兵以善後 上趣所司議行辛亥禮臣請建儲上問公公對曰自古帝王莫不蚤建太子以正國本本朝東宮諸王年十五則選婚制也顧東宮諸王異禮今二王已長讀書選婚正其期亟宜正名如禮臣請 上以己酉春事為難己酉春事者謂莊敬太子早世不利儲也公又言天授元良自有定數不可以繫論 上置之是歲考察京官 上問考察及邊事公條對且言連日風霾虜情叵測要在預備為急時咸寧侯鸞用事薊薊都御史商大節分其軍大郎訟鸞 上怒謂秋防近而推避下詔獄法司當斬公言大節可原律稱領兵官已承調遣不依期策應失誤軍機者斬而 上譴大節不過謂推避不宜當臨陣失機律不納鸞又言虜且入寇請身領京兵禦於內而出邊兵待於外又請載軍糧以自隨恐虜因糧聽將士食民禾公言調邊兵以衛京師也而今待於外臣不識鸞何意軍之所至有督餉存而後載糧行徒滋煩擾古

之善軍者卒擅取一物立斬而欲縱軍掠稼尤非  
所聞也驚又議與虜市兵部爭之上問公公對  
曰虜日變不可以互市狎也今徵兵四集正宜決  
戰以彰天討不可任其要挾徒示弱於是上決  
意以戰守為事十一月以平某賊賜銀幣羊酒及  
人口二故事有賜奴功臣無及文臣者及文臣特  
恩也因陞禮部尚書兼官如故壬子禮臣上二王  
冠婚儀以東宮未定不敢請出府乞暫舉宮中  
上曰諸王出府成婚例也豈宜宮中公對曰先年  
五王出府以名位等他日皆當之國故爾今冊禮  
未行事非前比否則二王當有分別上竟不肯  
分別令二子同體乃命以明年三月吉冠八月吉  
出閣講讀九月選婚癸丑春公又言二王婚留內  
則保護便此天下臣民所瞻仰且儲貳未定而居  
外使人心危先朝有太后有中宮有東宮故主上  
體勢增重而尊安今骨肉唯二王聖躬不可不慮  
疏三上報曰卿所慮皆不足卹人無能勝天其俟  
後命是時侯鸞敗更定戎政者再擬議多出公手

徐邳大水公請太農議賑司空議漕渠禮官祭河  
岱沂金龍廟等神上皆納之上又用給事中  
朱伯辰議築外城且曰不四面非王制也公言先  
築南面併力可完此天下財貨湊集所他三面宜  
更議報允而城竟一面矣其冬又上言臣奉密對  
屢以建儲請閱歲淹久未即俞允今內外臣民謂  
此大事而置不講臣等何以辭請及開歲諏吉舉  
行於是上雖未報而意有注焉甲寅禁泚康妃  
召陵勞焉以外城成加恩子元中書舍人八月加  
太子太保進文淵閣大學士遣視天壽山還言山  
水衝決之故授子允中書舍人寧安公主笄選附  
馬是時中宮虛上以公有人倫鑒命公往取李  
和而司禮入人賂抑和第二公奏上竟用和丙辰  
充會試考官已冢宰缺請擇所堪特命公暫署不  
奏事承旨又令公分別內外大小諸臣為三等聞  
公言外吏之考察比耳在內之小臣眾臣不能周  
可勿考惟大臣小臣之倡也敢不奉詔上許之

廼悉錄兩京部寺科道及在外督撫等官次其去  
留以上 上曰輔臣本暫掌銓務奉公忘私甄別  
既明宜加恩獎可少保兼武英殿大學士餘如故  
丁巳七月滿一品三年考賜鈔錠羊酒進階光祿  
大夫勳柱國摩一子入監讀書給誥命八月加兼  
太子太傅賜蟒衣銀帶公念梓里數中倭致書督  
撫言餘民夾江居江以北故有城然多圯江以  
南人倍而無城倭卒至其誰與守請並城如通州  
胡公宗憲避之檄郡守視之諸少年更以為厲也

卷十八

焚公所聚材數千章公聞之歎曰吾以衛民而人  
反誅其未奉成命乎乃令子元及正郎邵公惠久  
侍讀陳公陞居江南者二十餘家疏於朝得俞而  
城成詳者更來德俎豆公於龍山 上感兵部郎  
中唐順之奏問邊兵入衛起何時公對曰祖宗時  
嘗調土兵未有調邊兵於內者適有境則發京軍  
往正德間山東河南盜起始調許太邵永兵於邊  
其後江彬以宣大兵扈南巡識者憂之謂此輩見  
京軍弱必且生心果有大同之變庚戌後逆鸞奏

遣四御史發邊兵入衛歲十八枝尚未守薊何棟  
為總督謂薊鎮選練盡調入關暫借二枝防守邊  
兵戍薊由此始年復一年調且不已因循之政也  
時光祿歲用銀以三十六萬兩計 上疑所司多  
乾沒問狀公言祖宗時光祿歲額二十四萬兩而  
歲用不過十二三萬四郊工起當借數十蓋取此  
乃後歲用日加雖裁節猶三十六萬因條上四弊  
一曰傳取錢糧之費一曰關支酒食之費一曰門  
一曰器用之費 上省疏因遣御史一員

卷十八

三五

月籍其費以進巡視光祿由此起已未復充廷試  
讀卷官得清河丁公士美為首庚申六月滿一品  
六年官子允中書舍人兼支大學士俸給誥命遣  
使賜鈔錠羊酒公請移封其本生曾父母 上特  
並給不移八月加少傅是時 上春秋高國本未  
建二王並居外邸前中允郭希顏請建帝立儲觸  
上怒見瀧公密奏曰 皇上萬壽無疆而小臣請  
建帝死固當雖然二王並居人各為其主矣希顏  
請一住京一之國語亦當省且 上嘗謂天倫之

序默定已久第鑒己酉事不欲冊誠因其序而或  
留或遣以定人心即無冊亦可 上大感悟十月  
諭內閣景府成已數年何久不之國其即舉行當  
是時 肅皇諱言儲言者不測二耦相疑安揣摩  
窺伺者不少而公獨以危言光啟隆萬之治功不  
細 上傾心公公亦以天下為己任不幸楊太夫  
人卒邸中 上念公銜卹不可留給傳符行人護  
行所以弔唁者具給予元扶侍仍賜札存問公持  
喪還葬太夫人於慈谿之龍山遷葬夢公合倚廬  
慕若孺子云公束髮升朝十七年起拜相相十三  
年分獻南郊者四饗地者二祭帝社稷者六顓命  
祀先師者七凡決大謀議大政興大役皆孜孜盡  
瘁不私其圖讀禮之後自以為大臣受恩深不當  
以江海忘闕廷遇大慶則脩賀遇大典則脩助而  
上亦念之每輔臣闕必言呂某可而數為人尼止  
永陵哀問至公哀踊欲無生云 高皇帝法田有  
賦身有庸而時久弊滋奸胥飛灑不可詰田與賦  
常相失或糧存而田亡糧多而田窳也往往苦里

甲代賠公白於縣力主清丈之議既清丈隱田出  
矣復念鄉則繁多奸藏無所發又力主均則之議  
而田賦為之肅清田賦既清民復訴徭庸之累徭  
之法二有力差有銀差力差古差役銀差古顧役  
也徭者苦無用兩法皆善而積溺以來有榜一金  
費百金者逋逃望於道公於是又力主均徭之議  
均徭者謂徭者十歲兩徭雖逸四而勞一然當  
徭則勞愈甚而加以貴官大家之優免多奸胥里  
豪之說弊多故徭益少而愈困公議歲盡徭其民  
毋復輪年徭惟視賦即貴官大家與齊民同毋復  
優免縣每歲計需幾何金而徵之自為費毋復煩  
其民於是民雖歲歲徭而以銀不以力所輸銀復  
少於舊易舉公且盡出其優免田而輸官當免者  
服其公亦罔不聽令布之日歡然更生焉詳具翁  
中丞大立均徭或問中公既以此法行之餘姚而  
龐侍御尚鵬來按浙善之聞于朝遍行於浙中同  
邑周中丞如斗又行之於江西今且遍天下矣公  
九世祖墓在新昌躬往葺之置祭田若干畝貴義



府君而下墓於餘姚者置祭田若干畝山陰舊有祠復葺之具諸學士大綬記中陽明先生倡良知之學其教大行於江右浸淫吳楚間而梓里後進不識公乃構書院與陽明高第王公畿及大中丞趙公錦時往復焉後學為之奮興晚常居餘姚之玉蘭堂今上之癸未公八十特命撫按官及門存問月給米四石歲撥人夫六名以備任使初謝文正相從游世中廿有餘年年八十肅皇特加存問乃公以黑頭請禮亦廿有餘年而存問之

日守臣以文正例例公埤德偕年童子時所稱遠到倍我者斯徵哉又三年丙戌夫人夏氏卒賜祭賜棺遣中書舍人黃某起冢未及期為丁亥六月朔公孤日也子孫通奉觴越六日語元等曰我受累朝厚恩無以報稱汝等第教訓子孫效涓埃之力吾目瞑矣遂卒年八十有四公夷粹醇厚平居無疾言遽色觀人無少長齊禮備已郝不脩人之郝也內外無惡于人好施予自內外親暨嘗一飯者無不被其賜戊辰邑大饘公出困穀千石為賑

公嘗言惟恐權之不去已惟恐利之不去已惟恐名之不去已緹騎貴寵時求媵公公謹謝絕當時二三用事互以姻婭為石交而公獨皦然以免人服其遠識其中充然若虜敦夏璉而自視若缺不以矜於人繩束子弟減獲又斬斬有濠鄉之人無間言好學彌篤所著有期齋先生集奏謝稿館閣漫錄行於世夏夫人婦德最著具朱少宰邵中丞誌狀中公未第時夫人為置貳室朱氏以子允贈臨人又置傅氏兩王氏者一為博平王一為京師王子男六元禮部祠祭司主事娶教授鄒公女封孺人允中書舍人娶郡守封都憲邵公女封孺人宛石阡府知府娶寺丞謝公女繼劉氏允禮部精膳司主事娶尚書孫文恪公女封安人覺監生娶郡守陳公女魁光祿寺署丞娶貳守胡公女繼上舍洪公女女三辰適管參政公子興都留守正海成許太傅謝文正公孫用模用模年十五舉乙卯赴南宮試發痘歿於途成誓不二絕食卒稱貞女祿適尚書陳文僖公子鑣早世此六子三女者元

及女辰夫人出允朱出允傳出女成及覺東昌  
王出魁及女祿京師王出然夫人視之均皆不知  
其出也孫男二十有一胤昌祭未進士寧國府推  
官娶諸少來女封孺人夏夫人既賜葬于蘭風鄉  
妻山之陽兆成而公當從之子元等且乞銘於立  
言銘公謹狀如右

資政大夫禮部尚書兼翰林院學士遠峰汪

公行狀

遠峰先生居鄞紅橋里與不佞一貫共衙門不佞

味吟文集卷一八

三十

髮未燥而先生已舉于鄉後二十年奉先生詞苑  
服令猷酬寵訊比在告而先生捐館舍哀哉公初  
諱鏜孫既貴以義無所取請于上去孫而獨以  
鏜行字振宗人稱遠峰先生汪之先越國公之烈  
著于歆子孫散居而公之汪則所號東門上路者  
泰亨元時為慶元路都目阻兵不及立首入國朝  
占籍為鄞人泰亨生仕芳仕芳生思溫思溫生公  
憲公憲生溶卿則公大父贈禮部尚書兼翰林院  
學士溶卿生子晁則公父贈翰林院編脩文林郎

加贈禮部尚書兼翰林院學士母丁氏贈孺人加  
贈至夫人贈公有側室生子伯金而丁夫人生公  
及季鏐金貢士鏐邑諸生公其仲公之始妊也夢  
雷電煜煜已有異香在闌間心儀之為佳兒秀穎  
嶄嶄露頭角贈公嘗摩其顛曰吾門埃兒大哉盡  
屏諸嬉戲具而獨程其咕嗶時其游息饑飽而廣  
其耳目以蚤成其令名迄今邇善教子者必曰汪  
翁年十四以戴記游于泮鄞諸生故善易甚為戴  
記者倅江謝文正公與公族祖澤卿同年舉也嘗  
謂贈公論戴記贈公好之命公負笈之倅江遊長  
者故鄞有汪氏禮而陸康傳之孫文和善相人覓  
壻壻公公年二十三領甲午賢書數困于春官姑  
蘇沈中丞請為諸孫師公于是益廣意于大雅之  
林癸卯贈公卒襄事以禮丁未上春官時西蜀陳  
文端校禮經為本房冠比大對第高改翰林院吉  
士已酉授編脩壬子滿三載父母暨配皆拜命癸  
丑充會試分考官隨歸省甲寅復任受命教內書  
堂內書堂者諸少閣所業也公每為譚小雅巷伯

味吟文集卷一八

三十一

以下保其專良之志丙辰充殿試掌卷官丁巳滿六年考戊午持節封衡世子為王己未滿九年考陞侍讀庚申管理文官誥勅壬戌再充會試同考官校春秋得今太倉相公今總督張公國彥尋清理軍職貼黃陞右春坊右諭德往視南京翰林纂明年署南京國子監事留都士驕公訓督以禮甲子回坊復管理文官誥勅秋典應天鄉試孫公世芳副而孫卒于行公既經紀其喪而薦以內事獨身重之周慎無失所收士先後多顯者還充分校

卷十八

三十二

大典官乙丑再充會試同考官是歲校尚書得范公應期為廷對第一人丙寅陞國子祭酒領五倫條約禁止超薦及清餼廩之乾沒者以給諸生其冬擢南京工部右侍郎於是 莊皇帝御極為隆慶丁卯所司奉開讀事例改公別衙門用無何以大典錄成陞俸一級己巳補南京太僕寺卿仍支正三品俸自陳乞罷復以母老身病辭皆不允隨離太夫人艱辛未復為南京工部右侍郎壬申改南京禮部管國子監事充經筵講官癸酉 今皇

帝初御經筵賜白金文綺二月轉左回部管事仍充經筵講官充實錄副總裁甲戌充知貢舉官其冬考三品滿蔭一子乙亥被口語求罷 上特慰留之 穆廟實錄成陞俸一級丁丑復知貢舉八月改吏部左掌詹事府事教習庶吉士 世廟實錄成陞禮部尚書兼翰林院學士戊寅上 兩宮徽號覃恩及父祖公倦游矣固以疾辭疏四 上致仕給驛歸賜鈔幣公天性疑雅斤斤矩折規矩寡言笑無町畦可尋起詞科三十餘年在嘉靖間時方沉濁不可以莊語而公游優奉璋橐筆亦終無駢染隆萬來雅意獻納又潤色兩朝實錄與大明會典然居常不樂乞休之疏歲有蓋自謂器非時造矣公既貴益恬澹寡好務以大體自持歲時伏臘享祀必虔撫昆弟周至濡酣群籍課子孫誦讀戊子大侵出粟賑卹姻族以次復捐貲縣官鄉里之全活者甚衆余文敏之葬公送之石齒其足至是病再作知不可為呼子孫誠之曰余起一介登八座遭矣而國恩未報萬分一爾曹勉之是

為戊子十一月二十日也距生正德壬申二月初五日得年七十有七子男四宏凱南京右軍都督府經歷先卒娶俞氏贈孺人繼屠氏封孺人宏裕光祿寺監事娶徐氏繼范氏毛氏袁氏吳氏宏忠亦監事先卒娶楊氏宏科邑庠生娶余氏大學士文敏公女伯仲叔皆陸夫人出季側室王氏出孫男十一尚德邑諸生娶包氏同簿某孫女尚倫邑諸生娶管氏方伯大勲女尚賢郡諸生娶金氏學士女尚賓郡諸生娶范氏少司馬欽孫女尚尹

味明文集

卷一八

三二四

不善于要路以蘧蔭戚施為羞即晚節江陵貴倨甚公與之無款曲直柔而已噫信不必見賢不必著彼炎炎隆隆者多不卒而公更傾危思殺之中善沒于地情與貌其不變公之節著矣不佞聞之公子云 先皇帝裕邸時將以公侍講讀有祈得之者公輒讓講讀南院篆鈇將以某往某祈留擠公公亦不避往自不佞見公雖晏驟爾雅外無媒詞詳略以衷無熱腸亦無冷腹醇端體要前後如一蓋詞林前輩之度若此而公持之益堅比見夫後進之士風蕩波靡務習曼苟愉以媚俗人或乃倭佞萬狀餽鱗介之一鱗日失其序前輩風流略盡夫士固有體體之不直文安附也君子遐想于公可以惕內省哉公所著有禮經訓解若干卷餘清堂定稿若干卷典則不詭無汎剽之義如其人云

味明文集

卷一八

三二五

工部虞衡主事王君暨配沈行狀

王君余鄉同年又同郡人其安人以隆慶四年八月二十日卒王君請余志之未幾而王君亦卒余

台扶焉王君慈谿人名朝陽字仰明曾祖遷祖仕父愷母桂孺人桂同邑望族也君自髫時治春秋日記數千言為諸生鄉先生二千石陳公見而異之問聘婦乎曰未也令室安人安人者真州人也父沈某為饒州司獄生安人十歲習女紅通列女傳司獄有女兄為陳公側室常往來陳公家言吾女當予貴人於是陳公言王君無何陳公卒司獄來哭之遂與王氏盟越四年而王君之真州以安人歸然王君屢困有司常遊學於四方安人執片

卷十八

三六

白以養其大人桂孺人早世安人以不及為憾忌日必惜痛視具虔娣如宜馭下有恩王君欲嫁其女而什九在外安人自為資不煩王君其敏幹如此王君既久不為有司所推擇輒言命以慰之王君曰士方困時使室人不免於謫誠不堪吾忘吾之不遇也辛酉王君舉于鄉乙丑舉進士為行人致弔贈於淮王王餽之王君無所取今天子御極王君當封請以封其父明年立皇太子王君適得封奉詔諭淄洛湖湘廬鳳彭城間因覲省已

已還京師復奉冊封唐山沁水廣靈三王至雲中而歸王君凡三使皆有紀及其紀晉累累數千言道邊事如指掌志士裁還省虞衡主事監戎器

天子大閱士卒賴其用是歲七月而安人舉幼女病瘵以卒王君哀之甚也十二月王君旦猶卧侍婢薰衣不戒而焚君匍匐救之廢於火旬日死王君為人有體與人交必盡誠不苟焉曠其官其殯也僚友歛錢佐之有中官竊進者保定人偕君監戎器德君之厚經紀其事甚悉進亦以是有聲

家鳴文集

卷十八

三十七

於縉紳間也君生於嘉靖戊子年四十有三安人生於嘉靖辛卯年四十子二一麟娶鄉進士葉應山女一鶚聘符承袁大輪女女三長適指揮趙光孫允元次許嫁工部主事張大器子某三即驕其母者方付乳媪以虞水火以三月某日發紼就道歸葬於慈谿

封編脩沈肖山先生暨配俞孺人狀

先生沈氏諱弘光字道孚父曰兩山公秉嘗疊石為兩山以娛老先生因號肖山識弗忘也系出武

康家平湖所居為柳上石庄里世世受農業四世祖江稱稼翁稼翁生悅耕公鏡鏡生東洲公湊而始大是為兩山父兩山始習尚書為邑弟子員升大學少孤事庶母孝撫小弱弟炎無間言娶毛憲副女而生先生先生十二年而母背父累然憐之不欲苦以誦讀已病歷癸二十餘始起室命孺人無何命孺人卒娶今孺人張二十五始習句讀學舉下文兩山公嘆曰日云暮矣胡能千里苟延年

卷十八

三十八

之田作大人既以種播矣不肖乃弗克耰鋤後來者安所識疆畛哉願稟家學以泚其軀傳于來體兩山公奇其對縱之學負笈明師之門補邑弟子員入學大有名顧弗第而中更兵荒困於侄先生又力耕而息之未四十又病棄業晚以子懋孝貴值今皇帝嗣位封編脩兩山公晚卧疾躬湯藥者數年父疾為再起自傷不及其母歲時祭必泣又善施顧不及僧尼道士多在三族朋友間兩山公有姊嫁陸公而貧先生為置膏壤歲入粟如千

鍾醫復者嘗已先生父瘍先生憐其老無後為娶妻長子經紀其家兩山公所撫弟炎者初毛孺人乳之與先生少相狎也比長而知為父行不敢踰禮提攜其子弘忠弘思弘德甚厚族弟弘輝弘烈皆嗜學則躬收而誨之母弟弘美早世命少子懋嘉後之撫其孤女嫁馬湖太守俞南金為子婦存其嬾妣思而有禮有妹嫁松江諸生張時舉貧而多子子畜其子傷俞孺人夭于財物周其昆弟姊妹張孺人有西氏姨貧收其女為已女嫁諸生曹

卷一八

三十九

國珎其甚善可師者先生持家訓子之法訓子衣冠遇之甚莊少有過閉閨不言不食長老為通請尚餘日未解故不答而慄自能食能言輒為法式冠則加嚴婚而嚴益加閨門之內肅如也外內為重門數十鑰從枕上過常語子曰治家宜如是家衆大小千指作教條數十月集而讀之犯則召對狀先生之再病痿也曰夫天道一元氣耳必成於貞人心一愛德耳必歸于正作愛正編一庵唐先生見而好之為之序而傳之先生益自信收後學

而教之子弟從者數百人素自重簡出州縣希見其面賓飲於鄉亦不往其亢潔如此常著均平議言田賦徭役之事于有司務鋤豪右蘇小民有司酌其法半用半不用未卒前十日猶欲詣闕言又慕宜興徐氏無錫華氏之誼置宗子田作宗法未行而疾與懋孝書兒宗子也必行吾志臨沒囑諸子曰吾念宗法條貫未具宜以吾意善行之今可久吾且瞑蓋先生才善志高其未竟者多也享年五十有九俞孺人者先生元配也同邑定齋之女少端靖直言咲容止峻整侍立終日不移及歸先生內外咸宜孕七月而生懋孝十日而殞年十九張孺人繼之慈厚自餘子女皆其所出曰懋莊懋時懋嘉皆邑諸生嘉後弘美懋孝娶於錢一子曰瑞鍾三女有側室子一未名懋莊婦于子曰瑞錫一未名女三人懋時嬪曹子瑞鑰二子未名女二人懋嘉婦俞子二未名女一人先生長女婿諸生趙志基少女未嫁字于趙國禎將以今年月日合葬于祖塋之次懋孝之直東觀也一貫為同舍郎

每舉其大人言稱之既計一貫往弔嗚咽而請狀不敢辭先生高明卓越遇事不以芒刃斧斤常微解晚益峻節肅侍御行部至界中有諸生數百人言先生可師使人以幣先匿不肯出謝開府滕督學又口而歎旌為宿儒假以數年德當靡劭風當愈遠而惜夫不少留也

### 休寧王孺人程氏行狀

休寧王君余同年友也為吾邑令明年其配程卒程大姓梁將軍忠壯裔曰文昌坊程又程之大者也居邑東南隅程公娶於陳無子嘗往來販於大梁娶側室劉生子女四幼者為孺人孺人蓋劉出而稍長奉母陳陳亦視為己子退而事劉劉病躬調藥劑執劉喪幾以死殉已恐傷陳心陽收泣更好好語相藉陳心知之益重孺人孺人未字者十有七年足未嘗踰閭域程公曰男不如也王公聞而為君委禽程公為人負氣骯髒傾其訾與仇訟比孺人歸不能具一奩而孺人不以為困既歸王王亦落姑抱危疾姊如相勃谿絮絮不絕於

耶而孺人處之若無勤劬萬狀竟不告勞休寧俗  
織笑王生所為咕嚕矻矻不移其力行買可衣  
食也人以諷孺人孺人曰儒丈夫事也十餘年諷  
笑者益進而孺人益堅使王君樂而忘貧歲丁卯  
王君舉應天戊辰進士孺人則已病滿其冬王君  
拜鄭令已巳夏王君具舟楫迎毋强奉姑至官兩  
月益憊王君不忍去前則感然曰官務繁奈何以  
床第女子妨百姓今裏糲街亭不得去夫君服官  
一舉我瞋矣廼卒年三十有一所生有二女王君  
名之臣夫王君豈不良吏哉邑自兵興來遭時溷  
濁墨吏與豪宗更相結往往鞭撻攘竊於其間隆  
慶改元朝路清夷天下忻忻向榮而吾前令不溫  
席去者數人尚未有主自王君來始輯綏之丁時  
大水民無所得食微王君將無流離殞尾乎王君  
自謂有內助信然觀其易簣數語若偉丈夫知理  
道者生平儼成可知矣



喙鳴文集卷十九目錄

行狀

先大父靜庵府君暨大母狀

先考慕闇府君行略

先妣洪太夫人狀

亡室張夫人狀

傳

安塞王傳

楊南金傳

邵世忠傳

抱愚公傳

方叔傳

張翁傳

搏者張松溪傳

卷十九目錄

一

喙鳴文集卷十九

四明 沈一貫肩吾 著

行狀

先大父贈通議大夫太子賓客吏部左侍郎

兼翰林院侍讀學士加贈資政大夫太子

少保禮部尚書文淵閣大學士又贈光祿

大夫太子太保戶部尚書武英殿大學士

靜庵府君暨大母贈淑人加贈夫人又贈

一品夫人朱氏繼大母袁氏行狀

卷十九

一

為善猶藝然嚮善之利而為之者旱暵之桔槔也  
可以救敗不可以積儲為之而可名力耕者也穫  
之如其耕而止有不至焉無過之者為之而莫或  
名問而不知所為然此如山林之鬱積澤澍之深  
潭三農不易之地日長茂而不勞陰德也陰之為  
言異乎陽之稱也躬為之躬昧之與性俱來與情  
俱還真淳茂朴默與道會其身忘之後之人焉乎  
書之善言人者徵于天徵天徵之則終冥焉能為  
世人喻乎自一貫始匍匐時則吾大父見背矣

每見人言吾大父之為德也曰佛子翁佛子翁云  
必乎其似閑也燠乎其如春也循循乎其趨于墻  
也克乎其為百谷王也名不出鄉閭而至今名之  
總其凡似不知人間有拂膺事者一貫能無紀以  
詔後之人四明之沈宋有諱俊者通五經為博士  
是生悅為禮部郎是生豐為泰州守鞭朴不施于  
民三公皆著聲當年豐生清清生敬敬生祥祥有  
隱德入國朝生覺華華生永寧是為永二府君以  
引去是生文三府君文玘慷慨倜儻擁高貲豪鄉  
里與從弟將仕公彪庫部洪公常比部嚴公端少  
同學晚而共賦詩為酒德會娶余夫人生宗二府  
君宗義府君娶陳夫人並中歲不祿是生我大父  
元一府君公諱元瑞字朝祥號靜菴居士不逮父  
母鮮兄弟事大父暨大母皆高年七八十餘旦暮  
甚謹自少荷家政動止進退一依于儒者不差寸  
尺嘗挈瓶而過屠丹山太宰之門羸馬跪拾之太  
宰嘲曰孺子不聞乎瓶已破矣視之何益對曰慮

觸人足耶太宰曰棄之河水中對曰或憂之舟能  
無觸乎太宰嘆曰是子非凡子也必有後汪宗伯  
之父晦之智人也每旦日過公門則已闢堂宇灑  
掃靚潔常嘖嘖曰是家不以無營廢蚤起能無興  
乎觀貧不能生無行于鄉黨者輒呵之曰汝不視  
沈朝祥施何面見彼故當是時里中服公之粹美  
而畏晦之之望見之輒避焉莫避公然卒莫侮公  
者公性不爭有負公錢者詒公曰吾飲公而償公  
公取券來券來則焚之千壚曰鬱攸君我蠲矣公  
曰吾不能蠲汝而待鬱攸君更無恡色一市嘆不  
可及嘗為里主賦歲大歟官索急公悉貲為里人  
輸曰奈何令人餓而答遣有詔免徵而里亦莫之  
償以是困乏終無怨公於沈為宗子所覲皆尊行  
而諸宗悍強每几肉公受笞罵無已時聞一貫母  
夫人初入門諸宗逋索為祭酒操挺構難糜碎陳  
具坐客吐舌罷席而公亦謹避之亡敢出聲弟曰  
吾罪吾罪他日復來構公逃之後堂宗人逐之堂  
有先人之几筵絆而顛床設瓶爐盡撤乃逸一貫

仲父封屯田公時為童子搥胆發憤拾而筐之掖  
公出門曰此無所逃律令矣盡白于郡觀者集如  
堵牆而公于衆中言曰嗟乎此吾奔而仆焉者惡  
乎為叔氏愆且以卑訟尊順乎語仲曰兒來吾語  
若吾黨新補敝治牲醴引慝責躬告于亡靈不過  
一金費耳而亡靈亦當無讓余奚所事官他日又  
謂之曰訟則聽于彼不訟則聽于己汝視我豈不  
鮮鮮卧起公嘗與諸生論大學誰為要或曰誠或  
曰知公曰無訟要矣夫聽訟平人情也無訟平其  
情也平其情則德博而化於明新乎何有獨詣如  
此公孝弟細節多億其大者有叔父智庶叔父信  
分貲必讓是時兩尊人高年愛少子公先意承之  
用是兩尊人益樂有女姑妙清嫁戴氏寡且寡養  
之終身死祔于廟而歲時享之按禮女未廟見而  
死歸葬于女氏之黨示未成婦也姑姊妹其夫死  
而夫黨無兄弟使夫之族人主喪妻之黨雖親弗  
主若無族矣則前後家東西家無有則里尹主之  
當時儒者頗引此謂公非是公曰是在禮矣公等

弗察生于我乎館死于我乎殯吾姑生不館于戴  
死不殯于戴而葬且祔于戴其終為餒鬼乎我則  
行志君子以為達禮中土為天下衝所稱水馬驛  
諸費以歛一借于浙後為常官嘗以公故里魁遣  
往徃之家遂破自是以後乃始有改折之令云公  
本市居不吝重繭四十里躬耕于青店之丘至今  
青店人稱善良公之遺化也娶朱夫人東廓名族  
婉嫺勤儉於六親咸歡心生先大人及仲父封屯  
田公仁倫一姑嫁汪公章一姑娘迪功郎萬載永  
孫公祐年四十三以婉終公撫遺孤慮吉甫之惑  
虛閭父之後聞袁夫人孀居令乃娶以歸袁夫人  
無非無儀惟酒食是議日夕紡績視諸子猶子人  
莫見其喜愠生一叔父曰仁倫一姑娘楊公桂公  
以嘉靖戊戌六月廿七日晨起拜祠堂畢返于室  
而長寢三日舉入棺猶生世謂之善死袁夫人先  
公八年沒三窳皆西魯先高祖之次一貫少時尚  
及親大父手抄書及所畜書為人持去不全亦多  
人間有者惟本朝御製為善陰隲孝順事實二書

出尚方本有廣運之寶則公所甚惜而秘護者以  
今想見大父之儀形意大父心誦而神領久矣嗟  
夫一貫輩食大父餘糗以生而莫知力且恐蕪穢  
罔貽之子孫何以見地下能無夙夜憂謹槩述如  
右俟立言君子採焉前贈以萬曆十五年二月二  
十一日加贈以萬曆二十四年二月十六日又贈  
以二十五年六月廿二日大父生以成化四年九  
月二十日卒以嘉靖十七年六月二十七日壽七  
十一大母生以成化七年二月初三日卒以正德  
八年十二月二十七日壽四十三表生以成化十  
一年二月二十五日卒以嘉靖九年八月初五日  
壽五十六右狀萬曆二十五年作

誥封通議大夫太子賓客吏部左侍郎無翰

林院侍讀學士先考慕閣府君行略

吾沈自宋太學博士諱俊者始博士府君生禮部  
郎悅禮部府君生知泰州豐泰州府君生清與澄  
澄為寧陽主簿世以明經起清生敬敬生祥祥入  
本朝生覺華覺華生永寧永寧生文玘此兩府君

者象于閭諷詩敦禮與郡中士大夫遊文玘生宗  
義早世宗義生元瑞天性端醇不怒早夜陰行德  
鄉里化之稱佛子是為靜庵府君取朱氏初艱子  
伺于獄而生先公先公諱仁信字允成別號慕間  
居士質有靜庵府君之體而每舉事務不欺年十  
一失此事繼母袁甚謹暨取先妣洪洪人入門則  
大書柳仲塗家誠一通置座右曰母以異姓傷骨  
肉思蓋是時二姊雖嫁有二弟一妹在輒立志皎  
然自策發如此少治儒以家日落指日繁恐傷大  
人之心乃棄去而盡出先妣裝治產無何罹先大  
父艱營西壘之丘而葬之而青鳥子請間曰君欲  
奚若先公正色答曰吾何欲吾所欲者昆弟平耳  
青鳥子謝失言夫形家言固渺如捕風即有之而  
先公一言為子孫地顧不隆隆厚也今孟仲季咸  
有人先公之平著矣已婚弟嫁妹罔不竭力已析  
產有古薛包風有族弟為毛吏日營官贖金錢已  
去毛索之急其父母惶恐夜半皆雉經官捕吏日  
當死先公屬兄弟謹曰無賴子既辱我世而吾以

死對人是再辱也。具道第寔計奪人財及其親罪。通天地何乃仇他人。由是吏目得釋而官嘖嘖嘆。先公長者先公雖廢舉子然不釋卷。今不肖兄弟。卒就之顧未嘗督曰。吾不忍牛馬使兒子比不肖。守史局迎養于京師。則動舉清白語為訓。嘗焚香獨坐肅庭戶。若無人。雖具車馬請之游亦弗許。曰。天下猶是也。僕僕山川間與僕僕城市。何以異。澹然無所好。曰。寶玩之物虛有其名。比見之不直一文錢耳。獨好白太傅詩與成玄英莊子疏。皆手

卷十九

八

抄一帙藏笥中。而時諷之。又好老子。故不肖有老子解。是時年七十耳。而屢念歸。問之。故則曰。汝曾祖年四十九。汝稱祖壽年七十一。我尚不為丘首計乎。蓋樂知天命如此。既歸則掃迹公門。郡縣賓之一至不復去。飭家人尤肅。未嘗侮人。受人侮亦不怒。買物失利。未嘗較人失利。輒愀然不怡。不喜責逋。曰。人情誰欲無償者。貧故耳。子弟有過不譙讓。惟引咎大息。使自省。時舉今昔興衰之故。語人曰。某薄某譎。今若此。云胡不忠厚。某險某忤。今若

此云胡不平善。居嘗稱好好者不置。日且百焉。人謂之好好翁。自五族內外咸受其施。而又善容。有如子。廢先公書于幕府。聞之曰。我絕請寄。是私何必我發。獨念造物之乘除太晰。恐是子自戕可哀耳。其人果不祿。雅好茹素。獨不廢酒。陶陶數巡。自適無過節。而客至未嘗不飲。且歡也。自萬曆改元。封文林郎。翰林院檢討。十年加封承德郎。左春坊左中允。兼翰林院編脩。十四年加封今官。而素履無改。所謂三命滋益。恭非耶。嘗題柱曰。民生在勤。

卷十九

九

勤則不匱。人道好謙。謙尊而光。其志如此。往八旬初度。不肖欲歸上觴。而遣伯兄來諭曰。吾善飯爾其努力。明主後數年。不肖孺慕彌切。又聞有目青遂謁歸。而是時適會典成。疏恩贈靜庵府君如先公。封先公大喜曰。吾生覩上追之典。甚幸。願足矣。告滿促。不肖北曰。不聞孔子之稱五達乎。首君臣次父子。吾獨生汝身。以外皆君賜也。不肖不得已而絕裾焉。竟病病歸。恐忤大人。而大人顧謂曰。汝歸亦當吾嘗憂不見汝。故不肖獲安意于庭宇。

而上方已丑命矣所居廬圯于是改卜于日湖西而每月旦為耆英會諷內典從此斷葷長齋甘于五鼎雖迭諫終不聽曰吾腹中安可久貯腥穢耶輔續靈氣食有餘矣蓋若是四歲所而庚寅秋足踰月瘍今辛卯九月忽帶下瘳而不能起至十月朔俄獨語曰而輩來何暮也月暗不可行其須光童子而周覽焉曰美哉居吾當住千日旦旦起禮許神僊至今年夏固欲過舊居曰吾將告辭于祖

獨云不肖輩以為不祥諫毋往而先公至形于色不得已奉之往則盡歡信宿而後返自是不復庭矣乃厯厯踰千者四十三日若刻契然異哉彌留中惟問陰晴甲子子婦孫曾畢在前無一囑付進藥則掩口聞巫聲則曰何無厭或恐其亂以靜定語進則曰我知乘化而往肢體瑩若玉柔若綿足奉而不寒面暄然如生昔人所謂無罣礙顛倒成然寐遽然覺者嘗聞其語以為虛耳乃于吾親見之咸以為異云嗚呼不復作矣痛哉先公生于弘

治十六年三月五日享年八十有九配我母洪氏累贈泮人冢嗣曰一初郡庠生儒官配夏氏次一經配朱氏繼王氏又次即不肖一貫配張氏封泮人又次一言早卒配嚴氏又次一本配陳氏女二壽適儀封尉閭友直寧遠邑庠生章烱孫男泰始太學生娶張氏初出泰濤未聘經出泰鴻郡庠生娶范氏少司馬欽之子光祿署丞大冲女泰淵聘屠氏少司馬大山之子兩淮運同本峻女泰証聘傅氏南京太常博士光前女俱貫出泰漢泰潤泰瀛俱未聘本出女孫昭英許聞冢宰淵之子太學生思治子繼輿經出慶英許聞冢宰之孫興化府通判繼德子庠生世慶早卒璆英許紫方伯涑子庠生以觀蕙英許林侍御祖述子德岳貫出舜英嫁陳典簿元喬子希孝言出文英許蔡庠生溥子玄鶴瑤英未字俱本出曾孫延年娶包氏延齡聘周太學仕女再聘張氏俱泰始出延賞延禧夫聘曾孫女延璋未字俱泰鴻出先公仲弟曰封屯田司主事仁倫生子一中一德一中今為湖廣按察

司副使季弟曰仁倫生子一變惟先公之德一悲  
歡齊物我然不然不可無所特執使人平慈釋  
怨不言而飲和意常寬然弘怡得焉善保攝即養  
生家亡以踰而恒言不諱死爽然于得喪死生之  
外矣不肖孤等思所以貌之而不得辭也矧先公  
不為知自為之亦自忘之不肖孤安能測津涯姑  
抑踊投血識其大凡惟鴻筆以一字信千載少遠  
不孝之譴不肖孤一貫識通家門下孫如法填諱

先妣封孺人洪太夫人狀

先妣封孺人洪太夫人狀

一三

先妣洪氏諱桂馨父同邑洪公母媼身累千金而  
有五女俗故賤女多不舉而翁媼獨多女先妣季  
女也生而敏慧端順父母兄姊咸宜之雖兒時常  
為翁媼守篋鑰十七而歸家大人家大人靜庵府  
君長子靜庵府君早歲席先業富饒更婚嫁喪葬  
又以間役於官而為人仁歲大侵吏徵租急府君  
重法悉家貲代里人輸已而詔書蠲租里中無償  
者用是大困比先妣歸大會賓客畢先妣入厨下  
諸囿雖林立扣之空聲隆隆謂家大人曰家貧君

奈何以婚糜酒食雖然吾裝猶足藉也乃盡出佐  
急而身操作前洪公媼來視女問壻家樂乎則對  
曰樂終不以貧戚其父母心也一日府君臨食而  
嘆先妣輒退自責新嬪之不孝著矣祖母哀勞之  
曰新嬪何責汝翁嘆有以嘆小姑耳曰奈何曰小  
姑行有日將鬻某所田為裝券成而嘆先妣請曰  
妾聞新婦入門而鬻產不祥以妾為沈家婦而今  
翁售田奈何嗟何妾請為大人計湏洪公來請曰  
兒聞新嬪入門而鬻產不祥今翁嫁小姑將鬻產  
矣始大人嘗以其所田資我我願無受田而受金  
嫁小姑以歡吾翁洪公大善其言歸語媼亟以金  
來而府君愕然問故徐乃知新婦所為以為難於  
是洪公嘆曰嗟乎吾乃今而後知女貧吾知在吾  
女下矣嫁女貧家終無怨言吾女賢女也於是筐  
篚交於途然常辭多受少公益賢之先妣事舅姑  
先意承志無一疏一飯不自手出無斯湏不祇候  
顏色物有儲事有備人無跡其處倉卒責用不求  
而集府君常嘆曰自余有新嬪而姻族益親既喪

舅姑辦而哀祭必躬潔粢盛有事必告若未亡時故機祥徵應常先知之精誠之極也生子必令為儒或姍之曰乃家先世業儒効可睹矣先妣聞之曰吾聞為儒者母可無辱富貴非所望姍者愈衆持為儒愈堅沈氏儒業中哀復為儒先妣功也見諸子從長者來講業輒欣欣脫簪珥為具夜讀必與俱讀竟具糲糗果醯勞苦之少懈則卧閣不食不語或楚擬之古稱陶柳二母其賢豈復異茲諸子自兒時不敢嬉不敢近博奕諸戲聞則腹無望食先妣治家嚴嚴從子女最愛者始逮下惠從減獲最賤者始故能使人盡其力而德之不忘遇六親有禮慶二娣以恩應卒有智族子無賴亡命其父母窘自經宗人某帥群不逞數十白挺遷讐于家大人先妣計曰彼挾長慄悍不可撓然不應則焰益張乃匿家大人諸男子自委蛇前謝曰某婦在翁何怒乃爾因從容敘經者所由翁安所問罪宗人某語塞第曰飲我來者先妣復前曰不然翁異日以好來某婦不敢不飲翁酒今為難某婦不

卷十九

十四

敢飲翁酒翁休就舍請待餘日舉止詳雅詞氣婉正宗人駭顧其衆曰此一婦足禦吾數十曹令人隗死竟罷去也先妣長不肖兄弟五人娶婦嫁二女皆以時寬然若有餘人怪以為多分翁媼錢實不然操奇贏不乏耳不肖兄弟屢不舉有司先妣亦不愠曰業未工也勉之母空悲既不肖竊戾辰第已已迎二大人之京先妣曰汝何以至此不肖跪言二大人之教曰是汝祖若父厚德積然無自汝而薄一貫謹受命朝會先妣必夙興戒事以為常不肖媿無加羞曰吾兩人一口一腹養豈患不足也凡居官不言貧言貧物壞之矣吾始不厭貧今厭貧耶始先妣居家時雖子婦滿前而恒自綱紀子嬾事事而已既北來猶遙制數千里外預為畫便行之彼方措注纖悉必知旁及鄉黨宗戚無遁形又時為韻語代書以戒家人言言軌法故數百指肅然不譁壬申奉 皇帝恩澤封孺人甲戌從家大人歸雅信佛益持戒布施所周卹甚衆與人務簡易雖時有小苦而神不衰十月晦病咳自

卷十九

十五



知天年與家大人訣散予內外屬衣物趣治具諸子不忍先妣曰死歸也留歸人何為躬擘畫甚詳十一月既望具成躬閱之因問今日吉乎莫應默而計曰十八日吉吾將逝屆期召所與治佛者諸嫗齋供終日舉手若辭而終子女諸婦皆在側獨不孝一貫留京師以臘月二十五日訃聞嗚呼嗚呼不孝罪通皇天降酷罰曷不于其身于其親生不遂於死不遂送五内爪裂長號乞死所以尚存視自為家大人在堂且先妣未就土也匍匐行矣維幽室不可無志敢稽顙乞言門下稍贖已愆惟先妣之逝也里黨姻戚知者無不畢哀訃聞京師經事先妣者輿廝盡流涕其中心誠信著於人也門下諗不孝語非誑幸憐而許之子子孫孫衞德可既

封夫人贈一品夫人張氏行狀

亡室張氏鄧之採蓮里人其先唐刺史張次宗次宗孫仁皓神武慈裕具經濟才歷兵馬鈐轄使黃巢亂清鴻離散公振威布德于吾鄉死而莫茅山

卷十九

十六

卷十九

十七

著靈為神宋時謚武惠今靈應廟是夫人其苗裔也父雲字民望個儻有大略十歲而孤奉母撫二弟自立娶于西郭柯而生夫人次子應龍次二女一嫁同邑全少司空子少愚一嫁慈谿秦同知應驄夫人元女也鍾愛于父母端醇脩謹言笑不苟而中甚慧敏女紅經目輒能又常為父母典鑰求輒無所失處室靚窈若無人張公既奇之而日者又言當大貴於是益靳許字媒來輒問郎讀書若何蓋假寒謝人不可數而余媒往輒欣然許可蓋是日晨起大母謂公曰吾夢有龍矯矯若黃金麗于楣何祥也語未畢而媒入門公即入白母先兆之矣得一快婿又三年夫人年十八而來歸則已未之挑天馬是歲余讀書城南十里所婚七日遽之館去四十日不還先太夫人憂余謂余不悅婦而會所親章先生訪余先太夫人遽戶而語之章先生乃操舟來觀余意實好學非不悅婦則具言太夫人念若此曷為久不庭於是余立自責與章先生並載歸而余觀夫人意亦坦如微他勉余卒

業甚懇居二日又之讀書所矣嗟嗟樂羊賢妻何以過茲室無他僕婢一切薪水井曰旦夕饋侍身畢勉從二妯後持勞特多所勞皆閨中未嘗經事而若樂為之者無告勸焉余益感其賢而太夫人性嚴少假借獨察夫人孝謹謂宜我辛酉余舉于鄉既連不售于南宮游學楊潤間夫人乳二女皆自抱其勤如初戊辰余始第進士讀祕書夫人佐太夫人嫁小姑已已奉舅姑來京師辛未舉泰鴻甲戌吾父母南還夫人留京師乙亥舉女瑛英丙

太十九

十九

子共奔太夫人喪戊寅上再召余直講筵其冬偕北行初夫人三十始舉泰鴻常念身多病而嗣未廣謀置妾者屢至是得同邑王氏女告余余不之許也踰月夫人請不止曰彼母兄占吉固願之于是具六禮歸慈之若關雎之逮泚姻黨婦聞之交尤夫人以為過夫人顧傲然掩耳也而自是賢媛亦傳以為師居三歲夫人夢太夫人抱一兒謂夫人曰以為而子夫人謝曰婦不孕矣太夫人曰然則以予而貳夫人敬諾而抱之其月王氏果孕

泰淵而又益為余置兩張氏妾曰胤不厭多方是時夫人常恨違姑養余叔母時從子居屯曹則常謂而過邸事之如姑曰寄吾思云丁亥余請告省視夫人從乃卜居日湖西即夫人所生處夫人指一井謂余曰妾兒時嘗旦起詣井採水水搗鳳仙花染指觀有物蜿蜒亘井半水盡赤驚呼家人無有今觀井如昨日事蓋祥云辛卯共更先公喪甲午余被命夫人病未從乙未冬始克抵京病瘳恒萬方僅瘳之而體不復丁酉元正之三日竟

太十九

十九

棄余去悲哉初余求夫人時筮得豫之坤其繇曰由豫大有得勿疑朋盍簪夫人豈余伉儷哉三益友也生平無一戲言皆莊語誠語不二語選語於余未嘗爾汝有邀必曰請有謀必曰擬坐必却席食不先舉人有假乞家有虞分雖明知當如是必曰待夫君喪兩大人戚見于面未嘗見齒性善記所置不復忘說典實酌事宜衡量禮義之中姻黨常取裁焉其臨財制用則奉親共祭諸義所宜費者雖窮約時無慘色厚往而薄來矣視珠玉金錢

綺繡皆漠然無奇嘗勸吾廉義不忍使有他物汙  
吾囊既妻子無怨謫而猶不免于賦則誰尤余服  
其言夫人雖不恡實靡芬華自太夫人在時未嘗  
為己治一簪珥一袿裳曰姑老矣以奉姑三年喪  
後略備命服亦無副貳布素而已嫁女裝一一皆  
夫人手治臨送時病甚余代之筐靡一長物其守  
衡幅割愛如此而夫人則自謂吾無所乏于女無  
憾矣蓋夫人鴈鳩諸子絕無嫡庶子女之分天性  
一體焉焉未波非出擇矯即余以為不及也死  
之日無私藏手蹟整理舊物具在不苟毀不苟費  
夫貴賤之際日遷月化人情大都然矣而夫人約  
束之自其身始不少改素風至今家人猶曰夫人  
之教云爾敢不敬遵余北發時有僧晝夜坐于門  
丐施彌月余終不顧夫人出門時一僧復然竟兩  
月不捨一錢或問夫人亦敬佛也而何恡若是夫  
人曰吾家無橫入安得橫出蓋夫人嘗自謂生平  
待人不私處已無畏雖其母老弟病家四壁而施  
予有時節又未嘗不俟余命恩以義裁終非人所

卷十九

二十

能強也其北來饋于家則卻饋于途則卻勅舟人  
如治軍莫敢譁知大體與論天下事每嘆宵人之  
害公也佐余謀每以一語決不多亦終不易督泰  
鴻學自幼繩之嚴人謂夫人獨一子耳何乃令不  
堪曰子與其不肖寧無有泰鴻嘗偶失一試召前  
立而痛謫之幾死余受命日泰鴻將試于鄉夫  
人語之曰吾見十年來相公常以兒子得舉累汝  
勿往泰鴻曰兒聞命其順而健行又如此始余舉  
京師時欲為泰鴻求姻于某氏而某氏之父適將  
其家來使奴饋之奴還夫人問奴何見曰見方食  
曰奚食曰異食夫人遽語余曰是非所宜姻安有  
父從數千里遠來而異食者乎夫人之見微又如  
此夫人待人最有等事舅姑婉婉至孝伯叔以上  
有禮語簡而意周身以下直而溫惟御下嚴婢尤  
嚴然知余不好答當答余遣往亦輒貫弛已亦不  
復追衣之食之梳之櫛之病則藥之必整必備惟  
不許惰慢無禮飾鉛華私飲食出閨闈外故莫怨  
而久思嘗言已胸中無懷無留無夢夢輒前知惡

卷十九

二十一

人營營不知止者病亟時與余訣無他語惟憾不獲終于家耳豈諷余耶而余今尚愧之則令人益悲是狀也日擬為之而念至則淚漉漉不收今彌一歲所而泰鴻屢寄書來促于是掩涕書之不文夫人生于嘉靖三十一年壬寅三月十七日享年五十有六身四乳一子三女子泰鴻寧波府學廩膳生娶范氏少司馬欽之子光祿署丞大冲女女順英殤慶英許嫁聞世慶太學生太宰莊簡公之孫興化府通判繼德子亦殤璆英嫁柴以觀郵縣

卷一九

三

學廩膳生方伯涑子側室王生五子一女子泰淵聘屠氏少司馬大山之子福建運同本峻女泰治六歲殤男宜弟女定英雙生宜弟為余仲兄後三歲殤定英亦殤泰沚聘傅氏吏部主事光前女三歲殤麒亦殤再次側室張氏生三子一女子圓殤泰泳未聘泰源夫人化後二月孕而生聘包氏四川按察副使武林應登女蕙英許嫁林德岳侍御祖述子殤今存者子四泰鴻泰淵泰泳泰源女一璆英孫男延賞聘余氏太保文敏公之子都事廷

標女延禧聘陳氏春元憲學女延譽聘史氏常州二守起欽女殤女孫延璋許嫁王江西學憲佐子延復許嫁陳久盛翰林編脩之龍子夫人以隆慶六年六月今 皇帝登極 覃恩因余檢討封孺人萬曆十年八月 皇長子生 覃恩因余左中允無編脩封安人十五年二月纂脩 會典成余以吏部左侍郎兼翰林學士加太子賓客封淑人二十四年二月余以禮部尚書兼文淵閣大學士加太子少保封夫人二十五年六月晋余太子太保戶部尚書武英殿大學士贈一品夫人夫人卒上聞之惻惻遣中使廬受捧精鏐五十兩寶鈔萬貫素紵四襲齋糧三十石麻布五十疋來賻弔給傳令泰鴻奉喪歸賜祭如例復加賜一壇宗伯移浙江吳叅政鴻洙行禮命有司營葬域司空奏遣她行人孟煜董事皆特數云

傳

安塞王傳

安塞郡王秩炅慶靖王季子而 高皇帝諸孫也

母夫人位氏七歲好讀書十二而孤哀毀踰禮母夫人嚴誨之曰孤子非自強無覲成矣王發憤下帷如儒者性通敏過目不忘十五而喪母十八受封明年冊妃出閣府庠隘得請改城西又自引流種樹為延賓滄洲綠野蘆隱拱翠守愚容膝等軒皆親顏而詠記之姿表魁梧風度俊逸美髭髯目光如電善古文精楷書遇縉紳大夫質難辨惑移日不修蓋聞所未聞人有古今書捐金購之繡梓

卷十九

二十四

游然自奉清儉生宣德間妃成氏子三皆名而夭無嗣成化癸巳年四十七薨葬賀蘭山謚宣靖自稱滄洲野客又稱樗齋所著隨筆二十卷有氣槩標格究心二氏而長于禪薨之後其內侍李璟魯明梓之初山陽瞿佑嘗作脩文舍人傳言震澤人夏顏字希賢者博學多聞而命薄至正初客死潤州殯北固山有友人見其高車大蓋冠進賢呵殿來言身今為脩文舍人且言生平著書數百卷無好事者收之鄰豎攘竊鳥鼠齧毀十不存一屬其

人傳之其人敬諾訪其家尚數百篇有考古錄通玄志等書鏤行于世顏復致謝後舉以自代為脩文云王感其言以冠集首又嘗作倦游對猶喻敘當時藩網稍密之意倦游對云余近歲益倦游惟一室圖籍客曰今聖明在位德敷惠施孽萌絕迹邊鄙載寧時值長夏百物咸暢盍出近郭以適一日不愈於汨沒簡編若陳年之蠹邪對曰非爾所知也蓋將有二有王公大人之遊有逸人畸士之遊斯二者皆非余之所得焉余欲為王公大人遊

卷十九

二十五

乎則必使虎賁健兒什百為率騎乘如雲充塞道途陸取熊羆水捕鯨鯢凡百所需指麾如意然後快耳而藩國用人咸遵定制一踰則涉不敵故嫌疑不敢法之所不有也嫌疑時之所不容也以是而欲縱心為樂不可也未免羸童瘦馬徃復蕭然以觀望校曾不若一郡縣吏不知樂乎不樂乎未若深居簡出之為愈焉使余欲為逸人畸士遊乎則必跨謫仙之驢泛子猷之舟幅巾野服從一二童子三五同志載瓢瓢酒豫炙一鷄果蔬脯醢惟

事直率隨所至山旁水溪庇長松藉茂草脫巾露頂出食實而杯行無美劇談長嘯然後快耳而身隸國姓名號工書畫可舍衮衣繡斧之稱為放浪不羈之適以是而欲縱心為樂不可也未免靚服歸館容儀左右視而後出以自得校曾不若一畝畝民不知樂乎不樂乎未若深居簡出之為愈焉夏在河外近虜穴縱一歲間卑辭降志取氣人間亦驚悸念慮計時往返矧宰物者以親藩藉口往往更趨惟宜埋光剗采杜門抱拙安能招居吻罷

卷十九

二十六

智慮惟宜罕陷阱哉雖時和歲豐草木皆春而黃楊厄閏吾屬之謂不知世變不識時忌冥行妄蹈一貽伊感是痴物也客咲曰吾始謂君樂名教之樂乃知非得已也其猶喻云樗齋所養猶生數子當在幼也瞬息不他溫存倍至猶人之愛其子也濕必飮之泥滓飮之矢溺飮之响响然惟恐其不衆且大也稍長踐踈追逐或分其食或撓其宿久而寢不堪於是嗔嗟之聲日厲又長得食辟之寢處辟之不期若仇悲哉競利則至親分首不相識

利之移人若是乎客曰君不聞漢有天下懲秦孤立分王子姓犬牙相制始也恨不際天海皆劉氏歷世既遠嫌疑一興諸王往往不得其死當爾之時又恨不盡之之為快以是推之可嘆多矣彼公膺鳥足齒共史官曰夫天子制衡幅以齊海內不以利器假人域外之議容久試乎是故君子引禮以自制焉觀安塞王所著不能無介斯以見豪懷之難遣矣王著述多雖不甚雅馴而才情闊肆非當年博士語然世之人未有知也余得于長安市

卷十九

二十七

### 楊南金傳

楊南金字用章滇之鄧川人有學識勵操行弘治己未進士授江西泰和令泰和故難治百年中令以完去者纔四人南金詢其俗宜猛籍其人家為彭善收惡搜奸三簿而務除其邪扶其善民有三不動之語謂權豪撼不動刁挾詐不動財利惑不動也嘗題其門曰好訟者靜思三日於心無媿方可入門關說者少立片時對人覺慚不須開口又

曰爾安分我即慈毋爾妄為我即法司其政如此  
尹尚書直家居初嫉之後方之子產云居六年擢  
為御史當劉瑾時都御史劉瑀為媚南金以忤謝  
病歸尋除籍為民躬耕力學委曲開其鄉人夷俗  
為之一變瑾敗召還居十四月不稱意遽致仕時  
年五十一嘉靖初起湖廣僉事無何又乞歸陞右  
叅議致仕教化其鄉彌力年七十九有遺文數卷  
其論治滇較稱三原王恕云今錄其尋甸亂後草  
一首破詭為一首乞仁政一首尋甸亂後草嘉靖

卷十九

二十八

九年作略云夫宣慰府州職重地大人衆無禮法  
以亂為常惟剿革乃定不叛者必職罕多華人有  
學校而官不能倡或上下相疑不合者也往者征  
劍川嵩明南窩鉄索竹子箐十八寨普安州皆不  
留其餘故久靖麓川之役主將慈柔失副將軍最  
後王制府盡剿平之今尋甸以叛逆革武定以黨  
瑾疑因而除其子孫不復敘可也而猶以為巡捕  
為護印沾益等處素與尋甸武定及川貴諸酋姻  
親相倚可疑者也疑之豈可復任陞賞不可以無

勞得也不分其祖父功罪與地方宜否而槩冠帶  
之則虎狼之從不解忿讐之氣不釋相繼復振畜  
禍在茲昔三原公分土官為三日進貢曰差發曰  
里甲木邦緬甸孟養車里之屬居潞江外者為進  
貢不足為吾有無仇殺不止則撫之非內侵不征  
也順寧大侯威遠鎮康麗江永寧居浪洽金沙江  
邊者為差發宥其小過羈縻之以為藩籬者也三  
江之內自鶴慶抵曲靖臨安潯江尋甸諸處皆辦  
里甲有學校治如中州梗則削土增流流亦以科

卷十九

二十九

目毋以他途大氏流正土佐不一年化為流土正  
流佐不一年化為土流為土用更增其賦故設流  
急擇其人尤急此王公治滇之要也安銓之亂我  
能固城池據險隘潛兵邀其外突陣難鋒彼衆以  
脅來無紀律勢雖大必敗計不出此而復其父革  
之官以示弱是何為者彼有嫡庶相害延禍于民  
耳夫西定可援東東不能援西地異險兵異精也  
今若此則壞百年用夏變夷之法而淪華為夷不  
幸有倡四隅皆黨矣謂宜脩三原故事令歲遠者

母復罷革者停誤給冠帶者榮其身而止有功則  
調陞沿江佐貳及補江外土官之缺以三江為界  
而增其戍使久而內純犯即分一府為數縣而統  
于流且治且化且築城以守毋令內夷與外夷通  
使知我虛實萬世之福也其破詭偽云大理偏鍾  
巨奸詭偽甚精為掾史為書吏為主文為各夷謀  
客為各材教讀所學所見不約而同相應相承不  
言而信巨奸之用事也托利害惑守將轉相染惑  
麓川之後天將惑主撫而副將獨奮遂遇難其後

翠鳴文集

卷十九

三十一

大將自恨死而王靖遠以剿成此詭偽之害一也  
天順間有被調不肯去謀焚下關告潞江夷反遂  
免二說偽也弘治間某負稅多用事者教其乘天  
晦稱黑背七日雲貴山高天黑常耳而令朝廷以  
為大變遣官敕吏未除一害而微職淺任鬻妻子  
流亡不能歸者相望其人之負盡蠲三說偽也尋  
甸之役父革土官賄用事者幸傳語候冠帶至今  
不知其據四說偽也邇復有人患當道持之妄作  
叛狀揚言某姻來助兵夫地分有界夷類無情相

去遠遙急難舉動而為此以撼上官皆用事者所  
為五說偽也他如未許罷則說未蒞事則說未釋  
囚則說上官令嚴則說新官肅記則說何可勝數  
昔之開府余知二人焉分司余知二人焉三原王  
公禁土司不得巡捕遇罷替展轉駁問不休令非  
義之貨索盡停者無慮數十安福王公不許行委  
勾攝不許群二三十人出境征調則部領而行見  
素林公令習學文流禁不得設通把內伴畜鷹犬  
毋手毋阻宗親讀書毋供僧道術士毋罷故時衣

翠鳴文集

卷十九

三十一

裝時川姜公禁毋出境謁上司毋阻遏夷民投告  
寇至則日執土司箠之寇去始釋捕其用事之著  
者殄之此四公皆神君也大氏世其祿不世其官  
有犯無宥有缺無補仇殺必誅首禍為逆則約四  
鄰攻之必滅不貳事定之日分為縣以官有功不  
留其餘異類多逆種無天倫子賀父死弟慶兄亡  
雖至親失意起而相攻所請激變者誑也能禁其  
越境婚姻尤佳亂自委任委任益妄行是決策於  
不仁也况委任一人而求者爭至容一人出境而



效尤日增至以流言污蟻無墮其術可耳其乞仁  
政曰滇之西有蒙不當蒙之苛政者土民土軍是  
已蓋土如宣慰府州本純夷地自前代以夷治之  
雖欲施仁而不可得乃三江內州縣之土與升州  
為府之土千百夫長冒名千百戶之土非純夷地  
也此之土民乃靖亂合從之衆強名為首先歸附  
者此之土軍乃招集從義及前代守戍子孫也今  
土民為兵世牧之私門為本類為通把為兵快  
為柴草戶山場水澤惟其占子女牛馬

卷十九

三

惟其取應里甲者獨窮民數家而稍溫飽輒收而  
入私門或重役之土民安得生土軍又病矣為伴  
當為走遁為帖識字為歲清餘丁惟其驅責不暇  
聽千戶沒削未返百戶至百戶方返總小旗伴當  
至奴僕為長官書吏為司命一形嗟嘆令戍二三  
百里外又安得生土民遇征調又棄命為軍土軍  
遇里甲又破產為民誰念之者欲援斯人之弱何  
有純夷處本辦差發征調不為過非純夷處有里  
甲學校本不當征調不得已而征調宜役其人而

予之裝上官有厭里甲學校願征調者聽不願者  
祿而不官此救土民之急務也土軍以身為役無  
糧餉自備兵械鞍馬體恤新例以冬月上操三季  
歸農而莫之遵行宜申飭之令三季內官旗不得  
與土軍面此抹土軍之急務也夫海內之徭民有  
蠲軍有餉不平得愬於上而獨土民土軍以土官  
故莫之愬故曰蒙不當蒙之苛政者土民土軍是  
已

邵世忠傳

卷十九

三

龍馳之歲余碑世忠大人赴宿諾而世忠不能待  
矣忍為世忠傳知交幾何而石火盡也顧不可當  
吾世失世忠世忠名陞邵姓別號梅墩邵餘姚名  
族而祖康節先生蓋先生有孫溥實昉浙宗而四  
傳還姚七傳文達文達長子德容贈工部郎次德  
久邵武太守以世忠貴封中憲大夫右僉都御史  
娶吳宜人再娶張恭人生世忠世忠幼有大志始  
受室讓婦翁所贈奩田邵世忠受戴氏禮而世忠  
特穎達一擢綴輒出儕耦上嘗從中憲公于水部

伯兄某方計偕公拾決于其間已破的丁卯登鄉  
書成辰成進士與余同讀中秘書庚午授江西道  
御史時有市珠之命都商瘠瘁都給事李某言之  
繫獄世忠抗救謂上既不當索珠又不當以其  
故薄受言之量令天下謂天子重貨而輕賢也都  
人避之有間心動謁歸而道聞母恭人訃毀瘠柴  
立誅茅墓側而居三年有芝草數百之祥既免喪  
補河南道出按蘇松四郡江陵持下急莫敢絀而  
世忠獨以寬通請江陵亦受而行之不迫不激直

卷十九

三十四

行已志而愷澤流焉始中憲公之罷邵武也雲間  
吳某為司理下石世忠按部至其鄉而司理子方  
重繫自分死矣顧用直道廉出之人翕然稱長者  
已按江北江北饒水患齧祖陵咽運道世忠為  
築四隄濬海口又議改議留賑議蠲恤孜孜拊循  
其民更按江右有詔毀天下書院而世忠謂白鹿  
洞于古今著名請毋毀于是巋然制貢紙及絹而  
苦中人朘食世忠循民之欲減絨紙直裁絹帛之  
半得請著為令辛巳報命留掌河道典京察歷大

理左右丞少卿署寺事侍經筵俄以右僉撫南贛  
便道省中憲公會疾遂留既免喪開府于楚楚歲  
儉盜白晝掠大都公徇其首惡而賑贍其餘于是  
大慙劉汝國鳴杼于太宿靳黃間氛戢熾則設堡  
哨以遏其衝而檄留都撫操諸使者協力剿之賊  
負固無誰何公身督播兵以登而殲其雄拜銀幣  
之賚徵為左僉協理院事既瀕代而潞藩就國有  
以故景邸莊田啗之者將攘齊人業公奮言景府  
曩課租若干今王不當借此更侵民且王府官校  
來徵租民當倍出王亦不能半入不如屬有司徵  
以歸王卒得俞其為民求瘼而不欲遽廬去之如  
此陞左副都御史刑部右侍郎轉左署部事當是  
時朝士以譁為風不入其黨者雖由夷跼蹐矣而  
公守節不故諛以其故構蜚語幸天子神聖留公  
而公以為不可留乞告歸公具閔達揮霍才而依  
于忠厚終始理官三持斧一建牙終司寇不妄法  
一人大抵詘空言崇實政善搏擊急撫循碑于吳  
祠于楚載諸金石刻若徐相君文貞吳方伯國倫

卷十九

三十五

諸紀述可考禮賢愛人品經題者為名士士以此  
附之顧莫恃緩急公曰吾所樹非荆棘也荆棘牽  
人裾矣性矯矯不喜為鈎其監已卯試也他所典  
文者靡不以試題若文媚當路而公獨否發策問  
猶以考成為譏人為奈何編其鬚趙直指與執政  
忤御史大夫因倚據罷之公語其寮大夫嘗從蒲  
團中度半世何令晚節如是或以告大夫公亦不  
謝晉江王司寇初為郎論執政奪情貶交知駭散  
而公獨道賤之資其行其大節若此猶為時人所

卷十九

三十九

齟齬則不阿之效云公孝友特至中憲公八子一  
日坐悒悒公揣大人當無所念而深念其以諸季  
我吾伯仲者長魁鄉薦仲善生叔簿太湖陞勉自  
力四人者之于大人不煩矣請以大人貲予四季  
中憲公為之一笑卒如約而屬朱恭人恤廢娣甚  
周比母弟舉于鄉庶弟咸立廢以節風而心始慊  
也又善應宗戚朋舊之求故慕義無窮千里誦德  
子二欽順欽馴沈子曰談相人者謂博碩長者公  
卿之器以世忠之奇偉男子其中寬有度而竟落

于汀漳不應相法邵氏句餘衣冠也顧微公卿世  
忠卿而不公居使之然耶世降于古或睚眦挺劍  
于上或任俠借劔于下資業盈室謠詠載車而猶  
令名終則不公不害陳太宰鱗然當世所宗而媿  
媿誌世忠之墓要之死後曷嘗不重世忠世忠與  
余同一志而晤不常余執經而世忠攬轡余舞彩  
則世忠詰姦南枝北風之篇何地蔑有迨余讀禮  
而世忠乃授替偕朱宗伯少欽來唁余月波霞嶼  
間禮阿育之塔登鰲柱峰面滄瀛觀扶桑日酒酣  
露頂氣幹不減少年也而不謂永別目中余欲令  
後人涉其梗槩而傳之

卷十九

三十九

### 抱愚公傳

聞之古有北山之愚日課其子移其面之山不能  
損一毛猶曰待吾孫之孫也老子亦曰我愚人之  
心我衆人昭昭我獨昏昏今金華山中有抱愚公  
豈亦脩老子之行而蘄若子與孫行移山之志者  
我公章氏術名道傳字本浦江人徙金華之蘭溪  
蘭溪之章成弘間有楓山先生懋蹈繩履檢大儒

也其曾祖曰徵士徵士之長子源生統統生恕恕生播播生計是為芝圃公而生公為人端凝有器困于燕雀不學而治生然於經史百家皆獵其大旨祈寒不爐隆暑不弛帶雅士過從尊酒談說不倦課二子以夜徹曉有聲執苑中居親喪哀毀踰禮家始落後乃稍振每臨案輟食懷風木不養之憾諱辰雖遠祖必齋事其兄如父撫其弟如己有從父貧不棄推已地葬之從子客死嶺南負子錢不能贖為之償之且收其孤國柱使與二子學迄

宋馬人年卷十九

三十八

以競爽與人分財常取少或遂負公錢不恡折券歲大侵倡眾賑饑人有群數十輩掠富人穀者皆當死公居間而活之家世習醫每下簾為人治疾雖貧必盡其技而不責報邑令庶知公署鄉約長則為眾開說祖訓大義勉之令為善令常遣訟者就公平見敬禮如此章氏之指眾負縣官賦多每吏來常走公所公度其可償之者償之而徐按其所伏次第辦矣先世所貽廳事燬眾環視莫計而公任之還舊觀蓋其才又足辦也生不佞佛疾革

張目謂子曰陰間無天堂地獄不足懼一以禮從事又自贊其像遷於正寢瞑子尚學舉癸未進士入余轍中自中書舍人歷諫垣為銀臺以初考滿贈公亦中書舍人昔丁崖州不信人間有忠孝事謂皆史氏藻言夫惟無藻故古今無振奇藻則奇奇則不可信無奇而有不信謂嵯州何余觀士大夫談先德者如一范出不能奇必抑而為愚而愚之所遂常奇夫為愚甚易而人不趨為奇甚難而人趨之何也陸祭酒可教雅士也貽余書曰余鄉抱愚公人人易之而人人愛且敬之余既已銘之子盍傳之余故為之傳

宋馬人年卷十九

三十九

### 方叔傳

方叔湛者字子朝莆田人也方之先西漢末河南尹紘避新莽亂棄官之江南李唐時廷範歷宰長溪古田長樂三邑始家于莆人稱為長官繫之以爵而不姓長官死葬靈隱山六子皆宦達繪像廣化寺世所稱六桂方者也明興廣東布政使良節與兄刑部尚書簡肅公楷舉進士良節生重熙領

丙子鄉貢重熙生叔猷饒州府別駕別駕四子湛其叔蓋自布政公下五世皆兄弟射策矣叔生而穎悟絕倫年十七父教授臨安隨之往師蕭山蔡生歸試臺司以儒士預省試已補博士弟子三試皆甲其儔例得廩學使者多遷去終不得而是時從季沆與叔同聲通甲乙丁卯兩人俱入省闈沆穀叔罷歸患窮日之力走二百里抵莆及賢書至首義乃錄叔為式而顧不偶愈益發憤取諸子百家讀之非省侍不入庭非吊慶不出戶非蒸嘗膳

味鳴文集

卷十九

四十一

臘不面家人與五六輩俊會文諸人搜隱扶奇無遺力及叔言出人人自失更傳寫抵其業覆誦耳庚午復不第喟然曰吾方氏材藝者無不膺薦吾材非弗若也以逢披終命也夫磊落負氣不遇之歎鬱鬱咯血病別駕公百方終不解且草執孤承郁手屬別駕曰惟是貌孤若千鈞一髮其有以慰大父心教之食之是在大父言訖明年三十有二叔孝友慈仁成於天性壬戌東夷之亂舉家避冠榕城叔客豫章返囊才數金盡市糲脯以餉人身

不餘一錢故死之日閭里知不知墮泣父喪之喪其明即有他子貴弗易其所愛槩於秉耒者深也叔卒之三十年而承郁令歛最贈官所翼傳註諸書多不存存惟尚書宗旨沈子曰余少好讀書顧于青紫優游耳既冠有友人管生者誓言不第寧死不摩勵以須安所取捷余感其言刺股云余既第管生久之亦第青蓮以鍼嫗成名天昌嘗不憐人志焉今讀方叔傳而悲之愚公教其子孫世世移山山移彼試技技以幾粟所趨之獲不售輒從業

味鳴文集

卷十九

四十二

### 張翁傳

張翁其者字必仁其先開化人當李唐末而榮公者居休寧嶺南再徙漁灘族閩遂著入明而尚周者生原善原善生竹癯竹癯生雲鑑是為耕雲公耕雲公娶於黃五乳而生翁無何而孤年十六倚伯氏治會計書書多底殫伯氏嫚罵曰而謂幼未

遑暇習耶桑大夫於而少三年而侍中矣翁憤不勝日夜研覃於六義遂通既又學古文詩詞亦犁然伯氏喜益資之裝遊淮陽燕齊間治鹽炙火饒然翁不備心計亦恭儉折節布衣疏儔與人交廩廩君子德讓之風與諸約輕紉綺縠無得曳吾門醴漿崇俎無得升吾堂有笑吾儉者吾口不言而心儀其為非凡吾所為儉者非門錢瘠熱終不舍一文若世齷齪握者之為吾所為儉欲有所用之也迺歸別室祠本宗開塾以群族子盡分予所受故

卷十九

四十二

業業諸弟而別起大第數百楹堂閣相屬益闢畦圃以明得意舍人盜金覺自裁翁驚曰何物憤子而輕用命徒使聞者謂我重債而賤人也厚為之觀而歸其子嘗悞才一鄉人謂可賈也予之數百金不讐翁亦不問歛俗善訟一簞百金有齷齪翁者人曰必復之吾力能重君翁曰吾所重與衆異故張翁不訟人亦無如張翁何誰謂鄉曲之豪必武健剗切杆當世之文罔然後豪哉此乃翁之所謂善者也邑大夫城城翁持千金輸城成而令奉

冠帶前為壽翁却走不受其後入貲補官為大醫屬令與邑博士率其弟子款門請為鄉祭酒翁以天年卒于家年七十三太史氏曰世所稱儉殖者陶贛吾無譏焉白圭纖矣卓程而下視計然曰白圭何啻千萬是挈瓶之智哉夫善賈者論其有餘不足貴上極則反賤賤下極則反貴奚獨儉情亦天道也夫物惡有滿而不傾積而不用者故否不出新美不入抱持尺寸福亦不進彼所謂富好行其德者自卓程視之未有不謂善靡非能善者也

陶贛文集

卷十九

四十三

而不知陶贛用此逾饒漢興善殖者余以為莫如卜大夫其操作勤其分予仁其奉公忠其與物無還則義其不匿財知取予則公近老氏太史公觀漢之急水衡也故書平準以著漢之失又為儉殖傳自老子晉仲而下各有稱引曰計然之策越用其五而得意蠶用之家猶十九年而三致千金將富國賂戰士胡不引蠶事觀之也漢不得研蠶而用之使卜大夫操利權為大農丞猶宜多便畫卜大夫之不使而使桑孔東郭之屬耗天下計無左

於此今天下之言廢著者莫如歎其能薄飲食忍  
嗜節衣服與用事僮僕同苦樂趨時若鷺鳥之  
發人人類能若夫分財子弟如卜大夫輸絲官如  
卜大夫不欲仕宦如卜大夫與人無分爭無冤事  
欲言如卜大夫斯當世所希邁睹者也其張翁哉  
翁既分財好予然益富其季子濂為光祿署丞與  
余友黃定父游交驩當世名公如王中丞世貞余  
師詹事余公臧方郎鄭君一麟皆有論著以顯其  
名既以予人已逾有此余所謂天道也

張鳴文集

卷十九

四十四

搏者張松溪傳

我鄉弘正時有邊誠以善搏聞嘉靖末又有張松  
溪名出邊上張衣工也其師曰孫十三老大梁街  
人性羸癯張則沈毅寡言恂恂如儒者張大司馬  
罷而家居引體抗然坐之上座云邊師之徒袒裼  
扼腕瞋目語難而張乃攝衣冠不露肘邊師喜授  
受顯名當世而張常自匿人求見輒謝去邊師之  
弄技進退開闢有緒如織而張法直截嘗曰一捧  
一痕吾猶輕之胡暇作此愛愛間事邊嘗北游值

六馬駕負其力肩之不勝出于輪而病偃有少朴  
僧數十輩尋邊邊遷延之至日脯與鬪燭八滅燭  
而躍坐梁上觀諸僧自相擊于暗中而乘其斃大  
抵間用術俟亂時少林僧七十輩至海上求張張  
匿不見好事少年遂遇之僧寓迎鳳橋酒樓張與  
少年窺其搏失哂僧覺避之張曰必欲一試者須  
呼里魁合要死無所問張故孱然中人耳僧皆魁  
梧健力易之諾為要張衣屨如故袖手坐一僧跳  
躍來蹴張稍側身舉手而送之如飛九丈意中謂  
重樓下幾死蓋其法云搏舉足者最下易與也張  
嘗被監司徵使教戰士終不許曰吾盟于師者嚴  
不授非人張嘗踏青郊外諸少年邀之固不許還  
及門諸少年戒守者毋入張閉之月城中羅拜曰  
今進退無所且微觀者願卒惠之張不得已許之  
門多圍石可數百斤者命少年累之累之不能定  
張手定之稍支以瓦而更累一千其上祝曰吾七  
十老人無所用僅直劈到底供諸君一笑可乎舉  
左手側而劈之三石皆分為兩張終身不娶無子

張鳴文集

卷十九

四十五

事母以孝聞死于牖下所教徒厯厯一二又不盡其法余嘗從其徒問之曰吾師嘗觀予師予師誇吾師曰何如師曰吾不知吾黨問之師曰大刺則刺矣而多為之擬心則歧矣尚得中耶余聞而憬然因憶往時嘗問王忠伯邊人何技而善戰忠伯言邊人無技遇虜近三十步始發射短兵接直前攻刺不左右顧者勝瞬者不可知旁視死矣今張用此法又悟北宮黝之養勇也不膚撓不目眴非謂不成人則至撓且眴直如飛蠅之著體忘撓與

卷十九

四十六

逃鼓精奮神專篤無兩雷革春面集七矢而不動是矣張有五字訣曰勤曰緊曰徑曰敬曰切其徒秘之余嘗以所聞妄為之解曰勤者早作晏休練手足力少睡眠薪水井曰公致力中原而恐優逸不堪以百覽從靈此一其素也曰緊者兩手常護心胞行則左右護脅擊刺勿極其勢令可引而還足縮縮如有循勿舉高蹈濶下不下八不入可亟進可速退心常先覺毋令智昏立必有依勿虛其後衆理會聚百骸諧束縮縮而虎伏兵

法所謂始如處女敵人開戶者蓋近之曰徑則所謂後如脫兔超不及距者無再計無返顧勿失事機必中肯綮既志其處則盡身中一毛孔心感嚮赴之無參差若猫捕鼠然此二字則擊刺之術盡矣曰敬者儆戒自將勿露其長好勝者必遇其敵其防其防溫良儉讓不忤不求何用不戒曰切者下忍萬忍指齧齒勿為禍先勿為福始勿以身輕許人利害切身不得已而後起一試之後可收即收不可復試雖終身不見其形不成其名而亡

卷十九

四十八

所悔蓋結冤業者永無釋日犯王法者終無贖斯得無慎諸聞張之受于孫惟前三字後二字張所增也其戒心又如此君子曰儒者以忠信為甲冑禮義為干櫓豈不備哉使人畏而備之孰與夫使人無畏而無備之為周夫學校以備患而慮患乃滋甚則焉用技恃技而不慮患患又及之技難言矣故君子去彼處此



嘯鳴文集卷二十目錄

祭文

祭內江趙相公文

詞林祭杭州高相公文

同鄉詞林合祭高相公文

詞林祭興化李相公文

祭太保余公文

再祭余太保文

三閩真山陰王公文

嘯鳴文集卷二十目錄

祭李五華文

祭張鹿峰文

祭葉封君文

祭柴季通文

祭王熙字文

祭李珍默文

祭鄧定宇文

祭陳志行文

弔郝封君文

祭王省父文

祭管進士文

祭聞雙溪先生文

祭徐子器文

祭秦行之文

祭張子蓋文

合奠孫文恪夫人文

代父祭孫氏姑母文

祭叔父影泉公文

嘯鳴文集卷二十目錄

祭伯兄文

哭箕仲文

大拜告祠堂文

泰鴻省墓文

哭泰淵文

祭陳起綸文

哭余僧果文

祭邵世忠文

祭崔春洲座主文

同年祭羅康洲文

祭傅大恒文

合奠太倉母夫人文

祭徐太親家文

祭周太洲人文

祭周洲人文

祭長孺七弟文

誄

吳孺人誄

嘯鳴文集卷二十目錄

嘯鳴文集卷二十

四明 沈一貫肩吾 著

祭文

祭內江趙相公大洲先生文

嗚呼扶輿清泚之氣乾坤星嶽之精篤產鉅碩為  
世鰲極載采亮翼盡忠本朝俾社稷憑以彌鞏士  
類瞻以趨步生靈載以寧宇四夷耳以震懼不可  
謂不遭世邁主矣而厥膏尚屯厚積薄施賁弘略  
而遠舉翕長喟而永淪嗚呼哀哉何彼吳生之特  
偉而資之猶歉也嗚呼夫子體茲亮實克明明德  
弱冠峻發志在霄漢幾深通志精恬默成高揖名  
師博求德友見真知之本性渾致一之道源含萬  
象於一體驅九流於同域搏擲造化鼓鑄霄壤所  
以三仕不喜三已不懼料頭編鬚不為危奮劒援  
戈不為懾浮江逐沅不為怨樓遲蹇迴不為憂讚  
揚先聖獎進後學則耳提面命若恐不入耻獨為  
君子也沒引沉淪推轂臭味則敝口竭吻以就其  
材欲同升諸公也虛懷而襟帶不設弘亮而城府

洞開真人倫之師表薦紳之領袖矣翱翔詞苑頡  
頡世資平仲一心下惠三黜茲回無所布其洪導  
喘不能點其玉氣潤河靈貌雄岳立精誠孚格金  
石為開龍虎蒸變風雲生色 先皇帝不謀群臣  
而獨斷於夢卜拔之齊僚之中加之師保之上伸  
於知已擢專報國造膝沃心務存匡救引過稱善  
無任勞怨廓如天於地表煇有截於隅外亦儒者  
之至榮倉生之厚幸矣何昌辰來遲而去速君子  
難進而易退蒼黃反位齟齬命駕孟軻三宿梁鴻

東坡文集

卷二十

二

五噫僊僊乎歸劒閣非險其以逝蜀道何難夫  
子方且謂樂志養性體道合神人間未必有為物  
外不為無事將有理外奇舉異夫鉤鉞析亂之趣  
區表絕迹迤乎儒墨漫羨之方埋教父之玉冊沉  
空王之寶筏不仙不釋獨往獨來籠萬物於毫芒  
挫二儀于纖芥蓋鬼神之不知豈弟子之能測以  
垂不朽而合無疆矣廼者數載崢嶸遽駕軒轅此  
豈蔭羽蓋駉鸞馭逍遙列仙之府而已哉直乃歸  
傳說於箕尾還蕭何於昴宿縣日月而不老配天

地而長存也嗚呼道本無朕神終藏用靈無滯迹  
天豈偶物所嗟有情未被常愛朝摧其幹人殞所  
載此有識故老所以輟杵而啼天子公卿所以廢  
朝而誅也一貫自脫僑金閨閱冊玉府榮中郎之  
授書感有道之題目啟我醯鷄之覆示以大全策  
其驚馬之才最之若邱歛春華以秋實騰鸞翎於  
鵬羽南榮之遇老子頓失偕來之人侯芭之師楊  
雲數問太玄之字蓋義重在三情鍾有萬者也而  
龍蛇當歲括人其委岷峨萬里莫重負土之蕭秦  
嗚呼文集 卷二十 三

舉而已也

### 詞林合祭杭州高相公文

嗚呼國訥黃髮民瞻巖石謂神所扶胡理斯忒顯  
顯高翁光明偉碩君子珪璋正人松柏處涅不緇

在喧彌并廣度長才直秉義色出入承明三朝典  
則秉道匡時擢文華國北扉南宮懋繁勞績夙夜  
直清曠禮斯飭宦簡再徵雋昂始食受遺輔聖增  
光皇極望霖甫殷殲良昌亟其等夙奉末行今嗟  
永隔相視連如靈輶發夕櫛離薦辭音容疇昔諒  
為明神其輔宗祏

同鄉詞林合祭高相公文

夫何天馬之始六法駕也首長路而遺之若霖霖  
而忽忽若舟欲截而周維蓋天下之望公久矣  
卷二十一 四

乃今期於臯夔胡然而相也胡然而往也彼尸之  
者伊誰維皇御極維新化理公以碩命元老忠貞  
不倚獵廣學於介丘濯明心於白水文章龍鳳之  
騫騰風操冰霜之凜冽金可銘也讓其剛素可濯  
也羞其潔自解褐於金閨閱三紀而無闕或化茅  
以曲遷獨握莖而自悅每守約以常贏雖在朝而  
立子蓋喜愠未之覩也何岑靡之繇前藹雲傳而  
嶽秀亦可親而莫攀又雍容於侍從樹羽儀於列  
山柄三禮以和邦脩曠廢而不愆位視聽以猶斯

迅初服以如脫試萬分而寡一辟太阿之小割迺  
顯膺乎爰立庶慰我乎饑渴走倪老以歡呼嘉耆  
碩兮進庸胡川嶽之斬精坼台象而告凶攀鼎龍  
以遙舉弛康蹟於遺弓遂令嗣皇軫不勌之悲具  
察興百贖之嘆咨寵錫兮鼎來可長夜兮復旦亦  
全節以掩采如世路之憤惋嗚呼翁之精誠結天  
下詎吳越之為鄉遐作人之不廣何詞林之末行  
而大歎洪流者想其竭傲愆人者怨其亡慟里杵  
一振相復陳笛兮山陽踞飲泣而陳辭患陴側而  
不詳

詞林合奠興化李相公文

嗚呼江淮產俊多開國勲公用儒起翼宣守文爰  
自肅皇臨軒褒舉審象應圖重於鼎呂調垣史  
局銓貳秩宗文章德業屢眷宸衷迺陟孤卿迺參  
宥密末命奉揚先皇汝弼晉專上鉉默幹繁機  
法遵畫一道贊雍熙百僚師師天子穆穆夷夏又  
安遐邇提福功成不處累疏求間抽簪高謝賜傳  
榮還有赫褒綸曰誰儼古執政馮京養親王溥皤

瞻黃髮踰紀海濱東山碩望中朝外臣生事死事  
子道終矣適來適歸奄乘尾箕嗚呼忠孝咸遂勲  
名兩全垂休享大誰孰公先有粹其容風輝日燠  
有洞其衷山苞海蓄至今食福源本嘉隆當身鯨  
迹歷世歸功鬱鬱堂封行雷備渥煌煌玉鐫永垂  
蹕卓公乎不朽吾黨曷瞻瞻彼旱麓惟石巖巖醺  
真抽詞臨風悽愴元氣同鞠靈台在望

祭太保余公文

嗚呼扶輿山海之秀間一發為偉人迺猶拾漚而  
味鳴文集卷二十

六

不常豈造化猶莫信自昔有志之士惟致身之為  
艱豈知雲蒸霧會依日月之際尚不能展布四體  
終為陰陽之所患徒使長志裁於短筭彌天戢於  
一棺英人浩憤義士長嘆已矣相師終今曷之吾  
見夫瑰才博略廣意宏姿智足以苞汙茹下通足  
以役異驅奇敏足以率作興務健足以當前決機  
持權秉軸百胡不為而卒以有待之日虛往無奇  
之夫並傳穹階徒揭盛名空懸邇知古今士之不  
遇寧獨秉耜之下鼓刀之先亦有紆紫拖采排金

踐玉而齋志以畢日撫膺以就泉者也已矣相師  
夫復何言賴夫雅志山水永日琴樽圖南之翼雖  
逝而逍遙之意常存鳬短鶴長任運以俱邁鼠肝  
蟲臂與化而彌敦是以屬續之日無復云云則亦  
不憾於物而反獨其真者矣嗟夫士貴有述亦難  
無名據高者召鬼鬻肥者為牲蓋棺槥然後定于  
月旦啟手足始乃免于淵水蓋振古而如斯故聖  
賢猶愛鏡若夫子之今日始寥廓於太清悲後死  
之白日謬行子之未歸航巨海之浩渺望嶼島以  
望鳴文集卷二十

七

焉依恐失持而一躓即瓦全其難幾肆今日之青  
門想雍琴之雙徽雖傷心于旂旄亦破涕於縣駢  
捐孤筑於岐達知是耶而誰非悲來乎東湖異日  
霞嶼當年縹緲藏書之所空濛隱學之山歌采苓  
而不返塞芰荷以私憐望白鶴兮不來灑長淚於  
終天借死日而可作吾不知其無慚忤於九原否  
也

再祭余太保文

維萬曆丁亥六月二十日我文敏相師暨配一品

夫人水氏歸於隱學之塾者三年所矣諸子奉遺像祀於饗堂其門人太子賓客吏部左侍郎無翰林院侍讀學士沈一貫工部屯田清吏司主事沈一中忽豕封羊束茅塞藻告哀于几前嗚呼生感激而多悲兮掩丘穴之餘潛矧知己之零逝兮撇楚軼之決瀾歷聖賢之偕盡兮特牛山之淚滋使咽水而可導兮溢千頃而湖之何靈輶之夕綆兮逝不留於鵲舟曩蕭鼓之嘈嘈兮茲鄰笛之啁啁氣衝襟以噢伊兮涕垂縻以滂沱彼黃流之後清

卷二十

八

兮誰樂餌而止過追徹瑟之大暮兮忽拱木以斯晨立象馬以固輶兮疑遠遊之眇因嗟萬事不可極兮吾安知理數之所居恒駕遊以避宅兮閤重門而不開促縱鱗於潢汙兮鬱豐羽以翳蒼繳翔鳥於寸矢兮韜須彌於一芥蝕九鼠於枯藤兮淚獨鶴于陰幃霏賓朋之珠履兮掩燕趙之襜褕哀九命之不再兮驟遼羽而上升聖達節而寡憂兮又何貳於幽明吁人生之多故兮得沒地斯為難矧侈靈於題湊兮穿厚中而起墳繹浮休之秘思

兮齊生凋之大年區區乎僑終蹇謝兮胡謠相之復言

### 三閣同奠山陰王公

於乎公乎君臣大倫出處兩端邁合亦易無漸實難人孰無出出而素食享膺受豐報塞可單人孰無處處而盤桓刑璞不匿隋珠豈彈公繇秉樞及歸考槃自初迄終道無可刊正色立朝其氣如蘭贊微計密乃心洵丹痼瘵在躬永楚長酸意所不可寧論一官甲觀慶成海寓共驩或躍在淵于

卷二十

九

誰傳翰東山衮繡東園衣冠功將身遂道與名完凡百欽公風議團樂矢謨如泉隱不見湍凡百欽公脫全就利胡能獨樂天下皆瘴有迂如溫有翹如韓年貌寢食繫時危安朔風計來灑泣成關帝念舊臣輟朝而歎矧是蒙等盟鶴締鸞延瞰天飛竟悲泥蟠英英寶臣忍函玉棺誰能起之萬恨峰攢

### 祭李五華年伯文

穹隆維嶽西南其首湯湯漢江佩慨左右維京之

城麗於興國高閭者誰指樹其族有嘉聞孫道德  
是尊量宇淵塞風規玉溫緝思芳猶炯若雲霄丁  
年蜚聲甲榜標烈周行推美舊德歸新更以文飭  
華將實因中外屢更劇易咸靖凡所典司必聞異  
政練達朝章如河斯懸羽儀士服噦噦其翮肅肅  
在憲惟慎惟猷長轄大藩式屏式翰渥澤彌流懿  
圖彌恢九列虛左眷焉待來貽厥茂嗣陶輪為器  
無埴弗佳登於皇肆洵美冢君弘博不群潤色鴻  
業煥為國文維仲暨叔象賢者六踔彼荀宗躡茲

張鳴文集

卷二十

十

竇族公倦於官以逢親歡中君廁輪局浣曷潄曠  
宇高賞逸馳雲上急流勇退衆星獨朗履躬康哉  
百禄鼎來歲在龍蛇賢人固灾凶言赴迅人倫崩  
震矧予猶子而不首疾自南凱風日入於濛天地  
為廣斯人曷容士茂典刑世推耆老悲哉秋風傷  
心蕙草叩瞻曾霄有駟僂僂靈之脩往我神為彫

祭張鹿峰年伯文

肖山父

語稱芝草無根醴泉無源自公觀之是為靈言公  
蘊井絡之精席箕裘之盛績學宏文脩身飭行爰

自黃門公以忠諫批鱗謫戍瞿塘公與伯叔甫在  
髫鄉而扶襯返葵泣血皇皇孝聲動乎閭里人號  
今之文強既用詩書繩武科目起家鴻名策於天  
府世德冠乎西巴深恩波於三楚戰駿略於一涯  
舉見者無幾而遺民至今咨嗟廼三鳳聯翩五  
色繼起操三尺以平反信于公之有子扶萬言而  
取資又眉山之繼美太史為之占星冠蓋可以題  
里而公徜徉丘園飲酒賦詩力教化於鄉黨友造  
物於希夷亘享遐壽逝胡遽為嗟夫君子生無媿

張鳴文集

卷二十

七

於妻子死無覩於先人骸無賸於閭閻官無辱於  
紳雖一日其猶永何脩短之足論因嗣子以遐  
泚聞丈人之餘響擷澤芹以陳詞魂遠來其惆悵

祭葉封君文

嗚呼人生幻耳誰其能久初娟綿以姣好忽遲耄  
以衰朽未決時而移日俄奄忽而不守曷存曷亡  
皆大塊之噫氣孰往孰來盡天地之芻狗嗟爾封  
公為余疾首昨歲走京師馳馬服劍曾血指之不  
先胡然而一返丘國遽匿光乎林藪以公之康強

健矯脫履而不可知然則蒲柳未必不為松柏松  
栢未必不為蒲柳死生若環夫亦何憾所貴乎公  
厥有其壽樹德於躬則被服儒者實愛善人為政  
於家則篤親惠嫻和隣睦友挾七策以息業退而  
彌彰授一經於趨庭昌在其後肆我海隅獲徼福  
於賢侯聞之天子俾給事於左右密議倚以酌叅  
廢僚資其繩糾於式穀之惟賢徵積慶之孔厚是  
以惠綏寵光冠巍冠而服朱紱蓋巖桂必芳澗蘭  
必馨雖勿試而不可謂不偶嗟乎公雖逝矣而給  
事君之所以匡辟惠時者雲流霧施不可窮吾知  
三泉可以輟歎七尺茲為無負何必綿微息於寸  
喉縻神方於曲肘然後稱叟哉顧余小子通家下  
走服贖脩於下風係遐望於北斗求翁何鄉於無  
何有問翁以縞哭翁以酒嗚呼冥漠莽蕩之中誠  
不知風轅電駒顧人間而少遷連否也

祭柴季通文

誰令造物為此者吾安知其所以然藉天於萬物  
各予其所欲天亦難乎其全吾將以萬古之目視

嗚鳴文集

卷二十

十二

天地而觀其壞何慘於五十年而恨使君之慳澗  
於今日一棺之故而昔之悲喜萬狀得失萬變不  
啻蚊蛇之過前通吾說者上見天不通吾說者下  
見泉維使君勲名不極徒抱空志以泯泯人皆以  
為惜吾以為即使君都卿相於今之天下豈能拔  
地而騰天使君生平瑰磊卓詭負氣天下高使君  
之節而忌其脩夫天下何知毀之者不肖而譽者  
豈賢天下之鮮久矣若使君者幾乎以完而何恨  
乎重淵獨使君以兒女累我此我後死之累也君  
何累焉我亦安能知兒女之將來吾直任彼之陶  
甄嗚呼使君已矣吾不能倚戶編曲鼓琴歌以送  
之吾亦愛吾淚之云連

祭王熙宇主政文

妻死京邸無何亦死于火

嗚呼運物之泄有不可以常理究者是則不虞之  
殃蓋千萬人而或一人罹之乃君胡逢其不祥夫  
以君之恂恂鞠躬以植其身彬彬文學以姱其脩  
孝友孚於鄉黨然諾重乎交游既才且賢應時鳴  
騶奉輶軒以使四方則 皇命式宣守繕部而給

嗚鳴文集

卷二十

十二



六軍則戎裝孔備蓋歷官淺而處職卑所自效者  
若此可不謂奉職循理又何多求何辜於天何怨  
于人何讓於鬼何適於神乃降大凶殲其內君猶  
未已也以焚其身蓋鬱攸之無情豈霽封之與隣  
身死之日家無餘財具棺槨此不足以哀縉紳耶  
嗚呼人誰無死死即等耳死病死大何惡何美今  
君之子舉二柩以南君其乘雲駕龍逍遙而歸故  
里嗚呼生與君同鄉仕與君同朝婚姻兄弟譙笑  
君之親君之親何不銷生當飲饒死為漿掛哭  
辭盡矣何能曉曉

卷二十

十四

祭吏部司務珍默李公文

余鄉試內薦座主

追維曩者歲在辛酉較藝秋闈用呈妍醜繆膺粉  
滌變奇成偶特達相知惟公之有既邁君子玉粹  
春溫篤論慷慨匪思所存鳳麟其瑞華嶽其尊展  
也括人幸哉及門既東且西音徽阻隔雖有寤寐  
不能朝夕戊辰首春更奉履舄忘其契闊慰芳籍  
藉遭時過分糜祿闢下高武既接短袂屢把春春  
款實若家人者助我斲力假我乘馬有時密坐較

古考今勉卒景行發寤於心有崇素業有昭德音  
嗟嗟我公翔於士林翔於士林為型太學天子既  
臨咨講賜渥往典棘寺榮名彌遠載攝天曹清通  
偉岸伊人如何國之瑤瑛不暴其光衆輝自并一  
朝奄化委其生平天之毓才厥意可明嗚呼命矣  
縉紳同嘆矧茲在門忍而自寬西州路迷墮涕決  
瀾珍幽瓊枝化為金棺

祭鄭定宇文

令德君子邦家之毗溫恭為本孝友為基積基樹

卷二十

十五

本行醇誼薦薦神明澹如無營無欲出不休顯處不  
戚貧恬以和競靜以鎮紛為朝典型為時冠冕惟  
帝眷賢正思遠館云胡厭世登遐踐真去辭白日  
而為列星早既太甚密雲不雨大厦難支梁木斯  
萎誰為此者匪降自天詰人不居民何生焉東蜀  
寄將有潛其膏為公盡傷為時憂憤

祭陳志行太翁文

孝子

嗚呼死生旦暮古今所同何足櫻達人之胸中維  
人所為貴天地者曩倫之壽而孝弟之先儻不是

務而幼不孫長不述不死何稱焉嗟余陳翁閨閣  
儲祥佩詩韻禮既赫稱嬰湖之世家明農問桑而  
經書滿腹其居山澤而志廟廊者耶謝家玉樹寶  
晚天香有鳳子與鸞孫善嗣續之未涯洛水歌英  
商山樹榮幾百載而謝去又驟雲而躡霞凡此者  
金聲玉韻炳耀寡兩而余未為翁之所希翁之所  
希則赤子之舊德而聖哲之隆徽嗟乎百行安累  
萬善安始兩儀安立百王安軌相彼林鳥受哺於  
子彼人弗如胡然臚趾竭情盡敬疊疊忘助夕膳  
晨羞生庭死廬此吾所以遜翁之弗如者歟不可  
朽矣死何有矣薄薦我有薄庠我體嗚呼陳翁庶  
來眎此

吊郝封君文

邦溝暮兮水敷蜀岡慘兮景晡天荒荒兮脩途弔  
先生兮東蜀歎哉生人之不留也提於隙駒死  
存之代施也若機灌輸計先生之閱世也八旬且  
踰倏耳節以掩色也直僭斯湏嗟幻物之糾紛也  
誰究其圖信外質之非珎也懷子瑾瑜吁嗟先生

亦丈夫標形山峙意氣羸情神朗照懸明珠高步  
入楚豈有徒舉手四招集青趺咲而收之如博盧  
籤金遺經兩具俱五色皇路翔鵷雛不獨素封黃  
封殊雍容遊閒車騎都公卿籍甚多跡趨史傳貨  
殖有以夫先生之道時隆汙末路可卷還如蘧甚  
愛亦鑑老氏模自休其休神不枯聞有道者命所  
通終焉不免非命乎吁嗟先生亦不孤來有從兮  
去有徂去來之說有也無

祭王省父文

嗚呼白日忽其不掩兮若挂經而駐之人非金石  
必消毀兮百年共盡兮何疑脩榮短悴窮憂連歡  
固人情兮予安能抑而無悲狸鼠內穴螻蟻外蝕  
生者掩而弗能禁兮死又奚知朋儕聞之嘆息嗟  
悼而止雖妻妾殞哭終何伉於孤嫠臨穴惴惴慨  
樂不終極矧與憂生而不能一日歡者竟何成為  
予四過廣陵習其人而歲一新也今五哭老成盡  
矣嗟後死之為誰且夫天地淳龐之氣濤久矣而  
乃有如遊華胥如杜德機雖即市道坦無町畦以

儉起家以息寬之交游善良誦古今詩吾必謂學  
安用知書引不能觴常持酒卮居不必山有鹿與  
芝此逸民之遺軌非垢氛之能溜嗚呼宜吾不能  
忘公而悲也亂曰有隱君兮生三秦兮淮南賓兮  
苓山人兮生不脩兮初五旬兮身為塵兮德猶新  
兮桂樹漿兮假我神兮

祭管進士文 名大耀本無病學行氣死

嗚呼古者有死死壽歸也死病時也非病而病非  
死而死此吾輩所以痛惜歎恨於管君也以君之

味鳴文集

卷二十

一八

強即耄耄弗論五六十已所自有生何患君而之  
死恐弗亟病為不病死為不死益生為祥而竟罹  
大凶也嗟嗟管君明能讀百家書而不能燭其五  
藏辨別昭闇死生之路聰能聞古今言而不能入  
賢智勸諍之一語謂菑為利謂忠為愚力能取進  
士而不能少緩須臾無死樹尺寸之業以實談士  
之口乃使親知視歛僮僕持棺魂泊無所歸骨干  
里父母迎死子妻迎死夫子女迎死父資用困之  
俯仰失倚暫笑而長號一榮而永謝死惟無知耳

猶有知者恐子不能忍悲慟安蒸嘗悔疇昔之迷  
陽而抱長恨於終古也嗚呼暮矣無所愬矣已矣  
悞矣請勿悔矣初君不病悞而病病可無殆又悞  
而殆殆可無死又悞而死死復何悔悞亦悞不悞  
亦悞不悞亦悞者易明也悞亦悞者人生則安為  
生死則安為死既不安生又不安死則惑也滋甚  
君其勿怨勿悔還精戢靈依丹旆以南指望故廬  
而託處以康其親而利其後人我輩束帛斗酒與  
君別矣輝盡矣嗚呼已矣

味鳴文集

卷二十

十九

祭閻雙溪業師文

吁嗟造化之理實無故常天地之大意者為其茫  
茫耶先生守玄體素蹈矩循衡居身有珎先民共  
稱執青衿之牛耳搢文戰之茅旌謂天衢可以平  
徃帝闈可以直升而乃屢頓絃網之踈深韞席珍  
之貴下帷閤園抉傳剔䟽姬精孔神周情朱思紛  
談說於禮園晰疑回於文路是以羅鄭玄於絳帳  
立侯芭於玄闕負牆避席濟濟其間豈時舍而終  
否蓋道達而身閑如某者承學小生都養下士偶

當辭顏之笑輒稱交辭之子幸奉身而矢公敢狗  
末而乖始願服膺於往訓長稟裁於來紀胡天不  
勅龍蛇在辰悵音驛之遽寐恨太山之輒塵几席  
杖屨靡所撰嘯歌聲歎靡所聞音猶存耳世已如  
雲嗚呼一往而不返者年高高而不可問者天邈  
萬化歸於盡斯聖尼所以喟逝川攀號痛哀若為  
復言

祭僉事徐子器文

嗟嗟東轡何至於斯謂天蓋明誰其問之魁梧奇

味明文

卷二十

二

偉非薄命之相溫良樂易又永福之姿一第明經  
二宰巖邑栢臺之風霜高厲肱郡之雨露並集壯  
圖方遠大任將及而汲直有淮陽之命買臣厭承  
明之入惟江之右有覃其波振平惠以字小民約  
躬身以敷大和雖高其才而用其小亦老其才而  
求其多何彼蒼不勅之甚勤薤露易晞之歌士之  
處世患不逢主即其遭已而短若許故后土多懷  
璞之傳皇天寡支傾之侶不佞自昔器公材公請  
以弱息壻之徐翁悵承筐之無實何命駕之復窮

除襍無茶壘之神戲侮有揶揄之叢我輪北來君  
書西至未乾手墨遽乖人事聞我報章尚未陳前  
曾不少待蓋棺已先傷水火之難虞倏芳菲之再  
凋獨五絲之難續雖赤繩猶不牢祗執巨卿之緋  
而附元伯之輜化杯酒雞絮裁蘭言為萬悲此  
情可待此意何詞嗟嗟東轡其能垂聽于斯也

祭秦行之文

天之生才良匪易然胡君之生而茲忽焉胤英閭  
閭稟學父師家業世世疇人鉅儒爰奮鄉書魁其

味明文

卷二十

三十一

邑子爰起南宮稱都人士騰名帝側作宰江都雄  
飛矯翼惠渥良圖龍驤虎視平步萬里曷為隨牒  
百粵之汜器大用小方鬱群情將飛且伏泥蟠雲  
凌何辜於天何厲于人肆其狂訾乘間排根訛訛  
讒讒噪譁謾悖銜刀懷毒為兇為魁白日為冥青  
天不舒按劍相視虐喝惘疑尚有清議猶從薄罰  
玉杯不壘金甌未缺六駁雖蹶英蹄自豪晨風雖  
折冥翺自高讒莠雖長不食嘉苗君子雖困頡頏  
大哀鴻漸之翼隨陽楚澤雖則折節未為失策何

遽憔悴迫脇裏中焚芝熱蘭躡三閭蹤嗚呼曲鈞  
封侯直絃道周潛穎怨春陵茗秋自古而是寧  
獨今世取彼諧人投之有界死生命也晝夜循常  
心苟無瑕為龍為光辱與君交越在辛酉接軫聯  
驥是稱密友風雲感會臭味氤氲贈瓊報玖是稱  
睨親有偉鬚髯倅脩焯越有洵心儀凝遠郁烈胡  
摧短算獨遜庸恒發我賢媛孤我稚甥人邪天邪  
嗟乎命乎君其安之逍遙玄都旅櫬來歸哀哉楚  
些誰為大招寧之真座生芻一絮酹君于幽噤吟

吟文集卷二十

三十一

嗟吁曾波皆流

### 祭張子蓋文

嗟夫萬事至廣千變難知我國家甚隆二百餘年  
日方中矣繫長繩縻西畧不可無巨人在而今詞  
林中赫然著聲足備他日爰立之選者幾誰哉如  
吾丈者表直方之貞幹抱經濟之偉猷主上傾心  
以待啟沃海內側耳以望丰采某辱在交籍接履  
綦馨欬者景乂區區注往蓋願托不肖之軀焉而  
乃今已矣今年春不肖奉命北上無如二豎何回

馬首而南之天津之次倏聞吾丈訃音而不敢信  
既信矣使人灰心滅志喟然傷浮雲之不留而嘆  
世胡足為也太倉公以書來造次一牋而痛宮諭  
不祿悵悵焉憤憤焉人之遊岱宗者豈少哉而丈  
獨使人結情蘊恨若此深者何豈非世道之憂方  
深邪國家養士于詞林優之以望而不困之以事  
休之以早歲固將收其用于晚暮以棟梁乎明堂  
乃今而松栢與飛蓬俱零抱蔓泣矣此晏子所謂  
人弱一箇也悲夫高秋雲樹重疊憂端縱橫淚流  
有涕如泉雖相去數舍而病足不發命筆寓奠徒  
與太空相唯諾爾

吟文集

卷二十

三十二

### 詞林奠姚江孫文恪夫人楊氏文

世推華族必姚之孫士德既茂女範實敦繫太夫  
人克躬善聖備燾齊福式衍厥慶節義肇家維昔  
忠烈夫人之事之蒸嘗敬潔嗣興文恪典禮寅清夫  
人儷之敬戒鷄鳴喆胤蕃昌鸞翔鳳翥夫人督之  
聯翩卿輔亦有麗藻摘辭染翰名流彤史工掩團  
扇彼女而儒寧獨相儀魚軒翟弗象服孔宜身居

內閣聲聞士族溘焉上僊疇不盡縮大隧啟途可  
碑可銘芬華輟歇芳馨長青詞林世講陳畧薦焉  
匪曰告哀惟以誄德

代父祭孫氏姑母文

維萬曆十五年歲次丁亥十月十九日我仲姊故  
萬載丞孫公夫人告終於正寢越七日其弟封太  
子賓客吏部左侍郎兼翰林院侍讀學士沈仁佶  
遣男一初一經一貫一本創豕割羊醢酒饌香敬  
奠几筵而告之以詞曰嗚呼我姊而遽化去也我

卷二十一

二十四

姊溫恭柔則備有婦章言不苟發動必規矩閨門  
之內肅肅雍雍無呵噍之聲無疾遽之容相夫子  
以恭撫子姓以慈御媵婦以恩教子孫以孝治家  
政以勤以儉待六親以德以禮故我濟橋公歷官  
巖邑而無內顧之憂雖中道夭而門戶巋然存家  
懷賢母而里誦女師信無忝於沈氏之生而增我  
先大夫之烈者也溘焉云亡吾將安倣追維我先  
大夫生我兄弟姊妹六人我先大夫最盛德壽七  
十一我母僅四十三繼母與伯姊季妹皆五十六

季第六十而今姊獨九十壽最高是亦無憾卧病  
旬日無床第之苦是為考終子女雖先亡而頌孝  
子若孫衆多醇謹好學無忝其家聲以天言之宜  
復大壻服官大府之庭克戢慎亦克永其祿皆無  
煩慮安得不謂之福此皆姊之可以含笑逝者也  
幽冥之中其無睭睭反視而鬱遏其靈爽哉手足  
一氣有百恒情弟雖老無淚而內漬五藏淋淋更  
益多酸跼蹐踈蹙不能正履即欲一拊棺而力不任  
前用遣兒輩代將一絮以寫閔哀嗚呼已矣不復  
面矣登天入地庶覲見矣詞愈多悲來愈無窮置  
勿復矣雖在冥漠亦知我不言之意否乎嗚呼哀  
哉痛無極矣

卷二十一

二十五

祭叔父影泉公文

惟我叔父之生稟貞植亮履經煬和觸機善斷當  
義勇任直心是道洞達表裏若逢時邁機身履雲  
霄當為國之寶臣棟梁明堂而尼于盛年晚乃素  
封心無垠而澤有涯猷可大而仁不廣然而樂天  
居易任真推分以至大毫易簣而內心無毫毛芥

藩言而逾善超與元氣往可知也嗚呼哀哉一貫  
生不及祖父而竊聞素風粹然溫然如圭如璋我  
先考嗣興世德同道叔父肩隨墳麓和鳴惟茲壽  
祉之齊正以懷持之肖得氣甚正厥思無邪此固  
天心之所潛通而宜景福之無靳矣考終實難夫  
復何憾顧家艱仍沓不能十載而兩大人躡武于  
雲中老成云云子姓安做吾弟一中贊執在疚念  
其雁行中斷益殊可憐伏想尊靈必垂庇福如一  
貫者力綿任重懼不朝夕方仗訓告諄復庶幾永  
嗚呼文集卷二十一 三六

祭伯兄文

嗚呼吾沈氏詩書中哀而復興者吾伯兄力也自  
生齒來昂然有大人之度稟父母教苦志力脩出

禮入義戴冠履綦獎進我兄弟竟以成儒可不謂  
大造于宗若乃孝奉天經睦族群戚措躬發口罔  
不由于正出于厚上無忝于祖宗而下可為子孫  
法游藝墨林足稱宗匠又緒餘矣弟之不肖備員  
輔僚爵不得為其所欲為每以書來促之歸休藹  
藹情言漂漂法詞在塵壒之表寒溫之外嗟夫弟  
之綱藩未獲奉行恨也而尤恨計來隔于終天九  
原下見知無慚否今茲一慟氣淚俱絕嗚呼極知  
人生會有盡時而不能不恨恨深恨于是弟入京  
七年而遭期之喪四他苦又加馬皮骨猶存欲無  
情而不可得是數宵者累發于夢知兄之未忘情  
不肖弟也為位而哭告之以文悲哉哀哉

哭箕仲兄文

嗚呼人固有可死有可未死若弟今日固可以死  
也而未死兄可未死也而死胡其舛也嗚呼死真  
操之造物耶豈造物亦有所聽而不能自為耶若  
造物亦有所聽而不能自為彼亦一我也吾無怨  
乎彼若無聽而惟所為吾安能無怨今造物不能

造物而化物化之不予其贏于其奇虧張弓之義  
乖大德之名溺職甚矣而徒責我持子子之微軀  
操區區之空官挽黃河于既奔柱大厦以一支其  
將能乎生我以此不如死而猶不死何也兄憐我  
曰子苦穀矣夫穀豈可以復加若兄則所謂未穀  
而可加者也而才猷德藝又足以堪所至治效倬  
有佳聲胡遽於此乎止也夫賢者死不肖者生世  
又如此每感槩來欲一死見志然懼失丈夫之義  
將緇髡而逃也又非人倫所宜嗚呼既守死善道

吟鳴文集

卷二十

二十八

矣則奚必度隱度見問入問居之為得既鼠肝虫  
臂無不可則藏箭犧廟亦胡不可世未有不死者  
死于巖穴于戰場于都市等死奚以擇也兄嘗勗  
我曰一念萬年弟亦謹脩以俟耳焉知其他十九  
之夜夢兄騎馬將西第策馬追曰曷不一語而去  
遂痛心若割伏精蕩魂而尚憫同躋跼不欲遽覺  
若僕兄之命者嗚呼命我久矣晝視白日夜視明  
月無非命者故宜無言今哭兄以斗酒而不舉也  
言亦何為徒恐怛化而增令造物者美其智兄其

逝諸第當不愧著之文以畢夢中不盡之情嗚呼  
哀哉

### 大拜告祠堂文

自昔之享大奉者必有所開又况菲薄本難負荷  
而一旦被超踰之命此其先德豈一日之積也夫  
仕宦至相為布衣之極誦讀之子雖日口之誰其  
肩之一貫勿承嚴訓日夜兢兢不忍以身效流俗  
之所為常自時刻以為儻竊一第則仕不過十年  
官不過四品於分為溢無復餘望故迹列周行情  
味鳴文集 卷二十 二十九  
歡在野邁榮若辱辭寵若驚急流勇退永奉親闈  
而不謂降割孔速廢于中途今年春夏再勤召命  
又勤大拜之命非其質之宜承與其願之欲得此  
祖宗深仁厚德積于冥冥不見之中而發于今日  
不可禦遏一貫適逢其辰而享其奉也才具短劣  
學術空疎夙所稟承者以厚為本以讓為基以施  
為事以忍為執以有所不為為高以無所不愛為  
廣世世守之今豈敢墜而委承既大求者四集則  
張弛時出任讓迭施子奪厚薄愛憎罷止其感萬



情有難膠執慮恐失忘本初以忝先德尚賴祖宗  
考妣默鑒其衷俾常清常明常平常公不錯素履  
以善始終豈直一貫之幸實宗祏無疆之休又今  
日之吉一貫為泰鴻第二子延禧擇舉人陳憲學  
之第二女為配將行聘禮婚姻重事禮當奉告并  
祈俯垂祐庇宜室宜家謹告

泰鴻省墓文

維萬曆三十二年歲次甲辰閏九月戊寅朔二十  
一日戊戌少傅兼太子太傅吏部尚書中極殿大

學士男一貫謹遣孫尚寶司司丞泰鴻敬祭于顯

三十

考誥贈光祿大夫柱國少傅兼太子太傅吏部尚  
書中極殿太學士府君顯妣誥贈一品夫人洪氏  
夫人之墓男一貫自甲午歲冬祇承 帝命告辭  
赴京修已十有一歲未遑歸省緬想松楸不勝感  
慕茲奉 聖慈特遣泰鴻歸省輯理謹令代一貫  
虔申展祭伏惟尊靈俯垂鑒佑謹告

哭泰淵文

維萬曆二十六年九月二日父蛟門翁將以子泰

淵之親命儻林哲奉而歸殯于鄞取牲酒為文而  
使從兄泰始代告之曰嗚呼吾兒去我死矣兒豈  
欲去我乎吾豈不欲留兒使無去我乎天地豈欲  
離吾父子乎汝二母在冥冥中者豈不欲汝之無  
死乎而至於此也無可柰何命也骨肉恩深惟有  
流血吾歸未期以爾先發長途自爾有歸可依歸  
與爾母權厝于郭之西予已命爾兄卜吉壤以寧  
爾母子汝其需之嗚呼痛哉此情何極

祭陳起綸

嗚呼起綸生固有死吾與君亦何恨于造物也自

三十一

余交起綸五十年所規余望余者盡聖賢之事君  
雖貧落魄而執心履道口雖懸河不休而歷歷皆  
法語老猶侃侃不屈如其素履吾實畏君恐聞過  
舉真我之侯無可我踉蹌萬里來京師雖為二子  
故亦恃吾在而竟一病死也是誠在我吾不能賈  
鬻以厚君知君亦不我望吾嘗謂夷齊非造物之  
所能贍如君固非吾之所能贍也寂寞之濱幽冥  
之中定無憾矣歸君之骸附漕舟行無俟北子之

將與南子之迎吾兒之觀亦舉而東具托舟人既  
稔且安涉河渡江期抵於鄞君魂與俱毋留異鄉  
還歸丘隴何恨生平人可為者已盡不可為者命  
也君如不信其面巫咸而質焉嗚呼哀哉弟病不  
能祖謹遣姪泰始持豚肩斗酒而啟攢就塗且餞  
輿者俾弗怠君幸鑒哉

哭余僧果文

嗚呼僧果去奚之兮物有生而有死夫既死兮安  
悲惟我生之失侶將未死兮誰知悵短日之不虞

哭鳴文集卷二十一

三十二

牽長心兮固歌增何情之悵懷策無跲之蹶躓匪  
操栗而安悲固逃梧而求轄負松柏之宿要孤白  
水之信言若渡海而無梁空望洋而永歎嘆余與  
君自總角兮我言汝信若成諾兮我心汝知美寬  
綽兮無信人之言兮惟吾若兮豈君心之不靈豈  
君操之不貞匪徇比以為朋實道德以為衡遠談  
天而近人每通辰以為夕即指趨之不同解不解  
而無塞君秉剛而我柔我思綿而君直要符契而  
竟同受壑谷而莫吐成彼我之自所駢二三而為

五余取友雖甚隘君取友亦不多胡兩人之不異  
將獲匠之同科鍾期死而弦絕惠施捐而談輟嶧  
桐孤而不林豐劍飛而借沒金間物而可斷蘭焚  
之而愈馨惟不同而不異乃萬物之至珍處不處  
兮皆靜語不語兮皆真惟吾爾之自曉更誰德而  
稱隣悲朔南之邈域聊哭寢而當紼托穢歎于斯  
文感重性之猶室美蕩紛而游化吁介居而叢疾

祭邵世忠文

嗚呼吾兄之喪吾忍而聞吾兄之觴吾忍而陳誼

哭鳴文集卷二十

三十三

如金斷語若蘭芬集存孤往孰剜而分天之生才  
蓋不多有或間而值其成又否半折心始竟無能  
就時耶運耶力齊德醜吾兄之心白日清池吾兄  
之才斷象剝犀吾兄之量谷虛丘夷吾兄之識洞  
淵照徹鳳池摘藻烏臺植簡靡學弗窺靡猷弗彈  
出填大藩入司帝冠靡法弗平靡澤弗究粗行所  
志億萬豪釐如雲未雨如馬未馳感茲口哆痛彼  
知希江湖去遠魏闕心違漱石枕流青鞵布襪舍  
其萬里息茲六月昨年過我咲言啞啞雖在泥塗

我心靡涅江干晏語湖濬盤桓海畔魚艘山楸鷗  
冠既唱而酬或哀且歡結髮共事白頭相看桃花  
渡頭去帆忽引緘書却寄語笑未盡輕茲一別言  
頃後驟云胡造物遽而相窘豈人妬能復天忌才  
孤猿秋嘯獨鶴夜哀悠悠蒼天若何為懷自君之  
亡吾誰與偕近蒙召命憂皇夙夜方擬停舟從君  
一借堅高夜闌舉手預謝鶴背非遙寧為我下黃  
河亦清人自不知感此名言哭我所思年不可駐  
世胡足為昔也琴尊今焉江籬黃葉渡頭秋風飄  
吹鳴文集 卷二十 三十四

起菊花自開付之流水

祭崔春洲座主文

昔古所重無如知己蓋士抱一奇靡途自取或無  
水而恒沉窺隙駒之疾駛有根莫陽與草同萎待  
吹噓而上天微斯人其誰與知己之恩寧不貴耶  
憶昨辛酉方困諸生儕翔鴻于燕雀埋芄茅而未  
征師實賓我歌之鹿鳴假翰于枋榆之澤移根于  
雲霧之陵雖訪山求材師何心于私士顧飲水知  
源士詎忘于生平方運袂以登庸將授綬而奉驅

義和啟行泰階指塗何白照之俄景掩清明而餗  
之三徑歸來于杖屨一丘拓落于琴書師猶勤念  
屢加嚴勗郵筒往來信便及復園實時登田收歲  
熟門無襍賓而殷勤二三子之交家無餘貲而厭  
飫二三子之腹則我師之念之深之愛之篤可知  
也其八年去國此日重來將脩故事祝師壽杯而  
德星前殞不少遲回稟承莫逮狂斐誰裁是生已  
矣云胡不哀又况我師生鮮胤育眇丈夫子有業  
誰傳有拓誰祀雖含為不瞑之目終古貽未了之  
事此門弟子之所為椎心殞淚頭我師發爽昭英  
而終慈惠于繼嗣者也匏繫闕庭素車莫將敬絮  
一酌告之幽堂飛雲英英盤山之陽目與心往何  
悲斯方

同年祭大宗伯羅康洲文

稽山禹穴金簡所藏海門神濤元氣簾張惟公  
靈如珪如璋心潛學海譽擅詞場 穆皇龍飛應  
時利見天榜掄魁卿雲璀璨載華石渠橫經虎觀  
鎖棘為衡踐雍作獻葆此貞直以婆娑任波流

坎不涅不磨歷襄諸曹庶政以和敦誨吉士譽髦  
孔多帝心簡知秩宗惟汝夙夜寅清敦庸典禮爰  
有大儀未克脩舉豫教元良經天理緒衆心所歸  
旦晚宣麻陳情不已北堂萱花春明祖帳道路咨  
嗟云何騎箕于淮之涯自公為驥某等為尾為玉  
為錯或戒或否切劇箴規穆如兄弟未推其藪忍  
而稱誅罔無著蔡朝喪典刑用靡竟志年非德京  
凡在朝紳領而若晉二三同心百身可輕遙睇越  
江雲旆翩若有聲林醑靡躬斯爵乘雲帝鄉為余  
報主于幽

東鳴文集

卷二十

三十六

祭傅太恒吏部文

豪傑之生困扼蓬茅者何限乃一入麟鳳之網可  
以瑞聖世矣而猶中道夭情然與蟬蟻蝶伍天  
胡生之成之之難而棄之之易也如吾親家者立  
志甚高操行甚貞雖在周行而有輕天下細萬物  
之志脂膏莫潤圭玉無瑕月常滿而蟾蜍不缺冰

常合而魚鰓不鮮雖發軔之伊始諒終途之可知  
目視飛鴻氣同橫蜺保身勅行閨秀不如嗟夫與  
斯人權衡人物共圖理效坐見九流澄潔百司瑩  
明四海之谿壑皆夷八方之蓋藏盡滅矣而天胡  
不勅遽奪之去豈神理之昧耶夫世之濁也閭閻  
昏晦不獨在陽亦或在陰天其遣君扶清臆以上  
征陽元氣而澄之耶不佞夙服標準心結意往願  
血而斷金循利柰之何復為延平之劍騰躍而不  
知所之嗟夫君去為景星為瑞雲為清風為皓月  
脫然無點于已足矣不佞猶有世累負荷非輕君  
何以佐我君即忘不佞豈都忘本朝無嘶結之報  
耶心知之無復來密坐之無復期以棄我若遺之  
早恨論交相得之遲青松顏色改白日坐中移傳  
君已矣余復何辭於是束帛卮酒哭君之靈君  
其知耶不知耶

東鳴文集

卷二十

三十七

詞林合奠王太夫人太倉公母

天右聖明良弼是寄疇基厥祥夫人為地 帝眷

元揆忠孝立身每勤手札輒賢夫人夫人于國休  
感相依以身健衰為子出處始當爰立駕言遲遲  
夫人曰毋爾往我怡采杞有懷迫而請謁帝曰往  
將特寬日月板輿俱來赤舄至止帝曰予悅悅乃  
燕喜燕喜何言道光中樞出告入復稟訓罔踰玉  
燭調和教繇壺順如彼海功本之河潤急流屢疏  
匪云逃堯臣夜夜毋毋以臣勞帝念懷歸予告扶  
侍含飴日長環且時賜何圖鸞馭一旦遙興厭茲  
邑界言歸玉京帝聞軫傷致賜與吊復慰元臣節  
哀鳴文集 卷二十 三十八

哀為孝詩稱四牡情若家人詎如得天四時春溫  
女士之釐亦云景命詎如夫人始完終令昔佐夫  
君殖惠亢宗今開元臣勒旂銘鍾亦有哲季趾美  
于伯矧維孫枝奇珎異璧命使肅臨玄壤為開人  
天備福無榮與哀某等辱在通家竊聆餘訓方祝  
遐禧忍承歸問生芻不腆酌之迴風雲輶在天邇  
瞻無窮

祭徐太親家文

惟翁蹈貞履素組和績祥蚤蜚聲于黌序擅鴻藻

于藝場將九萬之翼遠何六月之息長孰樹滋而  
弗獲疇蟄久而弗翔啟神駒于皇路騰五馬于荆  
方振振寶臣赫赫寵綸捧歸自天載華載芬邈矣  
上善皎然玉塵以禮為田以德為鄰抱素情而自  
適齊大化之無為延海構于八簣挺後凋于嚴時  
返胡遽乎幽房精其休于天池嗟黃髮之莫留詢  
典型之亡期某里中末學屢趨下風茲依令子幸  
諧姻通瞻泰喬而彌親企杖屨之從容奉遠訃而  
瞻嬰悵白雲之西東嗟大暮之不賜托斯文乎赤  
泉鳴文集 卷二十 三十九

龍鳴呼哀哉

祭周太泚人文

於維太媼寶婺降精克婦克母令德令名母德伊  
何肇啟名世昂實是資國巖攸繫母德伊何齋媚  
于周蘊藻潔治組紉允脩 天子曰嘉爰邇長發  
疇為珠淵疇為鳳穴乃渙鸞章旌為女師翟冠瑱  
玉雲霞紕母德彌矜衷其布素雖衆姬姜同窺  
喜奴繁維春仲子諗母將歸棹未理夜舟先藏  
遭朋蹇婦姑齊往天不可問問之惚恍嗟惟不肖

托在葭草曰喪母儀于何抹芻越鳥燕雲玉棺遐  
舉執紼安從酹漿如許於赫閔恤有降自天光昭  
今聞徹于九泉於維太媼配地永年庶幾無憾祚  
其蟬聯

祭淋人周親母文

嗚呼靈儀自昔厥有大妣曰嬪于周思齊頌美猗  
與夫人克嗣徽音林蘭為體琬琰為心鳳凰于飛  
來歸其侶桓裝乍脫梁案斯舉篤學少宰篝燈惜  
光鳴機佐讀稱夜未央秘苑賢關會朝暮夜規星  
曜鳴文集卷二十

四十

報佩鷄鳴三復孰是崇撫而居厥貧于沼于汴中  
饋乃親孰是華駛而寶厥儉為締為綌縞衣不厭  
櫟木示惠逮于衾裯振振者麟繼趾來遊翟弗孔  
煌大官分餉宜介繁祉厥壽無量而胡一疾遽還  
岱宗泆旬之間從姑以終琴羽輟彈簫聲罷吹旋  
旒雙懸怛焉心悸予有息女托於鳳雛子恃惟母  
婦學惟姑碩人云亡內政奚述誰稱母師訓勞箴  
逸葭草同戚薄薦一卮翩然靈輶恍其格思

祭長孺七弟文

嗚呼骨肉之傷惟死為慘然而子哀父弟哭兄者  
常也至于今日而反常特甚矣痛哉予謝政歸凡  
九載遭期與大功之喪各二幾剖我腸余口不能  
言足不能步未必由此而亦未必不由此令為子  
者日聚首而娛我為弟者日拊背而侍我尚以為  
於旦暮人無裨也亡何長兒無病而死是時吾弟  
數過相慰曰死生有命毋過慟自傷也乃不二十  
日而吾弟竟棄世矣嗟嗟當慰我時寧念至此耶  
痛哉吾弟通籍三十餘載始陟方岳之黔中間關  
萬里昔人所謂鬼域之區也聞在黔固病瀕死而  
生生而又以觀事之燕夫以一孱弱之軀馳驅  
南北出入瘴癘尚保無恙今幸爾家居無番夷之  
警以櫻其寧無戴星履霜跋涉之勞以蕩其神此  
正離祉逐齡之日也何遽一旦輒輟而旋耶余年  
雖及耄事多未了長兒死已奪我魄庶幾吾弟手  
足相依萬一有賴而今已矣父痛子兄哭弟一是  
閔凶至於斯極嗚呼痛哉吾弟端凝簡默得意恬  
安不得意亦恬安屹然之度望而知為長者歷官

卷二十

四十一

儀部有聲已請出外則于楚于閩于魏于貴竹所  
至以博大養物力以恬夷收衆心跡其素絲皆壽  
類也夫年踰古稀未為不壽乃余之私願不止此  
白日忽黯通宵失寐可向誰何一泄此哀余愛弟  
弟亦恭余尚翩然彷彿來鑒我哀嗟乎弟不能翩  
然忽下來鑒我哀也弟果逝矣痛哉

誄

吳孺人誄并序

吳孺人卒時家君抱瘍卧蓐懼傷其心匿不計聞

卷二十

四十二

既廿有餘日病間覺投涕謂一貫曰兒其誄焉兒  
豈盡知之乎吳孺人有烈士之操未可無志也吾  
王叔父曰宗三府君有女姑嫁同邑吳璉期年而  
女姑免身死父母憐之曰女雖死終不以女死薄  
而壻也為再娶東郭周氏女周氏女者其母盧與  
府君子嬭兄弟也生而靜慧閑於儀則自未笄嘗  
往來吾家府君以為賢室其壻焉即吳孺人云孺  
人嫁二年而生子松育未期而壻病大疔死或諷  
之嫁矢曰夫以此一孤貽我又無他昆弟立門戶

吾何愛哉久之且十年姑死舅氏貧不能存詳市  
子從傍贊之請嫁嬭以資已曰新婦少懼云終孺  
人怒且泣曰夫人安知松柏之凋也吾王父王叔  
父喜曰兒能守志爾壻且瞑目於是具狀所欲終  
為吳氏嬭者往訴之府太守楊公最嗟嗟曰安得  
物斯少婦而必為百年人如吳氏婦者署云有不  
成吳氏嬭者視此諸弄屑者乃去而孺人居家無  
難則易以供甘毳終其舅之年以孝聞有女兄嫁  
周氏稍贏其夫之姊嫁毛氏好義能施皆哀孺人  
數來賜與尤與沈氏家婚葬大事盡來會吾兄弟  
自少時奉之如已姑孺人亦視為已姪也孺人為  
人好潔檐褕簪珥肅如也賓客祭祀齋如也所生  
子松教之事生業被服揖讓如儒者嗚呼孺人死  
矣哀哉夫孺人生七十四年而華茂湏臾耳撫志  
不悔如金如玉可不謂難焉凡寡婦多亢決少柔  
巽而孺人顧溫溫無喜愠言不舍口至柔而剛孺  
人以之嗚呼哀哉一貫受命謹誄誄曰曷為女德  
彤管有燦一醮不改二門無踐借無鳳皇視鳩與

卷二十

四十三

雁鳴呼哀哉窈窕淑姿無取紛華槌之天天歲無  
再花短景不續長逝如何鳴呼哀哉誰其咻予匪  
夷所思助消在門視此簡書蒙被已截臨鏡罷封  
鳴呼哀哉開芳素里與道并契至性不師默成冥  
會避華若仇甘荼如醉鳴呼哀哉詩軫共誓祀膺  
桓婺悠悠百年合此明珠數竒志偶生悵死怡鳴  
呼哀哉



家鳴文集卷二十一目錄

書啟

候殷棠川師相啟

賀陳松谷師相七十啟

同門謝座主余公啟三首

與王侯論鹽政

與蕭抑堂

與周用齋

與劉小宦

與許敬庵

與楊賓吾

與趙潑陽

與張洪陽

與陳玉壘

與鄧定宇

賀王荆石入閣啟

賀田鍾台啟

與溫一齋三首

與劉重庵

與余中宇

與徐華陽二首

與趙定宇

與陳蓋齋

為范司馬貽撫按書

予告後謝申相公

謝許相公

謝荆石王相公

上三閣下

再通當道書

謝啟

上四閣下

再干申相公

三千申相公

干許相公

干太倉王相公

報傳巡撫敦促啟

報蔡巡按敦促啟

再告後謝相公啟

與周大尹

荅吳悟齋

荅親知勸駕書

復宋桐岡書 附來書并後跋

喙鳴文集卷二十一

四明 沈一貫肩吾 著

書啟

候殷棠川師相啟

我師岱淵集神蓬階結粹星辰為近真同群玉潤  
澤所及奚啻千里某以僻海豎儒章句末業猥逢  
天幸少聞風轂驪黃相馬既辱泥途之舉桃李樹  
人又沾時雨之化加之琢磨以就其器借之口吻  
以起其多蓋異之四百人為進士又異之四百人  
為吉士又異之三千人為名士期用於數十年之  
後而不在今日責業於千百世之上而不以尋常  
其雖心知注意之深而力阻中道之廢考古今則  
眩瞶不待掩卷課德業則悔尤常生後時蓋悠悠  
不免風塵之累而惴惴恐負大賢之知矣雖然安  
敢不務脩身哉置驛而遍賓客非力所及執鞭而  
求富貴在智尤無行止任天死生惟命苟立身無  
媿天地庶藉手以報君師耳宮牆不遙而步趨莫  
及輪蹄時有而介使久虛徒署公牘之姓名未輸

積愜之萬一新任章丘令李臣之者其所進士也  
因其赴官附候台社伏惟懋迎景福誕育多男天  
為蒼生安石之不出何待神勞君子管仲之世紀  
也宜式觀圖閣之勲庶卒及門之業

賀陳松谷師相七十啟

我師心弘上德道冠前脩當高宗舊勞之初早見  
大儒之効暨成王訪落之際遂膺名世之期入講  
六經據孟子敬王之學出毗庶績績伊尹格天之  
功華典誦名翔泳含德方四海侯黃虞之治乃一

朝躡箕穎之蹤乘紫氣以度關戴青牛而歸蜀萬  
里濯足風為百世之師七十從心歲紀八千之筭  
為衆父父亦兆人人篤生令賢光濟世美伯褒鳳  
翔于藝苑慈明龍蹠于天衢青檀襲舊物之傳駐  
續賞新知之益封章乞省將馳班綵之歡詔紉承  
恩益拜駢蕃之賜人皆謂本朝希間之盛典上特  
為先帝舊學之老臣道路聳觀里閭溢慶其等粵  
從少日竊在下風北斗以南一人迂記平津之館  
長安之西萬里阻陪北海之尊預觀曠儀故中

祝斟酌元氣豈徒松柏齊年保合太和會與岡陵  
岡極

同門謝座主余公啟三首

我師才為世出學成國師雪聖文於埃滅鼓士衿  
以蛩興囊括大典脩葺闕藝遂令百端紛紜有所  
裁稟末路蕪塞渙然刊啟蓋文章道喪而復存士  
槩氣沮而始揚也洋洋乎盛德之事焉惟師模作  
人與宰輔柄國風化最速而表率非二異日者運  
動樞極感會天人師天下亦猶是也某等鈍頑不

才夙荷陶鑄一受其成形而日遠磨淬狂簡莫裁  
斐然安在蓋實疚于懷已仰想函席豈累及門之  
遐思滋歸魯之深歎乎俸誦緒言慄慄共嘖身無  
羽翼長望南枝金玉喻體竊饒精調無任覬望之  
至

二

顯膺大號進長成均蓋南方學者之英華宜質文  
之一變且留都國家之根本賴聖哲以共培吾道  
增輝舉朝皆羨恭惟老師命世上賢斯民先覺父

居禁苑素高公輔之期嘗貳司成允協師儒之任  
今上方嚮意於學校而士或未喻夫訓辭特茲簡  
掄以為楷范領袖後進豈徒教諸生記事而纂言  
主張斯文行將使天下回心而向道某等柴愚參  
魯夙荷甄陶冀北江東今違笑語聞命之日為忤  
何涯企橋門冠帶之儀精意空馳於夕寐陪沂水  
詠歌之樂逢辰不及於時髦謹裁尺書用賀下執  
慰情良甚謹意莫宣

三  
榮膺制檢總領成均四教以泮烝髦卓為先覺一  
言而取宰相直循斯須廟堂方虛席而同升紳帶  
畫樞衣而請益矧茲末學夙荷鴻陶駑駘喜託于  
下乘燕雀榮依乎大厦潤毛蘊藻敢為王公之羞  
浴沂風雩庶幾夫子之與伏祈命日少洽需雲

### 與王侯論鹽政

曩在都門君侯問民疾苦僕首陳水利一事聞吾  
鄉果為大水所漂諸隄防盡壞已而雨露水洩輒  
復苦旱行者不可舟耕者不可灌僕言不幸驗矣

伏惟君侯勉思鄙書厚築隄防勅主者毋以苟且  
應命隱以金椎幹以木石樹以榆柳可數百年無  
壞今水有所涸民食其利世世稱曰王公堤與它  
山王公堰比久不亦休與吳越院行僕嘗論吾鄉  
鹽法卒卒不詳謹議其詳以涸侍者吾寧瀕海煮  
鹽鹽所從出也民善食鹹用鹽常倍他所而禁又  
特重觸法者武相接其故可求矣夫國家所以厲  
鹽禁為販商弋利厚稍抑役之可以餉邊故令四  
方非引鹽不食私鬻者罪或死也吾寧故無引鹽  
而復禁私鬻雖日禁之盜不為止又使游徼為市  
月受大盜之饋縱而不禽民有持斗鹽者必致之  
法游徼非好為然也為有司督過以緩一時之罰  
故訟獄繁多囹圄常滿民被是役往往破產計不  
能脫如赴誅戮逃亡相繼延及隣里夫山海利民  
而反為病甚矣以僕計之不若官給人票稍稅其  
入以足國賦而令民享江海之利前別駕方君張  
君皆嘗議此會去不果行信能行此其便有六鹽  
市既通價不踊貴計五邑不下十萬戶歲可贏民

萬金利一私販利少不禁自絕盜賊不生利二應捕之徑可以無設去民大蠹利三訟獄簡寡告奸不行民無破骸析家之慘官省追捕申報之事利四沿江竈戶所煮不積可使致富利五捕魚為業者監賤本輕可令買賣利六而所不便於時者二犯禁者寡緩金為虛無以供上司支銷之費不便一大豪庇奸私賣者破沮其謀不便二今朝廷之上肅紀振弊誰敢干法苟有不便不憚更張若此事者不過君侯一移文之勞侍御公報可足矣事易而甚大惠也昨僕為吳公言之吳公首肯曰我閩人也君所言大類閩行部日當為公除此惠借令吳公恊其綱君侯制其詳講區精至行法不撓則吾郡世世之利端在一舉惟君侯垂意

與蕭抑堂

古稱官司之最要者惟宰相與守令宰相與天子最親是天下大機括守令與百姓最親是天下大根抵今之守令自謂未足為天下軒輊不知此天下之分也積守令皆良則天下平積皆不良則事

去矣足下適居其任施為多掣肘則謂不得志不如他官然足下視今日他官孰有行其志者乎一旦去此而之他官當憶守令矣又今守令多庸庸故朝廷亦多以庸庸報之人徒見報之者不盡豐而不自知責報者非盡豪傑也猶夫今之士誰不欲王公致敬盡禮者而其自為胡不樂道忘人之勢不厚責已而厚責王公必上下倒置名分蕩然而後可豈聖賢持論之意哉足下銳于為道亦銳于為民粹然自見必有大償然吾謂足下必不望償不望償然後能卓然自見古人云士當有藁笠山林之意非以藁笠山林傲鍾鼎也為丈夫龍變無不可耳今之讀此語者略同而心頗異足下想能辨之人往聊申狂斐

與周用齋

數叨群書之惠博我多矣太學英才所聚足下性醇學富不忝為師然亦有砥礪者乎天地許大故紙不足鑽實有此理然此乃既博反約之漸亦一隅之說非通論也足下方厭簡褻故味此言不為

無益若據此教人為弊不小未鑽故紙而遽語天地之大適增其放而已六經註我豈非名言然象山當六經大明之時且其少時亦博一旦恍悟以至於此又有矯時之意近代學者不知六經開卷第一章何語而遽稱註我天下豈有白丁聖人哉楊子雲不適世用白首窮經亦不虛生少好詞賦晚耽玄經此亦反約之謂頗聞道矣恬於勢利亦其一徵也此可謂足下師僕前所謂留心實用者亦一語之言不必拘執但學者著書當思可用勿草草而已也役還聊見鄙意安得面談

與劉小崔

長安奕棋蓋歲屢更也我丈心皎白日望隆岱華公道可恃何不陟穹嶺巍若弟不才極宜歸乘耒耜頃先送老親歸矣旅邸獨居孑然無徒時正秋仲天半晴陰陰則勁凜偏人晴則天高氣肅孱軀多病何以堪此常下健謝客門外事亦不聞吾丈居窮遺伏惟珍重指不悉具尚容嗣音

與許敬庵

賢者固不可測然海內知名之士僕所耳目者如門下卓然超詣不群哉顧賢者不汲汲求人知而世之柄用人才者必求人之親已者而用之故世與賢常不相遇賴國家資格在尚計資序進不遂淪落以有待於他日不然則山林松栢之中項領相次矣願門下無小一郡雖委吏乘由亦行道之官也無遠建昌建昌善則天下善矣何異補過拾遺之吏哉夫子自愛明月在天相望顏色元氣在

不盡心素屬因來教輒復危言

與楊賓吾

浮大江者十日坐石尤風頃刻風生席後通行數千里較功程力與逡巡日百里者數倍之矣大鵬三月息何礙九萬奮飛哉

與趙漱陽

古人養志巖阿道高天下雖有滄海橫流不介其胸中蓋九蒼之高勁羽不能窮其域四海之深巨鱗不能測其底吾丈如龍如虎當世所宗而守道

不阿竟逃山樊嗟夫百年無不敝之軀而有不泯之口此聲貫人耳則天壤在矣榮華一時何以哉昔人困屈無聊則推敗禮法以見不羈又非也丈夫立身當世可為法而虛薄自高徒增其過稔聞吾丈邀世高超而無放浪之迹齊一萬物而有從容之尚高之慕之弟本無能偷祿薄仕積疴不得遂瘳福性猶其在昔姑以浮沉金馬效力鉛槧要以始終無慙同盟而已又闕起居不任瞻係毛節

與張洪陽

老丈在留都信使時有今在告且半歲矣心注左右日有百刻而所識鴻翼實無南渡江臯者彌增眷戀邇聞有太和之遊必新秋也無乃已駕乎老伯母萬福老嫂萬福震器之兆已見未也人生閱事莫此為甚然制在彼吳非可力取惟以慧眼慧力破此愁惱弟役役風塵頭顱欲白猛省此身不知終托何所青山白雲時時在望老父今年七十有八矣姑慰遠遊之情則謂眠食尚健白日可遣

如夢寐何日造旃屢遠循數行不知得比矇瞽之誦免鰥曠之戾否昔程林子在崇政殿亦止此乎不爾也引古之人可以自解吾猶以為媿籲天者謂天為遠今去天尺五而未知所聞也可不為罪哉此亦吾丈之憂也願有以振我雲樹所觸無不

含情

與陳玉壘

古稱竹柏異心然猶同節若弟之於丈磻礫之於玉淵榮耀之於龍燭也而吾丈方且曲為提衡粉澤皁糜而加諸嫺都質著慊見如掩口何作者之事既損長途用世之能終躋蹇步不若嗟吸和氣養素全真徜徉丘壑之委曲而已頓膝庭闈躬奉天經凡在人倫莫不嘉歎累世食德義當報稱而况鴻節廣志昭質顯文素足以弘輔皇猷開延國紀盛時不再馳畧難停在三如一豈不得眷戀陔蘭也佇望旋轅庶無淹軌遠辱手筆綢繆猶爾敢附使者言謝鄙迹荏苒與他事委縷信使目載都不能悉

與鄧定宇

信來知丈且留山中吾丈定力金剛為百鍊刀彌復淬礪真將去形骸還自然隘九州游太清耶平生欽慕慷慨留連去遠光塵蹉跎年貌阻越江海追踐末由徒有望牛斗以興嗟指明月而相隱已願言自愛撫翼來翔應念不遠顧不知燕雀托之誰林耳庶不負諾以報德音

賀王荆石入閣啟

老先生宇宙人豪乾坤正氣當世道復泰之會蒸民更生之時用將頓整頽綱恢張至化故群公稽首而交讓九重虛已而俟來麻命弘宣輿情大慰亦知禪除甫逮窳劣之事未終斑彩方娛庭闈之情難割而聖明特達之知既已如此臣子私家之願豈所宜言無嗟世網之難逸且與日車而並邁某麋鹿野性山林棄才徒以御心未熟猶托風塵遭世偶諧過縻餼廩終非有用之具宜乞未老之身倘一日蓬下風之求真重泉獲再賜之候是所隱忍以待生成

賀田鍾台啟

金陵帝王之州夙稱佳麗翰苑神仙之府獨擅風流蓋吾丈竹簫貞姿天球瑞寶南宮掄首蚤宣博物之稱中秘儲英胥藉多聞之益三仕已而喜愠不見數往來而志意愈堅蓋好仁無以尚之故特立有如此者斯文未喪知天地之無私吾黨猶存觀風雲之再合暨輟承明之直往從蓬島之游雖未厭於人情而已徵於帝賚顧如某者材實不肖品非中庸挈瓶之智屢空久宜引退積薪之官居上乃更超逾雖無它繆巧以愧生平豈有萬分之一報主上偃然在位竊同臧文仲之譏齊爾阿時痴比侯君房之謂忽承來訊彌激深慙願借餘光回照迷途之暗倘從末路幸逃深壑之危不為同榜之羞實乃如天之賜

與溫一齋

漕糧改折議為民為國往之言利者剝剝殆盡使閭閻索然天下財不在官則在民此是名言愚又以為在官則財殫而不流為國家有餘之疾國病



不在民則財匱而不生為生民不足之疾民又病然則財在民上下交利財在官上下交病也為國家培聚十萬在太倉不過增百一無用之物以十萬金散在一省則為千金之家百此百千金家者轉流無極旁之沾潤于其澤者又不知幾萬家民之所以交相養也在太倉不但為無用之物且有他憂富人之疾苦患肥是也今寧知不為國家遺肥疾哉賴天子仁聖方宣導之在廷諸公頗能識此意此疏之來亦見用之一會也

二

宋文公集卷二十一

十四

古之立國者歲富于民至戰國而後乃始倉廩實充府庫然猶備攻戰之用也今天下承平非有卒然不時之索而昔之典事者惟恐太倉之積不富此何說哉以為備耶譬之人本無病不務養神完精以為安而聚毒自攻謂得延歷之術然病由毒生天札立見向之憂虞不更為害乎民者國之元氣柰何不務厚之而徒厚府庫為也此言若迂景為情實惟高明記存游公思澤在敝郡而當道莫

能詳便實心為政者頽首乃奉尊揭則公論益明即白二長公幸目前遷庶免入計一行也

三

京師旱甚四月十七日上親發德音徒步詣南郊祈禱布素無儀衛又徒步回宮謁奉先殿及聖母往返蓋三十里矣不由群臣之請舉不告勞此古今稀有事於幄次親見九卿諄諄以有司不肯愛養百姓為念聖政疊見至誠惻怛可與孝廟符不意身見此盛也今宮中尚御素服齋凡邸報中所

宋文公集卷二十一

十五

有皆出聖心無一毫借助于人者二三大臣仰承不暇恐執事在遠不悉以為簡策之光特此布聞飭勵有司勿虐吾民也

與劉重庵

公盛德下人小大無慢清白持已纖塵不點此海內之所信而或不亮豈真有聞於公哉大率官至京堂前路轉狹不素後來人推何所謂天怨其上也人生功業率天命非人力韓魏公謂用兵亦不可計勝敗况官職乎第精白一心夙夜匪懈不恤

人情奮勇直前福亦命禍亦命則材思展事業大抵三品以上官第清謹兩字亦非稱也職盡而心無歎雖言者日夕至何患拚羅官致仕亦得削職亦得徒營營苦人思也矜之太重亦未必無患鄙意非迂高明其謂何

與余中宇

老丈勁節深猷遠養厚植既如松栢之堅茂陵嚴寒而不凋復似鳳鸞之禎祥與春風而共遠有體有用不激不隨求之當今真為寡兩世之稱豪傑

家書文集

卷二十一

十六

者區區見一奇效一智輒左券于當事稍後時即睚眦而隨以惡聲誰坐馮異于樹下獨老丈口不言功恬然若無任事于衆人先而處躬于衆人後志慮遠矣比日量遷未酬百一而來疏求南此上善玄德也非愚所及然非廟堂遲待之意茲寬憑限獻歲舟來乘煦日牽穩流行鏡中坐天上亦快事已

與徐華陽

海內不才東固多而川中稱甚僻在西方文法寬

簡一也多選舉貢甲科寥寥二也不佞嘗有此議乃觀來教益信猶有一焉甲科舉止疏闊動用廣大非小邑所能供彼亦鄙視小邑為不屑治日夜思去之亦人情耳第十一二參錯其間亦足風起吏治高明以為何如

二

佇待貴屬察疏久迺領大教秦鏡在懸矣西蜀法網疏濶吏治弛縱不獨遠在天末抑亦正途少之故今採木築夷兩事交并不大振飭此方其凋敝

家書文集

卷二十一

十七

乎川中良產多以僕所知若資縣孫槐溪舊為敝府太守及海道先後十年而致仕去卓卓異政皆後來罕及而其識見之遠論議之端特守之堅尤超時流萬倍超然拂衣絕無一字于人間尤似深于天人之際者僕十二歲蒙其異禮恨其時不能窺翁之際再撰几杖不可得計今當在七八十間無意于時顧此翁非有求于時而時不可不知此翁也行部之際牛酒玄纁似不可少非不肖為此翁先亦非不肖敢藉門下報私知也

與趙定宇

別違台顏脩已一歲日月云邁何肯曲為人駐忽  
奉來教有請告之事殊垂望矣方今百姓困窮不  
能朝夕吾輩苟效一職舉一官片言之善於人必  
有所濟豈真為富貴營營耶與同固時有之要在  
為國為民自不忍以小嫌相貳必求同者而後與  
則天下萬有不齊毋論夷惠伊尹不同即夷齊不  
同也微箕比干不同也丙魏不同也兩無猜嫌洞  
見心膂此正聖賢舍己從人之量與天地相似者  
家鳴文集卷二十一

也若各執一事不肯相下聖賢心必不如是謂之  
為國為民遠矣遠矣老丈以孟世豪傑而於此尚  
隔一塵不肖竊痛之不肖謂老丈方且靜觀熟思  
幡然改昔不謂尚爾非所望也願深思鄙言勿謂  
不肖方逐臭而吐之孔子謂一日克己復禮天下  
歸仁誠宜留意馳情憤結不見粗厲

與陳蓋齋

賢者不以放逐憂其身而以公道不振憂天下邇  
世安瀾淄渑別白搜逸羅賢之使相望巖穴宇內

人士彈結而賀夫寧一札之書足艷哉亦維是公  
道之振也公獨堅東山之思曰我墮醢何能復登  
豆此可為彭澤之貞恐非有莘之任公出非重公  
而為公道重賢者為天下計耳烏計身哉

為范司馬貽撫按書

某等自惟庸猥無能勤尺素訊旌麾為桑梓之私  
稍敘其孔夷之福敝邑少司馬范公奄謝例得請  
恤顧所為轉聞當寧寔惟鼎言是賴少司馬居官  
勤敏練達乃心公家在繕部一意裁節為郭武定  
家鳴文集卷二十一

所中逮之詔獄豐考功作砥柱行贈之暇在白  
平生好古圖籍所購書不讓鄴架匪匱韞之殆心  
藏之博物君子僉以為難晚益習國家典章嘗竊  
焉喟歎以為近事多非祖宗舊其等造請洋洋灑  
灑盈耳豁目必屬鑒而歸真士林之翹楚後學之  
領袖居常剴劂最多著述最富即其藏稿大都精  
核非泛泛為名而已海邦無幸不勅遺一老有餘  
悼焉官箴無辱明例可援借一封章達之九關使  
引經據禮之臣得操筆而隨其後寔臺下賜之不

勝私志干冒不備

予告後謝申相公

某領詔小器無當世用徒以不忍饑寒規求升斗不自知踐玉堂談翠幄躡躡御序與當世名碩碩碩此誰力哉老先生山澤包容造化長養視不肖子弟不過因緣濫吹也頃之請告尤藉吹噓使不肖免為天地罪人而瀕行更叨殊禮屢枉高車再塵賸餞有銘刻耳拜違南來及舟于潮縣界阻風

東坡文集

卷二十一

二十

惟履之而後知難也相公開誠布公集思廣益主上信凡凡之心天下服休休之量吏治則崇儉敦慈無歸奢詭之態民生則樂業安土亦無咨嗟之聲此太平之業也自茲以往惟願益弘廣慶勵至公博如人才不拘氣類之似宋提樞軸不顯聲色之粗海內之氣校自消造化之清寧永莫矣其遠道無任瞻祈馳戀

謝許相公

不佞顛蒙小才無所比數辱老先生收之夾袋備

奔走之末種種夙愛既不可言乃又曲徇下情為請于上遂其歸省之志瀕行又寵以華幣諭以溫辭惓惓真愛令人感涕不佞抱心寸耳乏報所矣方今聖明在御三老同心以弘黼黻之猷三楊以來方茲始再千載一時矣海宇嚮風改貪化酷浸浸太平之盛無謂效罕覩也某受恩深竊有味于蘇長公之言敢誦之於前長公謂西漢大臣守尋常不務大略依倣六經之言取其近似者以為口實曰毋以下訕上毋以訐為直故其俗日靡不振

東坡文集

卷二十一

二十一

東漢之主思懲往弊頗用嚴督之而士亦為險怪之行以抗其上如病狂者不知堂宇之安而狂呼疾走卒顛仆也由此言之士務為險怪之行以亂世士過上必惡人之訕訐而力懲之以樹威上亦過天下不可一端治也一端治必有受其病者責在渾厚和平不露其迹使人化而不知則病無去而利俱存為術易而見効廣頃一二小生妄言上用嚴譴因令大僚引咎相公雖救之不能此亦相公憂夫轉風移習事非一旦數年以來士以此

成習翕翕訛訛事幾去矣徒以廟堂處置得宜能服其心稍稍定耳雖服其心能格其心哉必格之非渾厚和平收之以至大而運之以無迹不可不然士之險怪庸有息期雖日譴之無益翁嶽瑞星精當今憲兩慮此必至熟而某猶進區區之愚思以報知己也惟翁務宥而存之

謝荆石王相公

某自登朝以來出太保門即樞趨於相公之門提之誨之長之育之與真出相公門不異德業規矩

東鳴文集

卷二十一

二十二

在遠彌近獨恨才鈍學薄莫克仰承耳迺今請告則被私尤篤情存歲寒義貫終始雖無牘翰不可殫言所願相公為國為民以保全玉之軀某嘗聞宋人有言上大夫視天下不平之事不當懷不平之意平居扼腕誠非為已當事而發之如決江河不可禦必有過甚之憂王荆公司馬溫公是也夫士平居尚不可懷不平之意而況在事乎溫舒兩公雖異而其過甚無異使韓魏國而在必不爾宋業所以不競者無魏國為之後也方今三老同心

鼎足甚善竊見憂時眉宇嘗不展舒豈以總總傳傳者離合于其間耶孟子曰以善養人然後能服天下方今之事宜善養耳以天下為籠則雀無所逃以陰陽為炭則人亦可鑄萬物並育而不相害道並行而不相背湯事葛文王事昆夷想其作為如何有耻且格矣縱不能使葛與昆夷之格而天下之為葛與昆夷助者憲不過置公麼於度外瀾瀾東流非泰山砥柱不能回頭坐而鎮之默而成之雖憂未嘗不後天下之樂而樂也舟次天津魂

東鳴文集

卷二十一

二十三

夢猶在門下敬削短剡祇敘謝悰并敘曩面所未盡者伏唯台省幸甚

上三閣下 戊子四月初四日

兩度請告皆取溫肯又手札諄諄不覺感涕夫士所難者知己不自奮非夫也奉命以來山東守土吏催迫從舟因循二十餘日不謂賤體終不可強臨城為大風所中幾於不保頃又疾厥半日方甦他病猶可藩籬而執噓之來如火雷驟發安可立至尊之前用是再疏此疏非常疏數千里來而只

尺不得入朝萬萬不獲已私念主上以仁孝理天下諸老皆忠孝大賢左提右挈遂叫號作兒子態伏冀憐而許之勿令更疏惠比百朋無任懇切之至

### 再通當道書

方病時舉念增劇以寐察數語奉干誠不足以回長者之聽今為日久每夜分不能寐輒草數行積靡成文敢以通意某病非一日昔乙亥講筵之命所為奔走而乞于門下庶幾罷免者為病念也既

喙為文集

卷二十一

二十四

拮据十載畢精于是如竭涓流耗無餘矣故以已小病當人大病以已大病當人不可起之病今去不起者髮耳伏唯相公存其一髮以為老親賜又相公所以不釋於某豈以某有可以佐下風者哉顧其實無可以佐下風篋篋刀筆中智以下類能辨之其十百於此者古今史傳中賢豪之事具在患不行耳不必更資不肖不肖今十爪枯削髮白齒落朝事夕忘惕惕如人捕背熱無休時對飲食不能筋嘔唾時作行如履空坐如負石執蹙自秋

但今萬方不能止他病猶可而輒嚏

如大雷

颯發無天地於上下又安可以立至甚前此甚

不可者又不能旦夕愈也微天之幸誠得生還以

見老親又微天之幸誠得奉親餘年而後捐骸骨

于丘隴之側出望外矣病在方寸方寸亂恒藥所

不理八十六老親在堂凡天下窮富極貴無以踰

者今奪我窮富極貴以易人間富貴安所得歡投

於不歡之地安所用藥人唯天不容偽性不可化

中夜來者不可奪魚鳥微物有死而不能奪其天

性不肖之欲奪其天性固難也如水中流刀不可

斷如池中萍乍合輒開雖心口自語不能解辟他

人安所開其口乎一葦足以度冬百粒足以度日

過此為災所享止此幸憐之以成硜硜小人之節

人之請告皆有所告之意不能許其意則不能許

其告某之告無他意告即意意即告門下大孝奉

親錫類於四海曩幸以意許久矣故遣前疏無多

談而不虞復持之也謂不肖未堅耶今不肖喋喋

如此亦可以信其堅儻猶未信則不肖又將喋喋

於上前以煩相公人窮困則思親窮困極思親愈切誠恐高堂一日不可知為終天恨又恐已一日不可知以增高堂憂人間萬事皆付流水雖觸雷霆死不怨謂五十二乞休非制有孝廟旨謂有兄弟侍養非制有楊太宰例在至于病假不待言可許惟相公曲念

### 謝啟

某身嬰虛羸之疾家有喜懼之親桑陰幾何尚乏春暉之報蒲安易謝俄驚秋序之侵輒披寸血之誠上瀆九重之聽仰蒙慈鑒備極哀憐因感宸衷亟加俞允賜以及親之養寬其唯疾之憂恩不啻于丘山報何窮于環草鯉庭再過獲伸烏鳥一日之情龍門可登擔竭犬馬餘生之力

上四閣下已丑八月廿一日

昨歲病疏蒙相公更生之德久不稱謝幸忘之也閣務殷繁而以不急前陳近瀆近干口知心必不見責也乃接邸報再蒙敘用乾坤巨宣復過茲誠宜疾赴下風不俟終日顧不

氣不完苟延至今病日益亟肌肉消盡僅存皮骨內則五臟有癥結時作楚痛陰陽將敗不任人事之勞既大不可而老親頽齡衰骨病痼經旬天幸稍間耳昔人以春寒秋熱為老健之喻猶謂健也死老而哀如風中燭雨中花庸得無懼遠宦尚思歸侍豈在側而可遠遊耶舊年逡巡北行為未覩老父之心恐見嗔怪既歸之後每蒙好言見慰相歡相慶益進於昔蓋止足之心素多而世味之艷絕少其於是安居甚適無他慮矣庸可再出使兩

宋鳴文

卷二十一

二十七

心各懸乎有如老父意有毫毛不相許何敢驚詭異之名而虧孝養之實哉天下無無父之國安有八十七老親在堂而棄置以出萬無是理不肖自入仕被相公猶子之愛以至於今心腹毫毛豈逃洞鑒尚願相公愛之以大慨然見許無待再疏不任側望之至

再干申相公已丑十月初三日

八月十六日得起教習邸報二十一日拜疏上辭致愚懇於門下時某夙疾未痊新病初發扶頭燈



目具草不詳恐後時日略見一二暨遣介後始接  
部咨并舍弟一中家書承玉咳及三相公太宰中  
丞南太宰諸書知相公極意栽培如敦促馳驛皆  
大破常格而諸公交喻尊意必欲出不肖塵周行  
退自循念一無技能而蒙知若此千載一時矣顧  
有必不可者某稟氣不完夙嬰多疾前此少壯尚  
堪助長乃不能矣是以念歸愈深思親滋切常恐  
不得生見老父及歸省侍而百病果發最著者為  
執愛猶迫於嚴旨試且北行以為萬一可強而不  
謂愈甚豈人臣可以流涕見天子哉三疏乞身真  
不得已既還老父聞嘯聲不絕更增憂悶而不肯  
遍訪醫工寂無一效三月間有醫診脉謂逆氣大  
上兩寸直至掌心故非常劑所療廼以芒硝石膏  
滑石羚羊角大黃青黛等藥雜草木極寒之劑治  
之而斥參芪苓朮絕不復用閱三月嘔稍已值老  
父前頗傷憂勞七月下浣變為寒熱往來初謂之  
瘡後審其非瘡直是火從湧泉起蒸燒其身自未  
至亥率以為常成三消矣入病十日而新命至猶

東鳴文集

卷二十一

二十九

時坐時卧拜疏後復不支從此帖床席休食粒日  
藥一鍾無復餘潤神氣盡奪聲結不揚歷九月望  
未寒熱稍已則又苦嘔苦渴苦汗苦遺四患交薄  
肌肉盡消五歲若無獨腹背相倚時為變症多非  
一種方書所有半在於身少氣不續一足以死恐  
驚老親戒家人勿慌張奔走以命自安然間有不  
自持分必死者數呼妻子作計人鬼之關大未判  
別恐終不免于溝中此親戚朋友暨府縣司道所  
共知也伏計前疏上應必蒙俞許恐未見俞輒附  
東鳴文集 卷二十一 二十九  
余問丞氣叩門下所以起某者為榮某愛某非苦  
某殛某也顧若此遭苦之殛之非相公意也虛棄  
身於無用延及老父計之所不敢出也伏唯相公  
憐之再疏之日特賜矜許生當即環死當結草  
三千申相公  
比蒙恩召拜疏懇辭君相之前詎敢以虛詞煩瀆  
茲而未蒙諒察傍徨殊甚余問丞行忍死作一啟  
以聞正慮此疏未必允耳乃不得已再疏矣走三  
千八百里懸兩月始通一赫蹄良苦願相公垂照



焉某之病狀前啟今疏已盡茲不敢贅其云劇病難痊苦情難割真嘔肝至語不識相公亦感動否相公督某以輿論繩某以明例凜凜大義也雖然容置一詞某聞古之聖人以道治天下後世獨以法把持天下道法非二而分別若此意者法徒一切之物道則所以潤澤而行者也明例有兄弟者不得終養也若人子之情異是不得以兄弟之養易吾養辟如拜揖寧可以兄弟之拜揖當吾之拜揖乎彼各盡其心耳自君父而言則皆子自子而

家傳文集

卷二十一

三十

言獨一父苟可以竭情安所不用情而况桑榆之日乎天下從性來神來者不可強試揣之夜半鷄鳴偵之里老田更安有八十七老翁在床而子復從遠游未暇問其兄弟有無而訾為非人也某願相公以道治天下不以法把持而已也且官有崇卑事有緩急繩庶僚以一切而臨之以例誰曰不可在九列之間天子之所體貌者宜權之以禮義當軍國倥傯之任雖有大故尚可奪也而况侍養如在平時正宜修教立訓以示民極必有權之者

矣事固有相左而相成如朝廷方以爵祿籠天下而又獎廉退此可以制格乎卓太傅治一邑尚曰律設大法禮順人情可以治天下舍禮義乎今某九列之末也治朝之臣也領相公以卓太傅之教教之不徒法令也又相公以舊歲聽某歸省為未愜縉紳之論則異乎某所聞昨得請歸縉紳相見者未聞責某為非寧得以相公為非也自丁丑來薄周公非孔子而天下喧然以至於今以相公為非必薄周公非孔子可耳且某何敢稱疾以欺

家傳文集

卷二十一

三十一

主上性病神病身安得不病七尺之軀非獨方寸也又何可謂無明例乎江陵之凜凜而今太宰得終養是亦有兄弟也某以是願相公之矜憐體亮而予之以不詬之路植之於復生之園也抑荀恁有言先帝秉德以惠下故臣可以不來驃騎執法以檢下故臣不敢不至相公方開弘蕩之心廣錫類之澤故某亦恃夙愛馮深慈若小兒子跳踴躡躅於父母之側知無嗔責且有必得之賜臨箋無任悚懼願望

干許相公

余固承行伏枕具啟以干閣人時不能詳今又決肝膽以請不肖聞君親兩大當權其事之緩急以為重輕今不肖之時正所謂報劉日短而事主日長也況不肖以其強健二十年之身事主而今以其病劣之年事父人子之心亦可恫矣秋來一病自昔所無涉月者三尚未巾櫛即在少壯猶湏歲所調理况此耗損之餘功力當百也不肖非愛身者捐身以赴急意頗久願無益於世有點于時

家鳴文集

卷二十一

三十二

干太倉王相公

吏部齋咨官來伏奉台翰拳拳也上疏奴回又奉兩箋加拳拳也此一監儒事而蒙大訓纏纏至千言感相公之篤念不淺也其所為不肖念昔秋毫曲折無所不至至于咨嗟悲泣若身處其地此古人喻相知于心腎也不肖何以得此哉相公謂君

親之間甚難誠以己之難而信不肖之難也顧相公方困于難而以難因人不知相公何心也不肖以為酌天下兩難之事必於初機一念決之而不當眩於再三之談初機之念必天下之公是公非也不肖之不能去老親初機也即來教云拊心而歎繼泣而憐者亦初機也此二語足以決出處神者告之矣而繼復云云將為不神者求耶來教謂明詔刻期諸司敦請日夜騷於老父之前則老父必動父既動矣子何為辭此可謂極慮深思明見萬里之外而又有一說者存老父為人大度恢恢無所不可君命臨則恭君命子情切又戀子情向生之出也以為懼嗔課以世間人情相度而不知老父之情殊不爾軒冕加之亦不辭軒冕去之亦不戚非課而有主者也介之推之母尚能容子之隱敢謂老父不能容不肖之辭耶出處之介雖人自決然成人之美者實大君子用心不肖雖周旋講席無他奇可感明主去留之權實在政府如來教所謂泰山擔子非閣老擔而誰擔乎君相造命

家鳴文集

卷二十一

三十三

者也造命者欲釋其權而今萬物之自命則萬物  
痛此其所以日夜禱求忘其呻吟而喋喋者也伏  
惟相公憐之白嘗與趙激陽論相公蕩平正直如  
青天白日之出魑魅自消無容喙矣如欲盡規則  
即以壬戌論語題為獻生亦領之為袖予與世妨  
若大乘教主當度盡世間人作無量無邊功德隨  
順不二觸處無間何蹉跎歲月之患山林朝市之  
拘窘提尚不知長履那管生薑樹生不佞願以此

釋翁讀歎即因米教并露一愚慚悚慚悚

報傅巡撫救促啟

某宇宙殘生江湖浮氣精神漂越已先溝壑之虞  
庭闈衰頹又并喜懼之意舞欄揮扇未盡子情問  
藥尋醫殆無虛日秋來更劇通昔無暇皮骨僅存  
有同枯樹肌肉消盡欲作浮花雖是玉堂清閒之  
居豈伊病夫卧護之所沃自忖念萬難馳驅頃辱  
召綸實增震汗門下憐才大甚採名或過大幅長  
幾宣朝廷之德意實繒珎膳寓緇衣之盛心所遣  
又萬戶群侯不啻稱一介行李其為厚僕可聲名

言擊首於床馳心以謝受之不敢辭豈無名欲回  
九重一聽之慈尚冀執事推心之恕昨遭小介恭  
賀因布政司承差黃兆璧已附一通備道此情茲  
不羅縷

報蔡巡按救促啟

公勁節著于朝端英聲蜚於海國宏敷德政茂展  
良猷某幸出幘幪已拜駢蕃之賜重勞走驛又竊  
寵惠之新既教諭之綢繆復褒揚之赫奕柱礎知  
某竊質無奇蓬心不暢優游秘館空銷水署之錢

再告後謝相公啟

子行還風俗之淳不揣庸愚奉揚德意某少好山  
居晚甘藪匿精神越漂常懷溝壑之虞喜懼交并  
又先風燭之思唯是舞欄揮扇未盡子情豈宜分  
袂絕裾以趨君命條聞邸報彌益驚惶廟堂猶未  
見憐道路知其不可倘回天意仰獲恩俞斯枯木  
托株於春林涸魚縱鱗於大壑率爾裁答不能增  
情亦有朏心惟存銜結

再告後謝相公啟

某竊質無奇蓬心不暢優游秘館空銷水署之錢

往華經緯無補天家之哀每念萱花蚤殞椿樹單  
榮不及事亡猶事存雖有一喜滋一懼而况支離  
病骨蹉躓癯生恒憂一旦為殍英不免終天恨風  
木是以拜違帝日趨就親雲豈貪畫錦之歸實切  
晨班之戀詎謂未溫子席再辱天書梓里傳聲衡  
廬詫色譽髦諸吉士何患乎無師二三見大夫誰  
不可使者而猥於領貳賁此弓旌果過福而為灾  
美誤恩而生害神情不許疚患彌深捧檄雖榮孰  
辭  
出入息之危事已去於方寸心之亂伏遇相公力  
行教化身任綱常事君以忠成本因心之孝愛人  
以德尤厯錫類之恩烏鳥私情俾遂循陔之志狗  
馬餘息尚寬填壑之期施重丘山恩深江海蓬瀛  
清夢報環草以何年竿牘小夫稽涓埃於異世

與周大尹

賤病屢承顧沐浴德政中得高枕卧歲入大減民  
心可慮即謂恤不可望望特加意撫循水利事諸  
决口尚未盡塞如五十都新渡地方耗水尤多舟

膠不可行矣冬間雨少春耕將有害潮大時决口  
不無湧入之利顧小時多大時少所入不能勝所  
出必塞之便若又偵潮大時於上水諸壩引江入  
河則水猶不盡涸第須啟閉以時乃有益耳城河  
久不濬即湖底亦漸而露此亦執事之憂倘白司  
府及今設法淘濬以其土瓦培埤下之薄亦數年  
之利也杞憂耿耿輒爾羅縷

答吳悟齋

本困征輸更以歲凶賴天之靈與社稷之福幸而  
無亂公復定改折之議以寬民力江淮之間猶食  
餘粒不然米價復踴老穉填溝壑矣何天不悔滄  
毒我民自舊年七八月至今年三四月未育三日  
之雨亦絕無一雷一電五六月間尤甚徒有脾飢  
大颶以為民灾秋且及矣即雨無救于苗十日前  
民尚奔走群望悲啼泣嘆今反寂然意者天棄人  
人亦棄天不無事者人也倦於此其勤必有所發  
中夜為之遶床行部使主吏非無焦然戚民之心

而倉廩空虛束手無計以浙省大帑僅僅有三千金耳直指災疏上聞不識主計謂何顓不惜口吻毋引馮婦以自解責使人人知上德寧死不敢弄干戈為福猶厚顓無讓也不敢顯言於當路私為公盡之

荅親知勸駕書 丁亥

僕生丁盛世長值明時家世積善門有素風父母見慈兄弟輯睦獲展聚螢之勤以就雕虫之技賤

家鳴文集

卷二十一

三十八

有祿代耕無沾塗之苦有馬代步釋負擔之勞加以密友契朋良辰美景無案牘之紛擾有唱和之好音翱翔乎石渠金馬之次逍遙乎蓬山冊府之間遂得長養其不才之木延歷其多病之軀既而執經金華責善龍衮陳無罪之言以為戒譚不諱之文以為勸日月浸漬塵露淵崇斯亦足以懣暢生平不負所學矣位在執戟雖且十年一旦超先躡躋三品抗經筵之恥論戴縉之席已重佐銓宰之下風山公之啟可續然而吾之不能一日安者

何也吾能一介不取而不能一介不與能化導有情而不能通難見之主能禦虎豹而不能制獬狗古語云仕無中人不如歸田蘧蔭戚施不如偃仰嘯傲以適吾所勿為李陵張空拳以格虜知難而退事之常也且吾之不能一日安也有十以焉多病一也硜硜顧小節二也不記事三也不喜樹黨植交四也心輕厭中人不顓與共事五也事掣肘不可為縱為可小不可大六也好潔庶無資以充結交七也四面攻者多八也不能忍氣雖習寬大

家鳴文集

卷二十一

三十九

終非性之九也坦夷平易耻作兒嬾人附耳語澹泊清靜不喜作為又以競進為深愧以保寵為大辱十也犯此十不堪而妄以身試非據而據身名俱敗矣鳬鶴之性不可短長勉強而行終非久道自揣頭顱可以已矣一入國門終無善出之理處軒冕意不為榮食藜藿亦不餓死故北望燕山如牽牛入屠市步步近死地庸人可以不度德不量力吾可乎哉文中子論三立曰量力吾甚愛其言君子所以貴早見預待者何既已加諸身矣辭無

及矣已出身而事主終不能顧其親矣人臣在朝則進退唯君既尊寵之則憂喜同國人臣之義也暇違自為計我如人在舟中而更謀陸事傳曰魚水不務陸悔何及願公勿復以北征相勸

復宋桐岡書

附來書并後跋

應昌啟首春聞東封已定社稷之福東封既定必言貢市昨疏中稍稍及之乃昌素畫也往歲擬於降表至後為請不意表幾到而昌罷去昌每念倭

虜之市判若天淵蓋虜以疲弱之馬易吾有用之

四十

財得其馬不足以供驅策分給軍士相繼而斃乃以月餉扣償虜勢日強邊備日弱以有限填無窮坐困之道也若倭所市金居強半海外之貨皆中國所貴吾民得之利且十倍而吾民易去之貨利又數倍以故市舶之稅歲幾百萬自國初以迄弘正間皆然總鎮之官特陳兵以威之未聞有亂者王直明山等俱中國吐隸其勢窮迫勾引海中亡命為擾彼國不知也邇來沿海之民尚思市舶而長慮却顧之士切齒互市何者北虜之市在官害

亦歸於官東夷之市在民利則官民共之北虜歲市數百萬我宜以一歲之需養兵數十萬以壯邊聲機有可乘一大創之況今民力日疲年來虜已生心乎倭則不然越海而貢我能制其死命市稅無美我可取以養兵與其弛私通之禁而利歸於民孰若統之重臣使市舶之利亦歸於官昌老矣無能為用矣匹夫受恩且猶思報故不憚出婦之誚白之臺下異日人言及此惟台慈主持

春初教及東事對未詳茲再承枉語益加勤門下

四十一

東征渠率四方奉之進止而為說乃爾恐人遂和敢布腹心東事起時言封言貢言市既舉朝謂貢不可則罷貢與市而專言封今門下復言市夫市貢之別名也市如何貢而不可然而必不可漢請析之來教言倭虜之市若天淵虜市無利倭市利宜許夫中國之與虜市非欲之也誠畏之而以此羈也今欲與倭市者得已乎不得已乎謂倭強于虜乎僕以為倭不能及虜之百一無畏也中國之利利在偃兵何患乎無償而况海外貨非衣食

所急不足為吾重蕩蕩囊中何物不有詎資于一小島彼冀及秋臺安肯以利輸我彼則利吾貨耳吾何利於彼而與之市來教又言市舶之稅歲幾百萬自國初迄弘正間皆然此語未真也市舶寧波事而僕寧波人未嘗聞嚮有百萬之利利至百萬鉅矣充何輸將作何費用或入內帑或留外庫而寐寐未有聞也但聞倭來百姓有供給之苦有送迎之苦有司有防閑之苦有調停之苦市舶太監之徒病民而與有司角則又苦倭來館之城中

卷二十一

四十三

與民互易任其出入而民不得高枕官於此者常不樂思避去尚幸其時國家威靈赫然倭有犯即一尉一候得捷之然猶有嘉靖二年之變殺一都指揮縛一指揮以去地方殘破室廬焚燹扶老携幼逃於山壑一月而後定先此楊文懿嘗著書謂倭貢不可不絕家誦之為名言時不能從而致此禍又復不戒有嘉靖末之禍今人即不見嘉靖初事然見嘉靖末時向使倭不數貢則彼不知海路之夷險中國之虛實武備之修弛吏治之動輒彼

不能收吾人為向導不見吾阨塞要害繁富充物之所安能鑒空犯濤而為禍故歷考往牒自開關來未有倭亂中國二三十年若嘉靖末之亟者正以從前無貢即貢未有如此之數而獨數于今故禍獨慘于今也安危所係豈惟東南奈何復言市乎來教言王直明山俱中國毗隸勾引海中亡命為擾而彼國不知公尚謂曩之亂特中國毗隸而非倭耶誰則信之當是時王直明山勾引海中亡命及群倭之不逞者為亂胡制府遣人責其君臣

家鳴文集

卷二十一

四十三

而彼君臣謝不能制其國人非不知也夫不能制其國人雖善之何益然則不必市明矣來教又謂沿海之民尚思市舶而長慮却顧切齒于北之互市夫北市利害自當別論今且言市舶公言倭越海而貢我能制其死命市稅無算我可取以養兵與其弛私通之禁而利歸於民孰若統之重臣使市舶之利歸於官則所談市舶之利止此矣僕請竭吻無讓焉夫欲制倭之死命當於其未來不當於其來引之來而始制之曷若禁其來而無待於



制之為逸公之意本畏之而以為我能制其死命  
虛言也畏之而許則他日之畏當愈甚而吾之死  
命制於彼持太阿予人而祈其不割難矣僕以為  
倭越海而來不足畏也即畏之尤不當引其來而  
乞其無為害畏虎狼者必拒之毋引之此易喻也  
且吾所以養兵為備倭也倭不來兵庶乎可減市  
倭則兵無減而且增市倭之費矣市倭必設市舶  
必置重臣費更無筭矣且公所謂重臣者為誰文  
嘉靖武官耶中官耶何為無故而添此一漏卮耶  
凡此皆敵鄉之所甚苦嘉靖前苦重臣嘉靖後苦  
倭故禁海三四十年而莫言市執事獨謂沿海之  
民尚思市舶之利此又虛言僕海民也未之前聞  
而聞之自執事始不亦恠乎公昔在軍中真贋互  
收經權並用戰亦可和亦不必以一途取捷即  
有誤失人猶相諒若為國家定萬年之畫必不可  
毫釐誤失僕又請終言之談于公者必曰倭貢市  
二百年何今而不可此不知時者也國家所以致  
嘉靖之禍正為許倭貢市二百年故也僕前已陳

矣而今之時又異於昔曩倭貢來海上衛所言之  
府道府道言之撫按展轉文移踰一二月而後登  
涯比遣酋入京還寒暑易矣而後東歸故常一年  
在吾土北邊之市不過一二日去矣倭之去非若  
虜之易也又曩時法行 文皇帝嘗獲倭為銅甌  
烹之就令倭嬰者死嬰者繼盡百餘倭而縱其  
後一入歸言之其威如此自倭為難刈吾人如草  
有輕中國心曩時倭不為亂吾民亦不疑倭自倭  
為難吾民仇之次骨有疑倭心曩時倭來有司得  
加法倭亦帖帖服自倭為難吾有司不陳兵不見  
有不敢輕彼心此數事不能如舊則市不行倭揚  
揚從海上來吾之吏卒將信其為貢市縱之入乎  
抑奮擊乎既入將館之城中如故事乎抑置之野  
外乎將設兵陳衛擊柝以守之盤詰其出入而勿  
之縱乎抑慢弛其防如舊時乎有犯有司能箠之  
楚之如故乎抑恐激怒故蒙姑寬假乎夫必期年  
然後去數年之中必有一年來而不能行吾法寬  
假之縱弛之勢不能無為亂即彼不為亂而吾之



民能無疑其為亂以吾之疑召彼之疑疑復生疑  
不亂不止由此言之無論詐來即誠來不可受無  
論常來即暫來不可受時也有如不信則僕有一  
言獻于公公能從僕僕不敢復言必欲許倭市者  
請毋市於寧波而於杭州有船數艘衆數千留一  
歲所賓之以禮不以兵居之以城不以野日供之  
不乏而有司毋以法制聽之市意滿乃去方是時  
即公能推誠待物坦然高卧北牕下嘯傲自若恐  
公之親弟子姪親戚朋友隣里鄉黨未必能一一  
眾鳴文集卷二十一

坦然如公也又恐部院司道下至於府衛州縣未  
必一一坦然如公也借欲令倭不以船數艘衆數  
千市不以歲月計而以日地不必腹裏而以海則  
有雙嶼港覆轍在不可行也強而行之當有兵衛  
之防走群有司將吏日夜焦勞得罷去乃相慶無  
事此孰與陳兵而殺之便故凡言市者未嘗深思  
其本末耳向時倭五十三人橫行勾吳楚越間至  
薄南都莫敢誰何旬月而後殲之今縱數千倭入  
內地而不設備此輩皆孝子順孫乎海上兵邀而

擊之易耳舍此不擊揖而登之堂皇閨闈而兵則  
守于封鄙之外倉卒有變賊為主兵為客辟之飲  
鴆於腹而索醫於遠能及乎策國者毋以僥倖以  
僥倖者假息將魂無復之之計也焉有全盛之朝  
而以僥倖為長筭聖王制禦夷狄自有常法倭來  
以兵相見耳奈何舍此不言而言可已不已之語  
僕素拙不好辯以國家安危不敢不言幸諦思而  
慎發豈直國家之福亦執事無疆之福

余發家日石本兵定計封倭矣余度封倭亦何  
眾鳴文集卷二十一

害而唯貢與市甚不可未到京先以書言之在  
途聞小西飛已至驅而入即復言之皆曰無許  
者明年春宋經略忽於辭恩疏中請貢市以書  
通余無何復極言余曰再來非漫語也今不言  
後將噬臍乃作此箋箋止荅宋未嘗洩而頃之  
石尚書來謝不敏矣然議亦竟從此止後宋哀  
其朝鮮書疏為經略復國要編計八冊遍遺三  
閣而不及余蓋憾云余謂其所親曰吾為宋公  
造福而猶外我耶

喙鳴詩集目錄卷一

賦

訟志賦

傷蹉跎賦

任運賦

幽通賦

悠心賦

四言詩附

送張成甫

喙鳴詩集卷一

夢過友氏將以鶩食我僕辭不飲為跪請命

因賦四言

喙鳴詩集目錄卷一終

喙鳴詩集卷一

賦四言詩附

訟志賦

序云危竿難上長索難跳惟捷足巧手矯身健力者數習可能不能遣不學者能而此捷足巧手矯身健力亦止能飛騰舞躍不住倏忽取便借勢妙一時耳竿索之上豈可寢處食息終歲而不去哉雖有大禪定人置身浮雲之表沉意

喙鳴詩集卷一

芥子之末不能久不去垂堂之戒昔人云何也展轉思而不得左右顧而難為盲之下膏之上當心為病每中夜披衣不復就枕至于待旦無一語可告人亦無一人可告語知我者謂我心憂不知我者謂我何求金塘大榭蛟門虎蹲之下尚有羸蚌蛭蠃足資蟬腹度餘齡胡不歸來昔人謂士居窮巷猶鳥在籠中而不知仕宦不得意不得去比檻猿廟犧惡懷更甚願以此易彼不可得善乎謝鯤謂庾亮曰端委廟堂使百

僚惟則鯢不如亮至於一丘一壑自謂過之誠然乎哉當時愛少君書乞其寫張平子歸田賦于扇頭至今在笥此意風然少君怪余方強仕何為好此今復十五年矣不能挾兩筋雙饌而憂勞倍人人生貴適志耳若貴章服則吾從優人假翕呬醉卧斜陽亦致足樂人豈日夜華衮從起卧哉古語云如何一寸心千愁萬愁入誠我是言爰有此賦

余亦以補袞自命而竟不能抽恒機之寸縷獨任

嘒鳴詩集

卷一

二

余兩星而微感天之一語安有去天尺五而謂之遙逢時半千而謂之塞被體貌之優隆沐錫予之蕃庶猥曰予黼哉且余天上之孤星人間之隻羽也命妨朋僚罔或游處畸立畸行莫約莫許入酬萬幾出應千旅塵生酒杯零棲談塵青燈夜熒警枕長怒不能夢還天鷄起舞霍然披衣應門未啟至于咏月嘲風品山題水撫予此生邈乎訖已天生萬物無物不耦我獨何為紛罹百憂一柱支傾一坏障流一勺救災一星燭幽學憤未得安知老

休世難方新嗟予何求悵彼碩人于澗之幽欲來無梁欲往途修安社稷臣豈以事君為悅處人間世誰能虛已而游醺酢書言一箸千鈞有時口吃無能復陳將言耶吾言不二將默耶水火迫人坐終朝而無策嚮白日而逡巡憂世難之不夷虞卒廢而沒身嗟回天之鮮術豈合衆之寡倫閭閻于九天眇河漢于北辰憤充室以喟歎兮悵始顛之成虛抱琦璋以莫售兮隲峇峽以居諸揭擔而負簦兮持國璫璵崎嶇虎豹之林兮紛紜群盜之

嘒鳴詩集

卷一

三

渠若駕者之牽曳兮誰發軔而步舒若兀者之孑孑兮誰就余而爬梳已哉焉長吟何愁索居何仇泛海者不止于塗而于舟入山者不戒于家而于丘于丘于舟豈無淑謀天與人分塗而善勝力與命異能而同求捕蝗驅蠅氣奪事已徙山鑿海精通意收假令管晏居此必有錚錚王謝生茲定非悠悠豈遂游韋韋之中林處張孔之下流而已哉夫夫之生猴沐睢維志士之生出昂入箕辟三諫而不入有號泣而相隨縱善捷而血體猶敬孝以

陳詞甘三斷而不屬將萬死而無移撼風雲之妙  
指調龍鳳之妍姿嘉三王之德友立百辟之人師  
滌舊德以新盤飲群良于一卮鑿方心而納貞智  
弘滯跡而即昭坻還帝初心復入秉彛善為之而  
可已美天命其安知若夫寢笏囊組攬車跨鞍蕩  
余志兮逍遙鄉縱余生兮爛熳園謝絳節之侶交  
碧津之歡不羽而四溟飛無檄而九宇安邀赤松  
以容與踞綺樹而盤桓此神仙之福履豈短翅之  
能翰

家鴻詩集卷一

卜居賦

嗟天命之不吾與兮美抱蓄而得凶翰音不可升  
于天兮道剝蝕而已窮眇余一身之在朝端兮四  
瞠目而無從言脫口而莫余信兮詆譎調而交鋒  
根淺不可以植土兮足蹙艱乎躡高褚小不可以  
懷大兮綆短無能運遼上不屬天下不屬地兮虛  
風萍之飄飄譬牢疴之待斃兮獨微明之昭昭肝  
臂離而為蟲鼠兮枝體接乎魑魍口將言而舌不  
掉兮手欲運而指膠嗟沉痾之莫起兮空垂睫乎

連而藉承漿之涓流兮淺人謂其可醫豈無吉曜  
之或煦兮如鬼物之見驅知司命之無可何兮虛  
勞明星之懟詞舉手以謝諸公兮好黽勉而夙宵  
道隨人而異舉兮會有達而不勞亮乾坤之不可  
毀兮剛柔發而成文豈苞桑之終否兮旋轉轂而  
泰交及茲未大壞而極敝兮爰整故而為新余雖  
永捐于泉壑兮視有托而忻忻惟余不可復留兮  
逝去此而問津豈違卜而得祥兮無反天而合人  
偉大物之不可苟試兮美璞寧寄于拙工令此兆

家鴻詩集卷一

五

獨當于余身兮甘萬死而雍容留不祥以禍國兮  
即俎醢其奚庸矧襲卜而再告兮敢不奉而敬從  
亂曰兩儀散形兮振蕩而甄參而施化兮物居其  
躔日月光于太清兮不能左旋五曜舍于紫樞兮  
固無終年人稟命于蒼昊兮賦定其質短者不可  
學長兮歧而見蹟使牽牛可負輓兮嘉天田之長  
治令歟瓜可以食人兮信碩果之得與奔龍之微  
緩轡兮猶跋繫無高騫毋以大鵬之絕地兮而笑  
斥鷃之不天分各有極量各有宜順之則智強之

則愚狗不服駕馬不守閭吾將逝矣夫子最諸

傷蹉跎賦

嗟葆生之非遙惟善死乃不磨時待漏于未旦屬  
仰則于前柯或析肝于弱朝歲碧血于嶮阿或奮  
劍于陽侯資朽骨于江沱或行吟于澤畔擷芳辭  
于青蘿或仕難于平原逝仙解于兵戈苟戰兢而  
正斃胡伏簣而呻哦在殤子非天年况素絲其婆  
娑憤余生之不天丁三命之奇訛走敗轅于峻岨  
操敵柁于盤渦感虺隤之竟體知荏苒之無多貪  
嗟鳴詩集卷一

景愚賦

景前賢之明睿偉顏氏之獨愚正愚名而不受沛  
在宥而稱如費聖漬之再三茂報言于一隅坐杏  
壇以終自送清風于舞雩衆交鋒而思奮或觸網  
而麗疏目不瞬而若盲耳不傾而烏施注洪波于

貪堅吞小舟于溟魚徒有入而無出入亦不知其  
所歸蓋精衛之莫填曾愚公而可移為土偶兮木  
偶將日居兮月諸雖切磋與琢磨安磨礪而涅緇

任運賦

任大運以時邁兮載流雲以上征洵禦寇之道遙  
兮融骨肉以蕪凝張兩掖以担橋兮終不令其拂  
膺貴大患其若身兮化萬物而安生若有人而擬  
吾紉兮吾延頸以相承彼既無增其煩鬱兮吾亦  
免其規營服先民之良訓兮庶櫻之而後寧吾安  
能與力競兮安能與命爭

感疇昔賦

總一紀之本末丁陽九之極衝摭慷慨于帝社盟  
從容于霄宮祁發若于沫斗續豐亨于日中淚飛  
泉以奮涌身槁葉而迎風介垂磻而愈砥氣欲盡  
而彌虹紛衆人之欲殺奉委骨以敬從恃聖心之  
未厭豈天悲其孤筑靡少選之暇豫畢夙宵而慙  
慙信為臣之不易每多闕而難縫若不虞其揭厲  
槩胸懷而仰攻翻治亂于毫芒焚存亡于蒙戎增

寒氷之栗烈益膏火之煙熾雖無私而善敗況有  
挾而能工即妄投而偶中卒乍開而全封茲庶僚  
之狂斐非大臣之精忠蓋大臣之為務幾靈犀之  
一通在弼違而匡救亦長善而擴充靖皇紀以固  
國布帝咨以立庸曠冥策以玄運詢遠猷以淪聰  
志夔臯而逢干業伊召而胥弘守大節以臨命之  
萬死而彌衷匪爭妍于桃李乃比操于筠松却蕃  
武之標榜謝秦儀之橫縱甘下流而府謗忍壘斷  
而尸功形入陳而出順情絕私而抱公獨入造而  
政間就事敬而行恭拚身名之俱敗惟社稷之虞  
忡舍心回而力奪諒春秋之莫容不自正而正主  
不正禁而禁弓臣尚蔽其寸縷君能豁其重瞳臣  
尚滯其步趾君能降其九重心匪席而莫卷力如  
川而必東達威怒而秦虎呼寤寐而攀龍虞信地  
而見疑夫誰為之盲聾或推車之相粹罔初事而  
厚終或簪門之不力抗雅志而尋鋒言有言而皆  
鼓心有心而盡胸更無幸于乾坤堪委命于屯蒙  
衛填海而辭世鵲飲血而翔空俄有隕而自天諒

懷鳴詩集卷一

九

無號而非凶恨草微而環乏付肝鼠而臂蟲虛百  
僚之鵠俟惜四海之魚喁重曰君子立身端有致  
兮有其致者遺其備兮曰子曰臣左右契兮見志  
不從思所藝兮是凋三光金石敝兮懷吾玄珠必  
有緒兮求死得死何怨悔兮彼急功庸思一置兮  
或當利害徒曲濟兮捐其大謀徇小細兮一趨小  
細道大悖兮是吾君親匪郵遞兮驪龍而寤安所  
寄兮禍福倚伏在眉瞿兮損吾名者吾功遂兮空  
斬首耳其訖事兮身已死矣惡用譽兮豈是功名  
日惕厲兮求死擇死弗昧翳兮

懷鳴詩集卷一

九

### 幽通賦

沈子幽居立其四壁幡經既勸歛容退息耳竟于  
聲目窮于色無倪無端蕩蕩默默充然有得恍乎  
有即載浮雲而徂游兮任清臝之所之御神車而  
橫奔兮組氣馬而四馳吉胡不日兮良胡不時往  
靈妃于瀟湘來西母于瑤池歌曰江頭柳色青青  
歸萬里橋邊人未回玉牕筆聲調十指細細明璫  
迎上已別有元君乘滿月丈六金光照西關又微

吟曰青眼乍回看淹留燭未殘闌干憑遍金壁  
夜團團蓋若雅而若豔意非人而非仙覺而詫之  
以為異爰呼火而賦焉

采苓賦

若有人兮守冲凌絕巘兮卜居窮泰皇於汗漫觀  
軒轅之素書披山麓之雲檢育潛虬之神軀冥脩  
翻於紫霞濯素魄於蘭池遵金隄以假寐翳華蓋  
之氤氲拜竒方於上池手玉繩之龍文瞻彼南山  
兮鬱兮葱青立靈木於永岨翹孤枝于歲貞陞空

嘯鳴詩集卷一

十

翠於危壁綴綠星於枯莖蔽彌彌而疑雨陰翳翳  
兮如冰呈玉潤於修絲結千丈之柔縈余視貌以  
導內識靈根之中盈考荒土以自宅葆西方之正  
色塊辭群而獨居族雲擾而霧塞役靈龜於千齡  
友大椿於萬億或火熾而明丹或霜潔而凝白或  
鳥翥而雲翔或龜蹲而山寂或人聳而槁立或獸  
駭而奔力既通神而致明亦和魂而善魄美調榮  
以啟竅可辟饑而休食前千年兮松脂後千年兮  
璧珀籀赤珠之明燈裂皓華之柔帛時清和之靜

吳卜吉會之景夕既載銅鐻入深七尺掘而得之  
和白石捧而餐之滋丹液考玉微之嘉讚學子季  
之服食去三尸以抱一冒太宇於寸赤集女蘿以  
為腸聚江珠以為色朝少司兮扶桑夕期門兮碣  
石覽赤縣兮暑空拂火鳥兮比翼指峇峽兮為期  
頌岡陵兮永殖曾朝菌與靈椿與較生而論息

悠心賦

引悠心于踞影映昭思于玄城寄丘里于易象收  
荒唐于華經信自得之難言偉至人之無名背世

嘯鳴詩集卷一

十一

路之間關首天衢而化昇訊斯語于羨門越曠邈  
而一朝世遯肥而鮮貞矧陟空而匪勞既吾生之  
永逝即天地之重交山何摧而海枯日何毀而月  
濛濛六氣于九室蕩四維于三宮挾飛霞以朝舉  
抱明月而孤終物有懷而能厭心有畏而能強樞  
有呼而能運泉有穴而能香循有照而能則照有  
彼而能常諒彼我之不隔與雲烟而翱翔是故迴  
環四極休息中林守形合真分形散心還魂守魄  
顛陽倒陰出水蹈火履嶽枕岑青牛長舉白犬獨



携空中打麥江上浮蘆賣履市巷施新里閭隱映  
吳門之市沉薪焦山之廬乘赤鯉以悠逝化修羊  
而索居回鴈峰兮來往飛鴻山兮躊躇崦嵫無為  
留白日後天地老亦當畢夫何久而何暫同為恍  
而為忽欲乘化而歸盡姑存我而死物何逐逐于  
非人消靈光于臬兀堂前五棺誰與排舍後青竹  
誰人埋黃梁一夢久已斷黃鵠一詞堪寄哀身為  
白鶴不免彈蘇耽云胡歸去來檣樹胎仙骨鷄窠  
托老生五嶽不足游婚嫁空縈縈何美乎八公何  
畏乎三彭少年戲兮不復作舊相識兮不復迎不  
托丹霄之影不干玉札之名天曹之事不足平天  
上尊官難奉承雲車羽蓋非我儀麟脯鳳肪非我  
腥驅蛟斬蛇為誰勞駢龍駕鶴誰驚轟虎一任兮  
鼓瑟鸞一任兮吹笙亦不念爪免鞭背亦不魔刀  
免鬼偵群仙導兮豈其欣群魔繞兮豈其驚非儒  
非釋亦非道總非世人無去無來亦無今了無世  
情若乃金液方靈飛丹補精術制命丸守明堂想  
崑崙三一法五千言黃庭之要不煩太上之玄可

梁鳴詩集卷一

十一

導自養生之常事何存亡而存存

日方升賦 閻試

於赫大明麗天健行盟東溟以濯曜軻扶桑而斯  
征碧落展睞暉之景璇霄流沆瀣之精矯矯陽烏  
擊海水三千而奮翼轉火馭指天衢九萬而馳  
衡助青陽之載熙回寒光以初燭斗一南而天下  
春既萬象于焉而生輝鷄三號而野中應故群迷  
以之而皆覺月華收壁影之陸離奎躔避珠光之  
錯落玉繩罷繫璠斗已酌雖黎旭之始分而陰靈  
其盡鏢魑魅魍魎忌明而宵犇象罔芴茫待時而  
晨作雪煜兮含輝鬱燠兮吐煌拂拂兮霏霏蒼蒼  
兮涼涼其為時也行天惟一度而輝燭于大荒其  
為體也去地僅咫尺而宣耀於無疆始而出焉若  
瑤光火齊不假采乎丹牖懸黎結綠非繪色于玄  
黃少而進焉若千燿萬炬應先晨而並舉九章五  
采繪後素而咸章謝玄冥駕東皇揚祝融麗鉤芒  
迺乘南陸馳節天閭當斯時也杖何策于夸父戈  
何揮于魯陽節何所用其豐繩何所用其長騰躍

梁鳴詩集卷一

十二



青煒之上容與東嶠之場若太極之渾沌始判而欲分如元氣之決滂方流而未央飛清泠而現瑞奮初威而顯芒首黃道以遐征徑紫庭而抗行蓋月駟之所不能追而雲螭之所不敢當也故蓬海瀛洲依之而生氣神州赤縣瞻之以辨方煬河清而氷釋灼岱岳而春敷賁草木則生機潛回于根茨暨鱗羽則淑氣活潑于游翔眎周于氷天桂海貫腴駢趾之都營遍于窮纒極幕圓臚方趾之鄉睇圯壤而不穢經瞠域而逾章大何遠而不屈小

東鳴詩集卷一

十四

何微而不彰物何戴而不覲人何覆而不印若乃異域同明稱長安之最近八表齊照推化國之尤長熹微雲霞之掌燿燦龍鳳之床湛露晞兮萬年枝佳氣藹兮白玉堂蓋邦畿取日輪之象而太陽乃天子之光茲旻穹之所為睠顧煌煌也故百卉何情有傾心之葵藿雖羽毛末品生鳴桐之鳳凰曝背興獻主之忠入夢為見君之祥是以志士惜陰運余覽兮齋之外義夫戀主晞余髮兮山之陽仰堯文之煥者就之而取其象歌周雅之盛者頌

之而願其常也於戲寢明寢昌雖出震也無得而踰既中既盈即當天也有時而旻故兩作為離大人繼之以照四方上地則晉君子法之以昭明德吸精粹吐氛慝慮逝波之遽東戒奔駒之臨隙庶與日而俱升敷光天而罔極

四言詩附

東方明矣咸池朝浴月明之光落五留六三事大夫其胡入告厥口如囊饗君之祿東方明矣悲此薦凶三事大夫其胡云從不有令圖與君始終

東鳴詩集卷一

一五

人既不祿天亦罔忠嗟嗟今人為肉為糜浮浪轉徙罔攸寄止及地書天譖人錯趾三事大夫曷其起處孰拒之閭孰延之門孰偃之床孰驅之原國人作詩以刺太人大人曰噓我刺國裡國裡曰噓黍稷惟馨我饗誰蠲而我謫云栗烈之寒胡能卒歲垂涕之告胡可索類庶幾夙夜天之方蹶下土之圖社稷斯賴

右東方明矣五章四章章八句一章章十

二句

送張成甫

肅肅晨風悠悠旆旌僕夫戒徒良朋啟行不御旨  
蓄若醒若醒安得諼草以蠲蘊蒸仰慙浮雲俯悵  
流波雲既輪囷波亦盤渦豈無易秣驕駟不過臨  
爐攬袪逝驪若何莧絲雖長匪松不高獨學雖勤  
不如同袍或者知還迷道非遙子之捐我云胡弗  
嗶人皆貴同子獨尚獨人皆外假子獨內足棄知  
遺身維寂維寔美厥靈根懿我先覺澤雉自臞不  
樂稻粱冥鴻自孤不樂鳳凰人生實難離會可量  
嘯鳴詩集卷一

十六

永嘯今朝千載可忘

夢過友氏將以鷺食我僕辭不飲為跪請命

因賦四言

微我無友蕙蒸蘭肴道逝千鍾情孤一瓢吾寧獨  
醒未忍鋪糟萬物愛死豈殊我曾敢以口腹累子  
烹炮願教中厨於陵獻嘲

喙鳴詩集目錄卷二

樂府

將進酒

君馬黃二首

有所思

聖人出

遠如期

雉子斑

佳人期

學倚蘭操

悲歌行

歷下行為李千麟

擬秋胡行十一首

譚阿宜

王可交

孫思邈

喙鳴詩集目錄卷二

三茅君

祝鷄翁

安期生

鄭思遠

嚴青

藍采和

蓬球

費長房

修羊公

陰長生

許旌陽

游仙

喙鳴詩集目錄卷二終

喙鳴詩集卷二

樂府

將進酒

丈人解嚴顏四座且勿喧生不逢王子期一日難  
知何稱百年填胸磊落如丘山不飲安得游神僊  
羅珍瀉玉聊自憐大甕小甌翻踏天天有酒旗地  
酒泉虛蒙其聲人尚傳桂精一月不兩圓白駒行  
地不可牽去歡居憂生實難

喙鳴詩集卷二

君馬黃二首

君馬黃我馬蒼安得我馬如君良錯綴無光鐵聲  
急狂賊不飛驚電溢但願我馬化為蠅登天入地  
遙相及

君馬黃我馬蒼游龍尚不顧飛鴻飛免何言良神  
龍失雲如跛牂騰蛇委霧鱗角亡請從櫪下居無  
厭糟與糠

有所思

妾亦有所思君亦有所思妾思思地終不移君思

思天安可知鴈往燕來接栖江濤寄書零陵還謝  
主人誰能長此離誰能長鬱陶白日不回照焚心  
櫛山椒

聖人出

聖人出引天慶象帝指修術經肅貯蠻矢孝誠未  
明衣朝萬方日盱食詆虞唐立勤人退袞閣洞開  
室息鯨行令旦發夕九荒罰當臯賞信功民見德  
吏不獐狍請吏戎虜王斗粟錢人父兄帝德新樂  
無央

喂鳴詩集卷二

遠如期

遠如期聖人在上風雨時越裳重譯來問之窵息  
喘動荒人知遠如期日重光月重輪儻不然誰其  
信遠如期日月代謝星辰錯行皇天不掩其精誠  
陰陽揜擊以成大明遠如期天子法斗諸侯應宿  
天地大矣何莫不有鳧飛鼓翼嘉樂充德人言軒  
轅歎其拜筮循機履象曾不是則

雉子斑

雉子斑迴翔十丈飛復還逐雌喔行丘間雖有

黃鵠不顧攀黃鵠可友不可匹寧同萬死共鼎鑊  
不顧一日稱為鯨

佳人期

欲留佳人佳人不我留雲軒遊八極顧我嘻笑無  
離愁旨酒希不嘗嘉肴崇如丘遺我札書惋悵綢  
繆幽蘭滿把欲寄途修飛鳥不能捨之遠遊嘉彼  
鴛央翼雙飛宿靈洲嗟嗟人而不如鳥胡能日夕  
相追求

學倚蘭操

喂鳴詩集卷二

有倚者蘭誰云不翻非採而佩蕙焉不如彼如之  
人兮誰知予之珍兮鳳兮麟兮予其民兮山有桂  
兮澤有椒桂可食兮椒可調非予不待兮我心勞  
悲歌行

肥豕不如瘠牛貴官不如富酋少病不如老健生  
勞不如死休悲歌乎斗酒不澆百憂短日不給長  
愁胡不歸來海頭東日正照蓬丘

歷下行為李于麟

曷從獨駕來觀豈其攬星辰結虬鸞巧僊不起千

載無揆端短以大方規大員濯滌滓竅施大懷而  
運斤北地執其常歷下跲其先龍鳳既有章鷄犬  
無難焉文質勻調稱世賢男兒安能齷齪隨人無  
姪妍抑固偷存無乃徒為歡以我為簡吾辭旃仕  
宦至方岳下不陵上不援下不欺始誰之黃童上  
不愧滄浪之皇天嗟佳人乎古有之吾不及焉柰  
何及焉長棄捐

擬秋胡行十一首

物情無象物初懸可知物情無象物初懸可知賢

嘯鳴詩集卷二

四

人逢殃將德猶虧嵇公雖僊柳惠吾師人間難工

天上易居歌以言之物初懸可知

異類可托忠信涉波濤異類可托忠信涉波濤鳥

巢可窺獸群可邀目不忤胸心無灼焦人間雖遠

天上非遙歌以詠之忠信涉波濤

急景西流賢愚感念殊急景西流賢愚感念殊賢

豪邁志游園德輿情者視日樂而忘軀塵飛烟靡

詎足賢與歌以詠之賢愚感念殊

璇璣日周傾則造化偏璇璣日周傾則造化偏如

彼江流堙而生烟詎亟暉迂或輕或軒孤義不奮  
獨愛不憐歌以詠之傾則造化偏

天地皆實人處空虛中天地皆實人處空虛中實  
下為土實上為風間風間土呼為壘空動而有神  
變化無窮歌以詠之人處空虛中

人有驕陽苦患無至剛人有驕陽苦患無至剛旦  
東暮西旋輪轉鄉儵忽電日月非長假道托宿  
終非室堂歌以詠之苦患無至剛

造化密移其本在至柔造化密移其本在至柔若

嘯鳴詩集卷二

五

鳥甫敲若蠶甫抽若春熙熙若泉瀏瀏孔仁釋慈

解明入幽歌以詠之其本在至柔

老子深遠囊括性命全老子深遠囊括性命全吾

謂三氏具遠如天合之乃備離之悉偏言不盡道

道非難言歌以詠之囊括性命全

江海有盡天地不可亡江海有盡天地不可亡謂

之混沌非無玄黃鑄金陶土歛陰肆陽日月孕精

星辰考行歌以詠之天地不可亡

謂柔非沉謂柔非昏昏謂柔非沉謂柔非昏昏非

脂非韋莫然無魂不驚一羽不飛片塵欲平躁息  
渾渾沌沌歌以詠之謂柔非昏昏

吾觀宇宙寸寸皆黃金吾觀宇宙寸寸皆黃金猛  
虎父子王睢瑟瑟鞭笞刺刺皆父母心鏡熨害剥  
理陽若陰歌以詠之寸寸皆黃金

### 譚阿宜

譚阿宜譚阿宜九歲小兒六尺驅不飲不食行如  
飛將鬚入雲去何之大曆丙子忽來歸長跪父母  
問起居一行已與人間辭禮絕下界不可祈烹羊

東鳴詩集卷二

大

擊鼓誰所為不宿僊官宿山魑

### 王可交

餘杭母酒壺公藥賣藥買酒自斟酌四明山心去  
復來一往逍遙竟何託當年漾舟趙村好青玉案  
前栗如棗黃衣送我落青天瀑布當門坐秋草三  
月三日九月九一日辭家家在否今來又是幾春  
秋直得先生幾杯酒

### 孫思邈

三尺女兒灼土卜虎豹關深奏不覆妖髡張口吞

春波昆明老龍抱頭哭龍官秘方帝所珍須臾捧  
出水函新不獨救龍還救人帝為先生何敢嗔

### 三茅君

叔真味清虛龜山謁西母歸來恒谷中時年四十  
九阿父下笞撻天兵呵左右折杖破四壁人驚霹  
靂手兩弟二千石一時綰符綬賓朋數百曹錢筵  
紛乘牡殷勤告諸父有踐星之斗明年復此辰幸  
皆臨餞某至期門前地自除數千畝上施玄幄高  
下踐瑤茵厚大作衆賓會者無從人守瑛盤飛空

東鳴詩集卷二

七

中奇看送天酒妓樂間絲竹麝香染瓊玖有頃從  
官集四竈六素蚪朱衣玉束腰趨蹌肅前後起與  
家人別遍謝諸耆耆期至吾當逝諸公堪大占兩  
弟聞拊心不如鷄與狗棄官歸去來東山稽千首  
憬悟一何暮瞻如白雙叟縱能受真訣知成地仙  
否長齋存明堂無繫神方肘佩服無勸朝猶能逮  
飛走三茅嗣先代香滿古今口肯垂青雲梯敞屣  
吾何有

### 祝鷄翁

尸鄉北山下養鷄百餘年鷄皆有名字呼之輒來  
前白晝散青草夜栖高樹烟賣鷄及其子日贏百  
千錢得錢復置去此意誰能傳吳中養魚池至今  
為人師嗟嗟祝鷄翁孔鸞之相知

安期生

留馬謝天子挂帆之蓬萊九骨豈能去濤中多風  
雷詔使三五曹落日空徘徊仙人誰可期不期還  
自來我愛千歲公碧眼無纖埃

鄭思遠

家鳴詩集卷二

廬江鄭思遠少年為諸生晚師葛孝先受丹盟馬  
迹山中有虎生二子虎母為人殺虎父驚且騰虎  
子饑思遠持還為飼之虎父尋至思遠家跪謝因  
相隨思遠每出行騎虎父二虎子負其經書衣藥  
惟所之橫江橋邊逢徐隱患齒痛求虎髭云及熟  
拔之挿齒間可療醫思遠拔之虎伏不動如拾遺  
至今丹陽稱仙師

嚴青

都巡錄嚴青反為嚴青錄人馬不動如堵牆且教

辟取三年穀

藍采和

破藍衫加敗襦六銖木帶三寸跣一脚着靴一脚  
無拍板踏歌自都廬得錢施之歸酒胡攔街兒童  
拍手呼濠梁樓上饒歡娛笙簫雲鶴游帝都

蓬球

蓬生何事群仙游元暉何事獨上樓鶴背何事不  
相許松梢露水滾滾流

費長房

家鳴詩集卷二

可憐費長房不能吞糞蛆乞得青竹杖飄飄下天  
墟地上鬼神何足主終朝恚怒淒風雨終為衆鬼  
所侮不得死絳囊空貯茱萸紫

修羊公

華陰山中石榻穿修羊公來眠幾年漢皇致之止  
王即有詔問公何日語化為白石白于玉題脇三  
行謝天子通靈臺高不可攀萬里雲霄飛寸羽

陰長生

安得神仙教大還大作黃金數百萬流入人間欲知

當世言問取青城山吁嗟青城山高高不可攀

許旌陽

蓬萊化人夜來點檢神仙契永嘉至今一千二百  
九十有餘歲以數則過時則可八百風雲未登第  
豫江之沙高偏城真壇柏枝拂地生我欲從之片  
羽輕弄簫吹笛邀茅盈月波無痕萬里綠江心為  
我飛清聲却笑人間許長史也教仙籍書其名

游仙

乘風回雁嶺玩月曲龍池佳名堪浣耳得意更同

東鳴詩集卷二

十

誰我道非常道無為亦有為幸寬老人貴無以世  
禮推



喙鳴詩集目錄卷三

五言古詩

隴頭水

出塞六首

塞下曲四首

閨思

迢迢牽牛星

團扇歌

古別離二首

古意

白頭吟

江南曲

游仙二首

相逢長安陌行

貧女行

嚴子陵

喙鳴詩集目錄卷三

心訊牙

牙謝心

感遇

雜詩十六首

喙鳴詩集目錄卷三終

喙鳴詩集卷三

五言古詩

四明 沈一貫肩吾 著

隴頭水

秋風揚白沙夕露生寒芒鳴鳩化為鷹結束從軍  
行天地判區夏一水猶分張嗟我胡漢人何年共  
衣裳搗雪團作糝滿腹冰與霜已 隴頭水誓言  
死異鄉

出塞六首

喙鳴詩集卷三

出塞無涼風風來即驚掀從軍但行行莫理閨中  
言少年亦慷慨中歲翻留連同行皆洒泣良乃人  
情然將軍殉國家號令明秋天妻孥不在念何為  
請田園

衽席豈不死玉石同一焚悲來堪自刻空沒無所  
聞持此溝壑意努力事戎勲朔風吹人心結作陰  
山雲

軍情非人理小仁不可為莫以老婦心誤殺并州  
兒犬羊非我類蒐獵當天時飲馬浮苴井休鞍拂

雲祠蒼管風蕭蕭獵火明大旗但令胡種盡殺身

非所辭

戰酣落日黃霜鼓慘不鳴匈奴誰與驕中權隔軍聲不須將軍令但識將軍情驚鳥解韉綫一任天縱橫慷慨誓孤軍直焚老上庭

秋風試驕驕四蹄捷有神落日下靈州遇虜交河津寸箭如寸金豈忍輕去身誰為大單于為君策奇勲

部曲各有分結交各有因幽并多慷慨勁力高秋  
嘯鳴詩集卷三

旻莫倚羽林士盤樂難為軍莫交少年子輕俠無常親酒饌相經過論功各言多閉口稱弟兄開口成禍羅

塞下曲四首

依山結層壘草木偃不驚開營立高牙風從幕後生金精動列宿胡運識當傾努力事擊斬丈夫舉鴻名

長戰夜生光照耀兜零明鼓鞞一傳響上馬如流星萬人皆敢死一身何用生平時訣妻子此日殉

弟兄嗟嗟幽并兒白髮難得盈

一劍當風鳴萬騎如雨集後隊知近遠前軍變呼吸鑿冰起沙城凍入鐵嶺溢弓開虜日黃血濺塞雲濕丈夫貴橫屍功廢名不立豈作蘭山下空向隴西泣

我亦數奇者舊從李將軍將軍終不侯列校多遭屯豈無部曲招越河取奇勲結交取寸腸敢言甘與辛擇主在始圖末棄寧為人聞卿提劍行嫖姚宜許身嫖姚亦人豪詎獨功名論

嘯鳴詩集卷三

閨思二首

不省靡蕪草惟看豆蔻花歡歸白門外猶自夢天涯

四月梅子生莫打青丸碎五月雨中熟與歡共滋味

迢迢牽牛星

河漢日夜流滔滔無津梁萬里豈云遠一水誠獨長投杼再三歎終日不成章時去會面難含情但悲傷誰令為女牛寧作參與商

團扇歌

團扇復團扇皎皎機中練昔登寒女手今識君王面棄之篋笥中猶在昭陽殿感此今昔意聊貴不為賤譬彼隔河女終朝耿星漢君恩當語誰淚下紛如霰

古別離二首

歲月送征夫迢迢固非一獨憶別君處與君別離日白雲挂陵蒼匹馬逝如失所嗟此夜長還悲百年疾

喙鳴詩集卷三

四

雙魚渡江來聞君在江都乃怨山川長能令歲月殊君處寒梅開妾處啼鸝鳴一語纔相聞數月為須臾向來綺牕下一唾真一珠

古意

繡戶溜金風文簾綴珠露榮落同一朝君心亦應妬誰道白頭吟不及長門賦

白頭吟

免絲附青松松高絲亦長何意秋風來委蔓隨飛霜海行無信風春行無信時瑤軫曾悞人勿復欺

新知事君以紅顏期我以白頭有夫莫令客客心不可柔

江南曲

起  
蕩舟結青蒲蒲青不見水水底躍雙鯉鴛鴦忽驚起

游仙二首

我聞老萊子携妻耕蒿萊鸞鳩自謂得蓬艾為九垓手拭日月光氣吞風與雷玄心執大象浮雲安在哉海邑隣壺嶠庭除富琦瑰安知千歲椿代閱

喙鳴詩集卷三

五

年運頽小兒歌青裙天門一再開木公將金母雙頓義轡迴

仙人驂白鶴盤旋戲瑤池縱手撒天花散作玉屑麋兩兩婉孌童羽葆迎所之羽葆有嚴飾璫枝宿盤鏘細酌琬琰膏高吟白雲詞頓轡群玉山息影姑射陂侍女許飛瓊掩鵲天人姿流盼燁素綾殷勤送霞卮眷此貞白心感此陽春時結珮同翱翔千秋樂無涯

相逢長安陌行

少為園林主老作園林客積塵暗成丘積時暗成  
昔別君穆陵橋逢君長安陌星霜形貌苦陵谷姓  
名易故山虎牙紅世事烏頭白長缺何所彈短歌  
更誰得春耕不及南秋戌翻投北隣女怨寒機健  
兒摧暮笛豈無他人憐終乏扶搖力積雨懸枯燈  
嚴霜踏穿屐貧交顏自冷賤語意空寂壚頭值羽  
人為余論雲石莪藿不得充何能待靈液

### 貧女行

三年成一葛五年成一絲絲比白玉纚葛比黃金  
吟鳴詩集卷三

縷何乃貴如此縷縷手自治服登君子堂六親競  
來窺不道新人醜盡道田家宜日入歸曲房拂拭  
架高梳通宵熱爇火手疊成四規床頭文竹筐匙  
管常相離自非歲時屬不識陽春姿寧為篋中陳  
忍作身上縑室中復長女行當治歸資短線綻故  
縫顏色不改渝家貧無織絰持此申佩褱方領曳  
長袖濶略無所施須憐辛苦作勿嗔時樣非如母  
歲十載時來未可知

### 嚴子陵

漢帝思故人迢遙夢明月清晨題十行五道使車  
發卧即呼不起攬車嗟咄咄偃蹇中宵足留連舊  
時舌客星猶在天肯為曹官屈至今七里灘潺湲  
足怡悅所以馬伏波一見真主決投彼交讓冠樂  
來就簡脫古道信濶達難為後人說

### 心訊牙

觀頤奉四體倚君當重關誰來橫齟齬使爾愁其  
顏先民念輔車指后憂痼瘵與子本一身安能獨  
晏然嘗聞行氣術虛通失憂患經營養鄴鶚一粲

吟鳴詩集卷三  
天地寬

### 牙謝心

素乏扣浣術薄蝕復凌腫雖老藜蒐鄉而預腥醲  
恐決嚙既罔職談笑亦危悚神君宰天地靜安百  
靈擁請尊安尊位無以一節動況此風火軀散合  
雲霧踴後黜早凋脫賢聖接其踵張老不可作誰  
能百年勇

### 感遇

吾生一身耳群寇何紛紜來殼赴一招藁爾寧足

分表木尚刈伐痛蘭猶灼焚滄海夜成田逝波終  
不聞懿彼息心侶囁阿屏游氛空空十二部玄玄  
五千文絳節迎玉童雲車駕羽君華表尚不來世  
途豈所訢

雜詩十六首

羲農始基道於世若斗極百家紛異同衆星綴珠  
壁泰山一以摧披離靡所適有族亦有祖誰為主  
宗祏相見必以刃安用稱老釋人言有是非我法  
無今昔旦暮希所遇蹇劣常惻惻

夢鳴詩集卷三

八

吾聞軒轅帝膝行上空同一當廣成子與物游無  
終至陽奮黃墟至陰出玄穹變化超象外晴天飛  
玉龍萬靈朝甘泉一往空後宮已無首山金但聞  
烏號弓精英不可攀髮髯如夢中

呂梁有真人自贊忠信者入淵探鼉龍洪濤汨其  
下死生非小物萬變暇俱捨玄宮與小廣隱几可  
游也

聖人去我遠六籍久蕪沒楚漢諸生誦法徒兀  
兀我愛揚子雲探竒入冥窟高閣違市朝太玄坐

終日詞賦皆小道清淨無餘物舉世皆下士聞之  
更嘲忽

空濛霞嶼山蕭條二靈湖人稀若古始蘭蓀宅其  
隅不見春陽榮亦免秋霜枯自生而自死猶然巢  
燧俱深林歲元化吾為山澤虞

止水鑑毫髮流水迷員方稚齒識幾先病骨知暄  
涼谷虛響乃滿天寒月有芒靜虛道之極至柔化  
為剛君平有明誠強人不為王

晨凌地肺頂高歌露晞曲人生有去來此曲無離  
夢鳴詩集卷三

九

續少殤人所憐老歸子亦哭老少既同哀修短亦  
齊促豈知蛇憐夔一足吾亦足

太虛騰圓暉扶桑晰初目炯炯露海竇赤霄坐相  
燭九關忽啟籥衆星曠不屬是時稗春啟輕寒散  
中谷黃鵠何所挾雙翅兩寒玉萬靈朝昧爽駘蕩  
復何欲

黃流不時清皓魄不時圓飄如鳥過目疾如矢辭  
弦擾擾遠行人累累趨墓田舊物哀華表新人悲  
故阡所以志士心高足苦不先寶畧及東汜無令

怨華顛

蒿目憂世資置身鼎鑊中鼎鑊未及燃豈不膏微躬位高衆所指一雀隨千弓不能早決起徘徊弄春風彈石已在身啾啾哀鳴空達當威鳳翔窮當逝冥鴻粗糲足再餐人生樂已豐此外皆其餘何用勤若翁

灼灼園中花已披五色枝嬰嬰枝上禽交語春風時歲月有急流人生無遠期白酒熟床頭不飲將誰貽歡友非時來聊與斟酌之一酌洗煩襟再酌

喙鳴詩集

卷三

十

空川城三酌婆娑起兩足不任持川月綠微波麥風汎彌彌賢聖本一道酒德無參差

渡江似春來十月鳥能巧雨收客帆起日出潮聲早釣絲浮曙煙樵歌落天表新花紅欲綴故葉青未稿何哉此方春去遲至偏早所以四海心獨夢

江臯好

方平降吳州麻姑坐其傍撒米成真珠嬉戲呈秘方豈知老成人矯偽非我減開樽酌玉醴虛庭鬱妙香吾酒非世酒飲之或爛腸陰陽隔仙塵飲啄

殊喧涼受任非其質珍異翻為殃自非冰雪心妄意堪嗟傷

昔有五侯鯖吾亦斯人徒出入三教門方物不可拘居釋常罵僧在孔亦嘲儒道士尊飛仙我意輕寶符玄同衆妙理皆智初無愚少年亦迷惑中歲頗謂娛詞賦不廢作功名與衆殊捨我即一途詭性非故吾保持徵後氏世人甘見迂

夜人索更籌去來窮夙旦推枕不成寐起視轉河漢我思一何迂但為愚者歎衣食近不恤緬懷千

喙鳴詩集

卷三

十一

載撰門掩四壁空髮老百年半白露零衣裳斯須結霜霰未登堂上絃恐先竈下爨不如歌古今衡茅友原憲

卓哉揚王孫裸葬良不惡造化生我時安得袴襦着混沌為我衣青天為我幕誰非塊然生豈論毛與鄒誰非寐然死豈論溝與壑南山未為鉤陳絮何用斯如彼唾與涕一落便永落湯湯濁河流空聞歎銅雀

喙鳴詩集卷三終

喙鳴詩集目錄卷四

五言古詩

道場禮拜作二首 見道旁山有感

晚泊禹穴下次日入南鎮

自天竺寺入煙霞石屋侍句章家叔

出門 傷金履

集卞茂卿園 贈李英

初入翰林自述 觀蘭亭圖二首

朝天宮習儀遇雪 雪夜讀莊子

喙鳴詩集目錄卷四

賦得謁帝承明廬 憫農

成甫示遊西山詩奉酬

卧店 苦熱

時誠 偶作

四明山 杖錫寺作

於廣陵疏告待命作

遊它山 雜詩

送賈德修給事之貴州

送陸給事之大梁封周趙二王

贈許公 贈許沈二史封益楚二

藩二首 贈徐比部

懷沈徵甫 贈棗強令南子章

韓翁 送范原易之南城今

寄懷章邦直學博 苦雨

送董體仁遊嵩山 送蕭希之守夷陵

贈別周民部元孚

送楊公亮使德府因歸省

送范汝益 憶張明成

喙鳴詩集目錄卷四

寄永嘉洪山人從周

翟節婦詩 為張祭酒壽母

郗遜曹奉母歸楚 上書乞歸侍養禱泰山

祠滕邑博士弟子為余助祈賦此以謝

讀 二祖寶錄 戲用病憐字贈

送謝山人歸延平 宿靈巖寺

讀史 守病

喙鳴詩集目錄卷四終

喙鳴詩集卷四

四明 沈一貫肩吾 著

五言古詩

道場禮拜作二首

哀哀夢我淚灑此松楸枝大招白日瞑去來安可知  
魂來風淒淒魂去雲行遲怨憤若丘山不能充  
虛幃虛幃卷故練猶存手中線線斷不可續練故  
不可幅妙香頓九首是名報恩否三春空復情寸  
心竟何有

喙鳴詩集卷四

母在萬里近母去一室遠遠遊徇微祿祿在母不  
返東海難言深西陽易為晚昔時兒女啼今日人  
天飯真侶演妙諦法鼓節清管魚軒莫來御鳳紉  
空佇縮色界不可留金天亟當踐

見道旁山有感

均是山水性道旁多苦容鸞鶴無棲影牛羊有遊  
蹤山水尚以托而况一微躬朝暾弭歸櫟暮雨占  
相風行止不自由飄泊西還東風期煉丹砂永懷  
首山銅一去三十年還迴塵埃中在山樓鳳皇今

為囊下桐豈有歲星臣終為滑稽雄

晚泊禹穴下次日入南鎮

落日隋秋水長空半藏碧盪舟遵回浦偃帆投大  
澤漸沒沙際葦空見游雲夕松風檻中響桐露枕  
上滴日出辨涂澮舍筏理行策木盡天勢寬泉落  
溪情窄蘿皆百尺垂苔非一朝積榮落意交眩西  
東路咸適玉笥秘可開金庭遠非隔厚德鎮荒維  
赫威滿松栢肅瞻棄吾鄙芳芬薦瑶席梅仙如可  
邀幽棲鍊雲液

喙鳴詩集卷四

自天竺寺入煙霞石屋侍句章家叔

飛鞚發古寺朝陽馬頭出野襟浹香霧寒松細生  
瑟雖謝春華榮猶宜野人逸攀叢俯幽谷豁然見  
石窟周遭方丈間儼造維摩室谷神應不死空王  
豈茲密咏比石門勝和慙謝家姪擔解塵中纓披  
捧光明日

出門

上堂別父母下堂別昆季回首妻與女蕭然拂征  
袂拙耕力不任巧求智所蔽持我獨用心何方不



疑滯嚴霜被永野天秋朔風厲草稀候蟲繁江夕  
哀鴻逝海上四愁積天邊一身細煙帆宿暮雨霜  
鍾發曉霽歷覽雖可樂不如守根蒂稻粱足吾謀  
匏瓜豈慙繫

傷金屋

三十無一子兩女聊自寬終然他家婦且慰天性  
歡金屋閱四周嬉戲良可觀秋風不相惜倏然殞  
芳蘭我客異鄉縣聞此摧心肝展書不能讀一字  
一辛酸恩情既永謝精爽休空干徒令存者傷夢  
喙鳴詩集卷四 三  
餘聽更殘幼女甫九月釋枝亦春寒天命不可拒  
人情自悲歎所嗟日月邁生女猶自難

集十茂卿園

新雷動土脉熙陽悅草性池柳始解窺江梅已堪  
贈畫舟醺晴波文茵坐幽徑芳辰生遠思微雲澹  
秋興藥標新春奇竹箴隔年淨禽鳥初辭寒關關  
語相慶經時守太玄清齋一元命何來歲華情乃  
知春感盛酒闌送明月林臯自深靜

贈李英 歐楨父待兒能詩

免絲雖不屬託根仙苓場柔條蜿蜒舉附喬亦自  
長老松虬龍古小松鸞鳳翔龍鳳入九霄蜿蜒生  
輝光短褐袖風塵之子懷珪璋但令藝九畹幽谷  
豈不芳

初入翰林自述

緊余秉微尚夙志在滄洲偶從計偕來謬屬王明  
求登君白玉堂燃藜事宜搜上以攬千古俯將窮  
九流身依雙龍際足躡三山游辟彼孤生枝託根  
倚嵩丘況此盛明年聖主興虞周八方輳才傑傾  
都鬱雲浮言領佐王略影纓匪徒謀不然志刪述  
垂輝耀春秋變彼弄柔翰壯夫以為羞

觀蘭亭圖二首

駕言造嘉林熙光照繁園層阿積微綠廣壤暢華  
秀遙結山陰思新泉正堪嗽翡翠陰芳柯晴雲穿  
乳竇仰窺大陶廓俯觀同寓茂蕩渠遠汀薄弄觴  
迴波溜舉趾漸地非阻情感時又群英燭亭衢追  
趨德所疚進行乖鴻衍退保失鷗就邀矣蘭亭人  
吾茲獨顏厚

昔賢秉高尚瑩情恣歡譔晞髮秦稽陽緩心戲寥廓日月沉荒丘椒梧不可作風生松下寒月出露上薄觴咏已無所墨妙虛有托朗清異逝波崇峻豈移壑彭殤終不齊死生信難度流瀾覽斯圖陳迹安可樂後者復為誰吾詩堪大噓

### 朝天宮習儀遇雪

車馬紛相續踉開白玉衢夜半天地合鳴珂上清都植簡瑤臺巔歲身冰玉壺流目一氣中自疑有耶無混同五色文但聞萬歲呼剗心朝玉皇具茨

嘯鳴詩集

卷四

五

有玄珠

### 雪夜讀莊子

蓬山絕煩囂清宵列群仙玄言暢高齋恍見南華旋慮澹世味寡境寂神理全幸無案牘勞曼衍聊忘年積雪明庭臯素華照瑤編北風收大壑萬籟方窅然冥心一以觀了然觀真詮便當經崑崙一訊鴻濛前長波蕩桂海高風扇冰天豈能守蹢躅勞勞竟華顛振衣下空階孤月中庭圓

### 賦得謁帝承明廡

龍游拂重雲鳳翥騰祥麟龍鳳皆有時氣至非待招穆穆垂衮衣鏘鏘滿天朝石渠發祕文闕下鳴迴鑣余本丘壑人冥心在漁樵燕雀攀鯢鵬亦來搏扶搖雖云謝紅塵終然愧青霄小大各有適東山久相邀

### 憫農

芒屨垂絳天鬱埃苦相迫田老惜時運荷鋤覘南陌土壚漏瀦潦月離愆天澤灑汗不成潤豈能生黍稷智者慮卒歲愚夫愛其力不患厲魃熾所患歲叢積生不逢堯湯豐年苦捐瘠何如公家鴈稻梁足狼藉

嘯鳴詩集

卷四

六

### 成甫示遊西山詩奉酬

幾人到西山不見西山趣車殆馬復煩但見西山樹道人廢機心舉足白雲驚飛步送高鴈決背破沉霧利多境屢陳春去僧自住臨流照兩眸吾我忽焉遇顧見黃金人仰慚白日誤高歌林樾表天籟非小賦靜者自有真豈需聾耳寤一室吾所專神往不在屨烟霞枕上得丘壑胸中故君遊洵云

美吾觀幸忘論京邑雖多塵終不染縑素

卧症

卧症六十日兩鬢遂有霜秋風吹人骨颯颯毛髮  
涼前途自謂遠今意何蒼黃黃河不知清人壽豈  
有常青山夢烟蘿江月遶夜床瑤華異松栢一歲  
不再芳倒景飛鳥外短翮誰能翔

苦熱

洪爐煮四溟大韞鼓天外中夜循前除斗間失沆  
瀣微月不勝火爽芬化游塏深杯未能遣短策信  
家鳴詩集卷四

無賴嗜口既蠅蚋螫尾又蠍螫縱橫兒女啼辛勤  
僮僕嚼身非金石堅患累陰陽大幸茲駐鞅掌窺  
戶時一快

時誠

白日終當匿浮雲豈可親虛負丈夫名終懷兒女  
仁去投四方後歸從鷗夷民揮塵談果核持籌算  
倉陳私庭紛縣職喧喧煩四隣一夫擁紫滋四境  
不得春豈知銅有臭但解錢為神歛財以為樂多  
財翻苦辛不多復不少日夕會佳賓園蔬四五轍

醅漿八九巡閑坐理素琴自稱橘中人此樂可忘  
死豈直賤與貧

偶作

陶公偶絲歌為求三徑資到官八十日輒賦歸來  
詞五斗尚不顧一物寧肯持種秫三百畝飲者知  
為誰田園有松菊桑麻雜然滋醉卧瓷甕間狂狂  
鹿與麋身將五柳隱心與孤雲期許由不買山巢  
父不鑿池到處即吾處故為隱者師但逢佳山水  
感荷主人貽能同遠公飲忍向王弘辭

家鳴詩集卷四

四明山

余好四明山遂忘千金誠輟贖與日往巉絕甘行  
憊大關繼可騁箭广僕無賴梨州與丹小尚隔流  
森外醉舞清冷天嘯歌白雲界疑無后土承獨有  
皇天戴驚峰激俯漚巨海縈近紵山院罷鐘磬時  
禽喧梵唄緬懷白水人耿襲清風介戾止亦忘歸  
歸來想難再广音儼

杖錫寺作

須彌自西來奔揚趨震旦蜿蜒駐此丘遂超東海

岍所以聖諦僧結廬倚天半山月照雪檻溪霞亘  
雲棧豈無諸天色浮游座中散凡骨不可仙須藉  
名山鍊舉手謝馳輝天地得同撰

於廣陵疏告待命作

少時不知耻妄意求自試中通金閨籍頗窺天下  
事曾聞道人語永懷齊物志如哀歸故輩卜居近  
初地何悟變龍朝曲搜江海閱鳳書入鶴隴當榮  
更生悸上割庭闈歡下奪烟霞意去馳他鄉車果  
遭野鬼戲遙以一寸心上干主書吏顛回日月光

家鳴詩集

卷四

九

照燭糞土記是時瑤草衰桐影耳前墜四時獨九  
秋邈懷不平思蟲微曲糾繞鴻冥浩翔恣汶汶志  
玄牝交交營白賁幽貞非一途巢許尚相議吾豈  
希若人聊用捐所惴

遊它山

南山煖氣偏九月猶積翠以我烟壑心觸目皆可  
意天清歸鳥肅溪白遊魚避雲根上枯水石衣蔽  
古寺危巖可捫井怪石每驚蹇不緣前山歸偶與  
來徑值歡賞有群彥情景信雙媚明月引歸槩烟

霞尚生思

雜詩

凌晨趨嚴朝東日射馬首冠蓋滿道周相逢多執  
友君子策高步小人亦顏厚奪我麋鹿心聊備牛  
馬走漢史蔡邕筆能慚微祿否嘗疑茲事外更須  
謀不朽

送賈德修給事之貴州

輜軒動都莊昧旦追所之負笈護節信候傲喧譁  
旗酒簋豈獨薄投卮即修坻朝駕易水涯夕息羅

家鳴詩集

卷四

十

施維念蠲冕服憂豈伊原隰辭十日光九域蓬艾  
非免思鬼國可復陽天網開三驅簡書信重譯簪  
筆麾六師捷飛旦暮至誰信路威遲

送陸給事之大梁封周趙二王

梁王昔全盛席愛驕自恣顧寵不顧已警蹕給嬉  
戲漢帝尊東朝保瘼惜鍼刺栗帛恨可追無乃惡  
養譬濬括惟朝家茅土固樹置金枝遍萬國肺腑  
咸內比周藩最樂善趙國抑其次豈必齊與魯瘠  
土獨近義顯允雲間乎宣朗葆希肆名高伯氏亞

他人絕疇二接鱗濯靈沼比翼撫廣地珥筆陪華  
幄康哉謨虞治桐圭帝所欽臨遣勸星使步趾辭  
昔遊瓊環絡絲轡醴酒豈不嘉鼎寶有隆寄君行  
亟來旋拈兄樹前幟

贈許公

崑山無韞寶溟海無隱珠時至不見采亮為久遠  
輪曉彼蕙蘭花豈不美斯須朝為綺羅珍夕委化  
泥塗溫溫彼恭人秋實羸所需和理出其性所寶  
恒情殊譬則雙鳳鳴生雛躍天衢生賤未為辱沒  
喙鳴詩集卷四十一

榮良足模

贈許沈二太史封益楚二藩二首

二賢青雲人歛來休瑞繁鳳皇識梧桐振采賁黃  
軒逍搖承明廬容與金馬門蘇鳴韶音暢群翔羽  
儀存秉節恭皇役寶玉寧大藩羽蓋應符信咸言  
皇華尊盱江佇朱鑣鄂渚侯文旂風雲翳六翮湖  
海信所騫楚人重高唱客卿發狂言秘珍衆所稀  
讀之詎能原卑卑鄒與枚千載汚梁園  
遺思在何方月照蓬壺樹直以我俱往念子不可

住王程既鬱紆瓊枝亦交互兩驂並時發分携在  
趙路江漢思大海况此簡書驚嚴期欣不遐緩我  
離腸慕令德崇日新結交貴求故前途邁鱗羽慎  
勿滯烏兔

贈徐比部

游子顧白日高樹遺悲風短景屈長路飄飄若沙  
蓬曾參仕莒粟祿養不待豐臯魚擁鑣哭悲深捐  
微躬天命有餘恨君心將無同獨居悵晨夕掩涕  
天地空空懷一尺書爛然照玄宮顯揚聖有謨願  
喙鳴詩集卷四十二

言樹休鴻

懷沈徵甫

故人住青山三年蕨應長江南復首夏幽客饒心  
賞遠村微雨綠懸厓返照上桑柘連平楚鷄黍欣  
過枉遲子青雲飛夢子江月朗子寧不嗣音媿余  
未能往

贈袁強令南子章

聖代搜瓊異山澤無遺英公車紛射策括彥儼在  
廷卿家本三秦年少豪功名祖父擁大藩世德偉

見稱鳳皇非羽族生雛輒異鳴三年長羽毛五色  
如織成往領三輔邑萬里途始營送子及清秋感  
喻懷所經佳木貴晚歲花實不並榮庸人狗紛華  
君子念篤誠牛刀有往譬尼父莞武城

韓翁

彭祖壽七百老聃文五千流俗難省信古今無妄  
傳不見巖穴中乃有羽翼仙素謀隱玄璞祕道要  
不煩雲霞為袪服乳竇為飲泉矯足迅千里疾風  
不能先無乃韓終子遊嬉閭河壩桂實如棗大啖  
喙鳴詩集卷四  
食凋後天

送范原易之南城尹

大吏憂責深小吏簿書冗崇庠雖異體情慮本同  
悚大吏列城望小吏百里拱勿謂墨綬輕須知黃  
紙重嘉生在始藝犁鋤賤非種迅辨初羽雲霄  
非腹餒無為鮮乃烹有欲龍可董魯人曾貴紡齊  
市亦賤踊澤國饒蛟龍今秋盛蒸滫農夫服晚鐘  
工女匱先蛹北風送子去南徙若雲聳萊蕪猶范  
貧饑鍾獨由勇聖主興唐虞循良方見寵

寄懷章邦直學博

天秋白雲寒西來無近遠一葉庭中飛離思忽千  
轉側聞群玉山桃李紛正滿川原改化工仙凡隔  
涼煖松枝青講堂金聲綠雲燾明月窺戶來始覺  
琴書晚君家富詩禮外氏盡冠冕經術小世儒治  
事老國典蠖屈師氏屬龍伸弟子撰天意木鐸汝  
猶異溝中斷山中未來歸鶴鳴豈能緩

苦雨

浮雲赴何期奔走不得休朝為迅雷驅暮因宿雨  
喙鳴詩集卷四

留早曠始為雪草木皆見求經旬決重陰思過翻  
為譬造化自迴薄寧與萬物謀愚者空怨咨天心  
眇難籌

送董體仁遊嵩山

嵩山信奇秀拔起神州中川巖蘊仁智日月爭西  
東象緯羅周觀仙靈呼漢宮鳳巖千丈挺鷺濤百  
道通太乙當年時浮丘異日公天心幻化國隅外  
環人籠松冠挂秋霧蘿衿振暮風含默坐青壁豈  
復驅車同

送蕭希之守夷陵

嘉子清時彥來彈漢吏冠朝辭丹鳳樓暮向黃牛  
灘美製舊成匹操刀亮非難夙契縑中腸一再臨  
遠歎六月煥寬容李實垂金九爽氣生曉輶高吟  
曠眉端洞庭浮空盡荆峽隱鳥看積錢駭天黑裂  
練窺日丹幸逢皇塗平此險靜不瀾霸氣無時銷  
山川出琅玕南人慣舟楫久客心逾安浮生付篙  
師忠信絕異干余亦好奇者神龍耻泥蟠桑蓬雖  
枯枝四射髮未乾何當共乘桴雲霄快羽翰手把  
喙鳴詩集卷四 十五

紫蒲茸縹緲青雲鸞

贈別周民部元孚

不厭朝與市誰能逆林藪不厭魚與肉誰能甘薤  
韭久病諳良藥長離憶初嬾生無騰化術意勝雲  
山友吾觀蘧伯玉卷舒一何有寄跡周行間而心  
結巖阜莫莫古今道亭亭往來柳心傾車馬前目  
成金石後遂巡撫徒御顧瞻別我久蘭蓀藝深谷  
臨風閣馨不

送楊公亮使德府因歸省

吾鄉富國琛爾楊森代寶處為鄉曲豪出作巖廊  
老君子特達甚人群茂聲早高步倒華影平視卑  
清昊輶轡驅萬象芬菲帀五藻小裁不移厓鴻構  
靡宿杲懸口盡靈詣匠心皆獨抱踐瀛揖群仙引  
帆淺三島帝桐翦萬葉天潢瀉重瀨初日瑞獸爐  
晨赧赫龍璫親承北辰語往駕東藩道鷁鷺餞行  
轂龍蛇搖去葆醴將申穆設毫即鄒枚掃以茲快  
遠矚無得恣幽討松猶秦官貴練有吳門縞泗水  
徵故講丘山憶初禱還訪穀城石庶邀安期棗浮  
喙鳴詩集卷四 十六

淮望秋水適海觀委潦騰波浴元化扶日生太皞

十六

開襟受雄風縱歌激西顙披雲掇靈芽凌烟拾瑤  
草息徒里門樹登堂拜家媼朱簾映巾幘瑤觥集  
黃皓次第畢起居牽挽諧笑浩恭桑既封藝伐木  
更傾倒徒憐歡宴深豈顧瓶甕燥與君幸同枝遺  
我如振槁神期行阻索羈繫空惛惛聖明無袞闕  
退就庭闈好寄我海樹心綴之錦雲襖

送范汝益

雲鳥無違翼波魚無乖鱗一入臺沼間飛游從主

人莽莽白日高悠悠風與塵駟車杳何許長鞭炎  
海濬海濬未云遠猶此籠中馴鼓翼觸四隅長鳴  
負三春洪覆迴九州達生識其真勿言霜霰始日  
月無停輪何必胡與越然後為參辰結交十四年  
與子同一身飛鴻漸河干憶憶不可陳願子保明  
志萬里猶比隣

憶張明成

世道終不夷大道何坦然所以楊子雲終日守其  
玄兒子臂雙彈擊射自稱妍安知晨風翼一舉翔  
喙鳴詩集卷四

三千數澤空有吟漠漠如青烟况乃雲與霄畢弋  
何簋焉晨興步前除涕淚流重泉悠悠我心悲我  
悲悲蒼天

寄永嘉洪山人從周

我思山中人烟霞裊澗戶始願今已足長往不返  
顧氣清湖上曉月淨江心夕步出射堂西謝公有  
遺迹安知湖海別便作參商人至今雲陽樹勞心  
送餘春何事青山深亦令玄髮白豈待黃金成乃  
返童子黑獨手妙丹青白雲閒醉醒怪無一寸絹

剪寄故人庭鷄鳴桃花塢村白劉郎浦仙人非一  
人此仙獨堪譜邀君貌此圖醒我雙模糊歲杪逝  
解縹負新發丹爐

翟節婦詩

故相石門公孫婦夫  
亡不食十九日死

大哉古有死勞生于此休豈不希重生重生將有  
謀在義苟無遙赴死如赴讎終不私七尺以為綱  
常羞士也狗特操女乎何所求松栢有貞性閨閤  
無常派鴛鴦不隻死連理寧孤稠金石結中腸水  
漿非所投伯夷餓山阿龔勝死道周自古偉所聞  
喙鳴詩集卷四

今茲見其儔峨峨青陵臺香名聚高丘

為張祭酒壽母

得母字

張君神仙人駸來為祭酒心將歲星隱意與名山  
友上堂奉慈闈齋心禮諸斗祿養信可尚道高亦  
何有綠鬢浮寶珠華勝垂白首冰雪淨膚理烟霞  
穿腋肘屢舞青天低高歌碧雲度玉檢發太乙金  
籙紀陽九邈於混元中始稱甲子壽雙成間笙簧  
飛瓊弄瑰玖青鳥馭娉來年年拜王母

鄒選曹奉母歸楚



握蘭有斯人玉樹生春風方資持鏡力忽高御輿  
蹤阿母西方人暫來崑崙東瓊花鬱葱瑤枝颯  
玲瓏皇家溥恩霈封綸出天宮歸來瀟湘間疑與  
星漢通蒼螭翼桂舫彩蠲浮青穹於焉歡彩服樂  
意安可窮

上書乞歸侍養禱泰山祠滕邑博士弟子為  
余助祈賦此以謝

古人一日養不以三公換此惟嬰兒心而非異人  
撰長懷舞斑樂緬怯驅車倦山川三月行寒喧千  
頃鳴詩集卷四

里變途中季子裘膝下黃香扇將心托夢魂迢迢  
安可見沉紉伏疴瘵小憩勝人縣洒血題封函入  
奏明光殿意亟道自遠人窮語方賤靈壇肅禱禱  
禱藻寒溪澗禮義舊成俗紳修助明薦乃知寓內  
心豈異閨中戀感激再三泣投書謝諸彥人情苟  
如此天意應可辨旦晚飛驛書思俞副遐盼放舟  
下淮流庶以蠲憂患

讀二祖實錄

大哉聖人事配天豈偶然大漠浸萬物豈直雨露

偏精心運宇宙智者或普焉獨與神化俱一瞬衍  
萬年巨物誠難持永歷豈易延繼代有茲德八百  
詎足言

戲用病憐字贈

昔作並頭蓮今為同病憐共登交讓木齊赴併流  
泉不照孤鸞鏡寧彈獨鶴絃佛為龐老佛仙作吳  
家仙

送謝山人歸延平

謝君青冥人布衣傲湖海條來觀萍蕩長嘯春風  
改候月凌山閣四面清光在談禪歸湖寺林際雙  
峰待一屐騰萬仞翩如孤鴻騫崑崙發三絡掌上  
收中原智竊造化機巧奪山川魂昔人賦黃鵠一  
舉識紆曲靈羽何從來秋風鳴翻又御孤雲逐  
斜陽滿幽谷不淺相知心別離心上音王臺有慈  
父一去先飛禽獨余守蘿薜均甃江之深諸峰發  
清夢槎牙若為尋

宿靈巖寺

不因于役勞安所過名山一酌清冷水言洗紅塵

顏春到樹能低有如飲潺湲夕磬乘風去豈其西  
度關佛界澹一色客來苔始斑天明我當發孤僧  
方自還

讀史

漢皇誅匈奴嘗膏百萬師鳴鐘清渭間乃在元成  
時唐帝事遼左歸來悔已遲胡為八十翁飛騰總  
章期攻堅難為功摧枯易見奇豈其耀絕靈實乃  
席勝基自古循有環當知平階陂利器不可挾神  
物誰能持二后開明堂賜賜賓四夷吁嗟日中睨  
喙鳴詩集卷四

守疴

守疴等囚繫無為含酸淒當知故園夕亦有寒蟬  
啼秉燭照日入還山捐世迷春風兩蝴蝶枕上飛  
東西維摩一斗室諸天為之低但恐鼯鼯徑猶成  
桃李蹊一慙兒子容終身愧山妻

喙鳴詩集卷四終

喙鳴詩集目錄卷五

五言古詩

小雨登樓作

寄王忠伯

步月戲成

徐王墓

宿州北界閔子墓

謁孟子廟

讀鄒縣誌

剪衣曲

搖牙

客從雪中來

七夕獨坐

六十八歲作

撫庭槐憶徐文貞公

有序

喙鳴詩集目錄卷五

朱顏曲

馬嵬驛

南山陞

偶成四首

贈金伯庚

北海

神力

送泰鴻甲辰閏九月廿一日

又送

虎食豹

觀房杜二公遺墨

新婦

歸歎辭十一首

侯霖

苦熱

寄汪長文

箭步

有會作二首

二十字母詩

戲作離合字

喙鳴詩集目錄卷五終

喙鳴詩集目錄卷五

二

喙鳴詩集卷五

四明 沈一貫肩吾 著

五言古詩

小雨登樓作

入春人事乖天心渾未動四境將三月二麥虛寸隴昨宵聞溟濛小雨蘓翦茸詰旦登高樓凝流接蹄踵似膏滋土脉如鍼決地孔捐隍庶可拔望霓意逾聳九關方一開危情得無恐誰疏河漢流坐見江湖湧

喙鳴詩集卷五

寄王忠伯

緬懷彼伊人性長莫能短震動天子顏一行不顧返胡兒飯人天草深絕秋踐亭午伸眠腰起視群鴉晚塞馬任來去此翁福非淺追思白虎直素纁不能展

步月戲成

羿射落九鳥不能傷兔毛其妻識此意懷藥從空逃寶鏡懸胸前霜威薄征袍洞靈八極外豈是區區豪善射不得死不死在碧桃王母吹玉笙五女

彈雲璈於日終有長於月終不凋

徐王墓

在夾溝驛北高皇后父母葬所

徐王何人哉東床起真龍一滌千古穢道與開闢同八荒既入馭歸來歌大風白楊正蕭蕭此翁息何業追以山河名培之若堂封可憐無餘子隣家有兒童翁媪曾提携一氣能相通至今領祠官歲歲羞潔豐嘗讀西漢紀篇端稱呂公

宿州北界閔子墓

道旁閔子墓亦稱閔子鄉閔子魯國人此名安可

喙鳴詩集卷五

詳至孝蒸天地流英照八荒豈其聖賢徒必在鄒魯方偉矣徐僮人宜其溫且良

謁孟子廟

于役逕適往道出鄒人鄉翼如啟飛闥下車一彷徨拂拂庇清塵入門松柏香齋厨靚且潔閔宮帶長廊引贊二三子肅事儼在行主人解重道許客窺門墻去聖雖千載願與樂正芳

讀鄒縣志

鄒人誌其邑簡帙何寥寥豈無揆天人綴點到風

謠我愛此方士含華未成雕語在七篇中日月相為昭

### 剪衣曲

為郎剪衣裳裁量窄與寬稱身亦易裁所嗟稱心難新綿憎太熱故綿憎太寒安得新故勻長奉君子歡

### 搖牙

不聞林中鳥讓子禮數差不聞江際雲怪子語周遮春風吹醉鄉舞弁頻交加興來時一鳴賦詩賞

喙鳴詩集卷五

三

寒花昨夜落一齒今朝搖兩牙脫誤老人事安得無餘舒結束勞我生畏譏復逃謹精移白日喪言息生之涯嗥號溪谷間猛虎據地嗟此物亦易與吾聞之僧伽

### 客從雪中來

誰能同一氣霏雪慘亦佳正值千崖枯艷此六出花覩子慰我饑歸來自天涯申戒堂前人奔趨靜煩哇別久且為歡無勞歎與嗟天命有鳬鶴吾道惟龍蛇何必山與林空中鳥之家比隣征戰夫五

年一回車青雲意氣豪終慙老絮娑佳字杜詩喜晴曾用入麻韵

### 七夕獨坐

蹀躞天津橋輪蹄驟無數寧知烏鵲毛獨待牛郎渡介石貞不移浮槎安所駐終宵遷七襄憑誰託縑素落月黯自憐何煩風雨妬

### 六十八歲作

人生無根蒂大年但期頤我今六十八晨光射園葵即諧滿百心祇增顏氏悲執御幾何時反袂將在茲欣生戚已謝性定命不移洗心付逝川晝夜

喙鳴詩集卷五

四

長流漸齋前四從人頗閑僮約詞修也解應門後先堪不疲明憶三乘語誦之快吾羈德乎及鳳子鞅掌無所為步出東西疇一杖聊扶持越鷄固不卯畏壘真吾師

### 撫庭槐憶徐文貞公有序

余京中邸嘉靖間徐文貞公故居也數槐存焉雖甚婆娑而生意未盡於此焉賦

終宵耿無寐安得周公來空以雙履聲踐破蒼蒼苔屢呼與人前祇候闔門開落落周屋火噤噤晨

星偕誰能驅疲駕空上黃金臺揮涕不到天虛言  
固成灰致君信無術救時良有才歸視庭中陰歎  
息惟高槐

朱顏曲

朱顏非自換皮為篋鏡欺篋鏡終不發朱顏終不  
移歌罷月在梁影落闌干垂感君明月心不棄秋  
風姿猶記覆耳髮挂君飄纓髭宛轉結不解煩君  
立移時

馬嵬驛

喙鳴詩集卷五

五

浪稱男兒生苦樂由自己嘗聞萬乘尊不能庇桃  
李矧此同心歡三昧秀連理迴宵作畫游催冬送  
春喜賜浴驪山下嬌持未能起若為馬嵬道游環  
挂文履殘妝淚鷓鴣羽衣舞山鬼為歡幾何時掩  
泣亦彈指既忍傾城國難期委敝屣蒼涼長生殿  
黯然付流水

南山隱

卓彼南山隱翛然一絕代飲水飯澗草遨游麋鹿  
內虞從何方來掩以游蒙蓋羽翎坐銷毀顏色成

腫噲叫天天不言訴地地莫對靈脩忽如遺餘子  
復奚賴吾命故有制造物非所建請問造物初所  
造亦安在無虞水火傷庸為譏稱介大鵬雖翦弱  
吾猶謂之大

偶成四首

催耕盛慙慙委黍特狼戾婦愚信無知鼠老亦當  
計有口不自營寧識謀年歲周鼎鑄馬履留以贍  
陽燧委黍鼠婦也

訴冤大覺前笑破黃金口今昨無是非是非日生

喙鳴詩集卷五

六

有養交獵浮名是名不能久息交謝浮名是名亦  
名否堯舜讓天下燕噲從之醜老子與韓非一傳  
相尾首

長沙何云遠湘流何云深嗟此白雲中古來有知  
音愁絕鴻鴈天歎息撫素琴當時採芳意謳歌至  
于今白髮隨肩盡丹砂不可尋

杞人豈其愚天墜亦時有或言天無墜有墜墜當  
久或言數苟及死亡十而九相牽入黃爐復誰論  
好醜眼見女媧氏煉石補柱朽

贈金伯庚

問君何所挾喜氣常津津散帙理幽尚齋心含道  
真雲駛月華淡江空風色勻雖無朋知來亦有杯  
杓親少與鶴背期老得鷗性馴秦隋自來去長稱  
義皇民

北海

北海有古柏東風吹不青兒孫諸草木伯仲其冥  
靈儼然天竺公了無喜愠形不經三千年幽夢何  
當醒

喙鳴詩集卷五

七

神力

朔方有神力潛與玄冥通小敵怯於鷄大敵奔神  
龍遶身青赤蛇珥踐四白虹當其馬頭處開闢無  
秋蓬不見眼際雲但聞耳後風膽包七尺外精入  
三光中左右殪驅虎奔馳竟麼蟲萬方平一律四  
時銷五戎韜光澹流水第稱寶劍功何必麒麟畫  
市廛喧兒童但慙圯上老逍遙游無終

送泰鴻甲辰閏九月廿一日

曰余本清門恭承祖考嘉風從視日月秉志歡雲

霞結髮游人間白頭欣未波炳燭照夜分洞見中

心花萬族忌我仙三彭作吾魔欲擠墜之壑若涉

求其涯哀多須不少益寡須不多謀身既如此謀

國夫如何昭與夷夏平敢於親故頗鴻鵠苦不舉

不能為雀蛇約束神武冠撫摩下澤車思續採芝

咏將酬風木歌何知一袂難滋增岐路嗟白日行

天心白雲飛山阿汝今忝 皇命代余吟蓼我思

數既不怙俗化殊虛訛慎旃載禮法毋令勞玷磨

取則不在遠顧瞻庭中柯駢駢原隰間念我黃髮

皤

喙鳴詩集卷五

八

又送

宇宙一瞬身更堪別形影日月不照人竭來惚恍  
境臣心方戀君臣子復戀親相依以為命行隨車  
馬塵

虎食豹

魯有虎食豹何知是嬰兒豈其巖居士乃遜高門  
資衽席亦危哉加之纓紼羈不如牧羊子從容而  
荷簪咏此三歎息何由見吾師

觀房杜二公遺墨

二儀安可毀二公安可亡道周史闕如性隱文不  
章仕與群龍見心偕尺蠖藏白榆天萬里紫微一  
低昂謀斷既同術金蘭兼兩忘山高不待峻水激  
何能長諒無姚李花照彼蹊路旁托誰絨寶墨至  
今有餘香淵潛豈其潛式欽神物光

新婦

種禾取其穡種樹取其植一日為新婦入門耀容  
飾三日為主婦上堂撰飲食從此卷長襦當牕事  
喙鳴詩集卷五

九

機織貧富皆有營掃除亦乃職將諧舅姑心欲寬  
夫壻責六親乃來誇汝家得婦力寧論東西施澹  
然並無色

歸歟辭十一首

三家不可仕九夷寧足居天意不在東聖圖將安  
如海桴馳遠情鳳哀想皇初載輶有漢落驅輪竟  
蕭疎暮春二三子一笑欣歸歟

貧賤舉能忍富貴翻多愛豈其乾坤廬不及蓬茨  
大虎豹雄難馴鳬鴒狎易親浮雲滅蹤跡清風生

一身負暄幽谷底仰視天無塵

達哉逍遙生萬物惟一馬即非鴟鵂真亦為蝴蝶  
假濠上何有哉從容儵魚也惠子奮雄談懔懔胡  
為者

居心素無膺比日夫何係萬物皆有托一身任來  
逝所瞻惟聖俞俯省哀庸隸君恩高泰岳臣節頑  
砥礪耗縻增厚顏自免實忠計非熊邈難摹彼兕  
曠堪詣雖愆靡蕪期晴門掛新荔

嗟彼雙飛翼山林之性長回惶怯繒弋倏忽遺稻  
喙鳴詩集卷五

十

梁延頸入九霄不弄人間吭東風紛桃李誰其領  
群芳

夷齊自有粟周德空膏腴安知百物嘉所揆性不  
汙西岡靜悲風青雲聳高衢勉我車馬客攬轡斯  
踟躕白日雖近晚迴光良勝無

語齒驕欲隨欲隨復不訣自非一瞑眩何由與斷  
別為渠植根深勁松忍寒節恨不為桃李春風聽  
鷓鴣

蜀士信多奇比有鄧豁者逃儒歸于禪非俗亦非



雅自謂先天民終作蚩蚩野不禮威音王青山獨

瀟洒鄧內江人

魯女居東隣白髮不嫁人投以雙玉環澹如秋月  
新匪石安可轉貞心難縑磷不覩桃花源棄余如  
參辰風吹玉笛來萬籟高青旻蓬萊亦不遠欲往  
無良因

南牕異畏途獨坐生群愁散帙未能半日斜風颭  
颭何必大江干始歎逝水悠紫燕無遺聲流鶯澹  
清秋今日是何日手與昌陽浮榴花將首宿應寄

喙鳴詩集卷五

十一

海西頭

祇撓頭再黑何憂鬢成絲落日山鳥意啾啾鳴片  
時歸計南山巔貞心北闕陞結戀成陰雲長凝不  
能馳涕淚今已竭灑血良堪悲

僕霖

巖壑僊霖久雲霓來何遲數延九扈頸迴薄經年  
期斗柄衡泰階坐看風雨時如何謝安石高卧東  
山陞青雲自西馳海鳥銜碧枝習習生惠風庶慰  
渴與饑

苦熱

夏日空自長日長翻損功揮扇猶軟怯何云治倥  
偬夏夜亦豈短遶牀行不窮瀉海入漏孔淵然潛  
燭龍晝既衆蠅蚋夜仍紛廢蟲共張利爪吻攢嚙  
無瑕躬嗟爾最纖廉慘于虎豹雄揮之既不去薰  
之詎能空欲往訴帝宰閭闔屯金風將逃山澤深  
迢遙絕冥鴻是誰居爾徒據時氣如虹煽彼萬方  
赤烹人九鼎紅甘露何年漿水晶何處宮濕天委  
長淚寫恨增熱中惟藉一杯酒微吟以從容

喙鳴詩集卷五

十二

寄汪長文

蕙草坐銷歇桂花生遠愁慙負玉貝劒欲從負局  
游雲松峻可巢漪竹寒能修花宮卧素節朱果行  
金秋蘭交惠來思為君選石幽絕頂期天老皎月  
終宵流目蕩萬古色心清四海漚

箭戶

脇息登箭戶僕夫縮如蚓眼窺大關山飛雲此中  
盡因美王可交一舟向空隕偈天白日低暑薄清  
風緊靈氣含不流呢喃亦成卷

有會作二首

嘗讀春秋傳紛紛訟門啟道著耳目目前何煩多議  
擬既懷責備心又為曲諱語迭加輕與軒豈曰無  
譽毀春秋於賢者端不苛若此既名三叛人名者  
翻見耻趙許本弑君書之非過矣春秋於不肖未  
必混混爾不得聖人辭休傷聖人旨名者名其著  
非必是褒予書者書其事美惡偶同耳斯民三代  
民事傳衮鉞舉銖兩一字間碎瑣非大理聖人聲  
為律後人以例起從後度聖人泰山撼虬蟻

家鳴詩集卷五

十三

聖人刪詩書其旨如春秋存其著明者刪其不足  
收好惡在人心無俟深計求兩存而互諷從違獲  
所由世間不美事倍蓰於嘉猷存美削不美安得  
皆虞周世間懲艾心倍蓰於勸酬孤勸不獨行兼  
懲良始憂此理甚明直不必曲轉喉聖人無擇言  
謂口不起羞安能使今古頑錢皆精鏐

二十字母詩

婦蝶踏大堤丁類分風發芳菲分番雲容玉案婉  
因烟霧紋晚網微文晚欣携湖海豪欣軒高歌競

金谷京堅青草簇鞦韆清千真珠照轉燭真種新  
松消素雪錫新暮莽鳴綿蠻民綿如爾荏苒人然人  
鬢病悲半斑賓邊零露漉亂流迎妍春潮暢重城  
陳繡綺琴肯繾綣輕牽琵琶翩蓬萍平便樹濕生  
山色申禮神禪濤湍吞塔影亭田裊娜寧泥儂寧年醉  
將躁嗟靜精箋

家鳴詩集卷五

一四

字母有三十如中原讀法二十而足矣韵略易  
通所載詩云東風破早梅向煖一枝開冰雪無  
人見春從天上來是也蓋中原止有丁顛精箋  
民綿寧年真種賓邊仁然京堅分番文晚此十  
母與南音通其餘則平便攝騁偏刑賢攝欣軒  
因煙攝寅言輕牽攝擎虔新鮮攝錫涎陳纏攝  
稱輝清千攝秦前汀天攝亭田申羶攝神禪零  
連攝迎妍比南音省十顧中原音所行者遠且  
簡便今依二十字母作二十句初學熟此可便翻  
切

戲作離合字

明月山山出悲風夕夕多孔鸞亦凡鳥凡鳥還鳳

歌愁心秋轉急斗柄向余斜嬌女辭喬家化為閑  
草花伐木可成柯決水可成河無人可奈何

喙鳴詩集卷五終

卷五

一五

喙鳴詩集目錄卷六

七言古詩

露臺曲

無題

長安行

楚宮曲

苦寒行二首

侏儒短

侏儒行

東籬丈人

雙燕離

蕩子從軍行

隴頭

風木歌

卜居行

盆菊吟

喙鳴詩集目錄卷六

秋水篇

與鄔汝翼勸酒歌

送陸無從

題主人草堂

獨鴈送箕仲

送長孺

送董文蔚之揚州

炎海行贈吳明卿還高州

贈敖公

女貞樹為馮節婦

贈劉翁媼

送陳元忠扶侍歸蜀

吳州歌為王祭酒元馭兄弟壽親

送侯侍御之楚粵晨行歌

送王忠伯太史使秦隴

麻姑壇歌寄毛君明

送蘇以時兼訊賣藥張翁

送吳明卿之河南送朱潛山鴻父

訪顧玄言不遇寄贈

送顧將軍之貴州送屠長卿公車

送吳山人之天台寄留都周民部國雍

揚州邊內子再遊上方寺與故人飲

別

宮市

喙鳴詩集目錄卷六

寄所知

泰淵百日

老來行

老鷄行

臨高臺

喙鳴詩集目錄卷六終

喙鳴詩集卷六

四明 沈一貫肩吾 著

七言古詩

露臺曲

紫微宮中熠熠高漢皇夜坐銅池橋并榦初生輓  
轆轤雲軒未息齊紈勞安得金莖三萬丈扶取銀  
潢瀉天上至尊曲護水衡錢中人解惜單綈帳桂  
宮老卻蒼苔塵玉兔來窺瓊闥春寶瑟無絃紫簫  
斷至今笑殺慎夫人

喙鳴詩集

卷六

無題

仙人吹斷紫瑤竹黃鶴偏巢夜深宿銀漢無聲秋  
漏長寸寸明心剪紅燭青銅飛去孤鸞影化作冰  
輪兔心冷傳得嫦娥不死方應種人間桂千頃

長安行 乙丑歲作

長安九衢平似席甲第紛紛五侯宅繚繞香塵飛  
紫雲喧喧畫轂馳春色朱門繡戶搖青槐翠幕紅  
絲賜舞臺鳩鵲觀前驚鵲起濯雲門外騎龍來韓  
嫣副車絕馳道張放車鞭逗歸鳥金吾擁衛巷無

人丞相迴軒跡如掃一生讀書不識丁只解吹簫

與弄笙昨夜偷開木門出今朝又向章臺行章臺

柳色如青玉夜夜花前剪明燭臨淄麗女可憐聲

鎮西歌童妙意曲并肩錦袖同心褊合歡寶扇連

理杯盃中只嫌天地窄扇底直使神仙迷綠幘廬

兒堪炙手青衣小郎慣使酒天寒海氣薄西山日

短雲光銷北斗黃門鈎盾空邀遮御府金錢半在

家鄧氏銅山賤越馬郭家金穴欺隋蛇自言奏有

回天力又道功多絕地脉摧盡南山樂未央鬪殘

喙鳴詩集

卷六

二

北海人如昔寧知天地一朝開寧知日月還昭回  
麻紙半行變顏色藁街十步生塵埃賓客聞聲皆  
走匿妻孥相對唯號哀古來白鶴與黃犬專待豪  
奢公子來何如蓑笠紫泥坂獨舉青山蓮葉杯縱  
非上古棠靈樹也是蒙莊樗櫟材

楚宮曲

楚山十二芙蓉開一山獨秀高陽臺渚宮爛熳百  
花發誰向君王夢裏來君王樓閣藏青春一門一  
戶一美人浣沙妖姬失顏色凌波仙子收光塵安

能一一承歡悅好醜只與監宮說可憐柘枝細欲  
斷新裁舞袖郎當濶魚脂照夜不得明不論顏色  
但論聲聲聲亂入君王耳總付西風旅葉鳴

苦寒行二首

虬壺夜冰鼓吏死苦霧壓日日不起絳宮悔拜玄  
英侯蝸縮蜺蟠滿床水窮奇守人無晦朔門外誰  
能間剥啄獨有袁家揜戶深隨瓦飄廊渾不覺  
南方苦熱北苦寒燭龍近失天公歡瘡膚皸肌誰  
愴得后土迸裂百餘尺長風數陣刮地起一點青

家鳴詩集卷六

卷六

三

侏儒短

侏儒短盾郎長俸錢二百粟一囊凍雨瀟瀟足生  
跡北山之什堪悲傷鶴長鳬短一付渠尺雖不足  
寸有餘

侏儒行

身比侏儒長六尺俸粟一囊錢二百長饑短飽各

欲死只合中庸老通籍君不見東籬莖朝日暉暉  
暮飛盡莫道羊珠可療饑若逢龍寤當盡粉

東籬丈人

東籬丈人工把錢大秦明月偷自看複壁重關鑰  
九門周樓疏櫺守具繁出則步騎爭飛翬駢脇多  
力居上軒寢處一夕八九遷竦耳睜目驚心魂死  
假廷婦詭謬言七十二家疑紛番龜腸蟬腹鞞自  
完

雙燕離

家鳴詩集卷六

卷六

四

雙燕尾涎涎銜泥銜草雲中見百花潭上平蕪香  
絲絲剪破青天練何物春風不相守不及蘭塘一  
回首雄去飄飄雌獨還沙昏雲黑無青山長年結  
巢半不滿捲簾待月湘痕斑湘痕斑兮竹不羨燕  
雛叫闌鳳皇喜

蕩子從軍行

白龍高捲沙磧來落日猶閣祈連臺燭天野火片  
時盡前軍半涉交河回宿霧陰沉埋隼羽寒月能  
明照新鬼匈奴右臂不得斷蹀躞龍駒噴風雨條

看旌竿火焰高無聞丑上風颺颺望來虜騎山林  
立飛去將軍天日遙天邊日下峇峽入鏃底刀頭  
血光濕連弩臺前熊夜啼彈箏峽畔鷓鴣朝泣此時  
望月思故鄉夢魂東度關山長青塚蕭條無鳥雀  
黃塵坐卧惟牛羊閨中少婦工脂粉料得年來綺  
羅盡不聞天子詔空來未滅匈奴死猶忍家書却  
寄不須封萬里明心有去鴻會見來年新草綠紫  
泥夜拜旌元功

隴頭

喙鳴詩集

卷六

五

何處是秦州只隔隴山頭隴山鸚鵡能言語分明  
道得閨中苦連年蒲海復榆關折却刀頭不肯環  
隴東隴西常轉戰大軍來時絕飛鴈風高斷旆幾  
回新凍合新絃幾回斷莫向隴頭望戍客恐汝一  
朝化為石

風木歌

憂來中心不可除海乾河枯水失魚冠纓不足帶  
有餘耳目非故山川殊憂來中心不可絕蟾蜍食  
盡瓊華月取我衣冠而楮之杜鵑夜夜啼腥血夜

夜復朝朝乾坤遙復遙冰漸電滅香缸燭慈母何  
人謚為妣走向空幃問前語不待吾生待吾死死  
如有知尚相持死如無知長已矣

卜居行

冥冥深林不可居白日猛虎嘯山隅往來僦僦投  
人嬉胡不拂衣歸來乎涉江休誇舟楫牢涉世休  
誇方術高鸞皇孔鳳日以遠畜臬鳴鵲爭喧囂白  
頭仙人玉鬟女分明共我南牕語崆同路近行不  
難蓬瀛水淺堪輕舉三珠樹底紫鸞遊五色芝中  
白鹿吻玉堂金馬已可識何不歸來空白頭我謂  
仙人之語亦難信天上尊官安可近雲襟霧縠堪  
徘徊胡為謫向人間來桃子不因方朔結桃花豈  
為劉郎開最愁一釣六鰲盡員方漂沒令人哀

盆菊吟

秋菊有佳色粲粲垂繁英疎枝淡葉不自庇霜華  
露晞何多情爾何不向春風生穠桃繁李同輕盈  
莎鷄無語碧梧老蕭然始放雙眸明寂寞如自喜  
夷猶獨舒榮不與百草共零落獨令林壑生崢嶸

喙鳴詩集

卷六

六

自非神仙大丹骨諒難終守林泉盟所以採食之  
駐世踰千齡三山逍遙有時去一杯且與浮雲傾

秋水篇

秋水灌百川不辨牛與馬河伯欣然為大觀海若  
視之直土苴達人逍遙無不可何為為此栖栖者  
鴻鵠遵江湖志在青雲端鳳皇戢深林一舉天門  
寒魯連談笑褫秦帝掉歌不顧千金歡朱公一出  
吳王死扁舟五湖天地寬丈夫之性本骯髒一龍  
一蛇惟所嚮意氣若殷勤此心可贈君嘗思叩九  
累鳴詩集卷六

與鄔汝翼勸酒歌

青袍白馬登君堂盈盈美目誰家郎燈火如山夜  
色好試歌一曲柔人腸古人不飲今人酒酒到君  
前莫揮手朝來停車問姓名已知君是人中英英  
雄不死即不窮生當謁帝明光宮不然羽翼凌天  
風安能沾沾守尺寸虛此少年之青銅高門遠閣  
不可謁翠管朱絃此時發客舍蕭蕭若亂雲官湖

齒齒如明月世間萬事轉燭來前年海棠今不開  
夷齊跼蹐皆已矣何如共醉花前杯恐君一行去  
為吏僕夫在前馬在轡空教滿腹流饒涎欲飲不  
得下車醉菜羹灣薈微溝到處月明船上樓清歌  
一曲碧雲盡歸去長江天際流

送陸無從

楚雲釀雨東風急瘦馬荒城共愁入江南詞賦子  
山哀海上別離李陵泣天地生人貧賤多江頭落  
日如頽波一飛九萬迺虛語百年四十今蹉跎吾  
累鳴詩集卷六

觀世人今瑣瑣似爾文章寧坎圻貧賤如海人如  
舟飄飄所之無不可君不見東隣富兒耐把錢跬  
步不發雙戶堅又不見西隣豎子偶竊位纏索嬰  
身更憔悴不如貧賤坐自驕痒可得搔痒可搖興  
來五嶽恣遊遨饑來乞食亦逍遙無論伊尹困鼎  
調無論太公窮鼓刀即如伯鸞死吳市香名何損  
於二豪男兒貧賤何憂勞

題主人草堂

綠鬚主人不辭憂負郭嘯傲輕王侯有時倚杖聽



春水涓涓齊向花間流深谿無人雲不收古木蒼苔同一丘  
僂僂未發堂下遠宴坐可以當遨遊

獨鴈送箕仲

獨鴈獨鴈汝本雲中翼胡不翩翩遂起青天半江空沙黑秋不開徘徊路首黯自猜蕭梢無聲蹋地來黃雲決滂失白日戢毛顧影鳴聲哀鴻鵠不顧鵠獨鴈云胡不悲斥鴳能翔駕馬可馳爾獨胡為蹠蹠離披天地之大寡儔侶隨風飄飄何所之莫

喙鳴詩集

卷六

九

發嘹歷之哀音恐令羈人白盡馬上之青絲莫隨時危之片影梅花明月空相思萬里獨去但自保饑寧不啄田邊稻倦寧不息原上草青莎白石高下飛飛寧不入鷄群小賴有片雲能送君薊門涼月秋客早安得九萬扶搖風吹君直上青雲冥空蒼蒼之外友大鵬豈因落無飛翬獨鴈獨鴈期爾乎雲中

送長孺

牧奴城頭朔風起江楓亂撲離人耳可憐割被各

西東不及哀鴻共千里初行作客殊未慣儕輩相將指州縣莫恨秋光為爾多古來誰不悲貧賤

送董文蔚之揚州

董生別我何方去白雲莽莽迷官渡安得東來三日風吹君直上揚州路揚州看花亦不惡世人只念騎黃鶴黃鶴上天不可招況是名花亦消索貧語不重寒交輕短鬢如蓬豈有情愛君不願君遠去且向金山寺裏行

炎海行贈吳明卿還高州

喙鳴詩集

卷六

上

祝融朝駕北戶開湯池煮日天半摧綠烟朱熾平海出陽侯羸行迷相失蛇珠化雨翡翠雲天龍九首腰紫纁孤鳳叫月月不語妖靈靈黷紛向君四時總是皇天氣平分不到炎荒地深院梧桐碧甃間不許長轡蹙時繫高涼主人笑拍手白雪題軒夢前牖冰絃續續三尺聲一片浮雲掌上生

贈教公

男兒生身不須早但願高堂長壽考教公生子何太奇五十抱此麒麟兒觸龍已老舒祺少生憎不

見成人時年逾三十始上第豫章見奇亦非易老  
翁曳杖出門看滿道飛塵捷書至南金作勒蜀錦  
韞赤旌前導雙翩翮桂子歸來拜膝下里人成堵  
觀門前高懸白日爛生彩松柏南山常不改生子  
但得如教公白頭富貴遙相待

女貞樹為馮節婦

女貞樹鬱哉何蔥青嚴霜墮地白日沒寒枝半抱  
秋風生雲黝黝石鵲鵲雲夜愁石朝語生與為墓  
上木死與為墓下土鬼車勿啼猛虎怒原上新條

家鳴詩集

卷六

十一

吾有主化為青虬帝閭去入帝閭絙繁絃一曲湘  
妃魂隨風落人間聞者噦噦再三嘆鬱哉女貞樹  
何如桃李顏

贈劉翁媼

仙人劉綱遊紫清夫妻雙雙騎鹿行種桃兩株垂  
內庭絳花青實丰茸生日長無事麗色盈戲角小  
技歡笑并聯翩三鳥時來迎東公西母翻霓旌鸞  
情鳳想自昔縈聊以暇日嬉滄瀛有子握珠字更  
生晨搖玉珮超承明枕中鴻寶有至精未期試白

天閭呈且歸庭闈添壽觥

送陳元忠扶侍歸蜀

古來常稱蜀道難君家蜀道何夷延千巘萬壑不  
作險飄如羽翼行青天君家相公濯日手天子橫  
經口親授龍虎時逢五百年麒麟畫出群公右麒  
麟還產麒麟兒十五二十名滿時口誦河東三篋  
書手掩甘泉十萬詞黃金每向宮中賤白鳳還來  
夢裏飛周公拜前魯公後珊珊鳴珮充黃扉相公  
忽抗遺榮疏君亦乞身扶侍去詔乘六傳行如飛

家鳴詩集

卷六

十二

煌煌玉節開雲霧錦纜平牽象馬江文輅自穩噦  
噦路峨眉喜報仙人回劒外朝看紫氣開題橋且  
掩相如色負弩應多縣令來吁嗟乎人間行路盡  
如此天上御風那可擬茫茫白草薊門秋送君西  
去徒延佇

吳州歌為王祭酒元馭兄弟壽親

日出東南隅照見吳州門吳州小兒歌青裙木公  
金母雙騎雲人間揖拜何續紛暫離仙族來人群  
何者姓氏太原君以金為室玉為堂擘麟炮鳳羅

柘漿紫袍錦裙寶帶光夫人翟褱明月璫同量燒  
嫩借壽康高燒銀燭儼兩行長筵膝席行梧觴前  
歌未竟後樂張是時天秋月初涼茱萸欲紅菊向  
黃觀者敲門忘夜央譁言深歎不可詳借問歎息  
何者為是翁是媼天上奇大子起家侍帝墀文章  
麟鳳人龍變何用識之太學師橫金珮玉雙前麾  
次子堂堂題柱姿南宮聲名赤羽旌予告晝日馬  
馬馳入門捧膝拜屈卮伸腰再三繁威儀陌頭綠  
幘飛一螭萬里自北緘相思御羹鼎鬻佐朝犧爵  
喙鳴詩集卷六 十三

送侯侍御之楚粵

南風吹雲散作絲青驪駸駸色間之道旁亦有遠  
遊客望見飛旌不敢窺都門組綬黯失色為避使  
君持斧力遙知楚越江山春盡是風霜佐生殖祖  
帳紛紛白日晚萬里晴空送君遠綠槐深處度鐘  
聲憶汝封章歸上苑

晨行歌

明星尚低天未明凍日潛從海底升夜如何其起  
蓐食開門車馬喧喧行人生貴賤皆有職蹇蹄請  
勿辭前征投簪未必玄髮生解綬未必肘腋輕不  
向山田事耦耕便從牧豎披榛荆陸沉吏隱亦不  
惡長饑短飽何須評天寒日駛晝難給不加夙暮  
誰其營君不見南箕北斗相縱橫東烏西兔日夜  
爭警露之鶴不停唳失晨之鷄亦補鳴但無陰霾  
暗往路縱有冰雪皆夷平富平里第無鼉更城烏  
不敢朝墮聲侍兒密覆將寒錦僊子謹護初調鶯  
喙鳴詩集卷六 十四

送王忠伯太史使秦隴

往年諸邊戰驕虜諸將紛紛肆斤斧今年驕虜悉  
王侯廟堂坐畫陰山篝回中烽火平安信隴西羌  
笛無人愁天子尚文不尚武侍臣持節誰王府邊  
馬如雲饜芻穀不道旌旗送迎苦我昔曾聞范文  
子外寧內憂通枝柱不顧呼韓長扣關但願虞庭  
盛干羽惟君雅望重蒼生攬轡山川群吏迎赤囊  
預訪遠庭事玉燭時來佐太平

麻姑壇歌寄毛君明

麻姑壇壇荒出青山白日不留丹鳳駕紫雲已化  
青螺鬟麻姑昔向吳門集鬢髮垂腰綠華濕侍兒  
並服六銖衣從官盡負三山笈數百年來別人久  
須臾騰空拜雙手五龍暫駐拈蒼車千錢近取餘  
杭酒麻姑去後又千年海水半淺仍當田吾將手  
驅白鹿去踏梯高步瑤臺顛麟脯花香美堪飽翡  
翠明璫未應老背上寧當一一鞭心中猶戀纖纖  
爪仙郎舊與蔡家隣今來吏隱仙壇春為余敬致  
家鳴詩集卷六 十五

廓落字三時灑掃蓬山塵

送蘓以時兼訊賣藥張翁 張名軒巴縣人

君不見君平賣卜成都市言忠言孝無他異簾內  
惟藏一百錢目中但識五千字又不見子真不走  
長安城春風春雨長躬耕至今谷口鵲姓字何論  
漢室名公卿士當貧賤稱致主空為大言謬人耳  
豈有熙熙為利來乃能蹇蹇酬人死達亦不足喜  
窮亦不足悲有時自採商山芝有時載作周王羅  
下為泥蟠上天飛飛時為雄伏非雌天網四張羅

不得有時自來非鍛翼重磨日月排星辰騎龍駕  
鶴鞭麒麟世人聞言每大笑吾子此意寧沉淪試  
詢賣藥巴山者莫是當時賣卜人

送吳明卿之河南

西風吹立桑乾水一色寒雲千萬里僕夫不念霜  
蹄勞候人總為關鷄起天下文章妙使君况逢天  
子新好文前席無因問鬼神驅車白日空紛紛白  
日紛紛落紅樹為君劒歌君劒舞長安之酒斗十  
千赤仄之錢一當五杖頭空有酒人挑壚前不許  
家鳴詩集卷六 十六

胡姬數醒然送君怨芳杜 時有酒禁

送朱潛山鴻父

君家槐里名最優漢庭公卿無與儔談經每折豎  
儒角伏檻顙與忠臣游杜陵丞相徒馳騁桐鄉嗇  
夫亦異等豈如操節凌風霜自古丹青照形影吳  
下聞君自少年榜中題字知君賢器成不辨良工  
樸網結猶烹小國鮮莫言吏事徒勞頓莫謂南陽  
不可問周南若有訟餘田關內尚多封後印

訪顧玄言不遇寄贈

南園繁花何灼灼昨日方開今日落開時盡道春風佳落時又恐春風惡風佳風惡纔須更世人責天何太迂南園春來北園去何園留得春長住九華外史獨閉關一片青雲終日閒尚有詩扇歌白日更無書札酬人間四月八日錫山道佛日不拜黃金顏闌風舉帆輕一羽倏忽遠引蓬萊山竹鷄桑扈領空翠風潭烟峙留潺湲江籬淺綠皆顏色黃鸝小轉猶綿蠻安得移家近汝邊不須抽對黃河懸但看隱几已灑然共作青春萬年主洗瓢細嚼山中泉

卷六

十二

### 送顧將軍之貴州

漢皇昔事西南夷蕭然兵甲開羅施至今殺氣滿峩谷苦霧四塞陰風吹十日九日不見日見日猶應朝飯畢鬼心鬼面相構爭跳險緣危如鳥疾將軍有手能接猿腰間鷺鷥聲嗷嗷三年伐盡邛山竹蜀賈四出聲名高懸知眼中無若曹

### 送屠長卿公車

桃花渡口梅花白官奴城下江流碧臘月八日天

氣晴東風為汝開行色舊年春事新年前新年一倍春堪憐細柳初鶯滿人耳流雲挾君飛上天天門忽開五色曜天子尚文君正少萬朶花枝羽旆明最上一枝顧君笑宮袍方正無周折道旁觀者森成列杏花金泥醉後書可忘桃花渡頭別

### 送吳山人之天台

吳中年少今吳君睢盱不揖風塵人負圖檐簷常獨往布袍如雪時時新來觀禹穴歲書處又向蓬山望烟霧手持白筆搖青天貝闕瓊樓入詞賦海

嘯鳴詩集

卷六

十八

雲扶身身更輕海水洗眼眼更明聳身靈鷲白日舉靈鷲隨霞霞為城霞城高標天影空石梁秋色人如蓬山僧若肯乞人住為余灑掃雲中峰

### 寄留都周民部國雍

沉沉霖雨白水渾故人訊書來叩門開題宛見相思字十載交情尚如此留都逍遙一事無潛郎分日為游娛習習春風弄桃葉娟娟夜月招鵝鷄沈郎歐郎每相見卷裏誰是今駒駘不須鞿策尋往事儘堪搖筆鳴今都賦成莫恨無人識斗牛光射

天心孤太史占星閔不得帝園廣樹朝陽梧

揚州遲內子

君不見牽牛與織女天上盈盈只一水人間剩有  
千餘里千里思君君不知莎鷄鳴向鴛鴦渚可憐  
西山吞白日可憐彩月雲中出朝朝暮暮愁向人  
水水山山夢猶失終朝愁水復愁風安得行人在  
眼中愁多力寡誰勝得江楓為我生秋色

再遊上方寺與故人飲別

我來上方十載前桃花嬌殺春風憐酒尊清於蜀

喙鳴詩集

卷六

一九

井泉彈絲品竹集四筵我來上方十載後秋霜白  
盡門前柳當年故人不半席杯中白髮多於酒故  
人故人復故人何為日夜翻作新感此令人腸欲  
斷蕪城之賦增酸辛博山爐中爇沉水琪花片片  
微風起山花為我隨意綠山鳥從渠盡情語隋帝  
宮前酒旆多吳公臺下生寒波生憎紫燕辭條去  
尚有流鶯斷續歌長年且勿解維開再與諸君覆  
幾杯看余功成揖明主雙期赤松黃石來不學麻  
姑典仙職三淺海波方一回

宮市

望月臺前綠鴨飛李中桃中積翠幃金與不來鐵  
籠稀編莢絹茅開甕扉喧喧宮市走曙暉腰纏儘  
買瑤箱衣無勞寒女終年機

寄所知

柳衢相逢鞭去馬口寄鴻書不成寫看余蝕盡縵  
胡纓誰是長楊從獵者露華凝寒濕免目商山桂  
香五回綠園公歸來抱頭哭公無渡河河泱泱徒  
盡桃花流水長一床絡緯號素節鴛鴦幾處悲漁  
陽星烽煌煌照江樹欲傾海水澆喉嚨座中誰唱  
丁都護惱得周郎數回顧

秦淵百日

小潭蛟子留不得一去十旬無蹤跡痛殺東廂阿  
母心血染霜椒勸空席丹輻已附漕船還素靈疑  
在庭除間養子本期送父死汝父何為翻送子幾  
處芙蓉寂莫開塞鴻舁汝江頭哀昨宵架中得遺  
籍燒之不灰汝應惜閒庭蓼花能弄紅擺淨霜痕  
迎老翁後朝又欲逢重九安得茱萸兩杯酒

老來行

老來心腸與昔殊，槁如秋條不可迂。以薌為糒，燥為濡，宮商倒置玄白淪，無堪俛仰從世驅。上書北闕，歸西隅，臨場不復展繡弧，臨觴不復爭博盧。已甘化作秋風枯，敢復肩隨偉丈夫。軒皇久仙難再呼，逝從象罔求玄珠。天子倘肯許老奴，諸公幸爾容狂且。

老鷄行

相州浮屠滅素雲，佛徒四散靈光分。有狐綏綏窟，喙鳴詩集卷六

二十一

其頂據危布巧張，魔軍公然出入索。祭賽移精屋底驚，釵裾幾村月下捲。眠席驅桃鞭棘喧相聞，平原公子攬游騎，意氣西來照天地。翩翩從者五陵豪，手指青松暫留憩，聞茲肝腸裂秋色。虎豹縱橫誰耐得，回看韉上老愁胡。好去清霜試風力，愁胡整束儘從容。竦身三躍生剛風，老狐負嵎正眼空。老鷹深目復自雄，不期側翅偶失便。霜毛醉舞桃花紅，道旁觀者色如土。公子生蒙隴，西趾難忘一戰雪。曹柯詎惜千金求，郭隗詰朝載取老鷄來。金

眸鐵脛非凡才，一踈四天聲。翩翩愁雲慘淡為之開心，知敵手不易摧。交綏便作旋風回，長鳴飄然向空去。狂飈笑破呼鷹臺，不堪一辱還再辱。三斷金鞭仰天哭，江花片片自飛來。江鳥不飛皆掩目，忽聞群鴉遶相輪。如泣如吊聲，信信老狐失驚小。狐哭迷離欲竄無荒榛，未解天公意何者。萬人欲去仍旋馬，東方一道如飛龍。無數奇毛蔽天下，橫排鷺鶴吹威栗。殺聲欲震長平瓦，徒翮當前索狐戰。群握飛沙爭撲面，風塵入眼青天昏。霹靂一聲滄海變，自餘小怪無煩誅。攢頭亂啄充朝脯，但聞腥風萬縷汗。遺腸儘足餐饑鳥，心感主人再三呼。激烈綢繆當報珠，吾觀此鷄智勇俱不數。博浪沙中鎚，似曾親受黃公符。吁嗟鳥中之丈夫，烏有丈夫人則無。

臨高臺

臨高臺，黃鵠不舉令人哀。浮雲于我何有哉，元放何驚遽如許。孔賓難忘歸去來，忠孝傷生昔所歎。遼陽華表堪徘徊，臨高臺月波雪竇生莓苔。桂花

更待何人發桂樹之歌誰與裁何怪人間換陵谷  
不聞滄海生黃埃臨高臺朝來作書與洪厓我家  
三山互近遠一山最近稱蓬萊青天欲秋皓魄滿  
期君逍遙浮一杯金巒碧林富奇樹也着蒙莊樗  
櫟材

喙鳴詩集卷六終

喙鳴詩集卷六

二十三



喙鳴詩集目錄卷七

七言古詩

少司馬屠公歌

木阜峰歌奉壽叔父句

章公

雪將軍歌

送易侍御之貶所

馮比部母畫荻圖

送蔡伯安參軍之楚州歌

王氏三子歌

放歌行

奉寄南充陳相公

寄贈俞士行淮上治漕

贈管建初侍直武英殿

喙鳴詩集目錄卷一

送臨淮侯李惟寅守南都

蓬萊劔侯歌為戚大將軍

中林詞奉寄四二叔父

金臺懷古

逢友人罷歸

題沈徵君墨竹徵君仲化宗伯父

錢氏二子母受誥封歌

招寶山歌贈吳伯恒

賀海豐楊太宰致仕歌

玄扈石室歌贈龍伯貞

四明山歌

病起贈陳魯季歌

楊柳歌

送客還山

君房樓玄館

柳枝歌

江頭春

贈鉞師劉子津

日出入金閭門行寄友

岱丘行

端門監者歌

日出入金門行

觀選淋女

聞簫

寶刀行

城南行

怨歌行

喙鳴詩集目錄卷二

採蓮詠

清明憶隴上

寄明成二首

邯鄲詞

楚宮詞

金陵法華寺白蓮閣池

是陳後主張麗華孔貴嬪墮屐

過故相長沙李公門

秋風贈所知

十月一日

送金伯庚還山

釣竿

喙鳴詩集目錄卷七終

喙鳴詩集卷七

四明 沈一貫肩吾 著

七言古詩

少司馬屠公歌

莫言天下無神仙海中安得三神山此意惟有屠  
司馬晴雲飛鳥空中還青天寶氣流明月天鷄夜  
嘯黃金窟江山秀色既可食渤海洪濤未應沒自  
從髻髻始有鬚宦游多在神仙都手持九天玄女  
勅校勘五嶽真經圖蓬頭鍊師赤肚子白鴉風前  
喙鳴詩集 卷一

兩相視灌頂醍醐澆玉根乞得麻姑口中水背負  
三尺如芙蓉世人不識呼為龍蛟胎歛取寒潭色  
江海小市潛其鋒博帶長裙加短帽柴車出遊里  
中笑黃鵠安知世上心白雲自識山中妙豐年賣  
穀得錢多故人車轍來經過對酒自翻可憐曲小  
姬夜按箜篌歌遂初堂前堪大噓令子新開霞爽  
閣閣中蓬萊在眼前青霞片片浮瓊筵待他來枝  
長千尺驅車直上三山顛

木阜峰歌奉壽叔父句章公

昔年南遊木阜峰三十六朶青芙蓉峰峰並結紫  
螺角天人盡集牟丘鐘稍東漸看嶮壁立咫尺忽  
墮霞標重倒懸怪石注沆瀣自腰以上鮮雲封尺  
蘿寸蘚不敢上豈有累塊容杉松巖闕崕岍入皎  
皎石泉浮動流淙淙只愁却閉星辰外洞房深膩  
桃花踪泝洄十里溪路盡鴉鵲稍見鳴丰茸採薪  
溪女出絕巘清秋香汗流酥胞天皇行營結嚴隊  
猱猱後衛視前衝邈邈離世獨巉絕蒼蒼洗色無  
纖穠土人只解遊培塿此地杖履來無從閱歲自  
喙鳴詩集 卷一

是鬼神巧貽蕩真為吾曹容叔父雄姿絕今古踞  
踏天壤心橫縱真龍不肯行地上况肯蹴躡隨駟  
蛩塞淹留兮獨空谷滄洲玄圃高吾宗靈篇滿握  
驅虎豹直令屈宋摧詞鋒竹苞松枝坐可把篆香  
枕茗貧能供名山不朽幾人在此翁自有千年逢  
古之仙者多晚節紫芝瑤草無秋冬露花迸出瓊  
粘白痛飲一日當千鍾願我歲歲執鞭弭赤脚騰  
踏雙青龍

雷將軍歌 有序

大將軍雷龍少時守備階州隋棧道下若  
憑虛焉與其騎皆無恙一日夢天際飛三  
矢有從夢中占曰此天山兆也已為寧夏  
遊擊將軍初開轅門捐諸將無雲而雷一  
龍夭矯自署中起今以大將軍專閫登壇  
又召為都督奉璽書總鎮西夏臨淮李侯  
請歌以壯其行為集三事總賦長篇

雷將軍鷹騰虎矚勇絕倫少年搖旗渡隴校騎射  
所到星河新瞥然履空墮崕石毳如羽翼行流雲  
喙鳴詩集卷七

卷七

三

毫毛不損意氣出無乃左右持明神春星夜挾天  
際飛三矢書集稭穗幃夢中咤聲覺在耳濕雲騎  
馬天山歸賀蘭山頭開幕府大旗正拂轅門午一  
聲霹靂動儲胥五色雲龍起弓弣人言將軍動有  
天精忠懸於白日前紉花每映雪山白月輪長向  
胡霜圓至尊思識麒麟狀詔書徵見雲霄上羽林  
材官側眼窺中朝豪士旋塵向蓬萊殿前賜錦袍  
鳴沙城下輝旌旄獵火夜燒左賢帳牛羊驅渡如  
秋濤莫辭征駉鐵衣重歸來頭上看金貂

送易侍御之貶所

晨裝出嚴城悠悠何所征東嶕月上淡生影照見  
僮僕參差情莫言人間路途苦主恩猶許陂陀行  
馮比部母畫荻圖

誰為馮郎畫荻圖丹青見之稱嗚呼空桑之事知  
有無想像熬憂眼中惡縱無畫史寧模糊寶釵股  
斷鬼物哭青天四垂應雨粟古惟韓國太夫人今  
也無人惟母獨嗚呼男兒識字徒紛紛豈無龍蛇  
誰奮身楊雲竟為天祿鬼蔡邕終詘蘭臺賓馮郎  
喙鳴詩集卷七

卷七

四

記得啖猪事應識當年斷機意手簪白筆西曹還  
慈母幾回開笑顏

送蔡伯安參軍之楚州歌

黃河流沙高百丈徐淮之水行天上毒龍神龜紛  
闐擊誰令魚鱉安無恙水衡鑄錢十年力近日司  
空稱慨慷堰旁異骨既專車洪底深巘又浮象飛  
章急慰神堯心五雲氣色榮河王百言稽首君相  
力百言推轂群工績令丞簿尉臺與胥寸勞上照  
重瞳碧廟堂欲竭群材用往往微能酬厚直參軍

新拜之楚州司空幕中直治艘小舟汎汎依大舟  
一帆千里亦不休為余問訊倉曹劉虞部陳侯俞  
武侯日月光華宜黑頭

王氏三子歌

天台王新甫以癸卯魁浙其子士崧以癸酉魁浙士琦以丙子魁順天皆春秋第五

天下山川各有神宇宙豈謂無其人安得天台三  
萬丈石橋霞標生一門龍陽司空與三子各以一  
試魁其倫麟經豈是王家物筆鋒所向無全軍司  
空書名國史新尺寸豈與經生論三子皎皎三五  
星鳴詩集卷二

放歌行

古人貴清貧今人貴邪贏夜蛾赴烈火不悟飛鴻  
情飛鴻逝雲端一去如跳丸誰能攀其翼百鳥方  
心寒憂從中心來外物安能寬鷓鴣拾瑤草眾芳  
收其歡我今放歌君試聽天地為余總愁病東鄰  
瑤軫既有情西海明珠豈無脛何處修篁不受炎  
何處貞松自然勁繞朝敢謂秦無人樂毅遂稱臣

不佞淒雲已墮中庭陰促織空為床下吟穆生體  
酒我當去季布髡鉗君自任顧以不肖驅長托無  
為國生為白日光死作青山色清泉可以入叵羅  
紅蕖不劣於嬌娥竹葉飲時桃葉勸柘枝舞慶柳  
枝歌白眼向夫天不怒悠悠萬事如予何

奉寄南充陳相公

青城山出西南端蜀道欽崎千萬盤寒暄只有一  
黛色此色正與青冥看俯絡坤維紀萬國仰擎乾  
象經雙九何溪潺湲非玉乳何石魁磊非珠玕銅

梁玉壘捧其足兒孫尚乃神仙蟠

卷七

六

訊五老赤龍飛絕翰手揮玉犀酌元氣四時辟暑  
還辟寒芙蓉闕前發瑞檢虎豹關裏燒霞丹我聞  
人所歌舞天必從海內飲食祝公餐天為社稷降  
河嶽暗役百靈扶轂鞍顧公四萬八千歲歲歲青  
城騎紫鸞

寄贈俞士行淮上治漕

葡萄邸前春雨多典客館下牽六騾將軍抱持貔  
虎略且與鼉鼉爭水波江河之決雖天事支祈安

得稱非崇欽飛紉出江水渾浪拍芙蓉茜花細西  
來一線垂青天天下軍輸集似烟朝廷盡食司空  
力大農歲省鍾官錢淮陰方為治粟尉高壇何日  
飛旌旄

贈管建初侍直武英殿

始知丹青妙善發天地機幾人畫龍不得似誰能  
親奉直龍飛管生今日好舉止不復當年吳下士  
俊雅清奇特擅場懸毫洗出山川髓卷却雲霞次  
第開招將鸞鳳趨蹌來明時瑞應紛在眼至尊為

咏鳥詩集

卷七

二

舉流霞杯登時裏以漢冠幘歸來妻兒不相識塵  
埃一旦生酖顏草屨雙雙挂東壁吾觀古之避世  
者多在金馬銅龍下一囊俸粟可治生且自解衣  
般礴裸技亦有所施心亦有所為虎頭碌碌真乃  
癡鄭虔坎壈不識時重瞳八彩已渺矣方今堯舜  
真無為無逸屏幽風障且須貌取開元樣吳農苦  
饑越女寒眼耳親經手堪放

送臨淮侯李惟寅守南都

君侯岐陽王子孫家之指嗣國寶臣黃符三略世

所授素業一家心更親雙霓夜渡石頭渚佩刀躍  
出作人語試看遠近桑麻中盡是先王血駒所昔  
年組練留殘紅此日歌謠落照中分命保釐黃紙  
重古來周召竝稱公

蓬萊劍侯歌為戚大將軍

神仙宮闕居蓬萊瞳瞳瑞色春風開赤水茫茫連  
海濶孕靈苞秀生全材伏虎山頭夜游獵癡龍洞  
中稱劍俠陰符朗洩乾坤機寶劍高批鬼神頰君  
王拊髀思奇勲一朝推轂真將軍已見樓船清海

咏鳥詩集

卷七

八

嶠還看驃騎掃胡塵自從拜命屯三輔仗鉞時時  
出行部氣與虹霓作顏色身將士卒同甘苦高騎  
白馬降昆邪榆樹年年開好花指顧泰山應作礪  
平吞沙磧皆為家塞下龍蛇識功德天上麒麟稱  
柱石城頭桴鼓誰躬親軍中亦有夫人力帳前偏  
裨皆印肘月午風清進春酒飲飛起舞材官歌蕃  
落夷兒咸稽首從此邊城長不關漢人耕種青海  
灣將軍勲業在天地何說三生與九還

中林詞奉寄四二叔父

春江無雲屬玉飛綠雨谿深桑扈啼凌霄欲花彩  
虹落斜日正照中林低木蘭船開明月滿淡靄微  
風越羅煖遙聞高唱不勝情一夜相思碧雲斷

金臺懷古

燕臺昔日亡薊丘燕郊駿馬無人收一朝買得黃  
金骨臺前萬騎皆驂騑古來君臣不易得老死英  
雄難物色眼前忘却樂毅功後世安知郭生力九  
月易水蕭蕭寒行人褰裳欲渡難一時羽聲盡銷  
歇猶有怒髮能衝冠至今都人好奇節白日街心  
嘯鳴詩集卷一

落紅雪可憐昭王墓前樹一輪光彩懸明月

逢友人罷歸

銅壺沉沉銀箭長夕息抱影閒空床四愁滿天客  
遊子百計不如歸故鄉曉登危樓望木葉珠林一  
夜成滿湘數鴈夕陽中看雲秋色裏鴈度蘼葭外  
雲歸石門底銷沉六代有寒潮牢落三江惟夜雨  
梧埤芸閣怨離居嶽樹江雲音信疎如灑酒飲千  
鍾上挾瑟詞歌萬首餘請君勿忘秣陵字令人空  
釣湘江魚

題沈徵君墨竹徵君仲化宗伯父

龍種脩脩出何族嶰嶺以來說淇澳我今見畫如  
見人箇箇琅玕滿霜幅參差黛色久不乾陸離紺  
影空中看大枝虬舞冰鱗老小枝鶴飛風翻寒虬  
舞鶴飛紛要眇吐霧含風青未了試看深塢幾竿  
綠已覺青波千畝少誰其畫者沈徵君烟霞澹蕩  
揚青芬踣將孔翠三山翼翦得瀟湘一片雲瀟湘  
窈窕浮天濕幽谷檀欒露華泣葛陂何日化龍歸  
阿閣此時看鳳集移根植向天家來伶倫夜吹六  
鳴詩集卷一

篇開坐收群籟歸元韵踳踳率舞歌康哉

錢氏二子母受誥封歌

次子士鰲

五季錢王之子孫虬蟠蟠伏浙水濱四傳功德難  
具論百代禮樂猶清芬夫人本是雲中君腹中二  
鰲迥不群大兒尹通許手扳薤本投清水小兒守  
蓼州道旁馴雉鳴啁啁二子皆可富民侯一時並  
分天王憂司封已出五花軸綉文巧繫青鸞足鷄  
鳴舉筋加數餐江頭士女皆來觀門前絡繹送雕  
盤歸來灑掃龍山園

招寶山歌贈吳伯恒

招寶山遠控諸夷牢置關旌旗閃爍搖雲間往年  
山頭播大鼓怒噴群龍開水府百丈妖鱗截作泥  
千群怪尾糜為脯近來戰艦纜江痕隨潮上下橫  
蛟門已奪陽侯白波險漁師四出洪濤渾四月楊  
花飛滿浦前船鳴鉦後鳴鼓唱歌歸來如沸湯江  
頭滿甕春風香問漁何所得鱸鯨已盡無絕梁小  
魚魴鯉大魴鱠問歌何所云二十年來無鬪氣白  
鷗飛向青鳬群君不見山頭飲酒吳使君

家鳴詩集卷二

十一

賀海豐楊太宰致仕歌有序

太宰性諧五德道含百行渾金璞玉天下  
莫名其材甘雨和風四海並受其賜遺榮  
歸老士大夫咸喜色而天下不釋然其風  
奉教言長懷几席為蒼生出嘉安石之成  
功從赤松游羨子房之歲用如金如玉善  
作善成爰賦長歌專伸遥賀

古之避世者常在桃源中今日桃花嶺復有龐眉  
公桃花千年同一笑人事年年不同調我今為公

一放歌想像青雲落晴嶠楊公楊公濟時手股肱

聖人元氣厚往年天軸偶搖動夜半風雷飛電母  
楊公澄然水鏡平涇渭九流皆就清不獨蓬麻相  
倚仗蕭艾盡化為荃蘅譬如大鈞播萬物默奪寒  
暄人不驚又如陽春祇一煦欣欣莢甲皆專榮我  
昔提巾親見此三年南鴈浮江水古柏蒼松好歲  
盟但看明月飛千里釣竿寄在北海頭至今絲綸  
長不收朝天拜章請骸骨明主不許空夷猶今春  
何日轉天意傾朝祖帳浮蘭氣病子聞之喜欲舞  
自傷不控東門騎是出可舒卷可收泰岱可觴海  
可籌鵝毛可冠席可裘楊翁學道得道力乾坤萬  
里皆浮蜚勞山仙者春東霞時來嘯傲春風不

家鳴詩集卷二

十二

玄扈石室歌贈龍伯貞

玄扈石室知何許玄雲潑潑流三楚岷峨秀色從  
西來攬結嵩洛天地開豁衍空洞發靈竅奔走七  
聖如狂埃四目神人披寶檢九鼎玉女流瓊杯小  
臣板者雖墮地猶為萬古群僊魁龍侯本是南鵠  
羽跼蹐九州今久矣狂拈寸管鞭雷電饑噉百花

役風雨年來作吏東海東蹤跡半在名山中有時  
隱凡百花宮有時執簡朝崆峒牧馬小術已試可  
竭來欲舉凌天風嗚呼皇天不仁芻狗我連年丘  
壘生烟火自侯噴激甘雨來黃霾幻出仙雲朶我  
亦生平好奇尚翠壁青厓無不可安能待取九鼎  
成直須早據瑤臺左逍遙踏雲拂片石為君先聚  
常山果

#### 四明山歌

我昔長歌天姥吟今來飛越江之深烟波浩蕩都  
零鳴詩集 卷七

十三

在眼蒼厓白鹿紛可尋遊足未開意已窘片雲隱  
約前村盡遙來縱入丹山赤水之洞天果爾三百  
八十芙蓉之峰相鉤連沸如巨浪排九淵渴虬饑  
鱷崩奔前驚魂褫魄悸不定乃知世間安得無神  
仙際天但有淺黛色到頂猶窮羽人翼謝公萬夫  
鑿不得支遁欲度空歎息黃熊近人白虎怒杜鵑  
半染松花碧青鞋屢穿幾悔來眼前可即仍徘徊  
俄聞竹間響茶臼寺門正對雙眉開草根敲冰持  
滌釜纖陰近送靈湫雨劉綱臺榭收紫綃王交瀑

布懸青組二韭三菁宛可拾東鳥西兔紛來舞篆  
烟雕霧無時休一雙白鶴飛何苦吁嗟乎劉郎誤  
入青山園不是忘歸不得歸薜荔滿牆皆可衣胡  
麻滿谷何愁餓赤雲層層團白日任他渡口桃花  
飛百年三萬六千日古今賢聖皆永畢何為容易  
別青山空教青山笑不還誅茅結屋弄流水溪雲  
與我長潺湲

#### 病起贈陳魯季歌

我聞康回發憤摧天柱媧皇鍊取丹砂補當時聞  
零鳴詩集 卷七

十四

之不肯信今日身經信斯語壯懷每欲經崑崙俯  
折若木招青春忽逢二豎為虺蜴中途濺血殷朱  
輪茅山老仙絨玉祀君自何方稱弟子為余伐却  
三生毛俄又滌除千劫髓日月光華還舊觀青羊  
赤麟雙向前詰朝挾之謁帝所兩驂如舞虹蜺旋  
黃姑織女持我笑賀余近領丹經要飛瓊仙仙舉  
玉卮浮丘矯矯揚華素顧白雲兮思故鄉紛陸離  
兮龍劍長贈我桃枝與竹杖鞭笞臊魑如群羊勿  
嫌瘦骨瘦干鶴縞衣丹頂堪翱翔令余敬致陳扶



搖別來雪積峨眉高

楊柳歌

青門楊柳一萬株，抽條布枝待馬蹄。柳枝日夜能高低，馬蹄日夜能東西。若教繫馬上，林樹柳枝減沒春風蹊。

送客還山

新荷夜卷梨花雨，青山倒浸琵琶渚。新裁荷服雅稱身，著入池中不知所。牀頭黃石讀已盡，尚餘一卷金仙語。施之人間無所用，挾向松林避煩暑。林

東鳴詩集卷之二

十五

中月出遲漁郎嶺上茶，生期姪女鄉音啞。啞可憐生賤，却清宮激梁楚。

君房樓玄館

茶蘼晚汎東風，鶯青羅夜入棠梨。軒鷗鷄咽咽相喚去，印破西池碧玉痕。樓玄主人貪晏起，片陰忽墮江城午。吾知桃花終不言，何用欣欣解人語。

柳枝歌

柳枝搖春春可憐，朝來作花飛上天。纔依羌笛吹雲去，又倚娼樓數酒錢。一從移栽上林苑，每日祇

辨三回眠

江頭春

江南春風麗如綺，十萬人家種桃李。鶯聲巧弄管絃新，燕子平行一江水。當時喚汝作玉人，悔不喚作江頭春。江頭春會年年到，玉人何處流光塵。

贈鍼師劉子津

左肘垂楊痛殺我，坐卧立行無一可。大聲呼天天不聞，造物熒熒轉風火。家人回惑求方伎，門前絡繹馳輶軻。劉君鍼法真絕奇，應手為余疏帶鎖。岐

東鳴詩集卷之七

十一

黃救療鍼第一，自餘草木皆委瑣。百年以來失正傳，太醫公座猶虛左。海內獨談凌漢章，君自何方得礪砭。談笑之間捷有神，披紛不讓聊城竒。至尊憂國猶晏朝，尚藥如林足皆裹。我欲騰君入九天，應賜明珠一千顆。

日出入金閨門行寄友

日出入金閨門，朝隨明星暮紫雲。素食經秋亦何意，素心空自生氤氲。群英逸轂不得前，白髮蕭蕭蒙少年。當關者誰奮怒言，何以處我山之巔。可憐

神龍不見日滿身烟霧相隨出可憐竟瘳不見人  
龍車遙遙度紫旻康衢之歌難上聞土階三尺深  
重闔相如肺病猶著書子雲天祿寥寥居西山白  
雲謝逋客故園叢桂今何如

岱丘行

岱丘直天不可梯群仙來游行絳霓白鳥夜伏猿  
晝啼一從封檢開九泥碧桃芳樹交成蹊天孫晴  
簇芙蓉錦天津夜半聞晨鷄諸峰長白天最西雕  
楹繡房羽士棲遊人往往從此迷我來香雲開萬  
壑鳴詩集卷之十七

端門監者歌

北門戒嚴肅紫城交戟之下如雪明黑貂力盡偃  
不起偃偃仄仄無路行賴有左右肱持得不爾此  
履難為聲端門監者笑且迎小童淪茗波光清新  
菊香浮四壁煖暫回春風亦稱情且寬懷抱休沾

纓

日出入金門行

昨暮日入我當出今朝日出我當入日出入兮無  
停輪我亦孤征向人急轉雙履翻數千天街摩  
成寶鏡鮮念欲且息不得息兩胥掖我高於肩汝  
饑不能倩我飽汝亦劬勞堪自保世間到處有羊  
腸何必啼噓歌蜀道當時只恨隔重關不道重關  
尚有門玉皇高拱蓬萊殿一水盈盈碧海尊

觀選淑女

長安女兒巧伺人手持紈扇窺芳塵姊妹相私擇  
佳儷無過額得金吾壻如何天闥覓好逑翻成凌  
亂奔榛丘吏符登門如索仇斧柱破壁怒不休父  
母長跪兄嫂哭額奉千金從吏贖紛紛寶馬與香  
車道旁灑淚成長渠不念他時共筐席但傷此日  
離襟裾人間天上隔星漢天上豈是神仙居吁嗟  
天上豈是神仙居

聞簫

上林明月深於海簫中五鳳流光彩逗將燕子出

牆西有人恰向春風啼危欄倚遍車繼冷一夜相思月中影舉頭望見賓鴻歸問爾何年碧海飛紫閣蘭生夜方午閑凭雕闌弄鸚鵡雙鳩何來太姤人聲聲叫道姑姑苦

寶刀行

我有寶刀名陸離鴻毛不敢迎風吹寶刀烈士纔相宜贈君佩取誅伊祈西月流光掩大旗當空亂攪蘆花枝天子只今家四海功成休遣麟臺知

城南行

城南去天不盈尺虎豹嚴關穿不得眼盼書來馬角生心傷人去烏頭白蘆管動時楓葉迎故關開處梅花生悠悠此恨何時歇為君一賦城南行

怨歌行

妾心如秋月皎如出機練君心似春雲斷續斯須變望夫石上天欲陰妬女津前波浪深空雕碧玉為如意浪結文綃作繫心當時陽臺雲復雨化作秋風淚和土迎來乍欣白日低背去安知玉筍啼

採蓮詠

鏡中美人明月光瓊肌玉腕相芬芳凌波而往寒素裳桃李不敢誇朝陽採蓮歸來還採菱擻短潮逆嬌不勝牽浮攬沉亦自矜搓牙四角生寒冰南山桂花飛上層

清明憶隴上

誰家麥飯能春寒聖時猶帶神武冠遙知上冢家兄弟應憶長安行路難長安大道車馬輕捷門自謝諸生平介推無心上天去張翰自領雲間行吳歌越謳不忍聞射豹花開江雨紛前村後村杏花發待到入歸飛暮雲

寄明成二首

山中人真仙游早眠晏起百事休羽毛養就欲飛去滿前燕雀爭林丘百事無一藥爐紫霓生光浮碧虛陰陽為官各有司何必手劍行除驅君不見目開闢到于今乾坤不毀萬物成林洪厓縱游八極遠倭倭韓衆遙相尋

閒雲館中白晝眠西山過雨疎青烟江心帆檣自來往黃鵠決起摩蒼天藥爐微紅舊年火白鴉翩

翮秀雲朶長史階前汲井花徵君臺畔開茶果紫  
芝消息今如何寶劍呈光七點多妖雲怪雨都飛  
盡科頭獨向青天歌

邯鄲詞

妾家在趙十二達夫壻游燕忽若遺狂如楊柳飛  
春絮拙比斑鳩守故枝兒時只念嫁人好嫁得春  
風還自老春風飛揚大道旁不惜高樓繡紋巧絳  
脂無力淚長流白蠟能乾香暗収鳴鳩殷勤相對  
語知誰喚晴誰喚雨

東島詩集卷二

二十一

楚宮詞

可憐楚宮人空抱長饑老楊妃齒齧玉魚鮮衛娘  
鬢薄金鸞小不逢一日春風吹何似村中薺花好  
鵲鴿難為鳳皇舞夜深空灑霓裳雨悔不早嫁前  
村兒綵索牽牛打村鼓

金陵法華寺白蓮閣池是陳後主張麗華孔

貴嬪墮處

花下相携一池水眼光深透銀瓶底深宮暗約美  
人扶美人方待人扶起何知此日梵王家合殿高

懸琪樹花吳公臺下蒙籠語猶記青溪日影斜

過故相長沙李公門

長安城中多息壤九衢歲月紛來往當年高門今  
矮屋石剝後狴坐深谷幾迴僂始到門幾樹公  
槐尚垂綠長沙公今安在海有滄田陸有海是時  
白龍嘗遠游四海晏然朝委裘群公方睦足嘯傲  
懷麓堂前操大浮我來寒色照晴光九衢積雪如  
群羊盤旋路遶千迴腸乃知太行之險不在遠如  
弦之直死道旁古來三讓原不易我今難于一辭

東島詩集卷二

二十三

去安得中山黃鵠舉續翻下作空中絮採芝採苓  
須黑頭課耕課織足自謀如何靡費不貲粟未解  
蒼生一日憂

秋風贈所知

秋風橫空櫺葉鳴明月半落客夢驚蟪蛄挂壁圍  
愁城幸遭明聖功未成能熱能涼有孔方無是無  
非惟杜康乍賢乍佞只毛穎不死不生堪法王長  
歌有所思思君白雲外高咏遠如期期君青山內  
勸君莫嫁窮身輕得顏開勸君莫乞巧還須買癡

猷荆卿西去何時返  
易水東流也不迴  
白綸巾上千年月  
歲歲浮江將爾來

十月一日

十月一日天未寒  
夜半理髮纓朝冠  
天家須朔開金鑿  
春風條已披長安  
哀鴻且輟澤中響  
斗柄欲轉青琅玕

送金伯庚還山

械械西風生柳條  
送君入山尋藥苗  
藥苗已枯實正飽  
長鑱短鋤憑君操  
山中人流光無情白  
日新

嘯鳴詩集

卷二

二十三

白日不照臣心絕  
高山巖石硯裂黃  
鳥高舉玄猿呼搔  
頭負痛看茱萸短  
歌行夜半歌枕夢  
不成寶劍半蝕無  
號聲斗牛之間截  
至清斗酒送君君  
便行

釣竿

松梢片月流光彩  
照見青鸞來碧海  
寄將丹篆不可詳  
任家公子遙相待  
山中未終一局棋  
扶桑日出紅滿枝  
逝當鼓手乘桴去  
閒理風前如玉絲  
拾將明月作釣鈎  
攬取峰霞作釣舟  
一牽六鰲絃在

手陵亂妖星東北流  
只恐群仙上訴天  
宰泣三歎投竿歸海頭

嘯鳴詩集卷七終

嘯鳴詩集

卷二

二四

喙鳴詩集目錄卷八

五言律詩

家園春日

喜雨

送客歸黃山

別陸無從

送叔父歸

贈趙客

早秋送人北上

錢塘觀水漲

逢呂中父

遊鶴林寺

瞿脰湖

七夕舟中

越溪

逢故友

喙鳴詩集目錄卷八

迷樓懷古

登焦山

送人宦東陽

戴叔倫墓

贈歐子畔

玉河新柳

長安人日

送長子縣劉尉

輓盧九潤之

哭亡弟六郎

送趙相公歸蜀二首

陸氏庄二首

長安道夜歸

送陳氏赴遵化教諭

答相者

紫闥

九日送洪山人之魏郡赴張使君招

送馬氏赴晉陵教諭

擣素二首

讀謝枋得傳

漁父

與王仲房酌

寄四十二家叔

楊氏別業

紀別八首甲戌二月簾中作呈沈幼真

承家叔賜問小詩奉答兼問箕仲兄

送彭釋修下第二首

顯靈宮宴坐

喜雨

喙鳴詩集目錄卷八

新月戲贈于可遠納姬

寄題史氏紫雲館是金吾生處

送茅平仲歸潤州 拜經筵日講兼起居注

秋日憶君房

臨淮李侯輓歌

張孺覺招飲阻雨不赴賦呈

贈相人者

和屠田叔霞爽閣春日閒坐三首

游大慈寺

游寶嚴寺

宿招寶寺

泛舟城南

出郭

柳亭卷

宿山家

螢

送人之雷州

田居作

西山

望霏衡田家

郭南田家翁

放舟

贈朱叔明

太白山上方

各詠一物得倦飛鳥

乞食老人

贈飲者

哭內江趙相公四首

家鳴詩集目錄卷八

三

十五夜詣君房時方禱雨二首

暮入龍華寺曉起四望在萬山上賦此紀遊

小晦山家

秋夕庄居寄陸比部

育王寺與金無傷作

余寡婦

夜雨別親知

七夕

留滯揚州三首

山家為王員外

柳

送黎祕書惟敬致仕歸嶺南二首

聞吳中大饑有自沉與經者作詩悼之

送客之淮安

送彭節推之溫州

已卯歲暮

聞郝謙伯生子喜贈

有懷十八首

寓感寄所知

送客

送僧歸四明

後紀別六首

送客

紫陽觀作

和人待除贈內

清明憶慈園

枯魚過河泣

錢李都督出鎮山西二首

予告省親識喜

家鳴詩集目錄卷八

四

靈巖寺

偶感

阿城阻淺陰雲四合王別駕來顧

家鳴詩集目錄卷八終

喙鳴詩集卷八

二貫有吾 著

五言律詩

家園春日

芳樹掩衡門春風澹酒樽雲青楊子宅草綠董生園  
委運知天意銷聲混市喧明時容偃仰散髮布衣尊

喜雨

江城明野燒旱魃厲秋天太守如無雨農家豈有年  
喙鳴詩集卷八

濕雲看出樹甘澤喜平田莫問西成事鷄豚早宴然

送客歸黃山

萬壑擁空岑孤峰下夕陰鳥歸松影没人靜月華深  
黃帝去已遠白雲留至今鳴琴幽澗底獨夜老龍吟

別陸無從

黃葉過蕪城相逢道姓名知君素心者願結久要盟  
野舫雲齊落湖帆雨亂鳴再三揮別手萬古一

含情

送叔父歸

孤航春首路渡水夕增波山色隔江好潮聲近岝  
多桑榆人老矣朝暮夢來何報我雙親道見時未渡河

贈趙客

何來稱趙客意氣似邯鄲好俠黃金盡閉門春草  
寒老無慙歲月貧不落衣冠獨有虬髯在高歌天地寬

喙鳴詩集卷八

早秋送人北上

蘆葉壯心驚淒涼似羽聲一樽遽北發萬里盡西行  
蓬梗人猶汎蓮花氣不平漸離高館下無處有平生

錢塘觀水漲

客行無樂事一步不如歸數日河魚上千溪石燕  
飛濤青烟樹小風惡亂鴻微處處牛羊下天寒深堦扉

逢呂中父



君自鄉山至悲歡問起居故園經歲別花事近何  
如倚和時禽韻飛揚天地廬崢嶸豪氣在吾欲共  
牛車

遊鶴林寺

廢寺倚林端荒碑欲讀難日長猿果落秋老鶴松  
寒葦敗無天白楓狂雜雨丹可憐生滅意飛鳥下  
空壇

瞿脰湖

西風罌脰湖積水曠東吳岍樹微於點江天青欲  
喙鳴詩集卷八

無羈腸終日遶客計一舟孤買酒三家市蕭蕭夾  
岍蘆

七夕舟中

令節陳瓜果歡聲出苑牆桂花微露彩榆樹遠成  
行斗酒江天白孤舟落葉黃南飛靈羽去誰為結  
津梁

越溪

曉泛越溪船江清十丈牽雖云鄉井隔漸喜語音  
便舊俗茱萸酒芳隣松柏年清風送歸棹羅月夜

娟娟

逢故友

猿斷尚啼秋逢君江上樓自言時命謬無復友生  
求離獸思豐草飛蓬感故丘遠慚行牧者五月一  
羊裘

迷樓懷古

錦纜照青潯龍舟艤鶴林翠華臨閣迥珠綴俯江  
深桂月明妝色蘭風望幸心誰知千載後雲霧晚  
沉沉

喙鳴詩集卷八

登焦山

昔賢嘉遯地山水尚無喧水逝人如在山高道與  
尊迴波悅土性落石倚潮痕到處飄零迹何年來  
灌園

送入宦東陽

幾看春草歇仍為一官留海月泊漁浦江帆入婺  
州青氈猶舊物白髮滿孤舟何處堪長嘯吾家八  
詠樓

戴叔倫墓

在金壇城南

尚有碑全在曾無字可摩山川人代異烟雨墓門多是日中和節詞人倚舊歌臨風滌杯杓吹綠自東波

贈歐子耕楨父之子

青種傳舊物年少有歐郎詩力無人勇才名與父長嶠雲迷布襪江月入奚囊千里騰驤意神駒不可當

玉河新柳

辛托天家近應言帝澤私東風一夜力南陌萬條

家鳴詩集卷八

五

絲繁馬低堪供藏鶯綠漸疑關山風物異誰向笛中吹

長安人日

三年長作客七日又為人旅館浮雙塔殘燈作四隣尚寒花事淺近塞鴈聲頻莫騁乘春意徒增百感新

送長子縣劉尉

白晢美姿郎青春墨綬香片霞過上黨遠樹涉清漳間俗全分晉歌風尚似唐送君以蟋蟀聲入曉

山蒼

輓廬九潤之潤之老始作客客而輓死

白骨藏何地新詩付落暉一生初作客匹馬不同歸人世交游少詞場物色稀獨憐機事盡應化野鷗飛

哭亡弟六郎

羈思不曾開秋風少鴈來如何雙鯉至條報伯牛災死去憑誰語魂歸定幾回朝朝春草夢今日委蒿萊

家鳴詩集卷八

六

送趙相公歸蜀二首

慷慨天下事予今曾幾人簡命親承帝流言尚及身三邑終歲路九死一孤臣賜玦非君意明朝憶釣綸

得喪何常有妍媸合自知誰能容骨骸獨解妬蛾眉未路頭顧白私恩涕淚滋飛鴻征旆外猶得整相隨

陸氏庄二首

出門何所往命酒即前期驅馬翩然至流鶯終未

知水縈方苑住天與艷陽私坐久更啼鳥清風習習吹

輕草堪留藉流泉足洗杯春餘池館在吾戴接離來鳥倦群鷗狎花遲細雨催故侯歌舞地歸騎總徘徊

### 長安道夜歸

雙塔破山影斷霞留夕陰鴻鳴極浦靜月上東堂深病骨驚時序寒梅識古今正逢三五夜隣婦莫愁砧

東鳴詩集卷八

### 送陳氏赴遵化教諭

可能無尺寸虛此鬢頭花三輔試青簡諸生朝絳紗蘄雲寒竹笈還月靜年華長日談經處知君擅九家

### 答相者

事拙悲鷄肋人閒媿馬曹道心殊未長微尚豈能高宿雨沉孤夢秋風颭二毛奔蹊非我志因謝九方臯

### 紫閣

紫閣自生香聲華滿道傍百司方敬諾諸客又游揚伊呂無前執蕭曹竟末行三光凋不盡千載樂何央

### 九日送洪山人之魏郡赴張使君招

九日送君行黃花意不勝酒當燕市別高自太行登返照臨龍塞悲風度馬陵故人今遲汝幾夜問青燈

### 送馬氏赴晉陵教諭

之子腹琅玕公車獨進難何能三獻玉聊用一彈丸

東鳴詩集卷八

冠澤國秋容老泥田鴈影寒彼都人士美誰共採芳蘭

### 擣素二首

玉露淒寒色玳砧別斷腸雙星照閨閣片月擣冰霜節赴清殿急聲隨白鴈揚小姑宜記取休嫁羽林郎

天外家家韻閨中寸寸心參差似相應淒絕在無音此夜悲刀尺何時見藁砧人人聽下淚獨有塞雲深

讀謝枋得傳

朔風吹漢月胡馬暗神州燕市孤臣死中原王氣  
收程嬰空有恨龔勝得無憂千古崇真院傷心水  
自流

漁父

江海日風波乾坤奈爾何深蘆維短棹空港答長  
歌故國相將老鄰舟或並過遊絲常罨網河飲不  
須多

與王仲房酌

味鳴詩集

卷八

乙

傾我門前蓋盍君頭上簪第教雙耳熱何畏二毛  
侵明時箕穎意歲暮滄洲心未得相將去空堂一  
夜深

寄四十二家叔

蒼蒼高閣裏詩思與誰新晉代林中士免時物外  
臣禽魚命酒伴江海給閒身可羨非龍性神龍不  
可馴

楊氏別業

園列初榮日群啼狎惠風通流魚飲沫香薄鳥爭

藪招鶴烟翎近參鷗野性同高陽虛左席潦倒讓

山公

紀別八首甲戌二月簾中作呈沈幼真

燕市慘相持荆卿與漸離任嘲玄尚白忍染素為  
緇伐國人何問披裘牧者誰丈夫墮地異七尺有  
鬚眉

天地立斯須江山去鬱紆昔人皆愛鼎吾道在乘  
桴梅福今逃漢梁鴻舊入吳慣知南北路不用泣  
楊朱

味鳴詩集

卷八

十

海上少田耕春來拾蚌璽持酣千日酒絕勝五侯  
鯖未擬冠裳會難知天地情子真巖谷下白眼漢  
公卿

病馬玄黃色臺高不可攀卸鞍歸舊主留骨向青  
山矯鳳三千里飛龍十二關前途君自慎休使鬚  
毛斑

憶昔挾書來公車不用媒孫弘正開閣郭隗遂登  
臺月桂人皆伐露桃誰敢栽如何談密坐今日有  
餘哀

叔夜甚不可淵明歸去來暫隨鷓鴣入終與海鷗  
迴白玉公家署黃金自古臺歲寒巖壑下亦有桂  
花開

一病損朱顏青春憶故山歲時馳傳盡車馬問程  
還高枕滄波濶長歌海霧間故人書札至童子一  
開關

樹老因為社蘭鋤本在門小人懷舊土一室自稱  
尊謀國今如此微官何足論所嗟天下事流涕滿  
乾坤

歐陽詩集

卷八

十一

承家叔賜問小詩奉答無問箕仲兄

信至知無恙雙鷗日益親清狂樂酒德談笑獎人  
倫時世迷青眼江田老病身仲容相對在科跣竹  
林春

送彭穉修下第二首

相知何自晚春杪薊門逢已恨桃花暮空嗟柳色  
濃鷺濤江九折蠡浦夢千重藉甚誰能掩人傳翰  
墨蹤

衆人嗟漢落之子獨瓊奇不以燕金盡而懷楚璞

悲空囊貯肝膽雄劍朗鬚眉收豕青山下孫弘未  
後時

顯靈宮宴坐

休沐棲靈境齋心對鬱羅篆烟深夜直鳥語暮春  
多世事悲移壑人生感俟河阮公長嘯處黃鵠幾  
回過

喜雨

觸石纔膚寸群聲動地歡不因炎今久誰識解恩  
寬九扈應占穰諸祠且罷壇願言三日後匹馬向

歐陽詩集

卷八

十二

人乾

新月戲贈于可遠納姬

三葉數竟莫鈎金鑄水精曲眉纔隱見纖耳半丹  
青忌滿辭終夕分光及小星吐生方此始仙孕幾  
時靈

寄題史氏紫雲館是金吾生處

浚谷晴光麗靈丘淑景遲亭開蓬島象花貯艷陽  
姿珠網楊梅塢霞文豆蔻枝似移丹穴近風靚九  
成儀

送茅平仲歸潤州

僑居慘不樂舊隱復何如  
欄損春前藥蟲殘雨後  
書廢機迎汝意燃桂入秦餘  
昔日江湖至牽綸尚有魚

拜經筵日講無起居注

海色動晨曦秋風稱袷衣  
肅行隨象入端笏待龍  
飛玉漏猶沉箭金華已啟關  
時平無主聖簡牘數行稀

秋日憶君房

嘯鳴詩集

卷八

十三

棲息總依禪楊雄玄又玄  
青雲伯夷傳白首南華  
篇故里梧桐後空巖桂子前  
已知搖落意秋色盡堪憐

臨淮李侯執歌

昔聞河帶擅今見壑舟移  
不繫青驪影能無白馬  
悲雅歌參征虜驛馬鄭當時  
空有新連色秋燐雨後吹

張孺覺招飲阻雨不赴賦呈

勝招成屢失此日復愁霖  
疲馬先人倦浮雲掩戶

深涼生新簟夕嵐墮博爐  
陰明日風光好開尋向  
竹林

贈相人者

燕市逢唐舉吾今不問年  
形骸寄江海勲業徃神  
僊素祿終何補玄經或可傳  
自當安蹇劣慚謝九方歎

和屠田叔霞爽閣春日閒坐三首

危構層霄外中天積翠分  
藥盤承顙日茗椀吸流  
雲酒與鶯花醉人同鳥雀  
欣妙香留客暝嫋嫋霧

嘯鳴詩集

卷八

十四

中焚

四望盡嶮岫何方見早春  
偶隨江燕翼來作海鷗  
人明月光蘭佩青雲瑩葛巾  
逃堯應未忍近市作間民

樹樹青相亞枝枝盡欲花  
嬌鶯當戶細倦鳥觸林  
斜鑿沼貯甘雨疏牕延落霞  
頻繁下君榻渾欲近移家

遊大慈寺

我來尋淨土十里憩松陰  
池絕空諸有山光明佛

心金精歸上界琪樹隱中林明發慈雲嶺青關掩月深

遊寶嚴寺

高山薄雷夕微雨濯煩襟鳥性欣蘭砌人聲遠竹林十年懷想意一日坐觀心定作田居隱時來發磬音

宿招寶寺

遂登多寶地來聽梵潮音海月夜能照晨風秋欲深岩峽一山外栗烈四天陰不有扶桑日安知天

地心

家鳴詩集卷八

十五

泛舟城南

超然嘯儔侶鼓枻白鷗群新雨深江色斜陽淺嶼文出鷺來海谷歸鳥入吳雲小豁胸中滯嚴城畫角聞

出郭

出郭春將晚舟中領翠微雲光翻鳥去雨色滯蜂歸楊柳村堪繫桃花鰕已肥不能舍田父衰笠坐依依

柳亭卷

燕飛江寺白羅槩一舒眉山斷雲歸處鶯啼客到時綃文絳桃淺綠縷綠楊滋縱闕琴尊御年光入藻詞

宿山家

公等領丘壑四時開茂林竹風搖壁影松月隨牕陰野酌侶可悅病罷今已深從來松桂裏盡是古人心

螢

家鳴詩集卷八

二六

點點復依依青光瑩葛衣似星紛可摘銜火照還非乍滅疑遲晦方明又續輝一辭僊苑出猶認讀書幃

送人之雷州

庾嶺去猶賒居黎半雜華山藏椰子樹溪落蒟醬花望月應千嶂窺天自一涯微官是何物秋雨送征車

詩音

田居作

天青山一色歸鳥入虛無麥浪翻新穗桃霞點故

株賤驕堪翫  
辭短飽任侏  
儒未遂三山去  
焚香亦可娛

西山

頓忘芳草怨  
佳此綠蘿寒  
躡磴高低上  
緣源互屢看  
暗雲微杏火  
鳴瀨雜松湍  
搔首嗟無負  
良辰縱目寬

望霏衢田家

海氣日蒸天  
居人亦自憐  
深春千嶂雨  
瘠土一刀田  
官稅無高下  
農時決歲年  
干戈今告罷  
漸有幾

家烟

家烟

郭南田家翁

舊識此村好  
還同谷口尋  
杖藜看黍色  
席草話桑陰  
海月寒騰照  
秋雲坐隱深  
宅邊慈姥竹  
濁酒一開襟

放舟

羸病居無樂  
出門欣歲豐  
餘糧棲隴上  
熟棗落園中  
露重蓮房冷  
霜深柿葉紅  
葦符應罷誓  
一櫂任西東

西東

贈朱叔明

人生信有命  
皇路去無階  
獨友人千古  
幽居海一涯  
浮沉空里巷  
放浪老形骸  
宅畔凌虛塔  
登臨孰與偕

太白山上方

拂霧躋危磴  
披烟數亂山  
一松承日起  
群鳥送雲還  
細溜經寒澁  
初苔得雨斑  
心馳縞衣使  
獨此伴僧閒

各詠一物得倦飛鳥

記得學飛年  
人驚鷺鷥驚  
一翎橫四海  
孤影度千門  
天遠遊今倦  
花明眼欲昏  
君恩寧不貴  
臺沼怯乘軒

乞食老人

無戚亦無歡  
無衣亦不冠  
月明蟬腹冷  
天遠鶴翎寒  
竟日或不語  
兼旬時一餐  
世人無所用  
寫作畫圖看

贈飲者

只願劉伶達  
還稱阮籍真  
盛誇豪飲事  
顧笑獨醒人



人擁劒餐猶在鵝夷腹屢塵一丘糟築就百歲可  
沉淪

哭內江趙相公四首

鳳歸天際巘麟逝帝家廬西絡猶瞻彩中朝忽訃  
書道高如不肖才大固多餘遽委蒼生望孤雲飛  
太虛

紫閣投簪日青郊返旆初後生嗤狗曲門客掛蛇  
書楚澤方歌鳳濠梁正樂魚計來長已矣無命欲  
何如

歐陽詩集卷八

十九

歲隱東方木天移北斗杓大名垂寶鼎異數出公  
朝晏坐憂天下明時耻聖堯爽靈應不死陟降在  
丹霄

五丁移壑夜一柱忽傾西盛德門生誅嘉名太史  
稽白雲已犬吠紅葉杜鵑啼欲哭羊曇路山川處  
處迷

十五夜詣君房時方禱雨二首

病骨支離甚猶堪坐二更入門據左席索主出金  
翼如此蟾蜍影難為斲錫情悠悠天萬里隱隱墮

鍾聲

月明如積水只少向人流豈謂星河夕翻令雲漢  
愁民勞迄不雨天旱意中秋側息無窮意鳥還人  
倚樓

暮入龍華寺晚起四望在萬山上賦此紀遊  
寺出飛鳥外妙高千古臺翻驚昨日暝何以御風  
來雨脚懸初旭雲腰起大雷因知無色界諸幻更  
環我

小晦山家

歐陽詩集卷八

二十

雜沓萬山中登臨費數節偶從樵客飲因見古人  
風霧與松枝冷秋歸柿葉紅暝樓烟樹裏石鏡挂  
溪東

秋夕庄居寄陸比部

虛室度華年無營只自眠雲中三秀蕝戶外一峰  
懸江月澄秋水溪霞紺夕烟膺心無一事書札若  
為傳

育王寺與金無傷作

坐擁百花新皆山獨早春雄談齊一指妙諦演三

身鐘似魚龍定僧於虎豹親心知白雲事何日渡  
迷津

余寡婦

衆人皆有匹之子獨無他汗竹湘君淚心香梵帝  
家愁懷掩寒雨空影落飛花待到同歸日蘭閨無  
限嗟

夜雨別親知

積雨暗江蘋蕭蕭鳴向人可憐別時意全是夢中  
身客榜投雙嶼漁燈照四鄰長懷竹林士寂寂甕

東鳴詩集

卷八

二二

頭春

七夕

病卧他鄉閣情懸故國樓空庭無喜鵲獨客愧牽  
牛梧影猶通月蘋花竟入秋青山望轉積惟見水  
悠悠

留滯揚州三首

驚心飛海月三度照揚州簾捲蒼苔夕人閑綠桂  
秋青陽江上老白髮雨中稠不及門前水滔滔逝  
不留

逸氣在重霄經時卧寂寥天空鴈翎迅秋遠鶴聲  
高雲霧開孤劒風塵颯二毛霍然推枕坐今日廣  
陵濤

何以遣羈思茶香松下烟啼螢秋雨後飛鳥暮鐘  
前白社聞歌日青樓索酒年西風鳴萬壑何處一  
春偏

山家為王負外

浚谷幽人宅中林處士家波濤上松樹歲月滿桃  
花童子調黃鶴僊人養白鴉客來何所事相對飲

東鳴詩集

卷八

二二

流霞

柳

柳色太無情青樓心暗驚方從笛裡度又向陌頭  
生繫馬絲偏弱窺人眼忽明春光離別盡何用擲  
流鶯

送黎秘書惟敬致仕歸嶺南二首

我愛黎夫子風流自古情詩成宮女誦朝散酒人  
迎雲霧江鷗濶菰蒲海燕輕天長一杯酒丘壑掌  
中生

春風方汎汎楊柳不生悲已出榮枯外安知攀折  
時墨花飛桂樹賦草托辛夷今日冥鴻翼鷁鸞不  
敢窺

聞吳中大饑有自沉與經者作詩悼之

月冷江楓夜天長野蕨秋饑鷹驅鬼物白日覩泉  
幽魚驚翻爭得烏鳶或見求縱能封汝骨麥飯幾  
時丘

送客之淮安

卷帙辭交侶趨庭拜府君清霜高古驛匹馬隱寒  
雲鳴詩集 卷八 二二

雲淮海波濤息江河氣色分一官休自小列宿總  
天文

送彭節推之溫州

山水畫開衙僊官駐永嘉群峰團橋袖一雨見桑  
麻吏事空庭樹閒心小塢霞鳴騶山館下驄馬欲  
生花

已卯歲暮

勝帖從兒問辛盤祇自憐蒼蒼今日夜親遠此涯  
天霜為寒鍾白河當海樹懸江山將歲月併積蘄

門前

聞郝謙伯生子喜贈

萬事從今足誇君得鳳麟試啼必英物入掌見奇  
珍湯餅集佳客桑蓬慰老親椒聊有繁實猶待後  
庭人

有懷十八首 有序

此十八子余同年館友也各有奇抱辛巳  
歲余再入京而落如晨星愴然感賦

危言領時論遠逐瘴河濱榛莽蛇吞象溪山鬼笑

鳴詩集 卷八 二二

人涼生簾簾夕煖入柳歌春何必嚴灘上垂釣是

隱淪

趙汝邁 隨牒學臺

自拂桑皮紙閒書桃葉歌定情知有以樂志豈須  
多蟲口殘虹雨楓橋春水波扁舟任來往落日一  
漁蓑 韓存良 請告長洲

玄尚資三劍浮名握一瓢白雲空大澤明月度長  
橋左臂應為彈雄場不復梟吳王闔鷄處鬼火向  
人燒 沈道立 歲舟吳壑

崢嶸負奇氣勲業掌中看一別青門酒頻加白字

餐萍踪逐浪易橘性度江難雙劍來何暮朝朝斗

際寒

范汝益 薄仕閩海

鐵馬初寒日金莖欲露時百勞從此去比翼更何期縹緲洪崖嶺虛涼梅福祠尚留鷄犬在須遣八

行知

張明成 高卧洪都

綴草賢崔瑗傳經癖杜公風雲將事會丘壑與心同儉德存吾道微言感聖衷歲寒東海上携手入無終

朱少欽 執經金華

昔作同心樹今為斷梗流微官白雲物一醉清源

吟鳴詩集

卷八

二五

秋露泣刺桐浦風傷橄欖洲百年惟道貴四海任

悠悠

習時甫 左賓泉州

桴華通寒候壺觴隱座深鮮雲宮樹色片雨帝梧

陰溫飽元非志須眉獨信心坐斜天際月香篆落

沉沉

羅一甫 陸沉金馬

獨有東方朔能高大隱名遨遊漢天子談笑魯諸

生殿礎春方潤樓陰晝屢橫正勞答客難車馬任

逢迎

王忠伯 徘徊講席

舉世無青眼佳盟獨杜康壯圖垂巨腹善謔侮諸

郎名馬方駢伏游龍且戢翔日高談塵動旗鼓正相當

徐公望 談笑金閨

海隅方散髮魏闕未關心山澤形骸苦冰霜水月深諸生何是古宰相不非今烟雨樓前別片帆風不任

沈幼真 息鞍橋李

不飲奈人何浮名感逝波斗牛窺閣度日月校書過夜雨傷鶗鴂春風閉薜蘿欲將三命理持以訊義和

黃鳴周 寐寔校書

撫劍燕山外驅車易水前賈生傷鵬日季主拂龜

吟鳴詩集

卷八

二十六

年世事庭闈好人情妻子全任他譏屑屑幽夢落

鐔川

田德甫 匿彩延津

圃澤故多賢榮名及少年明心既皦日高義復雲

天派劍秋風外一珠明月前何為大梁道裘馬自

翩翩

張南榮 謝病梁園

倚劍岌堯閣彈琴寂莫臺風雲詩思遠山海酒腸

開千兔毫會禿雙魚信不來汾陰方欲駕遲爾子

雲才

李元甫 息影捷為

後輩推文體東方領大風授經最批析造膝何從

容迹與金門隱心將黃石同鳳皇雖五彩今日羨  
冥鴻

于可遠避色東阿

已就韋家業還窺鄴架書開心生錦繡酬價有璠  
璣蜀道人來少巴江月出初羨君謝天伐高咏白  
茆居

陳元忠 韜名巴國

帝里班荆日仙林和郢年筆搖七澤動墨散五湖  
妍星自中宵墮人疑渤海仙若為頻夕夢尺鯉竟  
茫然

李本寧 鐵羽荆山

中山長命酒四海太平時翰墨無前輩風流有故

吟鳴詩集

卷八

二十七

知鴛鴦欣再集犬馬愧先資珍重今朝會應知白  
日私癸未喜諸友至作附此

寓感寄所知

萬戶烟雲動三春物色虛中原多難日頻歲荐饑  
餘群盜方蠶食高堂且燕居不知建旄者非笑復  
何如

送客

白髮今如雪大冠空若箕身無一筭復囊有七哀  
詩水國停橈日江山命酒時愁君驟鶴去歲晏只

相思

送僧歸四明

聖諦應無住神人以不材大江持呪去苦海踏蘆  
迴禪誦荷香入經行桂影開死生憑佛力飛錫幾  
時來

後紀別六首

留滯非吾土窮通信彼蒼交游成薄道勲業待通  
方飛藿初零落平蕪始播揚疏峰開小閣八桂已  
芬芳

吟鳴詩集

卷八

二一八

家貧富丘索長日暮歸田過雨殘荷晚經霜紫鱗  
鮮雲峰結禪寂海月期神僊自好殊不淺長空秋  
眇然

山濤雖少怪叔夜自無堪疊浪奔鯨怯歸途老馬  
諳天寒傷翠竹髮老愧青衫酒德劉伶頌吾今意  
亦甘

竟日行還止頻時喜亦悲金倪寒欲暝鐵馬夜初  
嘶雪涕今如此天心未可知濁醪有妙理沉醉復  
何之

封章觸聞罷長鉞歌歸來秋水淮揚遠片帆江上  
開欲從詹尹卜誰信屈平哀莫怪吾醪濁淹留只  
數杯

難將憶別意說與賦歸人酒熟清明火花殘小徑  
春稻梁生計足竹葉性情真明月鄉山外西風吹  
一身

### 送客

鞍馬照西鄰垂楊送北津誰云強項令甘作折腰  
人縱目歸青鳥搔頭到白蘋帝鄉三度發緇簪此  
家鳴詩集卷八

二十九

### 回新

#### 紫陽觀作

碧落曙闌開祥風吹玉臺一山大野盡萬里連天  
來枕上雙鴻度窓中衆壑哀僊人同六博鼓掌夜  
深回

#### 和人待除贈內

待除衣屢敝望遠鏡頻圓梅熟將成雨花狂欲上  
天孤燈方自照尺組為誰妍後夜思歸意泠泠別  
鶴絃

### 清明憶慈園

萬山懸夜壑獨樹倚溪門游子風塵淚孤臣海嶽  
恩春秋惟往日去住此何村一寸心中草茫茫自  
斷魂

#### 枯魚過河泣

莫食楚江魚魚中有大夫白雲收潦水黃葉覆菰  
蒲肝膽笑仍在風雲生有無波臣安用泣河涸也  
當枯

#### 餞李都督出鎮山西二首

家鳴詩集卷八

三二

都督名家子長亭酒解深先零耕戰策關輔結交  
心拂劍搖邊月看鴻到上林何由紆北顧須使絕  
南侵

永日非吾事全家赴國讐出師橫地脉轉戰到天  
頭角裏單于小弓前白草秋歸來漢天子獨拜冠  
軍侯

#### 予告省親識喜

庭綵歸游子宮袍識近臣共誇晨省日正是晝游  
辰十載燈花結千齡栢葉新寸心猶去住何以答

君親

靈巖寺

支策探禪源峰迴出寶幡經行無事事梵唄不言  
言棲樹龍光寂依龕燕羽尊前山有明月坐殺一  
林猿

偶感

南八真男子陳三亦丈夫單衣寸心絕隻矢一身  
孤霜雪人俱厲乾坤氣獨舒臨風歌古調流涕滿  
平蕪

喙鳴詩集

卷八

三十一

阿城阻淺陰雲四合王別駕來顧

客望甘泉渴君携時雨來片雲新出樹長日共銜  
杯歸路心能寂迷方眼又開看余御風去一夜到  
蓬萊

喙鳴詩集卷八終

喙鳴詩集目錄卷九

五言律詩

驄馬

剡溪

大隱

七夕逢王大別

入招隱

送留都周考功入計

過雙莊

野坐

候濤山作

醉過禪院

送屠田叔還閩運司

若士

苦雨二首

喙鳴詩集目錄卷九

秋雷

贈張公魯

木假山

臘月立春

七夕二首

東山

北園假山

送吳伯恒方伯

龍使君奉佛棄官詩以訊之

過李中甫看雲池憶賓甫二首

長文讀書山中

月湖秋泛

觀傀儡

早至白露節農無望

夜聞簷溜

襲上人問疾賦荅三首

送僧

哭楊伯翼二首

泛舟蘆頭堰

雨後

第十嫂

贈陳魯季

行樂

送汪主簿孟陽歸歙

驛邸不寐二首

悼內五首

辟兵符

玉峰道人

孝安皇后輓章十首

早朝

秋月

夢泛芙蓉江

趨直

喙鳴詩集目錄卷九

休還示僧廣

送張學博致仕

送魏明府蓋卿復任鄞縣

齋前石

自哂

柳眉

休沐

望月感賦

本寧談蜀中用兵後和二首

香山公主輓歌三首

過雨池上

曲几

眼花

聾



憶讀書處

李本寧以諸葛武侯祠下詩見示賦和二首  
張輝甫給事病篤其女纔十三剖股飲之給  
事復生一日卒余悲而贈

客槎

中秋夜夏鎮舟中見月食

東歸同年沈思質蔣中悅高子和沈時抑年

姪沈太玄飲余西湖

慧上人方丈

祖關久圯僧傳慧負土成築余賦二律

景鳴詩集目錄卷九

三

國清寺贈無盡禪師

徐孺子

游仙三首

景鳴詩集目錄卷九

景鳴詩集卷九

四明 沈一貫肩吾 著

五言律詩

驄馬

驄馬四蹄驕乘風氣象高金鞭流曉電玉鐙響春  
濤縮地無無汗行天別有毛歸來林日晚群壁綴  
征袍

剡溪

寂歷羅雲嶠參差亂水湄扁舟成獨往樵子問誰

景鳴詩集目錄卷九

一

期松下排菱角蘆中雪藕絲還如武陵日悵望桃  
花迷

大隱

大隱著山樊昔賢風韻存樹根盤石出鳥語答人  
溫澗飲連群鹿藤飛狎子猿無勞同謝客鑿石下  
江門

七夕逢王大別

投轄雙星夜停杯一雨心露微花氣重月冷竹光  
深携手低河曲長謠破嶽陰若為御靈翮猶作斷

行禽

入招隱

舊隱人何在余今賦反招山深寒乳虎松老凍飛鵬谷響如酬問童來或應謠自然成擊壤何以欲逃堯

送留都周考功入計

南選庭除肅風雲舊主盟及瓜還自考持鑑與人評蘭氣原相似冰心又獨清諸郎相遲久到日下階迎

張鳴詩集

卷九

二

過雙莊

行役見斜陽山川非故鄉半天容數鴈一騎過雙莊水去空冰白沙來積雪黃問余何所挾四海一奚囊

野坐

綠水行舟處青山命酒時片雲能載日落葉自題詩山賈朝携婦溪漁夜就師薄言心賞洽數誤野人期

候濤山作

目竟白雲橫馬知積水情鳥衝秋霧杳魚跳晚霞明忽嘯低為澤俄飛起作城有帆來自遠風雨不言驚

醉過禪院

不意尋中聖猶能謁上人酥明香積院花轉法王輪忽醉應容我逃禪已外身遠公相送處流水淨鄰鄰

送屠田叔還閩運司

又送鹽官去南過閩海雲馬蹄上冰響鳧影及郊

張鳴詩集

卷九

三

分候館踈寒析行厨小暮暈惟應幔亭月遲爾白紛紛

若士

何來稱若士汎汎起清風詩卷留西派禪心近北宗花明丹似女松老禿如翁前日天台去辛勤折數筇

苦雨二首

非旱即為潦皇天應棄民鴻高千里霧魚老一江頻料得田多耳能令巷有人窺門猶未霽何日可

回春

嘉穀報成西愁霖爛作泥山椒鳧影合木末荇花  
齊江暗頻驕鱷林昏屢悞鷄菜根三尺水無已沒  
黃蘗

秋雷

秋思滿江城單衣習習輕林蛩吟欲入梁燕語將  
行水閣逢雷墮湘簾失雨驚誰知天地大也媿辱  
收名

贈張公魯

喙鳴詩集卷九

四

槎湖饒秀色之子亦瓊琚慣以他山石來攻屈玉  
書裁雲過禹委翦薙到秦餘堪笑王烈空游碧  
落居

木假山

適共採樵還因移谷口山收雲藏草性借雨點苔  
班枯槁禪心寂槎牙寺影閒醉醒携枕簟累日竟  
躋攀

臘月立春

京兆土牛來春風拂滿臺非無餘列在自覺笑顏

開村旆皆題栢途歌並舉梅楸盤仍拜賜先頌萬  
年杯

七夕二首

令節牛郎渚佳期燕子樓桂香飄下界桃葉駐中  
流露濕仙裾重風清越苧愁携卿五湖去百事不  
須憂

天上河方淺人間露未寒金針聚纖手山果落雕  
盤私語蛩吟草微酣燕蹴蘭白榆都落盡昂首見  
歸寒

喙鳴詩集卷九

五

東山

曲水曾游處微風適意時綠陰藏睡鴨新燕觸游  
絲谷口春方晝閒心樂自知謝公墩尚在吟眺得  
吾師

北園假山

聊將獨往意寄與一拳中無事適可悅遠心殊不  
同陳根支石險寸鮪破池空徙倚石欄暮輕裾生  
細風

送吳伯恒方伯

卑濕南方地遲留北使天民歌來日暮帝與好春  
偏華轂誰能卧飛檣忽已仙甘棠清蔭在流潤滿  
山川

龍使君奉佛棄官詩以訊之

本是楚狂人來觀東海塵移書漢主吏願作梵王  
臣為道長擽賤談清已任貧吾知裴相後惟爾最  
當仁

過李中甫看雲池憶賓甫二首

鑿地得青雲因風漾彩文何能眠白晝終日泣離

零鳴詩集

卷九

六

群疎雨當空落飛花入夜分樓頭鴻鴈影嘹唳不  
堪聞

登君池上樓哀思何颺颺人與流波逝雲依落月  
留墜梧歸鳥夕宿草亂螢秋相對三荆樹燈花催  
白頭

長文讀書山中

陟爾讀書臺虛窓四面開舉觴欣道在展卷有朋  
來鵲踏新磚淨鴻窺舊壑哀悠然成太古不減到  
蓬萊

月湖秋泛

秋入涵虛館天間衆樂亭湖含七橋月人聚一船  
星此地祠狂客吾今老洞庭獨憐雙鬢白點破數  
山青

觀傀儡

僊師情思巧即席起春風寫恨來眉上移歌入口  
中彩雲秋窈窕白雪夜空濛只恐君王怒無能待  
曲終

早至白露節農無望

零鳴詩集

卷九

七

白露今逢序諸壇合罷祠雨來無所用天意已堪  
知米價方朝湧偷兒或夜窺更愁州主計何以給  
軍資

夜聞簷溜

自憐雙耳內久失此泉聲枕上今宵得齋中一夜  
清夢魂輕欲舞咲語遠相迎急喚兒曹起新詩不  
索成

襲上人問疾賦答三首

吾心如宇宙茹納萬靈多浩有天知我終無世作

波玉山飛列缺銀海散曼陀那見真空性猶勞佛  
祖訶

生死無真力呻吟有鬼嗤八風吹枕簟二月照房  
幃似水終東逝如輪莫返馳魔王良愛我終日儼  
威儀

大患從身起無身病亦無維摩從病入令我致文  
殊白骨新成觀黃金久鑄軀陰陽原不沴造化偶  
拘拘

送僧

寒鳴詩集卷九

古寺倚南淙派雲挂寶幢將游天地外安得世人  
雙飛錫橫千嶂乘杯逆九江何方堪極目落日隱  
西窓

哭楊伯翼二首

世人無達識此道只論聲獨好君家事堪高我輩  
名江雲猶駐白湖水若含清今日脩園樹交交聞  
樂鶯

脩園伯翼讀廢

道異龍分席心同虎負荆楊生喜任俠末路彌縱  
橫死後詩當貴生時世莫名憐才自吾意天地亦

何情

泛舟蘆頭堰

此日吾仍健諸君一小舟清風天上去落日鏡中  
留草色承裾綠荷香入座幽飛鳬散江白歸興滿  
蘆頭

雨後

一雨到汀洲千江水亂流林端飛好鳥舍北止鳴  
鳩紈扇勞初定絺衫汗欲收誰能翳清景直接桂  
花秋

寒鳴詩集卷九

第十嫂

賢哉老貞嫂雅操比黃金萬死憑遺腹孤生衛此  
心長貧歡未得垂老病相侵借問庭前羽何年振  
好音

贈陳魯季

吾觀陳魯季老興益清狂采藥天萬里洞人垣一  
方藤花迷小徑旅葉擁寒塘築室江臯上疊累橘  
子黃

行樂

不識歡為伯惟知藥有君  
虛窓窺落日疎竹度流  
雲塢樹深藏影池波淺  
縐紋砌蛩亦何意相對  
語紛紛

送汪主簿孟陽歸歙

相逢皆歎息信汝實清貧  
海內持公論當今有幾  
人寒江澄似月冬日暖  
于春父老空悲泣難回  
西去輪

驛邸不寐二首

村落不知更終宵亂鼓聲  
荒厨無鼠入遠樹有鷄  
鳴嘶睡嗟僮僕歡言隔  
友生此時正愁絕窓月下

卷九

十

縱橫

夢覺他鄉館寒更何太遲  
自憐多病骨正及未晨  
時宿水龍蛇入荒郊父  
子離燕雖不得老泛泛  
欲何之

悼內五首

弱冠初占鳳著中得盍簪  
悲君玄髮在莫慰白頭  
心素魄雖難駐貞魂豈  
易沉只疑明月下環珮  
發來音

約爾共飛霞胡為早問槎  
故衣分御事餘藥施醫  
家內政當誰寄孤生祇  
自嗟開緘不忍視偕老  
一筭珈

直諫真吾友携持半此生  
鹿車雙輓意樛木四垂  
情綃底空留照旌前遂  
著名朝看仁寶鏡舉眼  
若為明

物物到春歡空閨獨怯寒  
兒啼欲無夜老鼻無休  
酸語或仍呼舊聞如尚  
報安南來書札裏猶說  
五辛盤

卷九

十一

莫測臨危意相持但目成  
曾無一語別豈復有餘  
情佛性終殊俗天游自  
不生潛思鼓盆事猶庶  
緩沾纓

辟兵符

繡縷數行斜迴環疊絳紗  
佳名祛國厲巧製出仙  
家繁臂薰風軟懸門白  
日賒年年蒲酒綠笑倚  
石榴花

王峰道人

我愛邯鄲士車窮斗水寬  
一身更無赤九死遂成

丹桂夜青鸞舉花時赤鳳轉遂看孤往易不見背  
飛難

孝安皇后輓章十首

聖善齊皇體劬勞翼帝躬補天從外邸扶日自儲  
宮樛木垂恩大芳蘭吐秀雄忽聞仙馭杳朔吹起  
丹楓

先帝登遐早 今皇甫幼冲丁寧付神器哀痛抱  
遺弓大練先諸夏重悼靜六宮峻功貽社稷明德  
滿寰中

紫鳴詩集

卷九

十二

懿訓留長在群心慟莫依苑花零雨歇宮鳥片雲  
歸內殿終三爵中人化六衣徽音門外草百辟悵  
春暉

翠鳳春方永銅龍曉正舒如何白衣會雜沓絳霄  
居太史編哀此祠官上冊書 聖情須稍抑鴻號  
滿璫璣

北道行麾動東朝法駕空黼筵移白日編駟指玄  
宮零落公桑雨蕭條御柳風時無青鳥翼啟慶若  
為通

諱書乘六傳一日到天涯玉輦辭黃屋瑤池集紫  
霞萬方皆喪妣四海欲無家惟有同歸處今朝撤  
絳紗

昔在長秋日飄飄御白雲居喧常好寐在世已離  
氛星渚飛嚴衛天衢閱素文真游藐姑射冰雪晝  
紛紛

禁事無人識惟應老監知逡巡辭輦日隱約授經  
時漢后光前史周南散古詩濯龍門外水一日不  
曾馳

紫鳴詩集

卷九

十三

六年襄內治三紀佐中興天上樓新就宮中樂遂  
崩清秋開大隧紫氣鬱昭陵池緯行當閉居廬痛  
不勝

終天辭鳳閣何日問龍樓祖饋當晨膳虞筵代夕  
羞風高陵樹老月迥嶂雲愁惟有春秋薦時朝四  
姓侯

早朝

星耀周廬雷火奔大道騶萬方恭土貢九品肅天  
球舊拜蠻夷倖新封丞相侯龍忽雲起慶知是六

龍游

秋月

秋月淨寒川明珠出海懸鵲群驚穩坐龍女妬安眠  
淡寫山河影低籠草樹烟只疑今夜得還古更無天

夢泛芙蓉江

細雨滑香泥江心燕子齊酒樓方遠近漁艇忽高  
低帆落桃花渡書來棟樹溪夢回窓月小何處五更鷄

翠鳴詩集 卷九

十四

趨直

戒旦肅嚴趨明星傍璫闌御街馴象下寢廟宿烏  
飛飲霧金吾火銷霜衛士衣兩朝通籍在徒感鬢毛非

休還示僧廣

余寓即在長安門西出入常望日偶成此詠

入奉常迎日休還又向陽自憐寸心赤時寄五雲  
傍照我頭顱白明於佛頂光終依懸鼓象一夜到西方

送張學博致仕

驥老心猶壯麟來道忽窮春風朝捲帳夜月早隨  
弓踈葉寒山外殘花落照中挂帆從此去流水不  
須東

送魏明府蓋卿復任鄞縣

黃絹舊才名青箱新政聲緇衣吾雅好美錦爾裁  
成縣裏花枝笑門前柳樹迎獨憐留滯者不及小  
兒情

齋前石

片石齋前立能繁水木清坐來雙得意老去一何  
情蝶午銷殘夢鴻秋度遠聲虛言大隱在終愧小  
山名

翠鳴詩集 卷九

十五

自哂

計余浮浪日已可數車萍轉徙何時定酖醕亦暫  
醒鶴翎天外白鸞影月中青不識昭回意惟看處  
士星

時望冠婚冊立不得故云

柳眉

每覩東園柳長懷西子眉黛從山遠抹曲向月初  
規暮雨凝粧挹春風掩袖吹嬌深自多恨寧獨為



春遲

休沐

休沐還開鏡何時密布霜歌成吳夜短愁入楚雲  
長向日三花笑迎風一葉黃無心誦楚楚取醉唾  
壺傍

望月感賦

碧落太寥廓素輝何自孤人間信鳥有天上豈其  
無鳥逝深雲露花開肅霧樞俄教丹鳳闕一夜數  
驚鳥

家鳴詩集卷九

十六

本寧談蜀中用兵後和二首

夔子當年國明妃此夕村溫泉通海窟石壁鎮江  
門野哭知誰氏年饑守故原啼鳥聲未歇猶和斷  
腸猿

西望峽為雪南窺楚作雲酩奴堪自老葆旅不成  
群叢淺蚕休織田汙鳥罷耘山川厭腥氣流水濯  
巴文

香山公主輓歌三首

人世終難盡天孫倍可憐金錢方浴水玉匣已歸

泉榭殿悲蘭茁瓊臺想鳳旋宸旒心未釋淚顆續  
珠圓

薤露天邊冷蘭風野外孤星宵俄墮海暮忽沉  
珠弄月空秦嶠行雲隔楚巫六宮皆掩黛一夜有  
啼鳥

拾翠投丹壑鳴簫就紫雲將無青鳥使邀入羽衣  
群桂子嶽初結梅花鈿未分天家憐愛主零露晚  
氤氲

過雨池上

家鳴詩集卷九

一七

過雨訊花叢芬芳曲沼通酒杯翻注日人影倒行  
空藥徑流餘澤荷臯激惠風蟬聲數枝意流恨轉  
無窮

曲八

曲八迎新月扁舟轉信風物游司馬外交在市屠  
中就飯胡麻白行吟桂子紅如何竹枝意惟有大  
江東

眼花

老至眼花新惟應入咏頻飛濤遮鷺落絮舞鷗

春雲止連為幄霞開散作隣小齋堪自得休與世人論

聾

世事安可料惟湏付一聲時時修觀法默默與天通  
蟻聞蒲團寂泉流添八空任他黃葉墮已覩五更風

憶讀書處

空閣誰同坐故山應望予玄猿自來往白鳥忽驚  
渠樵斧遙相答鴻聲一寄書長年詠歌處水竹間

寒鳴詩集

卷九

十八

幽居

李本寧以諸葛武侯祠下詩見示賦和二首

蜀故似公奇天威絕域知已無興漢蹟猶說渡瀘  
師軍樂喧銅鼓蠻特賽石碑居人齊下拜雲際晃

靈旗

恨君魚水晚空老卧龍年梁甫歌三士南陽高一

塵代移桑有主祠古柏無烟何事江心石風雷阻

客舫

張輝甫給事病篤其女纔十三剖股飲之給

事復生一日卒余悲而贈

平生忠孝淚老至為君垂寶月正秋缺金風終夜  
悲流暉安可駐填海竟何為他日西江上誰題少  
女碑

客槎

為懷黃石契將返赤松家不謂嬰天網還滋滯客  
槎草長湖水軟花密嶺雲斜猿鶴遙相怨東風又  
歲華

中秋夜夏鎮舟中見月食

寒鳴詩集

卷九

十九

寶奩宜倍朗玄錫尚新磨近耳蟬皆聒當空鳥亂  
過岼香聞白芷村酒待青莎幸避懸流沫微風不  
起波

豈謂中秋夕翻稱小晦天應緣桂寢密暫遣斗珠  
懸獨舫移鍾漏高樓動管絃天心故應爾漁火伴

安眠

東歸同年沈思質將中悅高子和沈時抑年

姪沈太玄飲余西湖

山水足吾留歸雲且暫游蕭然楊柳暮榮若芙蓉

秋白髮中山酒玄言公子鉤此時揮手別往事夢中收

慧上人方丈

定水無時落心花偶自開不煩遠公約竟渡虎溪來坐久絕林氣談窮登妙臺鳥啼能宛轉雲盡復徘徊

祖闕久圯僧傳慧負土成築余賦二律

老宿何年去娑羅此再興信知慈氏力不少法王乘入室密無語看林飛有憑邦人齊下淚雙樹界

喙鳴詩集

卷九

二十一

金繩

金骨終無毀青山復舊觀大珠流日月馴鵠護旃檀林向千花曙天依七寶寒誰其龍象子今日識阿難

國清寺贈無盡禪師

就汝一加食胡麻且任攤玄猿瞑心易白鳥息言難凍解霜崖險春回雪渚寒寒山既開化詎得少豐干

徐孺子

潛德終無耀淵心別有為黃花既感激大鳥亦離披問稼真吾任瞻鳥當語誰不知詮諷者尚以世儒推

游仙三首

昔賢欣祀石吾亦願祠茅生計清齋足朋從素影交月明魚在沼風靜鶴歸巢未就嚴遵卜先占許邁交

為訪中林士來游小有天三雲紛浦樹片月載江舡琅萊秋仍熟瓊芝夜正鮮斯人如可即吹竹共

喙鳴詩集

卷九

二十一

青烟

鵠立通靈島鸞迴入漢臺斑麟承母坐青鳥捧環來說法低三髻觀心洞五胎如何茂陵下松栢使人哀

喙鳴詩集卷九終

喙鳴詩集目錄卷十

五言排律

恭謁孝陵

登北固山

遊招隱寺

登金山寺

中秋雨霽

御河水泮

賜扇

送王仲房

初冬郊外

秋思

送洪山人之江南赴張中丞

送張大赴邵武尹

喙鳴詩集目錄卷十一

送韓存良使朝鮮告登極

送屠田叔歸養

雪後無聊適陸無從寄新詩至却寄

寄題座右憲副黃公西湖精舍

入溪隱

嘲宦遊者

項烈女詩

偶然作

自述寄同年友

少保馬公挽歌

恭題御軸玄兔

徐丈人

集屠田叔求書齋

午睡

之子贈奉川張山人恒

寄贈王忠伯雲中

寄贈巴縣楊封君

旱甚

羽苞十二韻

題漢宮傳蠟圖

觀雲漢

苦熱

喙鳴詩集目錄卷十

喙鳴詩集目錄卷十一

二

喙鳴詩集卷十

五言排律

四明 沈一貫肩吾 著

恭謁孝陵

道邁齊開關勲諧役化工經綸雖草昧嗟拂到春  
風黃屋充非志青革漢起功規摹途轍外指顧屋  
領中駕馭皆諸傑干戈竟一戎事經冠帶始氣攝  
蓋輿窮制作周纖慮哀矜徹細恫蒼龍無榻穩白  
虎有儒通寧獨殷求瘼常懷密檢躬甚真宜萬彙  
喙鳴詩集 卷一

登北固山

信步歷丘樊林深太古存綠蘿彌廣澗嘉木被長  
原岡石繞通馬枝危欲墮猿錫飛空大士金布尚  
餘圍海氣春蒸殿潮聲夜入門臨風忽流睇高鳥  
思同翻

遊招隱寺

舊隱無留迹誰能為汝招旃檀留古寺松檜記南  
朝峰翠猶疑滴園金悉暗銷澗深晴貯雨谷靜晝  
聞潮飲鹿連群下流鶯逐隊調酒堪秋露釀新有  
暮山樵香霧饒雙袖明時穩一瓢杖藜唱歌入韻  
水荷唐光

登金山寺

寶界疑三島瑤臺絕四鄉江心懸法鏡渡口出慈  
航塔鎮龍王藏龕依鴈子堂濺濤銷畫彩隱岫濕  
爐香夜榜投僧火春帆引佛光已聞潮是梵寧指  
喙鳴詩集 卷一

中秋雨霽

秋景在今宵中天正沈寥微絲收海際積翠滿山  
椒珠斗含新潤銀河露遠橋桂花欣有約仙子坐  
相邀飛鏡雙眸豁持杯百慮消還聞水晶箔終夜  
珮聲飄

御河水泮

鳳沼晴光麗皎冰暖氣融玻璃千片簇玉鑑一奩  
空魚喜金鱗縱虹看白練通氣蒸宮殿日響雜珮  
環風流葉波初動垂楊路不窮共欣春令早詎假  
鑿冲冲

賜扇

雉尾香雲合螭頭瑞日圓大臚傳魏闕中監捧齊  
紈竹節含新潤冰絲沁舊寒清風生腋底素月下  
雲端誰復憂中熱方茲覩合歡奉揚彌萬里早已  
遍長安

梁鳴詩集卷一

送王仲房

鵲枝滿長安斯人獨鵲冠如雲任舒卷信馬一盤  
桓狗肆偏經慣漿家欲認難飯牛羞霽戚彈缺笑  
馮驩五嶽誠為隘三山未即寬留君恨無術九萬  
快風翰

初冬郊外

日出千山紫雲寒九野空悲哉秋氣肅去矣客途  
窮歡友懷芳草家林隔轉蓬登高聊假日頽歎欲  
凌風羈束人何甚優伊道不同年衰三十外事往

四愁中不分時光駛惟資酒力雄永懷何所愧漢  
曲棄機翁

秋思

菲薄參朝列蕭條閱令時馬寒嘶北隴蟬暮怨南  
枝思遠湘君曲獨醒漁父辭涼颼披曉蕙零雨濯  
江籬紫閣微崇議青山爽故期非甘胡近竭為寒  
遂前疲延望紛孤慮言旋悔可追魚情歡縱壑升  
斗亦徒為

送洪山人之江南赴張中丞

梁鳴詩集卷一

日暮派漸斷天荒古驛斜長愁紅葉盡緬望白雲  
賒匹馬燕王館深杯劇孟家風期乘白鴈肝膽照  
青蛇漸入江南境行逢歲序華春容浮綠雨海色  
捲朱霞熊軾今停市鷄壇昔擡車棊殘香燼鴨賦  
就墨飛鴉獨有深閨裏怨啼無限嗟

送張大赴邵武尹

魏國賢公子高陽舊酒徒掉頭遊大壑矯翮隘中  
都龍紉終危倚牛刀亦斲屠華旌紛戒道墨綬始  
嬰軀閩粵開東國山川結輿區市藏山海藥邑訟

石田租雉雖看仁洽棠陰見政符明朝鄉縣隔尺素可能無

送韓存良使朝鮮告登極

天序開皇極星陳命使軺梯航彌禹服禮樂拜唐  
堯龍節通夷道犀燈度海潮絲綸臨屬國忭舞視  
卑寮冠帶猶三正聲名尚八條舊封箕子廟沔壤  
漢城橋王事山川迥儒臣雨露饒須令尊俎上踟  
躕畏中朝

送屠田叔歸養

喟鳴詩集

卷一

五

物情矜眇眇吾黨貴沉淪世上名何物人間我最  
親豈無三尺組不繫一間身園列分花藥郊居狎  
羽鱗綵衣翩跹畫野服短宜春甚善雲中壑難期  
慕下塵我今嬰世網命也繫庖人怯灑臨岐淚方  
期養谷神

雪後無聊遣陸無從寄新詩至却寄

獨坐玄冬暮無如白髮莖明河翻浪淺積雪翳林  
清窮巷明寒玉枯枝散落英愁鴟非故色悲鴈每  
新聲病葉饑鶩厭單枝亂雀爭促衿嗟日緩博帶

豈時名梅信來何暮瑤華採不盈先春桂枝意永  
夜故人情郢曲歌逾獨巴人聽自驚北風高衛什  
西氣激秦箏人想焦山卧舟思剡曲行慙君廣陵  
樹流涕忽沾纓

寄題座主憲副黃公西湖精舍

公名璫四川富順人

懸車當井絡疏館枕湖潯石鏡朝開霽雲門暮掩  
陰峨眉同月到烏道與霞臨巖瀑全留八行雲半  
去林釀寒梧雨合滌暑蓼風侵波滑歡魚性泉甘  
暢鹿心蓮從巴女唱竹以焚童吟野燒青樵笠江  
天白釣針未登仙路穩且即隱居深素業師揚馬  
閑情老尚禽星槎長艤漢節節自捫參壁堵間弓  
靶杯盤費橐金昔叨分半席今阻盍雙簪牛峽夫  
何險岩峽安可尋

入溪隱

匝沓轉諸峰芬菲出桂叢天光翠微盡地脉小溪  
通夜谷深藏物春茶稍稅公竹鷄啼暮雨松鼠墮  
秋風久坐疑疎網新來似鑿空不須尋夏里已入  
小空同

朝宦遊者

持盈聞老氏在得誦宣居世有栖栖者人皆惜惜  
為去天尺五地來日幾多時悲老頻投鏡扶危數  
問醫署名疎紙尾伴食倦腥脂送日談空劇趨風  
帽屢欹無言溫室樹甘死太祠犧高下從人指東  
西任吏持耳聾東海誚目瞑北山移進缺益梅望  
歸餘酒肉資徒令猿鶴侶惡說鳳凰池感歎紛吾  
慮風謠作此時須令吾老日勿使後人悲

項烈女詩

烈女嘉禾人許吳江周氏未嫁而從死

琴鳴詩集

卷十

七

有美閨中秀貞孤特邁倫死生一日事綱紀萬年  
身偕老言雖謬同歸事已真寧知投繯日始是結  
縞晨集鳳還齊翼鯨魚復比鱗整榮悲露槿獨勁  
美霜筠蕙郁紛猶在蘭儀盍早陳玉因埋靚彩珠  
以碎稱珍杞哭曾崩莒陰尸不葬荀鳳笙遙度嶼  
龍劒遶遶津諱日無悲歎玄堂有笑嘖名同古烈  
士事異未亾人試問泉臺鏡千秋應不塵

蓋余因項女論吳季子如此夫一劒耳徐君目  
欲未成請也季子心予未成許也然而必復之

曰是在我終負徐君懸之快矣項女之心儀為  
周生婦也久終不能為他家婦有待死耳等死  
耳百年死與今日死何異何不旦夕引決而久  
此胡為下宮之事嬰猶下報之古人之不欺其  
心類如此且古之不死者類有待非跼蹐空老  
也或曰未成夫婦而死過矣余故為之辯又曰  
古之嫁者未三月而死歸葬於父母之家項女  
不宜合葬夫彼一時也此一時也今有嫁三月  
而歸葬者乎為周生也死者則為周生也葬精  
爽既往體魄終滯厲矣先王之禮意如是哉情  
携則生婦可棄志合則死婦可嫁禮緣人情豈  
不信哉余友汪君觀項女之事為余言之余悼  
貞人之希有故為論辯

偶然作

治官自有體躡進豈吾任縱有風雲及將無老病  
侵殷勤形問影辛苦目憐心幸免能鳴鴈終慚後  
集禽澤蘭滋九畹山果樹全林盤谷寒暄勝高松  
日夜陰嶠雲堪拄杖山月可絃琴儻遇赤松子清



風飄素衿

自述寄同年友

本乏匡時略，饑寒驅隱淪。偶逢天路濶，遂忝歲星臣。  
方朔談何易，原思道自貧。丘山負恩重，井邑夢游頻。  
劇罪惟天譴，深哀奪母仁。江湖萬頃淚，宇宙一畸身。  
心口讐青坂，身名廢紫宸。留畬吾舊業，手足敢辭辛。  
黍稷先輸稅，桑麻舊睦隣。轆轤翻白月，撥糲餉青春。  
霜葉供機女，春茶寄酒人。聊茲安蹇劣，兼用養形神。  
一日嘗逢主，中宵亦拱辰。所欣皇象鳴詩集卷十

九

藪大不少是麒麟

少保馬公挽歌

漢傑初開閣，商英始濟川。白麻四夷誦，紫橐九重懸。  
帝就桓榮學，人推汲孺賢。風雲千載上，霧露一朝先。  
國寶虛前席，人倫失大年。西崑寒掩日，北斗夜辭天。  
秘器東園賜，貞砥萬古傳。羊曇空有淚，不及墓門前。

恭題

御軸玄免

有序

玄免瑞應古無有也我

成祖

宣皇二

朝始見在廷歌薦 皇上發秘絨得遺繪

爰命詞林咸賦此什時九年二月

二后垂鴻構，三神錫上禎。諸祥窮地紀，有兔表陰精。  
月桂開金鏡，榆光燦玉衡。文犀應讓品，玄豹欲藏名。  
守黑符神理，含章契太清。驛來是西北，占應偃戈兵。  
慶叶天謔德，心冲聖誠盈。遂令圖畫日，賸有頌歌聲。  
恭紀千年際，文思二聖并。石渠探寶笈，崑府發金籙。  
素練浮疑濕，馴姿伏不驚。丹青動深省，謨烈即前旌。  
願攬時乘御，咸諧率舞情。蒼龍春闕曉，白虎畫門晴。  
蓮葉龜文麗，桐花鳳羽輕。孫謀將祖武，億載頌皇明。

象鳴詩集卷一

一

有兔稟陰精，乘時表上禎。名因仙籙重，來為泰階平。  
桂影開金鏡，榆花燦玉衡。文犀應讓品，玄豹欲藏名。  
守黑符神理，含章混太清。栖雲看莫辯，就日照初明。  
鍊魄雖資藥，胎真自吐生。虞韶諧率舞，周瑞應干城。  
異質圖能就，馴姿畫豈成。更逢仙誕日，萬載祝皇齡。

徐丈人

鳳馭留仙錄龍函疊帝綸如攀洛濱逸似訪合宮  
淳甸草陽暉茂嶧松霽雨新東公駭赤鯉西母御  
蒼麟近取餘杭酒遙迴若木輪桂旂青夕渚芝蓋  
絢秋旻百福滋華祚千祥集德身鴻飛冥四皓龍  
跼付諸荀章相巖因子毛生檄為親錦袍將彩服  
并作萬年春

集屠田叔求古齋

酒德同人會詩壇半席分交情歲暮見人語月明  
聞秘館牙籤字名山玉笈文心冥玄象理迹亂白  
鷗鳴詩集卷一 一一  
鷗群弄軫方中散流霞復右軍江風收水氣池露  
舉水紋筆海驚翻雨詞林鬱起雲黃花將素節何  
必問芳芬

午睡

一榻檀秋涼莊園桐桐楊絕勝梅市隱不數竹林  
狂池月閑梧影溪風隱桂香玄雲皆載白丹葉并  
飄蒼漁笛從高下朋簪任短長枕中有奇術堪以  
對羲皇

之子贈奉川張山人恒

之子夫何事素絲飄兩蓬亦無三劒俠獨有一杯  
雄懶去尋唐舉寧來訪宋忠疎絃悲桂月高唱倚  
松風知爾別有尚青雲安可窮

寄贈王忠伯雲中

時值千年半天心願太平三台躡履上一德降階  
迎輪囷皆堪匠魚鹽盡可羹代言無輟草拜手率  
先賡羽翼煩公護琅玕剖腹呈衆皆危直道帝獨  
諒忠貞碣石秋風暮陰山晚日晴涉河思禹鑿過  
隴認虞畊自古雲中陰常交天下兵諸軍能結束  
群醜尚縱橫一以公居要惟聞虜乞盟樵歌移朔  
氣羌笛轉邊聲揅柳條風細烹葵凍月明人倫歸  
有道風俗宛無爭屬國徵年狀降夷拜姓名居然  
龍梅萼小霧展雪花輕北海樽難竭南山樂可傾  
邦人皆作頌力士共持鐙暫奉三休沐歡從一解  
醒丹心百年在玄髮幾餘莖延想迎周旦長懷御  
晏嬰東山歌哀日萬古執鞭情

寄贈已縣楊封君

井絡多高士如君亦罕倫  
長生天際客物外聖時  
臣舉酒臨巴字看山到谷神  
白鹽明露日赤甲照  
餘春雛鳳儀阿閣飛鸞下  
帝綸膝前能報主老去  
得閑身共說顏如玉何妨  
鬢似銀花源通月下蓬  
島逗天津好寫湖山貌  
留為懷葛人丹砂有餘粒  
乞以壽吾親

旱甚

普天同一赤四序總歸炎  
熾渴難為飲龍癡只有  
潛湖頭收短檣隴底罷  
長鏡旦旦謀襍畢人人  
頽  
發廩焚山應鮮羊沸海  
獨增鹽淺瀨繞蒸竭前  
峰  
又露尖農家風雨曆海  
客斗牛占此日渾無驗  
乾坤未解嚴

羽苞十二韻

大道無留迹真宗不繫詮  
羽苞難蘊火冰柱豈擎  
天頷為龍休觸鬚因虎莫  
編危我累基計老矣逐  
靡年逝水浮江上空花發  
鏡前如何泣岐路猶自  
滯歸鞭棘矢祈神戶桃弓  
咒鬼筵既慚齊物論兼  
愧養生篇螫手知無待剗  
心合自全靈丘邀往約

天路謝區綠海上騰三羽  
淮南友八仙百年雙眼  
碧萬里一翩翩

題漢宮傳蠟圖

御柳壓長谿晴烟入望低  
星娥分帝火天馬送宸  
題燼落蓮花麗光搖蕙  
草齊暄風雙闕下流水五  
門西蝶夢疑回苑桃言  
欲滿蹊千年縑素濕猶染  
漢宮泥

觀雲漢

耿彼星河夕長歌雲漢章  
炎風移小簞白月到空  
林鳴鶴慵當垆牽牛恨服  
箱乘槎應可問折葦定  
堪航山以乾封赤沙因薄  
伐黃靡牲斯可愛應有  
未烹羊

苦熱

消夏灣何在凌煬臺不存  
慶紗驕起妬炊玉沸能  
溫花怨隆曦早魚悲弱水  
渾汗交蠅翼重夢轉蟻  
聲喧未及書拋枕誰稱  
客款門濕灰時見怪腐  
草暮螢繁

咏鳴詩集卷十終

嘯鳴詩集目錄卷十一

七言律詩

謁禹廟

西湖別叔氏句章公

賈誼廟

寄歐楨伯無訊陸大無從

送吳山人治歸黃山

過漂母祠

揚子江翫月寄遠

歌風臺

登虎丘

杭州紫陽洞

贈天長楊五明府

甘露寺逢箕仲別

山陰道中

金陵老人歌

望西城宮殿

過拜將臺懷古

聞嶺南捷

恭侍經筵有述

朝天宮習儀遇雪

讀武經

恭觀籍田禮成

禁中對雨

元日送表兄陳主簿之鄮西

朱大司空治河功成

和孫都督扈從大閱之作

送詹侍御歸闕

送王司成之留都

獄中劔寄徐文長

送沈膳部告歸

得沈幼真書

初授史職呈同拜諸君子

送徐儀部赴廣東太守

送金水部之荊州

顧岡卿還自謫所重贈親卷

送徐公望

送陳惠州

送江典客赴留京

洪山人久客許膳部所寄懷兼贈周靈寶

逢吳孝甫送遊太山

寄贈張岡卿復亨

寄古氏二叟

即事

昭陵

寄關內梁使君

中秋集

七夕送王使君

寄贈廣平趙太守

哭管進士德臣

苦寒吟

觀宮人殯

送李給事貶南豐

李本寧編修叅議金城

送余侍御貶荊門州

題庭樹

送人宦江州

夷陵劉處士鄉賢祠

送顧比部道行改官留都

送劉太史奉冊封桂林靖江王

送朱少欽使青州衡藩因歸會稽

葉縣何文典信來賦此代書

與歐楨伯飲別 送黎惟敬歸嶺南

送趙給事宗傳謫高安尉三首

東陽詩集 卷十一

東黎舍人惟敬 訪朱邦肅不值

寄呈張大司馬東沙公

輓朱邦憲 送顧將軍赴建昌

和王仲房竹隱遺思之作

寄王省父 寄李桐城子靜

送李章丘思良 送袁文毅軍黃巖

賦得王母 送秀才從軍

宿隱學寺有懷 病起

善上人精舍 送李總戎赴都

李山人賓甫讀騷軒和韻

成婦怨

送范典客子宣還朝二首

賦得虛舟贈黃士禎二首

與張子蓋泛湖 若耶溪獨往

游雲門寺雪深不得登秦望

唁傅思善侍御戍定海二首

章村道中

酬柴季東太行見月有懷之作

東陽詩集 卷十一

自余歸田有終焉之志俄復召講愴然有作

酬李季宣

王職方伯守使廣右論文以錄見示

慈谿三賢詠

游僊六首

東陽詩集目錄卷十一終

喙鳴詩集卷十一

四明 沈一貫肩吾 著

七言律詩

謁禹廟

玉笥山高古甃齊金庭溪遠暮雲低九州鴻洞歸  
滄海萬國玄圭上會稽遂有叢林饒竹箭更無沮  
如飲虹霓年年肅薦輶軒日正值前村布穀啼

西湖別叔氏句章公

江搖楓落滿蘼葭起攬征袍拂劍花東海何人稱  
喙鳴詩集卷十一

慶士西湖幾日可移家王孫浪迹惟秋草壯士驚  
心有暮笳却笑此身慚旅雁同飛猶不共天涯

賈誼廟

漢廷痛哭陳言日楚水沉憂作賦時野鳥至今窺  
客舍斜陽何處弔湘纍無嗟明主恩猶薄自古長  
沙鬢有絲我輩憐才無戀闕殷勤披莽酌椒卮

寄歐楨伯無訊陸大無從

幾處思君不敢言每看雲樹北來繁微官似爾酬  
明主傲吏如今在漆園淮海帆樯春雨色蕪城楊

柳夜潮痕玄經著就誰能讀知有侯芭老在門

送吳山人治歸黃山

黃山迢遞白雲飛黃鶴僊人拍羽歸過雨千家榆  
火熟行春一路藥苗肥貧交落落分烟海小隱沉  
沉掩畫扉惟有當年漁獵伴時來灑掃綠苔磯

過漂母祠

經過淮海憶王孫壯士偏銜一飯恩萬戶已無高  
塚在千金猶有古祠存青山烽火生愁思夜月帆  
檣入遠村宿雨酒醒孤劒動不堪零落倦游魂

喙鳴詩集卷十一

楊子江觀月寄遠

寒江如鏡月如波萬里清光分外多思婦此時啼  
玉筍天孫無處覓銀河數峰縹渺清虛國空水氣  
氤自在歌最是桂花清可攬不堪持贈奈人何

歌風臺

大風捲土自西秦宇宙重生一片新去日杉榆辭  
父老來時牛酒拜君臣笑談豈乏新豐客魂夢終  
依沛國親遂有芒山青不改年年春雨濕龍鱗

登虎丘

破楚門西古墓田，斷崖危石寫流泉。  
人歌茂苑春風曲，僧拾吳宮夜雨鈿。  
盡日波濤千里棹，匝溪墟市萬家烟。  
丹楓翠竹同搖落，最是生公石可憐。

杭州紫陽洞

偶探瑞石穿雲入，坐愛疎林拂地眠。  
老樹踞崖惟骨立，斷藤埋雨亦天全。  
霜猿怯冷窺丹竈，山鳥依人下玉田。  
化鶴不知塵劫改，重來華表又千年。

贈天長楊五明府

一官瀟灑似陶潛，東帶迎人亦不嫌。  
四海正逢天

家鳴詩集

卷十一

三

子聖九重應識小，臣廉空衙漏靜遊。  
峰報別院香銷，侍吏添會有雙鳬。  
占太史休嗟百里鎮，相淹

甘露寺逢箕仲別

江南古寺舊知名，江上相逢把臂行。  
白浪在天揚子渡，綠陰如雨潤州城。  
薜蘿寥落經年別，黃鸝差池此日情。  
悵望隔江帆影動，海天無路鴈無聲。

山陰道中

最是山陰道可憐，青蒲白鳥浴晴川。  
一奩水鏡疑無地，九疊山屏直遶天。  
向浦歌聲春社鼓，隔江燈

影夜漁船誰能乞，得君王賜不戴黃冠。  
已是僊

金陵老人歌

金陵老人百歲餘，三時來往茅家廬。  
憑陵烏兔若螻蟻，跳躍巖壑如丘墟。  
一杖自隨非為柱，再餐乞食無留儲。  
菽丘懸圃亦不遠，白雲何處停龍車。

望西城宮殿

莫殿重開寶曆春，竹宮長鎖屬車塵。  
煙霞自護祈年閣，星斗曾傳醮夜辰。  
帳裏流蘇閒甲乙，爐中寒火憶庚申。  
茂陵松柏蕭蕭老，無復相如賦大人。

家鳴詩集

卷十一

四

過拜將臺懷古

漢王城下水增波，韓信壇前落日過。  
豈有赤龍開宇宙，更無白馬誓山河。  
中林駭鹿秋霜少，遠渚翔鴻暮雨多。  
當宁只今思猛士，令人三歎大風歌。

聞嶺南捷

一騎朝來報洗兵，桄榔春遍五羊城。  
天驅卉服堯衢大，日捲狼煙禹甸明。  
漢將盡收橫海戍，蠻王長拜伏波營。  
休論巨貝南珠貢，聖主瘡痍軫未平。

恭侍經筵有述

羽蓋春晴啟豹關翠幃朝日敞蓬山儒臣東觀方  
鴻集聖主西清正燕閒細襲芸香開冊府橫陳寶  
軸喜龍顏戴憑曾受何師說重席人推第一班

朝天宮習儀遇雪

琳宮晨謁副車朝彩仗齊看六出遙最似海神迎  
甲子始知象緯逼雲霄深深柳絮封綿叢簇梅  
花點翠翹九扈早歌明歲熟萬方咸荷燭光調

讀武經

寶劍無光隱白龍陰符深護石函封廟堂此日求

嘯鳴詩集卷十一

五

多算樽俎何人計折衝隻履橋邊真造次一竿水  
曲且從容任他魏尚生華髮未許馮唐謁九重

恭觀籍田禮成

初春太史告農祥拂旦犧人薦御觴候鳥並迎虬  
蓋色條風徐發獸爐香王侯次第終千畝父老歡  
呼喜載陽孝悌力田臣忝竊欣隨擊壤咏時康

禁中對雨

回風度雨近金鑾高閣疎簾隱几看乳燕營巢欣  
上潤嬌鶯擲柳怯枝寒添派欲染方春色拂座應

憐獨冷官目送餘雲過別殿不知銀鑰動關干

元日送表兄陳主簿之鄮西

魚書幾歲天南路柏酒今宵冀北杯白雪未緣雙  
鬢上青衫聊試一官來稻梁是處多陽鳥江漢逢  
君亦楚材枳棘叢中棲息穩木蘭洲畔放歌迴

朱大司空治河功成

泮水滔天又警予司空敷土遍青徐一令白馬報  
河伯遂有蒼夷呈帝書即免度支憂國計還勞太  
史紀河渠慚余日費公家粟猶憶當年歎是魚

嘯鳴詩集卷十一

六

和孫都督扈從大閱之作

奕奕車徒下赤墀桓桓罷虎佐清時轅門朔氣連  
三表行殿雄風肅五旗周典太常今再觀漢家中  
尉故多奇擅塲老臂君尤健纔脫征袍又賦詩

送詹侍御歸閩

白簡風生闕下寒鈎陳天澹主恩寬雲霄未遂鷹  
鷂擊神武高懸獬豸冠蠻雨朝翻桐子白海霞晴  
染荔枝丹少年執法丘山重未許明時老釣竿

送王司成之留都



紫宸拜詔擁雲霞紅錦寬裁上苑花北闕幾年勞  
侍從南方此去領英華題詩六代秋風後對酒三  
山落日斜多少呢喃新燕子年來猶自認王家

獄中劔寄徐文長

寶劔蕭蕭風雨鳴摩挲冰雪古今情不平最有人  
間事欲試曾無匣裏聲土蝕青蓮文五色人言赤  
堊價連城誰能掘厥寒光淨三尺猶堪萬里行

送沈膳部告歸

聖世誰能甘采薇似君獨往世應稀久拋簪弁幾  
蒙鳴詩集卷十一

成癖暫入京華數夢歸自拾蘭煤辭畫省却裁荷  
服換朝衣五湖落日烟波闊惟有青雲天際飛

得沈幼真書

相逢上國杏花初並馬聯翩意不疎一自分携青  
瑣闥三春徙倚白雲居故人狗監皆推賦太史龍  
門強著書怪得朝來喧喜鵲門前有客送雙魚

初授史職呈同拜諸君子

一自來歸駿馬臺每從隔海望蓬萊自慚粟以支  
離賦不道珠從象罔來玉署題詩春宴入金門鳴

珮早朝回明時薄劣知無補賴有諸君濟世才

送徐儀部赴廣東太守

群盜潢池未就平使君五馬五羊城幾年王會圖  
中見萬里樓船海上行皂蓋倚風春獨遠寶刀着  
雨夜偏明舟中鷄為何人唱正夢臨軒問洗兵

送金水部之荊州

水部乘舟千里行白波蒼霧吐新晴聞曹啼鳥官  
何事積水臨門夢亦清蜀估夜來江雨合吳歛朝  
起障雲平經年王粲樓頭住知爾來時作楚聲

顧岡卿還自謫所重贈親卷

一隨鳴馬辭僊仗再奉飛龍入紫微春殿捧回天  
子誥夜臺方信逐臣歸鸞章燦燦星辰麗鶴夢悠  
悠歲月非君寵親恩雙涕淚懸知此日倍沾衣

送徐公望

坐厭京塵暫乞身投鞭歸及柳條春五湖別業浮  
孤棹三月時禽識主人太史山藏金簡字少微星  
傍錦袍臣別離不遠人猶憶莫遣詩成滯尺鱗

送陳惠州

瘴雨蠻雲慘未開至尊宵旰亦勞哉樓船下瀨緣  
何事翡翠明珠久不來萬里關山卿士月一麾江  
海越王臺匣中雙劍龍文白解贈風雷落酒杯

送江典客赴留京

舊京北里復南隣佳麗山川錦繡人綺幕三千臨  
大道青樓十二照重闌平陽小豎春游遍郭解群  
公夜過頻典客最閒惟嘯咏修髯消得幾莖銀

洪山人久客許膳部所寄懷兼贈周靈寶

西園公子能留客客亦欣然為久留三晉雲霞高

家鳴詩集卷十一

白日長河風物動經秋酒逢華嶽真無算詩滿嶠

函直可收况有關門賢令尹莫將芻秣帶青牛

逢吳孝甫送遊太山

十載懷人水國偏逢君臨發意堪憐青鞋布襪烟  
霞外帶索行歌岱嶽前漢檢壇中雲尚白秦封樹  
杪雨如烟御風萬里舒長嘯八九遺文已渺然

寄贈張罔卿復亨

鏡湖一曲水波寬賀老風流掩謝安頭自挂冠應  
返黑樂從伏火定還丹常時麈尾誰能對永日鷗

筋手自彈問訊白雲滄海濶題詩贈遠未應難

寄古氏二叟

茱萸灣上老餐霞甚偉衣冠總鬢華連理冥靈何  
物樹灌叢棠棣幾人家曾留十日平原飲無慮填  
門長者車青鳥頻繁雲外訊燕山三月四時花

即事

黼帳光搖戲馬臺金鞭紛集羽林材弓弦巧應鴻  
聲發馬足齊隨鵲影開白鴈池邊漁父去玄熊殿  
裏婕妤來相如已自誇雲夢諫獵封章若箇裁

家鳴詩集卷十一

昭陵

金粟芬芳早作林龍胡飛去杳難尋六年賣盡農  
家劍萬里輸窮海國琛元氣夜浮鳧水濶白雲秋  
護象田深微臣淚盡編摹事風雨恬熙付託心

寄關內梁使君

躍馬關門雲物繁春風大旆五回翻山河百二諸  
陵在金碧三千幾處存內史界中游俠予新豐樹  
裏樂游原城南韋杜猶騷雅不淺風流倒綠尊

中秋集

桂花滿樹露痕平歌罷無喧鵲不驚傳掌夜深宮  
漏出御溝寒起客衣輕一時並發西園唱數子同  
高鄴下聲明月不愁官蠟盡座中休絕楚臣纓

七夕送王使君

中庭坐見七襄移靈匹今宵感會離天上定言秋  
是夜人間自以歲為期東南遷次空回顧西北流  
漸忽又馳使者不勞將石去年來杼軸總難支

寄贈廣平趙太守

夕郎清譽重山丘左校封章落晚收上意尤深三  
味唱詩集卷十一

輔郡東方去領五驂驕相思無奈勞終日笑語何  
時緩百憂取次璽書旌治行請看閣內竟誰侯

哭管進士德臣

歎逝曾聞有雍琴何如今日更蕭森鵬飛纔擊三  
千水馬死誰償五百金童僕天涯孤櫬發江湖秋  
杪一燈深木枝墮下中秋月曾照讀書臺畔心

苦寒吟

今年飛雪不可禁枯枝摧折無栖禽后土迸裂蟄  
蟲死江河失潤蛟龍深誰言四序平分氣只道三

光惟有陰江南冀北梅花遠嗚呼不見皇天心

觀宮人殯

繡被何時捲合歡朱絃無語問青鸞三秋落葉宮  
中恨一日殘花道左看素旆秋風金埒曉珠襦夜  
雨玉鈞寒多情宮伴休垂涕未死深閨欲出難

送李給事貶南豐

矯矯青驪去者誰主人方值倦談時晴光乍照和  
鳴鳥春色平分半折枝漢闕無人憐賈誼楚冠有  
淚灑鍾儀但教雙鬢青青在尺一呼來未可知

味唱詩集卷十一

李本寧編修參議金城

豈厭承明去請纓使君三十領專城兒童亦詫橫  
金去同學交憐改玉行白草成深歲漢月黃榆秋  
早露秦營新詩處處堪惆悵不寄非無北鴈聲

送余侍御貶荆門州

漠漠楊花送馬蹄春風萬里盡堪悲浮雲忽變清  
和節平楚遙連賈誼祠異日霜雕猶避擊明時市  
虎不須疑郢門流水終朝海且共交游覆酒卮

題庭樹

為愛庭前數株樹，逡巡不忍去。微官老幹經從前，  
輩種新枝護與後。人看青雲入夜流，膏沐明月中  
宵擁露盤。自暑自寒皆有色，殷公何必動長歎。

送人宦江州

朝雨初過濕薊雲，西山晴色送夫君。官微不覺征  
驂動，道遠難為把袂分。陶令醉餘無酒伴，謝公題  
處有清芬。香爐峰下經年住，五老應來認是群。

夷陵劉處士鄉賢祠

楚國先賢野鶴群，姓名山水共氤氲。百年事往兒  
孫鳴詩集卷十一 一三

孫在萬石家，因篤行聞俎豆已看祠。畏壘鄉閭終  
不忘，陳君洞庭西望江流濶。蘊藻年年長白雲。

送顧比部道行改官留都

虎頭自昔擅癡名，幾代生孫見爾興。懶戴朝簪趨  
魏闕，乞移仕版向金陵。春潮戴酒留詩客，野寺焚  
香學定僧。興到不妨搖白筆，為余取綠雲層。

送劉太史奉冊封桂林靖江王

高皇磐石滿寰中，炎海冰天鴈可通。茅土百年開  
赤社，桂林今日盡華風。奔蛇引墜迎龍節，馴象成

行拜角弓。歷遍九疑君更遠，篇中山色幾時東。

送朱少欽使青州衡藩因歸會稽

昨日題詩散彩微，今朝握節下皇畿。將從禹穴藏  
書去，遂向齊丘賦獵歸。東海風光搖麈尾，西湖晴  
色映羅衣。吾家只在前山外，心逐楊花歷亂飛。

葉縣何文典信來賦此代書

何來雙鯉挾雙鳬，飛自中原入帝都。赤日鷹鷂方  
奮擊，白扉鷄犬尚征輸。賢侯豈憚南陽問，聖主終  
延子大夫。妙指儘餘流水在，座中曾有子期無。

與歐楨伯飲別

與歐楨伯飲別

長懷白社若為尋，喜對清暉滿竹林。不注蕭蕭猶  
有髮，濁醪嗑嗑豈無心。頡頏傲物終鴻舉，慷慨驅  
辭未陸沉。所恨拂衣江海濶，兩鄉蘿薜不同深。

送黎惟敬歸嶺南

蘭舟桂楫恨悠悠，海北天南自此休。梅子雨時過  
庾嶼，桄榔夢裏到番州。不知茗椀同誰坐，定有花  
燈入夜游。應恨塞鴻飛不去，萬山回合一羅浮。

送趙給事宗傳謫高安尉三首

建章朝漏下高天西掖彈文白日懸聖主自能操  
玉斧小臣何用解朱絃郡齋整遣淮陽左宣室行  
呼賈誼前去去風塵須自保閉門勤讀養生篇  
上方一劍與天憑力決冥濛恨不勝金掌瑞雲朝  
賜露玉壺寒色晚成冰側聞天子忠劉向遂有中  
人畏李膺長樂鐘時孤騎發征夫縹緲問西陵  
柴車隱隱沒城隅蓬梗飄飄去國孤路馬有誰曾  
問齒驪龍何物敢探珠人間仙尉惟梅福天上星  
文是湛盧莫怪和歌還對泣狗屠原是酒人徒

家鳴詩集

卷十一

一五

東黎舍人惟敬

朝聞平子賦歸田時值孫弘正惜賢鷄樹曉融三  
殿日鶯花春斷五溪烟潜郎莫自傷頭白高閣方  
宜閑草玄幾欲就君藜火夕坐拘清切思茫然

訪朱邦肅不值

馬蹄無力過重關策蹇前來問隱淪池水已冰難  
受月梅花隔嶺不知春柴門倒鎖應高卧草閣斜  
開豈避人酒禁近來尤甚緊從誰傾倒性情真

寄呈張大司馬東沙公

蓬瀛書札往來通茂嶼琴樽隱上公司馬何人稱  
物外步兵今日在江東書成鴻烈千金後家住霞  
標五界中莫信鷗磯堪逸老須知麟閣尚思功

乾朱邦憲

洞簫江上遠天聲箕踞林中自古情不減袖中三  
歲字如聞谷口一公卿白雲長恨迷黃浦斗酒同  
誰飲夜城天為善人繁玉樹知君終不讓韋平

送顧將軍赴建昌

天盡西南象緯分漢家城壘鬱層雲羗夷解說興  
家鳴詩集

卷一

十六

劉事父老能傳諭蜀文豈有黃茅迷五月不煩白  
馬獎三軍雪山長對高牙坐已舞渝歌答聖君

和王仲房竹隱遺思之作

高節蕭疎秋影垂深山冥漠暮陰移葛陂久已為  
龍去嶰谷空傳學鳳悲孝子新林青笋出夫人舊  
渚綠斑滋飄風日發無窮恨知爾門人亦廢詩

寄王省父

昔日青蛇醉屢看今來雙鬢未應殘三秦裘馬藏  
吳市四海交游半鶻冠絳蠟夜從豪士飲銀箏朝

喚小姬彈書來數語無他及報主初心只強餐

寄李桐城子靜

雙鳬何事久龍舒為爾題詩問索居庭下爭春惟  
鳥雀江心寄遠有鱸魚賈生且莫思前席尚父今  
猶托後車他日誰脩循吏傳好同朱邑一行書

送李章丘思良

人如賈誼洛陽來立語知君國士才海日近從蓬  
階上銅章新對繡江開東方杆軸何人賦南國甘  
棠幾處栽慰此相思書上考翟飛高傍百花臺

嘯鳴詩集

卷一

二十七

送袁文毅宰黃巖

孤城舊近鯨鯢窟十載猶揚戟伐塵銅印新懸賢  
令肘冰壺應坐太平人清風湛與霞標共秋水篇  
從海若陳五界以東余隱處年來深鎖竹房春

賦得王母

三山初日照金莖絳節脩脩麗漢庭雲以瑤池歌  
後白風從闌苑御來輕萬年枝挂青鸞影五時壇  
留赤鴈聲誰說桃花千度碧侍兒應是許飛瓊

送秀才從軍

少年曾賦薊門行四十無聞去請纓子夜冰霜胡  
地淚孤營風雨漢時聲彎弓未慣穿三札草檄猶  
誇識一丁無事馬蹄空佇立居延城外暮雲平

宿隱學寺有懷

年年期作采真遊隱學山前獨繫舟海霧亘天疑  
作雨長風吹日忽如秋劒因未試常號匣酒為懷  
人數上樓一尉南昌堪老矣男兒何必定封侯

病起

曙光汎汎入牕紗庭樹喧喧起宿鴉一病遂過籬  
嘯鳴詩集

卷一

十八

下菊三秋添得鬢邊華人生何計逃天網世事無  
心卧海涯已遣室中惟一榻須教門外轉三車

善上人精舍

深房幾曲轉春風紺宇瑤臺一逕通香飯留人僧  
竈竈禪心對雨觀堂空千花澹蕩山光外百鳥依  
稀樹色中自有智燈堪炳夜不須促漏起簾櫳

送李總戎赴都

百戰勲名海日東詔書新拜未央宮羽林秋遠軍  
聲靜虎衛風生劍俠雄上將壇前三錫馬少年場

裏一彤弓金溝遍發葡萄綠麟閣方資廟筭功

李山人賓甫讀騷軒和韻

梧陰片片落中庭無事閒門盡日扃春水微風吹  
度綠曉山飛雨送來青從前大雅誰能作刪後離  
騷自一經對爾不能辭酩酊酒星原是李家星

戊婦怨

孤鴈哀呼起暮城一聲一淚思縱橫連年機杼勞  
東國何日干戈罷北征塞草欲黃歸望杳井梧纔  
落夢魂驚合昏花為秋風死只恐春來竟不生

梁鳴詩集

卷一

一九

送范典客子宣還朝二首

大臚拂曉肅千官典客趨風夜未闌瑞草繡圖開  
寶扇祥瓜立影對金竿夷來獨解殊方語朝罷還  
承別殿歡美爾貯書盈萬軸柏梁七字不為難  
四面青山紫霧深一江如練繫秋陰東風吹醒高  
樓酒明月長懸上國心萬里橐裝看寶劍六街車  
馬集華簪無勞別後空相憶近市屠蘇勝可斟

賦得虛舟贈黃士禎二首

江山有客稱玄晏天地無情付白鷗平楚遠連吳

水暮大堤遙曳越山秋瓊樓日月牕中得瑤島星

辰鏡裏收自詫遺榮專一壑應知今古盡虛舟  
放舟斜日水雲寒岫幘中流島嶼寬自解朝簪留  
綠髮不從聖主乞黃冠波臣欲就車前易江使將  
逃鼎上難惟有滄浪歌便得鳬鷺秋色滿江干

與張子蓋泛湖

萬山殘雪畫冥冥半是飛泉半是水客子高歌秦  
望白酒船遙曳鏡湖青城頭火暗村春急草際人  
歸獵網腥罷病未能忘世事一杯同爾勸長星

梁鳴詩集

卷一

二十

慧星之變

若耶溪獨往

編竹為船任所之高低白石上灘遲水波不待春  
生後山色偏多雪霽時到處溪邊憐謝客誰家村  
裏問西施小橋野店人爭席縹緲松烟入午炊  
游雲門寺雪深不得登秦望

幾年夢入雲門寺今日真乘寶筏來雙樹林中初  
地出萬山影裏一僧回凍雷欲迸黃泥笋積雪長  
封紫石臺秦望嗟我空在眼短筇無計自徘徊

唁傳思善侍御戍定海二首

落木秋風動遠思蕭條先入逐臣帷人如楚國三年放客為韓娥一境悲每凭長欄潮自到欲乘小舸月猶遲當門鷗鷺閒能浴隱几相看不用疑烟霧城頭小幘偏魚蝦入市不須錢鷄竿放赦茫茫事蠟屐登山屢屢緣自有虞淵能捧日無勞杞國更憂天夜深明月生東海細摘星辰寄列僊

章村道中

雪霽雲開一徑明花香日暖笋輿輕野山歷歷皆人姓春鳥交交亦自名怪石滿溪驚駐馬柔風吹酒忽聞鶯種苓蒔木村村好谷口何知有漢卿

酬柴季東太行見月有懷之作

獵獵西風撲兩旌長懷遷客此時情直過上黨天猶遠安得中條月倍明問俗火傷全晉敝褰帷已見濁漳清君如老驥權奇甚莫為窮途罷請纓

自余歸田有終焉之志俄復召講愴然有作

三載深林盡日眠尺書俄到白雲前鷦鷯一枝粗可託鼯鼠五枝安能綠座上只宜談送日山中獨

有酒延年辟蘿銜月娟娟靜此事今宵已悵然

酬李季宣

麗藻翩翩思不群青蓮葉吐奇芬大江龍卧明珠窟秋水虹飛寶劍文芸幌夜留瓜步月蘭舟晴蕩楚天雲青衣忽送瑤華訊今日須誇御李君

王職方伯守使廣右掄文以錄見示

桂嶺山川寓內竒擎天攫地古今疑五丁精力移元氣維斗文章刷羽儀使者近回驅虎穴賢書騰奏鳳凰池驚人好語還芳杜觀國嘉賓總玉蕤

慈谿三賢咏

張子受觀察

觀察歸來掩華門春風蘭茝發微言三時造次諸生業四海趨蹌一統尊玄尚自堪諧白首青山何用惜黃昏傷心前輩風流盡不耐江花攪夢魂

顏應雷憲副

顏公勁節薄青霄白馬生來肅漢朝丞相有時迴玉勒侍中無復綴金貂雲間暫失孤鴻去海內終憐一鶚遙藜藿山深誰復護慈湖秋冢自蕭蕭



孫子紹方伯

官都分陝亦徒勞道在乘桴總自高每說此身如  
夏鼎回看人世直秋毫殷憂夜閣青天枕發憤晨  
驅碧海濤縱化虹蜺應不飲人言霄漢旌旄

游仙六首

琳宮月小近芝房羽駕雲深列鳳皇欲去尋仙原  
有路將回選佛更無場樵夫荏苒開棋子漁父依  
稀軟釣芒寄意丹青終不極驚鳧萬里倏翱翔  
騎竹來過王子喬靈關初啟肅清宵鰲鬚不動龍

梁鳴詩集

卷一

二

魚國蜃氣平連鳥鵲橋西度青牛紛入蜀東來白  
鶴迴歸遼會乘蓮葉翩翩去八月銀河正有潮  
牽迹塵纓愧子真清心泉石幾懷人長松樹下歌  
千縷修竹林中酒百巡徐福去為三島客黃安留  
作五仙臣虛稱上隱堪朝市終是悠悠愁病身  
學仙何必具仙才牢結雄心即聖胎羽景暫停青  
鳥至霞標俄起赤麟來八公燕履朝珠浦五女蟾  
肪宴玉臺自惜松枝青不了無言梅蕊落還開  
長懷嘯傲曲龍灣擁褐驅牛出漢關未遂騰天游

海路先應縮地到鄉山投壺漫博家公笑相馬虛

驚國主顏不分淹留終歲缺頻教明月顧刀環

鶴巢露下發珠林驢背烟消出華陰豈為黃梁貪

睡穩惟因鴻寶避人深生將毛女慙慙意死共張

超凜冥心珍重明時持節使雲蘿如海若為尋

生先

梁鳴詩集

卷一

四

梁鳴詩集卷十一終

喙鳴詩集目錄卷十二

七言律詩

扈從南郊紀事和朱于陳三館丈八首

送戴汝誠之南院二首

扈駕祀方澤呈同行朱陳二館丈二首

送顧汝修致仕

送管世臣之郴桂備兵兼督學

送客  
送歐楨伯之南都

盛山人壽母  
酬屠長卿二首

送王太史持節荆藩

端午  
麟洲

同韓存良苑中作  
鳳吹曲

珠泊  
送李給事叅知汝南

送馮化之獻壽畢擢赴浙江憲長

夢翠山別業  
鴻門

安昌侯  
嚴陵

西陵  
昭烈廟

汧南  
哭所知

題楊太宰桃花嶺

予告省親過泰山瞻禮四首

東湖獨汎  
送蔡爾通郡侯

金山別僧

於滕縣上書待命禱泰山行祠作三首

題滕文公祠示滕令馬子

寄內  
感興八首

贈張郡守原正入覲

劉給事景孟持憲海上

寄王當世海憲  
夢與元君酬和

禮洛迦山四首  
初春作

林侍御道卿新居  
哭朝兒葵所

旱後潦  
忽夢游仙

喜朱宗伯少欽邵司寇世忠過余草堂

屠長卿飲二公江上預陪小賦

招寶山威遠城望海

於寶陀寺定海尹時汝健供齋答謝

侯都護西園

薛中孺給事携樽淨居寺

育王寺觀佛舍利

東吳史相故宅即越王欲置夫差處

舒園讌集憶余太保

大慈寺玉版禪房和少欽贈慈師

桃花渡送二客 集張孺愿孺宗小瀛洲

因從軍者訊陸無從

再答無從 贈延慶襲上人

邵世忠送西衣 苦熱得雨

喙鳴詩集 目錄卷十二

登孺宗烟波閣

贈唐見甫司理擢司勳北上

家句章暨張孺愿孺宗金越石兄弟方叔仁

山人見過共登宿雲閣用雲字

金峩寺僧舍

鄧學士汝德省侍過杭州不及相聞寄贈

送丁使君右武 答薊門李開府惟禎

定海尹時汝健應召北上

輓邵司寇世忠 盧伯貞家園

邵孟公以文來示余方歎賞會有饋雙鶴者 舉以贈之

潼川王叅知仁卿家五世同居賦此旌之

贈傅封君 寄龍伯貞武陵

張罔卿孺覺園留別

留贈伯兄 朱少欽逍遙樓

喙鳴詩集目錄卷十二終

喙鳴詩集 目錄卷十二

四

喙鳴詩集卷十二

四明 沈一貫肩吾 著

七言律詩

扈從南郊紀事和朱于陳三館丈八首

緹室初回斗柄寒，禁鍾遙度紫霄寬。  
冰霜一夜開黃道，星漢三登啟帝壇。  
後隊來時群虎象，前驅到處儼鸞皇。  
家文物人爭覩，今日叨從豹尾看。  
乘輿初發正陽橋，旭日瞳矐晃外朝。  
萬騎雪銷平似水，六飛天轉肅如飈。  
隨車雉羽團香霧，捲幔龍

鱗出絳霄無乃晨，征勞玉體猶聞宣室永。  
今宵行殿鍾聲霽，曉雲起居方罷日。  
纔矐貂蟬捧劍皆常侍，貌虎周廬盡北軍。  
絡繹中厨輸豹鬻，焜煌內帟出麟文。  
近臣尤異蒙恩澤，刺繡歲粧五色分。  
天門夜敞轉霓旌，帝落春回沸鳳笙。  
星弁踰蹕趨列炬，宸旒穆穆拜嘉牲。  
侍祠風颯知神至，贊饗天低識御名。  
遥辨登歌將換律，青雲不動泰階平。  
陽德潛回夜欲分，乾符舒彩祚明君。  
香新乍起成黃霧，寶檢孤騰覩白雲。  
柳眼迎春方駘蕩，梅花報

暖又氤氲，誰言靈貺人難識。  
紺月珠星總綴文。

寒月蒼蒼影未斜，高懸金鏡照天車。  
祥烟遍覆華胥國，黃鵠初還太上家。  
汾水笙歌增氣象，崆峒侍從有光華。  
玉珂遠借西山色，雪後龍蔥萬樹花。  
軒帝明庭齋白茅，漢皇太室始親郊。  
豈無蓂莢迎銅律，亦有芝童舞玉梢。  
冉冉流雲生袞服，沉沉清夜舉陶匏。  
聖朝典禮超千古，不遣仙官問碧寥。  
憶昔三年乙亥冬，常承清燕語從容。  
身依白虎縹緗色，詔許甘泉筆橐從。  
萬里久縻投野鹿，再郊猶

幸擁雲龍一時楊馬諸公在，淺薄終慚頌漢封。

送戴汝誠之南院二首

里巷來窺金馬蹤，驂驛一日向江東。  
官家故府圖書在，供奉新銜著作雄。  
紫閣近連吳苑樹，青山遙對晉時宮。  
兩都賦就焚香坐，正見花磚日影紅。  
十年飛止喜同林，幾度相逢語自深。  
舊雨初來郭隗館，歲星東照吳江濤。  
鳳池新草香書幌，牛渚寒濤濕綺琴。  
道路亦知虛席意，江山猶悵解携心。

扈駕祀方澤，星同行朱陳二館丈二首

時聖

疹新瘳都人望幸

天迴北陸攬羲軒日應南薰闢舜門泰折祥雲承  
玉陛長安微雨待金根芙蓉丹闕驚鸞麗楊柳青  
樓翡翠溫不是六龍紛氣象萬方誰識聖禧繁  
昨向園丘伴月行今從方澤更晨征齋廊香氣聞  
三酒羽衛鐘聲度六莖三事無言卿月曰八神將  
駕闌風輕太平禮樂逢千載况是雍容有兩生

送顧汝修致仕

隱身帝側二十載今日始現雲霄顏天地蜉蝣一

鵲鳴詩集卷十二

三

睥睨風塵牛馬空間關中流放舸喧慮息落日弄  
九歸思閒茗花半熟酒未醒晝裏曾見非人間

送管世臣之柳桂備兵蕪督學

一驥將鳴萬馬空雙龍送影入飛鴻東風滿道使  
君發湘浦千家春色紅刀劒買牛消瘴雨梧桐鳴  
鳥暢皇風岫嶠猶有如虬字落日同誰頌禹功

送客

高歌忽動白雲愁易水無情日夜流馬首風塵徒  
有劒杯前雷雨一孤舟新鶯尚怯春風溢芳草初

憐細雨稠東道布衣誰念汝夕陽長傍白蘋洲

送歐楨伯之南都

水部移官向舊京似將明月共南行青門楊柳辭  
賓御白下風雲待主盟詩為三山憐客老酒因諸  
少覺杯輕六朝遺事何須問苑柳宮花日夜生

盛山人壽母

江湖嘯傲布衣尊母子相將旭日溫黃菊叢邊多  
釀酒長春花下好開樽心依大士來東土眼見麻  
姑過海門潦倒百年何用問道心流水共江村

鵲鳴詩集卷十二

四

酬屠長卿二首

誰言州縣獨勞人青浦絨題物色新五柳開門垂  
簾綠百花扶轂上詩新才堪數器官猶薄心在水  
壺宦亦貧吏隱相無誰似汝門前流水見鱸蓴  
小院芝蘭馥馥聞故人書札遠氤氲斜風一道相  
思字直以此心遙對君綠鬢無多堪暮雨虛名久  
已付浮雲陶家若有歸來賦野寺扁舟共日曛

送王太史持節荆藩

丹宸拜節下瀛洲赤岫揚舲到楚丘江水遙連黃

子國布帆高挂洞庭秋猿啼七澤風聲急虹飲三  
湘雨氣收岼芷汀蘅皆可拾中流容與木蘭舟

端午

蘭湯浴罷試醺醺鬢有榴花手有蒲蓂俗猶牽長  
命縷內家新賜辟兵符百年幾見天中節千載誰  
憐楚大夫舉世不醒吾亦醉風前潦倒倩人扶

麟洲

麟洲初日近飛霞聞迓仙人萼綠華青鳥使來緹  
氏館桑田人在蔡經家蟾宮馥馥飛仙桂鵲渡迢

東鳴詩集

卷一

五

迢轉客槎拂曙明星環珮散斗邊無數紫鸞車

同韓存良苑中作

寶界珠宮絕大寰自公退食偶躋攀椒園鶴夢回  
遲日芝閣鶯聲度遠山零雨忽隨雷殿合和風多  
向露臺還飛鳬宿鶯皆相得總護先朝帝籍間

鳳吹曲

鳳吹鸞笙不再過銀床冰簟夜如何釵符珠顆湘  
江淚步襪綾光洛水波寶鏡掩寒空向月玉梭投  
冷自臨河西樓一夜桐紋扇應為長安砧杵多

珠箔

珠箔輝輝寢閣春鬱金香散露華新閒看花影空  
含笑偶弄犀支自辟塵羅幌春風釵股恨繡屏朝  
雨鏡心彈銀瓶墮井無消息願作巫陽夢裏人

送李給事叅知汝南

帝城桃李及春栽擁傳中原曉色開汝水晨鷄催  
馬入商城官柳憶朝迴螭頭彈駁霜風在海內題  
評月旦來何處憑高最相憶天秋一鴈伏羲臺

送馮化之獻壽畢擢赴浙江憲長

東鳴詩集

卷一

六

流虹佳氣滿皇圖儀鳳群公集帝梧人與車書來  
萬里山從宮闕動三呼獨看委珮承新渥喜見褰  
帷入舊都急為題書遺父老畫船秋色好西湖

夢翠山別業

翠山別業倚雲隈無事松關長綠苔小徑春生草  
玄室中峰雲護讀書臺水如翡翠寒光動山是瓊  
瑤寶氣開蝴蝶到春忙不住何因偷向漆園來

鴻門

鉅鹿全軍勢若雷鴻門單騎亦危哉玉光三動秋

風急劍氣中分昨夜來壯士何人猶解飲英雄誰  
說不勝杯蛟龍五彩天方授虎豹九關空自開

安昌侯

丞相新封大國侯殿前誰請佞臣頭曾教涇水分

千頃又許陽陵老一丘醒却司空談妙義醉將少

府發名謳何如祖帳都門外故老相從得自由

善論語元帝令之授太子成帝即位賜爵關內侯  
代王商為丞相封安昌侯時王氏擅權禹專事阿

諛無所匡正故槐里令朱雲上書願借上方劍斬  
佞臣一人頭以厲其餘上問誰也對曰安昌侯張

禹上大怒命御史將雲下雲攀殿檻折雲呼曰  
臣得下從龍逢比干游足矣後欲易檻上曰勿易

嗷鳴詩集卷十二  
晉之以旌直臣禹為人謹厚內殖貨財多買田至  
四百頃皆涇渭溉灌極膏腴上壞他物稱是性習

知音聲者准陽彭宣居大第後堂理絲竹管弦禹弟  
子尤著為人恭儉有法度而崇儒學多智二人異

行禹心親愛崇收宣而疎之崇每候禹常責師宜  
置酒設樂與弟相娛樂禹將入後堂飲食婦女

相對優人管絃鏗鏘極樂昏夜乃罷而宣之來也  
但見之於便坐講論經義日晏賜食不過一肉庖

酒未嘗得至後堂及兩入皆聞知各自得也禹年  
老自治塚塋起祠堂好平陵肥牛

亭地又近陽陵奏求之上以賜之

嚴陵

北闕徵書到末期西曹折簡笑人癡漢家龍袞終

難近齊國羊裘好自嬉七里清風間去艇千秋明

月照垂絲磻溪本應君王卜桐浦惟償太史知金  
陵來子陵曰述似磻溪應有待世無西伯可能留  
不獨金陵論子陵者往往謂子陵知希不能盡其  
用故去殆過也子陵傲世自耳自比巢由  
信矣而更求加於巢由之外是亦多言哉

西陵

七十二丘宛相似當年何處望西陵英雄垂死心

猶壯妓妾滿前悲不勝總帳朝生江月暈銅臺秋

老暮雲層彌天率土今安在泰華崑崙亦願登

論操分香賣履事言遺令不舉大事而及姬妾瑣  
屑以見無代漢心此大奸偽也恐亦索之太過操

不言操代無庸言矣若分香賣履云云自其兒女  
之情不能遺諸陽節謂其死見真性得之矣陸機

嗷鳴詩集卷十二  
平魏武帝文云達率土以靜寢戰彌天乎一棺親  
武秋胡行云願登泰華山神人共遠遊經歷崑崙

人到蓬萊飄飄入極輿神  
人俱思得神藥萬歲萬期

昭烈廟

翠葆亭亭桑樹高建安年後有金刀君臣魚水還

三代昆弟雲龍況二豪自古興亡皆社稷于今登

降獨雲霄錦城啼鳥年年五都向靈風漬羽旄

微時舍東桑樹高五丈如車  
蓋嘗曰吾當乘此羽葆蓋車

汚南

曾向齊門歌二桃因從帝子說三刀兩朝涕泣吹

餘燼五月踉蹌渡不毛鼎足已知天意定江心猶  
隱陣雲高汚南祠廟終今古蛇虎縱橫護六韜

哭所知

一望寒雲淚自零棠梨花落晚山青高天猶在客  
皆散今雨不來人自醒纔見虹光思寶匣每窺井  
水探銀瓶只須秉燭游清夜何用持杯酌晚局

題楊太宰桃花嶺

上公舊隱武陵源徑轉峰迴淑景繁千樹成蹊霞  
忽起三春過雨浪初翻欣欣洞壑皆迎笑脉脉林

東陽詩集卷十二

丘竟不言肯與少年增物色長風萬里度崑崙

予告省親過泰山瞻理四首

岱宗拔地鬱蒼嶠帝遣神孫治碧霄崑崙西來開  
寶氣蓬壺東去引仙飈漢雲入暮猶飛白秦樹經

寒亦後凋七十二君無問所千秋典禮肅皇朝

翠虬鬱律起摩蒼風伯雷師擁下方獨有岵嵎堪

弟子更無嵩華可齊行仙翁夜發留神枕玉女晨

興挹帝漿最是關情吳越觀片雲搖曳海天長

幽經怪牒定堪求挾霧凌雲到上頭正以秋豪齊

物論何須九點辨神州飛泉倒浴滄溟日斷峽長

鳴碣石秋萬里罡風生肘下羽翰猶怯歎淹留

我是蓬玄舊博徒生來猶復字肩吾每從紺髮雙

童子數過華顙五大夫拄杖中峰開洞錄齋心乙

夜禮香爐願持天上霓裳去併入庭前綵服娛

東湖獨汎

晴湖如鏡近人開十里寒光照影來鐵笛一聲秋

月晚素琴三疊晚雲裏氷生蕙渚魚初蟄雪覆松

房鶴未回小笠長蓑誰共釣西風杖屨自登臺

東陽詩集卷十二

送蔡爾通郡侯

師門桃李舊相隨郡里桑麻被寵私絃上風來聞

鶴語毫端春動有蠅知萬家襦袴籌寒火絕島梯

航暮暮旗未遂借留悲父老桃花古渡解維時

金山別僧

燕子磯頭飛錫來龍王宮裏荷經迴人如蘆葉浮

空去心似蓮花照日開明月正懸秋香渺片雲將

度夕徘徊支公肯發重來磬茗椀香爐答辨才

於騰縣上書待命禱泰山行祠作三首



手擊溪蘋謁上玄齋心靈域想驤然起家自昔干  
升斗靡祿于今已廿年西望芝英方五秀東懷桃  
實且三圓素情緘就貽青鳥儻許飄遙弄紫烟  
周王群玉道家山衮衮諸英入帝宸不少雙鳬飛  
海上何妨獨鶴向雲間卧病經月無家信游子三  
春損舊顏長憶門前湖水綠漁歌終日伴鷗閒  
從來素食帝皇畿閑却親闈負米期袖裏封書長  
作血天涯寸草又成絲願同巢許稱臣日甘老唐  
虞比屋時白日精誠應可照黃河誓語更誰知

家鳴詩集卷十二

十一

題滕文公祠示滕令馬子

邑外殊多可井田富民無計一凄然舊君尚有祠  
千載吾道猶存書七篇當宁每憂窮節下封書常  
發冕旒前諸君冀負生平學長使人歌宓子賢

寄內

暮雲天遠桂樓深三月韶華半有陰鳳字時來空  
宛轉魚書何處付浮沉銅缸月掩三更夢寶篆烟  
消五夜心最恨吳娃舊歌曲朝朝暮暮起江潯

感興八首

落月紗燈籠煖待朝曦通宵內史繙周典長日句  
腫肅漢儀一別鳳池春睡足微聞退食更逶迤  
露下水花壓井欄貪趨翠幄幾凌寒臯門假寐傳  
魚鑰內殿深談出鳳團暇日縱橫題寶軸移時絡  
繹送雕盤回思獻納真無術紫極天高不敢看  
高郎橋左直門西短草長楊散馬蹄三事一時閒  
似水群公終日醉如泥梅花度曲鶯初滑蘭氣煙  
波燕屢低誰念玳瑁聲獨苦風前五筍幾行啼

家鳴詩集卷十二

十二

居庸關險限天驕上谷雲中路不遙虜主秋來長  
貢馬胡兒夜起亦承鵬九陵松柏通原廟萬國麟  
鳳感聖堯棄擲金繒無所用漢家非少霍驃姚  
玄菟開國護東方況是天家異姓王正朔年年干  
典屬圖書卷卷稟文昌薊門肩背關非細溟海波  
濤舊不揚螳臂何來磨巨斧王師早晚發遼陽  
豈有秦皇鞭石來亦無越絕到瓊臺海王作賦惟  
益笑先帝憂民急草萊寧取峰霞同壽酒拾將海  
月當仙杯開關盛德千年事廟勝長籌莫誤開

賈生虛立漢文朝鵬賦將成轉寂寥楚峽啼猿洞  
木葉湘江歸鳥駐蘭橈四時湖海花同發一日公  
卿馬並驕高義雲天精日月休因山鬼賦申椒  
何必冥搜大小勞東方群盜欲如毛徐生不去收  
金草方朔猶宜獻玉桃鸛鵒河邊秋思遠蟪蛄與  
下晚聲高起居太宰今何似白髮江湖幾度搔  
贈張郡守原正入覲

吳下聞名自早時郡中借寇一何遲初膺四十專  
城寄人誦中和樂職詩極浦寒星浮遠使荒城疲  
累鳴詩集卷十二

馬別群兒九重應問東南事莫忘王生立語祠

劉給事景孟持憲海上

梧省沉沉切紫霄蘭香裊裊度仙巖先開魚目搖  
雙珮徑邁螭頭接左貂鸛鵒夜收封事草鳳皇春  
發詔書條總戎魚鳥來江海幾度晨鍾自寂寥

寄王當世海憲

帝命專征靖百蠻擁旄持節立重關春風戲馬桃  
花渡秋月懸弓檜子山九譯波澄珎怪入三韓天  
肅鼓聲聞白鷗汎汎滄江曙貌虎長屯細草斑

夢與元君酬和

碧落空濛俯曲欄藥珠宮闕逸風翰天開金界三  
千澗月滿瓊樓十二寒飛蓋忽低青海鶴洞簫俄  
咽紫霄鸞誰教華髮歸來晚不及靈妃昨夜彈

禮洛伽山四首

積水中開梵帝宮孤帆高御列仙風始知四大浮  
空住剎有三天護法雄肅拜聖儀明滅裏迴看人  
世有無中殷雷欲裂潮音洞何處西方更發蒙  
近有三生紫竹緣何須十地訪人天獨騎香象開

累鳴詩集卷十二

十四

龍國故擊靈鼉撼蜃川銀浪秋掀雲影淡金輪朝  
發海光圓請看萬頃瑠璃碧誰忍閒參小乘禪

妙應峰頭披世氣磐陀石上攬晴曛大千毫髮空  
中見諸佛威音定裏聞虛唄自隨龍鬱律天香惟  
與鶴氤氲三山近立祥河外盡為金僊駐彩雲  
巢頂孤僧坐似懸更無色相與區緣蓮花寶界龍  
腥薄蘆荀香林鳥性圓繞唾嚙珠尋到海乍飛月  
鏡已升天真無水色寒相照假有山光亦自鮮

初春作

蕙草未舒新歲葉桃花仍點故年枝石牕含霧生  
衣上蠟寶留雲入酒卮魚腹豈嫌流水冷鶴翎休  
怯老松危牀頭一屐須教躡籬畔春陰次第垂

林侍御道卿新居

新開幽徑延三益遙對青山一舉卮海燕自能尋  
舊主流鶯先喜占高枝窓含桂館星文靜簾捲蘭  
臺日影遲為學潛夫著佳論綠槐香穗幾行垂

哭朝兒葬所

天上靈根不易栽空庭為汝積莓苔囊書竟負先  
吟鳴詩集卷十三十五

人托麥飯翻從此日來槿樹既教連夜落鵲花何  
用及春開西河老淚難禁灑長擬魂隨返照回

旱後潦

十雨五風不可值三年四旱憂予心皇天久已違  
人欲赤日又化為愁霖焦枯無何復生耳悲歎且  
置聊行吟自非巨靈發盆照端恐此州將陸沉

忽夢游仙

澤國秋容下鷺湍流風迴雪舞江千波生翠羽靈  
妃濕露滿冰簷帝子寒萬頃芙蓉愁外老一天段

葦夢中看憑誰托付西飛翼高度瑤池也不難  
喜朱宗伯少欽邵司寇世忠過余草堂

負郭柴桑小徑幽清颺初發桂花秋客停剡曲千  
溪棹春滿吾家八咏樓遂有青雲流澗戶因之黃  
鳥狎滄洲十年不盡停雲思今日和鳴伐木求  
屠長卿飲二公江上預陪小賦

不淺儀曹好客情蕪葭吾亦預將迎即看縹緲如  
河漢亦有芬芳似洛城水落魚龍千嶂合天高鴻  
鴈一雙鳴劇談月白光風轉披拂羅衣照眼清

吟鳴詩集卷十三十五

招寶山威遠城望海

積水溟濛俯大荒百蠻於此拜冠裳揚旌伐鼓今  
何日巨貝明珠久不王未保鯨鯢終穩浪休教燕  
雀且娛堂諸公雄駕長風至好淺洪波種女桑  
於寶陀寺定海尹時汝健供齋答謝

坐聽潮音擁芻芻俄聞河尹送伊蒲軍輸久矣勞  
天下香積何當遍海隅火耨千家飛鴈鶩漁歌終  
日誦萊蕪寺門黃葉風吹淨一道明霞映水盂

侯都護西園

將軍好事開西園留客頻呼赤玉盤無數鼉鼉驅  
石駕有時魚鳥駐旌看三杯酒盡青山暮一劍風  
生落日寒門外舟師催鼓角平夷直欲到三韓

薛中孺給事携樽淨居寺

淨居寺裏秋將老給事筵前菊尚開衰壑無光霜  
葉醉斜陽收影月華來樹迎馬首千峰合潮轉山  
心一乘迴東望梅岑纔咫尺看余早晚陟崔巍

育王寺觀佛舍利

寶蛻晶瑩挂碧岑猶疑肉頂躍黃金巨星內徒蛟

家鳴詩集

卷十二

十七

宮近明月高懸貝闕深四照群生開覺路一空諸  
有淨人心我來坐對香爐寂霜果累累鶴滿林

東吳史相故宅即越王欲置夫差處

丞相曾開蔡戟雄詩人興廢感懷中環橋尚秀銀  
河色別館誰香紫桂風日落漁樵歸廢井月明歌  
舞入飛蓬吳王舊有君家恨今古人嗟一甬東

舒園讌集憶余太保

長懷辜負綠陰多最喜追隨二仲過竹下行厨歲  
怪石蘆中釣艇出微波前山載酒明霞舞後院流

觴皓月歌舊日高情應不減如聞香霧鬱烟蘿

大慈寺玉版禪房和少欽贈慈師

翠微深處發鍾聲修竹長松到自清落日平臨無  
色界浮雲高擁化人城清池月印禪心靜祇樹天  
銜塔影橫一見遠公三嘯去今宵蓮炬向誰明

桃花渡送二客

桃花津上兩仙郎著作篇篇挾晚霜世事可憐雙  
鬢白達生惟見古人狂任他落葉還豪飲莫為飛  
鴻泣斷行翠竹蒼梧堪自保鸞停鳳隱亦何妨

家鳴詩集

卷十二

十八

集張孺愿孺宗小瀛洲

洲在湖東與  
賀監祠相望

十年辭家事遠游歸來故人無黑頭二難風流獨  
江左三島雲物開瀛洲小山叢桂孤芳發空水酣  
歌自在秋歸踏大堤明月好賀公端不愧吾儔

因從軍者訊陸無從

攝山社裡共論文數子風流總不群此日靈光惟  
爾在不知隋苑若為芬吳公臺送千山雨楊子橋  
橫十里雲老臂猶能作詞賦無輕浪子去從軍

再答無從

三十年前赴汝期滿庭黃葉亂風吹譙周莞爾窮  
經日元亮欣然命酒時雙檜寺前成遠別一花觀  
裏寄新詩遙知今夜平山閣細雨鐘聲欲度遲

贈延慶襲上人有序

隆襲上人故家子祖曰張公廷俊仕至郡  
太守上人幼而殊性願出家父母不許則  
潛投延慶寺會叔氏無子欲子之訟之縣  
縣終不能奪為僧又十餘年時師無所發  
明乃去而遠游由天台抵五臺而還若武

梁陶詩集卷十二

一九

林若洛伽則其歲歲所涉歷者叅禮高宿  
既久探其中若冲然得美一榻一鉢或禪  
或誦傲居躬屢畸無一徙再棄千金產而  
甘托寂寞以老非僧中楚楚耶余與居之  
相近旦晚靜對以濯垢氛賦贈見意

江雲長伴一孤僧海閣岩峴最上層石火觀身何  
處却天花說法幾時能殘經夜諷飛林籟片衲秋  
縫倚佛燈我欲携琴來夜坐因師方寸冷於冰

邵世忠送西介

君家原是東陵種種得青門五色瓜翠顆團團明  
渴眼瓊漿脉脉澣寒牙扁舟夜送留雲葉巨管朝  
傾瀉浪花便覺清風生兩腋還疑星海泛仙槎

苦熱得雨

赤日行空欲起烟風雲倏送瀉流泉只疑身是驅  
龍客又似生逢祝網年稍潤琴書堪夜坐微涼枕  
簟得朝眠平頭奴子還相賀大扇今宵直棄捐

登孺宗烟波閣

臨湖開閣倚危欄似爾風流亦建安四壁雲光邀

梁陶詩集卷十二

二一

客坐一簾山色捲余看烟生極浦游魚濕雨過前  
溪宿鳥寒已遣蒼波移桂棹還教明月採芳蘭

贈唐見甫司理權司勳北上

石榴花驛近垂楊岼芷汀蒲遠路香來挈冰壺清  
海嶠去懸水鏡照文昌散朝羅襪春風早卧省香  
爐夜雨凉今日接羅堪倒着可憐山簡醉襄陽

家句章暨張孺愿孺宗金越石兄弟方叔仁

山人見過共登宿雲閣用雲字

香閣高騫迥不群平臨江郭俯流雲征鴻忽向天

邊隋片雨疑從竹裏聞坐久湖山通水氣詩成花  
樹染霞紋今朝何幸偕仙侶勝選探幽到夕曛

金莪寺僧舍

城頭南望最高山幾度登樓擬一攀落日獨搖藜  
杖至春風偏向草堂間降龍老衲留衣在化鶴先  
生棄羽還茗枕香爐賓主寂不須牢閉薜蘿關

鄧學士汝德省侍過杭州不及相聞寄贈

侍郎自昔稱冠冕學士從來領縉紳翠鳥下時丹  
水活青雲起處綵衣新西池氣色皆成玉東海波

鳴詩集卷十二

二十一

濤未即塵悔不逢迎飛鷁遠嚴陵應有釣魚人

送丁使君右武

葭莢連空楓葉翻水禽驚落鴈呼喧海門微雨方  
憑軾江閣飛雲又別樽鼓角夜寒思杜預旌旗秋  
爽憶劉琨驪駒歌罷魚龍起幾處人歸月滿村

荅薊門李開府惟楨

江南楊柳簇春姿薊北梅花動遠思腰下戎鞭搖  
積雪山頭獵火間朱旗趙亮自可中丞印吉甫能  
無六月詩綬帶輕裘多暇日綠蘿欣有慶雲垂

定海尹時汝健應召北上

四為巖邑稱循吏十見桃花奉詔除召伯甘棠連  
大澤陶公高柳拂長渠星文夜照微垣色水鏡朝  
披鳳沼書早晚青蒲須獨對為言江海廢樵漁

輓邵司寇世忠

西風倚棹甬江頭書札新來讀未休正擬相將河  
朔飲誰知奄作岱宗游三臺氣象推駟馬六典聲  
名重爽鳩一哭生芻盡今夕數行佳傳已千秋

盧伯貞家園

鳴詩集卷十二

二十二

細湖曲抱宅邊流小徑香生蕙草幽水色乍空鳴  
一鳥山光欲舞下群鷗枇杷過雨拋金彈菡萏迎  
風弄綵球取醉流霞無復事披開芳草飼新鳩

邵孟公以文來示余方歎賞會有饋雙鶴者

舉以贈之

雙鶴聯翩思不群玉翎丹頂鬱清芬摩空影向三  
山見警露聲從百里聞飛去只疑梁苑雪歸來還  
似楚江雲淮南近挾風霜字好去同窺碧落文  
潼川王參知仁卿家五世同居賦此旌之

玉塵清風尚可攀青箱家學待君還六朝地重烏衣巷五世門高赤甲山堂上老人通杖屨階前稚子換衣斑參天喬木森森立祇是田荆也厚顏

贈傅封君

令子新趨建禮闈起居堂上有光輝山公啟事時名大韋氏傳經世業稀秋水整停天漢節春風時賜老萊衣哦山詠水人如玉迢遞天南一少微

寄龍伯貞武陵

宦游十載識人情歸向湘潭事耦耕楚澤惟聞漁

吟鳴詩集

卷十二

二二

父醉建康誰說顧公清烟銷三戶桃花晚雨過雙溪橘子晴曾憶採蓮橋畔否月華初浸一湖明

張回卿孺覺園留別

辟疆園對鏡湖開曲徑逶迤我自來芸閣香生大酉洞楓林春住小蓬萊卿家月滿留賓席先世風流作賦才何事門前催騎急鷓鴣洲上幾徘徊

留贈伯兄

百年七十古稱稀鄉里衣冠滿道輝喜見吾家荆樹老况逢十月小春歸開筵靜掃黃花徑送酒頻

揺白版扉小弟獨憐于役去回看南鴈思依依

朱少欽逍遙樓

北阜新開百尺樓南山飛鳥狎滄洲日銜湖影揺書幌風捲濤聲拂幔鈎正可振衣凌蜃閣還宜俯手摘星球千秋觀裏黃冠在縹緲相期續遠游

吟鳴詩集

卷十二

二四

吟鳴詩集卷十二終

啄鳴詩集目錄卷十三

七言律詩

莊亭

對月憶家園

寄長卿

夜雨到金山

揚州贈所知

早春駕幸百果園

寄黃鳴周李元甫于可遠

薊遼孫總督求解官却寄

楊花三首

燕昭王墓

塞上臘日

送單令郝謙伯

輓陳元忠

喜本寧入浙

雜贈九首

寄屠辰州田叔

寄本寧兼簡薛使君

暮直寄文融

憶君房讀書所兼寄朱叔明余大中

自哂

三日

廷試讀卷呈同事

和沈司空純甫得雋之作

送客之楚西

訊李元甫

喜雨客至

春日懷鑑湖

送葉侍郎進卿之留都

觀朝鮮征回軍

賦得當年憶箕仲

客從蜀來因送所適

贈楊博士日東

贈逃禪入王屋山

題唐伯虎楚宮秋圖

龍起泰山訊丑大夫

大夫答

海豐楊太宰九十

寫真自詠

積雨東東隣

寄茅平仲陸無從因懷郭道人

送宋汝傑歸蜀

哭陸平泉老師

金陵沈願貞先生崇祀鄉賢

汝南汪公崇祀鄉賢

聞琴

哭余僧果太常二首

哭屠長卿

聞長孺從諸少飲佛寺

施功甫以詩見贈踵韵答

答謝曰可

曰可問余東湖答

天津曉發

道逢于可遠



浮加河懷李于田中丞

望西山桃源寄屠田叔

陳大行元嵩銜命道余還山有詩見貽贈答

二首

山居贈客

賦得夢山寄九十一翁楊太宰酬貽仙棗

逢朱遠卿話舊 餞丁國雲赴江西方伯

題鄧江先生廟

汪長文新宅成宅在大雷山中

東萊鄭朗

歌鳴詩集卷十三

三

七言排律

寄題周紀善太霞洞天

趙汝邁范汝益田德萬張廷芳同日持節封

藩饒席得朝字

贈前德安倅何先生

潘使君海漕奏功 大閱應制

夢芝谿

歌鳴詩集目錄卷十三終

歌鳴詩集卷十三

沈一貫肩吾 著

七言律詩

莊亭

莊亭樹色晚生寒幾處扁舟欲渡難白鷺窺人雙  
眼碧倉鶻呼雨一衣單東來鷓鴣浮天柱西去羊  
裘入釣竿惟有酒旗青不捲月明搖櫓隔江看

對月憶家園

月如銀鏡好當臺酒與金波一色開乍似水南清

歌鳴詩集卷十三

二

磬發還疑天未故人來花間香霧蜂堪釀雨後閒  
雲燕欲回蘆笋正生梅子熟小池連夜長莓苔

寄長卿

淡蕩韶光晚不收濕雲蒼霧隱芳洲永和曲水還  
三日陶令踈籬欲九秋竹下棋聲乘月度花間琴  
軫抱溪流候門稚子無無恙羨爾春風得自由

夜雨到金山

數過翻成失路蹊重來無處問招提烟扉洗鉢僧  
初定雨舫臨門鳥亂啼天外欲高金菡萏江心純

是玉玻璃若非智炬垂芒耀安得長廊續舊題

揚州贈所知

雙燕何曾歸漢苑數螢猶自照隋堤  
天空月近我今到笛短琴長人不迷  
砧杵頻年思塞北笙歌幾處憶關西  
欣然道故何容易莫笑臨風有滑稽

早春駕幸百果園

翔鳳亭臺送曉寒回龍閣道轉仙翰  
千花借發三春仗百果先呈萬壽盤  
木末禽魚吹宿霽池邊鶯鷺鼓迴瀾  
昨來宮老傳新調一夜啼鶯已習彈

寒鳴詩集卷十三

寄黃鳴周李元甫于可遠

長懷理檝採芙蓉徙倚危樓日幾重  
飛夢落時雲縹緲函書來處鴈從容  
新知絳闕招黃綺故事青山問赤松  
會見汾陽迴道駕列仙何限剖符封

蒯適孫總督求解官却寄

有鳥東來字令威今年華表又成非  
蘆花滿目青雲盡榆葉連空白鴈稀  
客夢未能離桂舫主恩應不惜荷衣  
嘗嫌黃石遺書誤何必功成始息機

楊花三首

忽報飛瓊訪落暉登樓遙認是耶非  
團將香霧氤氳轉散却游絲斷續飛蝶  
夢成真穿牖入花魂不語趁簷歸朝  
來十六橋心路喜見山雨色稀

萬數長條化白虹紛紛相引度江東  
隋堤過雨還飛雪魏苑無人自起風  
舞羽暫隨瓊樹合唾花俄向碧雲空  
殷勤斗酒新豐暮誰忍韶華入轉蓬

開自無心落更閒奔濤終日遶青山  
薄添燕壘棲梁上穩著蛛絲挂壁間  
豈有愁心來騁望將無倦羽亦知還  
笛中搖落梅花思一夜音書到玉關

寒鳴詩集卷十三

燕昭王墓

汶篁舊植許誰尋燕草如絲自古今  
巨海不難浮白玉荒臺無復市黃金  
三家守塚遺民意薄暮停騾壯士心  
叢葉漢關高百尺風雲玄感動哀吟

塞上臘日

臘日元戎出武威西風吹角塞雲微  
汗溝瀉凍膠金勒血淚凝丸打鐵衣  
明月下蓬孤鴈去驚沙還逐片蓬飛  
胡兒窟廩無人說且向南山射虎歸

送單令郝謙伯

美人綰綬出東方子賤鳴琴舊有堂携得春風辭  
魏關分將花事理河陽背城千嶂孤松秀逸郭三  
家薜荔香半月臺前芳草思哦詩端不廢迎將

輓陳元忠

萬樹寒烏樓復驚終宵飛遶鳳皇城宗臣未竟安  
劉業公子空高救趙名劍外涼風淒瑟柳渝中哀  
壑慘銘旌蔡邕死後誰能作深負當年載筆情

喜本寧入浙

杏樹林中同應制桃花觀裏共題詩琴囊乍解初  
吹笛詩集卷十一

升月書幌初開未起颺去國十年踈越絕浮湘三  
載熟騷詞知君欲暢觀濤意莫後清秋桂子期

雜贈九首

留京松柏天長保原廟衣冠月出游萬樹香風歌  
院落千家明月語江樓賈生雅志傳雙淚平子閒  
心托四愁永念高皇開朔日思波深湧大江流  
鹿塞飛鴻近國門漁陽寒葉攪清樽踈星堂上垂  
人事細雨庭前慘客魂歌罷五絃風入室醉醒孤  
劍月當軒何時委珮承春草共入華清謁至尊

君王暫假一枝安不信梅花又歲寒空有長心馳  
碧落更無短髮戴黃冠馬卿肺病秋來甚李廣侯  
封老去難好在江州白司馬休將殘燭掩羅看  
故人相見眼初明一架薔薇似水平花徑微聞風  
後欬草堂新聽雨餘鶯衰年久謝青藜後愁絕能  
無白雪聲把酒勸君君強飲天涯華髮不重生  
嗟君行役久渝烟萬里歸來及暮蟬風送寒雲承  
漢日山連野火薄胡天不妨狼籍論文酒尚有支  
離買賦錢後會雙龍何處是茅山喜客引清泉

喙鳴詩集

卷十三

五

夜深小雨浥芳蓀馥馥香風別院繁未有片言酬  
聖主空教一市笑王孫書來始覺吾廬靜客至無  
言漢樹溫江月半沉人未寢鷄聲遙發建章門  
昔人悲動淮南木今爾摧殘楚樹秋手掩柴扉看  
落日心依蓮社隱滄洲空齋寂歷翻黃葉孤舫招  
搖信白鷗不是洞庭風月好教人間殺吏公樓  
越禽冀馬各天涯猶戴南冠憶剡川柳暗鶯聲將  
百轉桑稀蠶箔好三眠山僧拄杖搖青玉溪女文  
筐散綠錢何日春風相問訊柯亭吹竹度朝烟

澄湖秋水練光開乞與詩人細剪裁小荇牽雲游  
別渚新松扶日上高臺南風習習蒲葵卧西月微  
微桂艇來歲去如馳青鬢老知君雙劍亦徘徊

寄屠辰州田叔

湘丘風土似長干短髮何妨寄楚冠橘柚黃時霜  
未落魚龍起處月猶寒江楓嫋嫋迎遷客籬菊微  
微笑冷官縱有鴈書誰達得從來衡浦去迴難

寄本寧無簡薛使君

楚岫當門三十六山山明月向君低清齋夜學諸  
咏鳴詩集卷十三

禽戲白佛朝聽百鳥啼春鴈未來人正北寒林乍  
啟日將西如聞倚杖看雲處恰值山公飲大堤

暮直寄孫文融

鷄樹黃昏對直廬歸鴉萬點集林初師丹老去能  
忘事劉向年來只校書滄海月明關塞笛寒江楓  
落故人車孤栖隻立成何用萬壑千山可笑予

憶君房讀書所兼寄朱叔明余大中

無懷人住漢城山負郭幽居水竹間幾日不梳青  
鏡白終朝偃卧綠苔斑多藏舊訊無時答每對殘

棋未肯閑誰為款門惟二仲薰葭明月往猶還

自哂

種苓鋤木定何年縮地騰霄意可憐肘挾飛霞通  
海氣心懸朗月照湖烟大荒汗漫今宵雨小有清  
虛異日天元坐短檠誰是伴篋中新註養生篇

三日

三日春風吹綠波搔頭其奈曉霜何朝叅出去花  
初發休沐歸來月已過鷺渚草深雲澹蕩龍池魚  
暖樹婆娑後人長恨前人事怪得蘭亭說永和

咏鳴詩集卷十三

廷試讀卷呈同事

仙闕嵯峨遞曉開公車楚楚對英才潛虬總為春  
雷出彩鳳咸儀聖日來萬國輸琛歸冊府群公曳  
履到星台臨軒正渴充廬彥甲乙須煩次第裁

和沈司空絕甫得雋之作

沉沉東閣午城隈詔集公卿選士開太乙乍銜藜  
火下驪龍俄獻寶珠來未論桃李叔公等且喜風  
雲合上台客薦揚雄真不忝茲金豈有未登臺

送客之楚西

江上逢君老更狂，明時何意有馮唐。官衫七尺青  
于水，旅鬢三條白似霜。寶劍秋風辭建業，琵琶新  
月度潯陽。衡山西去賓鴻少，豈乏游魚到武昌。

訊李元甫

木蘭開罷宿烟清，惠雨祥雲照眼明。楊子經年玄  
尚白，左思垂老賦須成。風來少女春三日，月轉峨  
眉夜五更。每恨人間無好事，惟懷夫末有同聲。

喜雨客至

暮暮雲生碧海翻，逢逢雷動九衢喧。人因病暝方

客鳴詩集

卷十三

九

馮几客為行霖忽，款門染出柳絲從。霧纖飛來榴  
火待，風溫梁間燕子相。將語御苑香泥氣似燐。

春日懷鑑湖

坐對朝曦生綠條，潛思春色秀蘭橈。微風魚陣翻  
菰葉，細雨禽聲長藥苗。徑僻不辭雙屐軟，波晴惟  
我一帆遙。愁心未得騰蒼霧，華髮何當老碧霄。

送葉侍郎進卿之留都

烟明花煖艷緋袍，詞客南征重禮曹。春殿鶯行晴  
遶羽，金門鳳彩畫飛毛。鍾山月曉初垂橐，淮海風

清舊舞刀欲採芳，蘭充雜佩不堪白。首誦離騷。

觀朝鮮征回軍

韓山飛雨濯腥袍，瀚海雄風颺節旄。萬里樓船收  
曉霽，千群鐵馬曳秋濤。貪趨綉幙輕牙仗，競買金  
釵賤寶刀。獨有弟兄原上別，驚鴻不定起哀號。

賦得當年憶箕仲

擊水閑歌海樹蒼，東郊月吐值漁郎。青山墮影過  
前堰，白水迴波入斷塘。宿鷺洲邊江幾曲，垂虹木  
杪鴈三行。當年勝事同誰說，都付春風一條傷。

客鳴詩集

卷十三

九

客從蜀來因送所適

玉女披衣秋氣清，主人投轄晚山晴。花間誰忍辭  
先醉，飲裏何須畏後生。鳥道萬重來不險，江流九  
曲去還平。椒潭桂浦經過處，不減山陰雪裏行。

贈楊博士日東

石湖晴色海雲東，渭水閒心隱釣翁。松樹年高凝  
湛露，柘漿春煖醉微風。方瞳遠注波光淨，健足高  
凌鶴影空。長憶方明階御日，至今仙仗倚崆峒。

贈逃禪入王屋山

有客逢秋興轉賒投簪西去引牛車玄猿獨應過  
王屋白鳥先驅入梵家寶月圓時翻貝葉香雲高  
處禮曇花還憐到日飛新瀑相對蒲團細品茶

題唐伯虎楚宮秋圖

虎頭縱飲石三千立染荆門萬壑烟嫋嫋踈檣飄  
紫袖泠泠高閣隱朱絃桂花條已消為水玉免將  
無化作仙怪底朝來高髻賤衛娘雙鬢薄於蟬

龍起泰山訊五大夫

岱宗膚寸眇崔嵬誰自行天挾五雷合沓山間轟  
嘒鳴詩集卷十三

幾處氤氲妖霧走千迴飛猿葉下憂天隕駭鹿枝  
橫惜地開為爾殷勤馳匹練丈人安坐九成臺

大夫答

秦皇避雨昔曾來玉冊金書一再開偃蓋猶能承  
日月彈絃終不驟風雷仙人拄杖行瑤草童子棋  
枰坐綠苔跋涉長鬚知汝厚白雲紅樹晚悠哉

海豐楊太宰九十

起居桃嶼老仙官幾淺蓬萊復此觀魚鳥去來人  
自在雲霞吞吐劍猶寒朝天奏向三山草選佛書

從十地看宅畔一泓稱北海都來傾入酒杯寬

寫真自詠

浪說圖真豈有真鬢絲何夜忽成銀可憐落拓青  
藜子獨覩椰榆白眼人籌國無成疑燕雀畫師終  
不到麒麟從來後輩輕前輩况我今先厭此身

積雨東東隣

愁雲終日鎖燕臺咫尺牆東屐未開林下負新誰  
間出盤中割鯉自飛來閒花寂寂虛含笑笑老樹呼  
呼但起哀義御此時能轉轂屬車何限揆天才

嘒鳴詩集卷十三

寄茅平仲陸無從因懷郭道人

三茅仙種還如鶴二陸名家尚有龍曾共小齋歌  
薜荔因過遠浦折芙蓉貞心終不移江水白髮猶  
誇作楚農却怪焦先遽如許潮痕深鎖落霞重

送宋汝傑歸蜀

君歸好作綏山眺我亦招邀若士游挂席未開春  
水動舉杯將屬晚山愁星辰崑閬深千古舟蓬蓬  
萊淺一丘絨就相思誰遮得峨嵋初月照西樓

哭陸平泉老師

海外三山倏送陰雲間孤鶴起應吟荷裯挾羽飛  
銀漢藻綬生蟬挂石林渡海未煩靈鳥待占天應  
有歲星臨獨憐几杖遠來久不及諸生共啟衾

金陵沈願貞先生崇祀鄉賢名九思子鳳翔給事中

俎豆新看登孝廉鬱金香纂送前簷南方有道推  
言偃累葉傳經到仲淹丹谷鳳來嗟尚隱白門龍  
起恨猶潛我今作誄霜毫滋為肅先生律數嚴

汝南汪公崇祀鄉賢名治保定守子若霖給事中

三輔絃歌動保陽漢廷花鳥憶含香冰壺茂著風  
嘯鳴詩集卷十三

霜節寶劍長留日月光桂籍翩翩垂畫錦靈旗颯  
颯下東桑誰憐不盡匡時策綵筆于今付夕郎

### 聞琴

絃中嘹亮昔人心誰復橫肱理素琴陶令去時無  
酒伴孫登歸處有鸞吟思家步月松聲滑送遠悲  
風桂影深北斗低昂天萬里婆娑一老獨開襟

### 哭余僧果太常二首

雲霄遲我方卧泣塗辱君君豈知門外客來棋  
已靜夜分月到舟先移鴻毛萬里飛不極鶴夢千

年醒太遲今日寢門盡一哭他時宿草又同誰  
才如方朔堪言命道似黔婁不厭貧潮水打城還  
故國江風吹雨又新春此時醉酒憐清夜他日看  
燈憶美人祇為人琴無一在何言孤劍許交親

正月十三日卒

### 哭屠長卿

氤氳蘭省尚聞香去謁蓮臺禮法王施却珠璣胸  
萬斛流為瓔珞淚千行潮聲夜靜呼靈嘖山色秋  
雄發定光遠訃及門花正落計程應已到金方

嘯鳴詩集卷十三

### 聞長孺從諸少飲佛寺

謝家池上生春草阮氏林中動酒杯白髮會從玄  
髮飲桃花方間李花開千年月滿諸天閣萬里風  
高一釣臺莫惜庭前枯樹盡有人愁絕未曾來

### 施功甫以詩見贈踵韻荅

南國詞人好避喧茗溪進櫂水花繁簾前月上通  
荷氣戶外泥深長竹孫寄遠青雲題尚濕懷人芳  
草思能溫可憐四十年前友頭白無成立薊門

### 荅謝曰可

謝家池館草光深江徼魚來展素心肯以閒情攻  
白業何慚玄髮屏華簪薜蘿夜午凝寒色鴻鴈天  
青度好音若遇採芝人見問為言松子正相尋  
曰可問余東湖荅

舊住東湖隱可招不禁人老夢魂勞草荒無復疏  
三徑髮盡何云感二毛霞嶼啼猿中夜雨月波鳴  
鶴九秋濤山僧昨寄新詩到歎息黃花只姓陶

天津曉發

津城縹緲露文微旅鴈參差憶夢非老眼已枯明  
月上斷魂猶續故園飛清時北斗移天象此際長  
安親日幾天海恩波毛羽細江湖萬頃欲沾衣

道逢于可遠

謝公已老東山屐黃石猶函圯上書詔起蒲輪千  
載事人思霖雨十年餘旗亭月滿先樽郁鈴閣風  
清漢網疎永願變龍諧帝闕長教巢許愛吾廬

浮加河懷李于田中丞

呂梁東垆有通津太史河渠禹蹟新海若雍容朝  
申子支祈宛委伏庚辰桂花明月迎歸客瓠子秋

風憶美人天上正憐河漢夕孤槎疑寄斗牛隣

望西山桃源寄屠田叔

南冠何事久逡巡延望西山隔幾塵已謂此身長  
作客安知今日復為人雲帆蓬海千年國水木桃  
源第一津焚却移文惟有笑多公調護白鷗鄰  
陳大行元嵩銜命道余還山有詩見貽贈荅

二首

乞得君王鏡水舸還隨使者下星橋懸珠異彩明  
犀浦叩玉清音發鳳麟十畝歲身惟數澤九重憂  
國自雲霄臨風傾注無窮淚友誼君恩併一朝

雲松霧桂見依稀芰製荷裁此日歸遠道風霜憐  
晚節故山城郭敞朝暉開樽玉樹閒相對揮塵青  
雲澹欲飛願爾還朝將雨露灌輸滄海到漁磯

山居贈客

太平時節一閑身朝出松間拾委薪漁去忽疑空  
大澤樵來還可當嘉賓野心蕩漾隨流水雲影差  
池落近隣溪女能歌採蓮曲鋼刀如水割雙鱗  
賦得夢山寄九十一翁楊太宰酬貽仙棗



鹿夢無如鶴夢長青山紅日兩徜徉不驚綺樹迎  
秋葉自愛黃花護晚香壺內旋添新壓酒枕前寧  
有未炊梁年年棗熟頻煩寄猶似相從過阜鄉

逢朱遠卿話舊

曉露都莊兩轡齊看花時度直門西獵回俊鶻當  
空落飲罷慈烏欲夜啼隨牒幾年嗟日遠泛槎積  
水笑天低只今白鳥江村夕啜水無慙對老妻

錢丁國雲赴江西方伯

秋色平分巖桂開衣冠鄉里盡持杯人間方岳三  
喙鳴詩集卷七

江重天上風雲九牧來劍老數過牛斗渡詩新還  
上鳳皇臺至尊正切臨流羨南顧須煩濟世才

題鄧江先生廟有序

先生王姓致名君一字吾鄉有慶曆五先  
生為楊先生適杜先生醇王先生說樓先  
生郁先生其一也樂道安貧以行誼文學  
為後進師王荆公為縣令表揚之徵秘書  
不赴老妻收乘稚子拾樵晏如也廟食于  
郡東南里人新之予有是作

無懷數澤一間身有道妻兒不厭貧二仲頻來相  
爾汝諸生迎拜儼君臣名將太乙青藜共廟與東  
華老樹隣坎坎擊鼉君至否紛紛椒糝玉為塵

汪長文新宅成宅在大雷山中

大槪長岑鳥道通清泉白石倚鴻濛君家樓閣開  
天上蓬島雲霞入掌中竹戶舊含紅藥雨芝階新  
汎玉蘭風藏書曾滿三千卷疑是龍門太史公

東萊鄭朗

鄭朗才華亦自雄楊花四韻語尤工病如獨後投  
喙鳴詩集卷十三

林鶴愁似孤飛絕塞鴻漫以五絃消白日誰於千  
載浥清風官奴城外浮雲滅幾度思君憶海翁

七言排律附

寄題周紀善太霞洞天

滇人周君紹稷言永昌有山曰普麻去峽  
口山四十里諸水會焉有洞突突周君斬  
茅伐石列炬而入始入僅一竅五級而上  
仰見天光自竇晶晶可別其間豁舒曠衍  
可容數百人胚胎凝結怪狀紛錯如珊瑚

樹者一羅漢者二百餘樓閣鐘磬犀象虎  
豹者甚衆太洞仙經云白帝皓鬱蔣回金  
太霞鄉此太霞洞天乎周君今為襄王紀  
善好文辭為賦長律

剪盡茅蕪得洞天瑤繩金簡帝親傳始知妙勝希  
間事已出鴻濛未割前並集鴛鴦通上界平浮象  
馬到西川燒丹永蛻雲中鶴度世猶遺座底蓮湖  
海一行羈馬跡烟霞長自護芝田八公未厭淮南  
客風馭歸時路幾千

蒙鳴詩集卷十三

趙汝邁范汝益田德萬張廷芳同日持節封

藩餞席得朝字

四子聲華凌赤霄桐圭銜命總今朝九重曉日明  
金冊三殿爐熏煖使軺寮采攀迴虛左席河津折  
盡向南條長途正惜分連理深夜何辭飲沃焦稷  
下談天無轂轆江南結珮有瓊瑤懸知到處逢迎  
好莫遣音書海樹遙

贈前德安倅何先生

大復先生宇宙名摩空作賦鬼神驚嵇家有子如

中散陶令無官寄耦耕舊巘蒙茸瑤草合層阿蒼  
蒨紫芝榮月華幾濕江離夢雨霽初調谷鳥聲目  
翫春萋如過客心儀秋翰是平生圖書四壁堪娛  
老花月三時不出城應有洞章開石室已教青鳥  
訊蓬瀛天漿並入南山酒客座無愁北海傾

潘使君海漕奏功

皇家轉漕出東方河決頻憂水部郎幾載負薪沉  
漢壁俄聞驅石駕秦梁占星髣髴孤槎使取徑飄  
搖一葦航都下只疑天雨粟人間還似海為桑蒼

蒙鳴詩集卷十三

一九

夷閭澤來千里紅腐因陳入萬箱不是大川舟楫  
穩無緣鼓腹頌堯湯

大閱應制

九年三月三日

天祚蘿圖鼎曆長帝懷桑土微時康方新日御恢  
三統尚軫風歌守四方近拓星垣屯夜月親移黼  
幄發朝陽金堤暫駕辭中禁玉壘迴看轉未央萬  
乘雄風橫寶劍千官皎日捧牙璋千旌不動僕風  
舉怒馬含聲待令驤帳裏龍蛇繞天矯軍中魚鳥  
互低昂燕蹄冀角材元異地虎天龍勢可當太乙

兵來翻虎穴河魁將下捲鼉梁陣容忽變浮雲碧  
殺氣狂馳大磧黃已勞前軍過細柳還觀絕技到  
垂楊教成百戰蒼螭翼賜出千金寶玉裝夏矢號  
空漂日羽虞機駭霧掩天狼俯身撒轡渾閒事仰  
手承鸞更擅場六郡孤兒皆衛霍三條新唱總伊  
涼棄繻生美平夫長解辯王呼萬歲觴非縱侈心  
嚴武節因咨宏略啟文昌獵殊雲夢休談馬游異  
甘泉不數揚煜煜兩階明羽箭輝輝三殿坐衣裳  
須知秦漢無中策惟有當今慕聖唐

咏鳴詩集卷十三

二十

夢芝谿

關山歲月望江南夢入芝谿思不堪絕壁煙生明  
翠幙飛空泉落擁朱簾東來舞蝶過鳳畧西去遊  
蜂度蜜巖長日唱歌溪女珮環村行樂酒家帘花  
時水挾橋為竹桑夜天憑甕作蚕淨厠雲根分舊  
木紛披雪顚種新杉珊瑚秀結枯藤子玳瑁文包  
嫩笋尖松愛干霄晨出沐竹欣栖雨夜按藍初茶  
已甲寧憂醉老芋成魁儘饒寡婦拾薪過北步  
兒撲棗戲前簷樵歸夜靜謳山徑僧定年多警

石龕聞狄不勞投廢井浴鳧何意截長潭喃喃燕  
語知誰恨恰恰鶯啼總自諳鳩婦呼來三日雨蝸  
奴攬住滿溪嵐班荆自可延三益乞藥翼煩走尺  
絨酒思逢春加浩蕩詩腸值雨更濂纖休辭泥滑  
青藜杖詎信寒欺白苧衫琴未得絃聲已絕棋將  
收子戰猶酣桃源舊跡迷仙阮驚嶺孤生隱佛曇  
險韵難成留去鳥幽期莫展滯征驂真諧斥鷃鯤  
鵬性耻說滄洲吏隱蕪茗碗寒光頻送目胡纓霜  
氣屢掀髯安知此夜孤鴻影又宿誰家明月庵三

咏鳴詩集卷十三

二十一

歎浮生行役老難為稚子候陶潛

咏鳴詩集卷十三終

喙鳴詩集目錄卷十四

五言絕句

燈花

愁

漢宮詞

落梅

觀葬者

槐午

桃源

香山寺

寄內四首

題壁

得稷丘公哀問

復雨

太華山人

題內子照

喙鳴詩集目錄卷十四

大水

騶馬

過襲公

久旱得雨

九月十三日夜半雷電

天封塔

不雨

望洛迦山

粉團花

閨暮二首

遣興四首

游園不值

游仙二首

王母

王害風

五言六句

雜咏三首

喙鳴詩集目錄卷十四終

喙鳴詩集目錄卷十四

二

喙鳴詩集卷十四

四明 沈一貫肩吾 著

五言絕句

燈花

豈有吉祥花影落離人榻  
只向夜深開不向夜深合

愁

愁霧深如海茫茫不可行  
忽如天際月減盡却還生

喙鳴詩集 卷十四

漢宮詞

萬靈朝泰時五岳麗鈞陳  
肺病方高枕虛勞賦大人

落梅

為有餘香在皆言是雪非  
因風憐素影點綴玉人衣

觀葬者

素嬰照青燐啾啾鬼哭新  
園前無限地何處未來人

槐午

槐午迷深院松寒蔭廣遙  
綠陰長在地白日不行天

桃源

鷄犬三家夕桑麻一葉春  
安知天地外別有古今人

香山寺

山僻燒痕多簷高直挂河  
禪心白雲在江海自流波

喙鳴詩集 卷十四

寄內四首

遠浦發秋砧看鴻憶汝音  
自傷趨鯉日翻媿弄雛心

杏粥調春冷椒漿澆夜寒  
老人看白日婉轉勸加餐

遠道不可思長愁非生理  
惟應機杼旁時弄小兒女

稚枝方嫋娜不耐春風寒  
且教花底戲休與說長安

題壁

機事閒中盡良朋物外來方須極吟眺風雨莫相催

得稷丘公哀問

天地駐春難誰排白玉棺驚心更悲骨寸寸悉成酸

復雨

日盼西風至浮雲又入秦平林烟火寂鷄犬倍相親

東坡詩集

卷一四

五

未覩微霜迹虛聞小雪名山農侵澤出誰與計春畊

太華山人

太華聳峯嶢中峰挂酒瓢綠鬟朝牧馬纖手夜吹簫

題內子照

縱爾描來似無如夢到真相呼不相應疑是息夫人

大水

秋到樹能呼驚濤入枕孤布帆拖雨在江鳥去雲無

驢馬

遠看纔見骨細察欲無毛何必論鞭影長堪侶木刀

過襲公

青雲浮曲榭白日滿重門一味香齏好齋厨搗夜喧

久旱得雨

東坡詩集

卷十四

四

未必饑全免應知渴可逃今年田作苦百倍徃時勞

九月十三日夜半雷電

縱是不平甚非時恐失威夢中驚起坐顛倒一牀衣

天封塔

落日正平西金方路不迷空行堪萬里何必盡高梯

不雨

不雨滯春畊經時苦太晴拂階窺蟻跡背郭數鳩聲

望洛伽山

海水不堪飲遊人莫憂渴望中甘露多前山已明月

粉團花

玉貌不冝愁汗漿應怯羞若無明月影何處覓香毬

閣暮二首

陳鳴詩集卷下四

五

乾坤惟一室廊廟有孤臣乳燕朝開閣歸鴉暮演綸

每見蒼生語其如安石何平生愛泉石垂老恨風波

遣興四首

雨晴蛛結網風定燕營巢惟有冥鴻翼青門十里

郊

秋鴻吹笛飛春燕捲簾入主人無所歸只向空階

立

春來空有思老去更無為病鶴聲猶碎歸鴻力屢疲

寂莫過飛鳥蕭條看柳枝縱教酒杯畔不許罷相思

游園不值

迥勢遙看去雨微微見來落花將鳥散碎葉觸星

游仙二首

樹瘦含道體魚腹受丹書少室孤琴後瀟湘一笛

陳鳴詩集卷一四

六

餘

人情薊子訓世事馬明生何日蓬仙駕浮游接太清

王母

西來停沆瀣東向坐熏微何事寒暄畢翻身入道機

王害風

世人皆害火爾獨害風何風火時騰轉青山不可磨

五言六句

雜咏三首

坐看微雨歇鴉背夕陽乾紫蟹肥歸棹蒼筠瘦釣竿曲終詩亦就不念雪兒寒

宵吟乘日發晝寢及雲歸人忌驪龍怒天憐獨鳥依是時黃鵠影高與白雲飛

庭葉秋方翦江雲偶爾留懷君讀書處窈窕幾層樓浪宕他年杖孤橫此日舟

喙鳴詩集卷十甲

七

喙鳴詩集卷十四終



喙鳴詩集目錄卷十五

七言絕句

送箕仲

贈袁問

送施氏赴高郵

春半

七夕病不赴會代呈二首

立春日雪

寄通州顧學博二首

寄客

雲中曲三首寄王君任明府

山中雜詠四首

遼東破虜歌七首

喙鳴詩集目錄卷十五

寶劍四首

後寶劍四首

史相墓下作

余祭酒公五柳莊

瑤池

愁

湘妃竹

吳王試劍石

高祖斬蛇劍

賈佩蘭出為段儒妻

藏鈎

蹴鞠

鞦韆

春日獨當壚

七寶避風臺

薛夜來

清夜游西園

愛妾換馬

採蓮曲

宮蠶

燕姬墮馬

春閨怨

探丸三首

酒人

燕姬墮馬四首

李元甫扶侍歸蜀有行路難之感二首

扈從夕月還二首 闕下二首

贈曾翁二首

寄明成二首

折楊柳

錢塘潮歌

送張學博之彭澤

喙鳴詩集目錄卷十五

甲申九日上陵紀事七首

上客

紀客談

謝龍使君惠箋二首

阻淺聊城聞柳下鍛聲欣然忘去

酬少欽招張子蓋

喙鳴詩集目錄卷十五終

喙鳴詩集卷十五

四明 沈一貫肩吾 著

七言絕句

送箕仲

微雨來過楚水前半帆斜日挂疎烟他時明月應  
相憶丁卯橋邊丁卯年

贈袁問

俠氣翩翩欲滿堂吳中豪士盡持觴知君早晚過  
燕趙三尺魚腸七寶裝

喙鳴詩集卷十五

送施氏赴高郵

花滿長安舊酒壚揚揚新燕起平蕪長淮五月江  
聲急一片征蓬覓社湖

春半

宮樹陰陰燕子飛初鶯學語曙光微春風那得多  
情思吹動笙歌滿帝畿

七夕病不赴會代呈二首

秋雲縹緲濕羅襦搖落丹楓片片孤不識常年靈  
鶴會也曾病廢似僕無

燦燦雙星一水津似寒似煖夜如春縱然倍有清  
光發不信今宵解照人

立春日雪

溶溶淡淡入梅花一日春光十萬家欲覓馬啼曾  
印處又看飛絮淺籠沙

寄通州顧學博二首

海天霞起戍樓明盡日間門閉鳥聲絳帳風流應  
不減諸生誰是鄭康成

大江南遶海陵長城上高樓近故鄉一夜西風吹  
酒去錯教人認是錢塘

喙鳴詩集卷十五

寄客

江雲浦月近何如夕負佳期水竹居客比嵇生尤  
甚懶嵇生尚有絕交書

雲中曲三首寄王君任明府

呼韓內款漢家關鵬鶚橫秋探馬關多小邀勳劍  
裝客關回蹋鞠飲青山

旄竿長捲朔雲空幕府酣歌少上功幾處流移還  
塞上高蹄白馬不弦弓

魏絳功奇不可憑雲中老將氣填膺屯田且莫歸  
充國駁弩須防下白登

山中雜咏四首

老樹橫溪穩作橋故人慣飲不須招白綸巾上青

山好日遣松風綠酒歌

山田處處白雲飛流入溪田帶雨肥若使巢由辭

穎上更無人共飲牛歸

一鏡天開小着丘分明桂影月中留畫船載酒春

風遠笑指嶢阿屋是樓

東坡詩集卷十五

三

竹樹蕭蕭絕四隣自嫌多事罷垂綸飛鴻解識盟

鷗渚一道相呼下白蘋

遠東破虜歌七首

錦袍繡袷賜蕃州驕虜名王悉漢侯小醜自干天

子劍諸軍競飲月氏頭

伐鼓縱金劍有霜移師聲罪發遼陽洗兵鐵嶺江

流赤飲馬蒲河落日黃

都護親寧太白旗建州轉戰勢尤危一宵寶劍滄

腫血千里金山凱詞

誰道秋高胡馬肥一呼辟易走重圍營州老將如  
霜鶚飛度陰山攫麋歸

矢石先登鉢鉢城火星高照虎皮營饑鷹爭下陰

風急日暮咽咽哭鬼聲

露布星飛夜百巡甘泉宮外月如銀賈胡落盡貂

裘價暗泣西風白氍毹

諸將紛紛盡策勳王恩先拜霍將軍詔書催賜長

安第未減匈奴不敢聞

寶劍四首

子有寶劍送以名劍  
居多戰賦詩見志

東坡詩集卷十五

四

龍藻龜文腹有神十年磨洗色猶新男兒終自酬

明主此日千金未許人

博物張華不易逢蒼蒼那肯自摧鋒縱教繡鐵沉

秋草終有靈光射玉龍

含光承影說猶難宵練罕罕不足觀神物古來無

所用申佗容易借來丹

赤堇山開不可鑪若耶溪竭有銅無城量珠玉終

難見白日燕山狎狗屠

後寶劍四首

芙蓉壓陣百身輕鷺鷥新膏照眼明未死微軀終  
不惜俱生殘虜敢衡行

髮指危冠氣拂膺寒光飛遶萬山層精干白日應  
堪鉅勢決浮雲不敢凝

紫電騰雲馬足風白虹如水射晴空三邊略盡寧  
論勇一匣藏來耻訟功

一任黃沙萬里氛不迷赤土七星文古來麟閣皆  
人見今日龍泉掩舊聞

與相墓下作

宋十五

五

落日低垂丞相阡狐狸窰冢出平田大碑已斷無  
文字惟有山僧說歲年

余祭酒公五柳莊

莊中臺榭皆以歸去來辭  
中語命名故詩亦用陶事

獨占青山一曲湖種菱栽芡了官租門前五柳垂  
清蔭不羨成都八百株

黃將無事屢通書書滿牀頭只舊題惟有王弘粗  
解事一壺相見野亭西

諸生講肄近何如小洞深藏太史書誰欲起為州  
祭酒白雲遙隔故人車

江湖風物醉還醒日日山行復水行縱是春來多  
脚疾藍輿二子一門生

瑶池

七萃扶輪馬不勞六宮齊唱白雲謠侍臣誰為歌  
如玉正值君王夢絳霄

愁

豈窳花開戴勝飛王孫芳草思依依酒中短髮春  
能白江上秋心夢是歸

湘妃竹

宋鳴詩集卷十五

六

湘江水去不曾回湘浦花飛亦不開惟有斑蘭竹  
枝意年年留待鳳皇來

吳王試劍石

楓落吳王破楚門青山猶詫鏤鏹痕何來一片生  
公石相對秋風老樹根

高祖斬蛇劍

泗上真人跨赤龍澤中妖母泣芙蓉大風捲盡秦  
雲白落日魂來第幾峰

賈佩蘭出為段儒妻

珊瑚寶屬麝香脂語到深宮只自知一種春光天上別看花休憶種花時

歲鈞

輝輝明燭絳紗陰小婢將來色已深鈞在儂邊人不見見郎留眼忽輸心

蹴鞠

小桃微雨夜來香朝入鷄坊暮狗坊無賴楊花偏解妬團風先占打球場

鞦韆

翠鳴詩集卷十五

橋心花氣鵲龍葱王母朝來會漢宮留得紅雲如掌大高懸牆角領春風

春日獨當壚

十六橋心賣酒家千金寶髻簇青鴉少年狼籍都門甚纔到壚頭手便叉

七寶避風臺

雙燕飛從公子來微風嬌引玉衣回自從七寶臺成後落日蒼茫竟不開

薛夜來

同心錦帶併肩衣夜夜裁雲剪雨歸却笑天孫空巧絕隔年纔得一停機

清夜游西園

公子風流甚愛才西園冠蓋月明來哀絃急管無停思綠藻紅蕖盡酒杯

愛妾換馬

一夜寒蘆捲作笳紅顏落盡泣桃花玉關不墮砧中淚紫塞長憐馬上家

採蓮曲

翠鳴詩集卷十五

繫船不定藕絲風蕩槳歸來並蒂紅欲向湖南尋宿處驚鶯驚起各西東

宮蠶

帝女桑稠織室溫露寒臺下浴金盆仙雲剪出誇同伴吉日涓來獻至尊

燕姬墮馬

白馬驕嘶紫袖騫驚釵低掠燕泥翻不羞合市羞郎見背向春風拭淚痕

春閨怨

單于邸前一鴈低關山曲中雙玉啼三日花開三  
日落誰能萬里待遼西

探丸三首

俠曲崎嶇虎豹號五陵松柏氣蕭颯六街官鼓旂  
車度先向何人濕寶刀

驅車嫠婦不堪聞走馬孤城白日曛漢網似天能  
貫汝吳鉤如雪不饒君

大堤裘馬意翩翩自號陽陵惡少年更喜晨風生  
羽翼惟嫌秋水汙腥膻

酒人

香車轆轤少年春灞涯風光日夜新今日高陽皆  
自許阿誰真是酒中人

燕姬墮馬四首

燕京三月春色狂燕京女兒翻紫纒兒撞欄街笑  
不住且坐低聲嗔玉郎

纔逢柳色人如醉每到春來馬自臙誰謂帝畿平  
似水石榴裙底四蹄驕

翠鸞點水濕金鞦寶燕銜泥上繡團抖擻紅塵從

市笑安排青眼侍郎看

風急楊花不自持衆中羞殺紫金羈郎君若愛青  
雲髻明日新粧出早閨

李元甫扶侍歸蜀有行路難之感二首

青春辭直髮還鄉一索惟看寶劍裝道路不知何  
許客繡袍裊裊暗聞香

蜀道崎嶇千萬盤板輿高度挾飛鸞王陽坂上流  
雲濕好為前車少駐鞍

扈從夕月還二首

吟鳴詩集卷十五

太平周禮備西郊壁月娟娟靜白茅正值桂花新

露彩天風吹集五雲稍

青樓簾捲暮烟開寶馬紛從騎從回一路口脂聞  
笑語月中親見聖人來

闕下二首

鍾聲纔動掖門開鴉鷺成行逐仗來紅旭未分青  
瑣闥黃雲先上紫金臺

銀臺奏罷六科來左右糾儀御史回永顏太平無  
一事追隨諸老詠康哉

贈曾翁二首

高懸關輔碧油幢  
美釀襄陽白玉缸  
漢水入杯鸚鵡綠  
滿船賓客醉西窓

傲世正如先仲武  
承家還有漢文強  
即無水上非熊戴  
豈乏山中宰相光

寄明成二首

江城小墅絕微塵  
亂竹飛花作四隣  
柱下幾年香案吏  
壇前今日步虛人

棲霞寺裏發鍾聲  
江總碑前候月行  
此日松風吹

桂子何人携手共  
題名

折楊柳

塞上長條三寸長  
江南掃地有垂楊  
誰人曾遣狂夫去  
手把青萍自斷腸

錢塘潮歌

八月潮聲天上聞  
莊亭樹影白紛紛  
來為伍相祠前雪  
去作嚴陵灘上雲

送張學博之彭澤

柴桑高士已千年  
一片閒雲護秫田  
君去不須辭

作苦王弘應送酒家錢

甲申九日上陵紀事七首

曉露初晞秋色晴  
千官齊着賜羅輕  
五年四扈朝陵蹕  
馬首山川盡識名

其二 新造五龍車  
慶駕雙環

涓人新御五龍車  
慶駕雙環太上家  
夾道懽呼

天子孝黃麾前引  
一行斜

其二 上甚敬祠其容有

宮監朝開寢殿門  
祠官舉火拜凌恩  
九朝龍蛻

能風雨萬樹青松泣  
聖孫

其四 定壽宮于大嶺山  
兩宮閣

大峪山頭寶氣開  
昭陵南望接瓊臺  
雙瞻宮幄

開天上親為 君王揄勝迴

其五 宮中禮甚肅  
至尊

九龍池畔石欄干  
淑水凝波白玉寒  
昨日東朝

來駐輦 至尊親拜水晶盤

其六 長陵舊為康家  
村康老墳尚在

落日深山康老墳  
白楊秋雨亂紛紛  
休嗟白骨今

無主龍耳猶煩問 聖君

其七 內甲三千人馬驚相踐至

法駕前驅疊鼓聞 內家組練疾如雲 都人莫犯橋

邊 踣 天子新迴瀾上軍

上客

趙女當壚繡紵光 天街小雨芰荷涼 樽前且莫歌

金縷上客春風語自香

紀客談 雲南水出瀘州下重慶至夔州對數崖即可舟

滇池日夜注瀘州巴樹點雲送客舟 堆碎三峽通

鳴詩集 卷十五

禹貢平鋪秋水到荆丘

謝龍使君惠箋二首

素繭輝輝似水紋 青衣擎賜挾溪雲 江東若有王

家在當得羊欣白練裙

亂點飛鴉十萬箋 風流勝事已茫然 何時還却臨

池 頻忽已生來五十年 岳先輩有云歐公學書在三百稱成書丁年五十有二不敢以遲鈍自

阻淺聊城聞柳下 鍛聲欣然忘去

數株官柳廕長溝 鎮日無人獨繫舟 似是富年中

散地鍛聲高度碧雲秋

酬少欽招張子蓋

桂樹飄香未更奇 春風蘭茝覆階齊 當年王謝雄

江左今日朱張領會稽

鳴詩集 卷十五

卷十五終



嘯鳴詩集目錄卷十六

七言絕句

寄渝中三老蘇雨蘇博張軒三首

衆樂亭

八月十三夜旱

嶺表方別駕午日寫葵艾榴花画以自遣為

題一絕

送客之秦

大梅山

送葉鄭朗游京師

贈金峨華上人

傅伯安侍御以母命來禮洛知小留郡中子

嘯鳴詩集目錄卷十六

亦病不果往賦贈三首

古意

湖上

杭州仁王院懷古

看潮曲

病卧浙江驛

題利國監驛壁

仲冬十八日余抵山東尚未冰雪遙憶閨中

代作寄遠一首

友人陳廷綸客亡燕市哭之以詩二首

哭秦江

旅懷二首

代青樓觀內家葬二首

溽暑二首

柳

庭樹

楊柳枝詞

贈內家歌者

春別曲

楚懷王

楚襄王迎婦于秦

賈生二首

沛宮

蘇武

明妃

綠珠

張華

陳後主

隋煬帝

梁武帝

漢唐宋三宗

嘯鳴詩集目錄卷十六

馬卿

讀史記老子傳

疏廣

楊王孫

文信侯二首

釣臺

送遠

武林少年

廣陵春二首

送客之蜀二首

白苧辭

聽琴

夜宿野亭如聞丘中語

閨思三首

送遠二首

逢東征記室

懷無絃

哭句章公九首

香雲

懷衆樂亭

脫絛鳥

喙鳴詩集目錄卷十六終

喙鳴詩集目錄卷十六

三

喙鳴詩集卷十六

四明 沈一貫肩吾 著

七言絕句

寄渝中三老蘇雨蘇博張軒三首

孤雲自遶蜀山飛也載天邊白鶴歸誰為續修霞  
外史渝中三老近來稀

君平生計近如何小徑無塵自辟蘿月映峨眉疑  
積雪照君白髮滿頭多

青城賣藥幾春秋松露瀼瀼洗白頭碧落侍郎相

喙鳴詩集卷十六

十

見否為言懷喜在明州

衆樂亭

秘監祠前衆樂亭澤蘭斜帶一天青不須更乞君  
玉賜短艇微波醉復醒

八月十三夜旱

今年明月使人愁誰忍開樽上小樓若肯溶溶消  
作水滿天禾黍盡知秋

嶺表方別駕午日寫葵艾榴花画以自遣為

題一絕

能將彩筆轉春風翠葉丹花映酒紅故國不須思  
嶺外佳辰到處是天中

送客之秦

雪片飛時發甬東梅花零落到新豐西來無鴈通  
消息何處春雲入轉蓬

大梅山

巖桂孤妍點綠苔山磬綽約倚雲開  
仙尉乘風去多少青山也姓梅

送葉鄭朗游京師

家寫詩集卷十六

五陵飲博盡稱豪誰解楊雲賦反騷半世玄關空

自閉東風一日馬蹄高

贈金峨華上人

晨鐘暮鼓小庭閑惟有吾師不負山今日留連知  
破戒一杯相送虎溪還

傅伯安侍御以母命來禮洛伽病留郡中子

亦病不果往賦贈三首

鷗鷗曾聞勁九秋也隨鷁子過玄洲瞻依佛母黃  
金座疑是斑斕映白頭

聞君家近阜鄉亭何不從他乞養生大士前身原  
姓傳秋風度海一杯輕

暫示維摩幻病身欣留說法化時人愧無弟子堪  
承遣欲叩玄言未有因

古意

沉香亭子暫開門芍藥雕欄幾斷魂屏後已教心  
獨冷堂前尚有目能溫

湖上

湖上佳山獨往頻杖藜行水濕青春客來坐久無

家寫詩集卷十六

人迂一鶴飛來報主人

杭州仁王院懷古

笑語生香自昔年琵琶花月四時弦黃金顏色都  
銷盡白玉毫光亦黯然

看潮曲

千鱸萬艦逆潮來驚子為門驚作堆堤下唱歌堤  
上醉看潮人待轉潮回

病卧浙江驛

江寒日暝鴈歸沙雪裏芭蕉正着花我寄郵亭三

日卧相應傳信到兒家

題利國監驛壁

利國監前楓葉飛臨城驛下晚烟微晴雲東望無窮碧何日蕭蕭匹馬蹄

仲冬十八日余抵山東尚未冰雪遥憶閨中

代作寄遠一首

雙眉不掃鏡心空鎮日開牕候北風聞道征衣猶未薄晚鐘斜月過山東

友人陳起綸客亡燕市哭之以詩二首

家烏詩集卷十六

四

相見雖稀夢見頻飛蓬雙鬢入秋新君看陌上紛紛鬼盡是長安失意人

杜宇魂飛不可招江天月冷暗河橋招君歸去君歸未明燭三更坐正遙

哭秦注

小茁蘭芽最可憐空庭如水暗霜天不須更憶芳菲日只記當時未種前

旅懷二首

愁心千丈化為虹坐盡清秋燭影中此際何人伴

岑寂半牕殘月五更風

曲肱小几不須牀正是愁人醉卧鄉何處隣家吹玉笛桑乾河外是漁陽

代青樓觀內家葬二首

主恩揮涕濕朝霞搖落西風素奈花猶記綠鬟初覆額相將女伴選良家

匝地金錢化紙錢薤歌悲徹冷朝烟時人浪說生男好縱死無如女可憐

溽暑二首

家烏詩集卷十六

五

溽暑侵人百不宜新州小簟劇相移縱教雨後饒清賞未及春風病起時

萍方開處嫌風少葵欲傾時恨雨多一種情懷俱未展鬢髻雙鬢惱人何

柳

草色葱芊綠漸疑青門駿馬欲驕嘶何時閉却關山道開殺河橋萬柳絲

庭樹

庭樹翻翻落漸稀塞榆歷歷向南飛萬家寒杵浮

秦地十月征人在武威

楊柳枝詞

桃李陰森滿道垂  
片花飛去惜風吹  
如何忍得青  
青柳每遇行人贈一枝

贈內家歌者

重來樂府聞新聲  
不是開元法部名  
嘹唳流鶯啼  
幾樹澹烟微雨故人情

春別曲

楊葉殷勤駐馬攀  
楊花追送過前山  
大刀將去平

東坡詩集卷十六

六

胡虜也用曲頭一省環

楚懷王

一別皋蘭去國門  
幾回鄭袖掩啼痕  
三閭弟子工

哀些招得散函萬里魂

楚襄王迎婦于秦

武關金鎖為誰開  
秦女香車百兩來  
新換一番雲  
雨態應知無夢到陽臺

賈生二首

漢家天子說文皇  
步輦朝回過未央  
荏苒少年悲

賈傳侵尋白首歎馮郎

長沙莽莽夏原平  
澗芷汀蘼識宦情  
記得宋忠移  
手處一天新雨少人行

沛宮

車駕歸來飲沛宮  
歡呼父老驟兒童  
千秋萬歲蒙  
湯沐學語先教歌大風

蘇武

十九年來客忘歸  
春來無夢遶庭幃  
不須更問羝  
羊乳只有青天白鴈飛

東坡詩集卷十六

七

望鄉臺下惜餘暉  
把酒河梁淚滿衣  
棄擲胡兒如  
棄草惟憐都尉不同歸

明妃

鳴鐘清渭五雲遙  
解辦單于入漢朝  
武帝崩來貌  
虎盡遼人爭說女嫖姚

綠珠

賈公車下走飛塵  
金谷園中及早春  
二十四君齊  
下拜箇中誰識墜樓人

張華

浪說張公記問強鷓鴣偶爾入平章當時識劍須  
雷令老去占星讓小郎

陳後主

六代豪華事已空至今風月占江東白伶續命詞  
堪泣江令無愁曲最工

隋煬帝

一曲傷心玉樹花南人纔唱北人誇風流天子雖  
亡國贏得人憐張麗華

梁武帝

降尊禮佛已多年纔直毗盧億萬錢親見今生弘  
願果國城妻子一齊捐

漢唐宋三太宗

禁裏妖星拂劍紅寢中積雪斧聲雄如何三讓為  
天子只有西京一太宗

馬卿

新製壚頭犢鼻褌東風吹動酒花渾丈人安坐深  
深宅佳倩年來學倚門

讀史記老子傳

韓信雖曾羞絳灌老聃終不却韓非千年萬載人  
間事付與青雲歷亂飛

疏廣

太傅歸來有賜金徜徉桑柘酒杯心今朝上已尋  
源淺來日清明入塢深

楊王孫

王孫家近樂游原一食纔須十萬錢不管北邙山  
下路白楊寒雨宿深烟

文信侯二首

天上曾聞龍出戲人間亦有燕飛迴玉鷄啼徹陳  
倉曉野雉何緣不夜來

百二山河屬異人邯鄲一笑已亡秦黃金鑄就封  
侯印仲父無功却有親

釣臺

落日扁舟訪釣臺青溪紅樹獨徘徊樵夫語我江  
天暗無可久留歸去來

送遠

送爾春江落照明西山遙指片雲生也知明日當

為雨且盡今朝一日晴

武林少年

青樓結伴飲屠蘇  
柳市潛行聽鷓鴣  
已送浪花歸極浦  
還教明月過西湖

廣陵春二首

十里樓臺樹樹花  
蘭風淡蕩起平沙  
清歌拂檻雲難去  
妙舞臨軒月易斜

覆額青鬟小  
鈿明茶蘼亭子坐  
吹笙不知他日同  
誰死巧學花前笑語人

嘯鳴詩集卷十六

十

送客之蜀二首

十二峰頭樹幾章  
朝來虎跡有微霜  
但看山色渾無賴  
何必猿聲始斷腸

琵琶送酒為君彈  
劍葉生霜發晚寒  
似此出門猶不易  
堪知蜀道古今難

白苧辭

昨夜秋風薄綺羅  
今朝白苧不成歌  
可憐鳥鵲思歸急  
爭得仙郎無渡河

聽琴

滿引瀟湘向北流  
畫堂蕭瑟起邊秋  
主人頻顧燈前影  
清却閒心只是愁

夜宿野亭如聞丘中語

曉月梅花斂黛回  
寒笳梧葉寄聲來  
更嫌春雨常含妬  
遮斷韶華簇草萊

閨思三首

山上山來知幾重  
路傍路去悄無蹤  
縱能日報平安信  
翠黛長顰不放封

菱花初日照人空  
妝罷臨軒數落紅  
不得東風花不發  
花飛猶自怨東風

嘯鳴詩集卷十六

十一

妾自傷心怨月低  
黃鸝何事亦嬌啼  
不禁含妬將丸打  
定有東風暗向西

送遠二首

湖水泱泱晚問津  
關鷄喔喔送征輪  
陌頭大有行人在  
休怨西風老白蘋

江鳥如烟亦送春  
江花似水逐時新  
雲光雨色無非客  
獨倚青山作主人

逢東征記室

飄零書劍遠從軍  
掩袖龍蛇隱暮雲  
不是江淹才藻盡  
年來馬上不論文

懷無絃

落日空林優鉢開  
雲光水色照荒臺  
昔從白馬馱經去  
今伴玄猿獻果來

哭向章公九首

小榭微涼噪暮鴉  
羈人愁絕掩梨花  
書來千里人難諱  
泣盡寒星月影斜

芙蓉江水十長汀  
照見梁鴻處士星  
花向東飛無

啄鳴詩集卷十六

十二

片在天浮平楚一孤亭

雖將白髮隱壺關  
賸有青雲護世間  
問字舟開攬明月  
詠風堂啟對南山

一樽諧笑五湖春  
八代風流古逸民  
百首詩成杯

落手中山雷雨颯精神

從此斯文失主盟  
海鷗飛去不留情  
可憐櫟社長

橋月曾照詩翁散髮行

江城倚棹暮鐘邊  
鮮舄西亭照別離  
九轉迴腸齊

斷却恨余應忘大招詞

僧院魂飛寄客哀  
門前白馬幾人來  
江村生計萊

妻給海內封書驥子開

宅畔深溪綠雨稠  
酒旗高捲瑞光樓  
一從痛哭羊

曇路自此它山不可游

南塘路水夜來添  
北渡潮痕亦易淹  
惟有青山終

不語回風黃葉暮纖纖

香雲

香雲鵲鵲度春幃  
歌處凝來舞處飛  
西海月沉渾

未醉東方霞起乍言歸

啄鳴詩集卷十六

十三

憶衆樂亭

衆樂亭前湖水清  
賀公祠下洞簫聲  
吳鷺無力能相借  
越鳥逢秋只自驚

脫絳鳥

一鮮青絳向碧空  
雙睛無復顧雕籠  
獨難忘却黃

花意會有瑤環報主翁

啄鳴詩集卷十六終



喙鳴詩集目錄卷十七

七言絕句

城隅僧

望東師消息

七夕

塞上曲二首

征人回

富春江

題北關僧壁同余太史陳翰編

大風

哭賈開府

都護三首

觀楊叅戎奕

長安

懷陸無從三首

喙鳴詩集目錄卷十七

泛溪

少年

觀獻熟

題留侯祠

題画

疊石

甲辰七夕

贈本寧

香山公主輓歌三首

平播軍中歌八首

院院

相逢行

漂母祠

顧塘橋

賀監祠旁鄒太守淑興作樓與郡人觀龍舟

余聞而賦二首

送家眷人回寄四首

於道院題千葉榴花

寄贈所知

發潞河八首

聽琵琶

揚州作

登揚州塔望金山寺

杭州故知飲別

題虞長孺湖上居二首

還鄉酬父老二首

酬諸僧來迎

喙鳴詩集目錄卷十七

招繆山人二首

贈張丹石先生

送西使

漁翁

金中丞白髮

題淮南主人壁

僧關漫題

霍山人遣使訊余山中却寄二首

詠古四首

觀競渡二首

八月十五日西山歸

贈遷客三首

喙鳴詩集目錄卷十七終

喙鳴詩集卷十七

四明 沈一貫肩吾 著

七言絕句

城隅僧

疎籬小院鎖烟霞  
隨意庭前散雪花  
試問曾飛何處錫  
笑言流水是余家

望東師消息

葭莢蒼蒼白露微  
東方日出五雲飛  
經旬未得扶餘信  
聞道宮中夜攬衣

喙鳴詩集 卷十七

七夕

酒闌曲盡曙星高  
望裏銀河隱白濤  
欲問天孫夜來事  
遙瞻雲際有歸毛

塞上曲二首

關門榆樹長初芽  
南鴈歸來淺磧砂  
總為春光饒客淚  
添將河水發桃花

寒衣裂盡望春衣  
長恨閨中倦理機  
誰料閨中還有恨  
年年貪戰不言歸

征人回

風從鷄鹿塞邊來  
人向梅花曲裏迴  
首看成林堪繫馬  
石榴為障好登臺

富春江

綠轉青迴似若邪  
蘭橈終日亂荷花  
一江貯得春如海  
合把漁竿薄漢家

題北關僧壁同余太史陳翰編

雲光似水瀉簷牙  
冷入重裘密掩紗  
只讓雪花多結子  
誰憐群燕不開花

大風

大風吹塵入紫雲  
手驅青羊百萬群  
但使明君諧吉夢  
不愁逋客有移文

哭賈開府

好在華顛塞上翁  
十年謀國氣如虹  
履聲縱遠人能識  
笛韻不留悲晚風

都護三首

都護嚴裝出武威  
青山匹馬耀朱旂  
弓隨曉月行邊樹  
箭沒寒雲落虜圍

明主今猶說李齊  
白猿持劍擁安西  
花間緩帶調

鸚鵡選識前山探馬嘶

詔書新賜五時衣諸將齊衝百道圍馴象總馱金字去毒龍還負錦帆歸

觀楊叅戎奕

將軍已見太平時幕府何勞肆六奇耐可醅醢三盞酒更須槍擡一枰棋

長安

長安過雨似江南細草蒙茸弱柳纖乍軟東風馳暖信初青西嶺露香尖

東坡詩集卷十七

三

懷陸無從三首

錦纜河邊落照明玉鉤斜畔葛衣輕漁師閑弄誰家水短唱長歌自稱情

旭日平山古寺西連年種柳鬱成堤春風已老黃鵬澁小樣壺瓶合自提

陸子平生獨好修年來足疾可能瘳已多零落山礬友且為瓊花忍死留

泛溪

巖邊明月依人住石上流風拂水還酒向漁燈浮

曲汴歌從樵斧答空山

少年

半醒半辣身邊酒非笑非啼眼底花醉後暫依劉碧玉醒來還覓宋容華

觀獻熟

小隊黃旗肅肅排圍官擎入正門開上林珍味饒瓜菓不遣紅塵萬里來

題留侯祠

留侯祠宇夜生光我昔維舟肅禱香林外有芝皆是紫橋邊無石不疑黃

東坡詩集卷十七

四

題畫

中原幾度見興亡有客登臺弔戰場不道漁樵亦多事坐移流水論斜陽

疊石

小石離披轉蕙風畫簾長日問愚公生平多少看山興都付憑闌一晌中

甲辰七夕

來鴻初節暑猶深渡鵲佳期月有陰天上正逢停

杼日人間應慰乞靈心

贈本寧

二十四年花外別三千里路雪中來相逢不信秋  
霜嶺一語方知皎日開

香山公主輓歌三首

瑤池降鶴倚珠玕仙禁名花映掌寒哀絳一聲雲  
影散霓裳遙向月中看

劍丘風幕慘雲軒西關天門葬發星楚些入秋聲  
最急一時詞苑吊湘靈

家鳴詩集

卷十七

五

正是人間少女風方來修去有無中不能匝歲留  
金屋早向高原構玉宮

平播軍中歌八首

杜鵑花染蜀溪紅司馬門開號令風一騎天書馳

寶紉萬山負弩過巴東

毒龍何用鼓妖氛無賴谿山老虎軍殺虎手強能  
倒壑屠龍技巧慣摧雲

大刀都護捷能飛匹馬衝開百道圍却恨夜郎堤  
下路月明多少夢魂歸

瀚海樓船昨日還詔書十道促平蠻龍溪月墮朝

披棘蛇圍雲迷夜斬關

張飛塢畔石榴香李白河邊艾葉長角黍高堆紅

瑪瑙諸軍齊賽武安王

海龍懸阻絕千山地虎咆哮選百蠻不道河魁神

力大毆乘雲霧下重關

六月六日苦竹西赫曦光中騰絳霓小巖石壁早

破裂靈見空向渝烟啼

播州留守自乾符宣慰曾誇身手無好逐當年蜀

家鳴詩集

卷十七

六

天子月明含血弔啼鳥

院院

院院聞鳩各有聲一邊啼雨一邊晴花枝自領春

瘋意拂檻臨流月正明

相逢行

燕子何須笑百勞西東萬里一鴻毛乍看蘆葉悲

羌管忽見芙蓉顧寶刀

漂母祠

何處堪憑萬畝村萬家今見幾家存淮陰若少千

金贈漂母曾無一飯恩

顧塘橋

顧塘橋畔宅如何慙愧荒村春夢婆獨喜遺書收  
得在今人猶解說蘇過

賀監祠旁鄒太守淑興作樓與郡人觀龍舟

余聞而賦二首

夕陽簫鼓賀祠前水戲如梭織紫烟太守與人方  
共樂杖藜一老欲僂僂

明時賜詔得抽簪少日經過感念深擬向衆中騎  
鵝鳴詩集卷十七

馬去眼花先墮水中心

送家眷人回寄四首

一番人轉一番啼知汝登舟日未西昨夜垂楊曾

濯濯今朝芳草更淒淒

長時憂國涕闌干何事翻愁去國難天語人言交

卸內舟中兒女憶長安

老來無數苦心腸久擬收羅施梵王貝葉經中流

涕淚絕勝閑灑向垂楊

登樓雲樹澹無依似向芝溪杖策歸目送征鴻飛

冉冉不知今夜宿何磯

於道院題千葉榴花

晴光面面擁丹霞煉就山中萬斛砂不向春風爭  
結子最宜秋雨獨開花

寄贈所知

陌上相逢揖馬鞭清風沉沉五樓前寧知萬里江  
門外遙見香爐生紫烟

發潞河八首

秋水薰葭萬里平片帆開處潞河清逍遙拄杖堪  
鵝鳴詩集卷十七

來去惟有青門是隔生

北鴈初飛近浦煙南冠乍喜賦歸田相將一路為

賓主共適堯時浩蕩天

游岳高情老不如息雲生計未全疎太平時節鯨

波息徑入三山祇一渠

杖屨歸來已後春獨憐秋色淨無塵遙知掃徑開

關者正及黃鷄白酒晨

夢裡歸家未當歸今朝應不挾魂飛夢化兩岬齊

迎機楓葉千江盡撲衣

少伯當年東適齊季真垂老入秦稽只今鏡水看  
余渡隻羽脩脩明月低

懶雲收雨度西山倦鳥思林薄暮還羽扇朝揮溪  
月冷綸巾時挂海雲間

古事惟應牧者知青山斜日論興衰纔逢鐵馬金  
戈會便唱閑花野草詞

### 聽琵琶

天關直北是居庸夜半期門紫翠重遂有春聲傳  
樂府琵琶宛轉唱黃龍

樂府詩集卷十七

### 揚州作

萸灣啼鳥數徘徊花觀飛霞次第開老眼即今如  
霧裡猶勝秉燭夜深來

### 登揚州塔望金山寺

聞道西靈塔可登獨携短策上高層湖風此夕過  
玄度江月明朝照惠能

### 杭州故知飲別

隱侯花鳥最多情謝眺江山思亦清杯酒平原才  
十日畫橋流水正三更

### 題虞長孺湖上居二首

慧遠隣家白版扉讀書聲挾紫雲飛晚鐘已定無  
燈火萬里江湖一少微

珠林寶氣肅氤氲金粟秋毫五彩文何日晨鷄來  
白社粘花分與萬山雲

### 還鄉酬父老二首

昔人曾詫遼陽鶴今我還如緱嶺笙遶郭人民強  
半在深山草木不須驚

父老逢余西候亭別來長語不堪聽黃河淚瀉三  
千丈白雪頭餘數點星

樂府詩集卷十七

### 酬諸僧來迎

賀監當年歸四明雲霞侶伴喜相迎我今無德追  
前輩慙愧諸公拄杖情

### 招繆山人二首

欲與山翁覓白雲孤鴻何事杳離群家家見月皆  
求伴處處看花定憶君

我家住在細湖頭綠水晴波穩白鷗谷口西風樵  
子荅江心斜日酒人游

贈張丹石先生

先生最愛杖藜游老去經時守一丘歲月無情流水急向來酒伴幾人留

送西使

三月桃花不鮮顰微微含笑送征輪陽關西去無桑落縱有葡萄不醉人

漁翁

白雲長傍海鷗東蘿月能清桂子風幽夢總拋孤艇外機心猶隱釣絲中

家鳥詩集

卷十七

十一

金中丞白髮

可憐庾信辭開府遂有西風感髮莖纔向芙蓉綉邊落俄從楊柳笛中生

題淮南主人壁

昔年巢燕至今存知是烏衣幾代孫最喜神仙遺跡好淮南鷄犬數家村

僧關漫題

持鉢巡門五指開香雲深掩妙高臺誰家說法歸來晚驚起池邊宿鳥迴

霍山人遣侯訊余山中却寄二首

欲與山人覓白雲春風何處起芳芬洪厓忽枉天邊訊洞壑深陰歷歷聞

鴈蕩崔巍若箇攀朝聞梅子度霞關閉門長日蒼苔合已有飛雲過萬山

詠古四首

驅石為梁真壯圖秦皇遺事古今無滄波若逐童男棹黃石何言孺子符

大風捲盡四方雲亭長歸來不避秦寫取城闌作

家鳥詩集

卷十七

十二

圖畫放將鷄犬認比隣

蜀道行行不厭難年來賣酒向長安白頭人老君知否短竹長江風雨寒

病肺相如但著書含毫欲腐意何如有材不肯干明主只為長門代起居

觀競渡二首

群龍如織吼雷聲六鷁風高且避輕水戰已收山影落斜橋曲港賀昇平

老去今非競渡才乘閑偶向呂梁來蘭漿菊醕都

傾盡更就田家濁酒杯

八月十五日西山歸

十八曲前秋日微四丫义上片雲飛青山兩岬桂  
花發載得滿船明月歸

贈遼客三首

莫唱尊前行路難白雲幽谷共深寒三秋見月長  
懷恨一日逢春亦未歡

漳鄉六月雨能寒遷客絺衣怯晚單不度五谿天  
不曉是誰猶說夜郎難

東鳴詩集卷十七

十三

停輪解帶且銜觴習清風雪滿堂來夜月明何  
處夢村橋沽酒一空囊

東鳴詩集卷十七終



喙鳴詩集目錄卷十八

七言絕句

游仙詩一百一首

喙鳴詩集目錄卷十八終

喙鳴詩集目錄卷十八

喙鳴詩集卷十八

四明 沈一貫肩吾 著

七言絕句

游仙一百一首

仙人多暇獨吹笙醉引松風作鳳鳴萬里天高秋水碧不知身在幾重城

九光芝軟拂虹霓四照花繁壓石低靜夜月明何

處夢青雲關外紫都西

使者新從西極來仙人曲宴海東回高樓左席遙

喙鳴詩集卷十八

相待紅杏碧桃無限開

商山亦有五芝光衡岳還聞半芋香不是仙家尊

太上誰能憐我鬢蒼蒼

煮石山中好自娛釣璜水上亦何須迷花近浦看

歸燕病酒前溪趁浴鳧

山中歸去葉初乾水上行來醉不寒自信此身生

羽易惟憐神武掛冠難

夢裏風雲肘後輕覺來猶向漆園行若非蝴蝶深

深意便是蜉蝣楚楚情

既辭榮祿出金門正可迂徐學灌園何必稱提少  
年事九龍朱憶絳霓旛

芙蓉城闕俯朝霞桐柏真人轉六車一語未終天  
眼碧重來何處覓桃花

壺公自詫能逃世薊子無煩又歷家獨坐黃庭經  
一卷滿林瑤棗夜開花

仙人控鶴起冲霄使者乘龍復見招天上尊官難  
偃蹇人間山水易逍遙

宇宙堪容一赤身休漿罷粒始稱人若教車馬紛  
囂鳴詩集卷十八

龍象便用文章感鳳麟

遙觀銅狄共摩娑俄見桑田起白波秘藥祈靈咨  
玉兔仙燈結蕊問金鷲

老來不便把書看閑坐踈簾竹掃壇一七神樓嘯  
李翼萬年鴻寶笑劉安

風流仙子好吹簫目送青禽返次寥倦卧無窮門  
外草誰能枯槁坐山椒

蝸角因緣總息機龜毛生計亦知非胡麻爛煮凌  
寒粥薜荔寬裁却水衣

太上乘龍西化胡遙煩玉女送青芻牛車紫氣留  
秦谷羊肆金花散蜀都

帝入崆峒問廣成停鸞委鵠順風行至今石室無  
人處草木蒼蒼日月明

我笑王倪三不知谷虛人靜好同誰窮年寄傲華  
胥國浪得人呼作帝師

仙師新戴玉芙蓉羽節霓裳十萬重細結心苞生  
紫絡牢收真氣走飛龍

子晉吹笙作鳳鳴浮丘持手陟神京歸來喜見時  
景鳴詩集卷十八

人在不似遼東空故城

彭祖樓前秋色深棹歌聲斷夕陽沉不知萬里流  
沙外亦自青天明

神龜長為廟堂謀涸鮒猶懷斗水憂獨愛娟娟蜩  
蝶去從他黃雀住枝頭

移山莫道愚公拙逐日休嗟夸父勞我自乘虛歸  
鄭圃微風吹軟素雲袍

雲夢先生採藥還青溪二子落人間春花秋露都  
飛盡誰復回車訪故山

賣藥蘭陵東入吳斜陽衰草聽啼鳥寒江似帶猶

嫵潤劍氣如虹燭五湖范少伯

千金買馬築高臺爭說燕王惜駿才遂有風雲玄

感合斑麟白兕亦東來燕昭王

岱宗半夜曉鷄號不及萊陽大小勞棄舄阜鄉亭

子下一雙赤脚穩凌濤安期生

不禁流電促人生遂度玄洲戲赤城一種仙茅三

脊異江東從此著山名茅濛三茅

南嶂山前一徑通俄勞絳節引青童先生住此渾

無事銷夏無如學飲虹匡續

江山猶記昔為秦無復河邊墮履人楚漢興亡成

低事重來早已十三春張子房

長安雨過少人行簾下雍容揖賈生一自離群來

委羽同誰掃石舉談纓司馬季王

仙家只養鶴和鸞五彩斑麟帶玉寒惟有淮王多

態色携將鷄犬上雲端淮南王

雲高已覩鷄鳴去風急猶聞鶴唳來誰信八公多

道術千秋陵谷一時開八公

我愛中黃白石生炊香茹美賤飛行人間幸已逃

拘束天上何勞著姓名白石生

菖蒲原是九嶷人也羨松枝作帝臣午夜月明人

語細應憐壺谷有先春王興

紫泥海水污人衣暫往虞淵洗落暉金馬門前春

晝永堪論短飽共長饑東方朔三首

長安好女似飛烟索盡官家橫賜錢暗記八琅歌

一曲百花深處撫新絃

歲星昴又生東誰是人間大伍公千歲桃花今

夜結通天臺下煖春風

肆向青羊古市開身依玉壘片雲來不知賣卜人

多少誰識功名水一杯嚴君平

方游鴈蕩復鷄籠又渡仙霞弄曉風最是吳門山

色好人人輕舉肯飛鴻梅福

朝來將石問君平昨夜何人犯斗行未許河源稱

漢使應知谷口是真卿鄭子真

深山白晝好呼盧遙喚洪厓作博徒柱下有雲生

五色兒曹收取辦行厨衛叔卿子度世

易聞滄海波三淺難遇黃河水一清汗漫九垓從此去不禁鄉里暫還情蔡經

漢濱未肯著浮槎若箇相將石到家苑吏種梨今幾樹山中已折白桃花介象

出餞群公翠幄開行厨春酒覆千杯蜀中文錦尋輸至江外鱸魚已釣來左慈

祖洲芝草夜來生白虎仙車夾道迎我嗣玄玄稱碧落晴雲飛渡海波輕吾祖

焦生結丹大河東白雪清霜落夢中朝市又逢歌六

聚鳴詩集卷十八  
舜禹村墟惟有秦皇風焦先

長安國手各稱師變化風雲在霎時豈謂仙人偏好事爛柯不管只相持王質

絳囊滿貯紫茱萸採菊浮醪醉可娛從此登高成故事家家門口盡懸壺費長房

王烈無能讀洞章渠應開口笑嵇康淮南亦有琴心在此事悠悠誰較量王烈

我乘赤鯉訪仙公月滿虛樓夜正中明發欲歸東海去好教黃鶴領剛風葛玄

烟月扶輪謝馬蹄朝暎吐錦又聞鷄丹函不用留兒子樂裏無煩寄老妻許旌陽二首

金爐夜燠三姑去寶劍朝寒五女來治國當修真淨業安民須仗大雄才

人間長史信多才天上飛龍舊有媒蜀道秋風黃葉底一輪明月正當臺許栖巖二首

銀河白波飄素絲玉簫歌徹青城詞青城丈人去不返太乙元君空所思

縉雲舊隱沒雲間魏關留人未許還片雨只宜隨二

聚鳴詩集卷十八  
地委石橋寧是最深山徐則

無資買藥就神丹勾漏崎嶇往復難且即羅浮磨寶劍枕榔樹底拜星官葛洪

七王寶劍夜輝輝五色金丹躍紫微環珮聲中神女集龍麟隊裏化人歸鄴去奢

仙家夫婦說劉君吏散衙空笑語聞幾樹碧桃開白晝一枝皂筴起青雲劉綱

二十餘年事葛翁朝聞道士訪司空石缸釀酒春如海探得仙桃顆顆紅張岳

山中宰相舊逃名何事驅牛入帝城不悟人間綾  
被薄安知物外羽衣輕陶隱居五首

公卿祖帳匝東郊館近華陽第一茅拂拂清風吹  
鳳管回回紅日下鸞旂

阿育王山誓戒堅菩提記裏席青蓮著書浪滿三  
千卷度世猶須十二年

三層樓閣讀書聲散入松風作太清剛得蓬萊都  
水監何辭拜手問門生

神武門前着縞衣空江白水見鷗磯玉笙吹斷無

張翥詩集卷十八  
人識閑共浮丘跨鶴歸

上帝掄仙不彩名陶家弟子獨桓生昔聞象罔從  
空得今見華胥以夢成桓闥

曾向龍神授秘方因從天子乞雄黃古來材大難  
為用惟有蓮花生妙香孫思邈

堯時曾拜侍中來漢日還從羽獵回聖主欲紆襄  
野駕微臣今托後車陪張果先生三首

侍晏天家三酌多小臣起舞遂婆娑集賢失却黃  
金盞笑殺六宮飛翠蛾

一蹇隨身每倒騎終南山色照蒼眉因談元狩年  
間事願得君王放老麋

道高都水未稱奇名在丹臺信可師欲識仙官家  
佳處長生殿裏誦經時司馬承禎

蒼霧蒸空跨赤虬嵩高珠幕捲新秋若教再奏清  
平調應在瓊山十二樓李青蓮

浣花溪上少微明萬古猶高水部聲不是儒官多  
餓死教渠辟穀論長生王皎先生

蘇翎見彈為來歸徐羽驚弦又獨飛彤矢如新開

張翥詩集卷十八  
桂壁當年獵火萬重圍徐佐卿

夢魂無復到黃梁蹤跡浮游老醉鄉三弄笛聲騎  
鶴去一輪明月浸瀟湘呂師三首

度盡群生始上仙劍花飛墮酒旗前青樓悶損無  
人見碧海茫茫何處天

我家東老見君時笑引東床白玉卮不棄貧家能  
再過傾林作脯釀為池

靜夜雲林出絳河花飄竹杖恣高歌靈丹乞得無  
人信獨有遼天白鶴過許宣平二首

李白東游訪逸群新安題壁思如雲山深霧杳清  
溪急野火熒熒作紺文

太師坐隱向羅浮北極驅邪志未休手跡寄回佳  
子弟劍花飛遶帝王州顏魯公

天台欲去路如何僕僕先生縣裏過白鶴玄猿啼  
不住寒山秋色兩嵯峨僕僕先生

我愛金華張不同烟霞飛滿棹歌中明朝平望橋  
邊度片席飄飄生快風張志和

花間金字兩行斜秦嶺藍關苦憶家雲水欲教天  
外落八千里路不為賒韓湘子

國子先生千里駒南山深處長青芻驚情鳳想遺

書在挂杖雲光飛盡無譚峭

南望天台北會稽四明秀色古今齊自從參悟長  
生訣惟覺青雲白日低魏伯陽張平叔

花落黃公舊酒壚東風籬草醉呼呼太平幸有閒  
田地不省兒曹可喚扶馬丹陽

龜臺明月照麟文玉女鸞蕭賜彩雲不恨中山無  
綠耳惟嫌人世少青裙西母

跳遠凌高一快翎松枝能綠栢能青初逃銀海恬  
波浪遂躍瑶空伴日星毛玉姜

涉海求仙事已徂驪山空壑轉金鳧餒年尚憶嘉  
平獵守塚猶聞古丈夫秦役夫

王家香霧華山蹊冉冉鸞軒碧玉低空有一隻朱  
履在佳人早已到天西南陽公主

許家婢子噉仙桃秦嶺宮人拾澗毛不似緱姑修  
苦行湖南湖北一蓬蒿緱仙姑

元暉長日獨登樓琴裏棋邊樂意稠鶴上阿鬟偏  
解妬無心憐取一蓬球蓬球

仙童何用叱風雷天與文簫玉鏡臺已摺雙雙騎  
虎去相應款款駕鸞來文蕭

曾遇仙人萼綠華微吟低掩碧牕紗至今收得金  
絳脫獨恨羊權未出家羅郁

江湄二女酬交甫洞壑群姬賀阮郎垂老尚能為  
蔡倩雙雙飛起綉鸞凰蔡女仙

麗日赭霞映綠苔仙郎笑女捉杯來無端啼鳥生  
鄉思從此桃花不忍開劉晨三首

深山草木盡知春惆悵雲林隔問津  
桃子已經三度結桃花猶是去年人

紫淵丹水不尋常何不歸來守洞房  
蓮葉縱能浮漢渚桃花依舊笑劉郎

從幸蘭昌近百年再來人恨可憐天  
西飛青鳥今猶在阿母遙池何處絃

鳳髻雲鬟識笑聲霓裳羽服總盈盈  
獨憐不及吹簫伴十二樓中秋月明

裴玄靜

北征小草十二卷

〔明〕張泰階撰

明崇禎刻本

浙江圖書館藏



北窗集

北窗集 卷之八 入茶山 蘇軾

如神仙中人已得道之車言讀

之類白此其甘露生於瓶瓶有

雷者於瓶瓶有雷者於瓶

非么學已未進士同持詩歌按

筆教子言家之立就遠近贈

矣而情猶之然云之詩非自釋

褐時始也之曾祖乃古年五須

野先生工侍監皇甫子循之

履吉何乞嗣之希相倡和其詩

咏傳燈已久而兩鄉者為以

初以九齡善病其尊人扁果

之至操以牛五底書目可通

十條卷十五書目有操經法

修居能言首端楚詞之遠晉晉

魏而下勿偏已甚後往來行

役事為之舟上馬止枕出韓上

塞上之居每履齒甚健而詩

畫之貯家之其賜或為青蓮

為浣衣為長吉為昌黎老人  
才調無所不縱橫風骨無所不  
秀凜進琢鑿鎚鑿無所不  
影不傳名與無作未外情纖  
微畢肖是惟繩武中五折志  
詩壇之龍象哉又使白雲司  
中曰念同體如累時濟有萬物  
前唱後爭身可以控偏師尚向  
中原報令諒君子靡旌作報能  
於軍教之下而主漢於取名

倦於進趨通達則所謂能  
而能為焉者也市隱吳門病於  
姚古自音唐六朝以才法書名  
者不惟脂粉田定購之曰此序  
地風竟無遺網名法標者誰  
除目者深紅大白使誰知不為  
而合以胸無餘滓故筆筆點  
蒼宜其字之皆動肯止能耳  
須相溫者今縱雲石門明  
因之百里馬山大小龍湫雪

有春聲詩在焉云爾其

下雲澤賦珠笋峰削玉而

不驚人詩自中以征焉可

其素心寄系

士十五安陳能儒精於

五

保慶



自叙

余生平在專學所習為

文詞又不肯竟學於操觚

之際大都或易從直率

能成而了以函深之造

一

涉渺之波濤亦有也每懷

生方大難即患頭痛此

遇疾最忌靜生少飲食先

太守堂慰之曰見痛美勿

以章句自苦遂扁之

寸管不供一月稍耽敗道  
中有裨者雜說取取因之  
數目而得者亦不省其國  
秦漢以下說史書間而雜  
錄其說而取者亦不省其  
月可達于膝毫而間月而  
史書亦盡乃補之百篇也  
楚騷晉穆以下法者亦未  
盡不欣然教嘉而亦未盡  
妙苦難書而亦未盡妙

前曾有擲騷說作事者  
心不存也以後函批書  
幾十條或屏近或遠或  
作實或虛或浮或沉或  
獨然或然或然或然或  
馳騁中庭也亦以強年  
而語者時隱隱之語餘  
以壯夫而收弱中持寫  
一得則所取材者狹而文  
章之進集於不振其

中亦賴多矣以此為功課  
 收篇什以之征行為當時  
 或追述當時遊覽之樂不  
 過十之二三仍覺無意焉  
 持杖倚壁終焉達曉鼓  
 聲猶聞時時暗銷遊意所  
 彈子古事之入者居後事  
 慨焉今篋中所存者皆為  
 征途之假息旅病之時以  
 卒數年事而以此往返

吾亦學古不肯竟學之  
 左券哉

雲間勝人張泰性




北征小草目錄

卷之一賦

琵琶賦

朱夏賦



五言古詩

長相思

仙史行

怨歌行

從軍行二首

出塞曲二首

升天行一首

古別離

桃源歌

北征小草

目錄

苦寒行

戰場行

天堤曲

徭役歎

童子行

羅敷自有夫

年有尺素書

村宿

黃河阻風夜泊

題淮陰漂母祠

發徐州值颶風雨馬不得前遙見黃河暴漲

永天一色

夢

滁州諸山

憶昔

得鄉信知久雨無麥爲之悵然

憫獄

游淨業寺西草堂

暮夏

野望

偶賦

遊虎丘用清遠道人韻

居吳閭喜王生見訪賦贈

中秋夜集酬王生和來韻

贈隱者

途中有懷

征途

高山

北征小草

目錄

有憶

道傍柳

遊虎丘因訪靜僧

采菊

俞生爲訟所苦詩以詬之

郊游值驟雨

開園二首

郊堂效李長吉

余嘗自號弱山客有訊

者詩以答之

夏歌

齊望

徒涉

秋日效庾體

早秋效陶體

早發旅館

宿滕縣驛亭中夜聞人

聲時妖寇初平疑爲戰歿新鬼

感遇次友人韻

秋園

松堂

高卧

卷之二五言古詩

擬古十首

雜詩九首

遊仙行

禱雨

過晉陽

遼陽

北齊書

卷之二

五

西行寄贈馮楨卿司李二首

上黨署中有懷王子青贈

行深谷中兩壁如削

自歎二首

署中獨坐二首

贈友人北歸

九月銅鞮道中

十月赴屯留遇雪

冬日邀楊比部飲栗氏

園賦贈

宿余吾驛

至慶都謁五嶽廟觀元豐碑廟北數十里爲

南北朝接壤處後其地並入於金

朝出

過紀信城

初夏赴屯留

獨坐

斗亭

喜雨

渡澗

汾陽公署靜室

夜涉汾水

見途中饑民有拾橡以

食者感賦

途中初暑

青山

登高廟值驟風雨

北齊書

卷之二

四

新鄉道中值大風夜宿用壁間韻

太原城北山亭

過滁關

夏日詠懷

卷之三七言古詩

挽舟行

遊仙行

已未紀變

送入再遊京師

許金吾欣遇齋初成賦贈

俠客歌

閨情

寡婦吟

野田黃雀行

題新安汪孝廉夫婦孝節冊

見河上諸山

過留侯祠

河間郵亭

妾薄命

無題

新草

燕坐

言志二首

江頭

春日

代閨中答友人

山居友人相招

卷之四

古詩

五

長安道

朔風行

悲哉行

跋叟行

野老歌

石級行

行過鄒滕時值妖寇初平

徐州古道爲驟雨衝沒

徐州值大風雨

不可復辨終日行墟墓間漫賦

浩歌效李長吉

秋意

八月十六夜千人石看月用王生韻

馬子行

山居憶昔

山行

日出贈李處士

與客賞梅花

行次豐沛轉至濠梁見

烟莽極目悵然有賦

再過鄒氏園亭

獻俘禮成恭述

慶卿墓

觀草帖

小築酬客

霧霽山行

卷之五

古詩

六

石經山行

甘雨歌

豪士歌

古從軍行

古大梁行

文豹行

冷泉行

胡笳歌贈陳將軍

古松行

大堤曲

宿滁州公廨

度太行

榆關感事

鄒亭夜月



曲沃公署譙罷夜發

雨後早發翼城忽值大霧白晝如晦

長缺歌贈李生 重九前二日登德風亭

從長子夜歸 途中偶成

遊五龍山 旅館假寐

過坡底小憩 口占詬賈道人

出城見戍卒 和韓觀察對竹之作

仲夏至高都胡司李湛裏邀同王司馬調宇

北征小集

劉別駕泰來共飲朱茂才園亭時見修竹

當軒清流出峽蓋吟然善也

入觀行次都門遇風

過韓信講兵法處 偶成

行至栢鄉遇雪時有戒心

龍興寺 王生書至云有負心者

自願作閻羅王置彼地獄之語殊為駭愕

詩以訊之

早發樂陽村見古塚

過漳源見有客題壁言海內江河諸水未有

若漳泉之香且美者余爲及其詞焉

題沁州署中方塘 汾陽道中值降胡西徙

關內有鑑往事悵然爲賦

聞喜道中 西還至鳳陽池河鎮有

宗人持譜系并先君手札來訪賦贈

秋野

北征小集

卷之六五言律詩

望金山次李空同先生韻三首

初夏山中 途中

新安客來訪以詩見投賦答

東平道中 遊碧雲寺用題韻

衣門怨 出塞

春閨 采蓮曲

北胡庶常哀邊將士詩并省之

薰風自南來

廣陵懷古

遊萬笏山

遊錫山園亭

燕

再過東平用前韻

劉侍御久繫見釋

團扇

過河間見水陂

二首

宿任丘用題韻

魚池

鐵關

朱子南還有詩贈別用韻訓之

余兩歲過東平皆值晴霽遙對諸山如畫今

北征小集

目錄

九

歲十月再經此道時大風揚沙不能舒目

復用前韻

行次滁州

自京師陸行至瓜步期次日度江二首

游絲

途中秋暮

夜度

月下小飲

從湖郡謝事歸適逢初度

山寺

夜飲顧子齋中二首

新月

獨坐懷王子

途中夜雨喜值午晴

隋堤

東平道中用前韻

夏日郊居

秋日舊山

道逢友人言別

山行

行近都門

北風

客有以文稿示者詩以訓之

西山曠望

幽居二首

東平道中用前韻

烈風

北征小集

目錄

五

滁州宿道觀

王處士以贈女優之作

見寄云是老姬余私意其非姬也反其詞

答之

途中小疾於輿中閉目

跌坐日惟蔬食一餐而已道逢一隱者悠

然相對有尊茶之思焉

卷之七五言律詩

陪祀 太廟

嘉廟祀社稷以壇門早

閉不得與竚立久之

嶺長陵

定陵

慶陵

遊甘露寺登閣晚眺用

孫魴韻

再過滁關

濠梁道中遇雪示錢子

住濠梁一日餘雪未消

早春入梁

睢州道中遇風

雍丘道中

入鄭

滎陽道中

齋中偶成

北征小車

目錄

五

渡河

武陟道中

入晉

文水道中二首

汾陽道中遇雪

文水道中用壁間韻

清明過晉陽用壁間韻二首

途宿

行次原平驛聞有晝劫

者驛卒追之被創而還

途中

邊城早發

邊城見清泉

度寧武關

途中友人留酌

晨駕

度嶺

徐溝道中見綠葉

平遙道中

郡僚招飲園亭

介休道中

公署旁有介子推郭林

宗兩祠卽擬往謁薄晚不果

行次靈石始見桃李

過勝薛

旅居

韓淮陰墓道

霍州道中喜雨

北征小車

目錄

十一

望朔

曲沃道中

郭璞書堂

雨後值大霧山行晝晦

抵晉

夜歸

德風亭秋夜

七月十一夜復登德風

亭

中秋前四日

八月十四日赴長子謁直指晚出西郭有賦

十五日從長子歸喜晴二首

十五夜對月

十七夜復赴長子是夜

月色如書

九月夜赴長子

九月從長子歸

胡司理邀飲長子城南

野人委巷

途中有懷

宿南關驛遇雪擬從盤陀驛不果時得北書

雪後喜晴

遇雪

遇風

發兵戍邊寨

雪後登亭有懷故鄉

上堂再逢寒食

玉澗盤峯諸宗室邀飲

北征小集

目錄

十三

小詩言謝盤峰前有和章再賦爲答

夏日同郡僚五龍山登閣憑眺適盤峯有詩

見投次韻爲答

當陽日登亭次盤峰韻

宿長平驛值雨

丁卯夏日復至長子署

中對松

長子道中

夜起

九月八日赴屯留旅館

小憩

秋日衙齋有懷仲弟時

弟在京師

暮秋與客登亭

再過晉祠觀唐太宗碑文

至恒山贈客

渡汾

卷之八五言律詩

歸鴈

再過趙徵士山庄

要離墓

假寐

贈沈山人二首

桃源

春日與友人言別

秋月

過友人山庄

舊山小隱

北征小集

目錄

十四

歸園

逢友

聞東夷敗歸

幽栖

余山舊齋

逢故游

齋中早梅

郊居

首春贈老友

薄遊

野叟

夜泛

陳生苦於行役不覺殞涕張子見而悲之賦

贈

倦游

江上懷苑

春日郊行

山居偶成

至鹿泉遣二僕募樹本

顧寺古碑時因大雪二僕憊甚幾不能從

木刀溝

過劉夢得陋室

過賢臺夕照坊時友人相招不赴

古塚

贈人武闡奏捷

顧生任趙州別駕越數日余以覲事告竣歸

潞顧生逆之中途賦贈

北在小車

目錄

十五

懷歸

雪晴時將抵潞

友人困遊日南有書緘寄賦答之

至鉅鹿將索邸報不果

望金陵有感

再至坡底三首

步香爐鎮古寺時得遠訊

宿汾陽公署未卽言發四首

署中古松

寄顧氏兄弟

山居三首

言志

騷經

香爐鎮公署見雙燕

訪王山人

留侯祠

至祝亭驛將遊紫巖山寺不果

齋中獨坐寄友人

登高

郡齋

八月十五至長子饒吳

學憲未赴時俟久之雨大如注時夜已分

矣

已巳夏月又過晉祠

行至清源聞蛙

赴友人酌值雨

北在小車

目錄

十六

林居

沁水道中

署中獨坐時聞邊警

秋日至長子

已巳九月又過晉祠

過關泥驛

將發題德風亭兼示盤

峰

封丘道中時遣役西還

途次聞永寧奏捷

過會亭驛二首

過濠上

盤山道中

李山人卜居城之東偏數旬不出携樽慰之

賦贈

五言排律

閱武

秋日郊居

宿友人村

黃河秋思

早發滁關是日得家信

山行

征途自遣

中秋夜有感唐玄宗潞州吹笛之事用盤峰

宗室韻

大江

卷之九

詩律詩

秋懷八首

舟中雨夜夢與友人劇

觀秋山圖驢驤欲往有

賦

途中聞虜警

憶家

送友人遊北雍

越客至海上因淫雨留滯月餘賦贈

秋日同友人遊香山寺宿來青軒用題韻

病小起懷友人

病後友人惠肉并和小

詩五韻訓之

大柳道中

淮陰題驛

江上阻風步至蕭寺與

友人言別

黃河遠望

送友人應試

寄友

雨過山行

亂山

綠楊古道

夏日途中感懷二首

孟氏里

龍華寺水閣滯舟時聞片次琵琶

過齊

入都

早朝

同應北郭發舟平

西山

獄署夜宿二首

小齋夜集友人以詩見投用韻訓之

遊淨業寺蓮華池亭用壁間韻

癸亥秋再過大柳用前韻

薄暮山行

入徐

旅中北窓

早秋

山齋

九日

齋頭小集用錢子來韻

晴後晚次滁州復值甚雨

爰入郊園宴集二首

大柳道中次前韻 過滕見村麥

再過孟氏里

度河

春旦赴王氏橫塘之約登高遠瞻

虎羣後蘭若方丈最爲幽勝人跡罕至留宿

李律小集

目錄

卷

數日漫咏四首 早發堯南

友人齋中梅花

大柳道中次前韻

山行

聞駕幸西苑

與客譚榆關事憤然有感

期友人不赴

長安九日

報國寺古松

途次值友人率爾言別

詠王生困游

趙徵士山莊

贈陳子

卧龍岡

至江駐古寺呼渡 酬王子見寄次來韻

寒山古道

山中早春二首

大夫松用驛壁韻 行次景州

行次徐州驛子導余宿敗屋中不蔽風雨次

日風息方得引渡

寄友

長安春日

宿驛亭

元日復過黃山人寓

次滁陽

旅宿

北征小集

目錄

卷

冬日山居二首

卷之十七言律詩

移寓與王子隣賦贈

再過大柳早發用前歲韻時將赴上黨

晚行至會亭驛

薄暮將抵葵丘驛大風

揚沙馬不得前

齋中早秋

花朝後五日行至杞縣見驛壁有吳明卿先

生花朝之作次韻

過汴梁

再遊香山寺來青軒見

往歲題詠次韻時聞柳河之警

長平懷古

銅鞮道中

淮南懷古

冬日

過舅犯故里

度水

旅舍

晉源道中

晉源祠觀泉用文太清韻

開泥驛道中

邊城春暮

北在小車

目錄

三二

齊中野望

夏日劉別駕邀飲葵園

適宗室有詩見投用韻爲答二首

行次潤州

秦中

汾水

靈石道中用驛壁題韻

春遊

憶昔

聞喜公署中見有文太史石刻凡作四亭覆

之

雨後過沁水用壁間題

韻

上黨早秋二首

王生壁間有煙霞之句余爲續成之

山行酬李處士

晚行逢驛從

徐州訪燕子樓舊址

中秋節前四日苦雨用盤峰宗室韻二首

中秋節前二日劉泰來別駕邀飲城南李氏

園亭不見月

十六夜翫月

長子公署夜宿

二首

九月六日登德風亭

九月同劉別駕復赴長子

北在小車

目錄

三三

長至前五日作書寄家

過禱亭驛

宿香爐鎮

從汾州還再宿香爐鎮時修書寄鄉人

早飯聞水聲

九月十六日瀟瀟招飲

西園用韻

遊栗氏園遙望城頭有

柿數看花二樓卽擬登眺以日暮不果

卷之十一七言律詩

夜發

贈友人左遷



丙寅除日

丁卯二月值余初度錢

子以詩見贈用韻謝之二首

飲玉澗諸宗室園亭時牡丹盛開二首

齋居次盤峰來韻 至高都遊朱茂才園亭

茂才贈詩次韻爲答

朱茂才家園碧輪池次郡司馬王君韻

夏日同郡僚遊栗氏園亭

秋日邀盤峰諸昆季共飲古勝園盤峰有詩

先在小車

一象

三王

見授用韻謝之 入覲宿南關驛寄盤峰

宗室

冬日送友人南遊

過井涇有感時值微雪

暇日郊居值榆關索兵

夏日送別

答友人寄贈

至上谷宿十方院值王氏兄弟招飲

入覲至涿鹿觀黃帝殪蚩尤處時丁太守云

中途有警怖甚相約偕發詢之知爲榆關

戊卒也

入覲後復抵潞陽展舊

藏圖書有感

趙州贈顧生時顧生新

任州倅

送客

三宿香爐鎮

宿晉祠

春閨

春日陪吳學憲遊五龍

山二首

古驛

喜客

賦得我愛夏日長

八月十四至長子值晴悵然有憶

先在小車

一象

三王

又過香爐鎮

旅牕小坐有憶

安邑寓王氏園二首

抵太原聞揄首關入之

報

山居

夜至沁水端氏村宿德勝寺二首

同章別駕登長子縣城北高廟值驟風雨薄

晚復晴次壁間韻

從寧武歸至汾陽驛值重九日適聞揄酋入

犯葭州

贈賈生

重九日宿南關驛 大橋道中

大江早渡 新安吳平倩寓居吳園

招飲賦贈 吳平倩有見和之作疊

韻爲答 已巳除夕庚午元旦用

二許子韻二首 送吳平倩西還

寒食前三日將歸海上因阻雨玉峰率爾登

眺 已巳十月奴從喜峰入

口進薄都城次歲東犯盧龍時都門晝閉

北征小章 目錄 三五

已三閱月矣

七言排律

舟中獨坐 西山晴雪

暮春爲沈兒作

卷之十二五言絕句

青山 砧

茉莉花 松

艷歌 阻風

舞 洞簫

草 岸

馬 北征五首

過滕 魯府橋

樂平舊壘 過易水詠荆卿

七言絕句

封書寄舊遊是日小病二首

細柳營圖用扇頭韻

北征八上 目錄 三五

帆 躋雲橋

顧生遣妾 關橋鎮公廨見紅蜀葵

東 道聞援遼新卒皆逃

出塞曲 三首 連村煙樹

東方朔仙跡 董子下帷處

過細柳營 入燕道逢鄉人

早雨 旅舍和壁間韻

旅懷 鶴

楊妃圖

孟嘗君養士處

將歸

六安道中遇雨用錢子

韻

家

途中漫詠示錢子二首

權店驛次壁間韻

長平驛夜坐

旅宿

過權店再用壁間韻

北征小草目錄

北征小草卷一

東吳張泰階爰

賦

琵琶賦 有序 一三歲作

余歷審音樂獨琵琶不始於遠古而其義亦罕  
見於書至漢魏始並用之而歷代才士亦競爲  
之賦故其體質盤紆之度山川嶮巖之勢皆稽  
古者所殫述而今可得而畧矣余非敢妄則古  
土在小章 卷一

天然朱絃之雅器中古之遺美不可闕也遂採  
其制度觀其音聲而作斯賦  
原素桐之所生兮於景澤之朔方擢屹莖而土躋  
今聳弘幹以高驪素質威夷以迢連今脩材瑰璋  
以景章抱奇材而不沽今將永輟而長康神淵曉  
巖綠其足丹崖重巖介其傍若夫挺質倍尋孫枝  
千尺傑池此虎隱軫翕習前嶺巖鬼以拂霓長柯  
偃蹇以孤立此又區宇之所挺植而山靈之所獨

護也於是許少之儔秦成之列凌絕隙越幽滯伸  
長看探巨穴思續軒轅之遺響爰就斯器之多譎  
斯時也五嶺嘉木剖斲成珍遺事見於鼓鞀殊制  
肇於靡秦酌方員而立體法二位而迭陳絃既比  
于四時制殊詭於琴笙或彈北牖而翔天際或鼓  
馬上而醉漢京叙異形於陰陽擅絕伎於朱生爾  
其爲狀也鶴頸蛇腹燕垂蛇咽裏以形添揭以素  
絃惟芳正迢易利故無惜乎爲圓既空狹以宣  
復平表以環連岌岌乎似玄螭蛻蜃而抗首矯矯  
乎似靈龜背竊而頻旋若乃巧製異狀奇姿天然  
促節離靡異色聯聯維方舞之紆繡更啍啍而絃  
絃上騷騷而蔚眇玉旂旄而迴還內若壯腹之冲  
虛外若夢桴之土沿遠眺則輪茵而超超審視則  
斐疊而互纏至其層絲聯比竹未集布繁緩均調  
朗密合度又不可備論者也繇是睽纖巨審短長  
音響洪宣妙韻武昌其始鼓也長美忽興抑揚交

錯試之雖踴放之標格曲引未發朱絃先薄謂可  
以和情志而暢幽憤矣既而摘妙詞引清商光輝  
煌音鏗鏘遠手承以按節寥亮微而超常按皓脆  
以繁驚衆游龍之翱翔飛纖指而觸搖聲哀厲而  
洋洋時繁沛而扶疏繼殷勤而彌長悠揚嘈噴靡  
追斷續舒誕浮沉徊翔反觸軒礪隱句蹇譁掩抑  
悌憤震奮奮轉劇丞惜惆悵以懷愴愀測減而騰  
沛札澀澀以奔逸漫侵尋而盤滯樹疎勇以遐越  
學鳥呼而圓圓救而徐徐緩而優優恍若涉海之  
珠紛反若煙雲之繚繞若夫鬼閭飛觀屹層層基  
惠風和暢私宴閑居綈酒摩挲短晷將移人徒群  
集列妓參差於是式樂山之象柱繫岱谷之絃絲  
洎規矩之既調授天孫與秦姬既敷調而續續復  
長歌而徐鼓樓樓迴絃新聲出戶劍聲連手絃曲  
清音軋于欄楯宣縣駒之餘韻啓胡人之妙引悲  
昭君於絕域動公主之思恨季倫聞聲而佇聆仲

容撫絃而多遜於是審客半散幽韻淒鏗廓然無  
徒清夜月盈復援而鼓之奏六引理五章揮龍門  
之勁韻隨洛浦而徜徉或夷靡旋統汎淫被難騰  
選鏗鉤闔鞀紛馳淫衍布護容與委蛇或生落凌  
厲疾翼駘銳傲羅奮驚標擗激冽波騰雨注風發  
電掣或弘暢發越斐肆被麗縹緲遶從橫迅逝  
歷諸靡絲陸離搖與或動然奔遁荷華洛澤從容  
顧敘婉轉陽關踏踏踏美融延承承釋或推或而前  
鼓或引手而後却或揮而不灑或滿而不溢或促  
柱而不疾或緩調而不寧或波散廣衍紛囂囂行  
魚爛踴躍踴躍碎睨嘯或更唱遞奏指指消悠冷  
振响若剛若柔此成公所以駭耳而傳玄所以娛  
心也迨夫節長準矩案抑有程官羽舉包絕不粗  
凌飄飄若重華審律牙廣廷悅悅若秦時號樂奇  
長城在水湯湯在山峨峨非子期於伯牙孰能辨  
其音聲夫其含咽和鳴參發互應一祥木之鳴妙

也汜艷充斤習習析析發四時之和調也遠而聽  
之如群鴻逐伴遊天表迫而審之如鶴鶴命侶戲  
玄渚憂愁者聞之哀惻催肝凄慄悲吟將形躁而  
志越豈憂思之可任和婉者聞之宴娛般樂飽遂  
歎欣將體靜而心開豈怙氣而信信式以節情宣  
性藻氣怡神潛魚仰而出聽玄女俯而承繇亦足  
以致白雲于西北來玄鶴于南端閱其所移必等志  
始鮮妙矣於時也金笥并筆林無聲律周祀梁  
季義八章 卷一 五  
之婁感而淚傾師襄歸而拉琴誓終身而不出將  
惟斯之足貴豈餘馨之足迷亂日斯器越趨者難  
測兮盤員柄直法堪與兮妙手素絃傳情緒兮知  
音者希誰其聽之得善應心惟君子兮  
余嘗憶幼時有琵琶秋懷倬倬諸賦紙皆散佚  
人間不可復得庚午之歲余自止黨旋里偶聞  
治若唐君處尚有副本亟命子墨抄錄置之簡  
端屈指數去之期業已三十餘年一旦獲之不可

勝劍令之幸而餘作則竟付之逝波矣可勝慨  
哉

朱夏賦 有序

已巳首冬余從上黨東還曾未踰月而奴虜闌  
入卽全晉亦有震隣之懼焉余方栖遲閭里歷  
春及夏雖目擊時事忠憤莫行而兀坐空齋較  
多暇日其殆以不材而得全者耶撫景憂時百  
感交集爲作朱夏賦

北在亦重

卷一

嗟遠時以獨邁兮履迤邐而多憂聊辭喧以守寂  
兮漫踟躕乎林丘適朱明之已屆兮厭人生之瞬  
瞬值平疇之將昀兮盼碧梧之初引薰風習習以  
扇播兮竹籊紛紛其交頌繫日月之不可待兮欲  
遺世其猶未忍從草莽而窺跡兮悵中原之多故  
壘前箸之莫効兮慨食肉之貽誤步趨趨而漸若  
今日曉暝其垂暮悲駒隙之奄忽兮追周虜之鑑  
遷美歸與之獨樂兮忽涼風之吹裾形胡爲乎稿

木居胡爲乎蓬廬邈大雅之不作兮騁六翮其焉  
如慚匡濟之無術兮姑游心於邃初

五言古詩

長相思

歲月一何邁沙塞一何長隔越數千里山水徒蒼  
茫悲思不暫歇旋轉如輪轂悲來復何爲所思在  
江曲當歌忽哽咽對酒不沾腸中宵瞥起坐零露  
濡衣裳瓊箋天外投亟取燈前讀睹此翰墨痕偏  
傷形影獨颯颯寒飈吹衆鳥俱南翔恨不生羽翮  
飛陞羅帷旁

仙叟行

攀緣涉小徑下視曠嶙峋上有石室岩中隱謫仙  
人遠歷數千歲日與蒼崖隣鯢華復給背齒敝存  
空韻語音不我類恍惚譚周秦沆瀣久已飫紫芝  
何足論穉哉桃源子規規稱逸民

怨歌行

高梧引綠枝池篁頌黃籥黯黯神內傷觸緒愁蕭  
索昔年金屋貯今日芳華落值此炎燠景尚厭余  
稠薄繡戶垂網罟空塔遍鳥雀子子無與儔步上  
飛雲閣俯首窺鑒興行行幸長樂明姝隨玉輦容  
光射丹堊舊歡良易間新恩亦旋涸爲語怙寵人  
何不悲今昨

從軍行

縣吏持伍符呼頻相促頻促欲何之長征遼水  
曲親朋設祖道揮涕傾醪醕向歲戍邊者不及登  
新粟雖有婦與姑刈穫苦不足遙塞狼烽傳僱禍  
一何酷臨發重踟躕得無蹈前躅壯士冠犀渠將  
軍建高纛爾欲堅功勳令我嬰荼毒

其二

臨行辭故里徹旦慘不歡最憚開山迥還愁衣纓  
單褻糧馳峻坂鳴劍跨征鞍晝衝赤日烈夜枕涸  
戈寒卒歲屯荒幕終期踈賀蘭鼓喧朔雪暮戰罷

玄雲殘曉不畏勞勩國事需赴桓

其三

一自出門關行行淚欲乾  
灰生未可十事復慮疲  
瘴妻子不我知緘書勉加餐  
故鄉日已遠肝腸日  
益酸自古擯天驕絕悍稱可汗  
攻圍矢鏃集擊刺  
刀鋌攢不見幽州卒滿身盡鎗  
瘢時平次宴息捍  
禦良獨難遐思漢天子稽首繫  
呼韓曷爲休明際  
翻令小醜千計日獲掃盪捷音  
飛羽翰此時重入  
北征小章  
卷一  
門明月浩團團

出塞曲

去年河水赤東方復見萐胡馬  
秋漸肥驚颺暮猶  
厲終朝數合圍結陣如魚麗虜  
衆憑高岡我軍迫  
宵濟強半皆淪亡道走亦相繼  
摧殘類朽枯劫殺  
悲焚薙獨我間道還窺籍仍宿  
衛雪飲方鳴張窮  
凶終自斃上臣新請纓重布三  
軍誓殄滅會可期  
我願當鋒銳

其二

我是田家兒少小工飛刺應募  
入軍伍賈勇從驃  
騎入營飯脫粟上馬齎乾糒登  
陴氣獨雄力戰生  
如葉累陣立奇功封侯未敢覬  
近歲胡氛惡將軍  
遊勇驚相守一載餘兩軍如畫  
地誓斬單于頭持  
來作飲器

升天行

八寰不可往塵壘不可嘗願言  
乘穹顚飛趾奔景  
土在小章  
卷一  
蒼霞衣照灼熒鶴駕環趨陰  
陽凌倒景饑來飯  
瓊漿回首瞻帝座抗聲叫雲  
間神山與仙島何用  
覓奇方

其二

騰身空濛表周驚億萬里足躡  
大鵬背手掣鯨魚  
齒蹈藉銀河翻排蕩天門闢  
軒轅昔乘龍至今原  
不灰方軌共翱翔玄言徹  
矧隨飲飲太清氣餐食  
紫廷藟真人錫靈丹徑廣不  
盈泉持此惠烝黎八



荒俱壽社

古別離

河流何浩汗陌草何繇芊聚散無常候王孫方自  
憐短髮華復皓征袍楚與燕客中轉送客贈別空  
拳拳歌驪動促調離鴈翻哀絃道畔傷心樹攀折  
歎年年卷舒文通賦諷咏河梁篇各在天一隅幽  
抱何時傳

北征八首

卷一

土

入山採靈藥宛轉尋澗沚桃樹萬株紅落英蕩流  
水水源窮盡處恍見野人村溝塍相穿貫桑麻並  
滋繁深洞亦寒暑比屋長兒孫峽底無人事清明  
勤耒耜一自避秦來閱歷忽千祀苟足脫網羅何  
必長不灰緬懷幽人踪常期共來止

苦炎行

戊午夏季余策蹇驢攜兩蒼頭崎嶇北行揮汗  
成雨自後南旋迨北行俱值是月追憶往事率

爾成篇

赤帝司火曠亢陽疑已愆奔馳徹晨夕道路多屯  
遭疲馬喘未息徒馭蹇不前征夫負盆甕隨止吸  
冷泉逝歲走都門苦屬炎蒸候經年往復旋亦與  
茲期奏霖霖沾衿裳躊躇恍散霽神府孤憂忡心  
緣兩構闢鞭弭促去程煩暑何時平餐冰聊沃肺  
啜茗足解醒覽物悲代謝濯流辨縉清特立崇原  
上翩然振長纓

北征八首

卷一

土

戰場行

當日群雄鬪兵車四郊奏揮戈衝中堅勒馬追窮  
寇犂犂驅虎狼僥狡奔狡狴果膠交戰銳斯須截  
項脰矢鏃貫纖楊鋒刃攬巢殼敵騎忽宵潰奇功  
在刻漏雄雌業已分京觀誰能覆士卒徒傷殘秦  
晉仍婚媾

大堤曲

漢水極潏潏大堤殊迤逦堤上有游女群逐揚蛾

眉清聲發林薄皓腕采江籬忽逢乘軒使驂馬何  
駢駢路狹不及展相見兩相疑君如擇木鳥儂如  
桃李枝黃鶯固求友孤鳳自尋雌行行迹已遠總  
非吾所思欲言揮手去待月還遲遲涼颺拂衣袂  
佳音盼無期

搖役歎

嗟哉菰蘆迢利害迥不齊公家索敝賦責令貢新  
綿破產恒不給婦寄洛東西既愁貧產竭還虞歲

北征小草

卷一

七

月精驅車涉遠道舉族咸悲啼詎知牙儉流持義  
商什伍足不展江胡室每延巨賈肆筵更擊鮮前  
堂施妙舞朱提出上方白鏢輝環堵朗陵有神君  
南陽有杜父穆然軫民艱摩撫垂溫煦挈利還補  
苴勿使偏偷苦

童子行

兒童口尚黃學語音多澁橫紫瑤佩短着青綵  
裙葩瑤飾韶裳倚倚光燭熠駸乘驂兩旁下地能

長揖

羅敷自有夫

嬌哉采桑女容澤耀華瑜纖手持筐官軒蓋觀路  
隅從容前致語歷歷音如珠使君意不薄欲渡慚  
無計當年妾未嫁何不投珊瑚鴻鸞各有偶無爲  
徒自汗

中有尺素書

戚戚無情悰寥寥共誰侶偶接雲中翰飄然飛素  
北征小草

卷一

七

楮錦字燦琳琅微詞達心背經年恨迴縣千里歎  
修阻恰似小窻側切切相昵語悲來不自持泛瀾  
淚盈紵

村宿

柴門狹如甕向晚昏漠漠周步歷簷楹蓬蒿長籬  
落虛窻出黃埃破甑炊青藿題碣半有無鳴鷄紛  
搏攫幽人獨危冠睹客前復却我僕旣已痛信宿  
因投托

黃河阻風夜泊

輶軋勢接天澎湃波撼地鷁首滯不飛陽侯晚逾  
恣非緣水力狂實值風霾異對此愁懷生懔然神  
發悸中宵良月照耿耿長不寐

題淮陰漂母祠

秦季丁逐鹿諸侯競發難叫哉淮陰侯赤手追炎  
漢意氣何崔嵬勳庸垂映煥當年雌伏時一飯感  
執轡最慕欽并流能定英雄案黃金何足侈青史

七征小章

卷十

十五

仍不憚高帝已丘墟王孫亦灰炭歸然漂母祠薦  
食淮城畔

發徐州值驟風雨馬不得前遙見黃河暴漲

水天一色

早發彭城隅玄陰暗赤日驟雨忽滂沱狂飈更飄  
颻水漲河漫天泥深馬沒膝嗟余趨王程際此洪  
流溢勉旃人在三怖此天生一次且未得前忽忽  
若有失

夢

恍惘登高臺陡絕無行跡峇峴數十仞容足不盈  
尺盤旋未得安展轉生憂迫須臾開窓櫺引我入  
廣宅長嘯碧雲間洞然天地劃

滁州諸山

滁山鬱名堯憑高挹奇宕周遭萬嶺連浩渺青蕪  
曠湯湯瀉流泉繞石漣漪漲同巒高復低錯峙森  
屏障地脉西南馳騰躍如奔浪憶當五季時江南

七征小章

卷一

二十六

被殘創藝祖恣長驅輝鳳俱淪喪古來稱四塞斯  
言無乃詎昭代建洪基三輔襟江旺奕奕衛留都  
山河倍增壯

憶昔

憶余懷雅尚僻處青山磯采蓼供晨爨編蘿當京  
幃高松蔭落落綠蔓看非非心曠清劇夢俗遠謝  
塵羈自許堪學道玄理其庶幾兩載游都邑境地  
與心違麋鹿畏投籠猿鶴虛欸扉疾馳意激越擾

鑿神紛飛譬若馬行淖蹶多完者希孜孜謹銜轡  
可度羊腸崎

得鄉信知久雨無麥爲之悵然

去秋既少禾今歲更無麥陰霖日夕縣淝平川  
澤田苗盡萎黃蝻畝披茅襖鳥雀騰高田蛙鼃游  
與宅東南本穴下柰復鼓洪濤間左業漂蕩滿徑  
餘蓬蒿遼陽滋剝餉微督如焚熬救變思奇策曷  
以奠嗷嗷

北征小草

卷一

十七

憫獄

嗟此朽楊侶經年被幽繫累累皆殊刑末減亦點  
臲痛哉冠而乘俯首從吏議楚囚竟夕啼耿耿未  
云寐遐想結繩初物態猶醇懿中古漸睢盱末俗  
尤雕僞鬼域逞譁張豺狼紛搏鷙桎梏豈妄施網  
羅或橫罹縱懷解網仁其勿弛銜轡

游淨業寺西草堂

散步游西堂臨流滌煩况蒼茫樹影稠瀾渺波光

邀隱映繁遠洲排空列青嶂梵宮當極開城闕隱  
几望二月潦水多半頃春濤漲野鷺戲清漣榜人  
抒浩唱舉網牽纖鱗聊備東菑餉塵累久已捐况  
復探奇曠

暮夏

碧蔭新條稀高旻亂雲卷農事已及半雨過山如  
洗颼風扇簾帷小杪見微峴

野望

北征小草

卷一

十八

澄曠無氛翳水天看浩渺清澗泳纖鱗游雲盪歸  
鳥巾車淡容與坐對朝陽暎

偶賦

三載離筆研曾懷近凡俗偶與塵務遠藻思如泉  
續有若猿與狔衣冠終羈束風塵畏相侵文繡非  
吾欲尚友羲軒侶緬懷莊老躅陋哉增綴徒密網  
張鴻鵠

遊虎丘用清遠道人韻

入山訪靈源從前遡秦漢蒼洞鶴鳴聞丹崖虎跡  
竄中有清遠人探竒恣幽翫彷彿採芝翁遐踪多  
汗漫巉巖劔作關罩覆花成岸層閣鬱崔巍踈藤  
紛歷亂梵誦出林間嘯聲發嶺半靈氣迴猶存鍊  
神元未散閱歲枯更榮感時昏復旦尚想逢士軌  
抒懷托柔翰歸然寄一丘千秋同浩歎恍如蓬  
萊客

卜居吳閶喜王生見訪賦贈

北征小草

卷一

平九

卜築西山厯歲月如飛  
韞林深絕塵空黛色遙  
相送有客持詩章剥啄  
成題鳳屐屐破荒苔衣  
裳叶幽夢途窮阮子愁  
宦拙淮陽躄而我同一  
撥煙水微茫弄雄篇垂  
起予白雲出虛洞

中秋夜集酬王生次來韻

積潦浸稽天潛蛟掀動地望舒匿清輝一室探奇  
秘良宵登眺遑勝事精靈忌清樽入夜稠短醖當  
風淚賡和屬用儒摘藻淵珠媚桂樹森庭隅褰幕

沾空翠客散雨痕收兀坐渾忘在靈臺有無端春  
月何由至

贈隱者

山陽構草堂山陰樹枳櫚林疎磴道迴景翳深菁  
窈呼童薦嘉茗挹泉垂長繡從容操南風鎮日弛  
車櫛俗客隔林窺疑有延生術導氣豈熊羆服食  
非參朮忘機任自然塵擾無繇憖悠哉洞壑閒心  
曠形齊逸愧彼勞生徒嗚歎因逐日

土在六五

朱

途中有懷

四望曠無垠。坎深疑大壑。櫟桓蹇行步。感事感懷。  
翻遣哉。慕鴻冥逝矣。傷駒隙彼美。在何方。泚。泚。泚。  
波隔秋來清。頻不到。草玄宅。窮目送短晷。零露  
沾長藟。

沾長蘆

征涂

道傍殘深樹枝葉森交互燦燦迎朝霞鬱鬱含朝  
露倉卒日近幽餓鶯紛來聚高下集平岡搏攫爭

魚鮒農人驅犢歸巢鳥群相哺顧我棲林數久作  
膏肓痼一朝事長征知被浮名錮攬轡試徬徨願  
言從稼圃

高山

高山蔚差峩葛蘿翳巖洞清泉匝岡阿奔放成濛  
頽密樹森葳蕤新蒲猶鬱蒼出岫澹溟濛峯崖看  
絕纒高鳥啄新梁群翔羽翮覆下有守真翁怡然  
理鉛汞冥坐無儀節張喉發清噴屢叩只掉頭體  
貌如癡勃我愛幽壑清遙岑復龍從停車未忍去  
趣發嗟謔詞

有憶

憶昔長安道車馬東西馳天南挹澎溟路左邀嶮  
差旅客共晨邁輕行踐流澌伊人鬚眉礫騎從紛  
逶迤意氣非不榮反覆有成虧所嗟輪輻轉俯首  
長於戲惟有守玄子優游采江籬祇患雲羅襲征  
行復何爲

道傍柳

秋來楊葉黃翻似初芽時居人坐清蔭行路攀殘  
枝圍堤數百尺古塚何累累饑鴟向隴叫悲馬迎  
風嘶遠村遥映帶登原颺糠粃征行日已暮杖策  
將安之

遊虎丘因訪靜僧

春日多陰陰薄言散煩懣停橈依淺莎登原涉深  
潭長岡日漸曛逸思騷猶賸躋閣俯平疇凌空瞰  
北在小草

卷一

三

層磴偃寒鶴巢松逶迤鹿游徑塔影照中庭鈴音  
聳高聽下有闔閭塚潦深迷入逕封葦翳巉巖居  
然靈窟孕幽壑架飛虹轆轤掛修綆傍叩修然齋  
老衲方禪定辟支與聲聞依稀叅二乘僧侶共翺  
翔紛紜嚮綵磬香厨作野供蓬勃烟炊甌游屐何  
駢闐歌聲虛谷應曄緩簫疑秦蔚葱林比鄧良辰  
未終極盤旋展餘興來往步長楹轉欲探嘉勝撲  
撲烏歸樓統紆紆入顯蒼烟野水復何高爾號

訪戴欣前游湖棹還趨嶮

采菊

采菊南岡阿奉取不盈把紉之雜瑤佩芳馨復滿  
洒出門湖清漣暫憇絕壁下歸來味高堂超然和  
者寡葛巾漉清醪妙理杯中瀉世事看飄塵萬物  
同一馬五斗何足縻辭官惜腰髀

俞生爲訟所苦詩以詒之

聞爾困頓餘無端被笞背口舌事雌黃轉展成勘

北征小直

卷一

三

對漏卮實厲階雀角滋煩碎破產無平屢典錢傾  
玉佩爾固貶屢流今也超闌闌自反原求全能無  
發深憤

郊游值驟雨

方春修禊時開聖迎朝煦芳辰正歡娛倏忽傾霖  
霖電靄障連村飄飄洒芳樹少女動林梢颺颺驚  
怒颺前溪水暴溢巾車不可渡斗酒與方酣豈被  
雨師妬

開園

清飈三徑凉心期十年改幽蘿老更蒼霜樹變成  
蟬噪足解炎霞餐亦療餒悠悠達人踪知止誰  
云殆

其二

老圃忙經營秋容正瀟灑燃竹熟黃蔬持竿釣紫  
蟹竟日苦淫霖陂塘成泐漸鼓棹迴迴溪拔茅擁  
鋤鋤最喜還山青不損杖頭買

北征小直

卷一

三

郊堂效李長吉

秋堂暗松楸高枝自連卷返照映林斜平嵐逗煙  
淺雲卧冷閒庭寬裳委荒蘚幽隊添燈熒譚易還  
清辯

余嘗自號弱山客有訊者詩以答之

柳居溪亦愚余在山亦弱久與巖壑親暫爲世界  
縛良友憶同盟山靈責然諾此志今不渝空齋看  
冰落

夏歌

炎炎鬱蒸候深宮罷舞衣琅玕飾湘簾衙城垂明  
璣夜涼零露濕猶畏朝陽晞長門蔽白日安得侍

金微

齊望

晚行四野寂曠望纖翳空磊磊大小石灼灼青黃  
藜日落掛巖岫雨霽懸長虹村巷戶已閉牛羊各

西東

先在小草

卷一

徒步

平地水暴漲決決三尺餘高原已湏洞况復屢沮  
洳僕御沒肩頂馬脰濺深淤幸逢僑也惠涉溪有

乘昇

秋日效庾體

霄樹迎朝暉澄潭積秋潦睢鵲巢亂枝魴鱉賣弱  
藻玉瓊繡織成飛軫綺叢抱杖策涉修途東南日

吳果

早秋效陶體

涼颺解炎歊顚顚空無埃東籬已敷葉南澗猶燕  
萊登原零芳杜入室傾新醅惻惻傷古苑崇臺步  
在哉

早發旅館

夜寢候晨鷄夙興且猶昧堦墻當古衢棟宇半頽  
廢蕪徑紛紜曉初陽曉霞對不見墟中人呼嗶聞  
犬吠

先在小草

卷一

宿滕縣驛亭中夜聞人聲時妖寇初平疑爲

戰歿新鬼

動息本無跡恍惚若有聲生作彪虎敵歿喪魑

盟庭宇自森肅新厲何縱橫橫襟一憑弔孰爲分

邪貞

感遇和友人韻

迫節玄霜繁游鱗感窮登轉側不自由物態相紛  
薄嗟哉歲寒心矯矯將安托



秋園

獨坐日向暝空齋值暮雲披襟對紫菊把酒薦嘉  
鱸絡緯當軒織疎槐鬱以摻商節已垂暮流景促  
飛屐開園時學圃荷鍾鋤空匣撫琴不成曲散髮  
依清漪

松堂

落落松堂古奄奄竟日陰虬枝拂烟黛時烏流嘉  
音顧我山中人衰病恒痼尋側耳聽靈籟冷然韻  
北窗八立

鳴琴一彈再三歎清聲度遙岑更學南陽叟悠哉  
梁父吟

高臥

風塵久馳逐頽然忽高臥尚想華胥遊彷彿羲皇  
過密樹深蒙翳和風時扇簾一室方籍歌下埤成  
稀和濁醪兩三酌聊取愁顏破放浪滄江漬無使  
山靈呵

北征小草卷二

東吳張泰階爰平甫著

五言古詩

擬古

春日獨云邁晨光殊未央歸鴻入雲噉玄燕從風  
翔撫景意不愜徘徊返高堂下階倚濃樾憑絃韻  
哀商白日耀華頂清飈吹短襟衆芳會齊發終朝  
消滯滯松栢自良友風塵苦交侵逸哉赤松子庶

北征八首

卷二

其知我心

其二

愴惻遠揮手悲馬當衡嘶東原方結翠南陌旋歌  
騷臨風弄長蘅策馭沾深泥京華昔晏游塞垣今  
鼓聲辭林懷眷眷惜逝神淒淒朋儕贈一劍遠道  
堪持携

其三

烈風增暮寒繁霜逼原野百憂縈無端逼恨不堪

處哲人貴處錚末世戒累黍獨往高山隅扁舟叩  
幽渚悲嘯足當歌蓬蒿盡登俎每憶少年愁厭世  
學輕舉神仙終杳冥容顏漸皺皺流景忽崦嵫駢  
馳迅如許

其四

嚴威殺衆卉松質留其貞嵒屈秀千尺凌霜擢孤  
清不逐濃芳艷日與疎煙橫千霄固矯矯祖節曾  
經經誰爲蔭其旁灼灼蘭與蕙愛此冰雪姿願結

北征小草

卷二

歲寒盟

其五

行行來故山荒藹冒虛堂林薄振餘蘢簾幰留夕  
涼緬此遐征人歸兮露濡裳撫庭有嘉柔涉徑多  
時芳田農悅以晏童稚舞且踉日月不可待胡爲  
繫塵韉

其六

人生各有志逝止互相鏡長風鴻鵠騁卑巢鷦鷯

栖名實縱殊軌榮辱理行齊當年杞憂子趨走彩  
深淵暮宿漳河曲朝來陟銅鞮汗青豈不報勞生  
還自迷達士洞幾先薄采南山薇

其七

客從南方來容悴氣慘沮袖中出空絨長歎不復  
語我勸客勿歎呼重薦清醕再三訊鄉閭起向簷  
端佇客乃前致詞咄哉我語汝故里人煙稀郊原  
走碩蕘客歲靡新禾况乃空機杼親朋半流離潛

北征小集

卷二

三

清淚滿紵

其八

南國有佳人珠簾幕香車冰肌潤白璧光澤爛朝  
霞蘭閨無與偶棄擲良晤賒幽窻度皎日倚徒長  
吁嗟歡情既中斷彼美徒修姱神傷芳草暮迴文  
絨天涯

其九

游子騁長途山巔白日匿送目瞻翔禽寒裳度深

溪蹊徑流湯湯田疇紛畹畹風煙傍塞殊道路生  
枳棘凌晨苦登陟宛轉滋煩憶攬轡芳春徂務程  
泗沾軼

其十

涼秋四野靜荒壘嗶羣狐疎螢當戶照綠藥綠堦  
苔遡源涉深澗披榛襲短襦渴醪在北牖良月流  
西隅持杯興脉脉擊缶歌鳴鳴處世不得忘中宵  
多宴娛

北征小集

卷二

四

雜詩

晉室丁末造荆榛塞東塗塗壤表遶爭長中原遍鼓  
枹疆土被分磔大豕還相屠平陽驚殞肉劉氏遂  
云殂胡運有代謝虐焰無完雜華戎設界限遺恨  
失徒胡方今稍薦食關門憂切膚克德豈終旺神  
靈無逋誅誰提十萬師橫行珍句奴

其二

古來有志壯神明亦茲助愚公徙丘山暮陽回日

取誠動理固然明冥符一契丹心貫白虹排闥叩  
天帝勿云萬里隔上行必下濟迢迢閭闔無乃  
精誠替

其三

秦穆能得士創霸雄西垂孟明王敗餘終覆嶠西  
尸壯士志雪耻小舫安足疵曹沫真匹夫撫劍茂  
遠圖齊桓伏太信一朝遽還俘挾質非用武要盟  
直狗屠然諾矢勿侵我數管夷吾

北在小章

卷二

其四

漢武開西南傳檄諭巴蜀虎符發隣郡猶然罹荼  
毒况茲萬里外置戍從征討驅此幽菁群涉彼黃  
沙道犬羊性不馴反噬焉可保倉皇半壁危謀國  
真草草

其五

五德遞興衰剛柔詎一致湯網失前禽禹會殲後  
至溫煦固宜慈誅鋤亦彰義末季政不綱寇裳嗟

失次倒柄龍爲魚脫嘶指擬臂列雄競縱橫板蕩  
猶奔駟緬追軒轅初神化垂裳治遊胥海宇晏整  
旅蚩尤殪時安切堅永撫盛憂弛轡明王原詰戎  
匪止矜文事

其六

竹林盡賢達吾尤悼嵇康濁世忌孤潔哲人避處  
囊區區學鍛流由由機事忘胡爲罹網羅廣陵遽  
茫茫習懶固成癖避榮翻受戕虛名誠足累涕殞  
北在小章

卷三

六

瑞琴旁

其七

伊昔女媧氏斷鰲立四極區宇本洪荒穹昊傾西  
北自非煉石手疇爲造方域一釣連六鰲壯哉龍  
伯國仙聖沉東流神山盡倒植上帝忽憑怒嚴威  
降誅極方圓列二儀俯仰原逼及大鈞屬鬼謀轉  
旋挾人力巨靈劈高山燭龍照昏黑神州固有吟  
謀首實難識側聽鄭生譚虛恢類蠡測

其八

武帝開西域，成王俱納質。慈嶺列漢官，流沙馳驛使。  
雖已耗中國，實斷匈奴臂。聖世修文德，西陲反多事。  
朔方稱膏腴，今成既脫棄。治內先攘夷，撤土空邊議。

其九

晉人尚風軌，源流自李杜。東京龍門徒，實擅清流。  
祖虛名世所忌，一朝被網罟。晉魏揚其波，濫觴不  
可數。舉世慕高曠，王公盡揮塵。阿堵闔門庭，幽躁  
登廊廡。中原建綸長，怨殺王夷甫。

遊仙行

海上多仙洲，可望不可攀。秦皇祇延佇，漢武徒間關。  
關冷我凌弱，冰須臾往復還。赤明驂左乘，天矯滄溟間。  
琪圖看歷歷，羣芳紛班班。日月掛窓牖，鯨鯢沂迴環。  
真人出洞霄，導我開金縢。披我素絺衣，食我赤莖糧。  
鈞天遊揮奏，行酌馳雙鬟。列仙駢羽駕，

服彩披爛爛。麻姑手似瓜，飛瓊體倍嫵。轉展豁玄奧，  
妙諦非譚謾。嗟茲風處禪，曷若清都閒。遐覲縱天外，  
卑哉陋人寰。

禱雨

愆陽久不雨，攘攘羣相呼。商羊當道舞，醕酒田間  
零。農人盡驅項，村飯惟青茶。毒龍杳無跡，祈禱陳  
生芻。望歲不可得，嗷嗷與蠲租。何時注露澤，沃彼  
飯魚枯。

北征八首

卷二

過晉陽

長謠逸興饒，遠涉晴原緬。匹馬事徂征，狂吹撼孤  
寒。行過晉陽道，低回鄙絲繭。簡子霸圖餘，貽謀仍  
實善。後世嚴徵求，無乃主計舛。邦本係安危，間左  
今如洗。呼馭從高岡，沉憂倍轉輾。

遼陽

遼陽阻東貊，遠金昔建關。聖祖逐羶胡，荒徼爲  
一家。神京倚肩背，陸沉良足嗟。名城委枯莽，白骨

森如麻西虜類扣關奮動漸有芽綢繆在牖戶恢  
復計猶賒

西行寄贈馮楨卿司李

騷雅久不作古風遂沉淪使君唱絕調峻骨何嶙  
峋勅法開湯網濯水擅人倫指揮職伏莽精誠格  
頑歸愧余策駑寒步趨追後塵清標聳百尺三舍  
猶遶巡屢晤欣握蘭連婉暢飲醇一朝惜揮手恍  
若叅與辰越山看渺渺湖水空鄰鄰南望修且阻  
北征小阜  
九  
黯懷更誰陳感往憶清旦撫景傷芳春征鴻將尺  
素好向茗溪滑

其二

末俗事睚岸舉世厭文字君獨何爲者詞章標赤  
幟中原莫爭先兩漢誰軒軒翰墨掣風雲縷細走  
靈異惟石何權奇文醜非嫵媚投我供清娛珍重  
韜金櫃開絨發夜光人市垂皎淚恨無名園扇徒  
作硯山秘自惟窠林丘玄衣改薛荔年來役上憲

川原更幽邃願言追杖屨尚之凌霄翅展誦陽春  
篇俯仰馳遐企

上黨署中有懷王子寄贈

首春岐南北兩旬判出處汗漫披征衫倉茫泊晴  
渚春及田園蕪驅舟棄之去涉江櫓轟濤登岡步  
險阻轉盼歷梁宋停驂晉之野憶子同宴游良晨  
泛清醕長嘯振巖岫短吟諧律呂走馬看山花凌  
霜聽宵杵河梁悵分袂踟躕獨霞舉海上三神山  
北征小阜  
宋三  
予在  
子在第幾嶼吾欲從遐踪虔禱恐未許公餘發浩  
歌堦砌空閒佇何時擲彈丸幽室輝明炬

行深谷中兩壁如削

兩旁峙絕巘小天僅一線牽車深谷底有若蟻行  
旃陽坡駢迴景陰曲馳飛昇高下雜層岡盤旋瀉  
奔濺仰睇凌雲霄頻窺接城嶼從遠岫回草向  
幽崖蒨薄霧噴霏霏羣峰開面面旌指禽高翔車  
駢獸迸趙桃李重巖敷灼灼含霞綯長中映鮮葵

堪作春芳殿顧我東南來登眺渾忘倦撫床竟夕  
吟攬轡終朝顛追昔繁新愁觸緒懷深眷何日踐  
林丘鉤輅我所羨

自歎

少年不得志殷憂殆百狀竄伏榛莽間長歌自悲  
壯浮名固飄瓦謀生同破甕拙哉管城子烏有食  
肉相親朋共慰藉爲言舌無恙擊束無刻娛風氣  
仍道上

北征小集

卷二

其二

余年三十五白髮三兩莖攬鏡方羞對自詭芳華  
傾今已逾強歲斑斑雜髭鬢榮枯委固然習見良  
不驚周歷川原遍蹉跎寒燠更歲月會有盡四卜  
嗟無成忽忽東隅景漸向桑榆明獨立南岡上乘

風振長纓

署中獨坐

床頭有何物斗室悲萍寄前施折脚鐺右列韜書

攬汲古欣素綆駕遠思長翅無言徹鴻濛含毫寫  
玄遠衣裳傲太始夸毗豈族類嗟彼勞生侶縱逸  
如奔駟願從義軒遊耿耿屢念寐張望不可見噫  
嘻發深喟

其二

入夜風吹狂裂聲如破甕秋深寒色劇盎水生微  
凍哀鴻集平畦噉噉暮猶戾彼往徒陳迹逢心碍  
空洞蓬然蝶爲周漆園本伯仲何物興心兵枯禪  
詎可動

北征小集

卷二

贈友人北歸

別去幾經秋吾子尚嘉遯丘園冷風盟遺榮復何  
悶撫時追懽娛應惜光陰寸邈哉鴟夷子蚤見何  
多遜

九月銅鞮道中

何年事椎鑿開此絲線路長驅本直深入更回  
互道傍枳棘蔓窘我驂駟步磧岸荒蕪蒿藜脫

驚鬼徒御故驕蹇登岸忽顛越暮秋悵蕭瑟轉盼  
生寒返木落連山空衣袂沾繁露淅水瀦且清饑  
隼驚方怒昏明感時變霞光遶吞吐東南睇欄柯  
神靈儼呵護浮名苦牽絆久寐欣方寤

十月赴屯留遇雪

寒陰繁雪零凌晨邁孤往僕馬什層磴超超更愒  
悅勁颼切肌骨兀兀披鵲鵲憩息平厓側空堂渺  
虛敞殘燭獨徘徊長歌自偃仰遲明復趨走寒花  
北在八直 卷二

冬日邀楊比部飲栗氏園賦贈

曠陽馳北陸騁步城西坡芳園列嘉木空牆罨女  
蘿君行事平反携手來相遇明月苑人抱落葉紛  
辭柯徑深連磴道亭高跨岡阿入冬水泉涸澗底  
猶微波升高頻流矚耿耿瞻明河數巡酒力微詎  
日芳顏醺良宵欣未央旁皇徒浩歌

宿余吾驛

夜靜松葉響山高入語微老僧當戶派馴鳥依簷  
飛默坐欣曠遠寒蟾澹依稀漏催久不寐漫憶葦  
魚肥

至慶都謁五嶽廟觀元豐碑廟北數十里爲  
南北朝接壤處後其地並入於金

五嶽古有祀結宇跨平陸廊廡半欲頽瓦礫紛堪  
掬下馬歇長林遺碑近前讀趙宋多名流詞源湧  
北在小車 卷二

百斛僕夫亟伸紙摹取藏諸匱東北本隳區大豕  
非我族兩河旣割棄宋壤遂云感衣冠薦腥穢疆  
場遽淪覆展轉步長楹古調寄悲筑

朝出

步出東郭門夙憂日夕積憂來浩無端惻惻爭駒  
隙柔枝垂路隅野鳥堤邊呼流坎任所造臨岐重  
踟躕

過紀信城



兩雄昔虎鬪相持榮水濱孤城日危感攻圍苦兼  
旬壯哉漢紀信冒死赴城圍隆準苟可贖寧辭殞  
百身沛公既免脫楚軍竟遂巡英雄固天授帝王  
自有真炎祚衍四百一髮係千鈞

初夏赴屯留

兼旬已不雨鬱鬱愁炎蒸日下水雲垂尋甍信有  
微無端忽西逝肺病思餐水驅車度石梁澗水芳  
且澄夜向古郵宿傲焉倦晨興冷淵洵可濯奚羨  
北征小集 卷七

酒如澠

獨坐

衡門苦兀坐鎮日無相過徘徊盼遠山薄暮風煙  
多夜涼憑曲檻耿耿對明河經秋庭木脫震澤生  
微波明晨擬放艇渺渺追漁蓑蘆磯有賢者相將  
發浩歌

斗亭

在屯留公署

孤館宿饑鶩頻矩擁高柳中庭無人跡一室大如

斗有草不掩逕有酒不盈缶解衣自傍徨闌寂誰  
與偶捫壁認標題知是觀魚叟往來步簷楹爲問  
魚在否緬惟昔人狂千金享敝帚愧余屬勞生僕  
僕牛馬走終朝聊息機塵囂更何有

喜雨

亢陽久不雨東作悲蹉跎黃埃積盈尺槁壤無嘉  
禾一朝布微霖沾我田間莎重雲更四合郊原遍  
滂沱歲月雖已晏農期猶未過敢謂精誠格道路

北征小集 卷七

今謳歌

渡澗

颺颺幽谷風鬱鬱高原樹澗道流其中萬壑鉅奔  
赴新草乍蒙茸層巒隱回互塞裳涉深泥所嗟在  
行路

汾陽公署靜室

縱步游中庭嘉林布慈藹衆鳥羣啾鳴流泉瀉深  
澗喬枝翳流景空堂發靈籟闐然無一物恰與幽

期會塵事既稀  
穠義皇自襟帶神曠形猶馳吁嗟  
動長慨

夜涉汾水

長流夜方涉紛紛病徒御咫尺攀高崖盤旋踐深  
淤倉皇叩旅肆有酒未言飲白雲非漢時停車詎  
忍去

見途中饑民有拾橡以食者感賦

橡子不堪食山農豈知味木實亦登俎聊取充腸  
先在小巷

胃西北今游饑草澤盡鼎沸老幼遍溝渠少壯搜  
羅尉爲問汲淮陽曾發常平未

途中初暑

晉陽本無暑流汗忽沾背亢陽苦不用油雲何靈  
露馬喝思飲泉長嘶吐微沫嗟余行役疲侵尋成  
病肺久客心如焚何時舒憤憤

青山

青山天際橫雨過如新拭迢迢接恒岱逶迤更盡

直磴道繞迴岡淙淙流未息黛色來侵人檐宇宛  
相逼林壑久有緣吾欲恣登陟

登高廟值驟風雨

勝日登層臺驟雨遽排闥恍惚馳風霆隱隱聽砉  
磕水氣晝冥濛雲端露霱坐隅激飛颺疑是蛟  
龍沫鳴馬飲洪流僕御被長襍巍崖勢欲摧歌管  
聲旋遏朋儕競奔迸陰晦俄焉豁憑檻瞰漳流浩  
浩波濤潤

新鄉道中值大風夜宿用壁間韻

高原杳無際朔風號北林疲馬肌方顫孤蛋嚮已  
沉出門悵遠逝撫劍興長吟旅館悄然寂遙瞻天  
外岑

太原城北山亭

早出晉陽郭僕僕驅徒御憇此山間亭俯仰愜幽  
趣蒼藤兩徑合碧薛層巖聚洞浚旣窈窕窅窅長復  
回互始厭登涉險遠巡得夷路晉俗本穴居茲乃

釜丹堊曲池生涼風思踵濠梁步中流濠菰蒲微  
波浴鴛鴦高臺漸傾頽勝游未可屢聊作川逝想  
恍惚多神遇

過滁開

濠梁湯沐鄉壤地盡夷曠逶迤至滁陽山川忽奇  
宕兩崖並突兀巋然自相向因之作開門崢嶸勢  
逾壯袞衣祀真君傑構憑高創天寒日西傾我馬  
偏踉蹌登閣試舒眺悲風殊蕩颺

北征小集

卷三

九

夏日詠懷

炎敲鬱如蒸奄奄苦長夏終年事馳逐塵鞅未云  
謝有時追涼風開襟憑高榭轉展步長林沿堤閱  
桑柘時物偶會心何必對樽俎愚者圖未然歲月  
不我借此念旣消釋頃刻百憂卸無繫同虛舟委  
蛇順物化

北征小草卷三

東吳張泰階

七言古詩

挽舟行

庚申當陽後三日舟始入河河流迅急無日僅

行十里許凡歷兩旬復爲淺灘閣舟命百夫挽

之不動候水漲得脫爲作挽舟行

五月云暮馬夷怒颶風揚沙不可渡須更拍地騰

北征小草

卷三

蛟螭閃倏平波掣煙霧我舟容與從南來忽復傾

摧倒北崖沙淺舟堅不得動洪流俄見生塵埃舟

前微激不濡尺牽挽常須百夫役藏壑曾無大力

負分壤愁非巨靈擘稚子驚號僕夫懟得無潛有

神虬崇荷挿如雲技莫施榜人曳纜空翼鳳伐鼓

揮鐘向水濱鷄豚爲祝雲中君邇來江鄉多此俗

銚銚鳴佩來氤氲村樹青蒼雲水碧開矜常風頭

岸噴澤國渾迷星使橈天邇久滯乘槎客 帝京

遙隔彤雲端蕭蕭征旆憂盤桓乘風欲上阻長灘

回首長歌行路難

遊仙行

余意欲盡七陽韻字風雅之道蕩然無復存矣

騰身直上凌高岡谿回徑僻松風長神山僂島遙

相望芝蘭雜植花氣芳峰巔喬木森千章幽篁密

蒨交倉倉丹丘臚列瑩琳琅巍岑參斗景不陽看

來象緯疑朝光清和無暑侵肌涼南睇帝女泣瀟

北征小草

卷三

湘西瞻王母瑤池觴北方斗杓懸欂櫨東指海若

何汪洋往來潮汐流湯湯倏忽變幻更桑滄總之

大塊真毫茫陶鑄堯舜猶糝糠飄飄欲逐輕風颶

過從仙人費長房更搜玄秘尋長桑命儔挾侶還

相將仙人許我並徜徉餐風吸瀝呼天閭劃然開

門陟帝旁白玉軒楯鏤金堂瑱瑱爲圮珉作墻赤

文綠字堆素狀佳鬼蟲出飛虹梁座隅燦燦盈珪

璋高懸丹書青紫囊內貯爐竈長生方赤虬矯矯

頭翹昂威鳳喙抗粹肱軒丘廣成平鴈行  
潛形魑魅藏夔魑魍蠃走且僵太清惠我瓊玉漿  
味軼醍醐郁異香持盞濡唇未敢嘗鈎天遙奏揮  
清商不開絃管非笙簧踰蹕玉女歌霓裳晚甃修  
眉清且揚夜光結束衣七襄新聲發越調高張分  
行列隊行妙侶列真什伯都顏頤披緇掛羽環趨  
踏天河濯足卑滄浪况有淨梵偕翱翔莊嚴環佩  
鳴鏗鏘適來適去騷鸞鳳徘徊霄漢如康莊玄理  
北征小集 卷三 王

霜出門遠驟裹乾糧朝趨易水暮臨漳管管竭歷  
煩助勤迴旋反側罹鋒鏖君不見義馭馳初陽皓  
鳬西傾沒大荒兩丸雙跳徒紛忙晷度奄忽難爲  
常靜言思之神自傷少年何事罹姬姜莫誇騏驥  
能高驥擊缶悲歌倍慨慷詎如清都樂未央攀援  
不得泗滿眶

已未紀變

遼天暝晦飛胡塵雪耻除殘屬虎臣帷幄在師新  
北征小集 卷三 王  
仗鉞赴赴四帥同授初陳師誓衆一何雄刻日擬  
勒燕然功杜帥雄豁氣彌壯揮兵先度渾河東三  
軍半濟尚空腹虜騎乘危四面蹴競前奪壘登高  
陵捷報聲喧宵中伏蠢蠢橫散遍莽墟淋淋灑血  
腥林木剝帥賈勇鬚磔張疾馳深入賊奴疆紛拏  
挫感不可數是時殺傷仍過當暴風飄揚沙擊面  
倉卒潰亂全營亡馬姬收殘半消折李兒竄伏如  
馴羊曠睇平原盡枯槁空閨發婦憑城哭人情割

憤悲懷惶厥咎曷歸歸食肉衆怒還將鼠首償

國威虧損疇能復追遡我軍未失律當晝昏昏節  
白日太史占候盡言凶謀臣計左良堪恤邇聞奴  
志更侈張秣馬長驅預可量先年清撫既淪喪沿  
邊墩堡無烽狼開原左界逼遼胡勝國由來建上  
都殊駭如林熊虎衆儵脾翻被犬羊屠時局紛紛  
多掣肘卽復奇才難措手門庭撤屏堂與卑一髮  
孤懸千石泉關外諸城似艦連首欲應尾尾應首  
北征小草 卷三 五

從今善後須長城廟堂何日鐵群醜

送人再遊京師

雲間有美江湖客遠道翩翩振羽翮去年羈旅前  
門道今年憇息漁陽澤長途凌兢雪滿鞍牢騷奔  
走難如戰行行卒歲方來歸春明去去從行役離  
亭祖道別思悠晴光繚繞侵瑤席綺陌飛馳江國  
春征袍早解燕臺夕我欲攀持寄遠人一枝聊遙  
江南驛

許金吾欣遇齋初成賦贈

金臺蔚有文章伯寶胄蟬聯何烜赫白雪陽春動  
綺筵明璫玉珮輝芳陌座間燦燦列圖書門外森  
森陳榮戟誕闢華軒僅數楹研精恣意搜羣籍命  
名欣遇意無涯俯仰今古皆陳迹彷彿蘭亭夜飲  
時緬追晉代風流客有時盱衡發浩歌忽復掀髯  
浮大白海內交游悉俊豪神馳寒遶空嶠昔揮塵  
常傾數萬言玄譚直攝千秋魄從茲觴味何窮期  
北征小草 卷三 六

我意欣然執鞭策

俠客歌

俠客盱衡好遠遊行年十五知復讐結交非美干  
黃金然諾初堅誓勿侵中年馳逐大梁道街恩未  
報心慍慍庀首携取徐夫人罵坐不減灌將軍自  
陳貌軀七十二代人雪冤頻下吏遍身笞掠無完  
膚金石肝腸終不滅祇今白髮忽盈頭灰頭已如  
牛馬瘦燈前說着少時事欣然奮臂時雙眸

閨情

道傍猶抽樹生長與簷齊中有長歎音云是小史  
妻小史久客長河側少婦空幃艷華色近時流浪  
更無憑或傳秦川或京國問餘倚徙步南樞入夢  
濛濛猶未明憂來填膺不可釋召令越女翻新聲  
爲言良人逐浮旂經歲經年彌不返幽房綺蕙無  
與儔陳訴未終淚長恒

寡婦吟

北征小章

卷二

綦綯不加飾卒歲樓南樓蕭蕭良夜永翻嗟未白  
頭攬衣襲芳芷倚楯臨江水江水有時去復來愁  
腸鎖織何時開東園的皪艷桃李閒庭幽閉空莓  
苔

野田黃雀行

野田有黃雀啾啾自相逐翅纖不止天象短啄新  
穀鴻鵠鼓翮冥冥翔不如黃雀沾稻粱今年汗邪  
盡登龍農人百室饒倉箱翩然羣飛驅不法繞屋

觸憤如蝸蟻

題新安汪孝廉夫婦孝節冊

汪氏一門稱特異維孝與節誰軒輊孝廉德行何  
瑰奇追踪曾閔誠無愧嬰兒孺慕戀庭闈骨肉俄  
捐泣泉隧黃金揮洒遍里閭高誼雲霄卑叔季詎  
知世務多荆榛辱極怨深竟賁志閨中少婦蔽空  
帷血淚崩城心震悸高樓側墮身可縻柔姿半折  
生如寄號呼宗黨善護持勉勗二雛毋廢墜良人

北征小章

卷二

遺憾未消磨欲叫帝閭曷繇致言盡氣結不復甦  
歟與立孤兩俱遂卓哉高躅難與儔兩人至德皆  
淳懿坯土同留白壁藏千秋祇剩青細賁

見河上諸山

纍纍諸山緣兩岸大小參差綴復斷蒼鬱晴開豫  
壤雲透迤巧作彭城案暹暹瞰岡巒南北分忽如駢  
走東西窺下有銀河盪其胃洩漏榮迴落天半淮  
陰一望皆平原落落奇峰突兀蹲旁倚深叢翳夕



照斜通佳氣迤朝暎此中從來有王氣至今豐沛  
多陵園西楚雄圖久已熄千年作鎮稱屏藩

過留侯祠

子房壯氣吞重瞳目中豈着衰老翁納屨圯上真  
高風飛翔冥冥如游鴻報韓不遂心忡忡擇主還  
依隆準公祠前樹木多蒙叢野棠相映丹崖紅自  
來荒草埋英雄停車瞻拜邳城東

河間郵亭

北征小草

卷三

九

魏城南畔古郵亭滄波繞匝垂羅葛夾道槐榆挺  
百尋沿坡霧靄昏衰照老幹輪茵縮赤亂平原塊  
北深青篠颺颺風颼颼起長岡萬籟千徐觸虛竅幾  
入祖道吟河梁擊節悲歌拍高調通衢繁帶多芳  
林瀟灑無如此中妙碌碌隴頭車馬塵我欲憇之  
發清嘯

妾薄命

自君作客西入秦慘淡蛾眉莫與鄰南鄰嬉笑我

獨輦尺鯉遙訴摩郵津當時款昵情逾真棄擲那  
如陌上塵良宵揮淚濕錦茵佇立庭砌呼青旻

無題

故人遺我瓊琚函纔欲陳詞口似嘆函中更侑短  
青衫爲言深交無信讒人情險猶如猿獍君不見  
河水聲澆澆方舟欲濟無風帆將馳峻嶺多磐石  
我有駿騎毛如城青綵爲韁黃金街道迂風厲難  
爲驅修書遠寄緘復劄蔓語厄詞殊未芟爲言深

北征小草

卷三

十

交無信讒

新草

路傍春草自碧色征驂泛泛荒城側高原千里田  
疇空長林薄暮烟霞織楊柳當車綠尚柔幾欲攀  
條攀不得我行荏苒來自東天涯飛盡南來鴻旬  
餘風物苦蕭索今朝芳陌初蒙叢王孫寂寂今何  
在誰黯然者江文通

燕坐



小窓高捲青絲簾，  
簾外重重花壓簷。  
爐香銷盡渾未添，  
解衣獨坐翻牙籤。  
落花飛燕塵輕沾，  
羲皇之上意所欣。  
胡床幘神厭厭伸，  
毫據案題青練坐。  
中突入老虱，  
髯橫眸高步衣裳綬。  
爲言世道多趨炎，  
鎮邪爲鈍鉛刀銛。  
千里驥足豈久淹，  
衆人邪議蛟龍潛。  
陳詞未竟口復燄，  
意氣道甚風格恬。  
門前小澗流漸漸，  
幽響聊當俗耳砭。

言志

北征小草

卷三

士

少時慷慨有大志，  
中年百折多數奇。  
因此一生竟潦倒，  
東隅不遂悲嗟嗟。  
五湖烟光白，  
森森隨波上下聊。  
委蛇畸人襟期寄，  
物外落魄寧爲世網拘。

其二

少時骨幹本不立，  
妄信神仙在絕粒。  
從來懶散復癡頑，  
誰知仕宦百憂集。  
人生俯仰貴遠志，  
騏驎那能受拘繫。  
修途促景徒茫茫，  
躑躅吁嗟更何及。

江頭

九月江頭吹浪急，  
江岸羣山勢屹立。  
迫冬早寒霰集，  
征人倚徙衣霑濕。  
嗟我十年長負笈，  
牢落行踪遍原隰。  
感時慷慨聲嗚咽，  
涼風滿裾吹習習。  
遙聞笙歌沸城邑，  
邨豎調音尚生澁。  
須臾澄霽波清，  
戢是時疑是蛟龍蜃。

春日

鸞燕差池鼓颺颺，  
春日與之呼兩友。  
頻來深樹語絲蠻，  
又向衡門拂窓牖。  
旬餘花事已傾催，  
還有雜

北征小草

卷三

士

草當庭栽遠岫，  
橫迤翳晴望鄉園。  
閒佇空高臺

代閨中答良人

自君遠戍天北頭，  
登樓悵望長悠悠。  
澹日黃沙胡地冷，  
寶鈿金鐸向誰整。  
綺疏清淚濕沾衫，  
午夜疎燈憐顧影。  
門前流水幾重灣，  
綠窓閒倚惟朱顏。  
芳草漫漫塞道路，  
那知何處指陽關。  
奮身欲飛飛不得，  
慘慘風霾連水黑。

山居友人相招

西風浩漭輕綃宇空氣熈霜凝修竹徘徊清夜何  
遜良朋折柬來相邀門前流水浮吳柳翩然奮  
袂隨長潮奄奄夜飲期崇朝有客高吟弄紫簫循  
宴勝咏同逍遙携手中庭看斗杓

北征小集卷四  
吳興張氏贈張子甫著

七言古詩

長安道

長安北月秋風高  
芳郊馳驟多雄豪  
意氣縱橫擅  
周左騎青驄  
佩寶刀  
左扶鷹條  
右旁調什伍  
鍾相起  
自莊朝  
朝過五陵  
鳴鞭將過長干曲  
對  
遠海  
揚鞭  
建武  
行旅  
出南坊  
競開  
北征小集  
卷四

鷄暮投北里  
觀蹴鞠問言此是誰家兒  
世世虎賁  
依銅鑼爲嫺武事  
尚游俠  
結交往往多煙椎  
去歲  
田園既破蕩  
今年贈客囊空垂  
仰天大嘯躍馬去  
長馳開塞甘乘障  
丈夫只願身常在  
手大黃金未  
可知

朔風行

王蓋仙山人之草堂  
廣僅三楹  
其北屏針啟直  
達後室  
余冬月過之  
甫就坐  
輒有朔風蓬蓬然

從屏中出  
充滿坐上  
客皆股慄  
殆不自勝  
作朔風行以嘲之

吳閭隱士居長阡  
據案支離草  
太玄四壁蕭疎三  
徑沒巷無車馬  
厨無烟有客問  
奇披素几朔風飄  
搖牖間起吼怒  
初如萬木號奔騰  
忽若干軍靡坐  
客徬徨悸不安  
衣褰髮豎肌生寒  
翻然杖策出門  
去恍疑迅棹離  
驚湍憶昔丁年  
重結客開軒恒滿  
英雄烏年來生事  
逐轉蓬壯志未灰  
頭早白爲言  
北征小集  
卷四

悲哉行

余初入獄  
解徐步中庭  
但聞陰風怒號  
悲啼凄切  
對此者不特黯  
然銷魂已也  
作悲哉行以紀  
之

長天浩浩飛嚴霜  
俯仰周歷徒徬徨  
陰霾蔽空白  
浮埃紛翳繁雲黃  
由來囹圄號虎窟  
體被鴉

衣首髡髮叫呼索飯不瘳儀况值寒威觸肌膚重  
金繫肘膚不全云是當時惡少年報讐未贈黃金  
千翻令骨肉悲長捐此中曾有鄒陽子漠漠冷灰  
吹不起欲訴幽悰淚已枯每懷憤懣心俱灰悶餘  
轉展步南極落葉還催哽咽聲低肩側耳不忍聽  
蕭條樹影交參橫

跋史行

余表戚劉者涉獵古今尤工筆札自遊京師及

北在小草

宋四

四

遼左凡三十餘年不一問家得家訊即投之水  
火去歲忽中惡京邸手足各廢其一與疾南歸  
僦居一室識者謂可幸牖下矣適毛帥建牙絕  
島素與劉友善飛書召之劉得書經宿即發扶  
掖登舟從膠萊入海余方在吳閭聞之不覺歎  
異恨未得軼其駕也詩以紀之

樂浪迢遙萬里餘翩翩跋更乘槎至蹉跎跋涉何  
所爲爲勸燕然作書記此更從來善筆創自稱慣

用江湖法妻孥問訊止掉頭四坐梟盧輒傾匣每  
從都護混戎行薦紳時訝書生在朝發酒泉暮遼  
左同遊並轡俱金張衰年病蹙走且踣幾回笑殺  
高樓人吮毫伸紙不暫輟床頭詎肯留百絡東瞻  
滄海蒼茫裏長嘯愔然攘袂起生平知遇會富剛  
露布軍前何足擬匈奴未滅無歸期何時剪燭麈  
新詩丈夫自矢填魚腹剛腸豈憶閨中兒

野老歌

北在小草

宋四

四

離離原上草芳菲常逐春風好我義望遠山孤峯  
疑挿層霄間弄草看山嘯清樾翩翩踐杖垂霜髮  
肌肉癯瘦僅存骨韶光流水無消歇無消歇秋復  
春卮酒羔豚祝大椿採芝每過商山更斲藥都逢  
秦代人擾鹿馴鷗獲良友箕踞岸幘娛嘉辰

石級行

吳江畫舫肆華筵客伴登岡度管絃假坐方深據  
石級橫襟睥睨酬清天迢迢石磴光茫吐蜿蜒湯

漾客驚暗初出迴旋似走鈴忽然變散疑融乳坐  
中奔走憑欄看手捫足蹴猶泛瀾呼童挹取香無  
跡繞砌空餘清露團吳王玄宮去百武匣閉魚腸  
不知數從來劍氣自冲霄詎無光怪埋塵土又聞  
石根盤地脉中間徑指神虬窟精英結幾千年  
須臾出腋流丹碧周視經時審未詳三時咸訖是  
瓊漿根不攬之搗靈藥踟躕張望徒茫茫

北在八章

朱四

五

行來漸近將軍壁憑軒聘望情逾戚枯楊煥火悲  
蕭蕭曠野烟嵐看歷歷數畧經營舊燕歸新閭締  
構離鴻迢迢遙古驛禁烟林遠巡津吏迎羈的爲  
言亂離不忍道自從奔竄人煙寂飛棟連雲盡莽  
墟遺骸血汚沾沙磧至今餘孽猶未除廟堂何  
處銷鋒鏑

徐州值大風雨

大風吹沙雨復劇黃河暴漲忽盈尺停驂側避古

死頭僕夫陷脛馬沒脊旁皇逆旅無主人趨入廬  
東負販宅遙望城闔地勢宏雉堞傾頽龜產蛙浩  
浩洪流鼓浪赤橫津欲度無浮槎從古徐方厥土  
堵年來東境妖氛迫秋原百室無新禾僵尸殘路  
猶狼藉須臾風止玄陰開峭山落景兼微霰循河  
南下多水堤翩然叱馭驅長陌

徐州古道爲驟雨衝沒不可復辨終日行墟  
墓間漫賦

北在八章

朱四

六

世人不學仙古塚看累累牧豎升其巔鋤叟斲其  
趾陰霾翳日光寒風蕭蕭荒芒追思往昔塚中儉曾  
學軒轅與廣成藥爐并鼎浪自咎翩翩龍馭終虛  
管壯夫裂背爭駒隙冠紳魏我頭易白長繩繫日  
無良方戢身坯土萬總釋徘徊躑躅倚空楊灰原  
不灰壽本塲此理迴環達者識呼朋聊吸旅間觴

浩歌效李長吉

長風怒號氣方噩珊瑚錦繡驟西郭碧花零樹舊

苑空黃埃暮車芳緩薄郭西馳驟少年揮素纆  
頭動百千帖氣橫肩候烽燹膊間照取英雄字  
濃粉膩愁莫澆仰頭叫徹霜旻高世微殷勤魏公  
子頂脰猶存向誰茲繇來楚俗豫招魂百年恨血  
沾秋芷

秋夜效李長吉

露下井桐垂素纆流蘇幔卷侵肌冷銀河乍轉天  
街長漏管催殘螢渡梁秋余牽夢渾未惺倒驅星  
北征小革 朱四

秋意

古無此體以意創爲之

七月云盡飛蒼鷹枝頭噤噤啼新曉田農穰逐穀  
始升重疊綠茵纖細芳草南山之下施巧罾有鳥  
啄稻群鶩導機沒羽墜山嶠斥鴳何若翔高鵬  
爲乘時令搏猛騰騰驟奔觸層崖崩須臾揮刃  
獸忽湖壯士餘怒猶憑凌 三 閨中少女藉氍毹小

屏睡起猶僂僂低眉攬鏡向欄凭閒揮妙指裁吳  
綾 四 曉轡桐畔亭長短曉來驚枕神旣旣嚴更尚  
聽鼓鼙滿天曙色秋霞蒸 五

八月十六夜十人右看月用王生韻

煙霧濛濛障月白倏忽雲開光照石竹林幽處叩  
山僧樹外徹茫燦遠燈夜半寒蟾泣秋色嬌歌艷  
舞情味極三五名姝羣並逐度樓清映堪投宿洞  
簫吹徹韻高秋不禁殘鬼墜城頭

北征小革

朱四

馬子行

馬子初生長及膂騰驤作勢行猶遂渥洼汗血名  
鵠鷄長城飲窟如鯨鯢懸緩明珠燦火齊須臾忽  
展凌霜蹄周驚覓崙西復西權奇大矯揮虹霓上  
駟蹂來貴品題九方神賞非黃驢駿足驚駘同阜  
棲虞人歎息心傷悽

山居憶昔

甲子歲初春作

當年初走京都畔翩翩弱腕舒柔翰徘徊征棹倚

河漫彷彿朱霞挹天半有時扶策獻明光一朝僭  
偶推燿燦致身耶署無寸裨數載奔馳徒汗漫豈  
惟文字不療饑復駭時趨多變換年來林壑會有  
緣長歌搔首瞻清漢才非歷下敢譚天懶過山陽  
惟解鍛終歲雲鋤體自閒從來鹿友心無絆居山  
勿復期逢年直道如弦古所歎

山行

連岡紫帶當前對森森草樹來迎珮苦霧昏黃染

北征小耳

卷四

九

素林朝雲點絳籠青黛枝頭好鳥時閒關洞裏仙  
人虛沈淪山光雲影時相涵鶴侶麋游遙作隊清  
樾陰沉盡出雷吼怒長風號大塊冥冥不見野人  
居莽莽烟墟荒草萊此中到處多靈竒幽討窮搜  
吾所愛

日出贈李處士

東南日出光皓皓經時不用瞻晴昊滿林楓葉委  
商聲數畝池塘澄積潦燕子猶然戀舊樓農人復

見登嘉稻處士丁年幾已華狼居有路徒嗟老月  
下常依草砌吟風前愁聽征衣擣慕俠翩翩燕趙  
雄采芝渺渺神仙島邇時客至無刀環每向床頭  
出乾蓀自古閑逸人所難窮愁爾勿傷懷抱

與客賞梅花

春日東風觸簷雷娟娟弄影梅花瘦早春獨發葉  
先含餘寒未脫香猶逗客來嘯咏共持觴結蔓垂  
柯如葢覆對雪俄驚一夜開當風未許經旬茂是  
時桃李漸敷榮漫山堙野俱凡陋輕颺微凍惜嘉  
辰開樽豈靳花前驟

北征小耳

卷四

三

行次豐沛轉至濠梁見烟莽極目張然有賦  
彭城東下俱平曠莽澤烟墟何漭漭茫茫四顧無  
桑麻滾滾黃沙白雲上道傍依水青鷗呼淺陂低  
岸滋菰蒲莊叟臨流疑此地游鯨隱隱隨流紆遙  
指青山排戟辟僅如輕黛兩三抹空嵐澹蕩出雲  
遲落日參差連水濶昔日濠梁湯沐鄉當今此地



成驪脫蕭條悲馬嘶長風繚繞平隄冒荒葛淮津  
飛輓扼咽喉形勢居然壯上游塊輟行空室女歎  
鴟張豕突犯人憂朔氣宵衝撼帷薄凜冽長征愁  
索寞浩歌扼腕立高原年來吾欲還耕鑿

再過鄒氏園亭

小隱園亭勝輞川依山激水流潺潺高閣憑虛更  
縹緲修廊杳窳相攢穿前林有客吹清欸稠衆同  
游喧語笑半頃聊供養鶴田一泓自足垂鰲釣轉

北征小章

朱日

七

入南堂陰松樾中庭筆塚尤奇突四周嘉樹靄青  
葱一而層巒偏碑硯桃杏敷英散作霞武陵深洞  
有人家宛轉王睢睥睨舌迴紆花底停香車綢昔  
主人重結客開軒嘯侶同浮白絲管續紛響遏雲  
中厨絡繹環行炙未幾亭榭委黃埃無人携手登  
崇臺牛山涕淚那堪灑重經此地悲歌來

獻俘禮成恭述

况郡年來可哀亂星間然人煙寂靜縣郭春無

堅城河流壅塞千艘斷於赫王師肆殄除剪却鯨  
鯨築京觀餘孽窺河不敢度縱橫蹂躪還迸散妖  
氛首難雄東垂彷彿黃巾五斗師貔虎桓桓號十  
萬東方板蕩民徂饑有時摧殘就擒縛群克貫索  
何纍纍天子臨軒受朝賀臚陳俘虜盈彤輝閭  
閻門高橫巨獸花驄躍出飛龍旆衆囚搶地厥角  
崩洪鐘撞畢節韶奏有梟鷲勇雙重瞳膂力堪彎  
三石弓一朝俛首不敢睨似魚遊釜鷹投籠婉婉

北征小章

卷四

五

女子傾城姿髮垂委地肌凝脂有周蒙面斬妲己  
葉街誰復分雄雌逆豎黃口索梨棗帝曰於戲  
其貫之從來神武自不殺恢恢湯網彰無私寶  
幄高舉御樓櫓百辟高呼備萬舞士庶駢填側足  
窺聖哲中興萬物睹方今海內誅猶逋南阻黔  
滇東拒奴安攘還期耀文德懷柔何必皆殲屠煌  
煌千羽兩堵列荆榛詎敢軼皇塗

慶卿墓



二十年來腰下劍，淬來煜燁生光焰。五步向人不敢忤，生平報讐不知數。石交夙締田先生，兩人意氣真幽并。一朝相携事太子，卿恩誓死微軀輕。蕭蕭易水逝已遠，白衣滿坐俱吞聲。謀秦不遂事偶蹶，勾踐胡爲訛慶卿。千秋俠骨今仍在，劍芒猶共高雲橫。

觀草帖

張旭翩翩號草聖，揮毫隱約風霜勁。後人摹倣失

北征八章

卷四

七

本意滿楮縱橫盡，優孟亦有經年費揣摩。骨法繇來太粗硬，素公繼起妙入神。淋漓筆陣勢尤橫，宋元以下此法沉。道君差可當全盛，明興染翰稱多才。草昧初開若不競，解臾武功伯仲間。牛耳當時連主盟，東海枝山兩勍敵。宛如晉楚交侵鄭，其餘諸子紛多岐。吹毛展轉生疵病，源流追溯數千年。匱中藏取青箱映。

小蔡國銘

二月池塘風獵獵，突兀幽亭面城堞。沼底纖鱗鼓朱鬣，長林宛轉花繁蝶。明霞朝射光煜燁，小艇中流射理楫。滿載琅函誇比鄴，紆迴穿沼芳叢疊。有客遠來背負笈，蕭條行李裝長缺。修軀綰結青絲，捐振袂翩然蕩輕筴。目光閃閃足潛躡，爲言君侯氣何怯。懷安高卧垂鴻業，余獨夷猶展書牒。君毋雌黃事喋喋也，莫邀遊矜任俠從容長嘯酒杯接。坐看朝露浥松葉。

北征八章

卷四

十

霧霽山行

空山霧霽看岫嶂，曉曉曉曉垂垂深。雲物孤窮颺颺隨，風颺何物掃愁惟。杜康驅車昏旦足，成嶺矯首空搔皮肉鼓勞生。逐日山海頭故里茅居未曾剪。

北征小草卷之五

東吳張泰階爰平甫著

七言古詩

石經山行

有小序

壬戌秋日余以採石之役屢經房山縣見有唐  
龍朔中高僧募刻藏經石板七洞皆滿書法大  
類歐虞至於碑記時立匝繞山阿又皆彷彿右  
軍非五季趙宋諸人所及也欣賞之次作此以

紀勝焉

卷五

初年酷嗜殿虞蹟搜索從來無一字此地禪堂砌  
石經龍蛇揮灑藏金櫃試看七洞匝空山未識當  
年誰閉關捫壁輕濡泉溜濕探崖側裂苔痕班沿  
陂碑碣尤奇古雨蝕風侵半欲腐原非鳥跡與籀  
書歷歷真行還可數邈自有唐開范陽河朔紛紛  
爭跳踉浸尋五季天地晦劉氏父子俱猖狂汴宋  
遽與中華絕茲經亦墜腥羶場秘閣尋鶴半塵垢

那知幽壤多津梁我朝真鼎作三輔靈文寶笈  
何鮮鮮山僧蚩蚩未解事大貝連城等閒棄祇知  
昇石支堦墀不省前朝是碑記關西古刻久已湮  
一箇兩箇稱家珍何獨燕山反充棟法書貝梵留  
貞珉我來鑿石青山趾跋涉彌年時憇此洞室冥  
冥鏤不開峰巔每見光芒起何時收入青緗囊授  
與曾玄嬾文玼

甘雨歌

有小序

北征八重

卷五

余初至土黨不雨者三閱月矣適有晉陽之役  
中途霖雨如注喜而賦之  
輶車朝出蒲坂東高崖皆岑郊塵空暴風吹塵覆  
槁壤十旬不雨憂心忡山路崎嶇蹊澗迤奔瀉潺  
湲溶淺碧僅能沾漑二三頃平疇坼裂炎威赫田  
農伐鼓聲動地繽紛禱賽生煩許密雲西郊久愆  
期亢陽豈是蒼龍睡未幾日脚重陰生雷雷移時  
遂澎湧終朝傾注更無銷耕夫被漬發云時連郵

穰穰均歡呼滿原點點真醍醐近來賜馬聞道斃  
還有芳澍能噓枯自從逝歲倉廩竭經春百室需  
新禾傳說使君隨車雨吾爲翻作甘霖歌

### 豪士歌

翩翩客子當今豪凋鞍駿騎馳東臯左右飛射挾  
雙橐仰頭夜望天邊旄憂時慷慨長吁號聞鷄振  
袂風颼颼新豐駐馬沽清醪入市張拳椎老饕撫  
劍每曳凌霜袍橫襟時佩并州刀千金借交目不

北征小集

卷五

三

挑破浪欲踏滄溟驚忽焉顧首心煩騷騷騷驚乘  
悲同槽何時塞上騫長酬奮身直奪單于慶

### 古從軍行

辭家遠役悲鳴咽登陴南盼音書絕援甲辱衝大  
漠烟連營曉踏陰山雪塞外朝餐盡塵土吹笳夜  
夜離思苦縱橫胡騎入邊關知是匈奴第入部倉  
皇馳擊出城郭戰袍浸血流沾跌滿野扶傷出箭  
鏃傳聞又反南疆行義存移戎從東道秣馬齎餼

隨大纛自從轉關追烽塵無數伏飛沒秋草沿磧  
衰延萬里餘興獨一身誰復保縱延殘喘撓遊魂  
閨中顏色向誰好

### 古大梁行

大梁左畔烟塵起莽莽荆榛覆墻趾滿郊累纍皆  
高丘信陵孤墳誰者是緬追高詎急平原翻然虛  
左迎夷門臨風伏劍謝知己五千坐客俱聲吞老  
壯捐生殉義俠輕薄當今誰報恩樓臺自昔歌鍾

北征小集

卷五

四

慶錦瑟鸞笙朝復暮公子偃僂揖滿堂屠狗運椎  
酬一顧寂寞那招烈士魂古今悵恨邛山路花飛  
舊館漫荒原日出東隅吸朝露孝王賓從夙多才  
當年幾見梁園賦

### 文豹行

猗彼南山有玄豹瓜牙鋒利騰巖巖霧中隱映成  
斑斕岡頭奮迅能咆哮蹲林猛虎盡馴伏祇畏深  
溪有伏貘傲視衆禽然轉陸毛骨縱橫委泥淖雖

云皮華多文章詎若田間老孤櫟

冷泉行

有小序

冷泉發源於京師西北諸山九數百折而注於  
大內諸豪戚鑿池引水清流縈迴極一時園亭  
之勝觴酌之次率爾成篇

春明出郭驛輕駢蹊歸今聽冷泉瀑響鏗訇衝  
亂石波迴宛轉穿平田百折東回趨上苑枝分衆  
壑紛旋環僕夫徒涉不掩脛有時漲漫崩崩川遍

北征小章

卷五

五

挹潺湲步芳潄泡沫翻從地中起長隄矗矗拖虹  
梁曲岍重重障清泚都門豪貴多名園中厨奕奕  
笙歌繁深林環繞狎馴鹿碧溜澄鮮飛浴鴛歌闌  
霓裳吹細羽騎從續紛薦新脯看來舞袖更踟躕  
依渚流觴不可數蒼頭種種濯淪淪升高陟阻同  
追攀嘉勝酣遊忽云暮市朝豈似滄江閒

胡笳歌贈陳將軍

長城八月邊締絕妙機彌空襲施還胡兒髮頽睛

深黃處處哀吹凌夜霜蕭瑟涼風殘葉卷月明長  
照關山涵寒威墮指心悲酸何處王庭直可汗汝  
來建幕榆關道劍客千羣踐胡草最是笳聲不忍  
聞將軍坐向龍沙老

古松行

有小序

長子縣公屏中有古松一株屹立千尺不可睨  
視其旁枝倒垂如蛟龍蟠屈挺秀異常晉中不  
多見也余今歲八月兩至邑中以迎送旁午不

北征八章

卷五

六

追把翫虛此良會殊用愴懷聊爲紀述以志神  
往云爾

庭際高松何聳特何年遺此凌霄植清飈忽起聲  
颼颼明月當空影虧蝕扶疎老幹成龍鱗葱鬱深  
枝覆牆側余來棲止九無旬曾無斗酒酬嶙峋掉  
頭揮手不一顧非無幽興與嘉辰祗爲奔趨事伏  
謁碌碌隴頭車馬塵澗底高人在何許曳杖應尋  
歲寒侶仰天舒彌體道遙何必呼朋攜樽俎還心

每寄南岡阿欲往從之路修阻幾回偃仰濃陰旁  
逸思翩翩自霞舉

### 大堤曲

大堤三月衆芳雜堤上行歌互相答翩翩振袂攀  
柔條游鳥紛紛遞蹙踏棄履遺簪委道傍狂奔豈  
特傾城邑江流東逝何茫茫朱唇皓齒翻清商波  
光浩蕩浸月白子夜迢遙歡未央曲終游罷人何  
在鵲鵲鳴徹空神傷

老杜八首

卷五

### 宿滁州公廨

滁陽二月鶯啼慢長途馬上聊舒盼遠岫連岡植  
杯桑平陂夾岼飛鳬雁城中別館堪停車據床隱  
几搜方書寂寞高堂虛帷薄兩株古檜森庭除遙  
望西南美林澗柳眼乍舒桃葉綻蔽蔽前陳賓客  
從想見當年太守宴嗟余早歲登滁山頻年趨交  
徒間關風塵映目不可辨旅人對此生愁顏上黨  
迢迢越千里束帶折腰吾所耻未若瞢然繼昔游

登原父詩空倚徒

### 度太行

春明趨走大行道柳色猶柔風氣老千盤萬疊探  
冥冥左折右旋看顚顚前巖岑崩高叅天馬蹄騰  
踏沙成烟仰窺飛鳥盡側翅頻臨絕巘疑深淵山  
徑逶迤更逼窄髣髴還留巨靈跡中藏神怪不可  
數危嵒屹峙連沙磧或如人立或獸蹲或似屏開  
或劍劃依稀鳥道通天開階梯陡絕難爲攀轉展

抵征小草

卷五

環巔數十匝征軺恍出層霄間當年手劈何爲者  
漳河分流出其下魏崖盤束聳千尋滾赤洪濤自  
奔瀉羣峰圍繞亂高低巨石嶙峋互青赭古來險  
阻比羊腸我來馳騁尤茫茫紫貂垂敝不堪着驕  
驍父跨頭猶昂世路崎嶇盡如此翩然命馭驅長  
岡

### 榆關感事

今年四月胡騎來凌河夜度聲如雷分枝四出恣

焚薤我軍凍瘁齊驚蹟高山崔嵬屹如割海水翻  
空顛浪赤玄菟名城數十區一開歸然當險阨忽  
地殪奴動鼓聲縱橫屠倖如柔穉戰士殘尸遍林  
麓沙塲浸血腥輪蹄胡兒輓車載倉困魚皮懷臂  
携朱提廣寧城高高百尺一夫荷戈萬夫擁守險  
豈乏如林徒挽勁常誇三百石曷爲竄走遺空陴  
百二河山竟虛擲祇今斥埃瀕河稀斗大孤城猶  
被圍磧際還堆征戍骨天上未殞蚩尤旂陳師屢  
在八章  
宋五

見大威赫乘障安得將軍飛

郵亭夜月

中庭明月憑峰高松巔狡狴攀枝趨凌露下空袂  
猶濕誰家鼓瑟聲偏黯弱雲停霄沙不起竚立蒼  
茫弄烟水空山屢喚無人聲微風吹裾襲香范

曲沃丞署譙罷夜發

晉山皆鑿空巖深白日匿蕭瑟扇微颺漣漪漾清  
滴馬悲鳴兮車驕驕中蒼蔚無居人孤館停膝

晚方寂草花叢初結無降主人殷勤事虛左華堂  
祖制杯行頻亦有竟雲興絲竹聲嚮嘈雜難爲論  
幾回掉曲歌喉咽離教如聞尺帛裂盤旋轉折調  
未終絳燭舒明半將滅主人爲言客暫留再令已  
人奏迴唐輕騎已駕臨城壕中宵疾走迷蓬蒿眼  
山流翠向空滴枯松攸攸依人墮夷猶旣賞未卽  
發烟霞只合歸我曹

雨後早發興城忽值大霧白晝如晦

北在八章

宋五

從容晨駕趨張岡積雨經宵渾深洞忽然毒霧迷  
津塗縱有繁花不堪野僕夫喘息又不得捫谷攀  
藤並垂髯舒眉張望縣縣昏黃蒲脆汗離鉅河遺翼  
城東指途猶張風波如此難爲褰曠野沉霾翳白  
日春原颯然流陰勝駿馮伏衡盡賴首千里豈足  
駒昂昂故鄉舊識味堪滑胡爲此慘徒踉蹌  
長歎歎贈李生  
昔時上洛有馮驩長歎幾絲被寒幾回捫胸侯



門彈悲歎宛轉多餘酸當年意氣凌統緒焚券不  
愁公子怒矯矯坐中稱白眉三手同儕不敢妬冷  
爾鼓棹從南來四塞浮雲迷道路虎豹蹲林礪齒  
牙蛟龍噴味騰烟霧縱有壯氣吞鯨鯢如許風波  
不可渡長歎蕭蕭安在哉取來爲我鋤園筍夷裾  
朱唇侯王顧機心卑被江鷗猜何日燕都買駿骨  
一初置爾黃金基

鍾執前二日登德風亭

北征小車

朱五

亭爲唐玄宗任州別駕時所構後宋徽宗爲軍  
節度逸藻雄文爲斯亭增勝五季之亂李存孝  
放克用而歸於梁旋被擒滅亭故中絕焉近代  
因其故址漸復舊觀遙邇因革之繇蓋班班可

考也

高榭憑空跨北岵草樹丰茸當晝暝白雲全起穿  
戶牖俯瞰夾道何深冥潞陽故是天下脊地勢由  
來雄建瓴况復茲亭更突兀開軒絕盡觀山清千

尺蒿枝自連卷綠影當堦弄清淺忽然林杪聲颺  
颺風雨飛來夜堂滿殘碁縱橫半狼籍燈火熹微  
歌調緩緬惟前代饒文章開山鼻祖推明皇道君  
登壇擅揮灑淋漓墨妙蛟龍翔何物沙沱氣猛鷺  
汗漫升堂並徜徉余來綰綬事登覽踟躕遺址餘  
荒萋綠蘿捫石披尋遍悵望風流不可覓簷隅碑  
碣幾參天誰是文詞匹黃絹渺渺星河滅復明遙  
峰頃刻煙光變賓客寥寥禽鳥多何似痛餘醉叟  
北征小車

朱五

宴

從長子夜歸

八月秋深帶殘暑襖袂驅車度澄渚環圍四望俱  
高岡草樹東南復深阻更無碩鼠鼠如原祗有新  
禾載筐宮黃昏月出影微濛清夜迢迢聽霜杵芳  
林綠葉尚葳蕤皮肉胡爲獨皺皺頭顱如許還折  
腰兒女燈前不堪語

途中偶成

寒烟翼展漫天黑，盤蟠孤磴心傷惻。騷服衡衣，  
脫樊鴻鵠神霄懼人弋，常人殉利紛請張澹叟忘。  
言獨昏默橫眸睚眦，法象小憑空蹴踏崑崙側。淚  
泫道遙自有餘何事區區繫微纆。

遊五龍山

晉代五龍蟬脫去，今人猶識龍遊處。高陵廣陸無  
沮洳，神物胡爲亦憑據。千秋祠宇鎮山隈，  
杉鎖靈氣祠傍古。塚何處，農里社在歌沸路。

北征小章

卷五

十一

陽塚匝多名山，東南林壑稱幽閒。此中寒落罕遊  
屐，野鶴孤雲適往還。偶緣逐伴共脩契，跨鞍策杖  
聊追攀。環坡左界接平壤，殘霞點樹紅斑斑。山中  
三月，  
青蒼應作江南盼。有時亢旱群祈求，倏忽蒸雲起  
潑礪。雨師風伯多靈奇，未信當年劉累家。

旅館假寐

行來抵暮投南驛，蚊窺燈聲曉職誰。斷睡者厮

養卒兩手抱頭衣，擁膝颯颯風衝扉。寒氣肅空床宛  
轉，肌生溼隔垣長歎。懷深恤憂時無乃同漆室，假  
寐朝來理巾櫛。獨竚幽窓數鴻鳴，探囊得句每輕  
率。標題愧乏生花筆。

過坡底小憩

山行徑轉遵平陸，峽裏人烟競相逐。止有草堂當  
面開，恨無樾蔭敷層麓。滾滾黃塵骨馬蹄，幾見幽  
人在深谷。秋後還存舊燕窠，雨餘疑是新膏沐。牧  
北征小章

卷五

十四

豎驅羊，何翠微田農畝。壤滋蘆，蘆葦桑麻隱映恍恍桃  
源而我終朝尚匍匐。勞攘何如歸去來，年來三徑  
多脩竹。

口占詬賈道人

緊昔穆王馳八駿，流沙倏忽來相覲。重華御寓亦  
南遊，二女倉皇泣虞舜。後來附會轉荒唐，青鳥遙  
伊金母信東海。咲棗安期生緱嶺，吹笙王子晉。修  
真木獲引長年，逡巡俄見霜堆鬢。自來秦穆好神



仙丘墟莽莽三良殉浪搦人間有洞天古今祇說  
駒馳迅

出城見戍卒

寒原漠漠騰烟霧霧霽倉茫見枯樹鉄騎縱橫起  
亂塵飛馳云是途陽成虜馬窺河已十年材官競  
出隨都護郵亭搏食羣號呼驛子趨蹌不敢怒每  
言送死長城宿糲飯塗羹豈堪舖從來土著足防  
胡廟堂自是持籌誤傳聞潰卒西道歸四掠村

北征八車

宋王

車

墟驚乳哺自稱當日破開原吾曹殺死知無數

和韓觀察對竹之作

韓作以竹趾  
魏微冠準

高都郵館生藁竹小牕閒對清陰蔭歲寒結侶何  
歲稔脩脩不共濃華逐韓公夙與冰霜期節義文  
章世所師勁質千尋自皎皎悠然會意凌霄姿顧  
影攀條長歎息渭川真種稱遺直如微如準差比  
方頃今芳菲失顏色咄哉修尚多參差骨孤蹤  
翻見疵何物亭亭有神契綠筒繡蕩聊踟躕向暮

寒鴉集古木蕭條飛景馳南陸簷端脩幹足棲鶯  
何翅履基在空谷世人棄置我特珍憑欄賞此幽  
芳獨

仲夏至高都胡司李湛襄邀同王司馬調宇

劉別駕泰來共飲朱茂才園亭時見修竹

當軒清流出峽蓋冷然善也

法曹胡子慵披讀相將出郭尋金谷雜家臺榭面

山開百轉幽禽在高林經歲朱聞流冰聲淙淙不

北征小車

卷五

去

減調絲竹環軒小沼漾芙蓉深源自晉正孫鑿亭

亭碧陰障重樓錯列山看傍飛瀑清音入耳娛良

宵典來豈惜傾千斛林中坐列總名流橫襟俯仰

瞻層麓此中爽致故瀟疎岸幘憑欄散煩煥恨無

明月入人懷祇有新螢照華屋投轄爲言夜未央

迎風擬向高巖宿

入觀行次都門遇風

行次都門兩三舍在吹浩浩搖征幘玄塵蔽天白

日暗怒號歟蕩崩沙空覆毯數面寒尚厲過看凍  
樹深冥蒙僕夫挽車體欲顛岐路忽迷西與東夾  
道小石白磊磊沿堤澗水流淪淪由來輯瑞先王  
制駢闐萬國俱來同我從潞陽兩載臥一朝攬轡  
稱途窮毋謂驚濤不可涉翩翩意欲追張風

過韓信講兵法處

由來戰陣本無法韓信講之無乃迂新以孫吳用  
已意欽弁求劒真拘儒趙括亦有統制秘四封

北征小立

卷五

七

衆俱成俘嗚呼淮陰禽疎類狗屠蒯生推導徒面  
諛偶然應運遇明主成安被殪重瞳誅築壇祗受  
刀筆誤術籠豪傑乖王圖獨不見漢王入壁收虎  
符軍中刁斗胡爲乎縛之雲夢同摧枯有法無法  
總隔膚

偶成

碧油幢幢簾幕遮東風拂柳千絲斜黃昏深樹啼  
晚鴉健兒按節鳴悲笳誰充佩者干與耶我馬如

龍產渥洼揮車言邁歸程賒蒼蒼月色鋪蒹葭肝  
衡竚望天之涯緘題不到心傷嗟

行至栢鄉遇雪時有戒心

二月道盡芳菲節微寒沾體膚仍裂疾投旅館聊  
停車浙浙流風溯迴雪中途不逞羣狗屠彎弓撫  
劍昂昂軀戎衣躍馬面深黑寬鞞窄袖兼長鬚或  
左或右馳通衢欲引避之我馬瘖夜來驚寢卽此  
輩鄉人共起同追呼踞牀悵然意不憚遙聞喊聲

北征小立

卷五

七

疑裂帛自分客邸無囊裝奚爲來此不速客未幾  
群豪俱屏迹傳語汝曹毋辭易汝何甥難還趁巡  
我將遣汝婦人輜輶門張程雪盈絮蕭條四野長  
天碧

龍興寺

恒山之鄉招提古突兀何年剏斯宇前朝題識不  
可數金碧交施耀廊廡如來堂堂百尺軀挺身竚  
立長鬚垂我行天竺訪鉅麗莊嚴如是家中無周

道關道轉相屬石壁欄柱相撐持靈文錯石驚首  
戴廻旋左右終文增經管疑提鬼神役不然規制  
何透迤趙地數經兵燹後胡為此詩靈光歸仰瞻  
星辰尺五逼欄楯參差半殘銍鈴音似言風雨侵  
負荷常須巨靈力傍徨策馬余何之遲回展玩豐  
碑側呼童摹取錯細細輝輝照映囊裝也

王注增經云前項記者自願作閻羅王置彼  
地獄之語殊為駭愕詩以訊之

先征

六五

七

客途偶值江使分明示我瓊瑤字迴環反覆讀  
再四憮然惘惘神驚悸盈篇憤懣多雲澤因之停  
杯發深嘆不識當時誰負心書中語意難為尋自  
陳曹劉勢不敵真報相期怨毒深從來石交敦雅  
道詎料沫俗多淺薄邈矣雷陳不可作亦視黃金  
重然諾真夫久要不忍心世人那得恰如昨風雲  
變態每參錯莫莫海內將安託

早發樂陽村見古塚


以下原缺

北征小草卷六

東吳張泰階爰

五言律詩

聖金山次李空同先生韻三首



孤嶼江心峙迴潮繞巘樓臺雲外聳  
遊地軸東南鎮波光日夕浮倚欄憑眺處恍是逼瀛洲

其二

北征小草

卷六

臥遊茲不遠惆悵未登臺傑構凌空接飛帆微望開廣陵佳氣迥淮游怒濤來縹緲煙霞裏招提結翠巖

其三

寶刹何年剏雕牆此日新潛蛟藏不夜古樹發殘春  
靜梵欣斯地狂馳陋此身還期樽酒約高步躡嶙峋

初夏山中

峽裏春方暮經茲物序更亂煙蒸暑氣疎雨雜泉

聲綠嫩連崖翠紅飄點澗平蕭然塵外趣祇願結

鷗盟

途中

五兩遡行邁駢駢夾道驅林臯凝暮靄薄絢朝  
駒燕市偏悲筑齊門雅好竿褰幃舒遠目天際落  
群鳥

新安客來訪以詩見投賦答

北征小草

卷六

離索經年事俄傳上客過振屏驚寂性倒屣破新  
疴吾道元寥廓君才艷綺羅殷勤投托意相對發  
清歌

東平道中

晨起嗟行役匆匆夢未安朔風飄綺幔宵月映雕  
鞍峻嶺荒城接豐碑古篆看踟躕多畏道日晡却  
忘餐

遊碧雲寺用題韻

爲問泉源勝曲崖杖策登小亭依絕巘斜石掛疎  
藤貝誦林間出清謳月下乘紆迴迷曲徑遙指白  
雲僧

長門怨

離宮何間寂往想更無門愁緒繁芳草幽情鎖夢  
魂浮雲閒去住流水激潺湲最苦清秋夜難禁淚  
雨繁

出塞

北征小章 卷六  
沙磧樂方橫邊陲月正明前麾喧疊鼓征旆出層  
城河柳素爲塞關榆漢結營雄心吞漠北驍騎並  
垂名

春閨

殘英紛漠漠啼鳥復嚶嚶爲寄青梅信常懸紫塞  
情自憐恩意重翻羨羽翰輕剩有湘潭淚因風灑  
塞城

采蓮曲

游目覽清暉蓮舟竟日歸波紋搖翡翠荷刺拂綃  
衣短棹洲邊度馴鷗淑口飛朱唇低唱處幽韻繞  
前磯

和胡底常哀邊將士詩十首之一

爲報全軍陷胡塵暗列星扶傷徒有淚褫鬼恨無  
靈幽夢深圍繞哀號徧野聽沙場多累革殤卒亦  
留馨

薰風自南來

北征小章 卷六  
帝德融和遍仁風浩蕩深于囑方入座怡懌乍開  
襟調迥幽人賴弦留太古心臨軒披拂處睿藻托  
瑶琴

廣陵懷古

隋帝巡遊日旌旗動地來迴風杼妙曲飛羽促流  
懷繞徑瓊花緩迎檣黛色開蕪城今寂寂弔古獨  
徘徊

遊萬笏山

郊原時載酒來躋百層臺  
遷倚羣峰轉崔嵬  
陞道回殘杯沁水曲游女漢江隈  
相對盤桓久殷殷起  
畫雷

遊錫山園亭

池館何閒麗條然逼輞川  
畫橋橫曲渚半畝注湯  
泉低翠侵衣潤飛花落沼鮮  
可知高士隱壺洞別  
成天

燕

北征小車

卷六

五

弱質簷前度流音檻外研  
窺簾時側睨刷羽忽輕  
翾無意隨鴻鵠何妨薄市廛  
嗟茲錦衣使不羨上  
林遷

再過東平用前韻

時值吳卒  
赴遼陽

重過東州道征途悵不安  
經宵悲聽角衝曉怯乘  
鞍絡繹逢遼戍蕭條向野看  
鄉書中夜至朝晚囑  
加餐

劉侍御久繫見釋

詔獄今朝釋重彈  
柱後冠舉朝咸作頌  
遍野自騰  
權弦直儒生戀淵容  
聖世寬匡時需上策  
計日  
擬登壇

團扇

團團明月扇紈素裂成細  
撲處流螢墜攜來蕙帳  
涼流蘇吹欲散舞袖拂疑翔  
最恨商聲奏渾如別  
故鄉

過河間見水陂

北征小車

卷六

六

北土多平陸今茲見水鄉  
瀕迎鷗鷺集風引芰荷  
香澤國迷村樹秋原足稻秧  
茫茫數千里屯牧急  
宜商

其二

菰草鬱蒼蒼風煙入暮多  
漁燈沿浦灝堤蒹葭  
藤蘿壤自幽州柝湖疑震澤  
波騷騷行旅况是處足  
婆娑

宿任丘用題韻

策馬將登堦其如薄暮何日邊看遠塞天際耿明  
河漠野驚塵颺嚴城聽角多迎涼欣夜迥螢火暮  
前過

魚池

小潭不盈尺澈底漾波澄游泳啣新藻盤旋折古  
藤傍檐朝雨溜倚石暮霞蒸尚想纓堪濯方欄盡  
日憑

鐵欄

北征小草

朱大

七

嚴防施繚壁設險障重門鎮日風霜烈司晨虎豹  
踴游竟惟淚灑別夢幾聲吞自愧平反拙空餘泣  
覆盆

魚池鐵欄俱  
在獄署中

朱子南還有詩贈別用韻酬之

暫聚欣同調悲歌悵去燕啣尊荒柳擁揮手朔雲  
連長劍看猶在燕詩暗獨憐行行逢日晏轉盼隔  
蒼烟

余兩歲過東平皆值晴霽遙對諸山如畫今

歲十月再經此道時大風揚沙不能舒目  
復用前韻

序屬黃花晏驅車未獲安浮埃昏白日芳陌驟雕  
鞍巖嶂連宵度風煙隔歲看更嗟離亂後供億苦  
盤餐

行次滁州

近山多廢苑寒吹正蕭森高下分畦迳蒼黃辨樹  
林菱荷滋曲沼鵲鵲度高岑遺勝歐亭在方期杖

北征小草

朱大

八

策尋

自京師陸行至瓜步期次日度江

五輶遙行邁倉皇向古郵客途聞喚馬吾志欲羣  
鷗風勁林臯爽蘆深島嶼浮帝鄉瞻望遠將濟待  
方舟

其二

總關心依北征輶轍漸南淒風吹劍佩殘照委江  
潭薄宦衰元敝長途飯未餒中流欣遠畧擊楫興

方酣

游絲

晴霽游絲墜迴旋四望聯風翻疑雪浪日麗似蟪  
縣嫋娜垂楊糾紛披落葉牽飄零無定質豈是直  
如弦

途中秋暮

荏苒商聲暮淹留宿雨晴花迎紅帖袖馬踏碧沾  
纓氣候隨秋肅風沙傷夕紫一行飛鴈度嘹唳伴

北征小章

朱六

九

孤征

夜度

浮梁呼度處斜月照青蘿雀舫緣江陣漁燈隔岸  
多棹移搖水鏡慢卷列星河北走俱平陸洪濤此

夕過

月下小飲

明月當軒照同傾白杜鰲女郎帖自韻公子衰還  
張雨散疎螢度庭闌細簾涼徜徉非俗侶攘袂脫

塵韁

從湖郡謝事歸適逢初度

朝來辭郡閣晚去泛滄波逕入蕪萊近樽開野服  
過揆辰慙馬齒閱世任牛訶植杖從吾好非緣避  
網羅

山寺

朦朧遲月出綺幄羃蒼苔架壑緣崖轉飛觴聽管  
催波澄芳藻動影曳碧幢開僧侶調新曲清音度

北征小章

朱六

十

竹來

夜飲顧子齋中

俠氣十年許高譚徹夜投肆筵羅越艷裝佩東吳  
釣風物仍江左淵源自虎頭顧為六朝望族今憂  
先世丘壠猶在

天同有志非爲酒杯留

其二

爲慕山居勝因茲信宿停燒燈輝五夜橫劒拂雙  
星感憤心逾壯歌呼眼自青相看渾不寐零露濕



沙汀

新月

今夜半規月空庭積水鋪影稠菱荇蘼離墜屋梁  
孤螢火窺明滅星河似有無不禁征戍客歸夢繞  
靡蕪

獨坐懷王子

擁褐知君拙忘形病余癡鬢疎交故淡足蘭世乃  
崎客散玄亭寂林深野鶴窺白雲虛入牖欲贈不

北征小車

卷六

十一

堪持

途中夜雨喜值午晴

時雨兼宵至行來值乍晴驚飈衝霧散斜日映雲  
橫興劇隨程減愁翻向酒生踟躕天外望照眼物  
華明

隋堤

牽纜東巡處惟餘草幕堤秦聲調促管越舞試輕  
絳王氣穿應盡浮槎去不歸星稀烏繞樹片久露

沾衣

東平道中用前韻

東省遭殘破誰云四野安霜高還拂劍月午尚乘  
鞍離緒杯前引愁顏鏡裏看適談兵焚事神愴却  
停餐

夏日郊居

溽暑時方夏閑庭日向脯霄空摩健翮壠積何饒  
烏幻化同駢指蓮廬等一息步尋溪畔月孤棹隱

北征小車

卷六

十一

江滋

秋日舊山

野鹿元來伴田農是宿遊晴光搖嶂色雨潤漲溪  
流興洽魚龍夜涼生海嶽秋買山從有約欲去轉  
淹留

道逢友人言別

把酒經年別披襟今度開感茲譚宿昔聊與共徘徊  
南陌薰芳草江原寄早梅匆匆行色動恨駸駸

鉦催

山行

山徑行來暮，浮埃幕短衫。  
嶺深蹊更狹，轡急馬逾驅。  
鳥道飛巖截，孤城落日嘶。  
忽逢南國使，袖裏出魚緘。

行近都門

風煙朱夏改，雲物帝鄉殊。  
雨過畦猶潤，途紆馬欲疲。  
爽颼吹日曉，濃樹着山欒。  
指日長安市，清歌向北征。

卷六

酒壚

北風時將南旋

居人方瑾戶，嗟我尚離居。  
簪卷還侵帳，燈殘欲廢書。  
星霜隨四牡，鄉井在雙魚。  
數載長安道，因循近臘除。

客有以文稿示者詩以酬之

客從千里至，投我白雲篇。  
佳句欣波屬，真詮妙火傳。  
夏蟲驚歲宴，海鳥避鈞天。  
不必時流賞，還同草

太玄

西山曠望

陟嶺重攀閣，胡沙咫尺懸。  
纖微占鳥道，滅沒認狼煙。  
雄鎮巖關峙，荒城片石吞。  
祇今屯牧地，千里朔雲連。

幽居

幽居偏索寞，雲影倒清潭。  
惜却人窺幕，欣茲我共龕。  
撫弦揮五五，開徑繞三三。  
林薄多真賞，奚囊且北征。

卷六

莫探

其二

張燈高館夕，時聽隔江颺。  
室內餘新釀，秋來拭敝袍。  
游絲紛合杳，歌枕獨蕭騷。  
尚想漢陰叟，忘機恥桔槔。

東平道中和前韻

東平驛吏乃向所供億者

饑荒千里道，今已獲全安。  
隼旆驅長陌，鵬裘跨小鞍。  
霜華窮節換，鷄黍故人看。  
入夜砧杵急，踟躕廢

晚餐

烈風

白日風逾烈，轟轟嚮作濤。  
沙飛藏遠樹，威發透征袍。  
雲物青齊近，霜天碧海高。  
滄江吹渺渺，舒目望偏勞。

滁州宿道觀

古觀茲投宿，征衣尚着霞。  
人間深竹院，鶴舞舞莎花。  
壇閣聳看雲，逼杯長入夜。  
闌高岑遙倚，郭流矚露

北征小耳

卷六

漫漫

王處士以贈女優之作見寄云是老嫗私  
意其非嫗也反其詞答之

歌管度重宵，芳年結翠翹。  
凌波輕縠合，舒調白雲迢。  
洛浦詞人賦，東山太傅邀。  
設吾王處士，翻說態非嬌。

途中小疾於輿中閉目趺坐日惟蔬食一餐  
而已道逢一隱者悠然相對有蓴菜之思

焉

瞻望鄉閭暮微病，悵不眠。郡符官自僻，霍食味非  
羶。鑿壤藏真隱，乘軒擁老禪。採蓴牽思永，力疾更  
揮鞭。

北征小草卷七

東吳張泰階爰平甫著

五言律詩

陪祀 太廟

皇誠歆列祖，吟饗屬三秋。睟穆天顏近，森嚴法駕稠。  
秩宗司薦璧，宿衛盡冠登。禮竣鑾輿返，排空列仗收。

嘉廟祀社稷，以壇門早閉，不得與竚立久之。

北征小草

卷七

子夜官僚入遙從，玉輦迎樹輝翻似雪雲墜忽。  
迷旌惆悵瑤壇隔，依稀燎火賴登歌。旋旆後還領珮聲銓。

謂 長陵

一坯畱大業，四表誦神功。石獸蹲猶壯，山松偃尚蒼。  
驅胡清遠漠，定鼎固金墉。奕葉今繩武，高明百

代融

定陵 陵自萬曆迄天啟方成

三朝新傑構千載，閉幽扃瞻拜玄冥。假蒸嘗和黍，馨熹明懸日月。冲默自雷霆，龍馭悲但逝。來歸有化鵝。

慶陵

重離方啟運，神聖遽云殂。永夜藏玄隊，清秋泣鼎湖。松杉迷輦路，烏鵲繞城闕。坏土營方就，青蒼已遍墟。

遊甘露寺登閣晚眺用孫勣韻

北征小草

卷七

高閣凌空峙雙峰，入杳冥怒龍翻浪白。翠嶂接天青潮迅，流江樹帆遲拂霧。汀勝遊，權未足，新月照中庭。

再過滁關

春來行役迫峻嶺，復重攀沙暗迷新柳。霞蒸滿故山，氣融花向媚。飛倦鳥知還，爲羨深巖曲。流雲去

住開

濠梁道中遇雪示錢子

春半寒初減，俄驚雨雪侵。  
瓊葩搖萬陌，練影罩千  
尋。說劍心彌壯，傳觴手自斟。  
何妨奏山水，旅伴有知音。

住濠梁一日餘雪未消

二月停濠上，還看雪載塗。  
車塵空歲月，浪跡老江湖。  
樹倚秦淮白，山連宋壤紆。  
茫茫千里道，波畔起雙鳬。

早春入梁

梁人避亂多逃

北征小車

卷七

中州云沃壤，滿眼屬平蕪。  
旅客憐疲馬，居人患剝膚。  
瘦枝冰未泮，積水鷺頻呼。  
凜冽輕寒透，囊中喚酒壺。

睢州道中遇風

陣帷愁兀坐，曉色閉氤氳。  
登坂驢愁蹇，揮鞭手漸  
皸。波澄渥赤日，沙起接黃雲。  
洛水瞻來近，徘徊酒尚醺。

梁丘道中

景和風不起，馭促馬偏忙。  
憑吊雍丘蹟，低徊汴水  
觴。疎旌搖澗碧，密樹罨堤蒼。  
悵望城闌古，停鞍綺席張。

入鄭

高原無一樹，環堵幾人家。  
油碧沙塵擁，茅黃柳陌  
衰。遠村繁犬豕，淺水蔚蒹葭。  
惆悵遲車馬，長天起亂鴉。

梁陽道中

北征小車

卷二

二月郊方碧，征軺已入韓。  
天涯詩卷暮，春色酒杯  
殘。客邸遠三徑，官庖有一  
臠。王程期會促，驛騎苦蹣跚。

齊中偶成

清晝幽窓靜，悠然境入竊。  
林端來鹿友，天畔擲魚  
書。覺後形猶蝶，歸來竹是  
廬。荒庭無珍木，欄檻護  
蘼蘆。

渡河

河濱頻喚渡行慣我知津  
瀾浪連泥濘輕煙着塊  
勻長風乘萬里急響滯兼旬渺渺洪濤裏愁懷結  
暮春

武陟道中

數日晴光繞蕭然迫晚陰  
朔颺衝帷幕潭影映驂  
驪管壘悲前蹟風雲愜壯心  
暮天程尚遠鞭策駭  
林禽

入晉

北征小草

卷一

中州行欲盡晉嶺忽從龍  
芳陌迎車騎陰霾起颺  
颺道周多坎土畦側暗青楓  
一劍隨行李干雲氣  
獨雄

文水道中

向霽春陰薄登高晚興濃  
谷鶯嬌百轉原樹障千  
重馬驚人將困襄遲驛未  
龔倦游聊解珮花底聽  
琤琮

其二

連堡當原峙揚沙飭夕侵  
攀條欣細綠陟嶂怯層  
岳湖海征衫冷陰陽迅景  
搭振纓揮短袂歌嘯碧  
山深

汾陽道中遇雪

三月寒猶厲疎楊未脫綿  
零空千嶺雪炊火萬家  
煙匆遽晨鷄唱遲回病馬  
遑原空無黍粒庭際撲  
饑鳶

文水道中用壁間韻

北征小草

卷一

六

終朝驅峻坂今始達河汾  
孤館萑盈砌高岑鳥入  
雲村疎占地僻鼓急認宵  
分西北輪將竭宵衣屢  
聖君

清明過晉陽用壁間韻

荒城淹風駕晴日轉傷春  
車馬喧長陌芳菲傲旅  
人嵐巔迷曉黛天杪挾愁  
身離別那堪惜間關倍  
慘神

其二

病骨慙長劍，凋顏值暮春。  
朔吹靡弱草，清節偕遐人。  
淚灑流觴館，花纏作客身。  
新阡烏啄紙，悵結總勞神。

途宿

弭節長楊坂，離亭碧蔭深。  
泉源穿澗度，松影傍堦侵。  
地迥嚴宵柝，霜高迫曉砧。  
勞勞不成寐，乘月拂瑤琴。

行次原平驛，聞有晝劫者。  
驛卒追之被創而

北征小立

宋之

還

早魃經年劇，豺狼白晝生。  
重山多伏莽，獨劍極橫行。  
荒草蒼煙合，孤村赤地平。  
憫時偏咄咄，單騎畏宵征。

途中

迢遞平原道，縈紆白石磯。  
孤城轡四塞，斷靄日重圍。  
懶向新疴劇，愁牽宿雨飛。  
最憐秋色暮，山水送將歸。

邊城早發

晨出塞城東，流澌卷細荒。  
早餘欣集霰，雲際睨垂虹。  
牧馬胡沙白，乘陴漢月朦。  
深隴嘶古道，杳渺聽吹簫。

邊城見清泉

竟日遲行李，停鞭向野曠。  
沙場多濁霧，磧岨自清流。  
伎擊誇長劍，鋤耰雜短鋤。  
奄奄蒼澗曲，薄晚發吳歎。

北征小立

宋之

度寧武關

四障惟深峪，平看見遠村。  
依山隨設險，乘月度征人。  
一線通秦塞，千峯混虜塵。  
徵兵關外急，武騎屬雲屯。

途中友人留酌

敝筵沾冷翠，重嶺掩朝曦。  
天北聞簫管，雲中泛酒巵。  
輕愁緣結轡，雜憶漫裁詩。  
緬邈驚蓬鬢，滄江切夢思。

晨駕

于役值陰霏柔條信手揮霜蹄凌曲墜風翻墜層  
林鳥餒鳴猶哺禾抽鬱欲稽空郵燃野火晨起薦  
新醅

度嶺

狂吹拂征幃憑輶盡日瞻片雲生馬足崎石臥山  
匱鳥糞棲烟樹花飛暮酒帘高巖登陟險幽松發  
清醪

北征小直

卷七

九

徐溝道中見綠葉

今朝看綠葉望望鬱城隅村僻脩堤繞山園落照  
紆隴頭喧燕雀木杪韻笙芋蓐食長亭畔流香喜  
泛壺

平遙道中

谷樹颼颼動晨趨氣正冱髮華愁攬鏡露湛怯披  
叢鼓角環邨郭峰巒倚梵宮東南瞻日皓旅館酒  
壚紅

郡僚招飲園亭

入園隨命酌携侶共登臺曲按吳歛發杯流晉甸  
開隄高憑立馬沙裊遍沾萊夜半淹殘漏徘徊擊  
酒罍

介休道中

遠邁衝黃霧宵征暗綠叢平巒藏古塔斷岍躋花  
驄燁燁螢飛度颯颯水聚泓郵亭頻送酒振袂介  
山東

北征小直

卷七

十

公署旁有介子推郭林宗兩祠卽擬往謁薄  
晚不果

祠宇流丹碧看來想像中隔垣高樹擁薄市宿霏  
空公子從游苦名流作碣雄無能師往躅瞻望邈  
清風

行次靈石始見桃李

晉壤偏遲節春殘始放花林隅飛玉屑山側散朱  
霞艷質沾霜瘦高蔭傍柳斜經春愁不兩欣賞興



猶餘

過滕薛

古薛曾無壘今滕尚有陴平原連沛碭福小擬龜  
茲野徑橫烟井疎簷宿晚軼兩年殘破後郵舍只  
空甃

旅居

逆旅禁城西頽垣壓欲低蘧廬同燕壘世界總鷄  
栖殘暑清秋劇新綈北地稽東偏餘尺地獨樹烏

北征小草

卷七

土

深啼

韓淮陰墓道

淮陰原俎醢古塚或衣冠曲徑飛鳥繞空山亂草  
蔓一坏方瘞骸千乘昔登壇漢代施恩薄公評定  
蓋棺

霍州道中喜雨

早穉欣方解龍湫怒正轟隨風零微曙拂石韻成  
聲水驚迎洲浴田農擁襖耕村雪今暫撤彌滿四

郊菁

望渺

聘望高無極歸程指更賒堯封疎樹映韓甸疊山  
斜雨濕蒲東道雲橫并地家花明深徑滿漠漠暮  
嵐遮

曲沃道中

疊嶂疑南盡泉源更北迴東風吹暮角流月照霜  
杯曉坎何年削幽葩幾度開倉皇馳峻坂喘汗策

北征小草

卷七

土

驚駘

郭璞書堂

占候非明哲戕軀悼景純何人賊國士百代勒貞  
珉窀穸長江裏鄉閭晉嶺垠書堂淪舊蹟煙莽細  
秦秦

雨後值大霧山行晝晦

嶮僻驚晝暝咫尺障丘山那地蒸林霧何天指塞  
關泥沾蹄蹙躓澱酒袖爛斑客路愁逢此深冥詎

可攀

抵晉

十年從汗漫千里倍夷猶  
拾橡綠逢早攀崖只聽  
颺入林花色曙搖佩劍  
光浮悵恨徂饑後荒城滿  
地蔓

夜歸

三旬馳峻坂今日是歸程  
推轡山郵暗揮鞭初陌  
迎曉餘猶十斛漏迥恰三  
更鷄鳴燈前語殷勤似  
北征小集 卷七

喚名

德風亭秋夜

清秋憑檻望把袂共徬徨  
遠岫烟含樹空階月似  
霜授衣逢節宴刈黍浹宵  
忙嚴柝高城逼相看不  
盡觴

七月十一夜復登德風亭

秋分天氣肅日暮獨登臺  
星與高城宿風隨細雨  
來隣村疎笛繞兒女故園  
猜振袖行吟遍殘葵點

碩茗

中秋前四日

連日多陰晦秋光倏向分  
雲山看欲暮湖海惜離  
羣鵲撼城頭柳蟾迷隴上  
雲西隔涼入早霜草白  
紛紛

八月十四日赴長子謁直指晚出西郭有賦

步出城西道奄奄暝色侵  
亂筭含宿雨高翠結層  
陰潦積蹊偏滑宵長漏欲  
沉折腰行役苦牢落事  
北征小集 卷七

長吟

十五日從長子歸喜晴

向晚策輕輶晴看遠黛浮  
霞蒸天外樹月朗鏡中  
秋路指闌闌迥涼生礪谷  
幽中宵肌忽顫駐馬着  
鵲裘

其二

今夕歡游阻驅車夜向闌  
草疎螢度急樹渺鵲飛  
殘列炬連雲照衝颺拂袂  
寒歸來憑月榭濃露濕

關于

十五夜對月

林端圓月出，顯渺映澄波。把酒橫霄漢，懸崖掛薜蘿。鳥驚枝天矯，桂密影婆娑。望闕山香徬，徬起

浩歌

十七夜復赴長子是夜月色如晝

今朝方稅駕，入暮更徂征。鼓角中宵劇，麾旌廣陌迎。細煙浮澹月，衰柳擁層城。惆悵空郵寂，疎牕竹

北征八章

卷七

七

栢橫

九月夜赴長子

夜發城西道蒼茫，夕望開高天。聞落木圓月映，嘶杯館寂鳥仍繞。宵長漏忽催，風塵迷倦目。松露獨

徘徊

九月從長子歸

揮策犢車輕，山光向晚晴。林層霜葉墜，日落渚烟橫。秋盡愁聞竅，句來想濯纓。路崎嗟獨邁，願狎海

翁盟

胡司理邀飲長子城南野人委巷

山氣朝來爽，驚傳折東招。烟雲封僻巷，觴咏動涼宵。綺席香流縵，幽樓狹似鵲。披襟欣共調，深坐耦吹簫。

途中有懷

望遠空愁絕，憑高幾嘯歌。斷鴻驚滅沒，良會惜蹉跎。蘆荻經秋老，雲煙向夕多。懷人不可見，悵望碧

北征八章

卷七

六

山阿

宿南關驛，遇雪擬從盤陀驛。不果時得北書

鳥跡孤懸絕，瑤岑萬疊開。怯寒披袒褐，貪險涉蕪萊。吾欲從東道，書還自北來。依回芳澗側，勉強奏新醅。

雪後喜晴

高磴俯氤氲，寒侵手漸皸。練光迎皎日，旌影卷彤雲。繞岫長隄迥，荒村短筵閑。晨興不憚醉，亭午尚

餘醺

遇雪

冬首初零雪風來欲撼幃  
殞川看歷亂着嶺更輕  
霏顚白迷雲物蒼茫弄夕暉  
北來鴻作陣不共旅人歸

遇風

朔吹如裂繒衝晚聽瀟瀟  
幃列摧殘樹雲迷黯淡  
宵寒來驚歲月路迤任飄飄  
張望銀河沒微茫認北征  
小阜

斗杓

發兵戍邊寨

草澤聞多疊烽烟夜滿山  
將軍屯細柳天險壯重  
關雲暗麾旌度風高陣馬還  
戎心今未息禦侮笑譚間

譚間

雪後登亭有懷故鄉

開園依北郭落落古亭摧  
易宿迎風樹人街映雪  
杯虛牕連嶠入疊石片雲回  
何日江南棹栖遲碧

水隈

上黨再逢寒食

兩度逢寒食空園恰早晴  
破愁聊捧腹望遠獨肝  
衡花傍層簷發鳥翻片紙  
輕懷鄉徒耿切咄咄向流鶯

玉澗盤峰諸宗室邀飲小詩言謝盤峯旋有和章再賦爲答

春暮喜相邀花光鎖暗宵  
長歌空谷應勝賞入林

北征小阜

卷七

七

遙載酒情彌劇論才子更  
曉星精方外聚作賦抑凌霄

夏日同郡僚五龍山登閣憑眺適盤峯有詩

見投次韻爲答

高閣幾層躋殘芳冒馬蹄  
霞蒸巖岫逼樹壓檻欄  
低油幕閒來駕豐碑醉裏題  
忽驚珠玉墜夙願慰雲霓

雲霓

當陽日登亭次盤峰韻

朱夏玄亭散惡暑想壯遊楚開方值午雲動恍疑  
秋嶂橫收吳望郊廓起晉謳懷人不可見更躡幾  
層樓

宿長平驛值雨

聽雨宵忘寐兼旬暑未央鑑形知影換作賦總神  
傷生計縑緗在歸程枕簟忙晨興多雜憶弔古獨  
騰場

丁卯夏日復至長子署中對松

北征小集

卷七

七

空庭無俗侶高幹聳千條故是煙霞匹新迎鸛雀  
巢倦餘欣枕石坐久蔭千霄跋涉經時憊相尋共  
寂寥

長子道中

驅車長子道鬱鬱苦炎蒸宦迹年來拙吟懷病後  
增薰風禽百弄落日嶂千層指點岩間路殷勤野  
寺僧

夜起

空郵中夜起幽夢尚青青啟戶蚊窺暮求衣鼠暗  
燈劍光浮紫極霧靄宿蒼藤不是聞鷄候科頭數  
玉繩

九月八日赴屯留旅館小憩

序屬登高候還憐落帽風村墟春入暝旅肆酒如  
飴澹蕩雲衣薄蒼黃樹色紉郵亭方閤寂乘晚駐  
花聽

秋日衙齋有懷仲弟時弟在京師

北征小集

卷七

辛

望極長安道西風淅淅吹寒山迎夕霽幽壑散清  
漪幾見王孫草空懷仲氏笮登原憑倚徒悵悵甚  
調饑

暮秋與客登亭

郡僻秋逾冷招携陟嘯臺長沙憂獨切曼倩語多  
詼歲月驚雙鬢乾坤寄一杯黃花疑有約偏向客  
愁開

再過晉祠觀唐太宗碑文

古碣巋然臥經年此再遊觀風唐叔舊問字會茶  
留曙色搖晴漢寒颼動水樓嚴程方計日暫憩碧  
山頭

至恒山贈客

客爲趙州作

有壁仍歸趙無人不識韓壯懷期皓首青眼照征  
鞍湍急空明瀉峰高落照殘行行逢歲宴遲迴五  
雲端

度汾

北征小車

卷十

辛

寒颼搖落木抵暮涉清汾凜冽霜凝樹岩光岫拂  
雲停驂微中酒開卷劇論文驛路孤城畔蕭蕭夜  
向分

北征小草卷八

東吳張泰階愛

五言律詩

歸鴈

方春時向煥旅鴈溯歸程夙願依青海深情繫紫  
杭燈前噤噤聽天外雨參橫羅網今朝脫江鷗遠  
冷盟

再過趙徵士山庄

北征小草

卷八

山齋何寂寂綉帙貯疏集燕壘泥沾幕堤牆草雜  
繁煙吞故嶺石濺激偃亭荒勝事今朝續持瓶倒  
濁醪

要離墓

要離還有墓吳苑已無臺鄣市朝煙合闔闢夕照  
回壯心偏吊古落魄漫登阨倚徙城樓晚霜天急  
漏催

假寐

兀坐憑誰語義皇偶過之午閒非解帶春懶避臨  
池馳驟年逾劇羈縻我覺衰新柔方入望簾外雨  
聲醺

贈沈山人

終歲耽雲臥花明值上春林開舒病目吟苦賴閑  
身酒閑人同醉書淫爾不貪江湄藏石隱南陌會  
將吟

其二

北征小草

卷八

丘壑從吾好今偏屬此君樹長霄半拂智湛日餘  
曠簾外紛黃鳥齋頭敞白雲晤言深峽靜一室飄  
蘭芳

桃源

武陵原俗境浪說是仙宮桃萼芳菲遍人煙髣髴  
通亂離傷漢魏渾盛想鴻濛太守何愁絕茫茫擬  
鑒空

春日與友人言別

落落元無侶  
簷簷偶類俳  
雨牕披短髮  
苔徑躑躅  
鞋折柳憐春  
酒停雲愛晚  
簾清音吾獨  
賞絕俗世  
應排

秋日

乘曉登原竚  
橫雲四野連  
晴山依古剎  
啼鳥送征  
驂道盡黃花  
候聽闌白雪  
篇最愁頻遠  
役況值送  
歸年

過友人山庄

北征小草

卷八

三

未須營廣宅  
一畝亦云官  
吾欲抽簪隱  
君應荷鍾  
逢雲油農望  
雨日暈俗占  
風終歲衡門  
掩春回日  
正融

舊山小隱

峽裏千聲曉  
樽前一夕霜  
曉林迎海日  
秋思浹江  
鄉飯熟新菰  
米人閒舊草  
堂栖遲流水  
瀾原上呼  
鷺鷥

歸園

初年原負未  
今日更鋤穠  
草遍吳堤曲  
人歸暮雨  
中滄波稠野  
艇廢園暈芳  
蓂行役朝來  
釋吾廬酒  
映空

逢友

放浪江湖久  
今茲恰乍逢  
天涯津劍合  
春色酒杯  
同密樹穿晴  
鳥疎帷透晚  
風依依瓊玖  
贈澗道落  
花紅

聞東夷敗歸

北征小草

卷八

四

捷書傳遠塞  
聽鼓值宵分  
墨守偏持重  
輪攻喜被  
焚十年誇一  
劍萬弩殪千  
羣紫禁  
重書達殷勤  
細柳軍

幽栖

着屐連露阻  
街尊久臥稀  
鶯啼鶯曉夢  
花發待春  
衣艇向前汀  
繁蓂從細雨  
歸不禁芳綠  
滿南陌絮  
輕飛

余山舊齋



三月愁無伴經旬只組袍日長梳鶴髦山靜聽松  
清禪侶同吹簫浮生付結髦苦空參二乘睥睨碧  
旻高

逢故游

沽客來何暮長征路偶崎瞥逢涼入歲漸睨皓生  
髭何日驛三徑隨風遡九疑清醕應屢啜瘴嶺正  
參差

齊中早梅

北征小車

卷八

五

寒色透重氈幽姿拂檻遶迎晴方綻玉入暝乍凌  
煙愧乏陽春調還歌白雪篇衆芳傷蕪穢獨此歲  
寒妍

郊居

漫谷偏黃鳥東郊自草堂風前香藹散日下火雲  
荒蝶戲知春幻鳩巢爲雨忙薄游今未得吾意在

三湘

首春贈老友

着眼若何濶忘形我獨曉開園羞栢酒結境學鷄  
栢老去猶譚劍開來抵杖藜醉歌高睥睨法界等

醴鷄

薄遊

嘉晨來濟勝陟嶂顚飄飄鳥變林塘夏花零霧雨  
宵歌呼靈谷應揮洒白門迢何處藏玄豹柴門鎖  
沈寥

野叟

北征小車

卷八

六

客路愁逢暮山中豈問年秦人原避世漁叟故忘  
筌草樹熹微綠風霜日夜絲桔槔非大隱吾欲傍  
鷗眠

夜泛

秋深偏苦潦夜半發輕船漏盡三江雨風乘八月  
濤隔林頻和笛獨客倦揮毫擬向蘆磯泊潛踪只  
釣簫

陳生苦於行役不覺頽涕張子見而悲之賦

贈

乾坤原逆旅客况倍憐君骨相虞翻薄途窮阮籍  
急泣茲千點淚灑破幾層雲共惜陽春暮低徊日  
漸曛

倦游

寂寞欄西遶頽然亂髮鬢蝶忙晴宛轉鶯溜曉間  
關淺水濡華轂平畦浸赤稭坐看雲出峽春事苦

關州

北在八車

宋人

江上廢苑

江上誰家築孤峰倚亂橈石花空映水簾月正席  
暉春色連吳楚荒煙漾渺瀰艇歸依苑岸斗酒聽  
雙鵬

春日郊行

二月寒衣換郊行未值花疎帷風細入崑岫影橫  
遊徑繞平蕪遍車牽短陌斜王孫多浪跡歲歲落  
天涯

山居偶成

塵事山中謝終朝只閉關世情今度冷詩帙幾回  
刪熟故歸新社入應戀舊山孤踪甘獨往小艇蒔  
蘿灣

至鹿泉遣二僕募榻本願寺古碑時因大雪

二僕憊甚幾不能從

薄晚征途困郵亭榻正懸僕夫膚皴裂史籀跡猶

傳雪映長廊曙文垂翰藻鮮因循愁未發我馬復

北征小車

宋人

通適

木刀溝

昔年流水處征馬正蕭蕭古木圍長陌雙碑倚石  
橋繩牀初警夢龍劍故冲霄晨發途多畏天垂燦  
斗杓

過劉夢得陋室

雄文推夢得仰止草堂陰蕪遠人俱沒空亭酒獨  
斟典刑今寂寞山水自高深立馬低回久驪珠未

可尋

過賢臺夕照坊時友人相招不赴

朔風愁日暮樽酒復嗟陀飛騎空原繞驚沙夕照  
多水寒氷結岸逕僻鳥尋柯望望長安近還期倚  
市歌

古塚

行行之上谷青塚卜高原征戍遺殘骨沙場宿旅  
寬長楊紆白草野火竄黃昏古逕稀人跡倉皇走

北征小直

卷八

九

華門

贈人武闥奏捷

挾策君方售穿楊技自饒十年藏駿骨今日寒龍  
標材武稱千敵雄心矢度遼金臺知有意應自郭  
庾招

顧生任趙州別駕越數日余以觀事告竣歸

潞顧生逆之中途賦贈

京國方星聚重逢恰乍晴離筵初拂劍客邸舊吹

笙躑躅單車逝微漾片月橫驛傍才放柳攀折不  
勝情

懷歸

天涯曾落魄何日定歸期望遠音書隔行歌歲月  
遲世緣方閒寂時事屬憂違楚澤方寥闊蕭騷幾  
夢思

雪晴時將抵潞

春雪殘猶濕行行值晚晴弱紅偏傍馬柔綠正繁

北征小直

卷八

十

鶯古澗衝泥滑新堤攬轡平征衣方解却花底珮  
聲鏗

友人困游日南有書緘寄賦答

憶昔南征日輕鷗逐去軺書傳天際鴈跡泛海南  
嶠雪涕常悲咽高歌倍寂寥簪煙千里道那見旅

魂招

至鉅鹿將索邸報不果

北望長安道經旬絕信音王畿瞻日近晉壤隔山

陰報主知無術憂時屬有心 聖朝今不諱將獻  
衮衣箴

望金陵有感

古岸何朝寺空堤幾處鴉荒煙籬際合弱柳嶼邊  
斜王氣臺城迥清秋客路嗟未須論結綺江令總  
浮華

再至坡底

萬嶺朝宗處悠然獨草堂鳥啼喧古木花發媚層  
光在小草

卷人

士

閒愁息經春到奔馳決歲忙不妨招大隱歌嘯幾  
徜徉

其二

吾遊凡數至兩值暮春時檻綠熹微入林青巖紫  
齊背山高臥穩把酒着鞭遲佇望孤巖畔爲因覓  
紫芝

步香爐鎮古寺時得遠訊

寺倚郵亭側長征一駐車澹煙浮巷陌新雨濕琴

書庭散鳥爭樹宵分客問遽低回棲柳外遠地擲  
魚書

宿汾陽公署未卽言發

旅館重逢雨低簷只覆茨劍芒看夜燭花氣羨朝  
披獨坐空牀寂高吟彩筆隨不禁騷屑甚經歲困  
征麾

其二

牢落征途倦悠然片石幽黑雲城欲壓芳華徑偏  
光在小草

卷人

士

柔畦足三春兩人登百尺樓一枝棲未穩踪跡並  
江鷗

其三

不眠因聽鼓晨起更怱渡古堞依青嶂疎牕暗綠  
橈江湖吳甸濶歲月晉陽羈無復玄亭草風塵那  
問奇

其四

戍樓連小築相對鬱參差半畝涵春入名花隔歲

期據鞍游子憊披髮晴人宜何處關山笛蕭蕭獨  
夜吹

署中古松

空齋聊臥對旅况悵幽尋勁質風霜飽寒姿歲月  
侵吹簫人並倚燒燭酒同斟夜半濤聲發颼颼振  
北林

寄顧氏兄弟

偶然人北去不謂別經時湖海添吟况頃篋總夢  
北征小草

卷八

七

思爾誇歸臥穩人說虎頭癡終日滄波畔長歌暮  
子皮

山居

甕牖堪容膝人從物外邀溪邊朝採藥山後夜鳴  
橈孤寂時披帙疎慵擬棄瓢一聲漁唱徹清坐似  
聞韶

其二

那地風塵隔茲山勝獨留跡因袍繫拙居比鹿柴

幽攀陟憑雙屐栖遲戀一丘清時招石隱應向谷  
中搜

其三

卜築依南岸江雲切戶飛兩餘移短棹春盡試荷  
衣嵐吐滄洲樹波涵白石磯人間新學釣竟日掩  
荆扉

言志

豈是文章叟翻從案牘披行藏何孟浪身世屬支  
北征小草

卷八

七

離那覓陶公徑空遠張仲茨有時滄海曲薄采嶼  
邊離

騷經

尚慕行吟者低回重有思憂危非自放忠愛豈忘  
規自古論風雅千秋一楚詞不須推逸藻直道實  
吾師

香爐鎮公署見雙燕

雕梁空驛在雙燕去來頻春到因尋社天涯肯作

隣柳風搖綺陌簷雨泥芳塵珍重易衣使喃喃指  
客津

訪王山人

瀟瀟門巷寂兀兀自勑耘吹蓬靈巖畔長謁震澤  
濱先生誇五柳吾意愛停雲晤對蘭芬洽空塔落  
葉聞

留侯祠

子房稱帝佐汾水只孤祠砌碧荒烟合垣欹獨樹  
北征小重 卷八 十五

低斷碑三豕誤遺像魯靈歸黃石今仍在英雄誰  
我欺

至禪亭驛將遊紫巖山寺不果

潞陽多浚谷寺以紫巖名夙與山靈約翻成野鶴  
驚武陵迷入徑縱嶺隔吹笙古驛重回首迢迢跋  
玉京

齊中獨坐寄友人

獨坐空齋靜因循逼歲華爲尋湘浦約幾間日邊

槎斂榻寒侵幕新梅凍不花棲遲蒼澗曲天外落  
晴霞

登高

潞山崇百仞入望北巖青鑿徑通奇險憑高瞰沓  
冥垂巘摧畫壁穴鼠竄紗櫺披蘚看殘石居然隱  
士銘

郡齋

鎮日惟清宴誰云案牘煩空堂圍古木小窗羅纖  
北征小重 卷八 十六

鱗細色連筠綠萼葩落砌新自慚非傲吏白眼向  
青旻

八月十五至長子饒吳學憲未赴坊俟久之

兩大如注時夜已分矣

客路悲牢落秋期屬滯淫肆筵拚酩酊高會怯登  
臨那見瑤堦影初聽野寺砧夜闌遲客至風雨伴  
寒吟

已巳夏日又過晉祠

流水高山畔年來幾度逢解衣分半榻秣馬政高  
春歷歷波涵樹濛濛霧壓峰爲嗟行役苦宴坐乍  
聞鐘

行至清源聞蛙

山際泉流處喧喧忽聽蛙晉原無水澤何地長萊  
陵過雨披新綠長林綴落霞江南疑入望把酒思  
思家

赴友人酌值雨

北征小章

卷八

東

驟雨傾城市空堂暑漸微連宵悲獨酌欣賞頽  
歸零亂花侵幄蒼茫水浸扉不妨拖屐返幽巖  
終違

林居

身世支離甚經年罷遠遊長林秋色暮深澗鹿羣  
幽曉暖雲迷黛瀟疎竹倚樓滄江涼氣潤五月恰  
披裘

沁水道中

半深簪合寒衣未可登斷崖懸薛石枯木冒蒼  
藤樹響群山應風迴獨壑澄長驅憐病馬衝暑欲  
餐冰

暑中獨坐時聞邊警

竟日淹行役空庭只閉關新秋方暑劇宿雨微更  
闌節盡征袍變添短髮班旬來西北戰出塞幾  
人還

秋日至長子

北征小章

卷八

大

旬來風物改惘惘復晨征黍熟平疇綠雲開遠黛  
青入秋驚乍爽亭午恰新晴愁絕空郵伴蕭蕭獨  
樹聲

己巳九月又過晉祠

繫馬長流畔潯潯幾度聽山城秋欲暮松徑晝猶  
暝嶠欽孤雲入龍噴萬壑腥桐封千載事亭際識  
碑銘

過閭泥驛

驛在寧武關北早寒

候鴈行飛盡寒山入望遙角哀愁伏枕泥滑畏飛  
穉嶺畔空郵寂庭除獨樹影于喁中夜起疑是  
前韶

將發題德風亭兼示盤峰

四載栖遲久今朝攬轡初秋高黃葉擁月墜碧牕  
虛并地違同調天涯憶敝廬登亭閒望繁露滿  
庭除

封丘道中時遣役西還

北征小車

卷八

元

寒氣晨逾烈天南起凍雲肝衡清漢澗攬勝大河  
分馬足朝來躋砧聲雨後聞憑風投尺素好鄭太  
行墳

途次聞永寧奏捷

神武原無戰王師屬建瓴數年聞野哭今日奏浩  
寧明盛憂多梗西南剪不庭 聖書方慰諭應勒  
鬼方銘

過會亭驛

亭子今何在空郵古道間霜原連陌接煙樹小郵  
環豫壤疑南盡羈人正北還彭城應不遠漠漠障  
重山

其二

不寐幾三宿今茲強據鞍澹雲晴尚卷朔氣暮增  
寒善病經旬瘦沮饑百室殘宵征多過畏此車  
蒲萑

過濠上

北征小車

卷八

元

日暮過濠上黃雲徹地垂長淮吹浪疾瘦馬着鞭  
遲冠盜今朝息風煙竟日迷十年匏菽甚浪跡若  
支離

盤山道中

數載經斯地今朝偶倦還馬疲乘月度徑僻繞國  
環嘹唳人吹綬冥濛月滿山計程知不遠咫尺是  
淞關

李山人卜居城之東偏數旬不出携樽慰之



賦贈

結境東郊遠相逢髮盡斑  
花偏伴酒沙日尚銜  
山徑向青苔關人從白社還  
彈丸曾就否賴慢未  
須刪

五言排律

閩武

徇符先王制歲襲上將旄  
桓桓百夫長奕奕五隊  
豪步伐隨鉦鼓馳驅帶  
鍵橐驚颺追馳馬落日耀

北征八章

朱八

朱八

征袍志士思龍躍元戎習  
豹韜遼陽今用武誰是  
霍驃姚

秋日郊居

四野看方迥三秋思不禁  
清絲揮靜澗溽暑散空  
林綠擁枝頭翠黃飛沼底  
金沈寥占物色凄切換  
蟲吟坦道幽人履義皇達  
者心爲嗟塵累逼轉羨  
碧阿深

宿友人村

遠村經宿至平野看微茫  
樹合叢林古波繁小澗  
長晚風搖柳陌斜日掛松  
牆鴈度元成陣蜂喧故  
結房薜蘿初服返蔬菜故  
人將湘簟凝朝霧吳鉤  
發夜霜病來緣肺病狂發  
爲詩狂城市看來隔淹  
留共徜徉

黃河秋思時徐州有徙城之議

頻歲多行役長河鎖沈寥  
離憂思黯黯別夢夜迢  
迢帆駛黃塵暗鴻翔碧落  
遙障堤湮決溜舒纜擬  
北征小章

朱八

朱八

乘潮白鳥窺烟草玄蟬抱  
露若狂波沉萬竈極莽  
宿千橈暝色方岑寂征途  
倍鬱陶徙城同築舍荷  
鍾競持饔肉食糗簞熟蓬  
游借箸饒可知梁子意  
適越動長謠

早發滁關是日得家信

早發滁關道晴天倚闌雄  
霞光紛的熾日影乍曛  
曉鳥噪高林曲羊躑細草  
蒙山圍千嶂列澗道百  
泉通樹杪來僧錫層巔隱  
梵宮岡平無虎跡蹊徑

有雲濛薄霧濡衣袂枯榛掛履翰吳僖聲漸近驛  
使信初逢逆旅餘長劍浮生遂轉蓬扣關從幾度  
無計學終童

山行

銅鞮多秀嶺亭午躍青驄薄霧蒸方晴青林鬱似  
磴憑高天入幕望渺嶂排空旌旆黃塵裏人煙綠  
影中兩崖圓曲徑高樹壓深隴浪跡從奔馬還心  
逐清鷗紆迴河朔近直脂塞垣通卒歲驅馳過浮  
埃滿碧笭

途自道

行李悲留滯河流駭渺瀰草橋橫水陸村火隔籬  
炊晏歲禾生耳涼秋薜作絺林枯鷹偶睨逕滑馬  
斜趁吾志甘肥遯頻年悵數奇如茲遵古道那復  
效嘯唳

中秋夜有感唐玄宗露州吹笛之事用盛隆

宗室韻

以下原缺

花征小草卷九

東吳張泰階爰乎甫著

七言律詩

秋懷 八首

白雲迷望 帝畿秋卽次差消遠道愁地利自來  
雄帶彌天街是處策驂騶休儒索米虛糜餉省署  
含香愧運籌無奈憂時心轉迫願隨擊揖矢中流

其二

北征小草

卷九

從策輜車赴古燕趙踰朝暮禁垣邊蕭疎木葉千  
聲應曉曉游氛四塞聯輦下廣詞尋白雪金臺鳴  
候屬玄蟬爲驚景物綠時變潦倒風華閱歲年

其三

酒後俄驚頽却霜投衣窮節半林黃吳僕竊喜瞻  
閭闔燕邸還愁敝鷓鴣擣練風高中夜徹春櫻月  
白故鄉忙堪憐南國徂餓後屈指今應獲稻梁

其四

兀兀空齋攬夕芳梅前遙憶水雲鄉情消金谷翻  
多恨興冷西堂揔未央無復帛書馳馬足只餘參  
藥裹細囊南中此日清光滿簫管中流正森茫

其五

閑來擁褐事行吟客邸煙霞向晚侵荒草依原霜  
徑滑斜陽暉陌柳陰沉每懷冀土誇多駿未信天  
涯有盡簪太始玄言今復作清音凌厲振江潯

其六

北征小草

卷九

帝京遙望慘旌旂百萬貔貅掛鐵衣承突詎云無  
遠畧鯨吞端已熾克威甲兵未獲天河淨烽火時  
傳虜騎肥獨抱杞憂靡善策躊躇空數塞鴻飛

其七

迢迢北指控榆關千里烽煙喘息間何處邊兵稱  
敢鬪幾時塞馬便須還中行傳說原難構冒頓卑  
辭盡是謾自古制夷憑設險于今鎖鑰屬誰班

其八

漢武開邊絕微駟祗今彌目犬羊屯夜郎古焚途  
多梗銅柱昆明壘正新上將揮兵徒躑躅儒臣堅  
壁更逡巡何人掃盡西南道荒服重教貢紫塞

舟中雨夜夢與友人劇譚

征途迢遞暗江清離思何當曉夢殷悵恨今宵偏  
坐雨依稀曩日舊論文蒼蒼海樹天涯斷渺渺煙  
波枕上分覺後緘題憑尺素南鴻飛處惜離羣

觀秋山圖駸駸欲往有賦

北征小車

卷九

五

秋來閒上釣魚磯爲戀幽樓製薜衣渺渺蘆洲紫  
曲岸蒼蒼松徑隱荆扉韶華自逐青霜老搖落仍  
留紫蕨肥偃蹇無朝市侶祇依野水看鷗飛

途中聞虜警

聞說邊庭虜騎馳不禁游子思淒其雲山遙映囊  
裝色羽檄翻從驛路隨伏枕兵符供展玩倚天雄  
劍足長麾度遼自是儒生事係頸單于屬有期

憶家

極目關山隔故園幾旬無訊到王孫紫駟陌上平  
蕪遍盡舫津邊野鶩喧遠地轉添新別恨深閨還  
帶舊啼痕征衣換却渾無寐逢着南冠問冷前

送友人遊北雍

黯然愁思逐行驂同聽驪歌指帝畿夢入黃蘆  
關月迫情牽芳樹嶺雲飛調誇枚叟堪游遠文並  
柏如幾賦歸此日金臺方市駿宏詞端喜侍彤

闈

北征小車

卷九

四

越客至海上因淫雨留滯月餘賦贈

相如才譽滿西州爲到臨邛汗漫遊風雨一簑淹  
客棹波濤千尺起龍湫郢中曲調憑誰和吳地風  
煙是處留邂逅相逢投贈處珊珊腰下出吳鉤

秋日同友人遊香山寺題來青軒用題韻

勝侶相携倚碧巔秋風蕭瑟動晴天平看黛色青  
冥近遙控關城紫氣連先轉歌聲方度澗扶疎樹  
影欲侵筵芳樽落處聞清梵猶恐塵緣被老禪

病小起懷友人

客邸蕭蕭耐榻餘幾週  
自躊躇翻從瘦骨支  
床後遙憶同心贈珮初  
當日馬卿偏病肺從來平  
子故愁書彈丸曾滿笑囊  
否何日窓前共卷舒

病後友人惠肉并和小詩疊韻酬之

懶慢相尋幾月餘  
忽傳相餉倍踟躇  
漫消情緒冰霜裏  
爲惜居諸伏臘初  
夢繞江鄉愁鴈度  
旌懸天外待魚書  
閑餘幸有嵇篇在  
取次披吟興轉舒

北征小車

卷本

五

大柳道中

東指淞陽僅一程  
蕭蕭物候變商聲  
驅車漸覺風塵逼  
登陟還看突兀平  
疲馬曉隨殘月度  
前旌尚映彩霞明  
更無攬轡狂歌興  
祇爲勞人憚遠征

淮陰題驛

爲向長淮問水郵  
征橈方發又旋留  
平原極望晴霞擁  
峻閣登臨爽氣浮  
萬井參差成鉅麗  
千艘輪挽屬咽喉  
最憂時事難籌  
惟憶知倚運籌

江上阻風步至蕭寺與友人言別

江頭歲宴恰行吟  
窈窕櫂居一徑深  
遠水潺湲悲寂寞  
征衣迢遞幾銷沉  
寒原有客同揮手  
雅調無門獻鼓琴  
最苦黯然分首後  
誰人能識隱淪心

黃河遠望

極望茫茫盪碧虛  
舟橫落日政愁余  
倒懸帆影聯千嶂  
湍瀉河流灌百渠  
霧裏空濛瞻泰岱  
林端滅沒障青徐  
天涯已斷南飛鴈  
爲趁風波任所如

北征小車

卷本

六

送友人應試

橫槊才名爾獨饒  
中原旗鼓壁高標  
雲間明月隨征棹  
海上長風駕晚潮  
佩取吳鉤刺水陸  
吟來郢曲度雲霄  
彤廷唱徹春應暮  
看取花前白玉鉤

寄友

重重海樹繫相思  
裁罷琅玕緘日晷  
移金谷不禁零露濕  
藥欄還喜碧筵滋  
芳春別去攀堤柳  
清夢頻來就草池  
偏惜幾番山水寒  
迢迢何處覓鍾期

雨過山行

平疇行盡衆山開，霧氣濛濛起碧隈。  
遠黛勻鋪嬌欲滴，高泉飛濺倒偏回。  
峰頭最喜車前出，驛騎何當雨後催。  
潦倒長途殘照裏，聊遲行李素芳罍。

亂山

諸峰迴繞出層霄，積翠浮空路左邀。  
晴日陰崖雲霧晚，來雲物燦霞綃。  
平岡浪勢高還伏，一徑煙橫盡更迢。  
莽莽山原連萬竈，幾家乘水插春苗。

綠楊古道

密密垂陰古驛傍，新蟬鳴徹樹青蒼。  
何年剪棘成周道，幾度攀條罄別觴。  
奕奕鳴珂輝廣陌，悠悠彈劍倚斜陽。  
暗傷不獨逢搖落，祇爲驅車欲斷腸。

夏日途中感懷

炎炎暑氣觸輕絃，盡日風塵聒劍鋌。  
憐我揮車登驛坂，羨人探句得驪珠。  
每懷紉佩聲如蕙，猶恐違時技類鼯。  
北望雲烟迷遠色，散言憂國在江湖。

其二

忙忙連朝按轡徐，未明物色驅征旒。  
星文照夜坡新鐫，樹影參天倚舊廬。  
入境漫云籌井牧，停驂閒自摘園蔬。  
郊東父老志鋤急，農圃生涯吾不如。

孟氏里

廟貌遺踪興百世，里門故址見三遷。  
丹墻挺峙平堤繞，峻宇嵒峩百雉連。  
古木濃陰鄒魯植，荒碑封

北行小車

卷九

八

臘後歸海上，故居將至龍華寺。  
水涵滯舟時聞岸次琵琶。

聞岸次琵琶

京塵馳逐暗吁嗟，殘臘方舟歸計賒。  
孤矢生涯愁歲杪，林塘春色映霜華。  
舸依古寺沙平岸，路指前洲月滿葭。  
時久雨始見月寂寞江干燈屢撥，不堪中夜奏琵琶。

琵琶

過齊

時與中流讀離騷

先齊勝樂海雲偏，幾坎低回駐錦驪。  
日暗樞樞迷

遠岫水漫鷗鷺立平田吊湘詞賦遙悲楚倚闌

關山朔控燕想像大風今是昔誰人吹律更譚天

入都

去歲茲辰出帝京今當稅駕聽遷鶯輕煙散霧迷

宮柳晴旭蒸霞繞禁城撲地郊廓三輔奏聯翩魏

闕五雲平東垂數日無烽警尚厯飛符屢索兵

早朝

商輅乍轉瑞光浮劍佩趨除列上頭閃閃羣鴉遑

七年小車

宋元

元

苑樹娟娟餘曉映城樓玉階羣擁仙班入金鑰方

聽曉漏收步出端門天欲曙隔垣猶見羽林稠

同應比部發昌平

携手平明出郭西平林衰草思淒淒光搖雲樹叅

差見望入峰巒戴葉齊九陌平塵連禁闕五陵佳

色護長隄登原攬轡同瞻望無限秋容逐馬蹄

西山

羣山環擁鬱嵯峨萬籟笙竽爽氣多驚栖不定翔

鳥鵲攀陟無依踐薜蘿浚谷玄陰蒙赤日翠微嘉  
樹靄芳阿銀河會見雙星聚此夕其如榮者何

獄署夜宿

秋暮敲砧徹旦聲何當入署聽宵鉦風搖棘木寒

逾厲月照園扉曉倍明半壁殘燈輝短燄小窻清

夢閱嚴更蕭蕭四顧啼號處旅客愁思詎可平

其二

肺石周遭竄鬼燐黃昏深鎖柝呼頻星河燦綠高

北征小車

卷九

元

旻遠狴獄沉沉永夜淪陰谷那能吹律煖重關還

共向隅隣天涯幽恨傳今夕對酒長歌未解羣

小齋夜集友人以詩見投用韻酬之

羈栖燕市喜相尋擊筑歌呼月色沉海內騷壇疇

並駕天涯浪跡幾知音坐來冰雪談猶劇興入煙

霞癖轉深剩有詩篇堪寄傲迢迢清夜共開襟

遊淨業寺蓮華池亭用壁間韻

垂楊堤畔野鷗飛烟水空濛欲濕衣曲徑縈紆看

展滿斜扉款啟候僧歸遙瞻雉堞當筵接漫憶真  
鱸故國肥倚徙湖南殘照裏幾回嘯咏思依依

癸亥秋再過大柳用前韻

回望川原數去程滿堤黃葉自聲聲露溥淮樹砧  
逾急馬首淙關嶺未平別夢每隨江水斷輕輶還  
逐月華明三年京國遊方倦幾度牢騷寄遠征

薄暮山行

雲山重疊望蒼茫一帶寒鴉噪夕陽徑入曉巖懸  
北征小草 卷九 十一

鳥道峰回溪壑似滄浪松風自協清商鎖關月渾  
鋪萬里霜咫尺金陵瞻王氣旁皇搔首露濡裳

入徐

行盡鄒滕接古淮連山陰霧卷黃埃秋鳴簇鳥登  
新樓蔓長荒蒿掩舊臺萬屋輪將方肘露三年征  
調幾人回征途况復逢搖落強笑呼樽鬱未開

旅中北窓

新秋間日坐幽窓遠閣疎櫺貯曉光南國湖山遙

入夢西風几簾迥迎涼斜籠樹色蟬嘶急暗襲泥  
香燕度忙不事索居清俗慮祇憑高枕晤羲皇

早秋

雨過蒼筠濕未收不禁寥慄動羈愁詎云周道平  
猶砥礪覺纖趨曲類鈎逐客蕭蕭霜點鬢農人穰  
穰稻無秋故山繞徑清音在彈劍歸來足滯留

山齋

草玄亭子跨沮洳小隱從來嗜索居洞壑遙連幽  
北征小草 卷九 十二

徑竹雲林匝繞素床書添秋懶着登高凝過雨時  
呼選勝輿佇立芳原舒遠目好風淅淅自吹裾

九日

倚徙晴峰落照遲幾回鴈詠摘芳籬風迴澗壑涼  
侵席霜破橙柑潤滿枝青黛似迎高士屐黃花偏  
映故人卮長安此日成高會渺渺江湖獨夢思

齋頭小集用錢子來韻

幾番栽樹做玄都坐列名賢野服俱興到靡漫消



玉漏悲來慷慨碎銅壺名題惟石情非癖調絕陽  
春和豈孤自是新病偏杖策不關酩酊倩人扶

晴後晚次滁州復值甚雨

爲喜雲開露早暎那堪江漢注平原屯遼廣陌沾  
泥滑半落征衫着雨痕浪溢龍湫騰紫氣燈明禪  
院鎖黃昏重經醉叟登臨處游屐續紛想像存

友人郊園宴集

汗漫相期出郭遲開筵亭畔苦炎吹縱橫鳥履花  
堪征小草

卷九

十三

粘席宛轉闌干酒映池燕翅掠簷看拂拂柳條牽  
暮故絲絲習家最擅林泉勝不必釣天亦解願

其二

從容把臂入林遲炎日欣茲颼颼吹花柳澤蘭蕙  
曲渚短蒲新荇雜華池共傳平子多書癖轉託安  
仁有髮絲急管行杯人劇醉困餘倚徙更支頤

大柳道中次前韻

入夏奔馳懶計程流鶯啼老尚聲聲南中索賦期

偏急北塞傳烽警未平斧削懸崖綠壑轉沙懸落  
日照峰明山棲無復狼居志漫挾柔弧更北征

過滕見刈麥

行過當日井田境被畝油油麥已嘉往歲旱蝗成  
地坼經春雨濕足汗邪芳原樹迴迷蒼靄晴日嵐  
高吐紫霞曠望平疇悲滿目亂餘豐穰有誰家

再過孟氏里

鄒邑時爲蓮妖所破  
孟博士某以身殉之

遺址巋然古術傍松杉鬱鬱覆官牆縱橫謀國里  
北征小草

卷九

十四

時主仁義匡時祖素王光燄耀天文苑在于戈動  
地檄書忙後人賸著睢陽烈慷慨捐糜奕葉芳

度河

漠漠黃埃擁百鄜長河水勢挾天連秋風乍冷斂  
人室暮雨方歸洛客船乘傳覓旌旆呼渡夕泛艤星  
使問津年平明促發橫波濶何日征幘倚日邊

春日赴王氏橫塘之約登高遠眺

勝日嘉林傍水湄呆愚習習動輕颺嚶鳴出谷鶯

齊縷裊動臨塘柳半絲長竹芳春金錯贈小樓清  
畫玉笙吹羣游倚徙憑高檻滿地蘼蕪入酒卮

其二

縹緲臨流遠岫連同倚嘯牙陟層巔風塵四障烟  
迷谷雨潤三春柳映鄆曲調流靡聲緩緩舞裳飄  
拂態僂僂主人遯客移舟埃明月江干共往還

虎阜後蘭若方丈最爲幽勝入跡罕至留宿

數日漫咏四首

北征小車

米石

十五

蘭若常依斷石隈柴扉盡鎖閉莓苔捫崖看碣  
雲文動擊鉢呼龍毒霧回雄劒袖來天地割彈丸  
就竿樽開鹿游自合招真隱鼓缶狂歌擁草萊

其二

登高命侶趁初晴無奈淫霖向晚傾曉松陰蒼  
蘚滑紆迴溪路碧流清非因避世依禪寂祇爲開  
襟散酒醒挾飯圍蔬供客餉山僧自是解逢迎

其三

一山幽勝數南楹最壁背蘿亂紫莖的皪舒葩輝  
澗谷丁嚶吹簫韻簫笙莊生漫有觀濠興曼倩原  
無翫世情卜夜清言銷俗況推蓬開罅影參橫  
微見月色

其四

寂寞齋頭夢未平旋聞谷口嘯新鶯冥濛塔影連  
山影滴瀝泉聲落雨聲樹杪猿窺僧演法庭除雅  
擾客飛航田疇春及勸農事更倚西窓開旅耕

北征小車

米石

十六

早發克甫

離離麥秀長方炎逆旅鵬栖越宿淹疲馬披星風  
尚厲征袍挹露日將暹陽春愧乏鄂人詞刈獲應  
符太史占荏苒征途風物變不禁題識遍霜縑

友人齋中梅花

風雨乘春吏人宵衝集梅蕊繁芳條度來曲譜傳  
羌笛凭罷觀欄試楚腰微地火霜肌自瘦捲簾庭  
院靄應銷新痕雅調誰稱最未許巴人漫續貂

大柳道中次前韻

詩聞笛聲

簡書期會苦兼程忽聽幽人笛裏聲  
隘道重攀秋練迥山城東指暮雲平  
憂深鴈塞腸元熱看盡霜花眼倍明  
自信孤踪無侶伴敢辭蹇蹇事徂征

山行

寒日看山景正凄夕陽衰草望邊迷  
黃沙連卷風雲上氣紫迴遭殿閣西  
殘剝堊墻隋代苑離迷蒼樹漢家隄  
停驂久向高原竚哀鴈嗷嗷逐伴栖

北征小草

卷九

十七

聞駕幸西苑

蕭鼓喧闐上苑春翠華臨幸呼聲頻  
龍旂繡幔搖山色盡舫蘭橈漾水濱  
轉到御園調禁旅似聞整鼓憶邊臣  
莫道逸游非盛事明年天子肅明禋  
與客譚檢關事愴然有感

關外生靈半已空頻年謀國總無功  
胡風颯颯飛沙磧燐火熒熒草萊止  
有涕流堪續賈愧無纓繫可方終遼陽  
塊土今孤注莫競虛譚且詰戎

期友人不赴

與爾相邀信宿期忽傳來約復參差  
霜華凝白迷前渚霞彩蒸黃罩古脾耳  
熱歌呼悲獨醉心懸倚徙恨詞饑荆扉  
敗望吳天杳知是玄亭有問奇

長安九日

鄉園未把新茱葉帝里萬傾濁酒杯  
嶂嶺彌天霜早白風波徹地翅應垂  
自慚維鵜懷初服漫數征鴻悵舊臺  
爲擬登高聊作賦侵尋幽思入蕪萊

北征小草

卷九

十八

報國寺古松

梵宇中庭兩古松倚簷夾砌垂陰濃  
千年化鶴巢在頂半夜哀猿聲繞峰  
天矯喬枝不盈仞扶疎老幹俱成龍  
何年手植茲靈異大夫久矣誇秦封  
途次值友人率爾言別

城隅遙睇見滄州把手今朝識故游  
宵靜雲開觀月榭秋高星聚望江樓  
桑榆浪擲渾無寐霜露時沾只解愁  
浩汗相逢同作客天南君自把魚鈎

詬王生困游

孽孽足蘭天涯累落落囊空故里愁貧士不須營  
負郭高人祇可狎盟鷗壺中那問寰中業藿食匪  
兼肉食謀切勿浪游君憶否還期同卧碧雲頭

趙徵士山莊

結廬山側擁平村揮灑蘭亭小隱存路入巍崖看  
龍嵒池疏飛瀑激潺湲駢車花下穿畦度急管樽  
前按曲翻春去更稀高士駕野雲寂寂鎖柴門

北征小車

卷九

十九

贈陳子

初時譚道共探求揮手茫茫幾換秋惟子中年能  
領悟那知白髮更淹留風塵暗裏銷雄骨法界由  
來幻泡漚識得苑枯同轂轉縱經坑塹也優游

卧龍岡

長吟抱膝豈無能龍卧岡前一壑泓逐鹿中原傷  
滿目采薇深谷憤填膺兵符八陣藏金匱王佐千  
秋閉添燈祇爲分三規已就虛却當年竭股肱

至江駐古寺呼渡

渡頭東倚法王宮嘹唳洲前集塞鴻歲暮奄奄輝  
短景寒迺瑟瑟驟悲風長江天塹穹隆接吳甸霜  
嵐鬣颺空下馬回看淮北道頻年馳騁鬢猶鬢

酬王子見寄次來韻

曾於燕市識嘉名海內騷壇幾並衡彩筆舒葩供  
紉佩銛鈎淬鏐伴孤行標題攬盡三秋色緘寄懸  
知萬里情何日跨鞍重抱鋏徑從。北闕請長纓

北征小車

卷九

二十

寒山古道

落落寒山黛色勻輕輶云邁復經旬凍花照水垂  
垂白古木迎春冉冉新代鼓鳴鉦催徹曉岸煙汀  
月澹隨人東方千騎驅長術愧我勞勞逐後塵

山中早春

試着輕綈澗道遊餘寒臘後轉疑秋楸林時雨沾  
常潤石瀨清湍咽不流舳舨倚江干莎草曲柳搖城  
北戍樓頭無端一度篴篥引吹微幽人逸興道

其二

春明結宇傍江臯，獵獵東風逐晚濤。  
調語燕鶯音正澀，不言桃李事還韜。  
雪空梁苑融泥濕，月弄吳隄浸樹高。  
願我閒來新學釣，低回澤畔首應搔。

大夫松用驛壁韻

挺植森然古大夫，千秋泰岱閱靈符。  
當年并詔先疏爵，後代蒼藤漫作徒。  
苔蘚封殘巖自老，風霜飽歷幹應枯。  
羸秦作法非師古，七十餘君有是無。

北征小集

卷七

三

行次景州

句來趨走自燕關，逆旅壺餐偶獲閒。  
隄算徑花看並媚，閒雲野鶴自孤還。  
披離日久音塵杳，絡繹年來調發艱。  
宛轉悶餘聊托憇，新條入手未應攀。

行次徐州驛子導余宿敗屋中不蔽風雨次

日風息方得引渡

潦倒今年作困游，何當委巷竟羈留。  
彭城百雉連河迥，岸驛平隄挾鯨浮。  
浪靜琉璃時堪引，渡帆張沙

側向中流旗亭供帳，今寥落幾具惟餘牛馬渡。

寄友

文采誇君紉杜蘅，經秋別去物華更。  
庭中叢桂催樽酒，天外孤鴻憶友生。  
擊劍俠徒盟乍冷，論詩騷苑敵稱勗。  
魚緘擲去滄波畔，歲杪班荆屬有程。

長安春日

谷口行春障野煙，征衫憔悴試輕便。  
夢繁細雨迷江國，花發重巖繞石泉。  
萍梗生涯驚易老，桑蓬舊業恨堪憐。  
王孫幾度虛芳草，漫憶天南轉杜鵑。

北征小集

卷九

三

宿驛亭

鬢髮蕭然聽曉砧，晨興曙色散平林。  
新疴每向羈愁入，舊憶偏從旅夢侵。  
剝有寒山歸徹素，恨無流水韻鳴琴。  
晴雲漠漠驅車早，遙盼家園閉遠岑。

元日復過黃山人寓

半畝蕭疎蔓短葭，首春酬和屬天涯。  
凄其我獨憐冰雪，淪落君仍佩錦綵游。  
子萍踪方歲換，高人霜

鬢亦年華風塵滿目長安道日月居諸暗自嗟

次滁陽

行至寒山曉發候翻如春日氣融時縉蠻嬌向深  
枝語駘蕩薰從廣陌吹芳草清樽七首劃夕陽蕭  
寺魯靈巋山城最苦無行侶獨竚誰磨折柳詞

旅宿

經旬不雨猶衝霧鎮日無風亦峭寒沙底白鷗依  
渚晚山中蒼隼啄冰殘脂車秣馬征途憊投轄有

其征小草

卷九

三

杯信宿歡月照蘆洲郵館寂酒壚聊當故鄉看

冬日山居

奄忽流光暗地侵幾回林外聽霜禽淅江霏雨橫  
波渡斜日斷山倚柱吟牢落渾如沾漶絮堅貞還  
厚裹綿針歲寒招隱耽雲卧茅宇柴扉結徑深

其二

蕭蕭盡靜狎魚龍望望門前百尺峰剝啄無聲披  
竹素棲遲有願剪蓬蒿荷衣冷幾凋霞色蒼釣隱


垂渤瀚崧峯地勢高寒雲出岫嘯歌俯仰獨春容

北征小草卷十

東吳張泰階爰

七言律詩

移寓與王子隣賦贈



數載勞勞混旅塵空齋寥落酒愁新  
漫同黃鳥偏求友不是青山亦作隣  
我滯天涯悲儲侗爾營生事轉因  
循據梧試向東垣聽彷彿籌邊愴  
歎頻再過大柳早發期前減韻時  
將赴上黨

北征小草

卷一

早發滁西暗計程隔林迴聽轆轤聲  
分符轉憶雲衣澹叱𦍋難令鶴怨平  
殘角每隨杯酒劇繁星猶傍旅燈明  
蕭然拂劍盤山畔嘹唳孤鳴伴客征  
晚行至會亭驛  
毫都南望暝煙橫習習風飄五輛輕  
霄濶迴瞻龍劍氣夜闌側聽鳳簫聲  
關河三晉看逾邈豺虎中原迄未平  
昏旦揮聲行色憊年來意氣愧幽并  
薄暮將抵葵丘驛大風揚沙馬不得前

晴原忽地起狂飈遠道衝寒着短襪  
殘日驅車却復爾迷塵捲旆欲何之  
芳菲未是花飛候牢落恒攄折柳詞  
黯結從來游子况何當風物更淒其

齋中早秋

庭樾垂陰嘒鵲鵲輕颺入幕聽  
颼颼開軒偃臥憑書枕侶客狂譚  
撇酒籌几簞渾消南國暑橘柚延  
人洞庭秋頻年作客蕪三徑剝  
薛殘緞總未收花朝後五日行至  
杞縣見驛壁有吳明卿先

北征小草

卷十

生花朝之作次韻

風雪連朝未見花梁園空自閉  
韶華清樽潦倒呼誰共瘠馬趨  
起漫獨嗟着敝征衣還杖策悶  
餘彈鈇轉思家重煙四合鳥飛盡  
裊娜東風拂柳斜

過汴梁

環河千堞望蒼茫駐馬踟躕恨夕陽  
宋社久墟今雉兔梁園全盛昔文章  
城頭歷亂栖歸鴈旅底蕭疎秀野  
棠最苦北邙沙草暮熒熒燐火燒  
青楊

再遊香山寺來青軒見往歲題詠次韻時聞

柳河之警

秋深有約陟巍巔狂吹驚沙動遠天榆塞孤懸嗟  
逼仄柳河新敗懼勾連翠華當日登高地朱綬今  
朝覽勝遊無限憂危頻歎息不禁傾倒復逃禪

長平懷古

東接長平悵廢墟長楊繫馬倍趑趄秦人左計坑  
降卒趙括迂譚讀父書白骨黃沙千載恨滄煙疎

北征小草

卷十

三

柳數圍紆空邨遠聯追前事漠漠荒隄骨簡簪

銅鞮道中

春山晴日鏡中看征袂輕沾曙色寒遊戲風塵簾  
正捲盤桓泥坂路仍難遙岑疊浪連霄迥野徑幽  
芳點澗殘回首夕陽孤館夕遠人長憶恨漫漫

淮南懷古

劉安好道總無功方術迂疎誤若翁日暮商聲羌  
笛裏煙消廢址枳枳東狂謀絕命傷任被丹藥還

童笑八公遍地青燕迷迷目傷心千里逐征鴻

冬日

三旬臥病凍猶數午睡初醒日未曛子墨久虛京  
國賦南軒欣見故園枌蕭蕭霜鬢隨流晷兀兀松  
牕坐白雲轉眼臘殘愁底事風塵偏逐歲華殷

過舅犯故里

惆悵當年霸業墟野邨猶識晉卿居長林紫帶禽  
方哺燕徑丰茸凍未舒乍起驚風搖落木新晴芳

北征小草

卷十

四

陌度香車雄圖灰冷空嗟在草畔依然有揭漿

度水

朝來引渡白溝西曠視平蕪綠葉萋晉地霜鍾山  
外微鄉關煙雨樹中迷沙飛幾度沾柔幕馬怯還  
由惜障泥瑣尾無心來濟勝那堪峻嶺更犂蹄

旗舍

徙倚空林落照斜染園賓從未須誇杵砧嫋嫋風  
侵幕齋閣重重露濕花短幕愁牽游子夢清秋蒸



滿故山霞寂寥幽思憑誰語極眺城南舞亂鴉

晉源道中

綠楊隄左駐輕輶殿殿峰頭拂怒嵐負俗孔融來  
泛酒思家王粲獨登樓旌開影動喧栖鳥路僻村  
稀起突穠西土經年憂旱魃何時甘澍潤枯鰥

晉源祠觀泉用文太清韻

晉陽倚塞連沙磧何處泉源向客清憑檻驚看奔  
峽瀉逗崖疑抱匣琴鳴嶺前春鳥晴猶語祠畔幽  
北征小車 卷十 五

開泥驛道中

羣峰如削望嵒嵒嵒嵒殘陽半蔽虧水激輶輪懸  
抱甕旗搖旂旄壯登陴童崖疊徑凡千轉瞑霧街  
巔又一奇一綫斜通疑鳥道登臨纔覺世途崎

邊城春暮

江南三月絮將飛晉地春殘綠尚微紫塞未應諱  
爛熳碧油聊許對芳菲依遲磧岸迷蒼藹容與山

原送落暉夜半鳴笳連曉角南來驛使八行稀

齊中野望

飛幕高褰攬綠柔輕輶尚擬詰朝遊齊頭寥落初  
開徑壑底澄泓向浴鵝花發倚簷迎曉日煙霏隨  
雨度芳洲幽棲轉眼韶華暮縹緲疑看十三樓

夏日劉別駕邀飲葵園適宗室有詩見投用

韻爲答

東園曠侶弄晴天閒好俄驚物外篇何處綺琴留

北征小車 卷十 本

洞壁幾回瑤席映池蓮無心懶就登高賦有約時  
追濟勝筵城市不須招石隱英僚入幕喜聯翩

其二

涼風颯颯動炎天投贈何當白雪篇矯首流雲瞻  
紫鶩開襟芳沼濯青蓮清音縈繞全消暑濃樾參  
差半拂筵尚想王孫饒勝槩於今濁世許翩翩

行次潤州

帆檣渺渺大江開旅客初從日下同凝望雙峰瓜

渡側長驅五馬甕城隈  
總機向與江臨狎遠役翻  
教漢叟猜落葉蕭疎霜寺古  
六朝遺事鎖蒼苔

秦中

批險舊稱秦四塞入關曾約漢三章  
峰回河曲高城迥路指蒲西  
四牡驤彩鳳清簫還聞寂金人石  
馬漫銀鑾東來紫氣今應滿  
吊古低徊露濕鳴

汾水

湯湯汾水瀉長隄  
征旆綠山拂綠樓荷製衣裳春

北征小車

卷十

七

尚冷雲迷嶂嶺暮方霽  
天垂法象疑虧北地扼洪  
濟獨倒西山勢傍城雲欲壓  
風前搔首劍空拂

靈石道中用韓愈題韻

試看靈石出清泉  
揮馭茫茫走塞垣霜角頻催南

浦夢星軺直指北  
荒煙暗搖柳陌飄千縷  
瀑入汾

流漲百川日暮馳驅憐喘汗  
憑高舒望朔雲連

春遊

勝日林塘淑景新  
波光涵樹影繡纈翻飛社燕  
銜

香膩髣髴流霞點絳勾  
畫艇燭殘絃管夕中洲  
莎拂柳梅春懸帆遠放蒼龍  
塢山水由來屬晴人

憶昔

咎年曾向雪江頭  
兩月偏無一字留  
撼地狂波來草澤  
淵天昏霧起戈矛青山坐對  
三春雨紫萼飛殘百尺樓  
最愛休文吟詠地因游未許  
作并州

聞喜公署中見有文太史石刻  
凡作四亭覆

之

北征小車

卷十

八

凍水清霜澈且零  
忽從增畔識碑銘  
百年茂苑傷凋謝  
何處芳亭尚典刑  
正始詞章元什襲  
從來呵護屬幽靈  
淋漓讀罷愁行役  
整轡回看鶴刷翎

雨後過沁水用壁間題韻

嶂嶺重遮古戍樓  
柳條霏拂照星眸  
孤城繚繞依

山峙密樹參差著  
雨幽澗澗早看人競渡  
林穿晴

竹鹿群游西來爽  
致頻瞻眺落落晨霞弄碧洲

上黨早秋

大火西流暑乍清  
雲山坐擁值新晴  
劍橫夜動星文影  
暑冷朝披木葉聲  
尚慕淮南稱臥治  
敢云其北倚長城  
涼颼吹幕征衣換  
驥首於今歎伏衡

其二

金井疎桐綠未凋  
數林新曉恍聞韶  
閒庭忽報千閨杳  
旅客初停萬里輶  
眼底風煙驚莽在  
胸中丘壑總牢騷  
一枝似協鶴栖意  
役役吾慙大隱招  
王生壁間有煙霞  
卷句余爲綴成之

北征小車

卷十

九

周遊廿稔飽京塵  
白髮憐君意氣真  
湖海故隨瀟灑  
秦煙霞偏屬倦游人  
荒園久換屏山硯  
折角空傳達士巾  
放浪春來多捉筆  
小亭日日草玄頻

山行酬李處士

沙頭踽步客情微  
寸磬街觴駐曉機  
桃葉侵簾含淺綠  
風條依陌蕩輕颼  
辨非韓子偏孤憤  
藻豈楊雄漫解嘲  
喜值高人深澗底  
臨流偃蹇效由巢

晚行逢驕從

平沙渺漠月重昏  
小晚新衙度暗塵  
北極五雲輝落日  
東方千騎走平村  
低窺屢詫孫升木  
株守還嗟風處禪  
杯酒不堪澆客况  
峯芳亭畔坐黃昏

徐州訪燕子樓舊址

當年節鉞鎮稱雄  
燕子低飛繞畫櫺  
漫羨庾樓明月在  
堪憐秦邸玉簫空  
春衣花撲崩沙曲  
暮雨鞭催廢堞東  
無限徘徊生舊憶  
驛頭官樹正蒙叢

中秋節前四日苦雨用盤峯宗室韻

北征小車

卷十

十

看來曉曉鏡光收  
把酒曾無風管游  
薄暮哀鴻催鼓角  
兼旬滴雨韻歌謳  
登山故是江東屐  
卷幔平分冀北秋  
吟眺不禁商吹滿  
空林寂寂庾公樓

其二

風靄當空渾不收  
良宵未許鏡中游  
扶疎暗弄簾隅影  
欸乃遙傳野外謳  
高檻卷舒千尺練  
玄亭揮灑一簾秋  
旬來素牘稱稀簡  
清嘯時登最上樓  
中秋節前二日劉秦來別駕邀飲城南李氏

園亭不見月

風雨初收景尚沉層臺迤邐對高岑  
菱荷香滿當風散絲管聲消竟久陰  
看到黃花吟興劇坐餘蒼澗酒情深  
同游共擬登天柱咫尺清光未可尋

十六夜翫月

乘月登陴作勝游蕭森恰似故園秋  
岡巒迴轉環千疊身世浮沈寄幾漚  
曲曲高欄人倚笛深深稠樹露沾夷  
天涯信美偏愁絕悵惘停杯問女牛

北征八草

卷十

七

長子公晷夜宿

孤館荒城夜未央滿林蕭瑟總清商  
簾櫳映月連繁照庭院經秋徹單涼  
渺渺煙波南去夢珊珊瑤佩北來裝  
南郊車馬方馳驟此地清虛別有鄉

其二

廢卷殘燈繞曲屏哀蛩切切那堪聽  
因循未嚼鮓英味偃蹇空拂匣劍冷  
馳走沾霜蓬髮換寤歎一聲酒杯醒  
餘餘餘餘餘餘餘餘餘餘餘餘餘餘

九日宗室盤峯送酒并贈以詩用來韻

涼氛裊裊盪秋空四望氤氲黛色同  
黃菊當年賈媼白衣勝事壓陶公  
坐深臺榭凝煙紫凋盡楓楸墜葉紅  
着屐翻嗟登陟苦山農指點說時豐

九月六日登德風亭

細雨輕颺繞北垞逡巡涼影忽中庭  
素練題壁唐皇藻片碣當楹潞子銘  
披讀苦從登陟共調砧愁向寂寥聽  
漫嗟趨走秋逾劇轉羨飛鴻入杳冥

北征小草

卷十

七

九月同劉別駕復赴長子

有客連鑣驟遠村暗嗟潦倒更狂奔  
霜殘秋壠禾沾濕山屋晴原鳥弄喧  
野徑菊舒花欲灑高齋樽綠語溫存  
歸來明月空塔遍獨有猴猿解應門

長至前五日作書寄家

微陽蕭樹渺煙洲離索彌年悵風游  
塵暗古臺殘葉滿線添長陸彩霞流  
淒風撲面寒逾勁迥景驚心晚獨愁  
最恨高堂米不足自來消走馬看山

過稅亭驛

高樹當庭日欲曛疎風斜月盪秋空郡把酒紛  
搖落野寺燒燈散苾苾流水忽隨征旆盡斷崖遙  
向小隄分彩波天上逢茲夕杵嚮千家客思殷

宿香爐鎮

車馬風塵逼夜闌幾重黃葉擁巍巒爐灰撥盡林  
垆曉細帙披殘几簟寒墮指似沾胡地雪彈冠猶  
識漢時官今朝攬鏡驚絲鬢落落青衫濕露團

北在小車

卷十

七

從汾州還再宿香爐鎮時修寄鄉人

倉忙行李政宵奔投托羣驚客款門雲嶺參差酒  
暝樹霜鐘杳渺度疎村并州寥落蔬堪剪旅邸將  
迎席尚溫據案裁絨頻點綴爲籌鄉井暫停樽

早發開水聲

淙淙深澗激鳴湍疲馬間關度石灘雪壓蘆花垂  
澗白風催楓葉傷崖丹憂危引領京華道流滯傷  
心太史宿巖巖破屋寒征鴻背折路尤難

九月十六日清濟郡飲西園用韻

賢王雄藻動星垣譙集西堂大雅存偃蹇故應懸  
劇郡追攀端喜入名園歌殘白雪香盈幕覽過黃  
林酒泛樽聖世治安資夾輔芳筵餘瀝總深恩  
遊栗氏園遙望城頭有梳妝看花二樓卽擬

登眺以日暮不果

古堞崔嵬俯百鄣雙樓雄峙尚巋然遙開小花孤  
雲入望極寒山病渴還勞髣髴漱清澗臨臨依稀花

北在小車

卷十

七

尋夾城連朱登百尺空惆悵渺漠予卽鎖暮烟

北征小草卷十一

東吳張泰階爰平甫著

七言律詩

夜發

匆匆旅館聽宵鉦，朔氣橫吹繞使旌。  
僕御喧喧占夜發，星河潏潏值寒晴。  
嵐煙封斷千峯杳，匣劍裝殘百兩輕。  
微旦奔馳忘解帶，胸中湖海倍難平。

贈友人左遷

北征小草

卷十一

十年河岳氣仍豪，風管知君有佩刀。  
奏對莫誇凌賈董，刑名端許亞蕭曹。  
長安日近單車邁，海嶠風高萬木號。  
失馬故須還遠塞，天生雄骨豈蓬蒿。

丙寅除日

春入殘年色未蒼，自憐僊蹇臥淮陽。  
驚心老大征衫換，刺眼風塵決歲狂。  
斜日劃腮雙鳥雀，冷雲堆樹獨冰霜。  
天涯吏隱愁逢節，落落辛盤共客嘗。

丁卯二月值余初度錢子以詩見贈用韻酬

之

湖海情懷老遠逢，登臺南指白雲封。  
每愁四十青袍在，浪語三千綠樹濃。  
城外野山環入望，花間游屐儼相從。  
最傷急景簷隅度，聽罷晨鷄復暮鐘。

其二

誰說蕭曹伯仲間，形神潦倒只癡頑。  
羨君白雪成稀和，憐我蒼顏許共攀。  
自矢餘生依北極，還欣別業跨東山。  
高亭倚徙芳菲遍，那有片砂可駐顏。

北征小草

卷十一

飲玉瀾諸宗室園亭時牡丹盛開

才名伯仲竝雍容，酬和經時恰乍逢。  
驚乘那須煩折柬，明珠豈敢問驪龍。  
竹林把臂論交澹，金谷看花挾酒濃。  
簾外國香披滿座，坐深幽徑碧苔封。

其二

空原芳草綠蒙茸，喜值王孫結駟重。  
晚去烟光堪着眼，度殘歌管更扶筇。  
風前月淺迷高檻，天外雲橫隱數峰。  
閱盡衰榮顏面變，猶聞南陌已聞鐘。

齋居次盤峰來韻

齋居盡日鎖顏顏自歎萍踪未許閒問俗尚仍唐  
晉舊臨池偏邇永和遺塲畦繞屋蔬堪刈塵土摧  
人鬢欲班風雅羨君稱絕調頻從巾舄共追攀

至高都遊朱茂才園亭茂才贈詩次韻爲荅  
林泉過雨色霏霏竹影蕭森落照微眼底雲山堪  
騁望尊前琪樹總生輝爲尋禪事携鶯友好向清  
流浣蒔衣濠上風煙應不減王孫况復走珠璣

北征小草

卷十一

主

朱茂才家園碧輪池次郡司馬王君韻

夏日芳林草草亭涼絕過聞香潺湲古澗凝  
松籟灼爍新藻奪曙光艷質自來分太液幽襟兼  
許寄滄浪乍逢濠濮偏留賞矧有高歌促羽觴

夏日同郡僚遊栗氏園亭

栗園門徑甚狹遊客罕至

爲尋幽勝漫携樽門巷居然野鹿蹲遙睨雙樓憑  
雉堞暫容五馬駐平原向無白雪凌雲際忽見蒼  
苔點履痕歌嘯盤桓賓從滿曲欄清治坐黃昏

秋日邀盤峯諸昆季共飲古勝園盤峰有詩

見投用韻酬之

涼颼瑟瑟散塵襟高士停驂勝日尋天外晴嵐千  
點黛齋頭高翠幾層陰塲麓伯仲情彌洽舄履縱  
橫夜向深尚想入林風軌在清言恰合素交心

入觀宿南關驛寄盤峰宗室

匆匆行李日邊催滿地黃埃冒草萊雕繪山川重  
入眼玄冥風物自登臺當年長劍思還壯千里征

北征小草

卷十一

四

鞍日向頽尚憶王孫投贈處從容惜別共啣杯

冬日送友人南遊

慘澹江梅凍未花王孫轉盼復天涯日南珠媚輝  
晴浦蠻地煙迷走客艤彈劍漫驚風物異推篷已  
覺柳陰斜鱸魚故國今方美歸計應知隔歲華

過井涇有感時值微雪

天險何年創此關幾重樓櫓白雲間徘徊欲向楓  
林宿登陟翻從鳥道攀雪卷蒙茸千嶂杳城連煙



火萬家環左車當日空籌策坐使淮陰斬將還

暇日郊居值榆關索兵

偶謝塵韉綠水濱暗歌三室總蘭芬芳洲白鷺喧  
偏浴孤嶠橫雲晚更氤冉冉征旛飛紫陌鳴鳴長  
蓬弄晴曛忽逢京國南來使爲索三千虎豹羣

夏日送別

小池亭館晝生涼兀坐移時更促裝駿足駢駢方  
踏蹀躞聲聲響總宮商沙塵四塞遂征旆鳥道差  
北征八車 卷十一

池背夕陽驪唱不堪頻送遠北原揮手思茫茫

答友人寄贈

鄉心千里逐征蓬忽尋魚緘驛使通風雪不禁迷  
倦眼行藏那復問衰翁月明沙磧征袍冷鴈向雲  
間吾道東展罷瑤箋天欲暮幾回庭際影瞳矐  
至上谷宿十六院值王氏兄弟招飲

鼓角嚴城漏未央相期斗酒共徜徉霜寒夜柝空  
蕭寺月掛東床已醉鄉河朔馬裘今冷故三難風

雅自鏗鏘不禁席杪囑歌動別緒偏紫子夜長

入覲至涿鹿觀黃帝殪蚩尤處時丁太守云

中途有警怖甚相約偕發詢之知爲榆關

戍卒也

朔鴈驚沙動客悲陣雲猶自鎖旌旗軒轅自管稱  
神武妖孽何須挾雨師漫道綠林傳警急實緣東  
戍出關遲京華相距才三舍擊節歌呼屬有期

入覲後復抵潞陽展舊藏圖書有感

北征八車 卷十一

六

幾年汲叟尚淮陽漫憶春明客底觴滿路山川新  
物色一泓煙水舊綠湘論材自管稱薪積閱世於  
今恥木僵換却征衣春向晚夜來幽夢入瀟湘

趙州贈顧生時顧生新任州倅

鬱鬱林間靄暮霏驚沙蕩漾欲侵衣半通出牧雲  
隨馬信宿留賓鶴效屏覓得碑銘瓊作贈銘陳杯  
竿露應睇虎頭莫道真疑絕兩地神明漢代稀

送客



長風浩浩拂汀洲，沽客投南試遠遊。  
微地瘴煙衝嶺樹，經春風雨暗江樓。  
脂車正好芳菲暮，歸路應逢菡萏秋。  
最苦瞿唐如象馬，行藏踪跡問東流。

三宿香爐鎮

汾水津邊舊往還，三年遊歷景依然。  
幾回驛路城頭望，滿道風煙冀北連。  
寒食正逢嘉節暮，孤郵仍鎖物華妍。  
江亭寥落人何在，聽雨迢迢夜未眠。

宿晉祠

北征小草

卷十二

七

晉源南畔水生涼，架壑緣崖峙草堂。  
屏障故迎秋氣爽，峽泉初逗曉林蒼。  
非緣飲馬停河曲，偶爲聽蟬倚夕陽。  
閒遍標題重賦詠，那堪堤樹盡清商。

春閨

王孫流浪落天涯，新草萋萋迄未家。  
鎮日瑣牕銷遠黛，入春幽夢逐浮槎。  
長征胡鴈沙連塞，乍發江梅雨濕花。  
獨上高樓看柳陌，那能長綰繫韶華。

春日陪吳學憲遊五龍山

五龍嘉勝雄天黨，春暮追陪此再遊。  
丹壑停雲邀憲節，翠微落日映重樓。  
夜闌馬駐千峯外，酒罷歌殘九陌頭。  
吟嘯不嫌貧從滿，諮詢偏切廟廊憂。

其二

使君修禊訪巖阿，此日空林繡牙過。  
爲慕東山青黛好，漫呼北海綠樽多。  
高岡向有巢松鶴，野徑今懸梟壁蘿。  
晏坐盤桓探水杪，依稀天際出笙歌。

古驛

北征小草

卷十二

八

古驛依山萬樹稠，林隅風起聽颼颼。  
鳩聲斷續頻呼雨，燕翅差池晚度樓。  
曲檻野芳堪獨酌，空牀伏枕發清謳。  
試看柳色今如許，應換當年黑敝裘。

喜客

年來江上試荷衣，有客乘舸到竹扉。  
簇徑野芳春冉冉，窺簾遊蝶暮依依。  
茅齋久絕朱門履，甕牖才容白日暉。  
相晤微言參物外，豈徒斗酒釋調饑。

賦得我愛夏日長

路陽署中

夏日奄奄午膳侵蕭然亭館望東岑孤城風滿肌  
忘暑長陌蟬嘶晝結陰那有煙霞供獨嘯僅餘細  
卷伴高吟無端喘汗目披牘不似山中歲月深

入月十四至長子值晴悵然有憶

積雨秋深冷翠微忽瞻天外散清暉枝翻天矯還

驚鵲露下空濛半濕衣客歲幾從漳曲駐

去歲是日亦駐

長子今宵端擬鏡中歸關山滿地徒回首何處蘆洲  
有釣磯

北征小直

卷十一

九

又過香爐鎮

夏日玄堂靜掩扉滿原疎樹綠方肥官庖總是盤  
餐舊古碣驚看鳥跡非獨夜短檠供病客三年長  
缺敝征衣香爐已自煙銷盡惆悵勞人未息機

旅牕小坐有憶

殘花綠繞撲征衣拂拂簷隅燕子飛新黍平疇連  
遠嶂澹雲高嶺入雙扉無心作賦追雄藻有客清  
譚試解圍尚想江南山水在可能追邈謝玄暉

安邑寓王氏園

深夏空林日正長新葭叢長色蒼蒼旬餘躑躅風  
塵倦晚去棲遲几席涼小圃樹搖濃綴露疎簾蝶  
撲暗生香祇緣憊極思憑眺不禁頻呼客裏觴

其二

落落蕪亭倚市開月明無伴自徘徊登臺漸覺黃  
埃滿照水還驚白鳥猜刁斗通城聲入夢鵲烏爭  
樹影侵苔天涯竚望空寥濶游子於今賦七哀

北征小直

卷十一

抵太原聞插會關入之報

漠漠平沙繞晉陽巍樓遙峙鬱蒼茫三春風雨迷  
南陌千尺波濤捲北梁獵狐自來誇薄伐犬羊今  
復報飛颺雲中早被傷殘盡中夜揮毫吊國殤

山居

長夏幽栖古澗邊幾回洗耳聽潺潺虛牕返照千  
峰入白日游絲百縷懸對客恥譚黃石訣閉關堪  
飄白雲篇武侯抱膝翻多事浪說夷吾足比肩

夜至沁水端氏村宿德勝寺

院宇重重映碧阿依稀雲外沸笙歌夜闌秉燭看  
碑碣庭敞張筵對薜蘿丹墀半殘遺像在風煙四  
塞繞陵多匆匆夜涉洪波濶中酒其如攬轡何

其二

寂寞孤城傍草莎嚴程此夕復跼蹉疎鐘早逐晨  
鷄度新雨偏隨夢蝶過樽酒餘生甘落魄煙霞幽  
興總沉病自憐浪跡乖初願清夜徬徨幾嘯歌

北征小車

卷十一

十一

同章別駕登長子縣城北高廟值驟風雨薄  
晚復晴次壁間韻

漳源風物擬蓬萊嘯侶同登夕望開風雨憑陵迷  
疊嶂煙雲舒卷逼崇臺城臨古陌長楊遶日欲銜  
山返照來異地不堪頻送目且憑高檻盡餘杯  
從寧武歸至汾陽驛值重九日適聞揅酋入

犯葭州

南還政值登高候百雉遙看古太原滄蕩高雲籠

遠岫蕭條煙樹拂平村白衣那送茱萸酒孤驛還  
疑鳥雀門忽報西隣烽火急犬戎萬騎已雲屯

贈賈生

滄波渺渺舊爲家潦倒長吟未足嗟亦有文詞推  
綺繡其如骨相自煙霞莫從朱邸彈長鋏好向蘆  
磯問釣槎想像故山偏寂寞幽人宅畔繞蒹葭

重九日宿南關驛

策馬長驅亂磧間片雲微月照重關崎嶇峻坂飛

北征小車

卷十一

十一

塵擁巖崖層峯翠色環重九乍逢欣對酒三秋多  
病厭看山郵亭耿耿都忘寐獨夜山空有鶴還

大柳道中

汗漫西歸莫問程滿堤殘葉自聲聲東看嶂嶺連  
雲峙南下波濤接地平石徑霜蹄愁路滑霞光月  
色映關明祇今柳所依然在歲歲攀持贈遠征

大江早渡

渺渺煙光隔岸封片帆將度尚從容鏡中疊浪搖

千樹天外浮雲隱數峯水國蒼葭連黛遠玄冬初  
旭落江重旬餘風物因寒改悵望津邊聽曉鐘

新安吳平倩寓右吳間招飲賦贈

歸來三徑擬張羅折柬今朝起宿痾修禱自來猶  
少長問奇翻許聽笙歌十年湖海詩名在頂沢漢  
臺意氣多想像黃山悲往事朔風吹鴈夕陽過  
吳平倩有見和之作疊韻爲答

冥鴻何事畏張羅僑寓吳門久臥病逸藻曾推  
北征小韋

卷十一

七

大雅畸人今更發高歌玄亭屬草黃塵遍良夜追  
懼白髮多屈指春明應折柳流光總是客中過

已巳除夕庚午元旦用二許子韻

寥落歸園又一春東風披拂柳枝新皇州久斷江  
南使胡騎猶飛塞北塵夢接五雲驚短漏交聯四  
海惜長貧年來無所憂危意小艇江干試角巾

其二

車書全盛萬方同想見鵷行屹曉風闌外長纓徒

有志書生前箸尚無功經旬汗馬憐沙骨何日還  
珠擬塞翁把酒盱衡歌澈曙翩翩起舞氣彌雄

送吳平倩西還

有客藏名珮泉芬晴原揮手屬芳春幾年羈紲雲  
山澗一棹西南震澤分黃嶺正堪舒獨嘯嚴灘聊  
復訪離羣匆匆云邁因將母何處依依是白雲

眺

寒食前三日將歸海上因阻雨玉峰率爾登

北征八重

卷十二

七

冒雨尋山翠色流霏霏村樹映芳洲辭家幾處逢  
寒食落魄經春只敝裘高岫半欹雲欲吐豐碑全  
剝蘚仍留年餘足蹇慙登陟况復重攀百尺樓

已巳十月奴從喜峰入口進薄都城次歲東  
犯盧龍時都門晝閉已三閱月矣

狡虜縱橫踐碣山經旬索戰未冒還南來驛使銅  
符急北望神州鉄騎環廟美十年稽掃穴夷氛今  
日轉窺關國讐未雪心逾壯碌碌林栖髯已斑

時余

未赴  
新任

七言排律

舟中獨坐

水國浮雲多遠思何當行色轉淒然長河似挾淮  
流迤東魯平連右壤寬闊引濁醪消永夕閒揮霜  
劍拂胡天遐追弱冠投繯日慨慕相如碎壁年漸  
入長安仙關近喜聞邊塞捷書傳窮年勞役憂無  
補薄宦身名摠不牽

北征小車

卷二十一

七言

西山晴雪

爽氣朝來映日暉層層餘雪繞幽磯瑤華重疊高  
還下瓊圃參差濕尚飛捲盡彤雲留縞素平鋪玉  
藥亂芳菲寒芒著嶺輝凝練皓質迎陽半欲瑞柳  
眼未舒先舞絮梅花無信却沾衣此中不乏王猷  
侶若箇山陰訪戴歸

暮春爲沈兒作

撲撲松梢鵲滿枝月明移照曲池湄吹簫秦女明

璫綴解舞蠻娘翠袖垂粉黛粧銷驚鏡晚環聲  
度竹垣低夢回寶簾香侵幄花暗芳亭酒泛卮瑤  
珮當年橫浦贈新詩今日瑣窗披多才宋子偏惆  
悵閒倚東牆聽子規

北征小草卷十二

東吳張泰階爰平甫著

五言絕句

青山

築室東山近嵐煙日久熏鳴蟬知吸露野叟解鋤雲

砧

秋簾空山靜砧聲徹曉殘夢孤客聽絕夢中

北征小草

卷十三

聞

茉莉花

水閣迎涼夜菲菲素藥開不隨朱槿豔常傍碧梧

裁

松

居然五大夫挺峙岡岑外盤石晝高眠悠悠發清

韻

艷歌

結綺非人境玲瓏百寶裝流光窗外照熒熒盛明

蟾

粗風

旅客悲留滯艤舟待晚風荒雲千里盡野水片帆

空

舞

颯颯風翔委蛇隨曲棹舞客一面新卮酒三回

鵲

北征小草

卷十三

洞簫

詎城絲中起清音仍舉雅樂樓今寂寂無復虎欄

吹

草

春色無遠近蒙長疊重茵萋萋迷陌路偏悶倚樓

人

岸

土色分青赭深崖隱高下茫茫滄江濱盡是將年

者

馬

宛馬從西來，騰蹏更追忽。爲思蒲旬根，鼓鬣馳月窟。

痛

北征五首

策馬向北征，抵昏復決旦。不知涼燠新，但見征衣換。

換

其二

北征小草

旅宿南山村，中宵被霜響。呼童起寒燭，脫視肌膚裂。

裂

其三

颶風雨夕，躑躅叩在門。漏屋覆缺突，疎燈坐黃昏。

昏

其四

入齊障遠，樹無復山侵。惟雪嘒蟲吟，切離離果實。

晉

其五

古楊園合抱，今見獨空。邇云是祖饒歲居人斲作薪。

薪

過滕

邇矣井田廢，村墟遍草萊。當時用名世，寧得有秦灰。

灰

魯府橋

巍巍白石橋，坦坦滋陽道。淡日黃沙照，長灘碧流。

北征小草

皓

樂平舊壘

大道直如矢，舊是將軍壘。展展動梢旌，轟轟關虎。

兕

過易水詠荊卿

慷慨別燕關，淒淒度易水。想見白衣冠，都送咸陽。

死

七言絕句

封書寄舊遊是日小病

臨風南眺倚長檐餐飯旬來尚未添好似休文偏減帶擬將情思寫霜縑

其二

題罷相思緘更開黃昏清坐自徘徊十年心事渾忘却無奈新愁共雨來

細柳營圖用扇頭韻

柳色參差塞北春旌旗遙擁似雲屯但聞老將宣北征北征小章卷十二

方畧誰顧飛龍煥紫綸

帆

片片飛來出碧空三春晴日棹迎風隨波飄瀾滄洲畔掛影參差夕照中

躋雲橋

古藤城畔架浮梁百八斜通左陌長野老橫舟依古渡征夫下馬繫殘楊

顧生遣妾

何事深閨有逐臣離絃初動翠眉顰琵琶塞上原啣淚統扇宮中不識春

關橋鎮公廨見紅芍藥

幽蘂繞砌自成行楚楚新姿雜短長誰謂北來風物改晚餘猶自闌紅粧

東

袁曹當日值瓜分青冀全資東餉軍聞說遼陽悲玉粒盍將飛輓代耕耘

北征小章

道聞援遼新卒皆逃

遼陽左腋衛燕雲守險還須虎豹羣征調頻年仍未集幾人唾手策奇勲

出塞曲

邊風吹磧日微曛義旗兩陣分塞上信加嚴斥埃漢家新失李將軍

其二

高牙並擢出皇都三錫師中號滅胡壯士睜眸振